

თამარ გოთუა, ალექსანდრე გოთუა

**თავბაღასავალი
ლეონ გოთუასი**

**გამომცემლობა „თარხანი“
თბილისი 1986**

„...ეიყუფი პატიმარი საკონცენტრაციო ბანაის, კორღელი, დანობრილი, გეარწაშლო, ვიჭეკი სხვადასხვა სახის „იზოლატორში“, რამდენჯერმე „სასიკვდილო საკანში“ ჩაბოჩილი. დაბურულ ციხეებს ხომ წუ ჩამოთვლით — თბილისის, მოსკოვის, სოლოვეკების, ნარომის, ბიისკის. ეტაპებით სად არ მათრიეს, სად ჯრ გადამაგდეს, სად არ მანწვალეს...

...ეფიქრობ ერთი ადამიანისთვის ეს ბევრზე ბევრია გადასატანად და დაუჭერებელიც. მაგრამ მწარე ფაქტია და სინამდვილე. განა მე მარტო ვარ ამისთანა? მილიონობით ხალხია გაწვევებულ-განადგურებული, ცოცხლად დამარხული, უფლებებოდ დარჩენილი, დაკნინებულ-დაჩაჩანაკებული“.

ლევან გოთუა

წერილები ბანაკიდან.

რ ე დ ა ქ ტ ო რ ი ს რ ლ ო მ ო ნ ხ უ ტ ი შ ვ ი ლ ი

გამომცემლობის რედაქტორი ნანა წიკლაური

© თამარ და ალექსანდრე გოთუები, 1995

წიგნაკმე

„ვერ ამხსნია, ვერ გამოვიდა:
სამშობლო იმიტომ მიყვარს ასე კა-
ლიან, რომ მისგან ასე შორსა ვარ, თუ
ასე შორსა ვარ იმიტომ, რომ სამშობ-
ლო ასე ძალიან მიყვარს?!“

ლ. გოთუას შორეული წერი-
ლებიდან.

არიან ადამიანები, რომელთა ცხოვრება ნათელი, წარუშ-
ლელი კვალია სამშობლოს სადიდებლად დატოვებული. ასეთი
გახლდათ მწერალი ლევან გოთუა. მან თავისი ცხოვრების ერ-
თი მესამედი — 66 წლიდან 22 წელი სამშობლოს მიღმა, ცხოვ-
რების ფსკერზე, პატიმრობაში, საკონცენტრაციო ბანაკებში,
კატორღასა და ეგრეთ წოდებულ გწვალეებულ თავისუფალ გა-
დასახლებაში გაატარა.

მიუხედავად მისი უსამართლოდ და უსასამართლოდ დევ-
ნისა, დასჯისა, წამებისა, რითაც ცდილობდნენ მის დაუძლუ-
რებას, დაბეჩავებას, სულიერად თუ ფიზიკურად განადგურე-
ბას, სიკვდილს თუ თვითმკვლელობაზე მიყვანას, ლევანმა
სიცოცხლის უკანასკნელ წუთამდე შეინარჩუნა ადამიანობა, არ
დაკარგა სულის სიფაქიზე და სიკეთის რწმენა, ფიზიკური და.
მორალური სიძლიერე, შრომისუნარიანობა, სამშობლოს უზა-
დო სიყვარული და ერისკაცობის ჭეშმარიტი, მამულიშვილუ-
რი გრძნობა.

ლევანის ბედი ბევრჯერ ბეწვზე ცვიდა და სრულიად შემ-
თხვევით გადაურჩა სასტიკ სასჯელს, დახვრეტას, სიკვდილს.
როგორი დასანანი იმ ურიცხვი მსხვერპლი, რომელიც ასე
უბედურად შეიწირა უსამართლო განაჩენს.

ლევანის ცხოვრებაც ადვილად შეიძლებოდა ლდროოდ დას-
რულებულიყო. ამის პირობა ყოველმხრივ შექმნილი იყო ხე-
ლოვნურად, მაგრამ მან პატიმრულ ღუხპირს გაუძლო, აიტა-
ნა და, როგორც თვითონ აღნიშნავდა, არასდროს მომავლის
რწმენა არ დაუკარგავს, ყოველთვის სიმართლის გამარჯვების
იმედი ასულდგმულელებდა. ბოროტებასთან ბრძოლით, სიმართ-
ლის გამარჯვებისა და სიკეთის რწმენით, საქართველოს მომავ-
ლის იმედით განვლო ლევანმა პატიმრის გამწარებული ყოფა
და გადასახლების ხანგრძლივი წლები, რასაც ადასტურებს მი-
სი ჩიტყვები: „მე და სამშობლოს მოღალატე? ეს კითხვა გერ
ამიხსნია. ჩემს შიშზე ყოფაში რამდენჯერ კალამი და აწერი გა-
დამიტყდა, ნაფიქრი და ნაწერი გადაიგლიჯა, გრძნობათა მწვერ-
ვლები დასამარდა, სრსებობის შუქი ჩამიქრა და ცხოვრება
ამოუვსებელ ღრმა შავ ორმოდ ამომეხასა. ვაგლახ, ჩვენ სამ-
შობლოსთვის სარც მკვდრებში და არც ცოცხლებში ვწერივართ.
ყოფილა რაღაც მესამე, დაუძლეველი ძალა, მესამე მდგომარ-
ეობა, მაგრამ, მიუხედავად დიდი წინააღმდეგობისა, არ დაგ-
ვიკარგავს და ჩვენც გაგვანია გვარიშვილური თავმოყვარეო-
ბა, შესაძლებელია — ცოცხლებსა და თავისუფლებზე მეტიც,
ჩვენ ხომ უღანაშაულო პატიმრები ვართ, მაშასადამე წამებუ-
ლები, სარც ზედმეტ ბარჯად ვგრძნობთ თავს მომავალი ჩვენი
სამშობლოსთვის. ჩვენ აქ ვშრომობთ უფრო მეტად, ვიდრე
მანდ — სათავისუფლოში... სამადლო პურს კი არ ვკამთ და
არც სამადლო ჩიბუხი გვინდა...

ამოვარდნილი ქარიშხალი ბოლოს და ბოლოს დაწყვეტს
მავთულხლართებს, შუქს მოზფენს ყოველივეს;

ჩემს კისერზე იმდენი ორომტრიალი ამოგორდა და გადაი-
ყარა, მჭერა ჩადმე ცისარტყელა დამხედავს.

თუ ისევ მომიხდა მესამედ ცხოვრების თავიდან დაწყება,
კიდევ მოვახერხებ ჩემს ერს მთელი გულით სიყვარული გადა-
ვუშალო და საქმით ერთგულება დავუმტკიცო; ვიდრე მე
ცოცხალი ვარ, მელოდეთ, უსათუოდ გამიმართლებს იმედი...”

ჩვენს ოქანში შემონახულია მრავალრიცხოვანი წერილი,
გამოგზავნილი „სალოვეციის მონასტრიდან“ (სოლოვეჯები), ნა-
რიმიდან და ცორკუტიდან, სადაც ლევანი გადასახლებაში იმ-
ყოფებოდა. მათში ასახულია ბანაკში ცხოვრების უკიდურესი
გაჭირვება, პატიმართა არაადამიანური ყოფა, მათი დამცირება

და განცდები. ჩვენ გადავწყვიტეთ ამ მასალის გამოყენებით, შეძლებისდაგვარად, საზოგადოებას და განსაკუთრებით ახალგაზრდობას გავაცნოთ მწერალ ლევან გოთუას ცხოვრების ეს მძიმე და მრავალთათვის უცნობი მონაკვეთი.

აქვე დიდი მადლობა გვინდა გადავუხადოთ ლევანისა და ჩვენი ოჯახის მეგობარს ბატონ სოლომონ ხუციშვილს დიდი გარჯისათვის — წიგნის კრედაქტორობისათვის; მადლობას ვუხდით აგრეთვე ლევანის ჩრდილოეთის ბანაკის ყველა მეგობარს და ახლობელს ჩვენთვის უანგარო დანხარების გაწევისა და თანადგომისათვის.

ლევანის და-ძმა — თამარ და ალექსანდრე გოთუები.

მასალა აღებულია საოჯახო არქივიდან. გამოყენებულია, აგრეთვე, აწ განსვენებული დების თინა და მზია გოთუების ჩანაწერები და ნაამბობი.

პირველი ნაწილი

ლევან გოთუა დაიბადა 1905 წლის 10 მარტს ქალაქ თბილისში, საზოგადო მოღვაწისა და პუბლიცისტის ოჯახში. სანამ ლევანის ბავშვობაზე მოგითხრობდეთ, გვინდა რამდენიმე ცნობა მოგაწოდოთ ჩვენს ოჯახზე:

მამა, პართენ ალექსანდრეს ძე გოთუა, დაიბადა საქართველოს ერთ-ერთი უმშვენიერესი კუთხის — გურიის სოფელ ძიმიტში 1873 წელს, წარჩინებულ ოჯახში. მამამისი, ალექსანდრე გოთუა, საშუალო განათლების მქონე, აზოვანი, წარმოსადეგი კაცი იყო, გამოირჩეოდა ენაბეხვილობით, სტუმარმასპინძლობით, ვაჟკაცობაა და გამბედაობით. ოსმალეთთან ბრძოლაში მონაწილეობისა და სინამსცილსათვის მიღებული ჰქონდა გიორგის ჯვარი და მედლები.

ალექსანდრეს ძიმიტში საკმაოდ დიდი მამული ჰქონდა, დაწყებული მთის კორტოხიდან, გათაკებული შდინარე სუფსის ნაპირებით. ახლა იქ კოლმეურნეობის ჭალებია, მაგრამ გოთუების მერიას სახელწოდება მაინც შეინორჩა.

ტყიანი მთის წვერზე კოხტად შემოსკუპული წაბლის ხის ორსართულიანი ოდა ჰქონდა, გარშემორტყმული ხეხილით, დაბურული ბაღი-ბაღებით, ხეხილზე ასული „ადესით“, რომელიც დიდ მარანს ავსებდა და მადლიანი ღვინოც იწურებოდა. გარშემო ყველაფერი მოვლილი და კარგად გაშენებული იყო, თუმცა დიდი ოჯახი მატერიალურ ხელმოკლეობას მაინც განიცდიდა.

ალექსანდრეს მეუღლე გახლდათ დიდგვაროვანი ქალი — მარინე ერისთავი რაჭა-ლეჩხუმიდან. მათ ჰყავდათ 5 შვილი: 3 ვაჟი და 2 ქალი. შვილების სულიერ და პიროვნულ ჩამოყალიბებაში განსაკუთრებული ღვაწლი დედას მიუძღოდა. მან შვილებს ბავშვობიდანვე ჩაუნერგა შრომის, წიგნის და პოე-

ზიის სიყვარული. სამწუხაროდ, ის გურიაში მამინ ბეტად გავ-
რცელებულმა ლეწმა — მალარიამ იმსხვერპლა.

ბაბუამ მეორე ცოლი შეირთო, განათლებული, კეთილი და
გულწმინდური ქალი — გოგოლა ყორდანი (ნოე ყორდანის
ბიძაშვილი). მან ღირსეული დედობა გაუწია გერებს.

მამაჩენი ადრე წამოვიდა სოფლიდან და სწავლა-განათლე-
ბის გზას გაჰყვა. მან საშუალო განათლება მიიღო ჯერ ოზურ-
გეთის სამოქალაქო სასწავლებელში, შემდეგ ქუთაისის სათა-
ვადანაურო გიმნაზიაში. მას, როგორც ნიჭიერ მოწაფეს,
უძღვლესი განათლების მისაღებად გამოუყვეს კავკასიის სტი-
პენდია, გაგზავნეს რუსეთში და ჩარიცხეს ოდესის უნივერსი-
ტეტის ისტორია-ფილოლოგიის ფაკულტეტზე.

მწერლობასა და ჟურნალისტკაში პართენ გოთუამ ჯერ
კიდევ გიმნაზიის პერიოდში მოსინჯა ბედი. თანამშრომლობდა
გაზეთ „ივერიასა“ და „მწყემსში“, სადაც ბეჭდავდა პატარ-
პატარა ლექსებს, მერე კი აქტიურ ლიტერატურულ მოღვაწეო-
ბაში ჩაება: გამოაქვეყნა მოთხრობები და თარგმანები ჟურნალ
„კვალსა“ და „ჭეჭილში“.

1897 წელს პ. გოთუამ უნივერსიტეტი წარჩინებით დაამ-
თავრა. მისი სადიპლომო ნაშრომი „Дворянские наказания во
Франции“ დაჭილდოვდა პირველი ხარისხის დიპლომითა და
ოქროს მედლით. უნივერსიტეტის დირექციამ შესთავაზა კა-
თედრაზე დაჩინება და ცოდნის გაღრმავება, მაგრამ კავკასიის
სტიპენდიანტი რუსეთში აღარ დატოვეს და სამუშაოდ ქ. ვლა-
დიკავკაზში გაანაწილეს. იქ ასწავლიდა ისტორიას, გეოგრაფი-
ას, პედაგოგიკასა და მეთოდოლოგიას. პედაგოგიური მოღვაწეობის
პარალელურად ვლადიკავკაზში მან გამოაქვეყნა სხვადასხვა
ხასიათის პუბლიცისტური წერილები.

ცოდნის გასაღრმავებლად მამამ იმოგზაურა ავსტრია-უნგ-
რეთში, შვეიცარიაში და საფრანგეთში (პარიზში), სადაც ოთხი
თვე იმუშავა ლუვრის საპარლამენტო არქივში.

ქ. ვლადიკავკაზში მუშაობის დროს ის აქტიურად იღვწოდა
ქართული განათლებისა და კულტურული ცხოვრების განვითარ-
ებისათვის. მისი თაოსნობით გაფართოვდა ქართული სკოლის
შენობა, აშენდა სათეატრო დარბაზი, ბაღი, შეიქმნა ქართველ
მსახიობთა დასი და მომღერალთა გუნდი და სხვ.

1902—1903 წლებში მამა გადმოვიდა საქართველად. თბილ-

ლისში და დაოჯახდა. ნაყოფიერად მოღვაწეობდა ბექდვითი სიტყვის დარგში. შემდეგ თვითონ დააარსა გაზეთი „ვოზროჲ-დენიე“ და საკმარისად დიდ ხანს რედაქტორობდა. ეს იყო რუსულად გამოცემული ქართული ორიენტაციის პროგრესული გაზეთი, რომელსაც იმ დროისათვის დიდი პოლიტიკური და საზოგადოებრივი მნიშვნელობა ჰქონდა. გაზეთი საქართველოში მცხოვრებ სხვა ეროვნების ხალხს აცნობდა ქართველი ერის მსოფლმხედველობასა და მისწრაფებას თავისუფლებისაკენ. აქტიურად ეწინააღმდეგებოდა მეფის მთავრობის პოლიტიკას საქართველოში. ამიტომაც გაზეთის რედაქცია მრავალჯერ დაიხურა და მამა რამდენჯერმე იყო დაპატიმრებული, იჭრდა ქუთაისის და მეტეხის ციხეებში, ორჯერ დახვრეტასაც რაღაც სასწაულით გადაურჩა.

გაზეთს სასტიკად სიღვენიდა ალიხანოვის რაზმი, რისთვისაც „ვოზროჲდენიემ“ ბევრჯერ გამოიცვალა სახელწოდება: „ზაკავკაზიე“, „ვესტნიკ ვოზროჲდენია“, „პროგრეს“, „ტიფლის“, „ნოვია რეჩ“, „ნოვოსტი ზაკავკაზია“, „ზნანიე“, „ობნოვლენიე“ და სხვ. რედაქტორსაც ხშირად უხდებოდა სხვადასხვა ფსევდონიმის მოგონება: „აკორდი“, „ტონი“, „ფრიდონი“, „პროშეთეოსი“, „იუნიუსი“ და სხვ, ზოგჯერ ციხიდანაც კი რედაქტორობდა გაზეთს.

1907 წელს მამა ქალაქის საბჭოს ე. წ. ხმოსნად აირჩიეს, სადაც 14 წლის განმავლობაში ბევრი სასიკეთო საქმე წამოიწყო და განახორციელა კიდევ. აქტიურად ჩაება თბილისის პოლიტექნიკური სასწავლებლის შექმნისა და აშენების საქმეში, 1913 წელს წიგნიც გამოსცა ამ თემაზე. მამა ნაყოფიერ ლიტერატურულ მოღვაწეობას ეწეოდა. დაწერილი ჰქონდა რამდენიმე დრამა და გამოსცა მოთხრობების კრებული გურიის ცხოვრებიდან.

შემდგომში პ. გოთუამ საფუძვლიანად შეისწავლა ფინანსურ-ეკონომიური დარგი და დიდი მონაწილეობა მიიღო თბილისში ცენტრალური და საქალაქო ბანკის ჩამოყალიბებაში. მოგვიანებით თვითონვე ჩაუდგა სათავეში. მის კალამს ეკუთვნის მრავალი ნაშრომი საქართველოს ეკონომიკის განვითარების დარგში.

მამა არჩეული იყო საურთიერო ბანკის გამგეობის თავმჯდომარედ. იყო აქტიური წევრი საქართველოში წერა-კითხ-

ვის გამაფრცველებელი საზოგადოების და მრავალი სხვა, საქართველოსთვის საკეთილდღეო საქმისა.

ცხოვრების უკანასკნელ დღემდე მუშაობდა „სმ-ესში“ ეკონომისტ-ფინანსისტად, მამულიშვილურ ზრუნვას იჩენდა საქართველოს მრეწველობისა და სოფლის მეურნეობის განვითარებისათვის, აქტიურად ებრძოდა საქართველოს საწარმოთა მასობრივად დაფანტვას, რისთვისაც ბევრი მოწინააღმდეგე ჰყავდა.

მამას პოლიტიკური მრწამსი ყოველთვის ეროვნულ-დემოკრატიული მიმართულება იყო და, როგორც ამ პარტიის ერთ-ერთი აქტიური წევრი, ძალ-ღონეს არ იშურებდა დამოუკიდებელი დემოკრატიული საქართველოს საკეთილდღეოდ. სამწუხაროდ, მისი სიცოცხლე ტრაგიკულად დასრულდა 63 წლის ასაკში, 1936 წელს.

გოთუების ოჯახში შემონახული არქივი მოწმობს პართენ გოთუას პედაგოგიური, პუბლიცისტური, ლიტერატურული, ეკონომიკური, ფინანსური და საზოგადოებრივი მოღვაწეობის ფართო ასპარეზს. მასთან თანამშრომლობდნენ და მეგობრობდნენ ჩვენი ქვეყნის გამოჩენილი ადამიანები: ლ. ბოცვაძე, გ. ნათაძე, ი. გოგუბაშვილი, ა. წერეთელი, ი. იმედაშვილი, ე. თაყაიშვილი, ა. მდივანი, ა. ყანჩელი, ნ. გაბუნია-ცაგარელი, ს. მგელაძე, ივ. გომართელი, გ. ლასხიშვილი, დ. შიქელაძე, შ. ამირეჯიბი, კ. გეგელია, შ. ჩიტაძე, ს. კანდელაკი, ს. იაშვილი, ა. ქუთათელაძე, ვ. ლოლუა, ა. თავდგირიძე, თ. სახოკია და ბევრი სხვა.

ნიკო და იაკობ ნიკოლაძეები მისი უახლოესი მეგობრები იყვნენ. გარდა სულიერი კავშირისა, ისინი ახლო ნათესაეებიც იყვნენ.

მამას შესახებ ბატონი იოსებ იმედაშვილი აღნიშნავდა, რომ პართენ გოთუა, როგორც პიროვნება, ადამიანი და მოქალაქე საუკეთესოა. ის ყოველი ჩაგრულის გულშემმატკივარია, უსამართლოდ დევნილის მოსარჩლე, სანშობლო ქვეყნის ფხიზელი და ერთგული დარაჯი. იგი არ ეკუთვნის იმ ინტელიგენტთა ჯგუფს, რომელთა სიტყვა და საქმე ერთიმეორეს ეწინააღმდეგება. ამ მხრივ ის საყოველთაოდ ცნობილია: რასაც წერს, საქმითაც მას ემსახურება და ამიტომაც, ქართული საზოგადოება მას ყოველთვის ანგარიშს უწევს და პატივს სცემს.

დღედა, სოფიო გრიგოლს ასულ კემულარია, საშუალო ტანის მოხდენილი ქალი იყო, ფუფუნებაში გაზრდილი. უყვარდა კარგი ჩაცმადახურვა და სტუმარმასპინძლობა. ამას ხელს უწყობდა მათი შეძლებული ოჯახი ქუთაისში.

ბაბუა — გრიგოლ კემულარია დაიბადა სენაკში, წარჩინებულ ოჯახში. ბავშვობაში სწავლა-განათლების ნიჭი გამოუჩინა და 15 წლისა სენაკიდან ქუთაისში გაქცეულა და იქ განთქმულ ვაჭართან დაუწყია მუშაობა. შემდგომში მას ისე წარმატებით წარუმატავეს სწავლა-განათლების საქმე, რომ თვითონ დაუწყია დამოუკიდებელი საქმიანობა. საბოლოოდ კი საქართველოში განთქმული გილდია: ვაჭარი გამხდარა და ქარვასლაც გაუხსნია. ყველაფერ ამას ემატებოდა მისი წარმოსადეგი გარეგნობაც: ძალიან მიმზიდველი და კეთილი სახის კაცი იყო, კარგი მომღერალი და გიტარაზე დამკვრელი. დიდი ნიჭი გამოიჩინა უცხო ენებს შესწავლაში.

სავაჭრო კარიერის დასაწყისში ჯერ რუსეთის განთქმულ ვაჭრებს დაუახლოვდა, შემდეგ კი საზღვარგარეთთან გააბ, კავშირი. ქუთაისში ვარშავიდან, ვენიდან, ბერლინიდან და პარიზიდან შემოაქონდა საქონელი. თავისი რუსულ-ფრანგულ-გერმანული ენის ცოდნით გაითქვა სახელი.

საფრანგეთში ბევრი მეგობარი გაიჩინა, ბევრი საინტერესო თავგადასავალიც გადახდა. მაგალითად, 1871 წელს, საფრანგეთში ყოფნის დროს, ნიკო ნიკოლაძესთან ერთად, პარიზის კომუნის ბარიკადებზეც მოუხდა ყოფნა. ნიკო ნიკოლაძის სარეკომენდაციო წერილით გრიგოლ კემულარიამ საფრანგეთის ეროვნული გმირი — გამბეტა გაიცნო და მათ შორის კეთილმოსურნე ურთიერთობაც დამყარდა.

ბაბუა გრიგოლი მეტად კეთილი, ქველმოქმედი კაცი იყო. სწავლამოწყურებულ ხელმოკლე ახალგაზრდებს უნიშნავდა სტიპენდიებს საზღვარგარეთ განათლების მისაღებად.

ჩვენი ბებია ნინო მდიდარი, განათლებული, მრავალშვილიანი ივანე ნიკოლაძის ოჯახიდან გახლდათ. იმჯერად ნიკოლაძეების გვარიდან ქუთაისის საზოგადოებაში განსაკუთრებით გამოირჩეოდნენ ბებიაჩემის ძმა იაკობ ნიკოლაძე, განთქმული სკულპტორი, როდენის ღირსეული მოწაფე და ბიძაშვილი ნიკო ნიკოლაძე, პუბლიცისტი, დიდად საქმიანი და განათლებული კაცი. ნიკოლაძეების ოჯახს აგრეთვე ესახელებოდა ბებიას

დისშვილი — კაკი წერეთელი, რომელიც დამოუკიდებელი საქართველოს მთავრობის წევრი იყო.

ნინო ბეზია თავმდაბალი, კეთილი, განათლებული და საუკეთესო მეოჯახე ქალი გახლდათ. გოთუების ოჯახს შემორჩა მის მიერ შედგენილი საოჯახო წიგნი, სადაც მოცემულია სხვადასხვა ბალახიდან წამლების დამზადებამ, ქართული კერძების მომზადების წესები და ცნობები სურნელოვანი სანელებლების და ხელსაქმის შესახებ.

ქუთაისის საზოგადოება გრიგოლ კემულარიასა და ნინო ნიკოლაძის ოჯახს დიდ პატივს სცემდა. მათთან ხშირად იკრიბებოდნენ იმდროინდელი ინტელიგენციის წარმომადგენლები, საზოგადო მოღვაწეები, მწერლები, ესახიობები, რუსეთიდან და საზღვარგარეთიდან ჩამოსული სტუმრები.

გრიგოლს და ნინოს სამი შვილი ჰყავდათ: ანეტა, სოფიო და იოსები. ისინი დიდი გულისყურით ეპყრობოდნენ ბავშვების სწავლა-განათლებას საქმეს. კემულარიებს ოჯახი ხშირად მოგზაურობდა საზღვარგარეთ. პარიზში ყოფნის დროს ეიფელის კოშკის გახსნაში მიიღეს მონაწილეობა.

იოსებ ბიძიამ ლამაზი, განათლებული ფრანგი ქალი — მარგარიტა ერენლოპი შეირთო. 1920 წელს ისინი ქუთაისიდან ჰაცხოვრებლად თბილისში გადმოვიდნენ და დასახლდნენ, დიდი გემოვნებით, ლამაზად და მღაღრულად კეთილმოაწყვეს თავისი ბინა.

1921 წელს საბჭოთა რუსეთის მიერ საქართველოს ანექსიასთან დაკავშირებით ეს ოჯახი სხვა ქართველ საზოგადოებასთან ერთად იძულებული გახდა ემიგრაციაში საფრანგეთში წასულიყო. მათ ბინასა და ქონებას — ჩეკისტები დაეუფლნენ. იოსებ ბიძია საფრანგეთს კარგად იცნობდა. მან პარიზში მიიღო უმაღლესი განათლება, დამთავრებული ჰქონდა უმაღლესი ეკონომიკურ-პოლიტიკური სკოლა, ამიტომაც ეგონა, რომ იქ ცხოვრება არ გაუჭირდებოდა, სამსახურსაც ადვილად იშოვდა, მაგრამ დასაწყისში, ეროვნების გამო დიდი წინააღმდეგობები შეხვდა. მოუხერხებელ გაჭირვებისა, მას თავისი რწმენისათვის არ უღალატია. სულ იმას ამბობდა: „ადამიანი რა ეროვნებითაც იბადება, იმად უნდა მოკვდესო“. თავისი ალალი შრომითა და ნიჭით საფრანგეთში კარგი სახელი მოიხვეჭა და გარკვეულ მდგომარეობასაც მიაღწია.

იოსებ კემულარია, ძვევე როგორც სხვა ქართველი ემიგრანტები, სამშობლოსთან განშორებას მძიმედ განიცდიდა. პირველ ხანებში არ კარგავდა საქართველოში დაბრუნების იმედს, მაგრამ შემდგომში ეს ნატვრა უიმედო ოცნებაში გადავიდა. საქართველოში ბოლშევიკებისა და „ჩეკას“ დიქტატურის დამკვიდრებამ მძიმე ცხოვრებისეული ტრაგედია დაატრიალა — დაიწყო საშინელი რეპრესიები, მასიური დახვრეტა, შორეთში გადასახლება, ოჯახების აწიოკება. სწორედ ამან მოაფიქრებინა იოსებ კემულარიას, ბატონ ზურაბიშვილთან და ბატონ დედეშელიანთან ერთად, პარიზში ქართველი ემიგრანტებისათვის წმინდა ნინოს ეკლესიის დაარსება.

ნოსტალგია თანდათან ღრმავდებოდა, სადღაც, გულში სიღრმეში, საქართველოში დაბრუნების იმედის ნაპერწკალი არ ქრებოდა. სწორედ ამიტომ იოსებ კემულარია დიდი გემოს აშენებდა ფიქრობდა, რომელზედაც პარიზში განავენებული ქართველი ემიგრანტების ნეშტს მოათავსებდა, რათა ოდესმე თავისუფალ საქართველოში სამშობლოს მიღმა გარდაცვლილი ბედუკულმართი პატრიოტები ერთად ჩამოესვენებინა და მათი ოცნება აესრულებინა — გადაკარგული შვილების ძვლები ქართული მიწისათვის მიებარებინა.

სამწუხაროდ, იოსებ ბიძიას ოცნება ოცნებად დარჩა და ასე, სამშობლოს მიღმა ჩაიფერფლა საქართველოსათვის მჩქეფარე ქართული გული. ის დასაფლავებულია სოფელ ლევილის სასაფლაოზე, ნუგეზად მის საფლავს შობლიური საქართველოდან ჩატანილი მიწა აქვს დაყრილი. სადღესოდ ცოცხალი რომ ყოფილიყო, როგორ გაახარებდა საქართველოში ეროვნული მოძრაობის არნახული აღმავლობა.

ბიძია იოსების ერთადერთი ვაჟი, დიდად განსწავლული და ნიჭიერი, მსოფლიოში ცნობილი დიპლომატი და ფინანსისტი კლოდ დე კემულარია საფრანგეთში სახელმწიფო აპარატში სხვადასხვა საპასუხისმგებლო თანამდებობაზე მუშაობდა, დიპლომატიურ ასპარეზზე დიდ წარმატებებს შიადწია, სხვადასხვა ქვეყანაში საფრანგეთის ელჩობის შემდეგ, წლების მანძილზე გაერთიანებული ერების ორგანიზაციის უსაფრთხოების სამსახურში მუდმივი წევრი გახდა, საფრანგეთის რესპუბლიკიდან. ამჟამად კლოდ დე კემულარია ბანკირობას უფარდებს საფრანგე-

თის პრეზიდენტის ბატონ მიტერანის დიპლომატიური მრჩევლის საქმიანობას.

დედაჩვევმა, სოფიო კემულარიამ, ქუთაისის გიმნაზიის დამთავრების შემდეგ მოსკოვის ბესტუჟევის ორწლიანი რუსული ენა და ლიტერატურის პედაგოგიური კურსები დაამთავრა. საკმაოდ განათლებული ქალი გახლდათ. კარგად უკრავდა ფორტეპიანოზე და მღეროდა გიტარაზე, გარდა ქართულისა — ფრანგული და რუსული ენები იცოდა კარგად.

ხასიათებით დედა და მამა ერთმანეთს აესებდნენ. მამა — წარმოსადგეი 'ტანის, ქერათმიანი, ცისფერთვალება, წვერულვაშით შემკული, ურთიერთობაში დინჯი, ჩუმი, უწყინარი, მეტისმეტად კეთილი და ქველმოქმედი იყო. თავისი ხელფასიდან ყოველთვის გადადებული ჰქონდა ფული ღარიბი სტუდენტებისათვის, წლების მანძილზე ინახავდა მათ და სტიპენდიის სახით უგზავნიდა.

ყველაფერში უყვარდა წესიერება. ახალგაზრდასთან თუ მოხუცთან იყო თანაბრად თავაზიანი და მათი ჭირ-ვარამის გამზიარებელი, საქციელით ყველასაოვეს სამაგალითო. ხშირად იტყოდა: ყველას თავისი სახე, აზრი და გონივრული ქცევა უნდა ჰქონდესო და ამ ქარგაზე ზრდიდა შვილებს. არც ერთ შვილს არ ახსოვს მამის წონასწორობიდან გამოსვლა ან ზედმეტად დაყვავება, მაგრამ ბავშვები მეტად მორიდებული ვიყავით მასთან. ის ჩვენი ოჯახის უმაღლესი ხელისუფალი იყო და მის სიტყვას ჩვენთვის კანონის ძალა ჰქონდა.

როგორც თვითონ ხშირად იტყოდა, მოწაფეობა და სტუდენტობა მეტად გაჭირვებული და მძიმე ჰქონდაო, მინდა ამ მხრივ ჩემს შვილებს უკეთესი პირობები შევუქმნაო. საოცრად საამო ხმა ჰქონდა, ტბილი მოსაუბრე იყო, ხალისიანი სიცილი იცოდა. ამ მხრივ მას შვილებიდან ლევანი ჰგავდა.

მამა ფუფუნებას არ ეტანებოდა და არც შვილებს ანებიერებდა ზედმეტად. თავიდანვე ბავშვებს უნერგავდა ცოდნისა და შრომის სიყვარულს, პატიოსნებას და სიკეთის რწმენას. არ გვანებიერებდა ზედმეტი ჩაცმულობით, უცხო საკვებით თუ ფუფუნებით. იცოდა თქმა: მოწაფეს — მოწაფური, სტუდენტს — სტუდენტური, შემდეგ კი თავისი შრომით და გარჯით შექმნილი, როგორც უნდათ, ისე გამოიყენონო.

- დედას უფრო სხვა ხასიათი ჰქონდა და გარეგნულადაც

განსხვავდებოდა. საშუალო ტანის, კოხტა, ლამაზი ქალი იყო. მისი შავი თვალები თეთრ პირისასხეს აშშვენებდა, სწრაფი და სხარტი პასუხი იცოდა. უყვარდა კარგი საზოგადოება და მათი პატივისცემა. ყოველ შაბათს თითო საათით კლუბში ეტლით წასულა დიდ სიამოვნებას ჰგვირდა. ძალზე ყოჩალი ქალი იყო, ყველაფერს ასწრებდა.

9 შვილი გააჩინა, ყველას ძუძუ თვითონ აწოვა, არც ერთი ბავშვი აკვანში არ ჩაუწვენიდა, ბავშვს ვერ გავთოყავო; არასდროს უმუშავია, ბავშვების აღზრდას ხელს ვერ დავაკლებო.

მარტო მამაჩემი იდგა სახელმწიფო სამსახურში, მარტო ის იყო ფულის შემომტანი, ამიტომ ზოგჯერ მრავალრიცხოვან ოჯახში ხელმოკლეობაც იგრძნობოდა, თუმცა არ გვახსოვს, რომ რაიმე აუცილებელი დაგვკლებოდა. ხშირად გულდაწყვეტილი დედა ეტყოდა მამას: როგორ გართულდა ცხოვრება, მე კი ოჯახის რჩენაში ვერ გეხმარები, არ ვმუშაობ, გადავყევი ბავშვებსო. მამა ანუგეშებდა: ბავშვების სწორი აღზრდა სამშობლოს წინაშე ყველაზე უფრო დიდი და კეთილშობილური მოვალეობააო.

ოჯახს 9 შვილი ჰყავდა, ჯერ 4 ვაჟი და ერთი ქალი მიეცათ: არჩილი, ლევანი, სანდრო, შალიკო, თინა. შალიკო ადრე გარდაიცვალა. მერე ოჯახს ორი ქალიშვილი შეემატა, ისინიც სულ პატარები დაიღუპნენ და ბოლოს, 10 წლის შემდეგ, კიდევ 2 ქალიშვილი — თამარი და მზია გაუჩნდათ.

გოთუების დიდი ოჯახი მარტო თავისი შვილების აღზრდით არ კმაყოფილდებოდა. ჩვენთან ცხოვრობდნენ დედაჩვენის მამიდაშვილი ლუბა კემულარია, შემდგომში კემულარია-ნათაძე, დიდად განსწავლული და განათლებული ქალი, ბოტანიკის პროფესორი; მამაჩვენის ქვრივი დის — ნადია ჭყონიას მრავალშვილიანი ოჯახიდან — გრიშა, დავითი და მარო. დანარჩენმა მამიდაშვილებმა ნიკოლოზმა, ფაცია, გოგუცამ, თამარმა და საშურამ თვითონ გაიკაფეს ცხოვრების გზა, საუკეთესო სპეციალისტები გახდნენ და ბევრი სასიკეთო საქმე გააკეთეს სამშობლოსათვის (ფაცია 1937 წლის უსამართლო რეპრესიებს შეეწირა).

პართენ გოთუას მადლი, სიტბო და დახმარება ყოველთვის სწვდებოდა სხვა ნათესავებსაც. გრიშა და დათიკო ჩვენს ბიჭებზე უფროსები იყვნენ, მაგრამ ჰაინც ძალიან მეგობრობდნენ. მარო კი მათი თანატოლი იყო და ხშირად მესაიდუმლედაც ჰყავ-

დათ. ოჯახში 'მარო უფროსი' დის მოვალეობასაც. ასრულებდა — უმცროსებს თავს გვევლებოდა და გვანებიერებდა. მარო გამჭირახი, გონიერი და ლამაზი გოგონა იყო, მეტად ნიჭიერი და შპრომელი. ჩვენს მშობლებს ეს განსაკუთრებით უყვარდათ, სულ სამაგალითოდ ჰყავდათ. ხშირად იმასაც იტყოდნენ, ჩვენი გოგონები მაროს რომ დაემსგავსონ, ბედნიერება იქნებაო.

ჩვენს ოჯახში ყოველ ხუთშაბათს იმართებოდა მეგობრულად თავყრილობა. სტუმრად მოდიოდნენ ოჯახის მეგობრები, ნათესავები, მამაჩვენის თანამშრომლები, ახალბედა მწერლები და სხვა საინტერესო ადამიანები. ისინი ერთ ჭიქა ჩაის მიუხსნებოდნენ მრავალ მაგიდასთან და მსჯელობდნენ იმდროინდელი საქართველოს საჭიროებოთა საკითხებზე, პოლიტიკაზე, მწერლები კითხულობდნენ თავის პირველ ნაწარმოებებს. და სხვ.

ჩვენი მშობლები ყოველნაირად ცდილობდნენ საუკეთესო აღზრდა-განათლება მიეცათ შვილებისათვის. სკოლის გარეშე გვასწავლიდნენ უცხო ენებს, მუსიკას, ტეკვას. დედა საათობით იჯდა ფორტეპიანოსთან და დაკვრაში გვაგვარჯიშებდა. ლევანსა და ჯანდროს ვიოლინოზე დაკვრას შამას მეგობარი, კომპოზიტორი ა. ყარაშვილი ასწავლიდა. აკომპანემენტს კი დედა ასრულებდა, რასაც დიდი გულისყურითა და მონდომებით ეკიდებოდა. ხშირად იტყოდა, ჩემს შვილებს მინდა... მუსიკის და ხელოვნების სიყვარული ჩავუწერგო, ეს მათ ხასიათს უფრო გააკეთილშობილებსო.

მამა სულ იმას ეუბნებოდა, ბავშვებს ნურათერს დაუშლი ყვირილით, შენიშვნა ტკბილად მიეცი, არც ერთი ბავშვი სიყვარულში არ გამოარჩიო, გულის სითბო ყველას თანაბრად გაუწიე. მანც შეიმჩნეოდა დედაჩვენის უაღრესად დიდი სიყვარული პირველი შვილის — არჩილის მიმართ. თვითონ არჩილი იმსახურებდა ამას, ყველააგან გამოირჩეოდა თავისი განსაკუთრებული ნიჭით, ნათელი გონებით, სწავლით თუ გარეგნობით.

ყველა ბავშვი, გარდა სწავლისა, სახლშიც დასაქმებულად ვიყავით საოჯახო საქმეებით. უფროებს — არჩილს და ლევანს რიგრიგობით უხდებოდათ პურის ყიდვა, სუფრის გაშლა და თავისი სათამაშოების მოვლა-პატრონობა. ვალდებული ვიყავით თვითონ ჩაგვეცვა და ლოგინი აგველაგებინა. გარდა ამისა უფ-

როსები პატარებს უნდა დაგვხმარებოდნენ ჩაცმა-დახურვაში. უფროსი ბიჭებო სწავლის შემოწმება მამას ეკისრებოდა. ბიჭები, განსაკუთრებით კი არჩილი, ძალიან კეთილსინდისიერად მეცადინეობდნენ. არჩილი ყველას ეხმარებოდა, მარტო ჩვენებს კი არა, თავის თანატოლებს და სკოლის ამხანაგებსაც. განსაკუთრებით ეხერხებოდა ენების სწავლა. შეეძლო ქართული ტექსტი პირდაპირ რუსულად ეთარგმნა ან რუსული ტექსტი გერმანულად წაეკითხა. ეს კი ყველას აოცებდა. ბიჭებმა კარგად იცოდნენ ფრანგულიც.

წლოვანების მიხედვით არჩილსა და ლევანს შორის სულ 2 წლით იყო განსხვავება, აღნაგობით კი ორივენი მოსული, ბრგე, თითქმის ერთნაირები იყვნენ. სილამაზით არჩილი საერთოდ გამოირჩეოდა ჩვენი ოჯახის ყველა ბავშვისგან: სწორი ნაკეთები ჰქონდა, დიდი, ლამაზი, შავი, გონიერი თვალები და რომაული ცხვირი. სახეს ულამაზებდა სიფეხმკრთაღე. ხასიათით დინჯი იყო, მზაზროვნე.

ლევანს ხუჭუჭა, შავი თმა, მრგვალი პირისახე და მახვილი ნაკეთები ჰქონდა. ჭრელი, ლამაზი, ყოველთვის გაბრწყინებული თვალები ამშვენებდა. ღონე ერჩოდა, სიკეციტით, ხუმრობით და ენამახვილობით გამოირჩეოდა. ყოველთვის თამაშის მომგონი და მოთავე იყო, ჭიდაობაში ყველას ერეოდა. ამბის საუცხოოდ მოყოლა იცოდა. ბავშვებს ძალიან უყვარდათ მისი ფანტასტიკური ამბების თუ ზღაპრების მოსმენა. რასაც ყვებოდა, რასაც იგონებდა, ყველაფერი ძალიან საინტერესო და სასიამოვნო იყო და ბავშვები პირდაღებული ვუსმენდით. ნანახს, გაგონილს ისე შეთხზავდა, გადააკეთებდა და გვიამბობდა, ხან გვატირებდა და ხან გვაციინებდა.

ხასიათით კი უფროსი ბიჭები ერთმანეთისაგან განსხვავდებოდნენ. არჩილი მეტად დინჯი, წყნარი, ნიჭიერი და გონიერი იყო. ადრე შეისწავლა წერა-კითხვა — გატაცებული იყო წიგნების კითხვით. ის სასწავლებლად ადრე მიიყვანეს ვაჟთა პირველ გიმნაზიაში. იქ ყველა ბავშვისაგან გამოირჩეოდა და მალე სკოლის პირველ მოწაფედ აღიარეს. არჩილი ყველას სიყვარულს იმსახურებდა. გატაცებული იყო გეოგრაფიით და მსოფლიო ლიტერატურით.

ლევანი ცელქი, ჩქარი და დაუდგრომელი ბიჭი იყო. ადრე მომწიფდა, ნიჭიერი და გონებაგახსნილი, ყველაფერში მოთავე

გახლდათ. მშობლები და მის გარშემო მყოფნი მისი მეხსიერებით ამაცობდნენ. საკმარისი იყო რამე წაეკითხა ან გაეგონა, აღარ ავიწყდებოდა. ყველას უკვირდა — ამდენი ძველი თუ ახალი ამბავი ამ პატარა თავში როგორ ეტევა და თანაც სამუდამოდ რჩებაო.

ლევანი კომერციულ სასწავლებელში მიაბარეს, მაგრამ მეცადინეობით თავს მაინცდამაინც არ იწუხებდა. დავალება კი ყოველთვის კარგად იცოდა და უჩაღლეს შეფასებასაც იმსახურებდა. ესეც ალბათ მისი ხალასი ნიჭისა და საოცარი მეხსიერების წყალობით იყო.

ლევანს ძალიან უყვარდა ძველი ქართული ლიტერატურა, გატაცებული იყო საქართველოს და მსოფლიო ისტორიით.

მამა განსაკუთრებით მოითხოვდა სწავლაში პატიოსნებას, ყოველთვის უმოწმებდა შეილებს დავალებების შესრულებას, მაგრამ არასდროს არ ეხმარებოდა — თვითონ უნდა დამოუკიდებლად გაიგოთო ყველაფერი. უფროსი ბიჭები მეტად ნიჭიერები იყვნენ, კარგად სწავლობდნენ, არც მამას და არც დედას ამ მხრივ სკოლიდან არ აწუხებდნენ.

როგორც დედა, ისე მამა ბავშვებისაგან მოითხოვდნენ სიმართლეს და სიწმინდეს.

ერთხელ, ლევანს დაავალეს კვერცხის ყიდვა. მან 10 კვერცხის ნაცვლად 9 მოიტანა. ბავშვებმა დავცინეთ, თვლა არ იციო. მეორე დღეს 10 კვერცხის მაგივრად ლევანმა 11 მოიტანა. ამასზე კი დედა გაუჩავრდა, თანაც ოჯახის წევრების თანდასწრებით, მან ყველას აუხსნა, თუ რა იგულისხმებოდა ამ საქციელში. ზედმეტი კვერცხი ლევანმა დედაჩვენის თანდასწრებით უკან წაიღო.

არც ნაკლები და არც ზედმეტი ზურდის მოტანა არ შეგვეძლო, ყველაფერს წინასწარ გაანგარიშება სჭირდებოდა, გვეტყოდა დედა. — თუ მოლარეს შეეშალა, თქვენ ხომ იცით ანგარიშით.

სანამ მამამოვიდოდა, ყველა დედას ეუჯერებდით, შემდეგ კი მამას შევცქეროდით თვალებში. მამა რომ სახლში იყო, ჩუმად ვიყავით, ჩურჩულით ვლაპარაკობდით და მუშაობაში ხელს არ ვუშლიდით. როდესაც მამა ისვენებდა (3-დან 4 საათამდე), ყველანი ვკითხულობდით ან ვისვენებდით. არსაიდან ჩამიჩუმი

არ ისმოდა. შემდეგ კი, თუ მამა გაგვეხუმრებოდა, ისეთ აურ-ზაურს ავტეხდით, რომ ოშიანობა გეგონებოდათ.

ჯერ მთაწმინდაზე, ნიაღვრის ქეჩაზე, პირველ სართულზე ვცხოვრობდით, 5-ოთახიანი ბინა გვქონდა. სახლის წინ დახურული ეზო იყო, ჰადაც ბიჭები დარბოდნენ და ჩილიკა ჯოხს, დაჭერობანას, ლახტს, დამალობანას და ფირალობას თამაშობდნენ.

1920 წელს კი მამამ იყიდა ბებუთოვის (ახლანდელი ლ. ასათიანის) ქუჩაზე მთლიანად მეორე სართული. უკვე 7-ოთახიანი დიდი და ნათელი ბინა გვქონდა, სათავეებით და დიდი აივნით. ბიჭებს გამოუყუევს თავთავისი ოთახები, გოგონებს — თავისი, დიდი სასტუმრო, დედას და მამას — საძინებელი, მამას — სამუშაო ოთახი. მოვთავსდით ძალიან კარგად. სახლის წინ ახლაც მშვენიერი, სუფთა, დიდი ეზო გვაქვს, რომელიც სოლოლაკის მთის კლდოვანი ძირით მთავრდება. მთის იქით, გადაღმა კი ბოტანიკური ბაღია.

მამა ხშირად ამბობდა, რომ ჩვენს აივანზე მიკროკლიმატია, სუფთა ჰაერი არ გვაკლია, სიო ყოველთვის მოჭრის კოჭრიდანო.

ბიჭები რომ წამოიზარდნენ, სპორტით დაინტერესდნენ. ჯერ ფეხბურთს თამაშობდნენ, მერე მამამ „შევარდენში“ მიიყვანა. იქ ჩვენი ახლო ნათესავი გიორგი ნიკოლაძე, ნიკო ნიკოლაძის ვაჟი მოღვაწეობდა, მაგრამ ბიჭების სპორტული გატაცება ტანვარჯიშით ადრე დამთავრდა. არჩილს არ მოეწონა, ლევანი კი ტანვარჯიშისათვის საკმაოდ მოუქნელი და მძიმე აღმოჩნდა. მამამ მათ ველოსიპედი უყიდა. არჩილი უკეთესად დადიოდა, ლევანი კი ხშირად ამბობდა: საკვირველია, სწორედ მაშინ, როდესაც მინდა სწორად გავიარო ან ვინმეს თავი მოვაწონო, ჩემი ველოსიპედი გვერდზე გაუხვევს და ჩამომავდება. შემდეგში მამამ მანქანა „მერსედესი“, შეიძინა და მთელი ოჯახი დავდიოდით შალაქში თუ აგარაკზე.

მამასთან ხშირად დადიოდა მისი ყოფილი სტუდენტი ალიოშა კალანდაძე, ყოველმხრივ სასიამოვნო კაცი, გარეგნობით თუ სწავლა-განათლებით. მართალია, ის ჩვენს ძმებზე უფროსი იყო, მაგრამ მათთან მეგობრობდა. ხშირად ესაუბრებოდა სხვადასხვა საჭირობოროტო საკითხზე და პოლიტიკაზე. ბიჭები ამყობდნენ მასთან მეგობრობით. ალიოშა კალანდაძე ქეშმარიტი

პატრიოტი იყო, აწუხებდა იმდროინდელი საქართველოს მდგომარეობა. ის ზოგჯერ სოციალ-დემოკრატიული პარტიის მსოფლმხედველობას იზიარებდა. კარგად იცოდა მარქსის მოძღვრება და ყველა, როგორც ახალგაზრდა მარქსისტა, ისე იცნობდა. ზოგჯერ მთავრობისაგან ზევრი უსიამოვნება ხვდებოდა, დევნიდნენ და აპატიმრებდნენ კიდევ. პერიოდულად უხდებოდა არალეგალურ ცხოვრებაზე გადასვლაც.

ალიოშა და მაროც მეგობრობდნენ, მერე მათი მეგობრობა სიყვარულში გადაიზარდა. ახალგაზრდებმა გადაწყვიტეს შეუღლება. მამა ამის წინააღმდეგი იყო. მიაჩნდა, რომ მაროსთვის გათხოვება ადრე იყო, უნდოდა ჯერ უმაღლესი სასწავლებელი დაემთავრებინა და, რაც მთავარია, აწუხებდა ალიოშას არასახარბიელო მდგომარეობა. ახალგაზრდებმა მაინც თავიანთი გაიტანეს.

ერთ მშვენიერ დღეს ბიჭები ერთმანეთში აღელვებული ჩურჩულებდნენ, მარო ალიოშამ წაიყვანაო.

სალამოს კი დიდი მოწიწებითა და ბოდნით ძამას გაძოცხადა სიძე — ალიოშა და მთელი ოჯახი მიგვიწვია ქორწილზე. ბიჭებს ქორწილისთვის ახალი ბლუზები შეუკერეს, გოგონებს — მშვენიერი ახალი ქრელი კაბები. ქორწილი ალიოშას მეგობრის ოჯახში, გოგოლის ქუჩაზე იყო. მთელი ჩვენი ოჯახი, დიდიან-პატარიანად, ჩვენი მანქანით დანიშნულ დროს იქ ვიყავით. დიდი სუფრა იყო გაშლილი, ჩიტის რძეც არ აკლდა. ხალხმრავლობა და მხიარულება დაგვხვდა. თანადამ მაშინვე დალია გულმხურვალედ და დიდი მოწიწებით ჩვენი ოჯახის სადღეგრძელო. მამაზე რა ქება და დიდება არ ითქვა, ვინ მოთვლის! ყველანი ვხარობდით, განსაკუთრებით ამაცობდნენ არჩილი, ლევანი და სანდრო. მარო სუფრის თავში მარტო იჯდა, ახალ, თეთრ კაბაში გამოწყობილი, დიდი სიყვარულით გარს უვლიდნენ მას არჩილი და განსაკუთრებით ლევანი, რომელიც ამ ქორწილით მიტად აღფრთოვანებული და აღელვებული ჩანდა:

— სიძე სად არის, სიძე, ქორწილი უსიძოდ? ისმოდა აქეთიქიდან შეშფოთებული ჩურჩული, რაც ჩვენ ყველას გვაღელვებდა.

სიძე გვიან გამოჩნდა ახალ კოსტუმში გამოწყობილი, შავი სათვალე ეკეთა. სტუმრები გადაკოცნა, მიიღო მილოცვები, ალუთქვა ყველას სამაგალითო სიძეება და კარგი ოჯახის შექმნა.

შელამეს მამამ და დედამ ჩვენს სახლში წაყვანა დააპირეს. ლევანი გაგზავნეს მანქანის დასახელებად. ლევანი ქუჩიდან აღღვებულს ამობრუნდა და მამას უთხრა, ვილაცა კაცები ჩვენს მანქანასთან დგანანო. მამა მაშინვე მიხვდა რაშიც იყო საქმე და ანიშნა თამადას და ალიოშას, მაგრამ უკვე გვიან იყო. 7 კაცი ოთახში უცებ შემოვარდა, ალიოშა და ორი სტუმარი დააპატიმრეს. სუფრა აირია, ხალხი შეწუხდა, ქალები აწიოკდნენ, ატყდა ერთი ალიაქოთი.

უცებ თამადამ მჭექარე ხმით დაიქუხა: მე თამადა ვარ, ამ სუფრის ბატონ-პატრონი, აბა, ყველანი შესდექით!

ეს ისე მოულოდნელი იყო, რომ ყველა დაიძაბა, მოყვარეთუ მტერი, გაშეშდა, ჩაჩუმდა.

— მოდით მეფე-პატარძალს გაუპარჯოს! ისევ შევსვით მათი სადღეგრძელო, ვინ იცის, იქნებ სიძეს შორი გზა ელის. აბა, შერიქიფეებო, ყველას დაუსხით ღვინო, მოყვარესა თუ მტერს! მეფე-პატარძალს დღეგრძელობა და გამრავლება!

ელვის სისწრაფით გაჩნდა ჩეკისტების ხელში ღვინით სავსე ჭიქები. მეფე-პატარძალი ყველამ აღღეგრძელა. ღვინო დაილია.

— ახლა შემოსწრებულების იყოს! — შემოსძახა როლში შესულმა თამადამ.

— მართალია, თქვენ მტრად ხართ აქ მოსული, — მიმართა მან ჩეკისტებს, — არაადამიანურად, სხვისი ჭკუით მოქმედებით, პატრიოტებს აპატიმრებით, მაგრამ მაინც ვიმედოვნებ, სადღაც ადამიანები ხართ. მართალია, გული და სიკეთე არა გაქვთ, ღმერთმა არ მოგცათ და იქნენი რა ბრალია...

ჩეკისტებმა ნათქვამი „გადაყლაპეს“ და ღვინოც დააყოლეს.

— ამას რას ხედავს ჩემი თვალები, ამას რას ისმენს ჩემი ყურები! — შეძრწუნებული გაჰკიოდა ვილაც ხანში შესული სტუმარი, — მტერი და მოყვარე ერთად აღღეგრძელებენ დასაჭერ მეფეს და უბედო პატარძალს. ისინი ხომ სწორედ ამ ახალი ოჯახის დასანგრევად მოვიდნენ. სად არის სამართალი? ეს არის ჩვენი ცხოვრება? ეს რა დროში ცხოვრობთ?

პატიმრები წაიყვანეს. სტუმრები და ბინა გაჩხრიკეს, რის შემდეგაც ხალხი სახლში გაუშვეს.

მერე ჩვენი მანქანით დედა და ჩვენ, ბავშვები, სახლში მიგ-

ვიყვანეს. მამა, არჩილი და ლევანი კი ჩეკაში, ძერუინსკის ქუჩაზე წაიყვანეს. მამა აწყურებდა დედას: ნუ გეშინია, ყველაფერს გაარკვევენ და გამოგვიშვებენო. მათ აღმათ პოლიტიკური თავშეყრა ეგონათ და არ ელოდნენ ნამდვილი ქორწილი თუ დახვდებოდათო. მეორე დღეს, საღამოს, მამა, არჩილი და ლევანი სახლში გამოუშვეს. მართალია, ლევანი სრულიად ბავშვი იყო, მაგრამ მისი ეს ერთდღიანი პირველი დაპატიმრება, ჩეკაში სადღაც ჩაიწერა და სადღაც აღინიშნა კიდევ.

მეორე დღეს მაროც სახლში დაგვიბრუნდა ტირილით თვალბდასიებული.

თბილისში კი სასტიკი ხმები დაირხა: ახლანდელ დაქვრას ციმაბირის აჩრდილი თან სდევსო, გამორცხული არ არის სრულიად უდანაშაულო მსხვერპლიცო.

საბედნიეროდ, ალიოშა რამდენიმე თვეში გამოუშვეს და დიდი სიხარულით მოაკითხა მაროს. მათ შექმნეს მშვენიერი ქართული ოჯახი, გოგონაც შეეძინათ, ლეილა.

1937 წელს მათი ოჯახის ბედი ისევ უკუღმა დატრიალდა: ალიოშა კალანდაძე, ეს პრინციპული, საუკეთესო ნიჭიერი სპეციალისტი ნამდვილი პატრიოტი და მამულიშვილი, დააპატიმრეს და გააქრეს. ოჯახი დაარბიეს, ყველაფერი წაართვეს, მარო და პატარა ლეილა სარდაფში ჩაყარეს და დიდხანს დაპატიმრებითაც ემუქრებოდნენ.

ჩვენს ოჯახში ბავშვების აღზრდა მაინც ერთგვარ ჩარჩოში იყო მოქცეული. მართალია, ეზოში გვიშვებდნენ, მაგრამ, უმეტეს დროს, სახლში ვიყავით და ვმეცადინებოდით. საზაფხულო არდადეგებზე კი ნამდვილი სრული თავისუფლება გვქონდა და ბუნების წიაღში ვლალობდით.

ბავშვები ზაფხულს ხშირად სოფელ ძიმითში ვატარებდით. იქ თავს დაგვეტრიალებდნენ ბებია გოგოლა, ბიცოლა — ნატაშა ჟღენტი და ბიძაშვილები — ქეთო, ვენერა და კიკა გოთუები, მომავალში საბივენი შესანიშნავი მოქალაქეები, სწავლეულები და სპეციალისტები დადგნენ, მერე კიკა სამამულო ომში დაიღუპა.

ჩვენი კარ-მიდამო ყველას მოგვწონდა, ანკარა წყარო იქვე, ბაღის ბოლოს მოჩუხჩუხებდა, წყალი ისეთი ცივი იყო, რომ ღამე იქ დატოვებული ბოსტნეული დილას გაყინული გვხვდებოდა.

ბოდა. სახლის წინ, ბალის შუაგულში, მამაჩვენის დარგული ულამაზესი მაგნოლიის ხე მუდმივად ყვავდა, და ჩვენ, ბავშვები, ამით ვამაყობდით. სახლის უკან, სულ ახლოს, საკმაოდ დაბურული ტყე იწყებოდა. სოფლის და ჩვენი ბიჭები იქ დარბოდნენ კურდღლებზე და ტურებზე სანადიროდ. ბიჭებში ლევანი ყველაზე კარგი მონადირე გახდებოდა. ტყეში ულამაზესი ლელეც ჩამოდიოდა. ბიჭები ერთმანეთს ეჯიბრებოდნენ ჩანჩქერქვეშ დიდხანს დგომაში. აქაც ლევანი ყველას სჯობნიდა.

მდინარე, სუფსას გადაყურებდა ჩვენი სახლი. ბიჭები ყოველდღე დადიოდნენ სათევზაოდ და საბანაოდ. ლევანის გამძლეობა და ცურვა ისევ ყველას აკვირვებდა.

ჩვენი სამოსახლოს ბოლო ემიჯნებოდა გარე მამიდებს — კატოსა და მარიამ გოთუების შესანიშნავ სახლ-კარს. ჩვენს და მათ კარ-მიდამოს პყოფდა პატარა ღელე, სადაც ხიდი იყო გადებული. ჩვენს ოჯახებს შორის მკვიდრო ნათესაური კავშირი რადიოგანვე მოდიოდა. თვითონ მამიდები აზოვანი ქალები იყვნენ, გურიაში განთქმული განათლებით, ჰკუით, დიდგვაროვნობითა და კარგი ნათესაობით. კატო, მარიამი და მათი ძმა გიორგი განსაკუთრებით ამაყობდნენ დედუღეთით. მათი დედა, ლისა სიმონის ასული თაყაიშვილი — გოთუა, იყო ნიკო, ვარლამ და ექვთიმე (დიდი მეცნიერი და საზოგადო მოღვაწე) თაყაიშვილების და.

სოფელში ყველა ლაპარაკობდა მამიდების განსაკუთრებულ გულკეთილობაზე, შრომისმოყვარეობაზე, სტუმარმასპინძლობაზე.

იმ პერიოდში მათთან ცხოვრობდა გიორგის ცოლ-შვილი. გიორგი გოთუა გენერალი იყო, რუსეთში მოღვაწეობდა. მისი უფროსი ვაჟი კი, ისიც გიორგი (გიგულა) „კადეცკი კორპუსში“ სწავლობდა. ბოლშევიკების შემოსვლის დროს მენშევიკებმა ეს კორპუსი სასწრაფოდ საზღვარგარეთ გაიყვანეს. გიორგი გოთუამ მარტო ის შეძლო, ოჯახი გურიაში, ძმითში, დებთან გამოეგზავნა. თვითონ კი გაჰყვა უფროს შვილს იმ პირობით, რომ ახლო მომავალში ორაიენი საქართველოში დაბრუნდებოდნენ. მაგრამ ეს ასე არ მოხდა. ქალბატონი ელენე და მისი 4 შვილი — ელენე (ენულია), ნინო, თამარი და კოტე გოთუები დიდი წვლების შემდეგ სამშობლოში ძლივს ჩამოვიდნენ. მამა-შვილი კი საზღვარგარეთ დარჩა და ასე დაიკარგა.

ბავშვები წამოიზარდნენ, გადმოვიდნენ თბილისში, მიიღეს უმაღლესი განათლება და საუკეთესო სპეციალისტები გახდნენ. ქალიშვილები გათხოვდნენ, კოტემ ცოლი შეირთო. ასე, რომ ოჯახს შემოემატა საუკეთესო ნათესაეები. ოჯახები გამრავლდა და გაძლიერდა. გენერალ გიორგი გოთუას შვილები, შვილიშვილები და შემდგომი თაობა მთელი ცხოვრების მანძილზე სამშობლოს სასიკეთოდ ემსახურნენ და დღესაც ემსახურებიან.

გენერალი გიორგი გოთუა წესიერი, ნასწავლი და მებრძოლი კაცი იყო, მარშალ მალინოვსკის თავის წიგნში ქებით ჰყავს იგი მოხსენიებული. გიორგი ოფგოსლავიაში გარდაიცვალა, ისე რომ სამშობლოს სიყვარული და საქართველოში დაბრუნების ოცნება საფლავში ჩაჰყვა. გიგულან კი 40 წლის შემდეგ თავისი ცოლ-შვილით პირველად შეძლო თბილისში ჩამოსულიყო და შეხვედროდა თავის დებს, ძმას და, ჩვენ — ნათესაეებს.

კატო და მარიამ მამიღებს განსაკუთრებით უყვარდათ ლევანის სტუმრობა, ყველა ბავშვისაგან განსხვავებით მას თვლიდნენ მეტად გონიერ და ნიჭიერ ყმაწვილად და ყოველთვის, როგორც თანატოლს, ისე უცქეროდნენ, უყვებოდნენ ძველ, ღირსშესანიშნავ ამბებს გურიის ცხოვრებიდან, ლევანიც დიდი გულისყურით უსმენდა.

სოფელ ძიმიტის ემიჯნებოდა საკმაოდ დიდი, ლამაზი ნაწილი — ზემო ძიმიტი. იქ ჩვენი მამიდა მინადორა (კაკია) ცქიტვილი ცხოვრობდა თავისი ქმარ-შვილით. ზაფხულობით ხშირად დავდიოდით იქ სტუმრად. ამ ოჯახში ყოველთვის სასიამოვნო ყრიაბული იდგა. უფროსები — ბიჭიკო, დურმიშხანი და მარიამი ჩვენს უფროს ბიჭებთან მეგობრობდნენ. განსაკუთრებით ლევანს უყვარდა მათთან ახლოს ყოფნა. მარიამი განათლებული, მწიგნობარი, ჰკვიანი ქალი იყო; არჩილთან და ლევანთან საერთო ენას ყოველთვის პოულობდა. ბიჭებს ძალიან უყვარდათ ბიჭიკოსთან და დურმიშხანთან ერთად ნადირობა, თევზაობა, ცელქობა, ოხუნჯობა და, რაც მთავარია, პოლიტიკაზე საუბარი. ეუღლეთა კი უფრო თინასთან მეგობრობდა.

სოფელ ზემო ძიმიტში ჩვენი ბიძის — ივანე ცქიტვილის კარ-მიდამო თავისი სილამაზით და ღილსავსეობით განთქმული იყო. მამიდას სიხარულს საზღვარი არ ჰქონდა ძმისშვილებთან სტუმრობით.

ზემო ძიძითში ჩვენი ერთ-ერთი სტუმრობის დროს საშინელ ღამეს შევესწარით. ძლიერმა ჭექა-ქუხილმა ყველანი გაგვალვიდა და ფეხზე წამოგვყარა. შენდევ კოკისპირული წვიმა დაიწყო. ძლიერი ქარიც ამოვარდა, აქცევდა იქაურობას, წარღვნა გეგონებოდათ. ყველა შეშინდა. მამილამ ჭრაქი აანთო. ბიჭები თითქოსდა უფრო თამამად იქცეოდნენ, გოგონებმა კი მამილის ლოგინს მივაშურეთ. წვიმა და ქარიშხალი დიდხანს გაგრძელდა, ბავშვებმა ვერა და ვერ დავიძინეთ. მოულოდნელად ძაღლებმა ატეხეს საშინელი, გაბმული ყეფა. წუთში ბიძია ივანე ლოგინიდან წამოხტა და საწვიმარი მოიხურა, ალბათ ჭექა-ქუხილმა და ქარიშხალმა ტყიდან დათვი გამოაგდო ან იქნებ ფირალეში არიანო.

— მაინძელო, მაინძელო, გამოგვხედე, — მჭექარე ხმით შემოგვძახა ვილაცამ.

უეცრად ელვის სინათლეზე ბიძია ივანემ ღობის იქით ადამიანთა ლანდებსაც მოჰკრა თვალი.

— ისინი სინათლემ თუ მოიყვანა ჩვენთან, თორემ ამ ბნელ ღამეში აქ რას მოგვავგებდნენ. ბავშვებო, აბა ჩქარა თვალები დახუჭეთ, არგაინძრეთ და მძინარედ-მოაჩვენეთ თავი. რა გაუწყობა, აქ წინააღმდეგობა არ შეიძლება. ღმერთო, გვიშველე!

ბიძიამ ძაღლები დაამწყვდია და სამი ახოვანი ვაჟკაცი, სულ მთლად თავიდან ფეხებამდე შეიარაღებული და წვიმით გალუმპული, შინ შემოიყვანა. სამივეს შავი ყაბალახით ჰქონდა თავი გაკრული, ხელში შავი ნაბდები ეჭირათ.

სახლში ვინ არის? — იკითხა ერთ-ერთმა, ალბათ მათი უფროსი იყო.

— ბავშვები, რომლებსაც სძინავთ, მე და ჩემი ცოლი, — მოუგო შემინებულმა ბიძიამ.

შემოსულებმა მიიხედ-მოიხედეს, ჩვენთან სულ ახლოს მოვიდნენ, საწოლთან. ყველანი გავინაბეთ. ამასობაში ბიძია ივანემ ბუხარი ააგუზგუზა, მამილაჩემი საწოლიდან წამოხტა, პატარა სამფეხა მაგიდა ბუხრის წინ დადგა, იქვე სახელდახელო სუფრა გაშალა, ჩვენი გემრიელი ვაზშმიდან დარჩენილი შემწვარი წიწილები, მჭადი, ყველი, ხაჭაპური, მწვანელი და პატარა დოჭით ღვინო დადგა და სტუმრები მიიპატიჟა.

— ჩვენ თქვენ არ გერჩით, — განაცხადა უფროსმა, — ჩვენ ყაჩაღები კი არა, პოლიტიკური ფირალეები ვართ, ვერჩით

ამ წყობას და არასწორ პოლიტიკას. ძალე წავალთ, უამინდობამ თქვენთან შემოგვეყარა, ცოტას დავისვენებთ და გარიყრაჟზე აქედან წავალთ. ამისთანა ამინდში ძალსაც არ გააუღებენ გართ.

ერთი ბიჭი გარეთ გააჩერეთ კარებში, არ დაიძინოს, თუ რამე საეკვო ნახოს, გაგვაგებინოს. დანარჩენი ბავშვები და ეს დედაკაცი, აქედან გაგვაცალე, ჩვენს ცოლ-შვილს გვაგონებს და დარდი ისედაც ბევრი გვაქვს, — თქვა მეორე სტუმარმა.

მამილამ უცებ ყველანი წამოგვეყარა და მეორე ოთახში შეგვიყვანა. ბიჭიკოს ცოტა ხანში ლევანიც გვერდში აპოუღგა და ჩვენი რაინდი ბიჭები ფირალებს დაჩაჯობდნენ. მოსულები და ბიძია ივანე პოლიტიკურ თემაზე დიდხანს საუბრობდნენ. ბიჭიკოს და ლევანსაც ესმოდათ მათი გულისწყრომა მთავრობაზე, უსამართლობაზე და არეულ ცხოვრებაზე.

სოფელ ძიმიითიდან მშობლებმა ბავშვები კურორტ ბანზაროზე წაგვიყვანეს. მაშინ ბანზაროსაკენ მეტად ვიწრო საცალფეხო ბილიკი გადიოდა. ეს ვიწრო გზა პირდაპირ კლდეს ეკვროდა ცალ მხარეზე, მეორე მხარეს კი თვალუწვდენი ღრმა უფსკრული ჩაუდიოდა. ჩალანდრებმა (როგორც მაშინ გურიაში ეძახდნენ გამყოლებს) 5 ჯორ-ცენი შეკაზმეს, ხის კოთხობები გადაკიდეს, როგორც საპალნე. კოთხობებში უმცროსები ჩაგვსვეს და გზას გავუღებთ. დედა, მამა, არჩილი, ლევანი, სანდრო და გამყოლები ფეხით მოჰყვებოდნენ ქარავანს. ლევანი აღფრთოვანებული იყო ბუნების სილამაზით, თავს ვერ იკავებდა და აღტაცებული ხან მამას გამოელაპარაკებოდა, ხან დედას.

ბანზარო, მართლაც რომ, საოცარი სილამაზის ადგილია, შესანიშნავ ნაძვნარში ჩაფლული. ალაგ-ალაგ, ყვავილწოვან ტაფობებზე, აქა-იქ კოპწია სახლები იდგა. მათ შორის ერთ-ერთი ბაბუაჩვენის ამენებული აგარაკი იყო.

კარგად მოვეწყვეთ, თითქმის შუაგულ ტყეში ვცხოვრობდით. დღე საამური სიგრილე იყო, საღამომით კი აცივდებოდა, აინთებოდა ღუმელი. პატარებს სახლში შეგვიყვანდნენ, ბიჭები კი დიდ კოცონს დაანთებდნენ სახლის წინ და მხიარული ჭიაკოკონა იმართებოდა, რომელსაც ხტუნაობა, ოხუნჯობა და ხუმრობა ემატებოდა. მოკლედ, ბიჭები იქ ისე მხიარულად იყვნენ, რომ წამოსვლა აღარ უნდოდათ.

ლევანი, ბუნების სილამაზით აღფრთოვანებული, ფერად ფანქრებს მოიმარჯვებდა და ხატავდა. საკმაოდ კარგად გამოსდიოდა. მშობლები ხატვის ნიქს ამჩნევდნენ, მაგრამ როდესაც ლევანმა იქ, ბუნების წიაღში, პატარა ლექსი დაწერა, მამა გაოცდა და სიცილით უთხრა: მომავალში ალბათ ჩემზე უკეთესი მწერალი იქნებო.

მშობლებს არჩილის მომავალს გადაწყვეტილად მიაჩნდათ — დიდი მეცნიერის სახელს უწინაწარმეტყველებდნენ. ლევანის მომავალზე კი ზშირად დევობდნენ. დედას ლევანის მხატვრობა მოსწონდა, მამა კი მწერლობისკენ იხრებოდა.

— ჯერ აღრეა ამაზე ფიქრი, — ამბობდა მამა, — ნიჭი თვითონ გაიკაფავს გზასო.

რამდენიმე ზაფხული ზედიზედ ორიალეთის მხარეს, სოფელ ერთაწმინდაში გავატარეთ. ამ სოფელს ჩვენი ოჯახი დაუკავშირა კომპოზიტორმა ია კარგარეთელმა, მამაჩვენის მეგობარმა. ეს მშვენიერი აღნაგობის ლამაზი კაცი ხეიბარი გახლდათ. მას ნატყვიარი ჰქონდა მარჯვენა ხელი და ფეხი.

ბატონი ია ამაზე ზშირად უყვებოდა უფროს ბიჭებს, ავაზაკებმა 7 ტყვია დაახალეს, მკვდარი ეგონათ და ხევში გადაადგდეს. გადარჩა. მართალია, მარჯვენა ხელით ველარ უკრავდა, მაგრამ შესანიშნავი წკრიალა ხმით მღეროდა თავის ნაწარმოებებს.

ერთაწმინდაში ჯანმრთელი მიკროკლიმატია, ხალხიც სულით ჯანსაღი და კეთილშობილიო, ააგულიანებდა ხოლმე ბატონი ია მამაჩვენს. ერთ ზაფხულს თავისთან მიგვიპატიუა ყველა.

სოფელი ერთაწმინდა ქართლში მდებარეობს, სოფელ ნოსტეს ზევით, თეძამისა და ალგეთის ხეობის შუაგულ ტაფობში, გარშემორტყმულია შერეული ტყით დაფარული მთებით. მთის მწვერვალზე ოდესღაც ამაყად მდგარი ციხე-კოშკების მრავლისმთქმელი ნანგრევებიდაა შემორჩენილი, მათ შორის თამარ მეფის რიხის ნანგრევებიც.

ჩვენ მატარებლით მეტეხის ან გრაკალის სადგურამდე მივდიოდით, იქ ერთაწმინდაში მიმავალი ჩარდახიანი ურემი გვხვდებოდა; გადავივლიდით მდინარე მტკვარზე ხის ხილს, გავივლიდით ახალქალაქს, ნოსტეს და შემდეგ ერთაწმინდასთან მისასვლელ აღმართს შევუდგებოდით.

ბარგით დატვირთულ ურემზე ვისხედით დედა, ჩვენი ოჯახის დიდი მოამბაგე — ტასო და ჩვენ, პატარა ბავშვები.

მამა, უფროსი ბიჭები — არჩილი, ლევანი, სანდრო და გამოცილებლები ფეხით მოდიოდნენ.

დილით გამოსულები სალამოს, შებინდებისას ძლივს მივალწევდით ხოლმე სოფელს, მაგრამ დალღას არ ვგრძნობდით, იმდენად სასიამოვნო იყო მგზავრობა. ზოგჯერ გზას გადავუხვევდით, პატარები ტყეში დავრბოდით, პეპლებს და ჩიტებს ვიჭერდით, ყვავილებს ვკრეფდით, ვსაუზმობდით, ეს ერთგვარი ექსკურსია იყო. მამა გეთხოვდა ყურადღება მიგვექცია ბუნების სილამაზისთვის, ხისთვის, ბუჩქისთვის, ყვავილისა თუ წყაროსთვის. ყველაფერს გვიხსნიდა, ამ დროს ხშირად ანდაზალექსებსაც იშველიებდა. ასეთი პატარა მოგზაურობა დიდ მხარეთმცოდნეობის გაკვეთილად იქცეოდა ხოლმე, სადაც აქტიურად მონაწილეობდნენ არჩილი და ლევანი, მათ უკვე თავისი შეხედულებები ჰქონდათ ბუნებაზე, ხალხსა და გარემოზე.

ერთაწმინდიდან ორიოდე კილომეტრის დაშორებით კი სოფლის გოგო-ბიჭები გვხვდებოდნენ. ატყდებოდა ერთი ქრიამული და ყოინა. ყველა ხარობდა. ჩვენ ყოველთვის ჭავრიშვილების სახლის მეორე სართულზე დავბინავდებოდით ხოლმე და საკმაოდ კარგადაც. სოფლის შუაგულში წმინდა ესტატეს შესანიშნავი ეკლესიაა აღმართული დიდი გალავნით გარშემორტყმული, შიგ ეზოში კი სასაფლაოა. გალავანს გარედან გარს ეკვრის ერთმანეთის ზურგშექცევით აშენებული სახლები.

ერთაწმინდიდან რამდენიმე კილომეტრის ზევით კი ერთი დაბურული, ასწლოვანი ფიჭვნარია, სადაც დგას საქართველოს საუკეთესო ისტორიული ძეგლი — რკონის მონასტერი (თავისი ნატერის ხით), ყოველ ციცაბოზე ციხესიმაგრე და ბაზილიკაა. სად არ იხეტიალეს ბიჭებმა, რა ისტორიული ადგილები არ ნახეს.

ერთაწმინდის გარშემო უამრავი წყარო ამოდიოდა, მათ შორის შესანიშნავი უსტარულის წყაროც. ამ წყაროზე ლევანს ბავშვობაში იმდენად ძლიერი შთაბეჭდილება დარჩა, რომ ის უკვე ხანდაზმულობაში წერდა: „ტყეშლის წყარო, კოდის წყარო, ქვახეთილა, ნერგის ფშანი, წიფლილარა, ბაიდაანთ ხევი, წაბლარა და სხვა წყაროების მეფე შაინც უსტარაულია, მასთან პირველად გავივე და მოვისმინე წყაროს ლულუნი. იმ ხმას

ეხლაც ვამოწმებ, ჩემ სმენას ვაწყობ, გულის ჟღერას ვუთანაბრებ...“

მიუხედავად სოფლის ირგვლივ ამდენი წყაროებისა, სოფელში წყალი არ ჰქონდათ, სოფელში არც სკოლა იყო, არც რაიმე ახალგაზრდების გასართობი. ამიტომ იქაურები, განსაკუთრებით ახალგაზრდები, ჩვენი ოჯახის იქ გამოჩენას დიდი სიხარულით და იმედით უცდიდნენ.

წლებთან ერთად იცვლებოდა ჩვენი ინტერესებიც და გასართობებიც. უფროსი ბიჭები — არჩილი და ლევანი, დაუმეგობრდნენ ჩაჩანიძეების ოჯახს — გაბოს, ლევანს, კარგარეთელს, კალა მეველეს, ჯავრიშვილებს, ფხოველიშვილებს, სოფელში სცენა გამართეს და დაიწყეს წარმოდგენების დადგმა. გარდა ტაშ-ფანდურისა და დოლზე ცეკვისა, ზეპირსიტყვაობის სხვადასხვა ნიმუშს, ლექსებს ასწავლიდნენ თანატოლებს და თავის ცოდნას უზიარებდნენ. ამაში ხშირად უფროსებიც ერეოდნენ, ამიტომ სოფელში ცხოვრება ყველასათვის საინტერესო ხდებოდა.

მამა ხშირად დაგვეყვებოდა სოფლის ბავშვებთან ერთად ექსკურსიებზე და გვიხსნიდა ისტორიული ადგილების მნიშვნელობას.

ერთ წელიწადს მამამ თავისი ხარჯით სოფელს წყალი გამოუყვანა. რა სიხარული იყო, როდესაც ჩამოსულ მუშებს მთელი სოფლის მამაკაცები და მოზრდილები დაეხმარნენ და წყალი ძალიან სწრაფად გამოიყვანეს! შემდეგშიც დიდი ხნის განმავლობაში მას გოთუას წყარო ერქვა.

უფროსი ბავშვები წერა-კითხვას და ლექსებს ასწავლიდნენ ამხანაგებს, უკითხავდნენ ქართულ ლიტერატურას... გლეხებმა შეარჩიეს ადგილი სცენისათვის და ხე-ტყე მოზიდეს, მერე პატარა კლუბიც მოაწყვეს, სადაც განსაკუთრებით ლევანი და გაბო ჩაჩანიძე აქტიურობდნენ. ლევანმა რამდენიმე პატარა პიესაც კი შეთხზა, თვითონვე დადგა. მამა ამყობდა ამით, მაგრამ ყოველივე ეს ჯერ ბავშვურ გატაცებად მიაჩნდა. შემდეგ სოფელში სკოლის გახსნაც დადგა დღის წესრიგში.

ტასო ფოჩხიძემ, 35 წლის ქვრივმა რაჭველმა ქალმა, ჩვენს ოჯახში 40 წელიწადი დაჰყო და ჩვენს აღზრდაში უდიდესი ღვაწლი მიუძღოდა. ბავშვებს შორის განსაკუთრებით და თავ-

დავიწყებით უყვარდა ლევანი, რომელსაც სამი თვიდან ზრდიდა. ჩვენი ოჯახის გარეშე ცხოვრება ვერ წარმოედგინა.

დღეა ხშირად ექვიანობდა კიდეც — ტასო უფრო უყვართ ბავშვებსო. ტასო კი გადაფაფრებული იყო ბავშვებზე, განსაკუთრებით ლევანზე და, რომ იტყვიან, ცივ ნიავს არ აკარებდა.

ხშირად ბავშვები ტასოს სუყვარულით ვაწვალებდით, ვცელქობდით და გვიხაროდა, როცა გაცხარდებოდა და მოგვაძახებდა; „შავი ქვის ნატეხი, ცეცხლი, მუგუზალი“. ამავე დროს, ლევანს ცელქობას, რანაირიც არ უნდა ყოფილიყო ის, აპატიებდა.

მამა ყოველ უქმე დღეს ბავშვებს, ვისაც კი სიარული შეეძლო, გვასეირნებდა ხან ბოტანიკურ ბაღში, ხან ფუნქიულიორზე და ხან სტუმრად ახლო ნათესავებთან.

თუ სადმე გამოცხადდებოდა ცხოველების ატრაქციონი, ჩვენ ყოველთვის იქ ვიყავით. მშობლები არ იშურებდნენ ჩვენთვის არაფერს. გვასეირნებდნენ, ყვლაფერს გვიხსნიდნენ, გვასწავლიდნენ. ჩვენც, ბავშვებს, ძალიან გვიყვარდა მამასთან ერთად სეირნობა.

ახალ ბინაში გადასვლასთან დაკავშირებით ოჯახმა გადაწყვიტა ახალი ავეჯის შეძენა. სასწრაფოდ, პირველ რიგში, შევიძინეთ მამის სამუშაო ოთახისათვის მუხის ჩუქურთმებიანი საწერი მაგიდა თავისი მაღალი სკამით, წიგნების კარადებით და დიდი ღრმა საჯარძლებით. სამუშაო ოთახის შესასვლელს ამავე შენებდა და ამდიდრებდა ქერამდე აზიდული, შავი ხის ჩუქურთმებიანი ჩარჩოში ჩასმული შესანიშნავი სარკე, რომელსაც მარმარილოს მაგიდა ჰქონდა. ძლივს არ შეღირსა ცალკე სამუშაო ოთახი, — იტყოდა მამა და მუშაობაში ღამეებს ათენებდა.

მამას ბანკის დიდი სიმდიდრე ებარა. იმ არეულობის დროს სხვა ვინმე თავისთვის მოიხმარდა კიდეც ნაწილს, მამას კი არასდროს ამაზე არც კი გაუფიქრებია.

უფროს ბიჭებს ისიც ახსოვდაო, საქართველოს გასაბჭოების წინა დღეებში თბილისში ფულს როგორ გაუფასურდა, პური არ იყო, საჭმელი არ იშოვნებოდა. ზამთარიც დიდთოვლიანი გამოდგა, რაც კიდევ უფრო ამძიმებდა ატმოსფეროს. ჩვენს ოჯახს საგრძნობლად გაუჭირდა.

ცოტა ხანში ფულმა საერთოდ დაკარგა ფაჩი. ჩემთვის გა-

უგებარი იყო, — იხსენებდა თინა, — ერთხელ მამამ დიდი ფული მაჩუქა, წინა დღეს იმით ბევრი რამის ყიდვა შეძებლო, მეორე დღეს კი მარტო ერთი ჭიქა მზესუმზირა მომივიდა.

როგორც ცნობილია, 1918 წლის 26 მაისს საქართველო დამოუკიდებელ რესპუბლიკად გამოცხადდა. ევროპის ბევრმა სახელმწიფომ ცნო საქართველო, როგორც დამოუკიდებელი სახელმწიფო, დამყარდა დიპლომატიური ურთიერთობა რუსეთსა და საქართველოს შორის, ამაზე ლენინმაც მოაწერა ხელი. ელჩებიც კი გაიცვალა — საქართველოში კიროვი ჩამოვიდა, მოსკოვს კი გრიგოლ ურატაძე გაიგზავნა, საქართველოს დამოუკიდებლობამ დიდხანს ვერ გასტანა — თვითონ რუსეთმა, ლენინმა დაარღვია ეს ხელშეკრულება და საქართველოს დასაპყრობად გამოგზავნა დიდძალი ჯარი.

წითელმა არმიამ ჯერ 1919 წელს აზერბაიჯანი „გაასაბ-ჰოვა“, მერე, 1920 წელს — სომხეთი და 1921 წლის თებერვალში — საქართველო.

საქართველოში ამ პერიოდში დიდი არეულობა იყო. ქართველი საზოგადოების უმრავლესობა სხვადასხვა პარტიას ეკუთვნოდა. ამ პარტიებს, მართალია ჰქონდათ თავიანთი აზრი და მსოფლმხედველობა, სხვადასხვა მოთხოვნა და მოძველის გეგმები, მაგრამ ყველას აერთიანებდა ერთი უდიდესი მიზანი — საქართველოს თავისუფლების აღდგენა. განსაკუთრებით ძლიერი იყო მენშევიკური პარტია ნოე ჟორდანიას ხელმძღვანელობით.

იმჯერად დროებით მთავრობასაც ჰყავდა საკმაოდ მრავალრიცხოვანი საჯუთარი ჯარი. მთავრობა მათზე დიდ იმედებს ამყარებდა. აქ გაერთიანებული იყვნენ საქართველოს საუკეთესო მებრძოლები, პატრიოტები, ომში გამობრძმედილი ვაჟკაცები. საქართველოში დიდი ბრძოლებით, ყოველი მხრიდან შემოდიოდა მე-11 წითელი არმია სერგო ორჯონიკიძის ხელმძღვანელობით. საქართველოს ჯარი მას დიდ წინააღმდეგობას უწევდა, თბილისში შემოსვლის საშუალებას არ აძლევდა.

განსაკუთრებით დიდი ბრძოლები მძვინვარებდა კოჯრისა და უძოს მიდამოებში. აქ რუსის დიდძალ ჯარს მოეყარა თავი. ქართველებს, წითელი არმიელები ნარტო სიმრავლით სჯობნიდნენ, ისინი მძაფრად უტევდნენ. ბრძოლის ამ მონაკვეთზე ბევრი ქართველი პატრიოტი დაეცა. ამ ქარიშხლიან დღეებში

დროებითი მთავრობა მოუწოდებდა ქართველ ხალხს, პროგრესულ საზოგადოებას და საერთოდ ყველას, ვისაც კი იარაღის ხელში დაჭერა შეეძლო, მოხალისედ წასულიყო ფრონტზე, მიშველებოდა ქართულ ჯარს და წითელარმიელების შემოტევა შეეჩერებინათ. მართლაც ბევრი ახალგაზრდა, სტუდენტი, მოსწავლე თუ ხანდაზმული მოხალისედ წავიდა კოჭრის მიმართულებით საბრძოლველად. მიუხედავად იქ გამართული უმაგი ბრძოლებისა, ერთ დღეს დილაადრიანად კოჭრის მთიანეთიდან ზარბაზნების გრგვინვა თბილისში ძალიან მკაფიოდ გაისმა. ეს კი წითელი არმიის მოახლოების მაუწყებელი იყო.

ხალხი დელავდა, განიცდიდა, არავინ იცოდა და ვერც წარმოედგინა ბოლშევიკური არმიის შემოსვლის შემდეგ ქალაქში რა მოხდებოდა, ბოლშევიკური მთავრობა რას მოიმოქმედებდა, როგორ წარიმართებოდა ცხოვრება... წითელი არმიის გამარჯვება რა სიკეთეს მოიტანდა...

ჩვენს ოჯახში არჩილთან და ლევანთან იკრიბებოდნენ სტუდენტი და მოსწავლე ახალგაზრდები, ამხანაგები. სულ რაღაცაზე ჩურჩულებდნენ.

ცოტა ხანში დათიკო, არჩილი და ლევანი სახლიდან დაიქარგნენ. შამა და დედა საშინლად აღელდნენ. სანდრომ მშობლების დელვას ვერ გაუძლო, თანაც ნაწყენი იყო ბიჭებზე, თან რომ არ წაიყვანეს და საიდუმლოება გასცა.

მოსწავლე ბიჭები შეუერთდნენ უფროსებს, მიიღეს იარაღი და ასე მოხალისედ წავიდნენ საბრძოლველად.

მშობლები საშინლად შეწუხდნენ, ბიჭებს ჯერ კიდევ ბავშვებად თვლიდნენ, ვერ წარმოედგინათ მათი ჯარისკაცობა, შიშობდნენ, რამე მარცხს არ გადაყროდნენ თავისი უსააკობითა და გამოუცდელობით. თანაც არც ესე თბილად იყვნენ ჩაცმული, ზიცივეში რომ გაეძლოთ სანგრებში. ერთი სიტყვით, ბიჭებმა ბევრი საფიქრებელი დაატეხეს თავს მშობლებს.

ერთ დღეს შამა მათ საძებნელადაც კი წავიდა, დედას დაუჩინებულ თხოვნას ვეღარ გაუძლო.

შამას უკვირდა ბიჭების საქციელი, ისინი ჯერ კიდევ ხომ ბავშვები იყვნენ. მეორე მხრივ კი გულში რაღაც სიამაყის გრძნობაც უღვიოდა — თურმე როგორ შეუმჩნევლად წამოგვეზარდნენ და დაგვივაჟაკდნენ ბიჭებიო. ხედავთ, ჩვენი პატარა პოლიტიკური მოღვაწეები სამშობლოს საკეთილდღეოდ

როგორ ამოქმედდნენ, ხასიათიც კი ჩამოუყალიბდათ, აი, ნამდვილი პატრიოტებიო, — ხშირად იმეორებდა ის.

ჩვენი გაქცეული ბიჭები 7 დღის შემდეგ უკან დაბრუნდნენ. არჩილმა ავადმყოფი ლევანი ძლივს მოიყვანა, სანგარში გაციებულა, მაღალი სიცხე ჰქონია და ამიტომ უკან დააბრუნეს, ძველი ყაიდის თურქული შაშხანა და ზარბაზნის ლულა მოიტანეს.

ბიჭებს სულ ეკითხებოდნენ, ომში რა ნახეთო? ომში ვნახეთ სისხლის ღვრა და საშინელი ბათქიო, — გაიძახოდა ლევანი, — ვნახეთ ძმათა სხსაფლავო, სადაც 12 საუკეთესო ქართველი ვაჟაკი ერთად ჩაასვენეს; საშინელ სროლაშიაც მოვხვდით, ბეწვზე გადავრჩით; გვციოდა და გვშიოდა, ამასაც გავუძელით; ვნახეთ, როგორ თავგამოდებით იბრძვის ქართული ჯარი. ვნახეთ, როგორი პატრიოტი, სულით ძლიერი გმირები და მეზრძოლები არიან ქართველები.

თბილისში დღითი დღე მწვაავდებოდა მდგომარეობა. ფრონტი გვიახლოვდებოდა. ამ დღეებში მამამ ოჯახი დროებით დატოვა და ბათუმში წავიდა: ბევრი სახელმწიფო სიმდიდრე მაქვს ჩაბარებული და არ ვიცი, როგორ ნოვიქცე, მეშინია, არ დამეკარგოს; ბათუმში ამ საკითხში უკეთ გავერკვევი და ვეცდები მალე დავბრუნდეთ. მამა მაშინ უკვე ფინანსური საქმიანობით იყო დაკავებული, საქართველოში ბანკი დააარსა, კონსტანტინოპოლში და სხვა სახელმწიფოებში მისი ფილიალებაც გახსნა. თბილისში ხალხი არეული და შეშინებული იყო, ათასი ჯორი და აზრი დაიჩხა. ცხადია, რომ მონაგლისა არავინ არაფერი იცოდა.

რამდენიმე დღის შემდეგ მამა დაბრუნდა — თუ მოკვდები, ისევ აქ, თქვენთან მოკვდეთ. ჩემი სამშობლო, ხალხი და ქართული მიწა ყველაფერს მირჩევნიაო. წაღებული ბანკის დანაზოგი ქონება უკან ჩამოიტანა, საქართველოში რომელი მთავრობაც დარჩება და გაიმარჯვებს, იმას ჩავაბარებ საქართველოს ასაყვავებლადო.

მართლაც, საქართველოში როგორც კი საბჭოთა მთავრობა ჩამოყალიბდა, მამამ ხელწერილით ეს ქონება მათ ჩააბარა — საქართველოს დანაზოგი ისევე საქართველოს მოხმარდებაო, არ განიავდებაო.

ქართული ჯარი უკან იხევდა, რუსების შემოტევას ვეღარ

უძლებდა. ისინი ბათუმის მიმართულებით მიდიოდნენ და გზა-ში აფეთქებდნენ ხიდებს და გზებს, რომ რითიმე შეეფუერხებინათ მტრის დევნა.

მენშევიკურმა მთავრობამ ნოე ყორდანიას ხელმძღვანელობით საზღვარგარეთ ემიგრაციაში წასვლით უშველა თავს. მაშინ დიდძალი ინტელიგენცია გაიქცა საზღვარგარეთ, მაგრამ იყვნენ ქართველი საზოგადოებიდან და სტუდენტებიდან ისეთებიც, რომლებმაც იმედის თვალთ შეზღუდეს ახალ მთავრობას, სამშობლო, ოჯახი, სახლი ვერ დატოვეს, ემიგრაციაში არ წავიდნენ და თბილისში დაბრუნდნენ.

პირველ რიგში, სწორედ მათ დაადგათ მძიმე დღე — თითქმის ყველა დააპატიმრეს, ბევრი დახვრიტეს და ბევრი გადაასახლეს უგზო-უკვლოდ. აქედან დაიწყო საქართველოში საშინელი ტრაგიკული დღეები და წლები, ჩვეულებრივ ამბად იქცა რეპრესიები, დაქერა, დახვრეტა, ოჯახების დარბევა. ეს დიდხანს გაგრძელდა.

მძიმე წლები გამოიარა ქართველმა საზოგადოებამ. წინა თაობას კარგად ახსოვს მაშინდელი ქირ-ვარამი და უდანაშაულო მსხვერპლი. საქართველოს გასაბჭოებთან დაკავშირებით თბილისში უამრავი ჯარი და განსაკუთრებით ჩეკისტები შემოვიდნენ და დამკვიდრდნენ. დაიწყო ოჯახების აწიოკება, დარბევა, ბინებისა და ავეჯის ჩამორთმევა, ჩეკისტების შესახლება, მზამზარეულზე მათი ბატონივით დაბინავება. მთავარი უბედურება ის იყო, რომ უმრავლესობა მათ შორის უცოდინარი იყო, გაუნათლებელი, უხეში, არაფრის მაქნისი. სწორედ ისინი დაწინაურდნენ და დიდი თანამდებობები დაიკავეს. მერე კი ყველასათვის აშკარა გახდა ის „საქენი საგმირონი“, რაც მათ ჩაიდინეს.

როგორც ბევრი სხვისი, არც ჩვენი ოჯახი წარმოადგენდა გამონაკლისს. ჩამოგვართვეს ორი დიდი საუკეთესო ოთახი — მამაჩვენის სამუშაო ოთახი და დარბაზი, ახლადშეძენილი ავეჯი. დიან, მრავალშვილიანი ოჯახის, მამაჩვენის თითქმის მთელი ცხოვრების მანძილზე ოფლითა და შრომით შეძენილი ქონება ერთ წუთში სხვის ხელში გადავიდა. რატომ? რისთვის? წინააღმდეგობის გაწევა არ შეიძლებოდა. მაშინ ეს ოჯახის მთლიან განადგურებას უდრიდა. მშობლებმა იმ ოთახებიდან შემთხვევით შეძლეს მარტო საწერი მაგიდის და პიანინოს

გამოტანა, რისთვისაც დიდი ჩხუბი, გინება და უსიამოვნება შეხვდათ. სასამართლოშიაც კინალამ გვიჩივლეს ჩვენი ავეჯისათვის. აი, რა უსამართლობა დატრიალდა საქართველოში, როგორი უსინდისობა იყო გამეფებული და როგორ შერჩათ მათ ეს უმსგავსო საქციელი!

ჩვენი ცხოვრება ძლიერ გართულდა, მით უფრო, რომ ყოველი ნაბიჯის მეთვალყურეობა სწორედ ჩვენს ბინაში "მეძოსახლებულებს დაავალეს. მშობლები და უფროსი ბიჭები აღმფოთებული იყვნენ ამ უსამართლობით. ხშირად ამას ხმამაღლაც კი გამოთქვამდნენ, ამით შეწუხებული მამა სულ არჩილისა და ლევანის გაფრთხილება-დარიგებაში იყო, მომავლის აღარ სჯეროდა.

— შვილები სწავლული და განათლებული გვყავს, — აწყნარებდა დედა მამას, — ეს კი კარგი მომავლის მომასწავებელიაო.

ასე თუ ისე, ცხოვრება გრძელდებოდა.

ბიჭები კოჯრიდან წამოღებულ თოფს თავს დასტრიალებდნენ, გაწმინდეს, გააწკრაილეს და „ფირალობანას“ თამაშობდნენ, დედამ თვალი რომ მოჰკრა იარაღს, კატეგორიულად აუკრძალა თოფის სახლში დატოვება. ღამით არჩილმა და ლევანმა თოფი ჩუმად წაიღეს და მთის ძირში, მიწაში ჩაფლეს.

ყველაფერი მიწყნარდა, თოფი ყველამ დაივიწყა. ერთ დღეს თბილისის ქუჩებში გააქრეს განცხადებები, რომ ვისაც ცივი და ცეცხლსასრული იარაღი გაქვთ სახლში, ჩავვაბარეთო, წინააღმდეგ შემთხვევაში სასტიკად დაისჯებითო. აბა, ბიჭებს რა მოასვენებდათ, თოფი თურმე ამოუთხრიათ და სახლში ამოუტანიათ.

განახლდა ოჯახში ჩხუბი თოფის თაობაზე, დედა გადაგდებას ან ჩაბარებას მოითხოვდა. მამა კი ამას სერიოზულად უკვე აღარ უყურებდა, მით უფრო, რომ თოფი წყობიდან გამოსული იყო. ბოლოსდაბოლოს დედის დასაწყნარებლად ბიჭებმა თოფი სახლის სხვენზე აიტანეს და იქ დამალეს. რამდენიმე ხნის შემდეგ თოფი სათამაშოდ ისევ სახლში მოიტანეს. ამხანაგებში ამით ტრაბახობდნენ კიდევ, ხშირად ომში მონაწილეობაზეც ჰყვებოდნენ, არავინ უკვე ამას ყურადღებას არ აქცევდა და თამაშის შემდეგ თოფს ხან სად და ხან სად შეაგდებდნენ.

იმ საბედისწერო დღეს თოფი კარადის უკან კუთხეში ისე

შეაგდეს, რომ ლულა კარგად მოჩანდა, სრულიად მოულოდ-
ნელად, შუალამეს, ჩვენს შემოსავლელთან ჭერ ჩოჩქოლი
ატყდა, შემდეგ ძლიერმა ბრახუნმა შეშინებული ოჯახის წევ-
რები ფეხზე წამოგვეყარა.

— ვინა ხართ, — შესძახა მამამ. ჩეკა არისო, — ძვირღვეთ
პასუხი. ლევანს იმწუთშივე თოფი გაახსენდა, მისი გადაძალვის
და გადაგდების დრო უკვე აღარ იყო, ამიტომ კუთხეში კარა-
დის უკან თოფს ლულაც დაუმალა და უფრო მოხერხებულად
ააყუდა. მამა მეტად აღელდა. შეიძლება სულაც თოფის თაო-
ბაზეა ყველაფერიო, ვინმემ ხომ არ დაგვაბეზლაო. მერე დედას
მიუბრუნდა და უთხრა: არაუშავს, არჩილი და ლევანი ჭერ
ყმაწვილები არიან და მე დამბრალდება ყველაფერი, რა ვქნათ,
რაც იქნება, იქნებაო. დედას სიბრაზისა და აღელვებისაგან
ქვედა ყბა უკანკალებდა. ყველას ესმოდა, რომ სახლში იარაღის
არსებობა მამაჩვენისათვის უკვე სერიოზული ბრალდება იქ-
ნებოდა. კარი გაიღო, შემოვარდა 5 კაცი და მამას წარუდგინეს
ჩხრეკისა და დამატირების ორდერი.

ჩხრეკა მეტად გულდასმით მიმდინარეობდა, მამაცხონებუ-
ლებმა მთელი სახლი გადაატრიალეს. ბავშვები შიშით და გუ-
ლის ფანცქალით კარადას შევცქეროდით. ჩეკისტებმა თოფი
ვერ ნახეს, თუმცა კარადის უკან რამდენჯერმე შეიხედეს. მერე
მამას ჰკითხეს, სახლში გაქვთ თუ არა იარაღიო. მამა შეწუხდა,
აბა ტყუილს როგორ იტყოდა, ისიც შეიღების თანდასწრებით,
მიუბრუნდა ლევანს და ჰკითხა: — სახლში, ბიჭებო, გაქვთ
იარაღი? ლევანმა უარის ნიშნად აღელვებულმა ხელები გააქ-
ნია. მოხდა სასწაული: ჩხრეკამ ასე უბრალოდ დამალული თო-
ფი ვერ აღმოაჩინა.

მამაჩვენს აკიდეს ზურგზე პატარა საბანი, საკმელი და
წაიყვანეს. უფროსები გაშეშებული შესცქეროდნენ მას, ბავშ-
ვებმა კი ბლავილი მოვრთეთ.

— ნუ გეშინიათ, ბავშვებო, აქ რაღაცა გაუგებრობაა, დარ-
წმუნებული ვარ, მალე დავბრუნდები, — გვანუგეშა მამამ,
ყველა გადაგვკოცნა და წავიდა.

არჩილი და ლევანი დაბნეულები შეჰყურებდნენ დედას,
რომლის კივილმაც გამოათხიზლა ისინი, — ახლავე სახლიდან
მოაშორეთ ეს თოფი, კინაღამ მამა დავღუპეთ. ბიჭებო, ხომ

დაინახეთ, ვილაცამ გაგვცა, გეყოფათ სეცხლთან თამაში, ეს თოფი სახლში აღარ დაეინახო.

ლევანმა და არჩილმა თოფი ნაქერში გაახვიეს და დიდი სიფრთხილით შუალამეს სახლიდან კარგად მოშორებით, ქუჩაში გაიტანეს და იქ კედელს მიაყუდეს.

დილას ქუჩიდან ხმაური შემოგვესმა. ბიჭებმა ამბავი მოიტანეს, ჩვენი თოფის გარშემო უამრავი ხალხი შეგროვილა, შემდეგ მოსულა სამი მილიციელი და დიდი სიფრთხილით წაუღიათო.

დედამ მიაკითხა მამას ამხანაგებს, გაავებინა მისი დაპატიმრების ამბავი. ჩეკაშიაც წავიდა. მამა ამჯერად საპატიმროში დიდხანს არ გააჩერეს, ვინაიდან დაპატიმრების მიზეზი ვერ დადასტურდა — ბინის ჩხრეკის დროს იარაღი ვერ აღმოაჩინეს. ყველას აინტერესებდა, ნეტავ, ვინ იყო ჩვენი ოჯახის მტერი და ასეთი ენატანია.

ჩეკას მოსვლამ ჩვენს სახლში და მამას დაპატიმრებამ ბიჭები ჩააფიქრა, ამხანაგების და მეგობრების შერჩევაში უფრო ფრთხილები გახდნენ.

სწრაფად გარბოდა დრო. ბავშვები წამოვიზარდეთ, ოჯახის უფროსმა ვაჟიშვილებმა საშუალო სკოლა დაამთავრეს. მამამ, როგორც ქართველმა პატრიოტმა, უნივერსიტეტში ისეთი ფაკულტეტი შეურჩია, რომ მომავალში ისინი სამშობლოს გამოდგომოდნენ. ორივე — არჩილიც და ლევანიც უნივერსიტეტში ეკონომიკურ ფაკულტეტზე შევიდა.

ბიჭებმა სწავლას ძალიან სწრაფად და კარგად აუღეს ალლო, საუკეთესო სტუდენტები გახდნენ, თანატოლებისაგან გამოირჩეოდნენ ნიჭით თუ განათლებით, ხშირად იღებდნენ მონაწილეობას სტუდენტთა კონფერენციებში, პოლიტიკურ კამათსა და სტუდენტურ გამოსვლებში.

მშობლებმა გადაწყვიტეს უფროსი ვაჟიშვილებისათვის უმაღლესი განათლება საზღვარგარეთ მიეცათ — ბელგიაში გაეგზავნათ, მით უფრო, რომ ორივე საკმაოდ კარგად ფლობდა ფრანგულსა და გერმანულს. გერმანულ ენას გვასწავლიდა გენერალ ვარლამ თაყაიშვილის ცოლი. ვარლამის დაპატიმრების შემდეგ ეს ხანდაზმული, სათნო ქალი მძიმე მდგომარეობაში აღმოჩნდა: ჩვენმა მშობლებმა დახმარების ხელი გაუწოდეს და ოჯახში შემოიკედლეს.

მამამ შეძლო ბიჭებისათვის თბილისში ვიზის მიღება, სა-
ჭირო იყო მხოლოდ მოსკოვის დასტური.

1922 წლის ნოემბერში ბიჭები მოსკოვს გაემგზავრნენ. რუ-
სეთში ჯერ კიდევ არ იყო დალაგებული ცხოვრება, ყველგან
არეულობა იგრძნობოდა. არ იყო ერთსულოვნება. ბევრი
მტკივნეული საკითხი გადაუწყვეტელი რჩებოდა.

სწორედ იმ წელიწადს მოსკოვში დიდი შიმშილი და სა-
შინელი ყინვიანი ზამთარი იდგა. ბიჭებს მოსკოვში ძალიან გა-
უჭირდათ. დაპირებულ ვიზას ისინი 4 თვე უშედეგოდ უცდიდ-
ნენ. ამასობაში არჩილს ყინულზე ფეხი დაუცდა და საბედნი-
წეროდ მოიტეხა ბარძაყი. მამამ ისინი დიდი გაჭირვებით ჩა-
მოიყვანა თბილისში და უნივერსიტეტში აღადგინა. მერე გა-
მოიჩვენა, რომ საზღვარგარეთ წასვლის ნებართვა, რომელიც
თბილისში გასცეს, თბილისშივე გაუჭმებულები იყვნენ. ეს კი მამას
ძალიან ცუდად ენიშნა.

არჩილს ფეხი გაუმეზღებდა, ჭრილობა დაუჩირქდა, მდგომარე-
ობა დაუმძიმდა. მამამ საუკეთესო ექიმები დაახვია თავს, მათ
შორის იყო საზღვარგარეთიდან ახლად დაბრუნებული ცნობი-
ლი პროფესორი დავით იოსელიანი.

ლევანი უნივერსიტეტში დადიოდა, აქტიურობდა, იქიდან
არჩილისათვის მოჰქონდა დავალებები. არჩილი მარტო გა-
მოცდების ჩასაბარებლად გადიოდა სახლიდან. თავისი ნიჭით კი
პროფესორ-მასწავლებლებს აოცებდა.

სანდრო და თინა უკვე სკოლის მოსწავლეები იყვნენ. ასე
გაჭირვებაში გაიხრბინა ამ სასწავლო წელმაც.

ჩვენს მშობლებს ურჩიეს არჩილის ავადმყოფობასთან და-
კავშირებით ზაფხული კურორტ აბასთუმანში გაგვეტარებინა.

აბასთუმნის პოპულარობას, გარდა მისი არაჩვეულებრივი
კლიმატური პირობებისა, გამაჯანსაღებელი ნაძვნარისა, უანგბა-
დით დაქლენითი მდიდარი, სუფთა ჰაერისა და ულტრაიისფე-
რი სხივებით მოკაშკაშე მზისა, ხელი შეუწყო ოპერის თეატ-
რის სიმფონიური ორკესტრის გასტროლებმა, რომელიც ყო-
ველ წელიწადს ჩადიოდა ამ მოდურ კურორტზე, სადაც მთელი
საქართველოს კულტურული საზოგადოების ბევრი ნაცნობი
ოჯახი იყრიდა თავს.

ქვემო აბასთუმნის პარკის პატარა სცენაზე არაჩვეულებ-
რივად კარგი კონცერტები იმართებოდა. მუსიკის პანგები არე-

მარეს მოედებოდა ხოლმე. აქ იყვნენ საუკეთესო ქართველი დირიჟორები: ძმები ფალიაშვილები, ი. ტუსკია და სხვები.

იმართებოდა საქველმოქმედო კონცერტებიც ღარიბ ავადმყოფთა დასახმარებლად. ჩვენი იქ ყოფნის დროს, მაგალითად, ერთ-ერთი ასეთი კონცერტი გაუმართეს სტუდენტ არკადი მამფორიას, რომელიც მძიმე ავადმყოფი და ხელმოკლე იყო. მთელი კონცერტის შემოსავალი ავადმყოფს მისცეს. ამ ღონისძიებაში დიდ აქტიურობას იჩენდა ქალბატონი ნადეჟდა ბუზოლდი.

1921 წლიდან საქართველოში ეროვნული სულისკვეთების გაღვივება იგრძნობოდა. საქართველოს ყოველ კუთხეში გაჩნდა დაჯგუფებები. უნივერსიტეტში დაიწყო სტუდენტთა დიდი გამოსვლები, თითქმის ყველა სტუდენტი ჩართული იყო ამ მოძრაობაში. არჩილიც და ლევანიც ძალიან აქტიურობდნენ, საქართველოს დამოუკიდებლობის აღდგენას მოითხოვდნენ. თბილისში დაიძაბა ვითარება. გაჩნდა პროკლამაციები, რომლებშიც მოუწოდებდნენ ისევ და ისევ თავისუფალი, დამოუკიდებელი საქართველოს აღდგენისაკენ.

როგორც ცნობილია, 1923 წლიდან საქართველოში საიდუმლო ოპერატიული ჯგუფის უფროსად ბერია მუშაობდა. საზოგადოებაში ის თვალთმაქცობდა და განსაკუთრებულ ღმობიერებას იჩენდა. საქმით კი თბილისში და საქართველოს ყველა კუთხე-კუნჭულში არნახული სისასტიკე დაატრიალა. სწორედ ამ წლებში გამწვავდა ინტელიგენციის რეპრესიები განსაკუთრებული ფენებისა და კატეგორიების მიხედვით. ამ წლებში გაჩნდა დასჯის სასტიკი, ახალი მეთოდები, საყოველთაო დახვრეტა ყოველგვარი საქნის გარჩევის გარეშე—ადმინისტრაციული წესით. საქართველოში სწორედ ამ წელს შემოიღეს ვიღაც სამეულის ხელის მოწერით და „OC“ მიერ სასამართლოს გარეშე უმაღლესი სასჯელის გამოტანის უფლება. უკეთეს შემთხვევაში, თითქოსდა ღმობიერების ნიღბით, დაიწყო პოლიტიკურ პატიმართა გადასახლება შრომა-გასწორების შორეული ჩრდილოეთის ბანაკებში, საიდანაც დაბრუნება სათუო იყო. დაშინდა, შეშფოთდა საქართველოს მოსახლეობა, ეროვნული მოძრაობის ორგანიზაციები არალეგალურ მუშაობაზე გადავიდა. დაარსდა პარიტეტული კომიტეტი, რომლის ზეღმძღვანელები იყვნენ არალეგალური პოლიტიკური პარტიების წარმომადგენლები. მათ დაიწყეს საქართველოში საყოველთაო აჯანყების მომზადება. აჯანყების მიზანი იყო რუსეთის ჯარის საქართვე-

ლოდან განდევნა და საქართველოს სახელმწიფოებრივი სუვერენიტეტის აღდგენა. აჯანყების კონიტეტის სსდომები არალეგალურად იმართებოდა შიომღვიმის მონასტერში. იყო დათქმული აჯანყების დროც — 29 აგვისტო. აჯანყება უნდა მომხდარიყო ერთობლივად მთელი საქართველოს ყველა ქალაქში, რაიონსა თუ კუთხეში. ყველა მხარეს ჰყავდა თავისი თავკაცები. აჯანყება ძალიან სერიოზულად, ბრძოლის სულისკვეთებით მზადდებოდა, მაგრამ, სამწუხაროდ, მიზანს ვეღარ მიაღწია, ვინაიდან აჯანყება თვით მონაწილეებმა გასცეს. საშინელი ტრაგედია დატრიალდა — დაიწყო სისხლიანი რეპრესიები. გარდა აჯანყების უშუალო მონაწილეებისა, დახვრიტეს სრულიად უდანაშაულო ხალხი, იმდროინდელი საუკეთესო ინტელიგენცია, სწავლული ახალგაზრდა.

ჩვენ იმ ზაფხულს აბასთუმანში ვისვენებდით. მამას ჯერ შევებულება არ ჰქონდა, ამიტომ ყოველ კვირას ჩამოდრიოდა, ტკბილეულობით დატვირთული. მერე კი იწყებოდა ზღაპრული მოგზაურობა — ექსკურსიები აბასთუმნის შემოგარენში. დილაადრიან ჯოხით ხელში, თავზე ქუდჩამოფხატულები, უფროსები და უმცროსები დავადგებოდით გზას. მამა ბავშვებს დაგვეტვლიდა ხოლმე ყოველი შემთხვევისათვის. დედა ტასოსაც გვაყოლებდა, თვითონ და არჩილი კი სახლში რჩებოდნენ.

სად არ ვიყავით, რა არ ვნახეთ — ულამაზესი ზეკარის გადასასვლელი, ობსერვატორია ყანობილში, ადგილები, სადაც ქართველ მეფეებს გაუვლიათ და სხვა მრავალი. ბავშვები ვხარობდით ბუნების სილამაზით და სიდიადით განსაკუთრებით ხარობდა ლევანი და აღფრთოვანებას პატარ-პატარა ლექსებში გამოხატავდა.

ხშირად მამას განგებ მივყავდით აბასთუმნის ულამაზეს შემოგარენში, რათა ლევანს ისევ ახალი ლექსი დაეწერა. ლევანი სულ უკეთეს და უკეთეს ლექსებს წერდა. პოეზია მაღლია, რომელიც რჩეულებს ეძლევათ. ხარობდა მამა ლევანის შემხედვარე, კმაყოფილი იყო ლევანის მომადლებული ნიჭით, როგორც მხატვრობაში, ასევე ლიტერატურაში. ხშირად შეაქებდა და დაარიგებდა: — იცოდე, ცხოვრების მძიმე გზაზე სახელი შენ თვითონ უნდა მოიხვეჭო. მერე კი გულისტკივილით იტყვოდა:

— ეჰ, ძალიან დაიჩაგრა ჩვენი არჩილი, როგორ გვაკლია მი-

სი ენამახვილობა, გამოცანები, მისი ჰევიანური აზრები... მაგრამ მადლობა ღმერთს, რომ უკეთესად არის.

კვირა საღამოს ყველანი მამას გასაცილებლად მივდიოდით. ისიც დაწყნარებული ბრუნდებოდა თბილისში, უხაროდა, რომ არჩილს მზის აბაზანები ძალიან რგებდა ფეხზე და ჩვენს, ბავშვები ყველანი ჭანმრთელად ვიყავით.

1924 წლის 29 აგვისტოს, საღამოს, ჩვენს აივანზე დიდი ურიაშული, იყო, ჩვენი უფროსი ბიჭები — არჩილი, ლევანი, სანდრო და მათი თანატოლი მეზობლები გვიანობამდე ბანქოს თამაშს შეყვნენ, „დურაკად“ დარჩენილს შუბლზე მურს უსვამდნენ, იყო ერთი სიცილი და ხარხარი.

დედას და ოჯახის უმცროს გოგონებს გვეძინა. დედა რაღაც ხმაურმა გამოაღვიძა. იქვე ტყის პირიდან უცნაური შრიალი შემოესმა. მერე ველარ დაიძინა და მთელი ყურთასმენა იქითკენ ჰქონდა. გამოირკვა, რომ ტყეში თურმე ჩეკისტები იყვნენ. ისინი ორ საათზე მეტხანს უთვალთვალებდნენ და ზვერავენ ჩვენს ბიჭებს. ბავშვების შეკრებას და ბანქოს თამაშს ეპვის თვალთ უყურებდნენ, პოლიტიკური კრება ეგონათ.

თამაში დასრულდა თუ არა, ბავშვები წავიდ-წამოვიდნენ, ჩვენს ბინაში ჩაქრა სინათლე და ყველამ დაიძინა.

ცოტა ხნის შემდეგ 5 კაცი თავს დაგვესხა. დედას წარუდგინეს ჩვენი ბინის ჩხრეკისა და ლევანის დაპატიმრების ორდერი. თავზარი დაგვეცა, შეშინებული წამოვხტით, აკანკალებულები შევეცქეროდით დედას.

— ლევანი 19 წლისაა, რას ერჩით, რა დააშავა, — გაჰკიოდა დედა. ხუთმა კაცმა მთელი ჩვენი ბარგი-ბარხანა რამდენჯერმე გადაატრიალ-გაღმობატრიალა, ყველაფერს იატაკზე ყრიდნენ. მერე ოთახების და აივნის კედლები კაკუნით და ბრახუნით შემოიარეს, მაგრამ ვერაფერი იპოვეს. რაში იყო საქმე, არავის გვესმოდა.

ლევანი ფერწასული, შეწუხებული, გაკვირვებული და გასუსული იდგა. მამაც მოიკითხეს. ამან ყველა საშინლად აგვაღელვება, რა ვიცოდით, რომ სწორედ ამ დროს, თბილისში ჩვენს ბინაშიც ჩხრეკა იყო თურმე და მამა უკვე დაეპატიმრებინათ. დილის 5 საათზე ლევანი წაიყვანეს. აბასთუმანში მამის არც ციხე იყო და არც ჩეკა, ამიტომ ლევანი რომელიღაც საწყობში დაამწყვდიეს.

დილაუთენია დედა და ჩვენ, ბავშვები, ლევანის საძებნელად წავედით. მოსახლეობამ უკვე იცოდა, ვინ სად იყო დამწყვდეული.

ლევანი მალე ვიპოვეთ. შენობის კარებს, მართალია, გარედან დიდი ბოქლომი ედო, მაგრამ სრულიად ღია ფანჯარა ჰქონდა, ვილაცას ფანჯრის ჩარჩოც კი გამოეღო.

ლევანს საკმელი გადავეცით. დედა ძალიან სერიოზულად შეეკითხა — ხარ თუ არა რამეში ჩათრეულიო. ლევანმა უპასუხა, პოლიტიკური აჯანყების გაერთიანებულ ორგანიზაციაში არა ვარ, მაგრამ მეც აქტიური მომხრე ვარ თავისუფალი საქართველოსი, სტუდენტურ შეკრებებზეც ხშირად ვყოფილვარო. დედამ დაარიგა, რომ ზედმეტი არაფერი ეთქვა. ლევანმა დაგვაშვიდა, მამა დაიფიცა, რომ გონივრულად მოიქცეოდა.

იმ ღამეს, გარდა ლევანისა, აზესთუმანში 200-ზე მეტი სტუდენტი და ინტელიგენციის წარმომადგენელი დაეპატიმრებინათ, განურჩევლად ასაკისა და ეროვნებისა. ისინი მილიციის დიდ ეზოში მოეგროვებინათ და გახაჩენის შესასრულებლად ემზადებოდნენ. აქ იყვნენ აბაშელი, რ. ვარდიანელი, პროფ. სერგო დანელია, გრიშა ხმალაძე, ლადო ნორაკიძე, კოწია კახიანი, საულ კვინიხიძე და ბევრი სხვა.

მიუხედავად ხალხმრავლობისა, ეზოში სამარისებური სიჩუმე სუფევდა. ყველა გულის ფანქვალით უცდიდა განაჩენს. ბევრი ვერც გარკვეულიყო — რაში ედებოდათ ბრალი.

ადგილობრივი მილაციის უფროსთან სირაძესთან სამეული ბრძანდებოდა. სამეულიდან ერთი ოსი იყო, მეორე კი — სომეხი. მათ უნდა გადაეწყვიტათ ამ ტუსაღების ბედ-იღბალი. ამ სამეულის ხელში იყო ქართველი ინტელიგენციის მომავალი, თბილისიდან მიღებული მითითება იუწყებოდა, რომ თბილისში ციხეების გადატვირთვის გამო იქ პატიმრები უნდა გადაეგზავნათ თანდართული სიის მიხედვით, დანარჩენების ბედი კი ადგილზე გადაეწყვიტათ — დაეხვრეტათ.

ასე შემზარავად, ყოველგვარი გასამართლების, დაკითხვისა და საქმის გარჩევის გარეშე ამ „შესანაშნავმა სამეულმა“ პირდაპირ ადმინისტრაციული წესით ყველას დახვრეტა მიუთხაჯა, როგორც სამშობლოს მოღალატეებს და პოლიტიკური აჯანყების მონაწილეებს. საუბედუროდ, იმ პერიოდში ადგილზე დახვრეტა სამეულის გადაწყვეტით თითქოსდა დაკანონდა კიდევც

და ზოგიერთ რაიონში, მაგალითად შორაპანში, ეს საშინელება სისრულეშიც მოუყვანიათ.

საცოდავი ხალხი უცებ წამოიშალა, აბობოქრდა, ზოგმა ყვირილი მორთო, რომ ის უღანაშაულოა და საერთოდ აჯანყების არსებობა არც იცის, ზოგმა ხმამალლა ტირილი და მოთქმა დაიწყო, ზოგი კი ამ ცნობამ იმდენად შეაშინა, რომ გაშეშდა — არაფრის თავი არ ჰქონდა და ბედს მიენდო. საშინელი შიშის ზარი და მეხი დაეცა ყველას

ასე უეცრად დატრიალდა ტრაგედია. პატიმრებს გარშემო საკმარად ბევრი ხალხი — მშობელი თუ ნათესავი შემოეხვია. შიში, შეძახილები, უკმაყოფილება და გოდება ერთდროულად გაძლიერდა, მათი კივილი ცას სწვდებოდა. როგორ დამთავრდებოდა ეს ამბავი, არავინ იცოდა, ყველა შეძრწუნებული და გაგიჟებული იყო. ამ საშინელ ამბავს სულზე ჩამოუხსწრო ახალციხის მაზრის მილიციის უფროსმა ღვამიჩავამ.

ყველას გასაკვირად იგი კეთილი და ღვთისნიერი კაცი აღმოჩნდა. ხალხი დააწყენარა. არავის არ სჭეროდა, რომ ამ დაწყველილ დროს, ამ საშინელ დაწესებულებაში, შეიძლებოდა ვინმე ადამიანი და კაცური კაცი ყოფილიყო. ჩეკაში იმდენი უსამართლობა და წაშება მძვინვარებდა, რომ ამის ჩადენა მარტო ჯალათებს შეეძლოთ. ხალხმა ისინი მართებულად მონათლა ჯალათებად.

ღვამიჩავამ დასახვრეტად გამზადებული პატიმრების საქმეები მოითხოვა. აბა, სად იქნებოდა ეს საქმეები, როდესაც არავინ არ იყო დაკითხული. მხოლოდ სია ჰქონდათ დასახვრეტად გამზადებულებისა. ეზოში სამარისებური სიჩუმე ჩამოვარდა. ყველა პატიმარს თვალი ზენოთ მიეპყრო. სირაძის კაბინეტიდან კი ჩხუბი და გინება ისმოდა, შემდეგ ღვამიჩავამ იქვე დაიწყო საქმეების გამოძიება და გარკვევა. ამას მოჰყვა პატიმართა უმრავლესობის განთავისუფლება. აბასთუმანში მყოფი მშობლებიც დაეხმარნენ თავიანთ შვილებს. ბევრი არასრულწლოვანი იყო. პატიმრობაში დატოვეს მხოლოდ 17 კაცი, მათ შორის ლევანიც. დედა ბევრს ეცადა ლევანის განთავისუფლებას, უმტკიცა, რომ ლევანი ჯერ ბავშვია, არავითარი ორგანიზაციის წევრი არ არისო. ღვამიჩავასაც ძალიან უნდოდა მისი განთავისუფლება, მაგრამ ვერაფერს გახდა, ვინაიდან დასატუსაღებელთა სია თბილისიდან იყო მიღებული, აბასთუ-

მანში მათი იგაშვება-განთავისუფლება ველარ მოხერხდებოდა. ისინი თბილისში გასაგზავნად მოამზადეს.

თბილისში ამ დროს კი საყოველთაო დახვრეტა მძვინვარებდა, როგორც მთლიანად საქართველოში. ზვრეტდნენ ადმინისტრაციული წესით, ყოველგვარი საქმის გარჩევის გარეშე, რომელიდაც სამეულის ხელმოწერით.

დედამ სასწრაფოდ მამას დაურეკა სამსახურში. იქედან კი ცუდი ამბავი აცნობეს, რომ მამაც დაპატიმრებული იყო.

პირველ ხანებში დედა საშინლად შეწუხდა, დაიბნა კიდევ, არ იცოდა როგორ მოქცეულიყო და რა ექნა, მაგრამ მერე ჩვენ, ბავშვებს გადმოგვხედა და წამოიძახა: ბავშვებო, გამაგრდით! ახლავე უნდა ვიმოქმედოთ და ორივეს ვუშველოთ.

აბასთუმანში პატიმრებს შეძლებისდაგვარად ყველა ეხმარებოდა. ამ იგანწირულების თბილისში ადრე ჩასვლა გარდაუვალ სიკვდილს ნიშნავდა, ამიტომ ყველა ურჩევდა მშობლებს დრო შოეგოთ, ეტაპი ახალციხეში როგორმე რამდენიმე დღით შეეჩქრებინათ. ამასობაში კი შესაძლებელია დასჯა-დახვრეტა შეწყვეტილიყო.

ახალციხეში ტუსაღები ღვაშიჩავამ 3 დღე გააჩერა. როდესაც თბილისიდან ცნობა მოვიდა დახვრეტის შეწყვეტის შესახებ, ეტაპი ბორჯომში გადაიყვანა. იქ კი პატიმართა მშობლებმა ივაეკაცეს, მემანქანეს შეუთანხმდნენ, ვითომ შეშა არ იყო საქმარისი მატარებლის წასაყვანად და თავადვე უნდა მოექრა შეშა ტყეში. მემანქანეც მაშინვე დათანხმებულა. ამ ბავშვების ცოდვაში ვერ გავერევიო. პატიმრებმა ბორჯომში 2 დღე და ღამე დაჰყვეს. ამასობაში ცენტრში მასიური დახვრეტა შეწყდა. ვინ მოთვლის, რამდენი უდანაშაულო მსხვერპლი გაილო მაშინ საქართველომ...

რამდენიმე დღე გზაში ჭოფნამ ეს ახალგაზრდები და მათ შორის, ლევანიც დახვრეტას გადაარჩინა.

თბილისში რომ ჩავედით, ქალაქში საშინელი ამბები ხდებოდა. ყველგან შეშინებული და გაუბედურებული ხალხი გვხვდებოდა, მწუხარებისაგან სახეგაშეშებულიები ხმას ვერ იღებდნენ. ან ვინ გაბედავდა ხმის ამოღებას?

სახლში რომ მივედით, კარი დაღუქული დაგვხვდა. მეზობლებმა გვიამბეს ჩხრევის ამბავი. ისიც გვითხრეს, რომ ჩხრევის

დროს ვერაფერი ვერ ნახეს, მაგრამ ბატონი პართენი მაინც დაატუსაღეს და ციხეში წაიყვანესო.

ძალიან ცუდი სახლის რწმუნებული გვყავდა, მრჩხანე ჩეკისტის თვისებები ჰქონდა. ლევანმა მას რატომღაც „ვირთხა“ შეარქვა, რწმუნებულს არაფრით არ უნდოდა ჩვენი სახლში შეშვება. გვიყვიროდა, რომ ჩვენ სანშობლოს მოლაღატეები და მტრები ვიყავით.

დედამ ყური არ უგდო, იგი კარებს მოაშორა, ლუქი ააგლიჯა და ბავშვები სახლში შეგვიყვანა. კარები შიგნიდან მაგრად ჩაკეტა. ის კაცი აივანზე დიდხანს ბრაზობდა და ყვიროდა. ვის ჰქონდა მისი მოსმენის თავი! სახლში საშინელება დაგვხვდა, თითქოს აქ აღამიანები კი არა, ბარბაროსები ყოფილიყვნენ.

ყველაფერი იატაკზე იყო გადმოყრილი, ერთმანეთში არეულიყო დაჭრილი ლეიბებიდან გადმოყრილი მატყლი, გავლექილი ბალიშებიდან გამოცვენილი ბუმბული, საცვლები, გადახეული წიგნები, დამტვრეული ჭურჭელი, მთელი ავეჯი დაემტვრიათ. დედა ცხარობდა, ნეტავ ვცოდე, რას ეძებდნენ ჩვენს სახლში, რომ ასე შეუბრალებლად გააპარტახეს ყველაფერიო.

— როგორ უნდა ვიცხოვროთ? — აღელვებული დედა ჩაგლექილ სავარძელში ჩაჭდა, ძალამ უღალატა, თვალები დახუჭა. უცებ წამოხტა, თურმე ზამბარა შეერქო, ამან გამოაფხიზლა. მერე ჩვენ შემოგვეხედა, შევეცოდეთ, თვალცრემლიანები, ისევ ბარგით ხელში ვიდექით, დაგვაწყნარა:

— ნუ გეშინიათ, ბავშვებო, მთავარია, რომ მამა და ლევანი სიკვდილს გადაურჩნენ და ცოცხლები არიან. ჩვენც ჯანმრთელად ვართ, არჩილს ფეხი ოდნავდა ჰტკივა. ახლა ეს მივალაგოთ. მამა რომ გამოვა, ყველაფერს ახალს შევიძენთო.

მეორე დღეს დედა ჩეკაში ამბის გასაგებად წავიდა. იქ ვერაფერს გახდა, მამის სამსახურს და ნაცნობებს მიაკითხა. ქალაქში არნახული, საშინელი შემფოთება და მწუხარება მეფობდა, ხალხს ეშინოდა გარეთ გამოსვლა, ყველგან მწუხარება, გოდება და ვარაში იყო.

დედამ ძლივს გაარკვია, რომ მანა თურმე მეტეხის ციხეში იჭდა, ლევანი კი — ჩეკაში. ცოტა ხანში ლევანიც მეტეხის ციხეში გადაიყვანეს. საშინელ პირობებში მოხვდნენ. პატიმრების ტყვა არ იყო. თითოეულ პატარა საკანში 8-9 კაცი იჭდა. ნარებ-

ზე 2-3 ტუსალი ერთად იწვა. ეძინათ რიგრიგობით. საშინელი ჰუჭყი, ტილიანობა, შეხლა-შემოხლა მეფობდა. საკვების მხრივ-ვადაც ძალიან ცუდად ჰქონდათ საქმე. იყო დღეები, როდესაც შიმშილით იხოცებოდნენ. ასე გაგრძელდა 3 თვე, მერე საქმლის გადაცემის ნება მოგვცეს. შემდეგ მამასაგან პატარა მანუგეშებელი ბარათიც მოვიდა, რომელმაც დედა დააწყნარა.

იგავიდა 6 თვე, აღსაესე მორალური და მატერიალური გაჭირვებით. მაგრამ დედა სულ იმას ამბობდ, ჩვენი ოჯახი ბედნიერია, დიდ ვაიუბედურებას გადაურჩაო. ორივე — მამაც და ლევანიც ცოცხალია, ეს უნდა გვაჩუგეშებდეს მთელ ოჯახსო. მთავარია, სიცოცხლე იყოს, თორემ დანაჩენი ყველაფერი ასატანიაო. ცოტაც მოვითმინოთ. ჩვენც ხმას როგორ ამოვიღებდით, ვითმენდით ყველა გაჭირვებას.

სრულიად მოულოდნელად მეწვიღე თვეზე მამაც და ლევანიც ერთდროულად გამოუშვეს ციხიდან. ალბათ, მათ ვილაც დაეხმარაო, ექვობდა დედა. წარმოუდგენელმა სიხარულმა დაისადგურა ჩვენს სახლში. ყველა თავს დავტრიალებდით ორივეს, ვცდილობდით მათთვის ნორმალური ატმოსფეროს შექმნას. ძალიან გამხდრები იყვნენ, ჭუჭყიანები, ტილიანები და ჩამოფლეთილები, სხვის ტანსაცმელში გამოწყობილები, თავისი ტანსაცმელი გადასახლებაში გასაგზავნ პატიმრებს დაუტოვეს. მამა მეტად მოხუცდა, თვალები ჩაუცვივდა, სახე დაუნაოჭდა ჰიგამხდრისაგან, წვერი და თმა ძალიან გაუქალარავდა. უძლურ მოხუცს დაემსგავსა. ეტყობოდა, რომ ციხეში ბევრი გადაიტანა. მამა ამბობდა: მე ლევანის ამბავმა დამაბერა და მომკლა, თორემ იქაურ გაჭირვებას გაეუძლებდიო. სიცოცხლე დამელოა, სანამ მის დახვრეტისაგან გადაარჩენას გავიცებდიო.

ჩეკაში თურქე ორჯერ ზედღიზედ შუალამისას გააღვიძეს, წამოახტუნეს და შეცდომით წაიყვანეს დასახვრეტად ლევანის მაგიერად.

— ჯალათები საშინლად ჯავრობდნენ, რომ მე შეეცვდი. ჩვენ ახალგაზრდა ლევან გოთუა გვინდა და არა მოხუციო. იმას აქვს დახვრეტა მისჯილიო. რომ გავიცე ასეთი განაჩენი, სიცოცხლე გავათავე. ვერ წარმოიდგენთ, რა დამემართა, გონება დამებნა, ისეთ სასოწარკვეთილებაში ჩავვარდი. გავშეშდი, ხმას ვერ ვიღებდიო. მერე სულ ჩემს თავს ვადანაშაულებდი, როგორ ჩამიწყდა ენა და ვერაფერი ვთქვი-მეთქი. როცა მეო-

რედაც იგივე გამეორდა და გამომძახეს, მაშინ ხმა ავიმალე, ჩეკისტებს ვემუდარებოდი, დახვრეტა ხომ თვლითა გაქვთ განსაზღვრული, თქვენთვის სულ ერთი არ არის, მე მომკლავთ თუ ჩემს შვილს? მის მაგივრად აგერ არა ვარ, მე მომკალით, ის ხომ ჯერ სულ ახალგაზრდაა და ამ ცხოვრების არაფერი იცის-მეთქი. რატომ, რისთვის მიესაჯა მას დახვრეტა? ვლრია-ლებდი და ვყვიროდი, რაც ძალი და ღონე გქონდა!

ჩვენ ყველანი გაშეშებული ვუსიქნდით ამ ამბავს. საწყალი მამა! რა მძიმე ამბავი გადახდა თავს. კიდევ კარგი, რომ ყველაფერი კარგად დამთავრდა. ცოტა ხანში ჩვენი ცხოვრება ისევ ჩადგა კალაპოტში.

გავიდა ასეთი საშინელი 1924 წელი. უფროსი ბიჭები სტუდენტები იყვნენ, ჩვენ, გოგონები, ეცხოვრობდით დედისა და მამის განსაკუთრებული სიყვარულით გალალბულები.

მამა ხშირად ესაუბრებოდა არჩილს და ლევანს საერთაშორისო მდგომარეობაზე. აფრთხილებდა ბიჭებს არაფერში გახვეულიყვნენ, რადგან რეპრესიები და გადასახლებები თბილისში კვლავ მძვინვარებდა და უბრალო ექვიც კი საკმარისი იყო. მამას არჩილისა არ ეშინოდა, ვინაიდან ფეხის ტკივილის გამო სულ სახლში იჯდა და წიგნებში იყო ჩაფლული. ლევანი კი სტუდენტებთან და ამხანაგებთან ერთად აქტიურობდა, შექმნილ მდგომარეობას ძლიერი აღელვებით განიცდიდა. მას სხვანაირად არც შეეძლო. არჩილს სულ რაღაცას ეჩურჩულებოდა.

გაზაფხულმაც უფერულად ჩაიარა. არჩილის ფეხის ტკივილი, პერიოდულად მისი გამწვავება, ყველას და განსაკუთრებით კი მშობლებს აწუხებდა, ხასიათს უფუჭებდა

ბიჭებმა კარგად ჩააბარეს საზაფხულო გამოცდები და ოჯახმა ზაფხულის არდადეგების გატარება ისევ აბასთუმანში გადაწყვიტა, მით უფრო, რომ არჩილის მტკივან ფეხს აბასთუმანის მზის აბაზანები ძალიან უხდებოდა.

ისევ ჩვენს ძველ აგარაკზე, ქვემო აბასთუმანში დავბინავდით.

არჩილი მკურნალობდა. ლევანს და სანდროს ახალი ვატაცება დაეწყო — მსახიობობა. ამ წელს აბასთუმანში ჩამოსული იყვნენ ელო ანდრონიკაშვილი და შალვა დადიანი, რომლებიც პატარა სცენაზე დიდ და კარგ წარმოდგენებს დგამდნენ. მიქტები აქტიურად მონაწილეობდნენ ამ წარმოდგენებში, ხან

პატარ-პატარა როლებს ასრულებდნენ, ხან სტატისტებად იყვნენ და ხან კენჭისყრით, ვისაც შეხვდებოდა, მოკარნახედ სხდებოდნენ. აბასთუმანში ყველაფერი შშვიდად და კარგად მიდიოდა.

ისევ უბედურება, ისევ ლევანის უიღბლობა! ისევ აგვისტოს ერთ ღამეს გაჩხრიკეს ჩვენი სახლი. დაგვადგა ოთხი ჩეკისტი და ისევ აგვაწიოკეს. ჩხრეკა 3 საათი მიმდინარეობდა, მაგრამ ვერაფერი იპოვეს, ან რა უნდა ეპოვათ, არ ვიცოდით. მიუხედავად ამისა, ლევანი ისევ დააპატიმრეს და იმავე ღამეს თბილისს წაიყვანეს.

ღედას თავზარი დაეცა. ბავშვებს დაგვტაცა ხელი და თბილისში დავბრუნდით.

ლევანი ამბობდა:

— ეს რა ჭირი მჭირს, ჯავახეთში ჩემი ჩამოსვლა ყოველთვის მარცხით მთავრდება, იქიდან სულ მთავრობის ხარჯით ვბრუნდები თბილისშიო! ეს ნამდვილად ასე იყო. ასე იყო 1924 და 1925 წელს, ასევე მოხდა 1946 წელსაც, რაზედაც დაწერილებით ქვემოთ შევჩერდებით.

ლევანი თბილისში არ გაუსამართლებიათ. არც უთქვამთ, რაში ედებოდა ბრალი, „სამეულმა“ მას 3 წლით ციხე მიუსაჯა შორეულ ციმბირში გადასახლებით.

ამჯერად სტუდენტთა რომელიღაც ოფიციალური ორგანიზაციის თავმჯდომარეობა დაბრალდა და როდესაც ამაზე ლევანმა მტკიცე წინააღმდეგობა გაუწია, ძალიან უბრალოდ უთხრეს: შენ, ბიჭო, არაფერში სანდო არა ხარ, სამშობლოს მტერი ხარო. საკუთარ, სათაყვანებელ ქვეყანაში ასე გამოაცხადეს მტრად და დიდი მწუხარება არგუნეს 19 წლის ბიჭს.

მამამ ბევრი იღონა, რომ ლევანისთვის ეშველა, სად არ მიაკითხა, ვის არ ეხვეწა. მაშინდელ მთავრობაში ბევრი ნაცნობიც ჰყავდა, სადაც სიმართლის პოვნას ლამობდა. დაპირება დაპირებად რჩებოდა. მამა დარწმუნებული იყო, რომ ლევანი უსაფუძვლოდ ისჯებოდა. გაიგო კადეც, რომ მას არავითარი ბრალდება არ ჰქონდა დამტკიცებული. არც ჩხრეკის დროს უპოვიათ რამე საეჭვო. მამა ლევანს გამბედავ ბავშვად თვლიდა. იცოდა, რომ არც ერთ პოლიტიკურ ორგანიზაციაში არ იყო გაერთიანებული, მაგრამ იგი აღსაყვს იყო საბრძოლო სულისკვეთებით იმ უსამართლობის წინააღმდეგ, რომელიც იმჯერად

საქართველოში ტრიალებდა. უკმაყოფილებას ხშირად ხმამაღლა გამოხატავდა სტუდენტურ შეკრებებსა თუ მიტინგებზე.

მამა თბილისში ვერაფერს გახდა. მხოლოდ ის გაიგო, რომ „სამეულის“ გადაწყვეტილებას მხოლოდ მოსკოვი თუ შეცვლიდა. ამრიგად, ლევანის ბედი რუსეთის ხელში აღმოჩნდა. იმ პერიოდში კი ძერჟინსკის პოლიტიკური ციხეების რეჟიმის გამკაცრებაზე დიდი შითქმა-მოთქმა ტრიალებდა: იქ მოხვედრას სიკვდილი სჯობიაო, წამების ახალმა ფორმებმა ძლიერ დაამძიმა პატიმართა ყოფაო.

საშინელ მდგომარეობაში ვიყავით. არჩილს ფეხი გაუშაზუნდა და მალალი სიცხეები დაეწყო, ლევანი კი ასეთ დღეში გვეუგულებოდა. მშობლებსთვის ორივე უფროსი ვაჟიშვალის ბედი გაურკვეველი ხდებოდა.

ლევანი თბილისში დიდხანს არ გააჩერეს და, სრულიად მოულოდნელად, ეტაპს რუსეთისაკენ გააყოლეს, როგორც საშიში პოლიტიკური მოღვაწე; ვერ მოხერხდა ვერც მისი ნახვა და ვერც თბილი ტანსაცმლის გადაცემა. ამრიგად, 1925 წელს 20 წლის ლევანისათვის დაიწყო მძიმე ტრაგედია: დედა იმასაც კი ეუბნებოდა მამას, შესაძლოა ვიღაცას ჩვენი ოჯახს ჯავრი სჭირსო და ამ ჯავრს ლევანზე იყრისო. წარუშლელი დიდი დაგვასვა უსამართლობამ, დაგვეუფლა საშინელი დარდი, განცდა, გულსტკივილი. საბოლოოდ საქმის გარჩევის იმედი მხოლოდ ოცნებად დარჩა.

საწყალი ჩვენი მშობლები ადგილს ვეღარ პოულობდნენ, დედა სულ თვალცრემლიანი იყო, მამა ცრემლს მალულად იწმენდა, აღშფოთებული გულგატეხილი ამ მთავრობაზე.

სახლში დიდი მღელვარება სუფევდა, ყველა ლევანის წერილს უცდიდა.

1925 წლის სექტემბრის ბოლოს ძლივს მოვიდა მოსკოვის ციხიდან გამოგზავნილი ღია ბარათი.

21.IX.1925 წ., მოსკოვი.

„ჩემო კარგებო! მოვადწიე მოსკოვს, ОГПУ-დან გადამიყვანეს ბუტირკის ციხეში, საიდანაც, როდის არ ვიცი, ალბათ გრძელი გზა მელის. აქ რამდენ ხანს დავრჩები, არაფერი

რ ვიცი, არ გამოუცხადებიათ. აქ უკვე სიცივემ დაჰკრა, იქით ღიდი ზამთარი მელის. ამიტომ სასწრაფოდ გამომიგზავნეთ იბილები, შინელი, ყაბალახი, ჩემი თბილი ბლუზა და ჭურბლო იქებები. ვწუხვარ თქვენზე. შემომითვალეთ როგორ ხართ?

გზიდან მე შევძელი სამი წერილის ვადმოგდება, ერთი ნავთლულიდან, როსტოვიდან და მოსკოვიდან. პასუხი არ არის. ალბათ ვერ მიიღეთ. ჭანმრთელობით კარგად ვარ. მხოლოდ ვგრძნობ, რომ სიცივეს ჩრდილოეთში ვერ გავუძლებ თბილი ტანსაცმლის გარეშე. ამიტომ თბილების გამოგზავნას ნუ დააყოვნებთ, იქნებ მომისწროს, თორემ ასე ჩაცმული გავიყინები ალბათ. მოკითხვა ყველას. პასუხი დააჩქარეთ.

გოცნით თქვენი ლე ვ ა ნ ი“.

წერილი შემოწმებულია ბუტირკის ციხის ცენზურით.

წერილის მიღებისთანავე მამამ ლევანს მოსკოვში სასწრაფოდ გაუგზავნა თბილი საცვლები, ტანსაცმელი, ფეხსაცმელი და ფული. სახლში ვღელავდით, არ ვიცოდით, ჩვენი გაგზავნილი ამანათი ლევანს დროზე მიუსწრებდა თუ არა.

მამა გვამშვიდებდა, ლევანს ყველაფერი დროულად მიუვა, ბუტირკის ციხეში განგებ დატოვეს, აბა, ასე ჩაუცმელს სად წაიყვანდნენ და თვითონ კი რატომ გამოაწყობენო, ამიტომ დაეწყინარდეთ, ნუ ვღელავთ და მეორე წერილს მოვუცადოთო.

როგორც მერე გამოიჩვენა, ჩვენმა ამანათმა ლევანს სწორედ სულზე მიუსწრო.

ლევანის გადასახლება მეხივია დაეცა ჩვენს ოჯახს. მშობლები ერთმანეთს თითქმის აღარ ელაპარაკებოდნენ. ჩვენც ყველანი ვღუშდით. ისეთ მხიარულ ოჯახში, როგორც ჩვენი იყო, სადაც სულ დაკვრა, სიძღერა, ცეკვა, ჭიცილ-კისკისი ისმოდა, ხშირად უფროსების მხიარული შეკრება იმართებოდა, ბიჭების ამხანაგების ყიჟინა იდგა, ღძივე მღუმარებამ და მწუხარებამ დაისადგურა. სად წაიყვანდნენ ლევანს, არავინ იცოდა. მეორე წერილმა კი ძალზე დაიგვიანა. გულის ფანცქალით ველოდით რაიმე ცნობას. მღელვარება დღითი დღე მწუავდებოდა..

დღემამ მამას დაუწყო საყვედურები, ლევანის ვერაფერი

ვუშველეთ, აქ არჩილის მდგომარეობაც დამძიმდა, ორივე ჩვენი უფროსი ვაჟიშვილი, ჩვენი ოჯახის სიამაყე, სიკეთე, ჩვენი დასაყრდენი და ბურჯი განცდაშია. გესმის თუ არა, ჩვენი ოჯახის ყოფნა-არყოფნის პრობლემა დგება. მე უკვე მოთმინება აღარ მყოფნის! რამე მოიმოქმედე — მოიკრიბე უკანასკნელი ძალ-ღონე და ავტორიტეტი!

მამამ ბევრი იფიქრა, ბევრი იწვალა, ვინ არ შეაწუხა, ვისთან არ დაიმცირა თავი, ვის არ მიმართა თხოვნით, მაგრამ ყველაფერი უშედეგოდ... ჩვენთვის ყველაფერი გადაიწურა.

ბოლოს მამა დარწმუნდა, რომ თბილისში ლევანის საქმე აღარ გაკეთდებოდა და დაიწყო მოსკოვის სხვადასხვა ინსტანციაში თხოვნის წერა. გაახსენდა ძველი ნაცნობი — აბელ ენუქიძე და გადაწყვიტა მისთვის მიეწერა. მართალია მამას ლევანის საქმეში აბელის მოხმარების იმედი დიდად არ ჰქონდა, მაგრამ, როგორც იტყვიან, ცდა ბედის მონახევრეაო, ყველაფერი დაწვრილებით მისწერა და სთხოვდა, როგორმე შეემსუბუქებინათ მაინც ლევანისთვის სასჯელი.

გავიდა რამდენიმე ხანი. ლევანის მეორე წერილი იგვიანებდა. მამას ერთ-ერთ შეკითხვაზე, თუ სად გაიგზავნა გადასახლებაში ლევანი, მოსკოვიდან მოვიდა პასუხი, რომ გადაგზავნილია სოლოვეცკის კუნძულზეო.

ცოტა ხანში მამას უკვე ხელთ ჰქონდა ლევანის ახალი სამყოფელის ყველა ცნობა.

სოლოვეცკის კუნძულები, სადაც ლევანი ქართულ ჯგუფთან ერთად გადაასახლეს, შორეულ ჩრდილოეთშია, თეთრ ზღვაში, დვინისა და ონეგის უბეებს შორის.

თეთრი ზღვა კი ჩრდილო ყინულოვან ოკეანესთან დაკავშირებულია ბარენცის ზღვით. მოკლედ, ეს კუნძულები ზღვათა სამყაროშია. სოლოვეცკის 6 კუნძული ერთმანეთთან მჭიდროდაა დაკავშირებული. საერთო ფართობია 347 კვ. კილომეტრი. კუნძულების რელიეფი ბორცვიანია. სიმაღლე ზღვის დონიდან 107—108 მეტრი. კუნძულების დიდი ნაწილი შემოსილია ასწლოვანი ფიჭვნარ-ნაძვნარით. ბევრი ტბა ჩაქაობებული და საშიფათოა.

სოლოვეცკის კუნძულზე XV საუკუნის 20—30 წლებში დაარსდა მსოფლიოში უდიდესი მამაკაცთა რუსული მონას-

ტერი, რის გამოც ამ კუნძულებს შეერქვა სოლოვეცკის მონასტრის სახელწოდება.

1584—1594 წლებში ოსტატმა ტრიდონმა აქ ააშენა ხუროთმოძღვრულა საეკლესიო მშენებლობის უნიკალური კომპლექსი. უსტინსკისა და პრეობრაჟენსკის სახელობის ტაძრები დღესაც საუკეთესო არქიტექტურულ ნიმუშს წარმოადგენს. აქვე აშენდა მიძინების, ფერისცვალების და ხარების ეკლესიები, სადაც შესაბამისი ლოცვა-კურთხევა აღევლინებოდა ეკლესიებიდან. იქვე პატარა, მაგრამ ბევრის მომსწრე სამრეკლოა აღმართული. იმ იდუმალ სამფლობელოში ყოველი ჩამოკრული ზარი ლოცვის მათუწყებელი იყო. უდროო დროსაც ისმოდა ხოლმე ზარების შემზარავი რეკვა მიძიე ამბის მომასწავებლად...

კომპლექსის ცენტრში დგას დიდი ადმინისტრაციული შენობა უშველებელი სატრაპეზოთი. მას კრემლს უწოდებენ. უფრო მოშორებით გაუთლელი ქვის დიდი ლოდებით აშენებული, ქვის ძუნწი ავეჯით მოწყობილი ბერების საცხოვრებელი საკნებია.

ამ საცხოვრებლის ქვევით კი პატარა, ბნელი სარდაფებია, რომლებიც შემდგომ კარცერებად გამოიყენეს. თავის დროზე ალბათ ეს მდუმარე ქვებიც კი მიძიედ გუგუნებდნენ და ქვითინებდნენ იქ დატრიალებული ტრაგედიისა და ადამიანთა წაშების გამო.

მთელი ეს ტერიტორია შემოფარგლულია მაღალი, საკმაოდ განიერი, დაუმუშავებელი ქვისაგან აშენებული, უშველებელი კედლით, რომლის სიმაღლე 8—11 მეტრია, სიგანე — 4,5 მეტრი.

ამ კედლის ყოველ კუთხეში აზიდულია მრგვალი ფორმის საკმაოდ მაღალი კოშკურები, საყარაულოები და სათვალთვალოები.

კედლებში ჩატანებულია 7 რკინის კარი, გამაგრებული ჯაჭვით. ამრიგად, ეს ნაგებობა მძლავრ ციხესიმაგრეს წარმოადგენს.

ამასთან ერთად ერთობ მიუვალა, რადგან ამ კუნძულების სანაპირო ზაზი ღრმადია შეჭრილი ზღვაში და გამაგრებულია კილომეტრიანი დამბითა და 6,5-მეტრიანი სიმაღლის კედლით. მონასტერში შესვლა შეიძლება მხოლოდ ზღვიდან მი-

წისკვემა გასასვლელებითა და რაბის კარიბჭეებით, საიდანაც ამ ტერიტორიაზე ნაგები და პატარა გემები შედის. აქ ყველა საკულტო ნაგებობა ერთ ღერძზეა განლაგებული და ერთმანეთთან დაკავშირებულია შუშაბანდებითა და გადახურული გრძელი გადასასვლლებით.

სოლოვეცის მონასტრისაკენ მისასვლელი ზღვის გზა ზამთარში იკეტება და ნავიგაციის გახსნამდე მიმოსვლა შეწყვეტილია. შემდგომში მონასტერი დაიხურა და მისი მთავარი შენობა (აღმინისტრაციული) ციხედ გადაკეთდა.

XIX საუკუნიდან სოლოვეცის მონასტერი რუსეთის იმპერიის ციხედ, პოლიტიკური პატიმრების იზოლაციის საშინელ სამყაროდ და წამების ადგილად იქცა. ფანჯრებს ააკრეს რკინის ბადეები, ხის კარებები შეცვალეს რკინის ცხრაკლიტულებით. გამოხვრიტეს სათვალთვალეები. ქვის საკნები კი საჯარიმო იზოლატორებად გამოიყენეს და „შიზო“ შეარქვეს („Штрафной изолятор“).

აქ აწამებდნენ პატიმრებს მორალურად თუ ფიზიკურად! სოლოვეცის მონასტრიდან თავის დაღწევა თითქმის შეუძლებელი იყო. აქედან გაქცევის ცდა თვითმკვლელობას ნიშნავდა. ვინ მოთელის, რამდენმა სასიკადაულო ადამიანმა პპოვა ამ შიწაში თავისი სამუდამო განსასვენებელი...

საბჭოთა ზელისუფლების დროს სოლოვეცის მონასტერი პოლიტიკური პატიმრების უსასტიკესი საპყრობილე გახდა. ამასთან ერთად აქ უყრიდნენ თავს რევოლუციონერებსაც, მკვლელებსაც და გამოუსწორებელ კანონიერ ქურდებსაც.

შაგრამ ბევრი უდანაშაულო პოლიტიკური პატიმრისათვის სოლოვეცის მონასტერში გადასახლება თითქმის ღვთის წყალობა იყო — მათ ხომ დახვრეტა შეუცვალეს აქ გადასახლებით. უხაროდათ სიცოცხლის შენარჩუნება. სიცოცხლე იყოს, თორემ მძიმე პირობების ატანა შეუძლებელია, იმედოვნებდნენ ახალჩამოსულები. რას მოეფიქრებდნენ, რომ სწორედ აქ ელოდათ უმძიმესი მორალური თუ ფიზიკური გამოცდა, შიმშილი, სიკვდილი... როცა ლევანის სოლოვეცის კუნძულებზე გადასახლების ცნობა მივიღეთ, ოჯახში დიდმა მწუხარებამ დაისადგურა.

შამა ადგილს ვერ პოულობდა. დარწმუნებული იყო, ლევანი უდანაშაულოდ დააპატიმრეს. მიზეზი ვერ გაერკვია, მის

მოქმედებაში ამის საბაზს ვერ ხედავდა. მარტო იდეისთვის, ლალი აზროვნებისა და ახალგაზრდული შემართებისათვის დაპატიმრება ვერ წარმოედგინა. მეორე მხრივ მამა ღმირად იხსენებდა, რომ ლევანს პირველი ხანმოკლე პატიმრობისას, როცა ის, მამა, არჩილი და ქორწილიდან წამოყვანილი რამდენიმე სტუმარი ჩეკაში მიიყვანეს, რალაც წიგნში მარტო ლევანი ჩაწერეს და პატარა ანკეტაც შეავსებინეს. მაშინ მამას ამისთვის არ მიუქცევია ყურადღება, ლევანი ხომ მხოლოდ 17 წლისა იყო. მეორეჯერ რომ დააპატიმრეს და აბასთუმნიდან წამოიყვანეს, ისევ აღრიცხეს. ჩეკას ციხეში რომ იჯდა, დახვრეტაც კი ჰქონდა მისჯილი, თუმცა, ექვს თვეში გამოუშვეს და მაინც ლევანი ორჯერ იყო აღრიცხული. შესაძლოა ეს ორი ჩანაწერი სრულიად საკმარისი იყო მის დანაშაულში ექვსის მისატანად, მით უფრო, რომ ლევანი თავისი თანატოლებისაგან მნიშვნელოვნად გამოირჩეოდა ნიჭით, აზროვნებით, გამბედაობით და ბევრი სხვა კაცური თვისებით. ეს კი იმ დროს ახალგაზრდა სტუდენტის დასაპატიმრებლად სრულიად საკმარისი პირობა იყო. უბრალოდ, დააცალეს, რომ ლევანი სრულწლოვანი გამზდარიყო, მერე დასტაცეს ხელი და ყოველგვარი დაკითხვისა და გასამართლების გარეშე ასე შორს გადაავდეს

მამამ ვეღარ მოიხვენა. სად არ იარა, ვინ არ შეაწუხა, სულ ჩეკას კარებთან იყო ატუზული, მაგრამ ამოდ. მერე ფული და ამანათი სოლოვკებშიც გაუგზავნა. სულ იმას გაიძახოდა აღელვებული და ანერვიულებული: სანამ ლევანს ეტაპით ჩრდილოეთში ჩაიყვანენ, ჩვენი გაგზავნილები იქ დახვდება, ძალიან გამოადგება და გაახარებსო. მერე დედას, არჩილს, სანდროს და თინას წერილები დააწერინა.

დედას სოლოვეცის მონასტრის მისამართის სისწორეში ექვი ეპარებოდა და იარც ჰქონდა იმედი, რომ ლევანთან წერილები ჩააღწევდა, მაგრამ მამას ხასიათი არ გაუფუჭა და შეიღს რამდენიმე წერილი მისწერა.

ჩვენს ოჯახში ყოველდღე, ყოველ საათს და ყოველ წუთს ლევანზე იყო ლაპარაკი, წუხილი და ტირილი. ტასო გლოვობდა. ის და დედა, მარტონი დროს რომ იხელთებდნენ, იცრემლებოდნენ და გულის ფანჯრალით უცდიდნენ წერილებს. არჩილი თავის ოთახში წიგნებში იყო ჩაფლული. ნერვიულობისაგან კრილობა სტკიოდა და ლოგინიდან იშვიათად დგებოდა.

ჩვენთან არავინ აღარ მოდიოდა. ყველა შეშინებული იყო. ეს არც არის გასაკვირიო, — ამბობდა მამა, — ქალაქში არანორმალური ვითარებაა. დაქვრები მიმდინარეობს. აპატიმრებენ ღირსეულ თანამემამულეებს (ინტელიგენციას, სტუდენტებს, სპობენ უდანაშაულო ხალხს. ბევრი ქართული ღირსეული ოჯახი დაარბიეს. ბევრიც დააშინეს, კარჩაკეტილ ცხოვრებაზე გადაიყვანეს, ცხვირის გარეთ გამოყოფისაც კი ეშინიათ.

ხალხში გავრცელებული ბერიას დებულება ყველას შიშს ჰკვირდა: შემადრწუნებელი ფაქტია ის გარემოება, რომ საქართველოს რესპუბლიკაში განსწავლული, უმაღლესი ცოდნით, დიდგვაროვანი და ინტელიგენტი მნიშვნელოვნად სჭარბობს სხვა რესპუბლიკის მცხოვრებლებს, ამიტომ წონასწორობის დამყარების მიზნით საჭიროა მექანრიკური შემცირება, მოსაობა და მათი პროცენტული გათანაბრებაო. ეს საშინელი აქცია ყოველგვარი სინდისის ქენჯნისა და პასუხისმგებლობის გარეშე მიმდინარეობდა და შიშის ზარს სცემდა მოსახლეობას.

ახალმა, 1926 წელმაც ნოვეიკაქუნა.

ჩვენს ტრადიციულ სტუმართაუყვარე ოჯახში, სადაც დღესასწაულების გადახდა ზეიმი იყო, ამჯერად კალანდობამ ფერმკრთალად ჩაიარა. განსაკუთრებით ახალ წელს ყოველთვის სამაგალითოდ ვზეიმობდით. ახალი წლისათვის მზადების ფუსფუსი ადრე იწყებოდა ზოლმე. უშველებელ, ნამდვილ ნაძვის ხეს, რომლის წვერი ჭერს ებჯინებოდა და დიდ ოთახს თითქმის მთლიანად იკავებდა, ლამაზი სათამაშოებით ვრთავდით. ამასთან სდევდა დიდი ყრიამული და სიხარული. საგანგებოდ ვპატიუებდით მამიდაშვილებს და ახლო ნათესავებს. ბავშვებისათვის საჩუქრებიც წინასწარ იყო მომზადებული, ვის რა სჭირდებოდა, იმის მხედვით, გოგონებს ახალი კაბები და თოჯინები, ბიჭებს ბლუზები და წიგნები, ფეხსაცმელი — ვისაც არ ჰქონდა, უზომოდ ბევრი კანფეტით.

ახალი წლის ღამეს სათანადოდ მოკაზმული „თოვლის ბაბუა“ გამოგვეცხადებოდა ზურგზე დიდი ხურჩინით და შიგ საჩუქრებით. იყო სიხარული და ბედნიერება. სუფრა მუდამ სავსე იყო გემრიელი ქართული კერძებით, ტკბილეულობით და უამრავი გოზინაყით.

მეორე იწყებოდა ბავშვების შეჯიბრი ლექსის თქმაში, დაკვრაში, ცეკვაში, სიმღერაში, მხიარულებაში, რომელშიაც ყო-

ველთვის უფროსებიც იღებდნენ მონაწილეობას. მამა პატარა ბავშვებთან ერთად ნაძვის ხის გარშემო ტრიალებდა, დედა უკრავდა და ამღერებდა უფროს ბავშვებს. ლევანი და სანდრო სავიოლინო კონცერტს მართავდნენ, თინა უკრავდა და ცეკვავდა, არჩილი გამოცანებს ამბობდა.

ლექსებით ლევანი ყველას სჯობნიდა. მამა იმასაც კი აქცევდა ყურადღებას, რომ ლევანი უკვე თავის საკუთარ პატრიოტულ ლექსებს ამბობდა. ჩვეხი ტასოც ცეკვავდა და თავის რაჭულ სიმღერებს გვასწავლიდა. ასე გრძელდებოდა შუალა-მემდე.

დიდიდანვე იწყებოდა სტუმრიანობა და მოლოცვები, ვინ არ მოდიოდა. აქ იყვნენ ნათესავეები, მეგობრები ზოგი დედ-მამის, ზოგი ბიჭების, ზოგიც გოგონების. სადილის შემდეგ კი მამა მოგვიკიდებდა უმცროს ბავშვებს ხელს და სტუმრად წაგვიყვანდა, უფროს ბავშვებს ნება ეძლეოდათ ვისაც სად უნდოდა, იქ წასულიყო. არაფერი ამდაგვარი ამ წელიწადს აღარ გვქონდა. აღრე დავიძინეთ, უფროსებს არაფრის თავი არ ჰქონდათ, უმცროსები კი მათ შევცქეროდით.

გავიდა რამდენიმე მტკივნეული მძიმე თვე და, აი, ძლივს გამოიდარა ჩვენთან ოჯახში — დიდი დაგვიანებით მოვიდა ლევანის პირველი წერილი სოლოვეცკის კუნძულებიდან.

„სოლოვეცკის კუნძულები.

2.II.1926 ;

ს ა ყ ვ ა რ ე ლ ო მ შ ო ბ ლ ე ბ ო !

როგორც წინა წერილში გწერდით, ყინულმტკრელმა სოლოვეცკის კუნძულებზე, ყოფილ კაცთა მონასტერში, სადაც ეხლა სასტიკი ციხეა, ძლივს ჩამოგვიყვანა და ყინვაში დაგვტოვა. ისტორიულად ძველ-დიდებულმა ციხე-სიმაგრემ, ამჯერად ჩაფოხილმა, გაპარტახებულმა და ჩაშავებულმა ბანაკმა, მძიმე შთაბეჭდილება ქამიტოვა. მე-12 ასეულის სარდაფებმა, სადაც მე მოვხვდი, ჩემი ბედის დაცინვა და უკულმართობა მაგრძნობინა. გაძლებაზე

და არსებობაზე სასტიკად ჩამაფიქრა და დამბოღმა. ვერც კი წარმოიდგენთ, აქ რა ხდება. ეს ყოველივე ამქვეყნიური არ არის. დაწვრილებით მერე მოგწერთ, ჭერჭერობით მთლიანად მე თვითონ ვერ გავერკვეთ ამ ჭოჭოხეთში. თქვენი გამოგზავნილი ფული მივიღე, გაზეთის 7 ნომერიც გადამომცეს. ერთდროულად მივიღე დედის, სანდროს წერილი და ცარიელი კონვერტი ცნობით, რომ არჩილის წერილი ცენზურამ არ გაატარა. ნეტარი რას მწერდა ისეთს.

ჩემი ცხოვრება სოლოვკებში მძიმედ ჩქეწყო. მიმდინარეობს ჩაუამებულად, ერთფეროვნად და დაწვრილმანებით. ჩემს ჭანმრთელობას ნუ იჭავრებთ. ჭერჭერობით არსად არ ვმუშაობ. მასვენებენ. ქართველი ბიჭები ერთმანეთს ვებმარებით, სხვანაირად აქ არ შეიძლება. ჩრდილოეთის პატარა უბის საქართველოში ჩვენ ჩვენი დევოში გვაქს: ურთიერთგამაგრება, დახმარება, ერთ მუჟად შეეკრა. მძიმე ღუბჭირის გადატანა და, რაც მთავარია, სოცოცხლის შენარჩუნება. დედას წერილმა მე ძალიან გამახარა. დედა, გენაცვალე, მე ვგონებ დავბრძენდი და პატიმრული გამოცდილებაც შევიძინე. აქ ბევრი მოულოდნელი წვრილმანი მხვდება, რომელიც დიდ მოვლენებში გადადის და ძნელად ასატანი ხდება. მაგრამ მე ვიტან ყველაფერს. აქ საჭიროა კულის მიჩვევა და მძიმეს ატანა, რაც ჩემთვის ხშირად მეტად ძნელია. ამას ვერც კი წარმოიდგენთ.

დედა, კიდევ ერთხელ გთხოვ, ჩემზე ნუ იღარღებ. ამ პატარა დროის მონაკვეთში მე ბევრი რამე ვისწავლე, მე გავხდი ისეთი პრაქტიკოსი, რომ თვითონ მიკვირს. ჩაცმული ვარ საგრძნობლად თბილად. ვკოცნი თამრიკოს და მზიკას. დიდი სალამი მაროს და ალიოშას, აგრეთვე ამხანაგებს, რომლებმაც დავიწყეს კიდევ ჩემი არსებობა.

მოკითხვა იასესაგან.* ის თანდათანობით გამოკეთდა. ნერვები მალე სულ დაუწყუნარდება. სისუსტეც თითქმის გაუარა.

* იასე ფავლენიშვილი, არჩილის მეგობარი, გადასახლებაში ლენინთან ერთად იყო.

სოლოვეების ბანაკებში ერთმანეთში არეულია ყველა პატიმარი — პოლიტიკური თუ სისხლის სამართლის დამნაშავე. თითოეული პიროვნება გადახეულია, როგორც ჩვენი ცხოვრება. საერთოდ სრულებით მოწყვეტილი ვართ გარე სამყაროს, ვნახოთ, რას მოგვცემს 1926 წელი. უიმედონი, მაინც გულის სიღრმეში სადღაც უჩუმრად მცირედი ჩაქსოვილი იმედით ვცხოვრობთ მომავალზე და სიკეთეზე.

როგორც ყოველთვის, შევხვდი ახალ წელს, მართალია, უგოზინაყოდ, უქონო წიწიბურის ფაფითა და მტკნარი წვენით, მაგრამ მომავლის იმედით.

ახალ ადგილზე კლიმატი ახლა შედარებით რბილია. ამბობენ, რომ აქ გაზაფხულია ქალიან ნესტიანი და სახიფათო ქანმრთელობისათვის. ეს ყველაფერი უბრალოდ ბაა, ოღონდ და იყოს საკვები.

ყველას სალამი და მოკითხვა. გკოცნით.

თქვენი ლევანი“.

წერილი შემოწმებული იყო ცენზურის მიერ. ჰქონდა ოთხკუთხედი შტამპი, ხელს ვინმე ტაბიძე აწერდა.

აშრიგად „ლევანი აგვისტოს ბოლოს, 1925 წელს დააპატიმრეს, სექტემბრის დასაწყისში მუსკოვის ბუტირკის ციხეში მოხვდა. იქ დაჰყო 2 თვემდე და შემდეგ ეტაპით მძიმე, წვალების გრძელი გზა გაიარა მოსკოვიდან — სოლოვეცკის კუნძულებამდე.

ლევანისგან მიღებულმა წერილმა ცრემლიანი სიხარული მოგვიტანა. წერილმა გვამცნო, რომ ლევანი ჯანმრთელად იყო. სანუგეშო იყო ის ვარემოებაც, რომ გადასახლებული ქართველები ერთმანეთს ეხმარებოდნენ და ხელს უწყობდნენ დუხჭირი ცხოვრების შემსუბუქებაში.

დღედა საშინლად წუხდა ლევანზე. მის გადასახლებას ვერ ეგუებოდა. 20 წელს მიღწეული ისეკ ბავშვად მიაჩნდა და ყველაფრისა ეშინოდა. საშინლად აწუხებდა გადასახლების ადგილის სიშორე.

— რაღა ლევანს გამოუნახეს ეს სოლოვეცკის კუნძულები, რომელიც საქართველოდან ათი ათასი და უფრო მეტი კილომეტრით არის დაშორებული. ამით მისთვის ყოველგვარი დახ-

მარტების საშაულებე შეგვიზღუდეს. ის კლიმატური პირობებიც შეიძლება საბედისწერო გახდეს ლევანის ჯანმრთელობისათვის. შემზარავი ყინვა, თოვლი და ქარბუქი თბილი ჰაერის პირობებში გაზრდილი ბავშვისთვის ძალზე მძიმე გადასატანი იქნება. რაც მთავარია, ციხის მძიმე ცხოვრება და კვება ზომ სულ დააუძლურებსო. მამა აწყნარებდა დედას, — ლევანი ჯანმრთელი, უშიშარი და გამბედავია, არც თუ ისე განებივრებული, ამიტომ მძიმე პირობებს შეეგუებაო. ეს მისი მძიმე ცხოვრებისეული გამოცდაც იქნებაო. მამას ყველაზე უფრო იმის ეშინოდა, ლევანი როგორ შეეგუებოდა პატიშრებს, რომელთა გარემოცვაშიც ის მოხვდა.

რამდენიმე ხანში დედის სახელზე ლევანის წერილი მოვიდა.

„სოლოვეცკის მონასტერი.

22.V.1926 წ.

„საყვარელო დედა! მივიღე შენი წერილი დიდი ღვაწლიანებით. ძალიან მაწუხებს არჩილის ავადმყოფობა. დაწვრილებით შემატყობინეთ მისი ჯანმრთელობის მდგომარეობის შესახებ. აგრეთვე შემატყობინეთ ბებია გოგოლას მდგომარეობა. მე ჯანმრთელად ვარ. სამუშაოზე დანიშნული ვარ, მაგრამ ჯერ არ ვმუშაობ, მასვენებენ. სრულიად გამოვჯანსაღდი. იასესაც მისმა პირველმა ნერვიულმა აშლილობამ უკვალოდ გაუარა. მუშაობიდან ის საერთოდ განთავისუფლებულია. ამიტომ გადაეცით მის დედას — იასეს ჯანმრთელობაზე ნულარ იჯავრებს. წერილებს გიგზავნით ძალიან ხშირად, თითქმის ყოველ კვირას. რატომ თქვენ მათ არ ლებულობთ, არ ვიცით, თავისუფალი დროც ბევრი მაქვს, დავიწყე ფრანგული ენის გამეორება-შესწავლა.

როგორ სარჩან მზია და თამრიკო. რატომ თინა არ მწერს.

თქვენი წერილები გადმომცეს, მიუხედავად მისამართის შეცვლისა. საერთოდ მე-12 ასეულიდან, ამ საშინე-

ლებიდან, სადაც ჩამოსვლისთანავე მოვხვდი, კარგა ხანია ცოცხალი თავით ძლივს დავაღწიე. ახლა მე-8 ასეულში ვარ, უკეთეს პირობებში. ამიტომ ამ მისამართით მომწერეთ წერილი.

ხმელეთთან მიმოსვლა ძალიან გაძნელებულია, მთელი თვეობით არ არის ფოსტა. ამინდი აქ მეტად ცვალებადია, ხან ქარბუქია და ხან დიდი შეთბურებაა. სულ სახლზე, თქვენზე და ჩემს სამშობლოზე ვფიქრობ. ძალიან მომენატრეთ ყველა. რატომ გავიწირე ასე მკაცრად, არ ვიცი. სულ სხვა სამყაროში ვარ მოხვედრილი. ჩვენებური ყველაფერი მაინტერესებს, ავი თუ კარგი. ბევრის მოწერა მინდა, მაგრამ მაინც ცენზურა არ გაატარებს, ამიტომ უმჯობესია სიღინჯე.

საერთოდ, საკვირველი რამაა ეს საკონცენტრაციო ბანაკი. აქ განსაცვიფრებელი და აუტანელი - შერწყმა „დროსტარებისა“ და პატიმართა ტრაგიკული ბედისწერისა.

მაშა ალბათ ისევ ბევრ შრომაშია.

ერთი ვაჟიშვილი მძიმე ავადმყოფია, მეორე კი გადასახლებაში, მაგრამ რა ჰქნას. იმედია ახლო მომავალში, ორივე ვაჟიშვილი ამაგს გაათკეცებით გადავუხდით.

ვიმედოვნებ მომავალში ყველაფერი უკეთესობისაკენ წავა.

ამბავი საქართველოდან ჩვენამდე ძალიან იშვიათად მოდის. ისე კი ყველაფერი მაინტერესებს. გზეთ „კომუნისტის“ მარტო ნ ნომერი მივიღე, მომწერეთ ხშირად წერილები. თურმე ეს აქ როგორ აუცილებელია. ხასიათზე მაინც მხნედ ვარ, მოუთმენლად ვუცდი ნავიგაციის გახსნას, როდესაც ჩვენ ისევ შევუერთდებით პლანეტას, რომელსაც მიწა ჰქვია. და თუ ესლა გარიყულები ვართ, მერე ტანჯული მიწის შვილები ვიქნებით. მისამართი ძველია, სოლოვკები, მე-8 ასეული.

ყველას, ყველას, ყველას სალამი და კოცნა.

ლ ე ვ ა ნ ი.

არჩილის ჭანმრთელობის შესახებ მომწერეთ დაწვრილებით. მან თვითონ მომწეროს.

ვკოცნი შიკას და თამარიკოს. სანდროს გადაეცით, რომ მან შეინახოს ჩემი ლექსები.

ლ ე ვ ა ნ ი.“

მეორე წერილის მიღების შემდეგ ოჯახში მდგომარეობა საგრძნობლად გამოსწორდა. ლევანის მხნედ და ჭანმრთელად ყოფნამ შშობლებზე დამაწყნარებელ მალამოსავით იმოქმედა.

მთავარია ლევანი მხნედ და ჭანმრთელად იყოს, — გულისტკივილით იმეორებდა მამა, — ლევანი ძლიერი ვაჟაკია და პატიმრულ დუხჭირ ცხოვრებას ადვილად გაუძლებს, სიძნელებესაც იოლად გადაიტანს.

მამამ ისიც გაიგო, რომ სოლოვეცკის კუნძულებზე ბანაკებში, მძიმე პირობების გამო, ვადის დაფარვაში შეღავათი იყო — იგი ნახევრდებო. ამიტომ ლევანი იქედან მალე დაგვიბრუნდებო, გულს იკეთებდნენ შშობლები. ლევანი ხომ ციხის ტერიტორიაზე თავისუფლად დასეირნობდა, არ მუშაობდა და ფრანგულ ენას დაეწაფა, ამას შშობლები რაღაც შეღავათებს შიამყრდნენ, თუმცა ძალიან კი უკვირდათ: პირდაპირ საკვირველია ლევანის შეღავათები იმ დროს, როდესაც ბანაკში მძიმე ფიზიკური შრომა ყველა პატიმრისათვის აუცილებელი. ლევანი ჭკვიანი ბიჭია, წერილებშიც თავშეკავებულა. არ იწერება ბანაკის საჭარბოროტო, მტკივნეულ ამბებს. იცის, რომ ამას ცენზურა არ გაატარებს და, რაც მთავარია, ჩვენ გულს არ გვიხეთქავს. თორემ ვინ არ: იცის, თუ იქ რა ცეცხლი ტრიალებს.

იქ, სამშობლოს მიღმა, საქართველოსადმი ლევანს კიდევ უფრო გაუღვივდა ცნობისმოყვარეობა. შსს ყოველგვარი წერილმანი აინტერესებდა. პატიმრებისგან ბევრი რამ გაიგო და გაიცნობიერა. გულისტკივილით გვთხოვდა — წერილები ხშირად მომწერეთო. ზოგჯერ ზარმაცობაშიაც კი გვდებდა ბრალს. გვარწმუნებდა, წერილები აქ აუცილებელი არისო. ეშინოდა შორეულ ჩრდილოეთსა და საქართველოს შორის დამაკავშირებელი ძაფის გაწყვეტისა, ყოველ წერილში ღელავდა ამაზე. მაგრამ საქმე უფრო სერიოზულად იყო. თვეში მარტო

ერთხელ შეიძლებოდა წერილის მიწერ-მოწერა, დანარჩენ წერილებს ანადგურებდნენ. ჩვენ მაინც ვწერდით და ვწერდით, ლევანიც იწერებოდა და იწერებოდა... ზოგჯერ, შემთხვევით, ასეთი წერილიც აღწევდა მიზანს. ლევანი თავისი გულკეთილობით თავის ამხანაგებს თუ ჩვენს ნათესავებს იგონებდა და ზალამს უთვლიდა, მამა კი ღელავდა, ამ მოწერით და გაზსენებით მათ არაფერი არ ევნოთ, ეხლა სხვა დროა და უბრალო ამბავი რთულ დანაშაულად შეიძლება გადაქცესო, როგორც თვითონ მას შეემთხვაო.

ჩემი გულკეთილი, ნიჭიერი და ჰკვიანი ბიჭი კიდევ ჩვენ გვიბრალეზო, — მამა ხშირად ეტყოდა დედას. ლევანს თავისი ლექსების ბედ-იღბალიც აინტერესებს, ლექსები სანდრომ შემინახოსო. ის კი არ იცის, რომ ჩხრეკის დროს ლევანის ლექსები და ჩანაწერები ჩეკაში წაიღეს და ალბათ გაანადგურეს კიდევ.

ლევანს არჩილის ჯანმრთელობაც აწუხებდა. მშობლები ამასაც განიცდიდნენ. ხშირად უბრუნდებოდნენ ლევანის წერილების გადაკითხვას, უცებ შეკრთებოდნენ და წუხდნენ ბანაკში მისი უმუშევრობის გამო.

შეიძლება ლევანს ჯანმრთელობაც ღალატობს და ის ჩვენ გვიმალავს და გვაწყენარებსო, — აღწყოებით იმეორებდა დედა. შეიძლება სხვა რამეშია საქმე და ჩვენ ვერ ვხვდებით, — აყვებოდა მამა. მერე ისევ წერილით იმშვიდებდნენ თავს და მოუთმენლად ელოდებოდნენ შემდეგს.

„სოლოვეცის კუნძულები.“

2.VI.1926 წ.

ძ ვ ი რ ფ ა ს ო მ შ ო ბ ლ ე ბ ო ი

აი, უკვე ორ თვეზე მეტია, რაც თქვენგან არ მიმიღია ცნობა. არ ვიცი, რაშია საქმე და საშინლად ვწუხვარ.

უკანასკნელად წერილმა შემატყობინა არჩილის ავადმყოფობა, ახლა როგორა გრძნობს თავს. რამდენიმე წერილი გამოვგზავნე, არ ვიცი, მიიღეთ თუ არა.

მე ჯანმრთელად ვარ. ფული, 45 მანეთი, მივიღე. სა-
მუშაოდ სააღმშენებლო რაზმში ჩამრიცხეს, მაგრამ ჭერ
არ ვმუშაობ. მართალია თოვლი ჭერ არ დამდნარა, მაგ-
რამ დღისით წოგჭერ კარგი ამინდია. მალე ალბათ გა-
იხსნება ნავიგაცია. ისევ მოვა დიდი ხნის ნანატრი გემი
და თვითმფრინავი, რომელსაც ფოსტა დააქვს.

რატომ არჩილი, სანდრო და თინა ხშირად არ მწერენ.
ნუთუ ეს ძალიან მძიმეა? როგორ არიან თამარიკო და
მზია. მოკითხვა ნათესალებს და ამხანაგებს.

მოკითხვა იასესაგან.

მოკითხვა მაროს და ალიონას. რას აკეთებს თიკო,
შემატყობინეთ.

მე მსნედ ვარ. ამიტომ ჩენზე ნუ იწუხებთ. მოკითხვა
ელიზბარს, იაშას, დავითს და სხვებს. ნუთუ მათ იმდენ-
ად დაავიწყდათ რუსული წერა, რომ არ შეუძლიათ წე-
რილის მოწერა?

გამომიგზავნეთ ქართული და ფრანგული წიგნები.

მოკითხვა ყველას, გუცნით.

თქვენი | ლ ე ვ ა ნ ი“.

ლევანისაგან გამოგზავნილ ყოველ წერილს დიდი ძლელ-
ვარება და ამასთან ერთად ცრემლიანი სიხარული მოჰქონდა.

შორეული ჩრდილოეთიდან ლევანი მშობლებს აწყნარებ-
და, ყოველთვის მხნედ და ჯანმრთელად ყოფნას იტყობინე-
ნებოდა.

მშობლებსაც სწორედ ეს უნდოდათ: ლევანს პატიმრული
ცხოვრებისათვის გაეძლო, შეგუებოდა და ჯანმრთელობა შეე-
ნარჩუნებინა. რაც კი მშობლებზე იყო დამოკიდებული, შესაძ-
ლებელი თუ შეუძლებელი, ისინი პირნათლად ასრულებდნენ.

ოჯახს მორალურად და მატერიალურად ძალიან გაუჭირ-
და, ბავშვებს დააკლდათ მშობლიური სითბო, დაირღვა მყუდ-
როება, შემოაკლდათ საკვები და ჩასაცმელი. ბიჭული შემოსა-
ვალი უკლებლად ორი უფროსი ვაჟიშვილის გაუთვალისწინე-
ნებელ ხარჯებზე მიდიოდა. ყველაფერი ლევანისათვის და არ-
ჩილისთვის კეთდებოდა. ამაზე სხვა ბავშვები ხმას როგორ

ამოვიღებდით! პირიქით, მშობლებს, რა თიცი შეგვეძლო, ვეხ-
მარებოდით.

ორივე ძმის მდგომარეობა კრიტიკული იყო და კეთილი
ბოლო არ უჩანდა. მოსკოვიდანაც აგვიანებდა პასუხის მამის
თხოვნაზე ლევანის შეწყალების შესახებ. საკითხის დადებითად
გადაწყვეტის იმედი უკვე აღარ ჰქონდა, მაგრამ პატიოსანი კა-
ციის ყაიდაზე, სადღაც, გულის სიღრმეში, სამართლის გა-
მარჯვების ნაპერწკალი მაინც უღვიოდა.

მშობლები ლევანის მუშაობის დაწყებით კმაყოფილები
იყვნენ და მისი აძლენი ხნის უმუშევრობასთან დაკავშირებუ-
ლი ეჭვებიც გაეფანტათ.

ერთადერთი, რაც მამას უკვირდა და ვერ აეხსნა, ის იყო,
რომ ლევანი დიდ გულისწყრომას გამოთქვამდა მეგობარ-
ნათესავეებზე, წერილებს რომ არ სწერდნენ. წერილების მი-
წერას წინააღმდეგი კი თვითონ მანაჩვენი იყო და ლევანის
მისამართს არავის აძლევდა, საქართველოში შექმნილი პოლი-
ტიკურად დაძაბული ვითარების გამო ფრთხილობდა.

გრძელდებოდა რეპრესიები, აპატიმრებდნენ უდანაშაუ-
ლოებს, ერის საუკეთესო წარმომადგენლებს, სწავლულებს,
სტუდენტებს. საქართველოში თანდათან სპობდნენ. განათლე-
ბულ ხალხს.

ლევანს ეს უნდა სცოდნოდა, ან იქ უნდა გაეგო, საყვედუ-
რით ამბობდა მამა. ერთ-ერთ წერილში ძალიან დიპლომატიუ-
რად მისწერა კიდევ ამის შესახებ იმ იმედით, რომ ცენზურა
წერილს გაატარებდა. მაგრამ, როგორც გაირკვა, წერილმა¹ ლე-
ვანამდე ვერ ჩააღწია. შესაძლებელია ამის მიზეზი სანაოსნო
გზების დიდი ხნის ჩაკეტვაც იყო.

„30.IX.1926 წ.

ხ ა ყ ვ ა რ ი ლ ო დ ი დ ა

შენი გამოგზავნილი წერილი დიდი დავვიანებით
მივიღე, ძალიან გამეხარდა შენი და უველას კარგად
ყოფნა. თბილისის პახლი ამბებიც მესიამოვნა. გთხოვ
ჩემზე ნუ იღარდებ, მე ჯანმრთელად ვარ. ხშირად

გწერთ, პირველ რიცხვებში გამოგიგზავნეთ წერილი. არ ვიცი, მიიღეთ თუ არა. როგორც უკვე გატყობინებდით ბუტირკის ციხიდან, თქვენგან გამოგზავნილი ფული მხოლოდ ახლა მივიღე. სწორედ სულზე მომისწრო. მე ჭანმრთელად ვარ. სოლოვეცკის პრინციპებით უსათუოდ უნდა ვიმუშაო, მაგრამ ახლა, მართალია დროებით, არსად არ ვმუშაობ.

სოლოვეცკში ზაფხული გაღვივდა, ხეები ძლივს აყვავდა, დაიწყო თბილი დღეები. დღეს პირველად შევძელი ტბაში ბანაობა, რომელიც აქ ბევრი რაოდენობითაა. ხშირად ნავით დავდივართ ტბაზე. ხასიათზე საერთოდ მხნედ ვარ, განსაკუთრებით დღევანდელი ახალი ამბის შემდეგ — ჩვენი ჭგუფიდან შოთა აბესაძეს გამოუცხადეს ეგრეთ წოდებული მინუს 6, რაც ნიშნავს, რომ მას არ შეუძლია 6 მთავარ ქალაქში და მოსაზღვრე ზონაში ცხოვრება, მთლიანად გამორიცხულია კავკასიაც. ამიტომ მან საცხოვრებლად ქალაქი ვორონეჟი აირჩია და ამ დღეებში გაემგზავრება ეგრეთ წოდებულ თავისუფალ გადასახლებაში. იქ იქნება თავისი მისჯილი ვადის დამთავრებამდე.

როგორ არიან ბავშვები? თინამ, ასე სჩანს, მე დამივიწყა, არჩილისაგანაც დიდი ხანია წერილი არ მიმიღია. მამა ალბათ ძველებურად ჩაფლულია მუშაობაში. გადაეცი მოკითხვა ჩემგან. ვკოცნი მზიკოს და თამრიკოს.

დაწერეთ მისამართი ზუსტად.

ჩემო არჩილი როგორ ცხოვრობ, როგორ მიღის შენი მეცადინეობა. ნუთუ შენც, ჩემი არ იყოს, დაკარგე წელიწადი? რატომ არ მწერ წერილს, ან რატომ ამხანაგები არ მწერენ?

მე ჭანმრთელად ვარ. სავსებით აღვიდგინე პირველადი ჭანმრთელობა. ვმუქთახორობ. ხშირად ტყეში ვსეირნობ და ნავით დავცურაობ, მაგრამ შენ ნუ გგონია, რომ მე არ ვმეცადინეობ. ფრანგულ ენას ძალიან სერიოზულად მოვკიდებ ხელი. ზამდენიმე თვეში ისევ წესიერად ვილაპარაკებ.

არჩილი აქ სულ უცნაური, მაგრამ, ამავე დროს,

„საინტერესო“ ამბები ტრიალებს. ზამთარში გრანდიოზული ყინულოვანი მთებია და ჩრდილოეთის პოლარული ნათება, ზაფხულში — თეთრი ღამეები ან, უფრო სწორად, ღამის მაგვარი მოღრუბლული დღეები. მზე მთელი დღე-ღამე ზორიზონტზეა.

მაგრამ, ჩვენ, ჩრდილოეთის მკვიდრნი, ყოველივე ამას დიდი ხანია მივეჩვიეთ. ამის შესახებ შემდეგ წერილში მოგწერ დაწვრილებით. ახლა კი მე გთხოვ გამომიგზავნო ზურაბ ავალიშვილის წიგნი და უახლესი ქართული ჟურნალები და წიგნები, ჩვენი სწავლების კურსი გეტხმანის, პოლიტიკურ ეკონომიაში, აგრეთვე ფრანგული წიგნები. წიგნების გამოგზავნა ადვილია ამანათით, მით უფრო, რომ ახლა ნავიგაცია გაღებულია. გადაეცი მოკითხვა ამხანაგებს და ნაცნობებს.

შენ მოკითხვას გთვლის იასე, ისიც ჭანმრთელად არის.

მოუთმენლად ველი წიგნებს.

მოკითხვა ყველას, გოცნით.

თქვენი ლე ვ ან ი“.

ლევანი რომ იწერებოდა ტყეში ვსეირნობ, ნავით დავცურავ და ტბაშიც ვიბანავო, საწყალი დედა საშინლად აღელდა. ეს როგორ შეიძლება, ნუთუ ლევანს მაგის მოფიქრება არა აქვს, რომ ჭერ კიდევ ავადმყოფია. კარგად რომ იყოს, ბანაკში უმუშევრად ვინ დატოვებს და ასე სეირნობის ნებას ვინ მისცემდაო. მაშინვე მისწერა წერილი და გულისტკივილით ეხვეწებოდა ჭანმრთელობას გაფრთხილებოდა.

მამა ლევანის კარგ ხასიათზე ყოფნას პატიმარ აბესაძის ბანაკიდან აღრეულად თავის დალწევას მიაწერდა. თურმე პატიმართა წესდებაში არსებობს ასეთი შესაძლებლობა, რომელიც არც მამამ და არც ლევანმა არ იცოდნენ. ალბათ ორივეს ერთდროულად, ლევანს შორეულ ჩრდილოეთში და მამას საქართველოში იმედის სხივმა გაუელვათ, მით უფრო, რომ არც დადებითი და არც უარყოფითი პასუხი მოსკოვიდან ჭერ არ იყო მოსული.

ლევანი არჩილის ავადმყოფობას სერიოზულად არ თვლი-

და და ვერ წარმოედგინა, ასეთმა ნიჭიერმა სტუდენტმა, როგორც არჩილი იყო, სასწავლო წელი როგორ გააცდინა. არჩილის ჯანმრთელობის მდგომარეობა კი დღითი დღე უარესდებოდა. ჭრილობიდან ჩირქის დენამ მოიმატა, მიუხედავად გამეორებით ოპერაციისა და ჭრილობის გასუფთავებისა. არჩილი საწოლს იყო მიჯაჭვული და სისხლის მოწამვლის ნიშნები ღრმადებოდა.

ერთი თვის შემდეგ ლევანისაგან კვლავ მივიღეთ არჩილის სახელზე გამოგზავნილი წერილი.

„სოლოვეცკის მონასტერი.

2.III.1927 წ.

ჩემო არჩილი! ძლივს მივიღე შენი წერილი. როგორც ჩანს, შენ ჯერ კიდევ ავადმყოფობ. ვფიქრობ საბოლოოდ მაინც მორჩები და ჯანმრთელად იქნები. მეც ჩამოვალ საქართველოში და ჩვენ, როგორც ყოველთვის, ძველებურად, ისევ აქტიურად შევეუდგებით სწავლა-განათლებას, გავახარებთ ჩვენს კეთილის მსურველებს და ვასახელებთ ჩვენს გვარსა და სამშობლოს. მე ჯანმრთელად და მხნედ ვარ. არაფრით არ მინდა დავეცე სულით. აჰ, ჩვენთან, ყველაფერი ძველებურად არის. თუ არ ჩავთვლით იმას, რომ ერთ-ერთი ჩვენთაგანი — შოთა აბესაძე გაათავისუფლეს. მისცეს მას მინუს ექვსი, რომლის შესახებ გწერდით წინა წერილებში. დიდი სიხარულით და იმედით ის უკვე გავამგზავრეთ. გულში დაგვრჩა სევდა და იმედის თვალი.

შორეულ ჩრდილოეთში გაზაფხული უკვე შევიდა თავის ძალაში, მოგვაბეზრა თავი თეთრმა ღამეებმა და ყინულოვანმა მთებმა. რა არის ადამიანის ცხოვრება, მისი სვებედი საიდან სად გადაგაგდებს. არასოდეს აზრადაც არ მომსვლია, როდისმე ასე მძიმედ განწირულად ყოფნა და სამშობლოზე ოცნება დამჭირდებოდა. ეშმაკმა დალახვროს. ბოლოს და ბოლოს ჩემთვის თუ ჩემისთანებისათვის როდისღა დადგება ნამდვილი სასიკეთო გაზაფხული? მომავალზე ოცნება კი ცივ ყინულეთში და საშიშ სამყაროში ფრთებშეჭრილი გვრჩება.

როგორც ამინდია ცვალებადი, ისევე ჩვენი ცხოვრებაც და თვით სიცოცხლეს ცვალებადია. ისე უცებ გაგაქრობენ, ვერც კი მიხვდები.

როგორც კი დაუბერავს ჩრდილოეთის ქარი, ბანაკში ყველაფერი თავიდან ბოლომდე ირევა. რა ხდება არ იცი, სად ქრება ხალხი ვერ მიხვდები, ზოგჯერ თუ დათბა აქაურობა და სიცხეც შეიგრძენი, ეს სიკეთეა, იცოდე. ჩვენც კეთილად ვგრძნობთ თავს, ცოცხლებში გარეულები. ძალიან შორსა ვართ გადმოგდებული სამშობლოდან. ტყუილად კი არ არის ეს თეთრი, ცივი ზღვა და არც ტყუილად ჩვენ ვიმყოფებით 250 კილომეტრით დაშორებული ჩრდილოეთ პოლარული რკალიდან. საერთოდ ვცდილობ რამდენადაც შესაძლებელია ამაზე არ ვიფიქრო და დრო არ დავკარგო უქმად.

გადაეცი ამხანაგებს მოკითხვა და გააფრთხილე ისინი, რომ წერილები წერონ რუსულ ენაზე.

რაც შეეხება წიგნებს, ქართული წიგნების გამოგზავნა შეიძლება, მათ არავინ არ აკნევებს. უკეთესია წიგნები გამოგზავნოთ ამანათით. გამომიგზავნე უსათუოდ ახალი ლიტერატურული ჟურნალები, ზურაბ ავალი-შვილის წიგნი და გეტხმანის სახელმძღვანელო პოლიტიკურ ეკონომიაში, აგრეთვე ახალი მასალები მ. ჯანაღუჯელის, თუ კი ის უკვე გამოვიდა. ქართულ და სხვა გაზეთებს ჩვენ ვღებულობთ. ამიტომ მაქაური ცნობები მართალია მოგვიანებით, მაგრამ მაინც ჩვენამდე აღწევენ.

ვკოცნი მზიკას და თამრიკოს. ბავშვები ძალიან მომენატრა.

როგორ არის მამის და დედის მანძირთელობა. ვწუხვარ, რომ ჩვენ ორივემ უზომოდ გავაწვალეთ, მაგრამ ვიმედოვნებ, ეს დროებითი ამბავია და ჩვენ მათ მომავალში გავახარებთ. მოკითხვა ბიძია ვანოს, დეიდას და მათ შვილიკოს.

არჩილი შენ მაინც მალე გამოჯანმრთელდი. დაამთავრე უნივერსიტეტი. საითკენ წახვალ ზაფხულში? თუ ისევ აბასთუმანში წახვედით ყველა ძველ ნაცნობს მოკითხვა გადაეცი.

წერილი გამოგიგზავნე აგარაკიდან. ეს ყველაფერი სრულიად ბუნებრივია: შავი ზღვის ცხელი სანაპიროებიდან ანდა აბასთუმნის უმშვენიერესი ხეობიდან თეთრი ზღვის სივრცე — სანაპიროსაკენ — სოლოვეცკის კუნძულებზე.

ყოფილი უძველესი მონასტერი ძირფესვიანად გაუღენთილია რუსული ავი სულით. ახლანდელი ხაკონცენტრაციო ბანაკები ისეთი აღარ არის რაც სხვა მთავრობის დროს იყო. ეს განსაკუთრებული მნიშვნელობისაა, სადაც მოქმედებს სისასტიკისა და ულმობლობის საშინელი კანონები. აქ აღამიანთა სიკვდილი მძვინვარებს, როგორც სრულიად ჩვეულებრივი, უბრალო ამბავი.

მოკითხვა ყველას, ყველას. აბა, თავს მოუარე.

გოცნი ლე ვ ა ნ ი“.

მშობლები ყოველი წერილის მიღებას განიცდიდნენ. ლევანის შინაგან გულისტკივილს, მძიმე ხვედრს, დაკავშირებულს პატიმრულ ჭირ-ვარამთან, თავის ფიქრებთან განმარტობას, მომეტებულ ნერვიულობას და სხვა გაჭირვებას სტრეჟონებს შორისაც კითხულობდნენ. ამას მოჰყვებოდა საწყალი მშობლების გრძნობათა ჭიდილი. კიდევ კარგი, რომ გვიან გაიგეს ლევანის მძიმე თავგადასავალი, რომელიც მას გადახდა სოლოვეცკის კუნძულებზე ჩასვლისთანავე, თორემ ამას ალბათ ვერც გადაიტანდნენ.

სოლოვეცკის მონასტრიდან გამოგზავნილ ყოველ წერილში ლევანი მშობლების დასაწყენარებლად ჯანმრთელად ყოფნას რომ იწერებოდა და არ მუშაობდა, საქმე სულ სხვანაირად ყოფილა. ამას ჰქონდა თავისი ძალიან სერიოზული და სავეალალო მიზეზი.

სოლოვეცკეში ჩამოსვლისთანავე, — იგონებდა ლევანი, — ქართველ პატიმართა ჯგუფი, ბნელ, ნესტიან, მუხლებამდე ჩამყაყებელი წყლით სავსე საშინელსუნთან და ანტისანიტარულ სარდაფში მოგვათავსეს. როდესაც გამოერკვნენ პირველი საშინელებისაგან, შეამჩნიეს, რომ უამრავი შიშველი კაცის გარემოცვაში მოხვედრილიყვნენ. მათი შემხედვარენი

კინალამ შოკში ჩაცვივდნენ. უმრავლესობას მათ შორის მკერ-
დზე და მუცელზე ორ წყებად, პირდაპირ კანზე ჰქონდა მი-
კერებული ბრჭყვიალა სამხედრო ღილები, ზოგიერთს კი
ბარძაყებზე კანი ჯიბეებივით აყეცილდა და ამოკერილი ჰქონ-
და ხელის ჩასაყოფად ან რაიმეს შესანახად. ტანზე მხატვრო-
ბას (ტატუირებას) ნუ იტყვი, რას არ ნახავდი. რამდენი
რამისთვის გაეძლო პატიმრებს, ზოგს ძალით და ზოგს ნებით.
ახლადჩამოსულების ყურადღება მიიქცია ბევრი პატიმრის
მუცელმა — მკერდის ძვლიდან ბოქვენამდე ზოგს ძველი და
ზოგს ახალი ნაოპერაციები ნაწიბური ჰქონდა. ეს იმიტომ,
რომ მე-12 ასეულისაგან თავის დასაღწევად და ცოტა ხნით
მანც საავადმყოფოში მოხვედრის მიზნით გასაცოდავებული
პატიმრები ყლაპავდნენ გატეხილ ალუმიანის კოვზებს და თა-
ვისი ნებით მიდიოდნენ კუჭის ურთულეს ოპერაციაზე.

რას წარმოიდგენდნენ ქართველი ბიჭები, რომ პოლიტი-
კური პატიმრები, როგორც მათ ეძახდნენ, მოხვდებოდნენ კა-
ნონიერ ქურდებთან, მკვლელებთან, ბანდიტებთან, ისეთ პა-
ტიმრებთან, რომლებსაც მისჯილი ჰქონდათ ხანგრძლივი პა-
ტიმრობა სისხლის სამართლის დანაშაულისათვის, რომ ამ
თავზეხელაღებულებთან სარდაფში ერთად იცხოვრებდნენ
და აქაური ყოფისა და კვების რეჟიმს გაინაწილებდნენ.

ახალჩამოსულების მიმართ სარდაფში იმწუთშივე იწყე-
ბოდა შემზარავი შეტევა. აქ შეყრილ ვიგინდარებს ჰყავდათ
თავისი „ატამანები“ და დამრტყმელები, როგორც ისინი ეძახ-
დნენ, დაუმორჩილებელი პატიმრების მოსარჯულებლად. იმ-
წუთშივე დაიწყეს ახალბედა პატიმრების შევიწროება. მათ
გასაგონად ისინი გაჰკიოდნენ: — ახალჩამოსულებმა აქაური
ქუდი უნდა დაიხურონ, შეისისხლხორცონ აქ დამკვიდრებული
წესები და ადათებიო.

დამხდურებს თავიდანვე უნდოდათ ახალშემატებულთა
დათრგუნვა, დაჩაგვრა, ხელქვეითად, მონად ქცევა, როგორც
აქ საერთოდ იყო მიღებული.

დაიწყო მათი წვალება, ჩაგვრა, დამონება, ფულის, საკ-
ცების, ტანსაცმლის წართმევა. ქართველ ბიჭებს გამსაკუთ-
რებით აგოებდა მათი უდიერი მოქცევა, გამასხარავება და
დაცინვა, ლანძღვა-გინება, ცინიზმი, განათლების, ეროვნების,
პატრიოტიზმის და ინტელიგენტობის აბუჩად აგდება. ეს კი

აურზაურში, საშინელ შეხლა-შემოხლაში და მუშტი-კრივი გადადიოდა.

ქართველმა ბიჭებმა, მათ შორის ლევანმაც, ბევრი შეურაცხყოფა მოითმინეს. მუშტი-კრივიც ჩაებნენ, ფიზიკური და მორალური ტკივილიც აიტანეს. აბა, ამდენ თავზეხელაღებულ, არამზადა პატიმარს ვინ მოარჯულებდა ან ვინ მოერეოდა. მით უფრო, რომ ზედამხედველობისათვის და ბანაკის უფროსებისათვის აქ ყველა პატიმარი ერთი იყო. მათ ხელს აძლევდათ ბანაკში ახალბედა და ძველ პატიმრებს შორის ასეთი შუღლი. მათ შეხლა-შემოხლა ზედამხედველს არ უშლიდნენ, პირიქით, აქეზებდნენ კიდევ. პატიმართა შორის ჩხუბს და მუშტი-კრივს არაფრად აგდებდნენ. თურმე პატიმართა მორჯულების და დამონების ასეთი მეთოდები ამ ბანაკში წესად ყოფილა დამკვიდრებული.

ჯანყი ერთ კვირას გასტანს, ყოყლოჩინა ახალბედები და იბეგვებიან, მერე მღელვარება და შეხლა-შემოხლა დღითი დღე შემცირდება და ბოლოს, როგორც ყოველთვის, ყველაფერი მოწყურდება, ბანაკში სიმშვიდე დამყარდებაო, — გაიძახოდნენ ზედამხედველები. რაც მთავარია, „ატამანებთან“ აღმინისტრაცია თურმე შეკრულიც კი იყო. გამოსავლის მხოლოდ ორი გზა არსებობდა: სრული დამორჩილება ან სიკვდილი.

ყველას გასაოცრად იმჯერად ასე არ მოხდა. მღელვარება, შეხლა-შემოხლა, მუშტი-კრივი დღითი დღე მწვავედებოდა. ქართველი ბიჭები, მათ შორის ლევანიც, თავზეხელაღებულ ბრბოს, რომელიც მათ დასარბევად დაესია, არ დაემორჩილნენ. მართალია, ბევრი ფიზიკური შეურაცხყოფა აიტანეს, მაგრამ ბანაკის აღმინისტრაციის, ვიგინდარების, „ატამანის“ და ზოგიერთი პიროვნებადაკარგული პატიმრის გასაკვირად, იძულებული გახდნენ უკიდურესი ღონისძიებისათვის მიემართათ — პროტესტის ნიშნად მათ შიმშილობა გამოაცხადეს. მოითხოვდნენ ამ საშინელი სარდაფიდან დაუყოვნებლივ გადაყვანას პოლიტიკურ პატიმრებთან. 20 დღის შემდეგ ისინი ცოცხალმკვდრები საავადმყოფოში გადაიყვანეს, 30 დღის შემდეგ, მართალია, მიაღწიეს მიზანს, მაგრამ საშინელი მსხვერპლის ხარჯზე. ქართველების მცირე ჯგუფი გადაარჩა. ამ ჯგუფიდან ჩვენ შეგვიძლია დავასახელოთ იასე ფავლე-

ნიშვილი, ბესო ვაშაკიძე, ვახტანგ ბარათაშვილი, შალვა დადიანი, პეტრე კურცხალია, შოთა აბესაძე და ლევან გოთუა. ასე უკვალოდ დაიკარგნენ სამშობლოს სიყვარულისთვის სამშობლოდან უსამართლოდ გაძევებული ქვემარტი მამულიშვილები. შესაძლებელია ამ ახალგაზრდების ასეთი ტრაგიკული სიკვდილი მაშინდელ მთავრობას ხელს აძლევდა კიდევც.

ბიჭები სიკვდილის პირას იყვნენ მისული. ამიტომ გათ სიცოცხლისაკენ შემობრუნებას დასჭირდა ბევრი დრო და დიდი ზნით ხელოვნური კვება. სისუსტეს და კახექსიას ნერვული აშლილობანი მოჰყვა. განსაკუთრებით მძიმედ გადაიტანეს შიმშილობა იასე ფავლენიშვილმა და ბესო ვაშაკიძემ, ისინი ძლივს გადაარჩნენ. იმიტომ იყო, რომ ლევანი იასეს შესახებ ყოველ წერილში გვატყობინებდა. ლევანმა შიმშილი შედარებით იოლად გადაიტანა, მაგრამ მაინც 5—6 თვე დასჭირდა გამოკეთებას. სწორედ იმ პერიოდში ლევანი არ მუშაობდა, საავადმყოფოს ტერიტორიაზე იყო და კუნძულზე თავისუფლად დადიოდა.

ლევანისათვის სოლოვკებში შიმშილის ამბის და ამდენი ქართული ბიჭის დაღუპვის გახსენება შემადრწუნებელი იყო. რას იფიქრებდა, რომ შიმშილობისაგან ერთხელ ძლივს გადაარჩენილს, წლების შემდეგ კვლავ დასჭირდებოდა პროტესტი და ისევ შიმშილობის გამოცხადება (ამაზე ქვევით შევჩერდებით).

როგორც ლევანის წერილებიდან ჩანდა, ჟურნალ-გაზეთების და წიგნების უმრავლესობა ადგილამდე არ აღწევდა. მაგალითად, ზურაბ ავალიშვილის წიგნი 3-ჯერ გაუგზავნეს. გვიკვარს, რატომ თავის დროზე ვერ მიხვდა მამა, რომ ამ წიგნს ცენზურა არ გაატარებდა, ის ხომ საქართველოს დამოუკიდებლობას ეხება.

მე-6 ასეული საავადმყოფოს ტერიტორიაზე იყო, ამიტომ პატიმრებიც შედარებით უკეთეს პირობებში იყვნენ საერთო რეჟიმისა და კვების მხრივ. შიმშილობის შემდეგ ვერა და ვერ გამოკეთდნენ. ამ დროს უწიგნობა და, განსაკუთრებით, ცარიელი კონვენტების მიღება ძალიან ანერვიულებდათ. თვითონ განსაჯეთ, დიდი ფსიქიკური დაძაბვით, ხანგრძლივი მოლოდინით, განაწამები ელოდნენ სამშობლოდან რაიმე ცნო-

ფას — წერილს, ერთდერით ძაფს საქართველოსთან დამაკავშირებელს და მოსდიოდათ ცარიელი კონვერტი. ეს ხომ სადინშია! ორიოდ სიტყვით გვინდა მოგიხროთ ვახტანგ ბარათაშვილზე (ის ჩვენი სასიკეთლო მწერლის მარია ბარათაშვილის უფროსი ძმაა), რომელიც 1925 წელს დააპატიმრეს და სოლოვეებში 25 წლით გადაასახლეს.

ვახტანგი, ეს ახოვანი, წარმოსადეგი ვაჟკაცი სოციალ-დემოკრატიული პარტიის ახალგაზრდათა კომიტეტის მდივანი გახლდათ, დამოუკიდებელი საქართველოს აჯანყების მომწყობი კომიტეტის აქტიური წევრი.

ლევანი მას უნივერსიტეტიდან იცნობდა, ორივე ეკონომიკური ფაკულტეტის სტუდენტები იყვნენ, ვახტანგი ორი კურსით წინ იყო. კომიტეტის წევრებს ჩეკა სასტიკად სდევნიდა. ერთხელ კი ჩეკისტებმა ვარდისუბნის ქუჩაზე სახლს, სადაც თავმოყრილი იყვნენ, ალყა შეინარტყეს. ბიჭები სასწაულად გადაურჩნენ დააპატიმრებას.

ახალგაზრდებმა გადაწყვიტეს არალეგალურად საზღვარგარეთ გაქცევა და სწავლის იქ გაგრძელება. ვიღაც ურჯულომისინი გასცა და 50 ქართველი პატრიოტი ახალგაზრდა ერთდროულად ქობულეთში დააპატიმრეს, არც გაუსამართლებიათ, სასწრაფოდ ციმბირში გადასახლეს. ცნობა ვახტანგის შესახებ ბუტირკის ციხიდან მოვიდა. ვახტანგის მამა, გერვასი ბარათაშვილი (პედაგოგი, განათლებული კაცი, მამაჩვენის მეგობარი), თავზარდაცემული, თბილი ტანსაცმლით ხელში მოსკოვს გაემგზავრა, მაგრამ ვახტანგი იქ უკვე აღარ დახვდა. გერვასიმ ჩრდილო ციმბირისაკენ მიმავალ ეტაპს უკან სდია და სოლოვეცკის ბანაკს მიაღწია. ვახტანგი ბუტირკის ციხეში მძიმე პირობებში მოხვდა — ნესტიან სარდაფში. ძლიერ გაუჭირდა, თირკმელებმა უღალატა. ასე ავადმყოფი, მშვიერი და ჩაუცმელი ეტაპს გააყოლეს. პატიმრებს შეეცოდათ იგი და დაეხმარნენ — საგზაოდ თბილი ქურთუკი და პური შეუგზავნეს.

ქურდებმა ამის წართმევაც მოინდომეს, მაგრამ ერთმა ღვთისნიერმა პატიმარმა დროზე გააფრთხილა ვახტანგი.

ვახტანგს ქურთუკი ვერ წაართვეს, ის ღვთისნიერი, კეთილი კაცი კი იქვე მოკლეს.

ვახტანგი სოლოვეების ბანაკში ლევანთან ერთად უკიდუ-

რესად მძიმე პირობებში ჩაეარდა, ამიტომ უკიდურეს ზომასაც მიმართა — შიმშილობა გამოაცხადა. ამ პერიოდში მამამისიც იქ გაჩნდა. ადმინისტრაციას ვახტანგის მამის ჩამოსვლა გაეხარდა, პატიმარი შიმშილობას შეწყვეტსო.

— შიმშილობა შეწყვეტე და ჩამოსულ მამას შეგახვედრებთო, — განუცხადეს ვახტანგს.

— დედაც რომ ჩამოვიდეს, შიმშილობას არ შევწყვეტო, — იყო პასუხი.

შეწუხებული მამა მოსკოვში დაბრუნდა და აბელ ენუქიძეს დიდი წერილი-საჩივარი მიწერა, ყველაფერი დაწვრილებით დაწერა, რაც კი იმ ბანაკში ნახა.

მეორე დღეს გერვასი ბარათაშვილი მთავარმა პროკურორმა გამოიძახა, იქ მისი წერილი-საჩივარი აჩვენა, სულ წითელი ფანქრით ხაზგასმული და საყვედურიც უთხრა, თქვენ რომ საჩივარში წერთ საბჭოთა კავშირის არც ერთ ბანაკში ასეთი მძიმე პირობები, წვალება და შიმშილი არ არისო...

— საკვირველია, — შეეპასუხა აღელვებული გერვასი, — ვითომ არ იცით, რა ზღედა ციმბირის ბანაკებში, სადაც პოლიტიკური პატიმრები, ქურდები, თავხეხულადებული ხულიგნები, რეციდივისტები და ბანდიტები ერთად შეყრილია რეჟიმის ყველა სხვა „სიკეთესთან“ ერთად?

აბელ ენუქიძის ჩარევით ეს ბანაკები შემოწმდა და ყველა ფაქტი დადასტურდა, მაგრამ არაფერი შეცვლილა. აბელ ენუქიძე ვახტანგს დაეხმარა, ის მიწუს 6 მუხლით თავისუფალ გადასახლებაში, ქალაქ საჩხატოვში დამკვიდრდა. 12 წლის შემდეგ, 1937 წელს, ვახტანგი, უკვე მძიმე ავადმყოფი, საქართველოში დაბრუნდა და 1938 წელს გარდაიცვალა.

ვასო დავითაშვილი საქართველოს დამოუკიდებლობისთვის იბრძოდა. ჩეკაში აწამეს. ცოცხალმკვდარი სოლოვკებში გადაასახლეს.

ჩვენს ოჯახში ისევ დაიწყო ლელვის მძიმე პერიოდი, შეწყდა ლევანის წერილები. როგორც შემდეგ გამოირკვა, ამას თავისი დადებითი მიზეზი ჰქონდა.

დედ-მამა აფორიაქდნენ. მთელი ოჯახი მწუხარებამ მოიცვა. რა მოხდა, რაშია საქმე? ლევანი სად - დაგვეკარგაო, ადგილს ვერ პოულობდა მამა. და, აი მოხდა სასწაული. მამამ მიიღო ოფიციალური ცნობა რუსეთიდან აბელ ენუქიძის ხელმოწერით. გვაცნობეს, რომ საქმეს გადახედეს და ლევანს სოლოვკის კუნძულზე პატიმრობა თავისუფალი გადასახლებით შეუტყვალა მიწუს 6 მუხლით.

ე. ი. ლევანს ყველგან შეეძლო თავისუფალ გადასახლებაში წასულიყო, გარდა რ სატახტო ქალაქისა, კავკასიისა და საზღვრისპირა ქალაქებისა. საქირო განდა სასწრაფოდ ქალაქის არჩევა, თუ სად წავიდოდა ლევანი თავისუფალ გადასახლებაში.

დედა სულ იმას გაიძახოდა, თუ საქართველო გამოირიცხულია, ისეთი ქალაქი შეერჩია მამას, რომ ლევანი საქართველოსთან ახლოს მაინც ყოფილიყო. მამა კი ლევანისათვის არჩევდა ქალაქს, სადაც უნივერსიტეტი იქნებოდა და ლევანი უმაღლესში სწავლას გააგრძელებდა. ბოლოს დედა და მამა შეთანხმდნენ, სხვადასხვა მოსაზრების გამო ლევანისათვის ვლადიკავკაზი აერჩიათ. მამა ადრე თვითონ მუშაობდა იქ და ბევრი ნაცნობი ოჯახი და მეგობარი ჰყავდა, რომლებიც ლევანს სათანადო დახმარებას გაუწევდნენ. ლევანს ამის შესახებ სასწრაფოდ აცნობეს. ლევანიც თანახმა იყო, ოღონდ სოლოვეცკის კუნძულებს, ამ საშინელ ბანაკს მოსცილებოდა და თავი დაეღწია პატიმრობისაგან, რომელიც თავისი რეჟიმით სიკვდილს უდრიადა. ოპ, როგორი იმედი ჩაგვესახა ყველას გულში, როგორი სიხარულის განცდა დაგვეუფლა. არავის ეგონა, რომ ვლადიკავკაზში ლევანს თავისუფალ გადასახლებაში ყოფნა გაუჭირდებოდა და იქაც მძიმე ჩეკისტურ რეჟიმში მოუხდებოდა ცხოვრება.

ოჯახში უჩვეულო სიხარულმა დაისადგურა, მღელვარებამ ყოველგვარ საზღვარს გადააქარბა. დედას თვალზე სულ სიხარულის ცრემლი უციმციმებდა, თან ამბობდა, ტირილი არ მინდა, სიხარულისგან თავისთავად მეტირებო. საწყალი მამა კი, ეს წყნარი და ძუნწად მოლაპარაკე კაცი, სულ ენად გაიკრიფა, აგზნებული, ხმამაღლა ყველას უყვებოდა: ლევანს რაიმე სერიოზული დანაშაული რომ ჰქონდეს, აბა ვინ აპატიებდაო. მშობლები დიდ იმედებს ამყარებდნენ ლევანის ვლადიკავკაზში გადმოსვლაზე. მართალია, იქ ყოველ კვირა ჩეკაში უნდა გამოცხადებულყო და ხელი მოეწერა, ზოგჯერ ადგილობრივი ორგანოები დაკითხვასაც მოუწყობდნენ, მაგრამ ეს წვრილმანები იყო სოლოვეცკასთან შედარებით. ერთი წელიწადი წაიმუშავებს, ცოტას დაისვენებს, ჩადგება თავის კალაპოტში, დაიწყებს მზადებას უნივერსიტეტში სწავლის გასაგრძელებლად და შესაძლებელია ახლო მომავალში თბილისში

ჩამოსვლის ნებაც მისცენო, ფიქრობდნენ ჩვენები. მით უფრო, რომ სოლოვკებში ერთი წლის ყოფნა წელიწად-ნახევრად ჩაუთვალეს (იქ მძიმე პირობების გამო). მშობლები იმედოვნებდნენ ვლადიკავკაზში თავისუფალ გადასახლებაში ყოფნა ლევანისთვის გაცილებით ადვილი იქნებოდა, ვიდრე რუსეთის სხვა რომელიმე ქალაქში. ყველაფერში სასიკეთოს ხედავდნენ და ამით ცოცხლობდნენ.

რა ბედნიერება იყო ჩვენთვის — ბავშვებისათვის, დედის და მამის სახეზე ღიმილი რომ დავინახეთ. მალე ჩვენს ოჯახში ძირფესვიანად შეიკვალა განწყობილება, ცხოვრება თითქოსდა ნორმალურ კალაპოტში ჩადგა.

მშობლებმა პატარა ზემიცი კი გამართეს, მოიწვიეს ლევანის ახლო ამხანაგები და ნათესაეები. სწრაფად გაიშალა საზეიმო სუფრა. ყველა გამსჭვალული ვიყავით დიდი მადლიერების გრძნობით აბელ ენუქიძის მიმართ, რომელმაც ლევანი ნამდვილად გადაარჩინა უმძიმეს კატორღულ პირობებს. მამას მომზადებული ჰქონდა მადლობის წერილი, რომელიც ყველას წაგვაკითხა.

ლევანის ამხანაგებმა გადაწყვიტეს ახალგაზრდობის სახელითაც გამოეცხადებინათ ამ კეთილი კაცისათვის გულითადი მადლობა.

განსაკუთრებით არჩილმა გაიხარა. ლევანის სოლოვკებიდან გამოწვევამ მომავლის იმედი ჩაუნერგა. საწოლს მიჯაჭვული, ძლიერ დაასუსტა ავადმყოფობამ. მიუხედავად მშობლების ბევრი თხოვნისა, თითქოს ეზარებოდა საწოლიდან ადგომა. ამჯერად კი ადგა და მაგიდას მიუჯდა, მართალია, ძალიან ფერმკრთალი და გამზდარი იყო, მაგრამ ნაღვლიანი დიდი თვალები სიცოცხლით უბრწყინავდა ეტყობა თავს ძალა დაატანა, არაჩვეულებრივად მოილხინა და სტუმრებიც გაამხიარულა, ჩვეული ენამახვილობით და სხარტი სიტყვით ყველა გააკვირვა და ბევრიც აცანა. ყველანი აღტაცებით შესცქეროდნენ. ნარობდა დედა — თურმე როგორ გაზრდილა ჩემი ჰკვიანი და გონიერი ბიჭით, ლევანის გადამკიდე, მას ალერსი დავაკელიო, სიხარულით ნაზად ჰკოცნიდა შვილს. ბავშვები ხშირად ხუმრობით ვსაყვედურობდით დედას არჩილისადმი განსაკუთრებულ სიყვარულს. აი, შენ არჩილი გყავს გამორჩეული და უფრო გიყვარსო. დედა ყოველთვის ალერსიანად

გადაგვკოცნიდა და გვიბასუხებდა: არჩილი ჩემი პირმოა. ავადმყოფობამ დაჩაგრა და მეცოდებაო, ამიტომაც აქვს ჩემგან მეტი ყურადღება. თქვენ სუყველა ჩემი საყვარელი შვილები არა ხართო? მალე ლევანიც აქ გაჩნდება და მერე სადარდებელი აღარ გვექნება მე და მამასო. მშობლები ხარობდნენ, რომ ორივე შვილის მდგომარეობა გამოკეთდა. არჩილის ასეთ მოლხენას მისი ჯანმრთელობის გაუმჯობესებას მიაწერდნენ.

ვინ იცოდა, რომ ცოტა ხანში ჩვენ დიდი უბედურება გველოდა და არჩილის ეს მოლხენა მისი ბედისწერისა და სიცოცხლის უკანასკნელი გაელვება იყო.

არჩილი ნამდვილად მძიმე ავადმყოფი იყო. სისხლის მოწამლვა, მიუხედავად მკურნალობისა, დღითი დღე ღრმავდებოდა, მაგრამ არჩილს ერთხელ არ დაუჩივლია, მისი კვნესა ან საყვედური არავის გაუგონია, ყოველთვის იწვა ჩუმად, წიგნებში ჩაფლული და მშობლებს გულს არ უხეთქავდა. და, აი 1927 წლის ივნისის ბოლოს ასე ჩუმად დალია სული.

არჩილის გარდაცვალებამ თავზარი დაგვცა. დედა გიჟს დაემსგავსა, მისი კვიცილ-ტირილი ზარს სცემდა იქაურობას. მამა გლოვის გამოხატვას ვერ ახერხებდა, დედის ასეთი მდგომარეობით შეწუხებული სულ მის დაწყნარებაში იყო. ბავშვები მიტოვებული ვიყავით და არც არაფერი გვინდოდა.

ყველას გვესმოდა, თუ რა საშინელი ცეცხლი ტრიალებდა ჩვენს სახლში: 24 წლის შვილის დაკარგვა წარმოუდგენელი უბედურება იყო. ამის აღწერა და ვადმოცემა ნამდვილად შეუძლებელია. მხოლოდ ის გვახსოვს, რომ დედა და მამა უცებ ღრმად მოხუცდნენ, დედამ ხანგრძლივად იავადმყოფა

მამა ყველას სთხოვდა — ლევანს ჭერჭერობით არჩილის გარდაცვალებას ნუ შევატყობინებთო, ცოდოა ბიჭი, ცოტა ხანს მაინც შერჩეს სოლოვეებიდან თავის დაღწევის სიხარული და კარგი განწყობილებო.

1927 წლის აგვისტოში 22 წლის ლევანი ქალაქ ვლადიკავკაზში ჩამოვიდა. მამაჩვენის რჩევით ლევანი გიორგი ნათაძის ოჯახში მივიდა.

ბატონი გიორგი მღვდელი იყო. უაღრესად განსწავლული, განათლებული, პატიოსანი და კეთილი, მამაჩვენის დიდი ხნის

მეგობარი. მამა გიორგის აქ დიდი ავტორიტეტი ჰქონდა როგორც ქართველ საზოგადოებაში, ასევე მთავრობაში.

ვლადიკავკაზი პატარა, მწიანეში ჩაფლული ქალაქია, არაჩვეულებრივად ლამაზ ხილის ბაღებსა და ყვავილნარებში ჩადგმული ერთ-ორ სართულიანი კოპწია სახლებით. 10.000 ქართველი ცხოვრობდა, იყო ქართული სკოლა და ეკლესია. სწორედ ამ ეკლესიაში წირავდა მამა გიორგი. გარდა ამისა, იგი ქართულ სკოლაში უფროს კლასებში ასწავლიდა ქართულ ენასა და ლიტერატურას. მამა გიორგიმ ქართული კლუბი ჩამოაყალიბა, სადაც იკრიბებოდა იქაური ქართველი საზოგადოება. კლუბში მოქმედებდა სხვადასხვა თვითმოქმედი წრე, იმართებოდა წარმოდგენები და ლიტერატურული საღამოები. აქვე იმართებოდა თათბირები, საქნიანი საუბრები. წყდებოდა სერიოზული საჭირობოროტო საკითხებიც. ახლაც ასე მოხდა.

მამა გიორგის თხოვნით კლუბის ყველა წევრი შეიკრიბა. მან საზოგადოებას მოახსენა, რომ ქალაქში ქართველი ახალგაზრდები ჩამოვიდნენ გადასახლებიდან და საჭიროა პირველ ხანებში, სანამ სამსახურში მოეწყობიან, სათანადო დახმარება და ვის შეუძლია მათი ბინით დაკმაყოფილება. აქვე იყო მეტად კეთილი კაცი — სიმონ ბურდული, რომელმაც გადაწყვიტა ახალგაზრდები თავის სახლში წაეყვანა და ყოველმხრივ დახმარებოდა. ლევანს სოლოვეცკის კუნძულებიდან ვლადიკავკაზში ჩამოჰყვინენ მასავით განთავისუფლებული პატიმრები — პეტრე კურცხალია და შალვა დადიანი.

ბურდულების ოჯახმა ამ სამ ახალგაზრდას თავის საკუთარ სახლში შესანიშნავი ოთახი გამოუყო შუშაბანდით და სამზარეულოთი. შეუქმნეს ცხოვრების საუკეთესო პირობები. ოჯახის ახალგაზრდებს — პლატონ ბურდულს და მის დას, ზინას, კარგად ახსოვთ, თუ როგორი გასაცოდავებული და გაწამებული მოვიდნენ მათთან ეს ახალგაზრდები, შორი გზისგან გადაღლილები, მშიერ-მწყურვალები, ჭუჭყიანები, ტანსაცმელჩამოფლეთილები, პირდაპირ მათხოვრებს ჰგავდნენ. 3 კვირის განმავლობაში, გარდა ჩეკაში გამოცხადებისა, სახლიდან გარეთ არ გასულან, ისვენებდნენ და ეძინათ.

ბურდულების ოჯახი ვლადიკავკაზში მთიულეთიდან გამოსახლებულა 1889 წელს. აუშენებიათ შესანიშნავი სახლი და დამკვიდრებულან. შემდეგ ეს ოჯახი გაიზარდა და გამ-

რავლდა. თვით სიმონ დიმიტრის ძე ბურღული მეტად განათ-
ლებული და სწავლული კაცი იყო, შესანიშნავი ცოლი ჰყავ-
და, ქალბატონი ნინო. ჩამოსული ახალგაზრდები ბავშვებსაც
სწრაფად დაუმეგობრდნენ. საერთოდ ამ ოჯახმა ახალმოსახ-
ლეებს დიდი დახმარება გაუწია. ლევანი მათ ყოველთვის
მადლიერების გრძნობით იხსენიებდა. პლატონ ბურღული
იგონებს: ჩამოსულებიდან პეტრე კურცხალია უფრო ხანდაზ-
მულად გამოიყურებოდა. ხუმრობა არ უყვარდა, ღინჯი, და-
ფიქრებულო, სერიოზული, განათლებული ინტელიგენტი კაცი
იყო. პროფესიით მასწავლებელი, ამასთან ერთად დიდი პატ-
რიოტი. სასტიკად სძულდა რუსოფილები. მან ისეთ დაწესე-
ბულებაში დაიწყო მუშაობა, ნაკლები კონტაქტი რომ ექნე-
ბოდა რუსებთან. შალვა დადიანი ახალგაზრდა, მზიარული
ყმაწვილი იყო, ამაცობდა თავისი თავადიშვილური წარმო-
შობით. რატომ მოხვდა სოლოკეებში არ იცოდა, ვინაიდან ისე
დააპატიმრეს და გადაასახლეს, რომ არსად არაფერი უთხრეს.
ალბათ იმიტომ, რომ თავადისშვილის წარმოშობისა ვარო, —
ამბობდა თვითონ. შალვა არავითარ პატრიოტობას არ ამჟ-
ღავნებდა და არც პოლიტიკა არსებობდა მისთვის. შემდგომში
მას სახლიდან მატერიალურად მეტად კარგად ეხმარებოდნენ
და ხშირად ქეიფობდა და დროს ატარებდა. ლევანი 20—21
წლისა იყო, გონიერი და ნიჭიერი. ხელში რვეული ეჭირა და
სულ წერდა და ხატავდა. რვეულში საკუთარი ლექსები, დღი-
ურები და ჩანახატები ჰქონდა.

ჩამოსვლისთანავე სამივენი ჩეკაში გატარდნენ აღრიცხვა-
ზე. მათ დაადებინეს ხელწერილი, რომ ქალაქიდან არსად გა-
ვიდოდნენ და კვირაში ერთხელ დანიშნულ დროს გამოცხად-
დებოდნენ, წინააღმდეგ შემთხვევაში კვლავ პატიმრობით და-
ემუქრნენ.

ბიჭებს, რატომღაც ეგონათ, რომ ვლადიკავკაზის ჩეკაში
მათ უფრო ლმობიერად და ადამიანურად შეხვდებოდნენ და
ნორმალურად მოექცეოდნენ, მაგრამ მოხდა პირიქით, პირვე-
ლი შეხვედრა მკაცრი, მკვახე და ხანმოკლე აღმოჩნდა. თურმე
ჩეკა ყველგან ჩეკად რჩება თავისი რეჟიმიტა და იქ მომსახუ-
რე უგულო პერსონალით, მით უფრო იმ მძიმე წლებში.

მამა გიორგის ოჯახში ლევანი ყოველთვის შვებას გრძნობ-
და. მათთან ხშირად დადიოდა, ოჯახის წევრებს დაუმეგობრ-

და. განსაკუთრებით დამეგობრდნენ ლევანი და ვახტანგი. ისინი თითქმის ერთი ასაკის იყვნენ, ხშირად ჭადრაკს თამაშობდნენ.

ლევანმა ამ ოჯახში გაიცნო ვლადიკავკაზის იმდროინდელი ინტელიგენციაც: მეტრეველები, სიღამონიძეები, ტატულაშვილები, ელერდაშვილები და სხვ. ლევანმა დაიწყო სამსახური რის ძებნა, რაც ძალიან გაუჭირდა, უფრო სწორად, სამუშაოდ არცაღ არ იღებდნენ. ქართულ სკოლაში კი ადგილი საერთოდ არ იყო. ლევანი ჩეკასთან შეთანხმებით იძულებული გახდა დროებით ყიზლარის ქართულ სკოლაში წასულიყო მასწავლებლად. შაბათ-კვირას ვლადიკავკაზში ჩადიოდა, პირველ რიგში ჩეკაში აღირიცხებოდა და შემდეგ ბურღულებისა და ნათაძეების ოჯახებს მონიხაზულებდა. რამდენიმე ხნის შემდეგ ლევანი ვლადიკავკაზის ქართულ სკოლაში გადმოვიდა სამუშაოდ.

ლევანის ქართულ სკოლაში მოღვაწეობის შესახებ ქალბატონი ნინო ელერდაშვილი იგონებს: „1927—1929 წლებში მთლად ახალგაზრდა ლევან გოთუა სკოლაში ასწავლიდა ქართულ ენასა და ლიტერატურას.

მართალია, ახალგაზრდა იყო, აკლდა დავაუკაცება, მაგრამ, როცა ის კლასში გაკვეთილზე შევიდოდა, თავისი დინჯი, წყნარი საუბრით აჯადოებდა ჩვენს მომავალ თაობას. იმ დროს იქ სწავლობდა ჩემი უმცროსი ქალიშვილი, ნატალია ელერდაშვილი. უფროსი ქალიშვალის ელენე კი ლევანთან ერთად მუშაობდა მასწავლებლად დაწყებით კლასებში.

ქართული ლიტერატურა და საქართველო ლევანმა ბავშვებს იმდენად შეაყვარა, რომ ოცდაათიან წლებში ბევრი ქართული ოჯახი გადმოვიდა თბილისში საცხოვრებლად. ლევანი გატაცებული იყო მწერლობით, ხატვით, ბუნების სიყვარულით, ნადირობით და მთამსვლელობით. ყოველ შაბათ-კვირას, გაკვეთილების შემდეგ, დარი იყო ოუ ავდარი, მისთვის ეს არ არსებობდა, ჩანთამოკიდებული გაგვიძღვებოდა წინ მოსწავლეებს, მასწავლებლებს და ზოგჯერ ხანდაზმულ მშობლებსაც. ასე შემოვიარეთ მთელი ქალაქის შემოგარენი, რამდენჯერმე გადავედით სადონისაკენ, ოლაგირისა და დარიალისაკენ. ექსკურსიის შემდეგ იწყებოდა ბაისი, კამათი და შთაბეჭდილების გაზიარება. ყოველივე ეს კი აძლიერებდა ქართველ

ბავშვებში და კოლექტივში გულისხმიერებას, გამძლეობას, გულკეთილობას, მეგობრობას და, რაც მთავარია, სამშობლოს სიყვარულს.

ლევანს ძალიან უყვარდა ახალგაზრდები და დიდ იმედს ამყარებდა მათ მომავალზე. ჩვენს ოჯახში ხშირად დადიოდა, გვიკითხავდა თავის პატარ-პატარა მოთხრობებს და ლექსებს, რომლებიც ზოგჯერ მონახაზის სახით ჰქონდა“.

ლევანი ჭაბუკობაში ჭადრაკით იყო გატაცებული, კარგად თამაშობდა, ტოლ-ამხანაგებში ბადალი არ ჰყავდა. ხშირად ამბობდა: „ასე გავჰვრითე — ჭადრაკი ჩემი მოხეტიალე ცხოვრების თანამგზავრია და ზოგჯერ მშველელიც. ერთ დღეს ვლადიკავკაზში გამოცხადდა საქალაქო საჭადრაკო შეჯიბრი. წათაძეები შემიჩნდნენ, ბედი მესინჯა, ვინაიდან გამარჯვებულს თბილი კიტელით, საცვლებით და ფულით აჯილდოებდნენ, რაც ჩემთვის მეტად საჭირო იყო. გავბედე და ძალიან დაკვირვებულად ვითამაშე. შეგიძლიათ მომილოცოთ — პირველობა ავიღე, ჩავიცვი თბილი კიტელი, საცვლები და მივიღე საკმარისად დიდი ფულადი თანხა. აი, როგორ გამომადგა ჭადრაკი“.

შორეთში ლევანი უკიდურესად მძიმე პირობებში მოხვდა. ყოველგვარ უფლებას მოკლებული, საკანში მარტოდა მარტო იჯდა, ღრმა ფიქრებში ჩაფლული, მერე იგონებდა ხოლმე ლევანი: „მარტო ერთ ღვთისნიერ ზედამხედველს ვეცოდებოდი, ჩუმად ორ ულუფა წვესს შისხამდა. ერთ დღეს ჩემს ვიწრო, ბნელ სამყოფელში იმედდაქარგული, ნახევრად წამომჭდარი ვთვლემდი. მოულოდნელად კარი მძიმედ გაიღო. მომხიბლა ჩემთან შემოსახლებულმა ახოვანმა ქართველმა ვაჟკაცმა — გივი მადლაკელიძე აღმოჩნდა. უნაპირო სიხარული და შეება ვიგრძენი. ჩვენბურც კაცის სურნელი ჩემს კარგამოკეტილ და უდროოდ განწირულ ცხოვრებას საამო მალამოდ დაედო.“

გული გაუღღეთ ერთმანეთს, ჭირ-ვარამი გავუზიარეთ. მისი თავგადასავალი არა ერთხელ ვაამბობინე. ისიც აღსარებასავით მიამბობდა თავის ბედშავ გზაგადასაყარს.

სამშობლოს გახსენებით გული ვიჭერეთ. შემდეგ გაირკვა, რომ ორივეს ჭადრაკის თამაში გვიყვარდა. პურის ნატეხების და პერანგის ნაგლეჯებისაგან ფიგურები გავაკეთეთ, დიდი

გაქირვებით მიწის იატაკზე ჰადრაკის დაფა დავხატეთ, იქვე მოვკალათდით და სული მოვითქეთ. გადაგვაფიწყდა აწმყო, გავლადით, გავთამამდით, გულმა შეება იგრძნო, უბადრუ-კად გადაზეულ ჩვენს ცხოვრებას ხალისი მიეცა.

ჩვენ, მამაკაცები, ხშირად დაუღევრები ვხდებით. გვიან შევნიშნეთ სათვალთვალოსთან „ექვის თვალი“, შემდეგ შემფოთებული უფროსიც გაჩნდა, გაგვიჩხრიკეს, „ჰადრაკი“ ჩამოგვართვეს, თამაში სასტიკად აგვიკრძალეს.

ჩვენ შევთანხმდით, ჰადრაკის თამაში ზეპირად გაგვეგრძელებინა. ამჯერად ვერავითარი ძალა ვერ შეგვაჩერებდა. ერთმანეთს პირდაპირ საათობით გაყურებულები უმოძრაოდ ვისხედით და სვლებს ყურში ვუჩურჩულებდით. გავიდა დრო, უკვე იმედის თვალით შევყურებდით დარკინულ კარში ამოჭრილ თვალსაზერავს. ეს ხომ პატიმრებოს შორს სახედი „ოჯახური საკმელი“ იყო.

მოულოდნელად დარკინული კარი მძიმედ აჭრიალდა:

— თქვენ გაქცევის გეგმას აწყობთ და ერთმანეთს ამას ეჩურჩულებით! არ გამოგივით! — დაიღრინა უფროსმა ჩახლეჩილი ხმით. ნერწყვი მძიმედ გადაყლაპა და ჩახველებით ხახა ჩაიწმინდა. უგნურებმა ასე ჩათვალეს!

უმალ შებრუნდა ყველაფერი, ამოქმედდნენ ზედამხედველები. ყოველივე ეს იმდენად აღმაშფოთებელი აღმოჩნდა, ვეღარ შევძელით სიტყვის ამოღება.

ჩვენ დაგვაცილეს. წაყვანისას უეცრად გივი შემობრუნდა, ხელი ჩამომართვა და დიდი პატიმრული მადლობა გადამიხადა.

საყვანში სამარისებური სიჩუმე ჩამოვარდა, სიცოცხლის ძალა დამეკარგა, ყველაფერი გათავებულად მომეჩვენა, სევდა შემომაწვა, თავჩაქინდრული მივეყვი ფიჭრებს. აღარც ვადა მიმძიმდა და აღარც ჩემი უჩვეულო ხვედრი. ეჭვი, მღვრიე მორევში სულ ადვილია უკვალოდ ჩაკარგვა!“

ფეხმარდად და შეუფერხებლად იარა წლებმა, ბევრმა წყალმა ჩაიარა, ლევანის ყმაწვილ-ანაღგაზრობაც გაფრინდა. საბოლოოდ სამშობლოში დაბრუნების შემდეგ რუსთაველის გამზირზე შემთხვევით შეხვდა ლევანი გივის. შინ მოიპატიოა. ჩვენს ოჯახს რა დაავიწყებს იმ დღის სიხარულს — ორივე აღსავსე იყო სამშობლოში დაბრუნების ბედნიერებით.

გაიხსენეს მძიმე წარსული და ქალაქის ამბავიც, რის გამოც ამჟერად ბევრი იცინეს და იოხუნჯეს.

ლევანის პირველმა წერილმა გლადიკავკაზიდან ოჯახში დიდი მღელვარება გამოიწვია:

„გლადიკავკაზი.“

20.X.1927 წ.

ს ა ყ ვ ა რ ე ლ ო მ ა მ ა ა

მივიღე შენი, ქართული სკოლის მისამართით გამოგზავნილი წერილი და ფული. მე ჯანმრთელობის მხრივ სარგად ვარ. ამჟერად უკვე ვმუშაობ გლადიკავკაზის ქართულ სკოლაში და ბინაც იქვე მომცეს, რა თქმა უნდა, უფასოდ. ასე რომ, მე ჩემი ჯამაგირი აქ ცხოვრებისათვის სავსებით მიეყოფა, შენ აღარ შეგაწუხებ.

ვალები გავისტუმრე, მალე აღბათ ჯამაგირსაც მივიღებ და ტანისამოსს შევიკერავ. ცხოვრება ხე საერთოდ იაფია, ასე რომ, ნელ-ნელა ვეწყობი.

აქაური ქართველები, შენი ნაცნობები, ყველანი ვნახე და გავიცანი. დამეხმარნენ, მოკითხვას გითვლიან.

აქ სკოლასთან ერთად გვაქვს კლუბი და ჰეატრი, ხშირად იმართება წარმოდგენები და საღამოები. სამკითხველომ მიიღო ბევრი ახალი ქართული წიგნი.

საერთოდ, ქართულ კოლონიას კვლავ გამოცოცხლება ეტყობა, მე, რა თქმა უნდა, ვესმარები მათ, რაც შემიძლია.

რეგისტრაციაზე ძველებურად დავდივარ, ამის ჯარდა ახლა ყოველ თვეში ერთხელ დაკითხვაზე უნდა ვიარო. მათ არ მოსწონთ, მე რომ ქართულ სკოლაში ვარ, მაგრამ სრა უშავს რა.

ვეცდები, თუ ნებართვა მომცა ადგილობრივმა ხელისუფლებამ, არდადეგებზე დროებით მაინც თბილისში ჩამოვიდე. ყველა ძალიან მომენატრეთ. ჩემი მისამართი იგივეა. მოკითხვა ყველას.

გ კ ო ც ნ ი თ ლ ე ვ ა ნ ი .

საყვარელო დედა

უკვე დიდი ხანია შვილე შენი წერილი, მაგრამ პასუხი ვერ გამოგიგზავნე, როგორ ხარ? კიდევ გაქავრებენ ბავშვები თუ ახლა უკვე წამოიზარდნენ?

დეიდა ანეტა და ბიძა ვანო როგორ არიან, ან ელიკო როგორ ჰყავთ. მოკითხვა იხინა ალექსანდროვნას, გერმანული სულ დამავიწყდა. მისი ქმარი, ჭარლამ თაყაიშვილი სად არის ან როგორ არის? მე რომ ბუტირკის ციხეში ვიყავი, ვეცადე, რომ რამე შემეტყო მის შესახებ ან მენახა იგი, მაგრამ ვინ მაჩვენებდა და ვერც ვერაფერი შევიტყვე. მე კარგად ვარ, თანდათან ვეწყობი. შვილე წერილი იახესაგან. ის მოკითხვას გითვლით. მოკითხვა მაროს, ალიოშას და ლეილას, მოკითხვა ნათესავ-ნაცნობებს.

სულ ჯანმრთელად და კარგად იყავი.

გოცნი შენი ლევანი.

ძმოსანდრო!

შვილე შენი წერილი, ძალიან გამეხარდა. თუ არა, მე ვიფიქრე, წერა თუ დაგავიწყდა. შენი უნივერსიტეტში მიღება მე გაზეთში წავიკითხე. მას ახლა „ინჟინერი იქნები რაღა“. აბა ვნახოთ, როგორ ისწავლი. მოკითხვა არჩილს, რატომ წერილს არ მიგზავნის? როგორ არის მისი ჯანმრთელობა? მოკითხვა ჩემს ამხანაგებს, თუ მათ ამხანაგები შეიძლება ვუწოდო. ნუთუ იაშას, ჯანიკოს და სხვებს არ შეეძლოთ ერთი ღია ბარათი შეინც გამოგიგზავნათ? თუ უნდათ, მარკის ფულს მე გამოვუგზავნი.

შვილე თამარიკოს წერილი. მას მშვენიერი წერა უსწავლია, მზია რას აკეთებს, ხომ არ ზარმაცობს, ან წერა თუ ისწავლა. წერილს ვუცდი არჩილისაგან. სანდრო თუ წამომსვლელი იქნება ვინმე კავკავში (მამასაც უთხარი), ჩემი საათი გამომიგზავნე.

მოკითხვა მეგობრებს.

ლევანი.

ძვირფასო ტასო! მაშ შენ კვლავ ჩვენთან მოხვედი? ძალიან მენამ ეს ამბავი. ხომ ხარ ჯანმრთელად? სიბერე ხომ არ მოგერია? შე კარგად ვარ, ჩემი ჯავრი ნუ გაქვს. თუ გამომიშვეს, საახალწლოდ ჩამოვალ. როგორ არიან შენი შვილები?

ტასო! რომ შერდიდი, ისე გამოვიდა, ხაცემბიროდ გამზარდე? მაგრამ, კიდეც კარგი, ახლა არა მიშავს! მე ყოჩაღად ვარ, ყველაფერს ფაეუძლებ და ვიქნები კიდეც კარგად. შენც კარგად და ჯანმრთელად იყავი!

გ ა ო ც ნ ი ლ ე ვ ა ნ ი“.

ლევანისგან წერილის მიღების შემდეგ ოჯახში მღვლეა-რება გამწვავდა. მშობლები გამოუვალ მდგომარეობაში ჩა-ვარდნენ, ვერ წარმოედგინათ როგორ შეეტყობინებინათ ლე-ვანისათვის არჩილის გარდაცვალება. ლევანმა არაფერი იცო-და, არჩილისაგან წერილს ელოდა და მის ჯანმრთელობაზე გვეკითხებოდა.

ჩემს საწყალ, გადაკარგულ ბიჭს მე არჩილის დალუპვას ვერა და ვერ შევატყობინებ, გაგყდება, — ნერვიულობდა დედა. იგი შვილის სიკვდილის შემდეგ სასოწარკვეთილებაში ჩავარდა. მამაც, ასევე შეწუხებული, წერილის მიწერაზე თავს იკავებდა.

გავიდა რამდენიმე ხანი. მშობლებმა ბოლოს ძლივს გამო-ნახეს გამოსავალი — გადაწყვიტეს ეს მძიმე საქმე დაევალებინათ მამა გიორგისათვის. ლევანის მიმართ ის ხომ ყოველ-თვის დიდ მზრუნველობას იჩენდა ხოლმე.

მამამ დიდი მოწინებით, ბოდიშით, მამა გიორგის შეატყო-ბინა ოჯახში შექმნილი მძიმე ვითარება, თუ რა რიგ ძნელია მათთვის არჩილის გარდაცვალების შესახებ ლევანისათვის წერილის მიწერა და სთხოვდა მას, რომ ლევანს როგორმე ეს მძიმე ამბავი თქვენ შეატყობინეთო. მე ვშიშობ და ვწუხვარ, ლევანს თავისი მძიმე დარდი ჰყოფნის, ასეთ ახალგაზრდას ოჯახისა და სამშობლოს მიღმა გაწვალებული ცხოვრება შეხ-ვდა. ახლა კი არჩილის დალუპვა და ოჯახის ტრაგედია! როგო-რი რეაქცია ექნება ამ მძიმე ამბის გაგებაზე, ვერ წარმომიდ-გენიაო — წერდა ის.

ცოტა ხანში ჩვენთან, სახლში, მამა გიორგისგან გამოგზავნილი კაცი მოვიდა. სტუმარმა დაწვრილებით გადმოგვცა მისი დაბარებული.

ერთ საღამოს თურმე მამა გიორგიმ ლევანს გაუმხილა არჩილის სიკვდილის ამბავი. ლევანმა ძალიან მძიმედ გადაიტანა ეს ცნობა, ხან პატარა ბავშვივით ტიროდა, ხან დაჭრილი ხარივით ბლაოდა, ზოგჯერ თავს კედელს ახლიდა. ნათამძეების ოჯახის წევრები მისი საცოდაობით იწვოდნენ და ცრემლად იღვრებოდნენ. ლევანი იმ დამეს სახლში არ გაუშვეს. დამევერ დაიძინა. საწყალი არჩილი, სულ იმას გაიძახოდა.

მეორე დილას ლევანმა მამა გიორგის გაანდო: ჩეკაში წავალ და ვთხოვ რამდენიმე დღით იქნებ თბილისში გამიშვანო. არჩილის საფლავსაც ვნახავ და მშობლებსაც ცოტათი დავაწყნარებო.

ჩეკაში ლევანს, რა თქმა უნდა, ძალიან მკვახედ შეხვდნენ და თბილისში გაშვებაზე უარი უთხრეს. ამ ცხელ გულზე ლევანს მათთვის დიდი საყვედური უთქვამს: თქვენ ადამიანური არაფერი გაგეგებათ, რა ხალხი ხართო! ამი გამო ლევანი სასტიკად გააფრთხილეს — ჰკვიანად იყავი და ენას მოუკელი; რახან ამ ქალაქში ჩამოხვედი, აქაურ წესებს დაექვემდებარე, თორემ უკან დაგაბრუნებთო.

ამ კაცის ნაამბობს ყველანი გულისტკივილით ვუსმენდით. ნათელი იყო ლევანის მძიმე განცდა არჩილის სიკვდილთან დაკავშირებით და ოჯახის ტრაგედიის ატანა უცხო გარემოცვაში. ბავშვები უნებურად ვიცრემლებოდით. მამას ნერვიულობისაგან სახეზე კუნთები უთამაშებდა. ამ კაცის ხელით ლევანს ფული, ამანათი და პატარა ბარათიც გაუგზავნა.

მამაჩვენი კატეგორიულად სთხოვდა ლევანს, როგორც ჰკვიან, გონიერ და უკვე მოზრდილ კაცს, არა როგორც შვილს, არამედ მეგობარს დაწყნარებულიყო, მოთმინებისა და გონიერებისათვის მოეხმო, მოუფიქრებელი საქციელით თავი არ წაეგო და ჩვენ არ დავეღუბეთ, მით უფრო, რომ ახლო მომავალში მისი პატიმრობის ვადაც თავდებოდა. პასუხისმგებლობის გრძნობას უნერგავდა, შენი იმედით ვართო, წინ კეთილი და კარგი საქმეები გვესახებაო.

ვლადიკავკაზიდან წერილების მოსვლამ იკლო, მაგრამ ბევრი ნაცნობის აქეთ-იქით მიმოსვლის წყალობით მამამ ყველა-

ფერი დაწერილებით იცოდა ლევანის ცხოვრებისა თუ საქმიანობის შესახებ, ასევე ლევანმა — ჩვენი ოჯახის თუ თბილისის ყველა ახალი ამბავი. ჩვენთან უფრო ხშირად ნათამებების ოჯახის წევრები ან მათი გამოგზავნილები მოდიოდნენ, მამასთან ლევანის პატარა ბარათი მოჰქონდათ ხოლმე. უფრო კი სიტყვიერად უამბობდნენ ლევანის ამბებს და აქედან მიჰქონდათ ამანათი, ფული და, რაც მთავარია, წიგნები. თურმე რამდენჯერმე არალეგალურად ლევანი თბილისშიც ჩამოსულა, მამას შეხვედრია, არჩილის საფლავზე ყოფილა, სახლში კი არ მოსულა.

რამდენიმე ხნის შემდეგ არჩილის სიკვდილთან დაკავშირებით ლევანი მძიმე გულისტკივილით გვწერდა:

„არჩილის სიკვდილი ჩემს თავზე მეხის დაცემაა. არჩილი აღარ არის! ამის წარმოდგენა დღესაც არ შემძლია, მასზე ფიქრს ყოველთვის თან სდევს ცრემლი, ღრმა სევდა, შინაგანი წუხილი, მძიმე ვარამი და გულისტკივილი. თვალწინ მიდგას მისი უდიდესი ნიჭი, სწავლა-განათლება, სარაჩვეულებრივი გონიერება და ყოველმხრივ გამართული ხასიათი. ჩვენ ყველა, მის გარშემო მყოფი ახალგაზრდები, ვამაყობდით არჩილით და ზოგჯერ გვშურდა კიდევ მისი. რამდენი კეთილი გეგმა გვქონდა მომავალში დასახული. მე თქამის იმედით ვცხოვრობდი, ესტა კი საშინელ სიცარიელეს ვგრძნობდით. ერთგვარი დეპრესიისა და უსამართლოდ უგულვებელყოფის განცდა ისევ მეუფლება. არჩილის სიკვდილმა თითქოს მთელი გულის სითბო წამართვა და სიკეთის სხივი ჩამიწყვიტა. წარმოვიდგინე თქვენი ესოდენ დიდი მწუხარება. მინდა მანდ ვიყო თქვენთან ერთად, განუგეშოთ, მოგეფეროთ. მარტოობის სტანაც მიჭირს, აღარ შემძლია. არჩილის სიკვდილმა ჩემი მოთმინების ზღურბლი გადაიარა. მისი სიკვდილის მიზეზში აღბათ ჩემი გადასახლებაც ურევია. ეს კი ძლიერ მტანჯავს და მაწვალებს.

ბევრის დაწერა მინდა, მაგრამ ხელი არ შემორჩილება. არჩილისადმი სიბრალულისა და სინანულის გრძნობამ გული გამიპო, მძიმე სასოწარკვეთილებით ამივსო კენესა და გოდება დამიტოვა“.

1928 წლის აპრილში ლევანისაგან დედის სახელზე საპასუხო ღია ბარათი მოვიდა. ყველას ძალიან გაგვიხარდა, რომ დედამ, ბოლოსდაბოლოს, ლევანსაც მიზედა და წერილი მისწერა.

ვლადიკავაზი.

9.IV.1928 წ.

ჩემო საყვარელო დედა!

შენმა ბარათმა ძალიან გამახარა.

ხომ კარგად ხარ, ხომ კარგად არიან ბავშვები, დიდი სიყვარულით გყოცნი შენ და ბავშვებს. მამა როგორ არის? აქ ჩამოვიდა ვანო გოთუა და იმან მიამბო თქვენი ამბავი. გავიგე ნ. ნიკოლაძის გარდაცვალება, ჩატყდა საუკუნის უკანასკნელი ძველმაგარი ხიდის კაცი. ნეტავ როგორ დაასაფლავებს? ღირსეულად? მათთან სახლში როგორ არიან, რუსულანი, თამარი ოჯახებით ზიორგინა რა ისმის.

მე კარგად ვარ, ვმუშაობ ბევრს, ქართულ სკოლაში ვასწავლი სატვას, ქართულ ლიტერატურას და ძერწვას.

რაც მთავარია, პატიმრობის წადა შემეცირდა, სულ ცოტა დამრჩა. მოუთმენლად ველი ამას, დიდი იმედის გრძნობით და ჭიხარულით, მაგრამ დიდი შიშითაც. ამაზე არ მინდა ძღრეულად რამე ვთქვა, ვიცი ჩემი უკუღმართი ბედის ამბავი, სადმე კიდევ არ მიმტყუნოს და კვანტი არ გამომდოს. დედა, ჯანდროს ჟუხარი, შექომითვალოს რა აქვს გატეხილი ჩემს ველოსიპედს? თამრიკოს და მზიას მინდა ვუყიდო საჩუქრები.

ველი პასუხს. მოკითხვა ყველას. გყოცნით.

თქვენი ლევანი

დედა, ტასო როგორ არის? დიდი მოკითხვა სიყვარულით. წიგნების გამოგზავნას რომ აპირებდით, რატომ დაგვიანდა?

„გყოცნით ლევანი“.

ცოტა ხანში ისევ მოვიდა ღია ბარათი.

„ვლადიკავაზი“.

5.VI.1928 წ.

საყვარელო დედა! როგორ ხართ? რომ იცოდეთ, როგორ მომენატრეთ. თუ გადაწყვეტით ჯაფხულში ფასანაურში წასვლა, იქ ძალიან კარგად დაისვენებთ.

ფასანაურში ზეცა მარჯვია, პერიც და ჩემთან ახლოს იქნებით. შეიძლება განხოს ყიდეთ. ან მე ჩამოვალ თქვენთან სტუმრად, ან თქვენ ჩამოვლით.

ბავშვებს — თამრიკოს და მზიკას ვუყუდე საჩუქრები. მითხრეს კარგიაო. გამოვგზავნი ამ დღეებში, თინა და სანდრო ალბათ შეცადინებენ. როგორ აბარებენ გამოცდებს?

როგორ ჰარის მამა? როგორც ყოველთვის, ალბათ დღე და ღამე მუშაობს. მე და საწყალი არჩილი ყოველთვის ვამაყობდით მამის შრომისმოყვარეობით და ნიჭით. იქნებ მეც გამოვყვეს ცოტაოდენი მაინც მისი სიკეთე. ცოტა ხანში ისევ მოგზაურობა უნდა დავიწყო! ძალიან მიყვარს ჩვენი დიდებული, ჭადარა კავკასიონი.

მოკითხვა ყველას. გკოცნით.

თქვენი დედანი“.

„28.VII.1928 წ.“

ს ა ყ ვ ა რ ე ლ ო მ ა მ ა !

ამას წინათ გამოვუგზავნე დედას წერილი. პასუხი ჯერაც არ მიმიღია. გწერთ მეორეჯერ. მე კარგად ვარ. ჩემი მდგომარეობა ძველებურია. დღეს ვიყავი ჩეკაში, მაგრამ უშედეგოდ.

უნივერსიტეტში შესვლაც გვიანდება, მე სიჭერ ვერაფერი ვაღამიწყვეტია. ვლელავ. რას მირჩევ? ველი პასუხს თქვენგან.

თუ ჩემს შესახებ რამეს შემოთვლიან ჩეკადან, შე-

მატყობინეთ, თუმცა ამაში ექვი მეპარება, ვინაიდან იქ მითხრეს, რომ ჩვენ თვითონ გამოვიძახებთო. იყავით კარგად, მოკითხვა ნაცნობ-ნათესავებს.

„გოცნი ლევანი“.

წერილს მიწერილი ჰქონდა: Концентрационный лг., Ленина 31, УСАЗИТЛ.

რატომ იყო ეს ღია ბარათი გატარებული რეგისტრაციაში, ყველა საგონებელში ჩავეარდით, მამამ ვერაფრით ვერ ახსნა, ბოლოს დააკენა, შესაძლებელია, ლევანის წერილებს მაინც ამოწმებენო.

ვლადიკავაზი.

27.VIII.1928 წ.

ს ა ყ ვ ა რ ე ლ ო მ ა მ ა

ჩანს, ჩემი მდგომარეობა კიდევ კარგა (ჩანს იქნება გაურკვეველი (თუ კი გაირკვევა დადებითად საერთოდ). აქ ჩემი შემდგომი ყოფნა კი, ვფიქრობ, ყოველმხრივ გაუმართლებელია.

სხვა ქალაქში უნივერსიტეტში შესვლის იმედი რომ მქონდეს (რაც ფრიალ საექვოა), მაშინ უნდა დავუჩქარო წასვლას და საუნივერსიტეტო ქალაქში გადავიდე საცხოვრებლად. ამ მხრივ ჩემი არჩევანი სარატოვზე შეჩერდა.

შევიტყვე უნივერსიტეტში შესვლის პირობებიც და იმედი მაქვს უნივერსიტეტში უსათუოდ მოვხვდები. აქ გაურკვეველობაა: ეკონომიური ფაქტორები ყოველგვარი კრიტიკის გარეშე დგას. ეს უზრალო პარტიული სკოლაა მართლ. ყოველი შემთხვევისათვის, თუ მომიხერხებენ მივლინებას, თუნდა აგრონომიულ ფაქტორებზე, ისიც კარგია. შევიდე კი უმაღლესში და მერე რამეს მოიფიქრებს კაცი. აბა ასე უსწავლელი შუა გზაზე ხომ არ დავრჩები. თბილისის უნივერსიტეტიდან ატესტატს ნუ გამოიტანთ. მე მხოლოდ ისლი გამომიგზავნეთ. ვინდა,

ყოველი შემთხვევისათვის, მაქაც ვირიცხებოდე. ამის შესახებ მერე უფრო დაწვრილებით მოგწერთ. მამა, მიჩიე, როგორ მოვიქცე. ხომ იცი, შენი სიტყვა რა რიგ დიდი იმედია ჩემთვის.

ჯანმრთელობის მხრივ კარგად ვარ. მართალია, თბილები არა მაქვს, მაგრამ მე ამის არ მეშინია ჰიცივეს ისე შემაჩვიეს, ყინვა აღარ გამიჭირდება, მითუმეტეს იქაური. ჰაინტერესებს მოსკოვში რატომ? სად არის გაგზავნილი ან ვინ გაგზავნა ჩემი საბუთები? ეს ახალი ცდაა თუ ძველის შედეგები?

სად, რომელ დაწესებულებაში? თუ ეს დაკავშირებულია ვისიმე თავმოყვარეობის შელახვასთან (მაგალითად, შენი), მაშინ, მამა, უმჯობესია ყოველივეს თავი დაანებო. ველი პასუხს საჩქაროდ. მოკითხვა დედას და ბავშვებს. არ მაქვს სრულიად ახალი ქართული წიგნები. თუ არის საშუალება, გამომიგზავნეთ. მისამართი ჩემი ძველია. ეკონომიურად, რა თქმა უნდა, სუსტად ვარ, რა ვუყოთ, ეს საერთო მოვლენაა. მამა, პასუხს ქნუ დამიგვიანებ. მინდა საბოლოოდ გამოვარკვიო ყოველივე და, თუ მოვახერხებ, სამ ახლო მომავალში ეფიქრობ წასვლას.

გოცნით ლევანო.

1928 წლის ზაფხულში ლევანს თავისუფალი გადასახლების ვადა უთავდებოდა. ის შეღავათები, რაც უნდა ჩაეთვალათ სოლოკეებში ყოფნის დროს, არ ჩაუთვალეს. ძლიერ დელავდა და ნერვიულობდა, სულმოუთქმელად უცდიდა ამ ნაწარ დღეს. ეს ხომ მისი ცხოვრების, არსებობის სამკვდრო-სასიცოცხლო პირობა იყო.

ახალგაზრდული, კეთილი იმედებით განმსჭვალულმა დანიშნულ დღეს ჩეკას მიაკითხა. მამა გიორგის ვაჟიშვილი ვახტანგ ნათაძეც გაჰყვა. ისევე უბედურება დატრიალდა, — იგონებდა ვახტანგი, — ლევანს გამოუცხადეს, რომ მას შექანიკურად ისევ 3 წლით თავისუფალი გადასახლება გაუხანგრძლივეს და ამ რეჟიმში ყოფნა დაუტოვეს. ეს შემზარავი სიტყვა ტყვიასავით მოხვდა ლევანს გულში. გაფითრდა, გაშრა, გა-

შეშდა, თვალები დაუბნელდა, თავდაპირველად ვერც კი დაიჭერა. ძლიერ გამწარებულს და აღგზნებულს თვალზე ცრემლი მოადგა. რატომ? რისთვის? გაჰყვიროდა ის.

— ჩვენ არაფერი ვიცით, — უპასუხეს გაჭავრებულმა ჩეკისტებმა, — ჩვენ საერთოდ არაფერი ვიცით, შენ რა ბრალი მიგიძღვის და რატომ იყავი სოლოვეკებში, იმ უბედურებაში. არც ის ვიცით, რატომ გაგიგრძელეს ვადა. ჩვენ მოწერილობა მოგვივიდა და ამას ვასრულებთ. ერთი შეგვიძლია გითხრათ, რომ შენს სამშობლოში, საქართველოში არ გიშვებენ, იქ არ უნდათ შენი მიღება. ალბათ შენთვის ახლა არ სცალიათ.

ლევანისათვის ეს ყოველივე მომაკვდინებელი იყო. ბევრი იდარდა, განიცადა, მაგრამ რას გააწყობდა. მიხვდა, რომ ნამდვილად ვადის გაგრძელება ისევ საქართველოდან მოდიოდა. იმასაც ნაღვლობდა, რომ თავიდანვე ქალაქ ვლადიკავკაზში წამოსვლა და აქ დამკვიდრება ალბათ დიდი შეცდომა იყო. წასულიყო სადმე რუსეთის ქალაქში, სადმე ქარხანაში. მუშის სამუშაოს ყოველთვის იშოვიდა, შესაძლებელია რამე შედეგათიც ჰქონოდა. რაც მთავარია, ამდენ ხანში უმაღლესს დაამთავრებდა და სპეციალობა ხელში ექნებოდა.

საბოლოოდ მაინც გადაწყვიტა ვლადიკავკაზიდან თავის დაღწევა. თავისი განზრახვა მამა გიორგის გაანდო. მამა გიორგიმ ლევანი დააწყენარა:

— სამი წელიწადი დიდი დრო არ არის, შეილო. შენ ახალგაზრდა კაცი ხარ, ჰკვიანი, ბევრი იმუშავე, გაერთე. წლები კი ხომ ხედავ, როგორ სწრაფად გარბის, მერე ვერაფერს ვეღარ იზამენ და გაგიშვებენ. მშობლებს ჯერ ნურაფერს შეატყობინებ. ისინი თვითონ მიხვდებიან. ხომ ხედავ, საქართველოში როგორი რეპრესიები და დაჭერები მიდის, არც ერთი ღირსშესანიშნავი ოჯახი აღარ დარჩა დაუბრბეველი. ვინ იცის, შესაძლებელია უკეთესიც არის, რომ შენ აქა ხარ გამოხიზნულიო.

საწყალი ლევანი რაღას იზამდა, საბოლოოდ ისევ თავის უბედურ ბედს დამორჩილდა. ჩემი სრული ბედნიერებისათვის საჭიროა სამშობლო და ქართველი ხალხი. ეს კი ამ ბოლო ხანებში ჩემთვის მიუღწეველია, — ხშირად იმეორებდა ის.

ვლადიკავკაზის ქართულ სკოლაში მუშაობით ლევანმა ქართულ კლუბშიაც გაითქვა სახელი. შეიძლება ითქვას, რომ

ლევანმა იქ დაიწყო სერიოზული ლიტერატურული მოღვაწეობა და, მეორეც, ლევანი ძალიან კარგად ხატავდა და კლუბში კარგი მხატვრის სახელიც დაიმსახურა. მერე ძერწვაც დაიწყო. მისი გამოძერწილი შოთა რუსთაველი დიდხანს ამშვენებდა სკოლის დარბაზს. ამრიგად, ლევანმა ყოველ მხრივ დაიტვირთა თავი. მამა სულ მუდამ ადევნებდა თვალყურს მის საქმიანობას, ძალიან ხშირად მისგან პატარ-პატარა ბარათებიც მოსდიოდა.

ლევანი სწერდა მამას: ვლადიკავკაზში ყოფნამ საგრძნობლად გარდაქმნა ჩემი ცხოვრება. დავეწაფე მწერლობას, დავწერე რამდენიმე მოთხრობა, ლექსი, პიესა, დრამა. ვნახოთ რა გამომივა. კალაშს ქარქაში არ გააჩნია, ის ან ბასრად ცხოველყოფელია, ან გატეხილია. ვნახოთ ჩემს ხელში რას იზამს, როგორ გამიმართლებს.

„მახსოვს ერთხელ მამამ გაზეთი „კომუნისტი“ სიხარულით შემოიტანა, — იხსენებს თინა. გვაჩვენა საკმაოდ მოზრდილი სტატია, რომელშიაც დაწვრილებათ ეწერა ვლადიკავკაზში არსებული ქართული კოლონიის შესახებ, მის ცხოვრება-მოღვაწეობაზე, ქართული სკოლის არსებობაზე, იქ აღზრდა-განათლებაზე, კლუბის არსებობაზე.

აქვე იყო ძალიან დეტალურად გარჩეული მთელი რიგი ეკონომიკური საკითხებიც. ქვევით კი ხელმოწერა ლ. გ. ვლადიკავკაზის ქართული სკოლის მასწავლებელი“.

მამას ძალიან უხაროდა ლევანის გატაცება ლიტერატურით. ის ხომ ჯერ კიდევ ბავშვობაში და სტუდენტობის დროს ამჟღავნებდა ამის ნიჭს, ახლა კი უდავო ხდებოდა. ლევანის ლიტერატურული ნიჭი ვულკანივით ამოიფრქვევავო, — ხშირად იმეორებდა მამა.

მამა უწინასწარმეტყველებდა ლევანს ლიტერატურაში ბრწყინვალე მომავალს. საწყალი მამა, თავისი სიცოცხლის უკანასკნელ დღემდე სულ ამაზე იცნებობდა, მაგრამ ველარ მოესწრო.

როგორც ვთქვით, ლევანმა ლიტერატურული მოღვაწეობა ადრე დაიწყო, ჯერ კიდევ სტუდენტობის პერიოდში ის ლექსების წერით იყო გატაცებული. სამწუხაროდ, არც ერთი იმდროინდელი ნაწარმოები არ შემოგვრჩენია. დასანანი ისიც, რომ ლევანის მიერ ვლადიკავკაზში და ბიისკის ოლქში გადა-

სახლების დროს, სულ ადრეული ახალგაზრდობის პერიოდში დაწერილი ლექსების, მოთხრობების უმრავლესობა განადგურდა ზშირი ჩხრეკისა და სხვადასხვა მიზეზისა და გარემოების გამო. გულდასაწყვეტია ისიც, რომ ბევრი კარგი ლექსი თვითონ ლევანმა მოსპო, ასაკშიშესულს უკვე აღარ მოეწონა. ამჟამად ლევანის არქივში შემორჩენილია რამდენიმე იმდროინდელი ლექსის ხელნაწერი რვეული.

აი, იმ ნაწარმოებთა არასრული სია და შემოკლებით ზოგიერთი ლექსიც. ამ ლექსების ყოველი სტრიქონი ლევანის გულისთქმაა, ასახავს იმდროინდელ განცდასა და წუხილს. ლექსები, დაწერილი ვლადიკავკაზში (ძაუგი) 1928—1930 წლებში: „სიტყვა ალალი“, „ნასპასალარი“, „რითმა შერეული“, „ნახირი ქალაქში“, „სიმფონია“, „აჰჰ, აუუ, ბეშტაუ“, „კარავი იალქანივით“, „თასმა ასონანსი“, „თეთრი მძორები“, „სულ უბრალო დამე“, „იწვები, არც ანთებაა“, „მრავალ ხალხისა“, „მე ჭალათი ვარ“, „ო, ილეგოვა“, „უთაებოლო“, „ფიქრია მცირე“, „ახალსახური“, „მინდა ვიტრო“, „ათას ფერხულად“, „ჰეი, ჰეხის მტრად“, „ძილისპირული“ და სხვ. საბავშვო პიესები: „ალელებული მეზალე“, „ცელქი გმირები“, პიესები: „დრამა პრეისტორიული“ 5 მოქმედებად, „ხეთა დაეცა“, „მზეო ჰან-დალიბ“, დრამა თეთრ ლექსად; მოთხრობები: „ლოთი ლათაი“, „ბასრი ხარხარი“, „ძველად უთქმელი“, „ღმუილ, ღმუილ“, „ნისლი გაცრილი“.

ნარკვევები, ნოველები, ესკიზები, დრამა, ლეგენდები: „მთა მაგიდა“, „ურმული“, „ბედი ჭებირის“, „ლირიკული დრამა, ესკიზი“, „Memento mori“, „სივრცე მურაზი“, „ქურდი დარიალში“ და სხვ. (დანარჩენ ნაწარმოებებზე შემდეგ შევჩერდებით თანამიმდევრობით).

ზოგიერთი სტრიქონი ლექსიდან

„მთა მაგიდა“

აუუ ძაუგი, ღრიალებს თერგი
თან მოაქვს... მთის სიმაღლაზე და სიხალისე,
მოხტის, როგორც აბულრავებული მოზვერი.
ო—ო, შენ დენა: რა შეანელებს?
შენ დენას რა შეწყვეტს?
— ალბათ ზღვა კასპიის.

თერგი სხარტია, როგორც კალმანი,
თერგი სულია მთის,
თერგი — ამბოხი და სერენადა,
თერგი სენია ღამეების
შეც — თერგდალეული,
მის ავადმყოფობით შენაპყარი,
აღბათ, მიტომ თუ მიზიდაეს მთები.

კავკასიონი თუ ქელია,
სამხედრო გზა არის მისი სარტყელი,
უზარმაზარი ხნული და ორი გველი
შიგ ჩაწოლილი —
თერგი და გზა,
გზა ნაბეჩსაეალი ურიცხვ მოდგმათა,
გზა და გამზირი ისტორიაში,
მოწმე, მოწამე უკუღმართ ბედის —
სამხედრო შარა საქართველოსი.
ღამე ეუფლება კლდეებს და ფერდობებს,
მზე ჩაიძირა ლოდით გუბეში,
მძვინვარედ იშლება
ღამის ოკეანე
და იძირება მის არქიპელაგში —
იღვრება მელანი,
ქვარტლი და მური,
ღრუბლები ბორგავენ შავი მხედრებივით,
ჩრდილოეთიდან მოდიან ჯანყები
და მთიურ მაგიდის მკერდს ეხეთქებიან.
მხოლოდ და მყინვარი აგლია ქუჩაზე,
ქვევით კი
ბნელეთი, ბნელეთი, ბნელეთი...
აღბანი თუ ამზადებს ახალ აჯანყებას,
ამაყი მყინვარი
და იმის იქით —
მთელი საქართველო
უ...უ...უ... მყინვარი
ეპა — საქართველო.

წლები მართლაც რომ სწრაფად გარბოდა. ვლადიკავკაზში ყოფნამ ლევანს მთებიც შეაყვარა და ალპინისტობაც დააწყებინა. ის წერდა მამას: „ყოველდღე შევეყურებ დიდებულ კავკასიონს, თვალი გამირბის, და კამარობს ზვიად ჭივრცეში. ჩემი მზერა უცნაური ძალით ივსება. შეუდრეკად ვკვრებტ მა-

წადიულ ყინვით დაფარულ ბუმბერაზ მწვერვალებს, რომელიც უჩვეულოდ მიტაცებს.

მისი უკუ მხარე კი! ეჭვი გულისტკივილით მხიბლავს, მიძახის ჩემი სამშობლოს მიწა-წყალი. ამაყი საუკუნოვანი ციხე-კოშკების ნანგრევები, ბევრის მთქმელი და მძიმე ისტორიული წარსულით გამოჭედილი. ქვევით: კი — ტყე, შეფეთქილი შინდით, ტყემლით, ნასოფლარებით, ნასაყდარებით და სხვა ნანგრევებით ის არის ყველა უპატრონოთა და ეხლა ჩემი ჭირისუფალი“.

ჯერ ლევანმა ვლადიკავკაზის გარშემო მთები და შემოგარენი შემოიარა, შემდეგ კი, ჩეკაში აღრიცხვიდან აღრიცხვამდე, მალულად, თავისუფალ დროს, განსაკუთრებით ზაფხულში, მწვერვალების დალაშქვრა დაიწყო, რამდენჯერმე სხვადასხვა გვარით წავიდა, არალეგალურად.

1930 წელს, გაზაფხულზე, მესტიაში გაიხსნა პტეს-ს ტურისტული ბანაკი, რომლის გამგე იყო საუკეთესო ოსტატი, მთამსვლელი სანდრო გვალია.

ტავერის მყინვარის ბოლოსთან, ტურისტული თავშესაფარის მშენებლობაზე მუშაობდა იმ დროს უმცროსი ტექნიკოსი, ამჟამად საუკეთესო მთამსვლელი, დამსახურებული პროფესორი ლევან მარუაშვილი, რომელიც ყოველ შაბათ-კვირას მესტიაში იყო და ლევან გოთუასთან დაკავშირებით საინტერესო ამბებს შეესწრო.

ბანაკში ხალხმრავლობა იყო. ბევრი ჯგუფი გადიოდა სხვადასხვა მწვერვალის დასალაშქრავ წინასწარ მოსამზადებელ წვრთნას.

„ერთ დღეს, სრულიად მოულოდნელად, — იგონებს ლევან მარუაშვილი, — ბანაკს მოადგა ერთი ზორბა, ბრგე ვაუკაცი. გაწითლებული და გასივებული ცხვირი ჰქონდა. სანდრო გვალია და მე იმწუთშივე მივხვდით, რომ ეს კაცი მყინვარზე ახალი ნამყოფი იყო.

ყიზლარის ქართული სკოლის მასწავლებელი ცაბოლიშვილი ვარო, — წარმოგვიდგინა თავი უცნობმა. ჩვენ ორივეს გაგვიკვირდა, ასეთი უცნობი გვარის ალბინისტი არც სანდროს და არც მე კავკასიონის მწვერვალების დალაშქვრაში არ გვახსოვდა.

— გაქვთ თუ არა რაიმე გამოცდილება ალბინიზმში და.

რომელი მწვერვალები დალაშქრეთ? — შეეკითხა გაკვირვებული სანდრო.

— მთამსვლელობაში მე დიდი გამოცდილება არა მაქვს, მაგრამ მაქვს დიდი სურვილი, — განაცხადა უცნობმა. — ხომ შეიძლება როდისმე მთამსვლელობა დავიწყო.

მერე მოგვიყვა, რომ იალბუზის კალთებზე შეხვდა ვინმე ინჟინერ რაკოვსკის. ამ მთამსვლელს სანდრო გვალაიც და მეც კარგად ვიცნობდით. ის განსაკუთრებით მწვერვალ იალბუზის დიდი მოტრფიალე იყო, ბევრჯერ მოსინჯა დიდებული კავკასიონის ამ გოლიათის დალაშქრა, მაგრამ ყოველთვის უშედეგოდ. ამის მიზეზი ის იყო, რომ ასვლის წინა დღეებში ძალიან ღელავდა და დამამშვიდებელ წამლებს იღებდა, სწორედ მწვერვალზე ასვლის წინ კი ცუდად ხდებოდა. ცაბოლიშვილს თურმე რაკოვსკისათვის უთხოვია მის ჯგუფში ჩარიცხვა და იალბუზის ლაშქრობაში მონაწილეობის მიღება.

რაკოვსკის ცაბოლიშვილისთვის შეუხედავს და არ მოსწონებია მისი სამთო მოწყობილობა, განსაკუთრებით იმერული მესტები მწვერვალზე ასასვლელად, თანამგზავრად მიღებაზე უარი უთქვამს: გეტყობა გამძლე კაცი ხარ, მაგრამ ჩაცმულობით არა ხარ სათანადოდ მომზადებულიო.

ცაბოლიშვილი მერე მიჰკედლებია სხვა ჯგუფს და 11 აპრილს ეფიშოვთან და ბეჩოელ მეგზურ გრიგოლ უშხვანთან ერთად დაულაშქრავს იალბუზის აღმოსავლეთი მწვერვალი (ცნობა ამის შესახებ ვ. სემენოვის წიგნში „საბჭოთა კავშირში ალპინიზმის განვითარების ნიმოხილვაშიც“ არის მოცემული. ეს წიგნი მერე ქართულ ენაზე ლევან მარუაშვილმა თარგმნა თავისი დამატებებით და შესწორებებით. — თ. და ა. გ.).

სანდრო გვალაიას ცაბოლიშვილა მოეწონა, ბანაკში ჩარიცხა და ერთ-ერთი მწვერვალის ასაღებ სავარჯიშო ჯგუფში გაამწესა.

რამდენიმე დღის შემდეგ ცაბოლიშვილი გამოგვეთხოვა, მწვერვალზე ასვლა ახლო მომავალში არ არის გათვალისწინებული, მე კი დღეები არ მყოფნის, უნდა წავიდეო.

ეს საიდუმლო ჭაბუკი როგორც ასე საექვოდ, მარტო, ჩუმად მოვიდა, ასევე საექვოდ, მარტო, ჩუმად წავიდა.

გავიდა რამდენიმე ხანი. საქართველოს გეოგრაფიული სა-

ზოგადობების მთავლა-მგზავროსული განყოფილების სხდო-
მაზე, რომელიც საქართველოს მუზეუმის აუდიტორიაში ჩა-
ტარდა, შემთხვევით შემხვდა ცაბოლიშვილი, რომელიც ლევან
გოთუაღ გაშაცნეს. მე გაკვირვებულმა შევძახე მას:

— აქი ცაბოლიშვილი იყავი მესტიაში?!

ლევანმა გაიღიმა და მიპასუხა:

— შენც სუ და მეც, ხან ცაბოლიშვილი ვარ და ხან გო-
თუა.

მან საიდუმლოდ მიაშბო, რომ თბილისში არალეგალურად
არის ჩამოსული ჩრდილო კავკასიიდან. შორი გზის მოვლით
გაიარა ნალჩიკი, იალბუზი, მესტია, ტყვარჩელი და თბილისი.
ამ დღეებში კი უკან ვბრუნდებო. ძალიან არ მინდა, მაგრამ
რა გქნაო“.

ქვევით გვინდა მოვიყვანოთ რამდენიმე ლექსი, დაწერილი
იმ დროს, ქალაქ ვლადიკავკაზში.

ქურდი დარიალში

გზა პირსახოცი,
სამხედრო შარა საქართველოსი.
მივალ მალულად და ჩუმად,
ფარული ზრახვით შეზარხოშები,
გზას მეთულოვით აგვეკვიტე
და თერგის ტალღებს ალერსით ვზომავ,
მთებმა მოსწურეს თანდათან ხევი
და ხეობაში გზა და თერგია,
ორივე შფოთი და ანაგრეხი,
ღები, შეილები კავკასიონის,
უცებ გზა და თერგი გადაიჭვარა,
ხიდი საზღვარია, აქით საქართველოა.
თვალეზი ეძებენ საზღვრის საგუშაგოს,
დანგრეულია ნეტავ როდემდის?
გრძნობის სისავსემ ღაწვები დალეკა
ოცნებამ აშალა განცდების ფარდაგი,
გულო უჩვეულო ძგერით გაილურსა
და დიდხანს ვიდექი ხიდის შუაგულში.
ჩემი თვალეზი იწვედნენ თერგისაკენ
და იძირებიან ამღვრულ მორევში,
ჩემშიც მორევი, მძაფრი მორევი,
მოკრიბე ოცნების სირმა ბილიკები.
ნდობით გადავლახე სამშობლოს
საზღვრები ნდობით და ფარულად,

და თითქოს ყოველი კუნძული მემცნაურა,
მშობლიურ მიწა-წყალს ცნობილობს გუმანი.
მინდა ლოდებს ანდერძი მოეტაცო,
გზის პირს გავენართხო ფერხით... საქართველოს.
ქართველი... მთიურ პაერს ვეხარბები,
დავთერები: ოცნების ცხადებით... ხილვით.
მოქანცულ ტერფებმა იხარეს სოამე,
ოო! რა ტკბილია მიწა მშობლიური,
და გახურებულ შუბლს ესუმბულება,
საქართველოსი წაში და ქარი.

ღრუბელი იშლება კლდის ნაპრალებში
ვარდება სხივი,

ეს სულ სხვა მზეა, უფრო სხივოსანი,
ეს არის მზე საქართველოსი.

დიღხანს ვიდექი საქართველოს ხიდის ყურეში,
მეხსიერება ირწეოდა, როგორც აკვანში
და იქმნებოდა სახეებზე წარსულ განცდისა
იყო ომებო... იერიში, სისხლი და ტყვიო,
პირსისხლიანი შემოვარდნა უცხო ტომების,
იყო თავდაცვა მამაცური და თავგანწირვა,
იყო ნაკადები სისხლ შენაფერები
და ათასი სხვა რამ დაუნდობლობა,
ბედის სიმუხთლე; ეამ:ს ვარამი,
იყო ჭანყები, ბრძოლა და მსხვერპლი,
ყოველი კუთხე მისხლით ანალესი
იყო და იქნება და მაინც,
საქართველო, შენი ცისარტყელა
ისევე შეიდი ფერია,
მასში სამფერი კი — უმთაერესი,
ისევე ჭვარედინი თერგი და შარა,
საზღვარი.

აქა-იქ მოთხრილი საგნები,
თხემზე დანგრეული საზღვრის საგუშავო.
ნეტავი როდემდის??

დიღხანს ვიჭექი საქართველოს
ხიდის ყურეში,

ჩემი ოცნება ევლებოდა ნაცნობ სახეებს.
მიმძიმს დატოვება მშობლიური კალთის...

დარიალასი, თამარის ციხეების...

მიმძიმს და მაინც უნდა წავიდე.

გულს შემოესია სევდა ხეიბარი,

გრძნობა და იმედი ხიდზე აქვდია.

მოდინ სიღრმიდან აუგი გესლები —

ნუთუ ვერ ვიხილავ მეტად საქართველოს???

დაძაბულ სხეულში თრთის ენა სანსალო

უიმედობა... მარცხის მოლოდინი.
ნუთუ ჩვენი ხვედრია კიდევ...
და ძველებურად მიგორავს თერგი,
ქარში სიმფონია კლავს ეხმატკბილება.
ოო, ასე ტკბილია აქ ყოფნა მარადის,
მაგრამ???

მე ჩუმაღ ვარ აქ შემოპარული
და უნდა წავიდე ისევ ფარულად,
ღიახ, მე ქურდი ვარ ღარიალში,
მაგრამ მომისმინე... თამარის ციხეც .
და შენ, უპოვარო დარიალო:

— მე კიდევ მოვალ

შეკრდით და ალაშქრით

და შენ ალაყაფში იქეჭებს ჰიმნი:

— გამარჯობა!

ღიახ, გამარჯვება.

ღიახ, გამარჯვება.

სიტყვა ჩამოვარდა, ვით ხმლის მოქნევა
და გამინაპირა სევდაში წარსული,
ვილაყამ გვერდში დინჯად ჩამიარა,
შიაშა საღამი და სიტყვა ქართული.
მანაც გამოიცილა ჩვენი ქართველობა
და იქნებ ფიქრებიც...

ეროვნებას აქვს თავის ანდამატი.

ეროვნებას აქვს თავის ინსტიქტი,

ეროვნებას აქვს თავის ანდამატი.

თეთრ ლეჰსად

1926 წ. კაეკაზი, 7—8/XII ლამეები.

საცაა მალე დაგვიზამთრდება,
თოვლი დაბურავს ამ არემარეს.
ამ ღრმა ხეებში ჩაწვება ზვავი,
და უღრან ტემში წარიშლება გზა ნატამალი.
ჩვენ კი მივდივართ, არც გზა, არც კვალი.
მივდივართ საით, თვითონ არ ვიცით
და ჩვენს ხეტიალს არც უჩანს ბოლო.
მზემ დაამთავრა ზღაპრების თხრობა,
ეხლა დაიწყო ლამის ზღაპარი.
ამბობენ ღამით ყველა ბრმავდება
და ბრმაც მეტყველებს, ტყე, მიწა, ბარი.
ნიავე მეტყვის შორეულ ამბებს
და ტყეში ჩუმაღ გაიხიზნება
და ბრმა ოცნება ფრთაშენაყარი
თვალებს ამიხელს ელვის სისწრაფით.

ლევანს უკანასკნელ ხანებში ჩეკაში შეღავათი მისცეს. რეგისტრაციაზე უნდა გატარებულყო არა კვირაში ერთხელ, როგორც იყო მთელი აქ ყოფნის პერიოდში, არამედ თვეში ერთხელ. ამასთან ერთად, უნდა წარმოედგინა წერილობით დეტალური ანგარიში დღეების მიხედვით, თუ სად და როგორ გაატარა თვე.

ის ვლადიკავკაზიდან იკარგებოდა და არალეგალურად სად არ დადიოდა — მთაში თუ ბარში. რამდენჯერმე თბილისშიაც ჩამოვიდა. ჩუმად მამა და სანდრო ხედებოდნენ, სახლში კი არ მოდიოდა. ლამე იასე ფავლენიშვილის ოჯახში რჩებოდა. ჩეკას, რა თქმა უნდა, მისი ხშირი დაკარგვა არ გამოჩინია და მალე მას ისევ შეუცვალეს რეჟიმო — ისევ ყოველკვირეულ შემოწმებაზე გადაიყვანეს.

ეს რეჟიმი ლევანს პირდაპირ კლავდა. ხელ-ფეხი შეკრული ჰქონდა, მიჯაჭვული იყო ჩეკას და ისე მობეზრდა ეს ამბავი, რომ უკვე ველარ იტანდა. არალეგალურად მოგზაურობისათვის ერთი კვირა აღარ ჰყოფნიდა, ზოგჯერ ძლივს ახერხებდა დიდი ნერვიულობისა და ფიზიკური გადატვირთვის ხარჯზე.

ლევანი ცოტა ხანში ისევ ყიზლარის სკოლაში გადავიდა სამუშაოდ. უნდოდა თავისუფალი დრო მეტი ჰქონოდა და წერისათვის აქტიურად მოეკიდა ხელი. იმდროინდელი ნამუშევრებია რამდენიმე დრამა, ორი საბავშვო პიესა, მოთხრობები და ათიოდე ლექსი: „მზე ნაბუზარკალევი“, „ჯიხვის დავლური“, „ჯაოს ბალახინი“, „ქარი უმთვაროდ“ და სხვ.

მამას ლევანის მიყრუებულ სოფელში სამუშაოდ გადასვლა არ ესიამოვნა, საყვედურიც კი მისწერა. ლევანისაგან საპასუხო ღია ბარათიც მოვიდა.

„ყიზლარი, 1 იანვარი, 1980 წ.“

ჩემო კარგებო! გილოცავთ ახალ წელს, მწამს, რომ ის ჩვენი ოჯახისათვის უფრო ბედნიერი იქნება. მიიღეთ ჩემგან საუკეთესო სურვილები, დაესწარიტ მრავალს.

საყვარელო დედა; შენი წერილი მიღებული მაქვს. ჩემი კმ სოფელში წამოსვლა, რა თქმა უნდა, ვერაფერი

კარგი საქმეა, მაგრამ მეტი გზა არ მქონდა... მინდა თწვი მოვსინჯო მწერლობაში, ქალაქში კი ამისათვის დრო აღარ მყოფნიდა. იწერები, ჩვენი ნახვა არ გინდაო? თითქოს ჩემზე იყოს დამოკიდებული... მეზობელთან უხეში საუბარი (შენ რომ იწერები) არ ჩრის მართალი, არ ვიცი, რად დასჭირდა ამის თქმა. პირიქით, მე მითხრა: ვეცდები, მოგეხმარო, რომ დროებით მაინც გამოგიშვან თბილისშიო...

მამა ხომ კარგად არის? იქვე მსახურობს? მე კარგად მოვეწყვე. შედარებით, რა თქმა უნდა! ძალიან პატივს მცემენ. სანდრომ დაამთავრა თუ არა მეურნეობის ელექტროფიკაცია? თუ დაბრუნდა თბილისში? გავშვები როგორ სწავლობენ? დიდი მოკითხვაა და მილოცვა მეგობრებს და ნათესავებს.

ჯოცნით ლევანო“.

ლევანმა ახლა უკვე მტკიცედ გადაწყვიტა რუსეთის რომელიმე საუნივერსიტეტო ქალაქში წასულიყო, ჩაებარებინა¹ გამოცდები და სწავლა განეგრძო. ეს მამას მოსწერა.

„უიზლარი. 14.IV.1930 წ.“

ს ა ყ ვ ა რ ე ლ ო მ ა მ ა

შენი წერილი მივიღე საკმაოდ დაგვიანებით. ერთგვარ ყოყმანში ვარ, ქალაქის სიშორე მე სრულიადაც არ მაშინებს. მზადა ვარ წავიდე უფრო შორს, მაგრამ ამ სწავლის დროს სკოლის მითოვება უხერხულად მიმაჩნია.

ერთგვარ მორალურ კმაყოფილებას ვგრძნობ, რომ ამ ქართველ ბაღსს შეძლებისდაგვარად ვიცავ დადაგვარებისაგან. ადვილი რომ იყოს სხვა მასწავლებლის შოვნა, ხომ, (რა თქმა უნდა, ლაპარაკიც შედამეტი ხქ-

ნებოდა. თან — რაღაც მთვე დარჩა სწავლის დამთავრებამდე.

მეორეს მხრივ, ასეთი შემთხვევის ჩელიდან გაშვება არ მინდა. ვფიქრობ, რომ იქიდანაც ჩქარა მოვა პასუხი. ამიტომ მაინც ახლავე მინდა მივწერო და ყველაფერი დავაზუსტო. თან ამ მოკლე ხნის შემდეგ შესაძლებელია ვეღარც გავძლო ამ სოფელში, ისე ამაღელვა უმაღლესში მოწყობის შესაძლებლობამ.

მე კარგად ვარ, მოკითხვა ბავშვებს, მომწერონ.

გულითადი მოკითხვა ყველას. ველი პასუხს.

ჯოცნით ლევანო“.

მამამ და ლევანმა მიწერ-მოწერით ბევრი იმსჯელეს უმაღლესში სწავლის გაგრძელების შესახებ, აირჩიეს ქალაქებიც და ბოლოს ისევ სარატოვზე შეჩერდნენ. გაიგზავნა განცხადება და ცნობები. ესე იგი, სკოლაში სწავლის დამთავრების შემდეგ ლევანი ვლადიკავკაზიდან განთავისუფლდებოდა და სარატოვში გადავიდოდა. ძალიან სერიოზულად მეცადინებოდა — იქნებ დამჭირდეს გამოცდების ჩაბარებაო. ლევანი სახლში ჩაიკეტა, დღე და ღამე ასწორებდა, არსად აღარ დადიოდა, იმეორებდა ეკონომიკის სხვადასხვა საგანს.

ლევანის გადასახლების მეხუთე წელიც მიიწურა ასე უფერულად, უშედეგოდ, მძიმე განცდებითა და ღრმა სევდით აღსავსე. დარჩა უკანასკნელი ერთი წელი, წელი დიდი იმედისა და კეთილი მოლოდინისა, მაგრამ მაინც უნდობლობის და შიშის გრძნობით დამძიმებული.

ლევანი უკვე 25 წლის გახდა, ნიჭითა და ენერგიით აღსავსე. აწმყოს სულ სხვა თვალთ უყურებდა. ამდენი ხნის მანძილზე ჩეკას მიჯაჭვული ვერც ქალაქში და ვერც სოფელში ადგილს ვერ პოულობდა, დამწყვდეულ ლომს ჰგავდა.

სარატოვში გადასვლასა და უმაღლესში სწავლის გაგრძელების სურვილთან დაკავშირებით ლევანი ძალიან აფორიჰტა. ცოტა ხანში უმაღლესის საკითხიც დადებითად გადაწყდა, საჭირო გახდა ჩეკასთან შეთანხმება, საბუთების გადატანა და სარატოვში საცხოვრებლად გადასვლა.

მამისა და ლევანის აზრით, ეს საქმე ჩეკაში იოლად გადაწყდებოდა. მერე კი თვითონ უკვირდათ, რად იყვნენ ამაში დარწმუნებულნი. ლოგიკურად ასეც უნდა ყოფილიყო, ბოლოს და ბოლოს, ეს თავისუფალი გადასახლება იყო და არა პატიმრობა. მათ მიერ არჩეულ ქალაქში საცხოვრებლად გადასვლა არ უნდა ყოფილიყო ძნელი. მაგრამ ეს ასე არ მოხდა. ჩეკაში ლევანს უარი მიახალეს: ქალაქიდან ქალაქში გადასვლა საერთოდ აკრძალულიაო, სადაც დაიწყეთ პატიმრობის ვადის დაფარვა, იქ უნდა ჩაათათო, ვადის დამთავრებამდე ვერსად ვერ წახვალთო.

ამ პასუხმა ლევანს პირდაპირ ლახვარი ჩასცა — „მე ერთი ვადა უკვე დავამთავრე და მეორეს დამთავრებინებენ, რა ვქნა, როგორ მოვიქცე, როდესაც საყვავეთი ზეიმობს ირგვლივ. ჩემს სწავლობაზე ჭალათები და ყვავე-ყორნები მტრულად დაბორილობენ და დაძრწიან, არც გაზაფხული და არც მარცხის მძლვეი მერცხლები არსად ჩანან, და არც ახლო მომავლის იმედი მაქვს“, — წერდა სასოწარკვეთილებაში ჩავარდნილი ლევანი. ზოგჯერ თვითონ იმშვიდებდა თავს, მაინც ლოდინის თვალი ორმაგიაო, მეორე ვადის დამთავრების შემდეგ იქნებ მელირსოს თავისუფლებათ.

ლევანს ნამდვილად არაფერში არ გაუღიმა ბედმა, ყველგან უმტყუნა. ჩეკადან ყოველნაირად ავიწროებდნენ. „ეს რა ორომტრიალში მოგხვდით, იქედან თავის დაღწევა აღარ შემძლია, ეს რა დაუტყმაყოფილებელი მისწრაფებებითაა ავსებულნი ჩემი ცხოვრება, მიუღწევლობით, გამოწვეული შინაგანი წუხილი სცილდება ყოველგვარი გრძნობის საზღვრებს, რა დავაშავე ამისთანა ცხოვრებაში, რომ ველარ დავადწიე თავი ჩეკას“. ცოტა ხანში ლევანმა სულ მთლიანად დაკარგა იმედი.

მამა შიშობდა, სულ ეხვეწებოდა, ეს ერთი წელიც როგორმე გაიტანო, ნუ აირევ გუნებ-განწყობას, წერე, იმუშავე ლიტერატურას მიჰყევი და წელიც შეუმჩნევლად გაფრინდებაო. მე მაინც გულის სიღრმეში კეთილი იმედით ვარ გამსჭვალული. ამჯერად შენი დაბრუნება უდავო იქნებაო.

ეს წელიც გავიდა საშინელი განცდებითა და გაჭირვებით, და ისეც უბედურება დატრიალდა — ლევანს კვლავ 3 წელი დაუმალეს. საშინელ სასოწარკვეთილებაში ჩავარდა. განსა-

კუთრებით იმას წუხდა, ამდენი ხნის მოლოდინმა არაფერი კარგი რომ არ მოუტანა. ყოველ კვირას ჩეკაში სიარულმა კი მორალურად გატეხა.

„თითქოს ნელი წამებით სიკვდილი მაქვს მისჯილი და მე ამ წამების ხანგრძლივ გზას სამ-სამწლიანი სიჩქარით გავდივარ კიდევ. ველარ შევძლებ ცხოვრებას ასეთ მრავალგანცდათა სამყაროში, ცრუ იმედებით სულ ღელვაში და გაჭირებაში. ამ მთავრობის არაფერი აღარ მჭერა, — გულნაკლულად იმეორებდა, ის. — თუ სამშობლოში არ მიწერია ცხოვრება, მაშინ სხვაგან რა მიხდა?“

და ლევანმა საბოლოოდ გადაწყვიტა გასცლოდა ამ საშინელ წყობას, რომელიც დღითიდღე უსაობდა სიცოცხლეს, ხელყოფდა მის პიროვნებას, ზანიათის სიმტკიცეს. ლევანი დაუკავშირდა თავის ამხანაგებს და გაიგო, რომ ისინიც ასეთივე მდგომარეობაში იყვნენ. მაშინ საბოლოოდ დარწმუნდა, რომ მთავრობის მიზანი იყო მოესპო საქართველოდან გარიყული საუკეთესო ნიჭიერი ახალგაზრდობა, ბოლოს სინანულით დაასკვნინდა ზოლჩე. ვაი, ვაი, რომ სახელმწიფოს სათავეში ჯალათები დგანან.

ამ პერიოდის ლექსები კარგად გამოხატავენ ლევანის გულისტკივილს, ღრმა სევდასა და მწუხარებას:

მინდა ვიტყვო

მოკალი ჩემში სიამაყე,

მინდა ვიტყვო...

ო, ო, ეს თვალეზი დესანაყი, მარტო მტვერია,

აღარ მსურს ვიყო გმირი ნაქები,

ცრემლი მომინდა,

რომ ჩემი ფიქრი, უპირქუშო, შიგ ამოვადნო...

აღბათ ტკბილია ბრძოლის ვარაყი

თვალთა არედან,

მოკალი ჩემი სიამაყე,

მინდა ვიტყვო...

იქნებ ვარ ღმერთი
და არ ვიცი ჩემი სიწმინდე;
იქნებ გავერთე —
დამავიწყდა, რომ მოველ ციდან...
იქნებ მიწიდან ამომძერწეს,
როცა ცხელოდა,
მწირი იწვის,
ამოთხრილი საქართველოდან...
ან თუ ვარ ცეტი
გაუგებრად ვხმაურობ, ვროშავ...
ო... ო... ბეტად ცოტა
სათქმელი მაქვს ლექსის გარეშე —
იქნებ არაა გამართული
ჩემი ლოცვა,
უნდა დაეიწვა უსამშობლოდ
და უჯალბოდ,
ეს უცხოეთი ვიცი ჩემთვის,
'რა სასჯელია...
საკუთარ თავის ამოცნობა
ო... ო... რა ძნელია.

ფიქრია მცირე

ლევან გოთუა,
განუედი ჩემგან,
მონაროშია
შენი წუხილი...
სევდა უთუოდ,
შენ ჩამაგონე...
გამაბოროტე
როგორც წუხელის...
ისევ უძილო...
გრძნობა გამხმარა...
(უთუოდ სადმე
ქარნი ზმუიანი)...
მე ვარ კუნძული,
დაკარგულ მხარის
და ჩემი სევდა
რობინზონია...
გადაკარგული
და განაწირი...

კვლავაც უდიდეს
სევდას შივენდე —
და მონაპარი
ფიქრია მცირე:
იქნებ მოვიდეს
გემი „იმედი“.

სიმფონია — აჰჰ!

ისმოდა ნიავის საღბუნნი
ს... ს... ს... ს
სუროთა სევდის შრიალა
შ... შ... შ... შ
ტიროდა ტევრუბთან სუმბელი
უ... უ... უ
უთუოდ იესება ფიალა
აჰ... აჰ... აჰ... აჰ
დავდივარ
დენილი
და მათუსალა...
ავდარი
მომელის
მითოსის ალით...
აურაცხელი
განცდები მოდიან;
ო... ო... ოა ცხელია
ტყვია უსახელო,
თუ გული ისეც დანაკოლია.

იწვევა!

მზიდან მოვა სხივი
და ჩრდილებში მიწვება,
ფიქრიც მოვა მეხივით,
ნუთუ სული იწვება?
იქნებ დამიგვიანდა ნების შეკოწიწება,
თი ნუ ჰფარავ, გაშენდე, ნუთუ სული იწვება?!

ათას ფერხულად

და როცა წამოვა დარის ნათოვი,
უსათუოდ ზამთარი და იანვარია,
და საგულეში თუ რაიმემ გაიფართბალა,
სიმარტოევა
და მომსკდარნი ქარნი არიან...
არ მინდა ვინმე შეეაჯარო
ჩემი მუქარით,
თავის დროზე ხომ ყოველივე დაიწერება,
მოვა მაისი და ამორთვა უზარმაზარი —
თბილი, უქარო...
თან მეწყერები...
და თუ მუხლებმა აიწყვიტეს მიწის ჩაირი,
ელვა მებურით ჩაანათებს შავ-ბნელ უფსკრულებს,
წამოვა თემა ხელუხლები და საშაირე
იყოღეთ, მაშინ მარტოობა მეც გავათავე.

ახალ-სახური

მომკვეთეთ ენა უჭაახი
და ძალის კერძი...
მოდრიკეთ ჩემი სიჭიუტე,
გამცხრილეთ ქარზე...
გადამატარეთ იარათა
ლეგიონები...
გამიჩანაგეთ შუბლი — ავი,
გული — ბოროტი,
მომიშხამეთ ფიქრთა სათავე,
დამტოვეთ მარტო..
დამიხშეთ ხედვა უნობათო
დაშლილ სხეულის,
გადამაზეინეთ წამებათა
ათასეული...
ო, ო, მაშინ მოვალ უხილავი
ქვეყნის დოლებით,
მაშინ გაგამხელთ, თუ ელავენ
მზის გოდოლები.
მაშინ მოვალ თვითნება,
ახალ-სახური
ურმულებში ჩავებმები
და მიშახურეთ.

არის უთუოდ ფიქრი — საფიქრო
ათი ათასი უაინაღებით,
არის უთუოდ სევდის — სევადი
და ურღულები უგასაღებო.

არის ზეცაზე ობოლი — დილა,
გაუკითხავი მათხოვარივით,
არის სიერცეში ნათხარი — მხარე,
გადასულ ჟამთა ნახუმარევი.

არის ქვეყანა უძირო, მღორე,
ნაიარევიტ ჩამოსტამბული;
არის სამყაროს უფეხო აფრა...
ფხა შერეული და უთავბოლო.

პეტრე კურცხალია, ლევანთან ერთად სოლოვეკებიდან ვლადიკავკაზში რომ წამოვიდა, თავის დაღწევის მიზნით სულ ახალ-ახალ გეგმებს აწყობდა:

ჩვენ თუ მძიმე დანაშაული წარსულში გვქონდა ჩადენილი, — აღშფოთებით იმეორებდა ის, — „სამეულმა“ შორეულ ჩრდილოეთში პატიმრობის სამი წელი მოგვისაჯა. შემდეგ რატომ გადმოგვიყვანეს თავისუფალ გადასახლებაში? ესე იგი, არ ვიყავით დიდი „პოლატიკური მოღვაწეები“ და დამნაშავეები. ეგრეთ წოდებული თავისუფალი გადასახლება კი ჩეკას უფრო მძიმე რეჟიმით ჩაგვატარებინეს. არალეგალურ ცხოვრებას მიგვაჩიევს ქურდულად, შემდეგ რაღას გვეჩიოდნენ, სამი წელი მექანიკურად რომ დაგვიმატეს, თანდათან რომ გვანადგურებენ. აჰა, ესეც გადავაგორეთ პირნათლად და რა გამოვიდა? ისევ მესამედ სამი წელი! რისთვის! ასე უთავბოლოდ შეიძლება უსასრულოდ წლები მოგვიმატონ და მოგვიმატონ, სამშობლოში მისადგომი აღარც გზა და აღარც ხიდი დაგვიტოვონ, მუდმივ პოლიტიკურ პატიმრებად გამოგვაცხადონ, სამშობლოს ურჩ მოღალატეებად ჩაგვთვალოს ხალხმა? მთავრობაში ვინ არის ამის გამკითხველი? მათ ეს აძლევთ ხელს. ჩვენ ამ პერიოდში ისე დაგვაჯინეს, ალბათ ადამიანებად აღარ გვთვლიან, რასაც უნდათ, იმას გვიშვრებიან, ცოცხლად გვკლავენ. ალბათ საქართველოში ცოცხლები

ველარ დაებრუნდებით. საშინელი რეჟიმის ქვეყანაში ვცხოვრობთ, მათი პოლიტიკა ჩვენ არ გვესმის და ვერც გავიგებთ. თავისუფალი გადასახლების რეჟიმი კი მახრჩობელა გველივით ტანს გვეკვრის და თანდათანობით სისხლისაგან გვცლის.

რამდენმა ჩვენნაირმა ახალგაზრდამ ისე გაათავა თავი ისიცოცხლე და ცხოვრება, რომ არსებითად ჯერ არც კი დაეწყო. რამდენი სამშობლოსათვის კარგი საქმე გაუშედაღვნებელი დარჩათ, ვინ მოთვლის. სწორედ ყველაზე უფრო ამის მეშინოდა. ალბათ ჩვენც ეს გველის. აქამდე სხვისი უნდობლობა გვქირდა, ახლა კი ჩვენი თავისაო, — იმეორებდა ლევანი. თავის ნიჭში და კეთილკაცობაში ეჭვიც კი შეეპარა. ასე რომ გაგრძელებულიყო, შეიძლება თვითმკვლელობამდეც მისულიყო.

შეიკრნენ აღმფოთებული და გაჭირვებული, ერთ ბედზე ქვეშ მყოფი მეგობრები: იასე ფავლენიშვილი, პეტრე კურცხალია, ბესო ვაშაყიძე და ლევანი. თავიანთი ფიქრი და აზრი შეუპირისპირეს ერთმანეთს, ჭირ-ვარამი გაიზიარეს. ბევრი იფიქრეს, ბევრი ინალვლეს. სამშობლოს მიღმა ასეთი „თავისუფლებით“ გაჯახირებული ცხოვრება არაფრად მიაჩნდათ და გულაცრუებულები ყველაფერს მძიმედ განიცდიდნენ.

მდგომარეობის გამოსწორების რეალური საშუალება უიმედოდ ჩათვალეს.

ყველაფერი, რაც საქართველოსთან — საყვარელ სამშობლოსთან და თანამემამულეებთან იყო დაკავშირებული, დაკარგულად მიიჩნიეს მისი კეთილდღეობასა და მომავალზე ოცნებები და ზრახვები სამუდამოდ ჩაუწყდათ.

„ჩემს ცხოვრებაში სინამდვილე და ოცნება, აწმყო და მომავალი ძალიან შეცილდა ერთმანეთს, — პატარა ბარათში სწერდა მამას ლევანი, ჩვენ ღირსეული მამულიშვილები გვინდოდა ვყოფილიყავით სამშობლოში. ამის საშუალება კი ჩვენს ყოველმხრივ დაგვიხშო, დავიბენით, როგორ მოვიქცეთ შემდგომში, არ ვიცით“.

ახალგაზრდული შემართებით ამოქმედდნენ, განაჩენი გამოუტანეს თავიანთ თავს — საზღვარგარეთ გაქცევა ვადაწყვეტეს, საქართველოში პოლიტიკური მდგომარეობის გამოსწორებამდე ჩვენს საქმეს ალბათ ვერაფერი უშველისო.

სასწრაფოდ შეაგროვეს ფული. იშოვეს გამყოლი, რომე-

ლიც თურქეთში გაიყვანდა, დაიხურეს „უჩინმაჩინის ქული“ და მეტად მძიმე და სახიფათო გზას გაუდგინენ.

თავდაპირველად თითქოს ყველაფერი კარგად მიდიოდა, ხარობდნენ ახალგაზრდები. ბუნებამაც მხარი აუბა. ჯერ ვიწრო ბილიკით ღრმა ხეობას გაჰყვინენ, შემდეგ მთა-გორაკები და მავთულხლართები გადაიარეს. მერე მდორედ მომდინარე დაკლაკნილი ჭოროხის პირველი მუხლი გადაცურეს და ასე შექდევ... როდესაც მდინარის უკანასკნელ, მერვე მუხლში ჩატოპეს და ახალგაზრდებს ეგონათ, რომ თავს უშველეს, უკვე სამშვიდობოს იყვნენ, სწორედ მაშინ უმუხთლათ ბედმა. საქმე სულ სხვანაირად შეტრიალდა: მესაზღვრეებმა ტყვიის წვიმა დაუშინეს, გრიალ-ზუზუნმა ყურთასმენა წაართვათ. მოულოდნელობისაგან დაიბნენ, დაგეშილმა ძაღლებმა წყალში კინალაშ დაგლიჯეს.

მათ წინ წუთში გაიელვა უკიდურესად მძიმე არჩევანმა: საბედისწერო წინ გაქცევა, თავისუფლება ან წყალში სიკვდილი, მეორე, არც თუ ისე უფრო ადვილი, უკან დაბრუნება, მართალია, სიცოცხლის შენარჩუნებით, მაგრამ ისევ ციხე, უფრო მძიმე, უფრო სასტიკი. ვინ იცის, იქნებ დახვრეტაც კი. პირველი გზის დასასრული თუ საბედისწერო იყო — ან თავისუფლება, ან სიკვდილი, მეორე გზა მათ ისევ ნელ სიკვდილს სთავაზობდა, ისევ ციხეს და გადასახლებას.

1 „ყოველივე ეს ისე ელვის სისწრაფით მოხდა, რომ გაფიქრებისა და მომავლის არჩევის საშუალებაც აღარ გვექონდა, — წერდა ლევანი. ზოგ ჩვენთაგანს შესაძლებელია ეჩივიან პირველი გზა კიდევ, მაგრამ ყოველივე უკვე გვიანი იყო. ყოველმხრივ ალყაშემოკრული ვიყავით, მძიმედ დაჭრილი ერთერთი წყალში იხრჩობოდა.

გაირკვა ისიც, რომ თურმე ჩვენი დაჭერის პროცესი წინასწარ მომზადებული სცენარით გათამაშებული წარმოდგენა ყოფილა — ჩვენს გამყოლს თავიდანვე გავუყიდვივართ. მათ, შესაძლებელია, აწყობდათ კიდევ ვაჟკაცების სიკვდილი უკანასკნელ ზღურბლზე, საერთოდ, ჩვენი თავიდან მოშორება“.

ორი დღე ბათუმის ციხეში გაატარა დარჩენილმა სამმა მეგობარმა. იქ მათ საშინელი მორალური და ფიზიკური შეურაცხყოფა მიაყენეს, ისე სცემეს, რომ სული ძლივს შეინარჩუნეს. შემდეგ

თბილისის ჩეკაში ჩამოიყვანეს და უკვე თითოეული ცალ ცალკე, ბნელ სარდაფებში ჩამწყვდიეს. ახლა უკვე სამშობლოს უტყუარ მოლაღატეებად მონათლეს და სულ ჯაშუშები უძახეს. მიზეზი, თუ რატომ ჩაიდინეს ეს ამბავი, არავის აინტერესებდა. ლევანი და მისი თანამოაზრენი ამას საშინელ აღშფოთებამდე მიჰყავდა. ან რატომ ფიქრობდნენ საწყალი ბიჭები, რომ ჩეკაში კარგად გაარკვევდნენ მათი გადაწყვეტილების მიზეზს და თავზე ხელს გადაუსვამდნენ(?!).

ჩვენ სამშობლოს მოლაღატეები არასდროს ვყოფილვართ და არც ვიქნებით. ამ საშინელი რეჟიმის და წყობის წინააღმდეგები ვართ. რატომ არ გინდათ ჩვენი საქმის თავიდან ბოლომდე გარჩევა კარგად და ჩვენი გაგება, — იხვეწებოდნენ ახალგაზრდები.

ამასობაში კი ჩეკაში შეთითხნეს რაღაც საშინელი ოქმი და დაეინებით სთხოვდნენ მასზე ხელმოწერას, რაზედაც სამივე პატიმარმა უარი განაცხადა.

ისევ „სამეულმა“, ისევ ყოველგვარი დაკითხვის გარეშე, 5 წლით შორეულ ციხეში გადასახლება მიუსაჯა „სამშობლოს მოლაღატეებს“. შემდეგ ისინი ციხეში გადაიყვანეს.

ვიღაცამ მამას შეატყობინა ლევანის ბათუმში დაპატიმრება, მერე კი თბილისში, ჩეკაში გადმოყვანა:

ისევ ტრაგედია დატრიალდა ჩვენთან. მოულოდნელობისაგან ყველანი გაშეშებული და ენაჩავარდნილი ვიყავით. გასაკვირი ის იყო, რომ არც მამას და არც დედას ლევანის საყვედური არ დასცდენია, პირიქით, თანაუგრძნობდნენ მის უბედურებას.

საწყალი შშობლები, გატეხილი მორალურად და ფიზიკურად, ერთმანეთს შესცქეროდნენ და სიტყვის თქმისა ეშინოდნათ. ბოლოს ცრემლმორეულმა დედამ ესლა თქვა: კიდევ კარგი, რომ გადარჩა, თორემ ხომ შეიძლება ტყვია მოხვედროდა და ისე გამქრალიყო, მისი გზა-კვალი არც კი გვეცოდნოდა.

გულჩათხრობილი მამა ძლივს გასაგონად ლულულულებდა: „საწყალი ბიჭი! ცუდ დროს მოუწია ლევანს დავაუკაცება. ვერ აიტანა ის უსამართლობა, რაც ჩვენს ირგვლივ ხდება და, რაც მთავარია, გამოსავალიც არსაიდან ჩანს. უსამართლოდ ამდენი ხნით გამომწყვდეულმა ამათი რეჟიმი ველარ აიტანა. რა არ

გადაიტანა, მაგრამ უბედურება ისაა, რომ საშველს მე უკვე ვეღარ ვხედავ“.

ბავშვები შეშფოთებული შევცქეროდით მშობლებს, რომლებიც თავს ძლივს იკავებდნენ. საწყალი ლევანი! მისი სამშობლოში დაბრუნების ოცნება და იმედი მთლიანად გადაიწურა, — იმეორებდა გულდააუთქული ტასო.

მამამ გაიგო, რომ რამდენიმე ხანს ლევანი თბილისის ციხეში დაჰყოფდა. აქ იმდენი პოლიტიკური პატიმარი იყო გადასახლებისათვის გამზადებული, რომ ეტაპში გასაგზავნად ცოცხალი რიგი იყო შექმნილი.

მამას ძალიან დაეხმარნენ. თინა ამ პერიოდში სამედიცინო ინსტიტუტის მე-2 კურსის სტუდენტი იყო და ციხეში ექთნად მოაწყვეს ლევანთან კონტაქტის დასამყარებლად.

თავდაპირველად, — იგონებს თინა, — ციხეში შესვლია და გასვლის დროს სასტიკად მიხრეკდნენ და მამოწმებდნენ ყოველდღიურად, შემდეგ კი მიმეჩვივნენ და სანდო პიროვნებად ჩამთვალეს. ამიტომ ციხის ტერიტორიაზე თავისუფლად დავდიოდით და საწყალ პატიმრებს შეძლებისდაგვარად ვეხმარებოდით, წერილები გადამქონდა.

ციხის მკაცრი რეჟიმიდან თავის დაღწევის მიზნით საავადმყოფოში მოხვედრა. ერთადერთ საშუალებას წარმოადგენდა.

საავადმყოფოში სულ სხვანაირი ვითარება სუფევდა. აქ პატიმრებს ნორმალურად ექცეოდნენ, სათანადოდ მკურნალობდნენ, ციხის რეჟიმი შერბილებული იყო, კვებაც გაუმჯობესებული, რაც მთავარია, ყველაზე დიდ ფუფუნების საგანს რკინის საწოლი წარმოადგენდა თავისი თხელი ლეიბით და სუფთა თეთრეულ-საცვლებით. რა თქმა უნდა, ამის შედარება არ შეიძლებოდა ხის ნარებთან, სადაც ერთდროულად თავშექცევით იწვნენ ნახევრად შიშველი პატიმრები.

— პატიმრები ისედაც ავადმყოფები არიან, მოშლილი თუ აგზნებული ნერვული ფსიქიკით. იმდენი საფიქრალი აქვთ, რომ საწყლებს ყველაფერი სტკივთ, — ხშირად იმეორებდა თინა. წარმოიდგინეთ ამას რომ ნამდვილი ანთება, ინფექცია ან სხვა დაავადება დაემატება ეს ხომ პირდაპირ საცოდაობაა.

ინფექციურ ბარაკებში სულ სხვანაირად იყო საქმე. ციხეში მძვინვარებდა ტიფი და ტუბერკულოზი. ბარაკები შემადრწუნებელი სანახავი იყო: აგურით ამოშენებული ფანჯრებიდან

საკანში პაერი ვერ აღწევდა. ვ წყებად აჩონჩხილ ნარებზე ერთმანეთში არეული სხვადასხვა ეროვნების, რჯულისა და ასაკის ავადმყოფები იწვნენ. დაავადება სხვადასხვა სტადიაში ჰქონდათ — ზოგი ბოდავდა, ზოგი ბორგავდა, ზოგი აგზნებული იყო, ზოგი — დეპრესიაში... ოფლის. შარდისა და განავლის სუნით ყარდა იქაურობა. სანიტარიასა და კვების რეჟიმზე ხომ ლაპარაკიც არ შეიძლებოდა. წესით, თითოეული ავადმყოფი ცალკე მომსახურე პერსონალს მოითხოვდა, მაგრამ სად იყვნენ საერთოდ სანიტრები ამ მოვალეობას პატიმრები ასრულებდნენ დიდი შიშითა და მორიდებით. რამდენი განათლებული, პატიოსანი და უდანაშაულო ადამიანი დაიღუპა აქ უპატრონობით. რაც შეეხება ტუბერკულოზით ავადმყოფებს, ეს ხომ ცოცხალი ჩონჩხების სამფლობელო იყო, ზოგი აგზნებულად, ზოგი კი ჩუმად ესალმებოდა წუთისოფელს. ერთი სიტყვით, საავადმყოფოს ეს ბარაკები არაადამიანურ საშინელებას წარმოადგენდა.

თერაპიულ განყოფილებაში ავადმყოფებთან ერთად შემოხიზნული და უკვე გამოჯანმრთელებულებიც იწვნენ. ისინი უდანაშაულო პოლიტიკური პატიმრები იყვნენ და საჭირო იყო მათი დროებით მაინც გადაჩვენა. თინას ჩანაწერებში ააი ასეთი ავადმყოფიდან მხოლოდ ორის გვარი შემორჩა. ეს იყო მეტად განსწავლული და განათლებული პროფესორი ნიკიფორე იმნაიშვილი, რომელმაც შვიდი ენა იცოდა თავისუფლად და სწორედ ეს იყო მისი „პოლიტიკური დანაშაული“, და პროფესორი წერეთელი — არანაკლებად განსწავლული კაცა. ეს შუახნის, განსაცდელში ჩაეარდნილი ადამიანები თავის ინტელიგენტობას და ხასიათის სიმტკიცეს იქაც ინარჩუნებდნენ, მიუხედავად მიყენებული ფიზიკური შეურაცხყოფისა და წამებისა.

ციხეში ასეთებს დიდი სიფრთხილით და რისკით ეხმარებოდა ვილაყა. ისინი ბევრჯერ გადაარჩინეს სასტიკ ეტაპს.

ერთ დღეს, სრულიად შემთხვევით, თინა საიდუმლო საკანში შეიყვანეს. ეს ე. წ. განწირულების სარდაფები ყოფილა. ოთხი კაცი საშინელ პირობებში, ფეხშიშველა სველ, ცემენტის იატაკზე ეგდო. ოთხივე ქართველი აღმოჩნდა, გასაცოდევებული და ცოცხალ-მკვდარი, შუახნის სასიამოვნო შეხედულებების ვაჟაკები, გაჭალარავებულები, წვერმოშვებულები და

ნაღვლიანები. ერთ-ერთ პატიმარს კბილი სტკიოდო და მე ტკივილდასაყუჩებელი წამალი მივეცი, — იგონებს თინა, — საშინლად შეეწუხდი, მინდოდა რაიმე თანაგრძნობა მეტყვა კიდევ, მაგრამ, აბა, რას ვიზამდი. მაინც ვერ მოვითმინე, წამოვიძახე რა დააშავეს ასეთი, რომ ასე არაადამიანურად ისჯებიან-მეთქი. „სამშობლოს მოღალატეები“ არიან და „სმერტნიკებიო“. „შენ ენა გააჩერე და არაფერი თქვაო“, — მუჭლუგუნი მკრეს და გამიჯავრდნენ ზელამხედველები“.

თინა, შეწუხებული და შეძრწუნებული, ყოველდღე, ყველას თანდასწრებით, ციხის ამბებს — ნანახს, განცდილს, იქაურ საცოდაობას გვიყვებოდა.

მამა ამხნევებდა თინას, სულ იმას ეხვეწებოდა, ცოტაც მოეთმინა და შესაძლებელია ლევანს შეხვედროდა. „სმერტნიკებზე“ კი მამა საშინლად აღელდა — პოლიტიკური პატიმრების დასჯა სიკვდილით, ეს ბარბაროსობაა, ეს მართო ჩვენს ქვეყანაში ხდებაო. ვინ მისცა მათ ამის უფლება? სად არის სამართალი? სიკვდილი შეიძლება მიუსაჯო მკვლელს, რომელიც უდანაშაულოდ კლავს ადამიანს. მაშინ დაწმუნებული ვარ, მკვლევლობები საერთოდ აღარ იქნებაო.

ლევანი და მისი ამხანაგები ციხეში სხვადასხვა სარდაფში ისხდნენ. თინამ ჯერ ვერ შეძლო მათი ვერც ნახვა და ვერც ამბის გაგება.

თვითონ ბიჭები კი როგორღაც დაუკავშირდნენ ერთმანეთს და გადაწყვიტეს შიმშილობა გამოეცხადებინათ. ეს იყო მათი საბოლოო, საბედისწერო, უკანასკნელი შანსი. ისინი მოითხოვდნენ საქმის გადახედვას და მათ გასამართლებას ყველა წესის დაცვით. თავდაპირველად ციხის აღმინისტრაციამ მათ ყურადღება არ მიაქცია. შემდგომში მოშიმშილეების რაოდენობა გაიზარდა, სოლიდარობის მიზნით მათ აკყვენ სხვა პატიმრებიც და ასე, დღითიდღე, მოშიმშილეების რიცხვი ციხეში მატულობდა. ატყდა განგაში. ბევრი მაშინვე დაპირებებით დააშოშმინეს და შიმშილობა შეაწყვეტინეს.

ლევანი და მისი ამხანაგები განაგრძობდნენ შიმშილს. ისინი შიმშილობის მე-14 დღეს საავადმყოფოში გადაიყვანეს.

— იასე ფავლენიშვილი საკაცით მოიყვანეს, სისუსტის გამო ვეღარ დადიოდა, ნერვული აშლილობაც საგრძნობლად მძიმედ ჰქონდა გამოხატული. ლევანი გამხდარი, გაფერმკრათა-

ლებული, სისუსტისაგან ძლივს იდგა ფეხზე, ლასლასით მოდიოდა. ბესო ვაშაკიძე კი ვაჟკაცურად მოაბიჯებდა და მხნედ იყო. მისი შემხედვარე იტყოდი — აღამიანს საყვები არ სჭირდება, მარტო წყლით შეიძლება იარსებოსო, — ყვებოდა სახლში აღელვებული თინა.

თინამ ლევანი ძლივს იცნო, ისე იყო შეცვლილი. თავი გადაპარსული ჰქონდა, სახეზე დიდი, შავი წვერ-ულვაში აბურძგნოდა, ნახევრად ტიტველი და ფეხშიშველი იყო. ტერფები და წვივები იმდენად ჩამომდნარი ჰქონდა, პირდაპირ ჩონჩხს ჰგავდა. ვერ ლაპარაკობდა, ენა გასივებოდა და გამშრალ-გამხმარ პირში ძლივს ეტეოდა. თინა და სხვა საავადმყოფოს თანამშრომლები საშინლად შეწუხებული და შეძრწუნებული შესცქეროდნენ მოშიშვილებს. თინა გვერდიდან აღარ სცილდებოდა, სულ მათ გარშემო ტრიალებდა. ჩვენ ყველას გვიკვირდა, მამამ როგორ წინასწარ განჭვრიტა ეს ყველაფერი. ექვიც კი შეგვეპარა. ალბათ იცოდა, რაც მოხდებოდაო. თინამ მეორე დღესვე გადასცა მამაჩვენის თხოვნა ლევანს: „ლევან! არაფერი არ გამოვა, შენ უკვე გონიერი და ჰკვიანი კაცი ხარ. მთელი ცხოვრება ჩერ წინა გაქვს და თავს ტყუილად ნუ მოიკლავ, ეგ საძაგლები არ იმსახურებენ იმას, რომ თქვენ, ქართველმა ბიჭებმა, პატრიოტებმა, თავი შეაქლათ. ბრძოლის საშუალებად სხვა გზა აირჩიეთ“.

ლევანისა და მისი თანამოაზრეების გარშემო ტრიალებდნენ შეძრწუნებული დასტაქრები. საერთოდ იქაური მთავარი ექიმი და მის მიერ შერჩეული სამედიცინო პერსონალი სინდისისა და სიკეთის განსახიერებანი იყვნენ. ისინი შეძლებისდაგვარად ეხმარებოდნენ საავადმყოფოსა და ციხეში დაძვრვადეულ ყველა პატიმარს, აკეთებდნენ დიდ საგმირო საქმეებს. მთავარი ექიმის მეტმა არავინ იცოდა, რომ ლევანი თინაჲ ძმა იყო. ის ყოველდღე ანუგეშებდა შეშინებულ თინას და იმედის თვალს არ აშორებდა ლევანს.

ვაჟკაცების გადაწყვეტილება მტკიცე იყო: ცოცხალ-მკვდრები განაგრძობდნენ შიმშილს და გარშემო ყველას შიშსა ჰგვრიდნენ. ლევანმა მამის თხოვნა არ შეასრულა. „დღეები გადირდა, ექიმები და მათ შორის მეც, — იგონებდა თინა, — თვალცრემლიანი შეეცურებდით სიკვდილის პირას მისულ ბი-

ქებს. კინალამ გაიგეს ჩემი ამბავი, იმდენად ვლელავდი და თავში ვირტყამდი. ყველასაგან შველას ვითხოვდი.

მე-20 დღეს ციხის უფროსმა გამოაცხადა, რომ მათი მოახონა დაკმაყოფილდა და იმ შემთხვევაში დაიწყებენ საქმის გადახედვას, თუ შიმშილობას შეწყვეტენო. არ ვიცი, გაიგეს და მიხვდნენ თუ არა მოშიმშილეები ამას, ისე სუსტად იყვნენ. მაშინ ჩვენ წამოვიძახეთ მათ მაგივრად, თანახმა არიანო სწრაფად დავესიეთ. და ძალით პირში წვენი ჩავუხსით“...

შემდეგ დაიწყო თანდათანობით ხელოვნური და ბუნებრივი კვების მძიმე პერიოდი. ზინა სულ ლევანთან და მის ამხანაგებთან ტრიალებდა, ლევანს თვითონ პირველად ერთი ჭიჭა თბილი რძე ძლივს დააღევირა, ყლაპვა უჭირდა.

ამ დროს ჩვენს ოჯახში ძალზე მძიმე ვითარება იყო: მშობლები საშინლად ნერვიულობდნენ. თინას გულის ტკივილდასჩემდა, რაც უსახლგროდ მოქმედებდა მათზე და მთლიანად გამოჰყავდა ისინი წონასწორობიდან. მშობლებს არაფრის თავი აღარ ჰქონდათ. დედას ნერვები დააწყდა, მამას მუშაობა აღარ შეეძლო. ოჯახი უკვე ინგრეოდა. მე არ ვიცი, — ამბობდა თინა, — ვინ უფრო ჰგავს მოშიმშილეებს? მშობლები, რომლებიც საშინლად დაბეჩავდნენ და დაჩაჩანაკდნენ. თუ ლევანი და მისი ამხანაგები, რომლებიც ახლა გამოკეთების გზას ადგანანო.

იმ პერიოდში მძიმე ეკონომიურ გაჭირვებასაც განვიცდიდით.

ბაზარში ფასები გაორკეცდა, ლევანის გადასახლებასთან დაკავშირებით ოჯახს ახალი, დიდი ხარჯი უნდა გაეღო თბილი ტანსაცმლისა და სურსათის შესაძენად. სახლის ყოველდღიურ ხარჯზე ვინდა ფიქრობდა. ბედად ამ დროს ოჯახის ბურჯაღ სანდრო მოგვევლინა. უკანასკნელ წლებში უფროსი შვილების — არჩილის და ლევანის ტრავიკული ამბავი ტრიალებდა. უმცროსებს ნაკლები ყურადღება ეთმობოდათ. სანდრომ თითქმის თვითონ გაიკვლია გზა, დაამთავრა უმაღლესი, ძალიან ყოჩაღი, ენერგიული, პატიოსანი, მშრომელი ახალგაზრდა სპეციალისტი დადგა. დღე და ღამე მუშაობდა საქართველოს სოფლის მეურნეობის ელექტროფიკაციის ობიექტებზე. მხარში ამოუდგა მამას მატერიალურად და მორალურად. უმცრო-

სების მოვლა-პატრონობის მთელი სიმძიმეც მას დააწვა კი-
სერზე და ისიც პირნათლად ეწეოდა. ამ ჰაპანს.

ციხის საავადმყოფოს მთავარი ექიმი ბევრს ეცადა, რომ ეს
ბიჭები თავისთან რაც შეიძლება დიდხანს გაეჩერებინა, მაგრამ
ვერ მოხერხდა — სრულიად მოულოდნელად ისინი ციხეში გა-
დაიყვანეს, იქ ერთმანეთს დააშორეს და გადასახლებისათვის
გამზადეს. ჩეკას დაპირება საქმის გადახედვაზე და გასამართ-
ლებაზე, რა თქმა უნდა, ტყუილი გამოდგა.

თინა ნამდვილად მოწყალების დის როლს ასრულებდა თა-
ვისი დიდი გულითა და უსაზღვრო ვაჟკაცობით. ბიჭების დახ-
მარების მიზნით ბევრი რამ გააკეთა. თბილი ტანსაცმლით, ფუ-
ლითა და სხვა საჭირო საგნებით ყველა თანდათანობით მოა-
მარაგა. წარმოიდგინეთ, ზაფხულის სიცხეში ტანზე შემოხვეუ-
ლი მამაკაცის თბილი ჭემპრებით თუ საცვლებით, ჩანთაში სა-
უზმესთან ერთად გახვეული ფეხსაცმლით, საპნით, შაქრითა და
სხვა მათთვის საჭირო ნივთებით შესვლა ციხეში. ყოველდღი
ასე, გულის ფანცქალით უნდა გაეცლო საგუშუაგო. რომ გაეჩხ-
რიკათ, დაპატიმრებას ვერ აცდებოდა.

თინამ სხვა მხრივაც დიდი საქმე გააკეთა: პატიმრებში
მშობლებსა და ნათესავებს აწყნარებდა, ბარათები მიჰქონდა
და მოჰქონდა. იგი ყურადღებიანი იყო არა მარტო ლევანის
მიმართ, ხშირად იტყოდა, — პატიმარს „უწერილობის“ დროს
სხვა თვალი და სხვა გული აქვსო, ზოგს რა უჭირს და ზოგს
რაო. თინას ყველა გაჭირვებული ეცოდებოდა, იქ ისე მიეჩვია
სუყველას, რომ ნათესავები ეგონა, მათი ბარათები თუ სიტყ-
ვიერი თხოვნა აქეთ-იქით გადაჰქონდა და დიდ მადლობას იმ-
სახურებდა.

მამა თინას გამო საშინლად ღელავდა. მას ვერ წარმოედ-
გინა, რომ ეს პატარა გოგონა ასეთ გულადობას, ვაჟკაცობას
და საზრიანობას გამოიჩინდა, ასე უშიშრად შეასრულებდა ამ
მძიმე და არეულ დროში ნამდვილად სახიფათო დავალებებს.
მამა ამყობდა კიდევ თინას აღამიანობით, კეთილქალობითა
და გამძლეობით. მიუხედავად ამისა, თინას ამ სამსახურიდან
განთავისუფლების დღეებს მაინც ითავლიდა.

ლევანის გადასახლების დღეც დადგა. ციხეს მოადგა დიდი,
დახურული, ხორცის გასაზიდი მანქანა. მანქანაში ტევა აღარ

იყო. ლევანიც იქ მოხვდა. სანდრო და თინა ამ მანქანას დარ-
ჯობდნენ, მერე გაჰყვნენ მას ნავთლულის სადგურისკენ.

ტუსალები სადგურში სხვა მხრიდან აიყვანეს, ჩვენი მან-
ქანა იქით აღარ გაუშვეს.

სანდრომ და თინამ დასტაცეს გადასაცემ ბარგს ხელი და
მატარებლის ძებნა დაიწყეს. ბევრი ირბინეს, იტრიალეს აქეთ-
იქით, მაგრამ მატარებელი ვეღარ იპოვეს. მატარებელი ისე
წავიდა, რომ ამჯერად ლევანს ვერაფერი ვერ გადასცეს.

ოჯახში ისევ დიდი ტრაგედია ტრიალებდა. საწყალი მშობ-
ლები ამ პერიოდში ისე შეიცვალნენ და ისე ცუდად გამოიყუ-
რებოდნენ, რომ ადამიანის ფერი და იერი აღარ ჰქონდათ, იმ-
დენი სულიერი ტანჯვა, წყენა და გულისტკივილი გადაიტანეს,
რომ თავგზაარეულები იყვნენ.

სანდრო, თინა და ჩვენ, უმცროსები, შეშფოთებულები
თავს ვეველებოდით და მათ გამოჯანმრთელებას ღმერთს ვე-
ვედრებოდით.

მეორე დღეს თინა სამსახურიდან განთავისუფლდა, მამას
დახასიათება აჩვენა. მამა მოეფერა, გადაკოცნა და იმდენი
უძახა ჩემი ჰკვიანი გოგო, ჩვენი იმედი და სიცოცხლე ხარო,
რომ თინას გული აუჩუყდა და ცრემლები ღვარად წამოუვი-
და. უმცროსებმა რომ დავინახეთ თინას ცრემლები, ჩვენც ავ-
ტირდით. ტირილში დედაც შემოგვიერთდა, მამა და სანდრო
კი ცრემლს ფარავდნენ. მერე თინამ და ჩვენ ტირილს ხმა მო-
ვეუმატეთ, ტასომ კი მოთქმა მოართო და, მოკლედ, იმდენი
ცრემლი დაიღვარა, რამდენიც ალბათ არჩილის გარდაცვალე-
ბის დღეს.

ყველასათვის ნათელი გახდა, რომ ეს გლოვა, ეს საშინელი
მოთქმა-ტირილი ის ამოხეტვილი ბოლმა და გულისტკივილი
იყო, რომელიც ამდენი ხნის განმავლობაში ჩვენს გრძნობასა
და გულში უჩუმრად დაყუჩებულ-დაგროვილიყო...

— ბავშვებო, დაწყნარდით, ახლა თქვენ არ გავვიხეტოთ
გული, — შემოგვეხევეწა ცრემლისაგან თვალებდანიისლული მა-
მა: როგორც ერთი, იმავე წუთში ყველანი გავყუჩდით. ტირი-
ლისაგან დასიებული ცხვირ-პირი და თვალები მოვარიდეთ
მამას.

— ახლა სანდროა ჩვენი ბურჯი და მარჩენალი, — თქვა მა-
მამ. — ჩვენი ყოფნა-არყოფნის საკითხი შენ და თინას გაბარი-

ათ. აბა თქვენ იცით, თქვენს მოხუც მშობლებს და პატარებს როგორ ანუგეშებთ და მოუვლით, — მიუბრუნდა მამა უფროს შვილებს.

ღრო მიდიოდა, ცხოვრება გაქირდა, მაგრამ ამას არაფრად ვაგდებდით. დაჭიმული ნერვებით და დიდი ღელვით ლევანას წერილს ვუცდიდით, რომელიც საგრძნობლად იგვიანებდა. ლევანის მეორედ გადასახლების შემდეგ მწუხარება და გლოვა უფრო გაძლიერდა.

სწორედ მაშინ, როდესაც ყველაზე მეტად გვჭირდებოდა ნუგეშისმცემელი და გამამხნეველი არავინ ჩანდა. ჩვენი სახლის კარი ჩაიკეტა და ჩაირაზა.

მატერიალურადაც საგრძნობლად გვიჭირდა, მამა სხვა სამუშაოზე გადავიდა, ჯამაგირი შეუმცირდა. თინა სტუდენტი იყო, ჩვენ — პატარები სკოლის მოწაფეები. საარსებო წყარო სულ უფრო მცირდებოდა, იმიტომ, რომ პირველ რიგში ყველაფერი ლევანისთვის იყო გამიზნული — ფულის, ამანათების, წიგნების, გაზეთების გაგზავნა და სხვ.

მთელი სიმძიმე სანდროს დააწვა. ღლე და ღამეს ასწორებდა შრომაში და ხელფასს მამას აძლევდა.

მამას თავისი ცხოვრების მანძილზე ბევრი ნათესავის თუნაცნობ-მეგობრისათვის გაუწვდია გაჭირვების ჟამს დახმარების ხელი. ჩვენთვის არსაიდან დახმარება არ ჩანდა. ჩვენს მშობლებს არც რაიმე პრეტენზია გამოუცხადებიათ, რადგან ირგვლოვ დუბჭირი ცხოვრება მძვინვარებდა. ნაცნობები თვითონ იყვნენ გაჭირვებულები, დაშინებულები და გასაცოდავებულები, თავიანთ უბედურებაში ჩაფლულები.

ბაზარი კი თანდათან ძვირდებოდა, ფული ფასს კარგავდა. დავიწყეთ ფასიანი ნივთების ნახევარფასად სახლიდან გატანა.

მამა სულ იმას ამბობდა, მთავარია საკვები გვქონდეს და ჯანმრთელობა შევინარჩუნოთ, ნივთები მეორეხარისხოვანია, მათი შეძენა ყოველთვის შეიძლება.

ლევანის წერილი იგვიანებდა. ესეც მეტად მოქმედებდა. მშობლებზე, დედა ხომ ნამდვილად დაავადდა. მამასაც ეტყობოდა გადაღლა და ავადმყოფური იერიც მიიღო.

ჩვენთან სამარისებური სიჩუმე და ჩურჩულით ლაპარაკი გამეფდა.

ერთ დღეს, სრულიად მოულოდნელად მოვიდა ლევანის წერილი:

„საუყარელო დედა და მამა!

24. XII. 1931 წელი.

მე უკვე ორი წერილი გამოგიგზავნეთ. ეს მესამეა. პასუხი ჯერ თქვენგან არ არის. არ ვიცი, რას მივაწერო. დღეს მივიღე თქვენი გამოგზავნილი ამანათი, შიგ რატომღაც წერილი არ იყო. შესაძლებელია ამოიღეს. ჩვენს შესახებ ალბათ მოგიყუებოდათ აქედან განთავისუფლებული ტუსალი ქორიძე, ღამპირდა თქვენთან მოსვლას. შეძლებისდაგვარად დაეხმარეთ. აქ ისევ მძიმე ციხის პირობებში ვარ. ჩამოვედი, ჯერ კიდევ გზაში ავად ვიყავი, მე შეგონა გავცივდი. სისუსტე, თავის ტკივილი და აგზნებულობა საერთოდ ნერვულ მდგომარეობას მივაწერე. ბევრი განვიცადე და გადავიტანე თბილისის ციხეში. თუ გინდ ამდენი ხნის შიმშილობა, მერე გზაში თუ მის შემდეგ აქ. ავადმყოფობამ შემომიტია. დღითი დღე გამწვავდა, დამეწყო მაღალი ტემპერატურა და იძულებული გახდნენ საავადმყოფოში დავეწვინე. მე შებრუნებული თუ პარატიფი აღმომაჩნდა, თურმე მძიმე ფორმით. გამახსენდა თბილისის საავადმყოფო და იქაური ინფექციური ბარაკება. წარმოიდგინეთ აქ უფრო მძიმე პირობებში მოვხვდი. თინა გამიგებს. ბედზე გადავრჩი, რკინის სხეული მქონია თურმე. საავადმყოფოდან თავი მალე დავაღწიე. ვიცრუე, კარგად ვარ-მეთქი. ტემპერატურა დავმალე, სხვანაირად არ შეიძლებოდა, იქ დარჩენა ზომ ნამდვილად მეორედ ტიფის შეყრას მიქადდა. დავბრუნდი მე-2 განყოფის ციხეში. მეორე დღეს ყველაფერმა ისევ შემობრუნა და ისევ საავადმყოფოში მოვხვდი. მართალი გითხრათ, შემეშინდა კიდევ, ისე ცუდად ვიყავი. ეპეი, კარგად შევსუსტდი, ვამჩნევდი მუხლების მოფოლხვებას. სიცოცხლის ფასი მხოლოდ ახლა შევიგრძენი, რომელიც სიკვდილის წინაზრდება თურმე. მეც ასე დამეშარათა.

ახლა უკეთ ვარ, ალბათ მალე გამწერენ საავადმყოფოდან. რახან ცოცხალი გადავრჩი, ახლა თავს ვუვლი,

რამდენადაც შემიძლია. ამიტომ ჩემი ღარდი ნუ გეკნებათ. ფულის გამოგზავნას არავითარი აზრი არა აქვს. ჩამოსვლისთანავე ჩამომართვეს. მხოლოდ 10 მანეთს გვიტოვებენ და მერე გვატყუებენ, დანარჩენი თქვენს ანგარიშზე ჩავრიცხეთო. ასე რომ, დახმარება მხოლოდ სურსათით შეიძლება. გამომიგზავნეთ ისეთი სურსათი, რომელიც არ ფუჭდება — შაქარი, კამფეტი, ნამცხვრები და სხვ.

თბილი საცვლებისა და საერთო ტანსაცმლის გამოგზავნა არ არის მიზანშეწონილი. ისინი ჩემამდე არ მოვა. აქ აბანოში თვეში ერთჯერ ტანზე რომ გვაცვია, იმას ვტოვებთ და ჯარეცხილს სხვის ნაცვამს, დახეულს და უკვე კარგად ნახმარს ვიცვამთ. ეს ყველაფერი წვრილმანია.

ჩემო კარგებო, თქვენ როგორა ხართ. ხომ ხართ ჭანმრთელად, მე ბევრი ტანჯვა და საზრუნავი შემოვიტანე ჩვენთან ოჯახში, აგაფორიაქეთ და დაეჩაგრე ყველა. უნდა მაპატიოთ. ეს ყოველივე ჩემდა უნებურად მოხდა თავიდანვე. ჩემი ბედშავი ბედის წვლილია. სახლში როდესმე დაბრუნების იმედი ამოწურული მაქვს, მაგრამ... არავინ იცის, ჩემო კარგებო, მაინც მინდა, რომ სიყვითით, სიმშვიდით და ღირსეულად გადაგიხადოთ. მიუხედავად გადატანილისა, მე მაინც ასე ვფიქრობ — ძლიერი და კეთილშობილური გრძნობა ჭერ კიდევ შემრჩა, მიუხედავად ყოველმხრივ მორალური და ფიზიკური შელახვისა.

ფართოსანი ფიქრები ზვავივით რომ მოდიან, ძლივს ვაკავეჭი.

სანდრო როგორ არის, როგორ მუშაობს. მე ეჭვიც არ შეპარება, რომ მას კეთილ მეგზურად დაჰყვა შრომისმოყვარეობა. გამომიწეროს „ლიტერატურული გაზეთი“ და „კომუნისტი“. ჩვენი ვაჟკაცი თინა როგორ არის, მასში პირუთვნელად შესანიშნავად არის შერწყმული ყველა ადამიანური თვისება. მან დიდი ხაქმე გააკეთა ჩვენთვის ყველასათვის. თუ იქვე მუშაობს, მათ დიდი მადლობა გადაუხადოს ჩვენგან. იქაურ დახმარებას ყოველთვის ვგრძნობდი. ეს იშვიათია და ამიტომ გვიკვირდა, რომ ასეთ დაწესებულებაში თურმე შესაძლებელია კეთილ-

კაცებიც და პატრიოტებიც იყვნენ. ბავშვები — თამრიკო და მზია ხომ სწავლობენ, დამიკოცნეთ. ტასოს დიდი მოკითხვა. მადლობა წინდებისათვის, ახლა სწორედ ძალიან გამომადგა.

თუ მოსახერხებელი იქნება, რაიმე სურსათი მომაშველეთ, მაგრამ ვშიშობ, რომ თქვენც არ იქნებით კარგ დღეში. ჩემმა ამდენი ხნის პატიმრობამ თუ გადასახლება მატერიალურად ვაგტეხათ წელში. ფიქრობ, როდესმე გამოჩნდება საბოლოოდ ალბათ გზა მშვიდობისა, ღმერთი მოწყალეა: მიმსახურეთ.

გოცნით თქვენი ლევანი.

ხშირად მომწერეთ, ნუ დამტოვებთ საქართველოს მიღმა ყოველგვარი შემაერთებელი ხიდის გარეშე. ჩემი მისამართია ჯერჯერობით: *Гор. Ташкент, пер-пункт, Усб. П. П.*

რამდენ ხანს ვიქნები აქ, ჯერ არ ვიცი.

მოკითხვა ნათესავებს და ნაცნობებს.

გოცნით თქვენი ლევანი“.

წერილმა ისევ აგვაფორიაქა. მამამ მაინც დააწყნარა დედა, რომ ტიფი და მძიმე მდგომარეობა ლევანს უკვე გადატანილი აქვს, ახლა კარგად არის და მალე მუშაობასაც დაიწყებსო. მთავარია, დატოვონ ტაშკენტში, ეს ქალაქი მაინც ახლოსაა თბილისიდან, და ბუნებრივი სითბოც არის. შორეული ციმბირი კი დაკარგულშიაო. რატომ არ ჩანს იქიდან განთავისუფლებული პატიმარი, რომელზედაც ლევანი გვწერს? ის ყველაფერს დაწვრილებით გვეტყოდა ლევანზე.

დედამ ვერ მოითმინა და ბანაკის უფროსის სახელზე სასწრაფო დეპეშა გაგზავნა, იქედან პასუხისათვისაც ფული გადაიხადა: პასუხიც 3 დღეში მოვიდა, რომ თქვენი შვილი სრულიად ჭანმრთელად არისო. ციხის უფროსის პასუხს ცოტა ხანში ტაშკენტიდან ლევანის გამოგზავნილი წერილიც მოჰყვა.

15. 11. 1932 წელს. ტაშკენტი.

თქვენი /გამოგზავნილი /დღეებში მაჩვენებს. ჩემი ჭავრი ნუ გექნებათ. ახლა კარგად ვგრძნობ თავს, ჭანმრთელად და მხნედაც ვარ. მიკვირს მარტო, დროება რომ იდობა-ბლება და ისე მიპქრის, გულში ექვია ჭიპოსანი და აბლა-ბუდა.

ამბობენ, ღამე ბრმავდება ყველა და უფრო მეტყველებს. თქვენგან ჩამოქროლილ ნიავს ვოცნებობ, რომელიც მეტყვის მშობლიურ ამბებზე და მე, როგორც ბრმა მეოცნებებს, ფრთაშენაყარს, თვალებს ამხიებს. მე მხოლოდ სითბო მინდა, მშობლიური სითბო, ამბორი და კეთილდღეობა საქართველოსი. ცხოვრებაში არაფერი არ არის უძიროდ და უწარსულოდ.

ჭერ არ ვმუშაობ და არა იმიტომ, რომ ჭანმრთელობა მლატობს, არამედ კანცელარიაში, სადაც მე გამამწესეს, ჭერ არ განთავისუფლდა დროებითი ადგილი. ჩემს წინამორბედს გაასახლებენ, მე იქ რამდენიმე ხანს დამტოვებენ. მერე წინ ისევ ახალი წამება მეღის, მეც აქედან გამასახლებენ და ასე შემდეგ. ეს ერთ-ერთი აქაური წესია წვალებისა, როგორც კი ცოტას მიეჩვევი ჭირვარამს, წინ ისევ ახალი წამება გეღის. აქ იძულებით გაცილებით ბევრად უფრო მეტი შრომა გვიწევს, ვიდრე იქ, სათავისუფლოში. საერთოდ კი აქაური პატიმრული ცხოვრება ტრაგედიის მძიმე ხლართი და ჯადო რკალია. ჩამაცვეს, მომკაზმეს, როგორც ჭამბაზი, ციხის ფორმით და ნომრით. ამრიგად დანომრილი ვარ, როგორც ნივთი, მაგრამ არც ზედმეტ ბარგად ვგრძნობ ჩემს თავს ჩვენს ქვეყანაზე, როგორც მანდ უნდათ. სამუშაო კი მდორე, უინტირესოა და არის სიტყვა სევდა-ლიმილით. თქვენგან მიღებული მაქვს მეორე ამანათი: ამანათებს სასტიკად ჩხრეკენ და ლალასაც იქვე გვახდევინებენ. მიუხედავად ამისა, ამანათის მიღება ბანაკში ნამდვილი დღეობაა. თითქოს მავთულხლართებში შინაურმა თვალმა შემოიჭვრიტა, ოჯახის სითბო შემოიტანა.

აქ საკმარისად კარგი დარებია, თბილა. ასე რომ, ვფიქ-

რობ, ეს ზამთარიც გადავთრიე. „სათნობის“ წამიც და-
მიღვა, გაზაფხულიც მეწვია. ბუნებამ ამაფორიაქა, მაგრამ
ვაი, ვაი, რომ სამშობლოს მთა და ბარში არა ვარ და არ
ვტკბები გაზაფხულის სხივთა და ფერთა მრავალსახოვანი
ჭარმონიით. მწარე ხვედრი მარგუნა განგებამ და დიდსუ-
ლოვნად ავზიდო ბარემ ეს ხვედრი მწარე. — ვაი თუ მო-
მავალმაც მილალატოს? მაშინი მაშინ გადაწყდება ჩემი
ბედი.

გკოცნი ბავშვებს. დიდი მოკითხვა სანდროს, თინას,
ნათესავ-მეგობრებს. თუ იყო თქვენთან ქორძე, შემატ-
ყობინეთ.

აბა, კარგად, ჯანმრთელად იყავით. გკოცნით თქვენი
ლევანი.

მისამართი ჭერჭერობით იგვივა“.

„ჩემო თინა!

6. V. 1932 წელი. ტაშენტი.

მივიღე შენი გამოგზავნილი წერილები და წიგნები,
მეამა მეტად.

მაშ, ასე, იმედია მომავალშიც ჩემთვის ასეთ სულიერ
საზრდოს უფრო ხშირად მომავწელი. აქ მარტო ამით ვცო-
ცხლობ, მალულად და საიდუმლოდ ხან ლექსებს, ხან
პროზას — ვწერ და ვხევი, გულს ვაყოლებ. თუ შეამჩნიეს,
წამართმევენ და დამსჯიან კიდევ. სანდროს გადაეცი ღი-
დი მოკითხვა, მისი წერილიც მივიღე და პასუხიც მივწე-
რე. მომწეროს მისი რუსეთში მოგზაურობის შთაბეჭდი-
ლება. თან წიგნებს ველი მისგან. გულითადი მოკითხვა
დედას და მამას. მათი გამოგზავნილი ამანათიც მივიღე.
მართალია, უინვა ყველაფერს თავის დაღს ასვამს, მაგრამ
„ქართული შოკოლადი“ — ჩურჩხელა და ჩირი კარგად
უძლებს ყველაფერს და აქ დიდ მოწონებას იმსახურებს.
ჩვენებური სურნელი კი გულს საამოდ ეფინება და ამედს
ასულდგმულებს. როგორც ჩანს, უნოსვა ყველაზე უფრო
ამხავილებს ნატვრას. რასაკვირველია, ცხოვრების ამ მიჯ-

ნაჭე, აქ ჩემი მიწის შვილი მცირერიცხოვანია და უფრო დაკარგულეობიც. საზომიც დაგვეკარგა და ურთიერთრწმენაც. ოცნება და სინამდვილე ველარ გვერჩევა. ვადა კი ჩაქჩაქით, მაგრამ მაინც გადის და უკან გვიტოვებს ტკივილის ხნულს. ერთსაც ვეტყვი, აქ ჩვენ, ქართველებს, გაგვაჩნია შედამეტი თავმოყვარეობა, შესაძლებელია მკვდრებზე თუ თავისუფლებზე მეტიც.

თამარიკო და მზია თქვენც რომ მომწეროთ, მეტად მეთამება, ხუ არა, ვგონებ სულ დაგავიწყდათ თქვენი „დაკარგული ძმა“.

მე კარგად ვარ, ჯანმრთელად. ყოველ მძიმე უცნაურობას ისე მივეჩვიე, რომ არაფერი აღარ მოქმედებს ჩემს ჯანზე და ხასიათზე.

ვმუშაობ ძველ ადგილას. არ შემძლია ყოველივე მოვწეროთ, სავსე ვარ ოცნებათა ფიქრით. თითქოს ველი ვილაცას ან რალაცას, ვინმე მოვა და ვინმე სამშვიდობოზ გამიყვანს.

ველი ამიტომ, რომ მარტო ვარ, ვერ ვმოქმედებ, ყოველმხრივ შებოქილი ვარ. მარტო ისლა დაგვრჩა აქაურ პატიმრებს— წამება.

ჩემს მეგობრებს და ამხანაგებს სრულიად დავავიწყდი. მოკითხვა ყველას.

გოცნით თქვენი ლე ვ ა ნ ი“.

ღამის წყვედიანი იყო, ყველას გვეძინა, მხოლოდ მამა იჭდა საწერ მაგიდასთან და მუშაობდა. მოულოდნელად ვილაცამ კარზე რამდენჯერმე დააკაკუნა. ყველას გაგვეღვიძა.

ღამე ასეთი მოულოდნელი კაკუნის ჩვენს ოჯახს ცუდად ჰქონდა დაცდილი, ყველანი შევშინდით, წამოვხტით კიდეც.

მამა შემფოთებული წავიდა კარის გასაღებად.

ჩვენ, გატრუნულები, გულის ფანცქალით შევცქეროდით კარებს. დედამ სწრაფად გადაიკვა კაბა და მამასთან მივიდა. კარები გაიღო, კარებში იდგა უცნობი, სასიამოვნო შეხედულების შუახნის კაცი, გამხდარი, დასუსტებული, ძვილ, გახუნებულ ტანსაცმელში გამოწყობილი; ზომაზე დიდი ფეხსაცმე-

ლი ეცვა, რომელიც სიარულს უშლიდა. მამას მის დანახვაზე თვალები გაუბრწყინდა, მაშინვე მიხვდა ყველაფერს. არც კი ჰკითხა ვინაობა, სახლში შემოიყვანა. მერე ჩუმად სანდრო გარეთ გაგზავნა, დაეზვრა, ვინმე ხომ არ მოჰყვებოდა.

— შე ის კაცი ვარ, — ხმა აძოილო უცნობმა, — თუ მოგწერათ ლევანმა, თქვენთან რომ უნდა მოვსულიყავი. დღე ვერ გავბედე. შიშს დიდი თვალები აქვს, თორემ დილას ჩამოველი და სადგურიდან ფეხი არ დამიძრავს. რახან იმ დაწყევლილი ციხიდან თავი დავალწიე. ყველაზე უფრო ძალიან აქაური ჩეკასი მეშინია, დაუნდობელი, ნამდვილი ჯალათები არიან. მე და ლევანი ერთ ბედქვეშ ვიყავით იქ, ტაშკენტში, — დაიწყო სტუმარმა.

დედამ ველარ მოითმინა, გადაეხვია, მოეფერა და აყოცა. ჩვენც ყველანი შემოვეხვიეთ და მივეფერეთ. თითქოს ლევანს ვეხვეოდით და ვკოცნიდით. მასაც გული აუჩუყდა, თვალზე ცრემლი მოადგა.

— მე მშობლიური სითბო და სიყვარული დავიწყებული მაქვს, ახლა გული ამიძგერდა, — წამოიძახა მან აღელვებით, — ასე მგონია, ჩემები ხართ.

მამამ უპასუხა, ნამდვილად შენი ახლობლები ვართო. მერე ტასო შემოვიდა, ლოცავდა და კოცნიდა, ლევანის სუნი აგდისო, სადაური ხარ და ვინა ხარო, ასეთი ბედნიერი.

— მე ნუ მკითხავთ, სადაური ვარ და ვინა ვარ, — შეწუხებულმა წამოიძახა მან. — პატრიოტი ვიყავი საქართველოსი. თავისუფალი საქართველო მინდოდა, რისთვისაც 15 წელი მომისაჯეს. მარტო წისკვილის ბორბლის ქვეშ არ ვიყავი, ისე კი ჩემს თავზე რამ არ გადაიარა. 5-ჯერ სიკვდილის პირას ვიყავი მისული, მაგრამ, თვითონ მიკვირს, როგორ გადავრჩი, ნამდვილად სასწაულია. ახლა, არ ვიცი, როგორ წარიმართება ჩემი ცხოვრება. აქედან მინდა შორს გადავიქარგო, ეს ჯალათები სამშობლოში საშველს არ მომცემენ. — შეჩერდა, ნერწყვი გადაყლაპა და წამოიძახა: — მე რა, სულ ჩემზე გიყვებით, ისე ავღელდი, რომ უცებ ჩემს სახლში წარმოვიდგინე თავი. ლევანი პირველ ხანებში საავადმყოფოში იწვა, მერე „ადინოჩკაში“ იყო, შემდეგ კი, სამუშაოზე რომ იგამწესეს, ჩვენს ბანაკში გადმოიყვანეს. ლევანი ჯანმრთელი, ბრგე, ნასწავლი კაცია, ამიტომ მას ყველა მოწიწებით ექცევა, გინდა პატიმარი

და გინდა ზედამხედველი. იგი, როგორც ყოველთვის, სამშობ-
ლოს ერთგულია. ციხე მაინც ციხეა, მით უფრო აზიური ციხე
თავისი სპეციფიკური კონტინგენტით, თავისი საშინელებებით,
გამოკეტილი ყოველმხრივ და დაჩლუნგებული, გამწარებული
ყოფით. მუშაობა იქ ბედნიერებაა, ეს არის ერთადერთი ნათე-
ლი ადგილი. მაგრამ ტაშკენტი გამანაწილებელი პუნქტია, იქ
მას დიდხანს არ დატოვებენ. ამ ციხეს კიდევ არა უშავს, იქით
უარესია. ერთ საკანში საშუალოდ ორსართულიან თახჩა-ნა-
რებზე მიყრილია ორასზე მეტი პატიმარი, ჰაერის უკმარისო-
ბაა, ჟანგბადი არ ჰყოფნის ხალხს. აბოლილი „მახორკით“, აყ-
როლებული ოფლის, შარდის და ფეხის სუნით ყველა იშხამე-
ბა. აბა ხმა ამოიღე! უნდა იყურო! კვებაც მძიმეა. ისეთ ბალან-
დას გაქმევენ, რომ გული აგერევა. სხვა რა გზა გაქვს, უნდა
ისიც გემრიელად მიირთვა. ზედა ნარებზე მყოფი ძველი პა-
ტიმრები სულ ენას ილესავენ, იგინებიათ. ახალბედები ქვევით-
არიან გატარუნულები. შიშით ხმას ვერ იღებენ. ვერ წარმოიდ-
გენთ, რა ყოფაში არიან საწყალი უდანაშაულოდ მოხვედრილი.
პოლიტიკური პატიმრები. გაშიშვლებული, დაბეჩავებული და
დაკნინებული. ლევანი აბანოში გაეიცანი. გადათვლის დროს
ქართული გვარი შემთხვევით რომ გაეიგონე, ყურადღება მი-
ვაქციე, მერე ჩაცმული ველარ ვიცანი. მან თვითონ მიცნო,
სამშობელაში გამომიხმო, იქ მყუდრო კუთხე ვიპოვეთ და
ბევრი ვისაუბრეთ. საქართველოს განსენებით და ქართულ
ლაპარაკით გული ვიჭერეთ, მე გავანდე ჩემი მალე განთავი-
სუფლების ამბავი. ვადა ყველა დამატებებით და გაგრძელებე-
ბით მითავდებოდა. ლევანმა თქვენი მისამართი მითხრა და
ისიც დაუმატა, რომ უსათუოდ დაგეხმარებიანო. ჩვენს სიზა-
რულს საზღვარი არ ჰქონდა, როდესაც გამოირკვა, რომ ორივე
ერთ ბანაკში ვიყავით, მე ზევით, ნარებზე, ის კი ქვევით. შემ-
დეგ უფრო ხშირად ერთმანეთს გაკვირვებას ვუზიარებდით
ქართულად და სამშობლოზე ლაპარაკით გულს ვითხებდით.
მერე დადგა ჩემი გამოშვების დღეც. სიხარულთან ერთად
ტკივილიც ვიგრძენი, ვერ წარმომედგინა სამშობლოში ამ სა-
შინელი წყობისა და უბედურების დროს როგორ ვიქნებოდი.
ლევანმა ძალიან იმედიანად მანუგეშა: — შენ ბედნიერი კაცი
ხარ, სამშობლოში ბრუნდები. ვფიქრობ, მომავალში ყველა
ჩვენთაგანს იქ თავისი ადგილი გვექნება. მე ასე მწამს, არ შე-

იძლება იმ პოლიტიკურმა წყობამ დიდხანს იარსებოს, სადაც ასე უბრალოდ ანადგურებენ ადამიანებს. ალბათ, მოწესრიგდება ცხოვრება, აღდგება სამართალიცო.

— რომ ჩამოხვედი, დიდი ბედნიერებაა, — წამოიძახა დედამ.

— ლევანიც ასე იქნება. იმ ციხეებიდან, ვადის დამთავრების შემდეგ, ყველას ათავისუფლებენ და ლევანი, აი, ნახეთ, უსათუოდ დაბრუნდება.

მშობლებმა იმ ღამეს სტუმარი არ გაუშვეს, კარგად დააპურეს. მამამ ღვინოც დაალევინა. საწყალს დიდი ხანია ქართული ღვინო არ დაელია. ცრემლი მოერია, შეთვრა კიდევც.

შუალამე დიდი ხნის გადაცილებული იყო. ჩვენ კი გაფაციცებით ვუსმენდით ყოფილ პატიმარს. ღვინომ მძიმე მოგონების გუდა გაახსნევინა და გადატანილი საშინელების გულიდან ამონთხვია მოინდომა.

დიან! ალბათ ცხოვრებით გაჭირვებულ ადამიანს აქვს ისეთი მდგომარეობა, რომ სხვას აღარ ინდობს და თავის დარღს და განცდებს მსმენელს თავს ახვევს. სწორედ ასე მოუვიდა ჩვენს სტუმარსაც. მან არ დაინდო ჩვენი მშობლები და მთელი სისრულით გადმოგვიშალა გულში ნადები.

— ტაშკენტის გამანაწილებელ პუნქტში პატიმრებს ახარისხებენ და ციმბირისკენ აგზავნიან სხვადასხვა ბანაკში, — განაგრძო მან, — პოლიტიკური პატიმრები უფრო ხშირად ნარიმის საკონცენტრაციო ბანაკში ხვდებიან. ეს უმძიმესი, უსაშინლესი ბანაკია. მთელი მოსახლეობა ქოხმახებში — „ხიბარკებში“ ცხოვრობს, იქ მხოლოდ 2 ქვის ნაგებობაა, ისიც ბანაკის ციხეა. დანარჩენი უამრავი ხის სარდაფი კი პატიმრების სამყოფელს წარმოადგენს.

ნარიმში თავისუფალი მიწა არ არის. ტერიტორია დაფარულია უღრანი ტყით, სადაც პატიმრებს ამუშავებენ, რამდენიმე ტბაა. უმთავრესი ტერიტორია კი ჭაობითაა დაფარული, უმოქმედოა.

ჰავა უმძიმესია. ცუდი ზამთარი იცის, გრძელი და მკაცრი. ყინვა ზოგჯერ მინუს 50-60 გრადუსს აღწევს. ბანაკში გათბობა თითქმის არ არის. პატიმრები ერთმანეთს ზურგით ათბობენ. გაზაფხული და შემოდგომა საერთოდ არ იცის, ზამთარი პირდაპირ გადადის ზაფხულში, რომელიც ძალზე ხანმოკლეა.

ზამთარში მდინარეები იყინება, ზაფხულში კი ისეთი წყალსავსობა და წყალდიდობაა, რომ მთელი ტერიტორია იტბორება. ბანაკიც მთლიანად წყალში დგას. დიდი სინესტეა. აქედან მოდის ავადმყოფობა და უძლურება. რკინის ჭანმრთელობა უნდა გქონდეს, რომ იქიდან ცოცხალმა თავი დააღწიო. ალბათ ეს წინასწარ გათვალისწინებული და განსაზღვრულია. ზოგჯერ „ამნისტიაც“ არის, არ ვიცი, რასთან დაკავშირებით. იქიდან პატიმრები ციმბირში აქეთ-იქით გადაჰყავთ, უფრო სიტყვეში, უფრო შიმშილში და მძიმე ცხოვრების პირობებში. ესეც, ალბათ, მათთვისაა, ვინც უძლებს იქაურ რეჟიმს. იქაური წვალეზის ერთ-ერთი მძიმე მეაოდია განუწყვეტელი ეტაპები, რომელიც ანადგურებს ადამიანს, უკარგავს ხასიათის სიმტკიცეს. მერე ჩეკისტებს თვითონაც უკვირთ, რომ ზოგი ადამიანი არა-ადამიანურ პირობებს უძლებს, თავს არ იკლავს, არ გიჟდება, არ კვდება, მაინც ცოცხლობს. მე ქართველი კაცი ვარ, ჩემი მტკიცე ხასიათით გადავრჩი. ბანაკმა მაინც თავისი დაღი დამსვა: ფიქრი შემეკრა, ყველაფრის შიში დამჩემდა. უშიზეზოდ ვნერვიულობ და ზოგჯერ აზროვნებასაც ვკარგავ. ამდენმა განცდამ დამაყენია კაცი. ბანაკში ერთი რჯულისა და ეროვნების ხალხს ერთად არ აჩერებენ, ქართველები რუსებს და სხვა ეროვნების პატიმრებს შორის კანტიკუნტად ვიყავით — ესეც დასაძლვევი სიძნელეა. ქართველები ყოველთვის ერთმანეთს ვეხმარებოდით.

სტუმარს ყველამ ვუთანაგრძნეთ. ზედმეტი ნერვიულობისაგან ცრემლი ღვარად სდიოდა. სახეზე ყველა კუნთი უთამაშებდა. ყველანი მოვეფერეთ და ვახუგეშეთ. მერე შეწუხებული დედა მაინც შეეკითხა — იმ დაწყვეტილ ქალაქში მისადგომი საიდან არისო.

— ერთადერთი მისადგომი ორ კილომეტრში, მდინარეობის სანაპიროა. იქ ნავსაყუდარია და გამვლელი გემები ჩერდება. ისე კი ისეთი დაწყვეტილი ადგილია, რომ არც რკინიგზა და არც მანქანის გზა, წამლად რომ გინდოდეს, ახლოს ვერ მოინახება. ნარიში მდინარის მარჯვენა სანაპიროზეა. ნაპირი ზრიოკი და უდაბნოა. თბი დასავლეთ ციმბირის უდიდესი მდინარეა, ზღვასავით დიდი, ძალიან ღრმა და ფართო. მეორე ნაპირი მდინარის შუაგულიდანაც კი არ ჩანს, ასე 7-8 კილომეტრი იქნებ სიგანე.

მეორე დღეს გვიან დაღამებამდე სტუმარი ჩვენთან დარჩა. დღე არ უნდოდა ქალაქში გამოჩენა, უფრო სწორად, ეშინოდა. ისეთი დაშინებული იყო, იგონა მაშინვე იცნობდნენ და, მოუხედავად იმისა, რომ იქიდან გამოუშვეს, აქ მაინც დაიჭერდნენ.

ჩვენ ჩუმად ვიყავით. არავინ იცოდა ჩვენთან სახლში სტუმრის ყოფნა, ლევანისაგან გამოგზავნილს ალბათ სტუმარსაც დაწაშაულში ჩაგვითვლიდნენ.

— რა დღე დაგვიდგა, — წუხდა დედა, — სტუმარიც კი დასამალია.

საწყალი ანდრო ქორიძე ღამით როგორც ჩუმად შემოვიდა, ასევე ჩუმად გაიპარა სახლიდან. მშობლებმა ბევრი საჭმელი გაატანეს, მამამ ფული მისცა. დედამ საუკეთესო ტანისამოსში გამოაწყო და ახალი ფეხსაცმელიც აჩუქა. მამამ სანდრო გააყოლა მანქანივთ სადგურამდე, იქ სანდრო შორი-ახლოდან თვალს აღევნებდა, სწორედ ისე, როგორც მან სთხოვა.

ცოტა ხანში სადგურში მოსკოვისკენ მიმავალი მატარებელი შემოვიდა. სანდრომ გააცილა ჩვენი საყვარელი სტუმარი. სად მიდიოდა, არავინ არ იცოდა მამას მეტმა, იმდენად დამფრთხალი და გაწვალებული იყო, რომ საწყალს ყველაფრისა ეშინოდა.

ალბათ წარსულში უშიშარი, მტკიცე ნებისყოფის და ნამდვილი ქართველი ვაჟკაცი 15 წლის განმავლობაში, როგორც პოლიტიკური პატიმარი, იმდენი ტანჯეს, აწვალეს და აწამეს, რომ დააქნინეს. ვაი, ვაი, რომ იმ დროში ეს ბუნებრივი ამბავი იყო.

სტუმარი გავისტუმრეთ, მაგრამ ოჯახში საშინელი მწუხარება და ნაღველი დარჩა.

ლევანი ჯერ კიდევ ტაშკენტის ციხეში იყო, მაგრამ მშობლები ძალიან აფორიაქდნენ და უკვე ნარიმის სიძნელებებს განიცდიდნენ.

— რა ეშველება ლევანს, როგორ გაუძლებს იმ საშინელებას. ნარიმი ალბათ ბოლოს მოუღებს, — თავისთვის ბუტბუტებდა აღელვებული დედა.

მამა აწყნარებდა: — ჩვენი შვილი ძლიერი და მტკიცეა, მე მისი იმედი მაქვს, ყველაფერს გაუძლებს. სანამ ის ნარიმში

მოხვდება, შეიძლება შეიცვალოს რამე. მერე რაღა იქ მოხვდება უსათუოდ, წინასწარ ამაზე გულს ნუ იხეთქავო.

და, აი, საკვირველება, მამაჩვენი — ეს ჩუმი კაცი, ალაპარაკდა და ბოლმა ამოანთხია:

— საწყალი კაცის მონაყოლმა ყველას გულისტივილი და მწუხარება რომ დაგვიტოვა, ეს ხომ განწირული ქართველ კაცის 15 წლის არაადამიანური ცხოვრებაა, მისი წვალება და ვარაში. ეს რა ხდება ჩვენს დროში, საიდან შეიქმნა ასეთი რკინის რეჟიმი, საიდან წარმოიშვა მე-20 საუკუნეში ამდენი გენალი და უგულობა. სიკეთე აღარ არის. რას ერჩოდნენ ამ საწყალ კაცს, თუგინდ სხვებს. ჩვენ ხომ გულით გვიყვარს სანუკვარი საქართველო, ვართ ნამდვილი პატრიოტები და მისი კეთილის მსურველები, თურმე რა ძნელი და შიუწედომელია ოცნებაც დამოუკიდებელ საქართველოზე.

დელა შეშინდა და შეაწყვეტინა საუბარი:

— შენ, ვგონებ, დაგავიწყდა, ჩვენს კედლებსაც ყური რომ აქვს? გინდა, რომ მთლიანად ოჯახი დაიღუპოს? დაწყნარდი და დადუმდი! ახლა მაგაზე ლაპარაკი კი არა, ფიქრიც საშიშია. ნუ დაგავიწყდება, ბავშვები გისმენენ. ბიჭს შველა სჭირდება, ამაზე ვიფიქროთ.

მამა ჩაჩუმდა, ლელვისაგან გაფითრდა, დელამ წვეთებო დააღვიძინა. რამდენიმე ხნის შემდეგ მამამ მაინც იპოვა ნარიმის შესახებ ცნობები:

თურმე ნარიმს გადასახლების ქალაქი ერქვა ჯერ კიდევ XIX საუკუნიდან, მეფის მთავრობა იქ ასახლებდა პოლიტიკურ პატიმრებს. ბევრმა დეკაბრისტმა იქ პოვა ცხოვრების საბოლოო ნავსაყუდარი და უკვალოდ დაიკარგა მათი საფლავებიც. ძველ ლიტერატურულ წყაროებში ისიც აღნიშნულია, რომ ნარიმში გადასახლებაში ყოფილან სვერდლოვი, სტალინი, კუიბიშევი და სხვები. მეფისდროინდელი ციხის რეჟიმი ბევრად უფრო ჰუმანური და ადამიანური ყოფილა, ვინაიდან სვერდლოვმა, სტალინმა და კუიბიშევმა შეძლეს ნარიმის ბანაკიდან თავისუფლად გაქცევა და თავის დაღწევა. სწორედ ამიტომაც, გასაბჭოების შემდეგ მათ ნარიმისა და სხვა ქალაქების პოლიტიკური ბანაკების რეჟიმი იმდენად გააძლიერეს, იმდენად შეუვალი, მკაცრი და მძიმე გახადეს. წამებისა და წვალე-

ბის არაადამიანური მეთოდების გამოყენებით, რომ იქიდან თავის დაღწევაზე საერთოდ ოცნებაც კი აღარ შეიძლებოდა.

ყველასათვის გასაგები იყო, თუ საიდან წამოვიდა ეს ბალაში. ყოველივე ამან, რა თქმა უნდა, მშობლებზე და ჩვენზე ცუდად იმოქმედა.

— მთავრობაში დესპოტები არიან, მათ აღამიანთა მასობრივი განადგურება უნდათ, ამიტომ აგზავნიან პოლიტიკურ პარტიმრებს ასეთ სასტიკ ბანაკებში, — გულსტიკივით იმეორებდა დედა.

სულ იმის ნატერაში ვიყავით, რომ ლევანი დიდხანს გაეჩერებინათ ტაშკენტის ციხეში.

ლევანმა ტაშკენტში ერთი წელი მაინც დაჰყო და შემდეგ ეტაპს გააყოლეს ნარიმისაკენ.

„ძალიან ვწუხვარ, — იწერებოდა ლევანი პატარა ბარათში, — წინ ისევ მძიმე ეტაპია ნარიმისაკენ. საერთოდ ისეთ დაწყვეტილ რგოლში მოვხვდი, თავის დაღწევას ვეღარ ვახერხებ. მაგრამ ისე მივეჩვიე ყოველგვარ უცნაურობას, არაფერი აღარ მოქმედებს ჩემს ჯანზე და ხასიათზე. ისე კი ვგრძნობ, რომ მე ბუნებრივ სიკვდილზე უფრო ადრე გათავებული კაც ვარ. ვაგლახ, არც მკვდრებში ვწერივარ და არც ცოცხლებში“.

ეს იყო და ეს. ამის შემდეგ საკმაოდ დიდი ხნით შეწყდა ლევანისაგან წერილები, ამას კი თან სდევდა ჩვენი ოჯახის ყოველდღიური დიდი სევდა, ღელვა, მწუხარება და გაუთავებელი მოლოდინი.

რამდენიმე თვის შემდეგ მოვიდა ლევანისაგან წერილი ნარიმიდან.

„ს ა ყ ვ ა რ ე ლ ო დ ე დ ა და მ ა მ ა !

18. XI. 1932. ნარიმი.

ვიმგზავრე გემით ნარიმამდე. მოვადექით ამ წალეკილ ადგილს, მიკვირს, საკმარისად ნორმალურად. ჩვენ წინ უშველებელი, პირქუში, უნაპირო, მდინარე ობი მდორედ მოედინება. ჩემ გარშემო გასაცოლადებული პარტიმრები და მთელი გროვა ზედამხედველთა სახეების ბინდი ლანდებია. თითქოს ნისლი შეირხა. ციფა, ქარბუ-

ქი ცივ ლორწოდ ხვდება სახეს, სუნთქვას აფერხებს. ჭერჭერობით ყოველივე ასატანია. მე სულ უარესს მოველი. ჩანმრთელობის მხრივ კარგად ვარ, ამიტომ ჩემი ჭავრი ნუ გაქვთ. ხასიათის სიმტკიცესაც ვგრძნობ. შინაგანი განწყობა მიხმობს ყოველგვარი გაჭირვების გაძლებას, მეც ასე ვფიქრობ და ასე ვარ სულიერად მომზადებული.

დიდხანს ვიდექი სანაპიროზე შორს მქვერტელი და უბედური. ვხედავდი დიდი ყინვის მოლოდინში შავლურჯ მდინარეს, თითქოს ფართოდ გაბერილს, ვერაგს, უნდობს, უცხოს და უგულოს. გული გამეფოხა, როგორც ქირისუფალი.

გულისტკივილით თვალს ვადევნებდი უკან მიმავალ გემს, ჩემთვის, ალბათ, ნაოსნობის დასასრულს, რომელმაც ჩამომიყვანა, უპატრონოდ დამტოვა. ვინღა იცის, როდის გადავყვები უკან.

მართალია, ჩემდაუნებურად, მაგრამ მაინც, ჩემი გაჭირვება როგორ დაუსრულებლად მოგახვიეთ თავზე. ამაზე ძალიან ვწუხვარ, დაგლალეთ განცდით, გაგტებთ ხარჯით. აღარ ვიცი, რა ქნა, როგორ მოვიქცე.

თქვენი გამოგზავნილი 80 მანეთი გადმომცეს. სწორედ დროზე მომისწრო. თუმცა აქ ფულით არაფერი იყიდება.

გემის საყვირზე მოსული ადგილობრივი მაცხოვრებლები, უცნაურ ტყავის ქურქებში გამოწყობილი, უცებ დაიშალნენ, არც ერთი სახე არ მახსოვს. ახალ ადგილზე ნივთი უფრო აღწევს მეხსიერებას. აქ ნივთი მეტყველია სახეზე. ჭერ ობის ხრიოკ ნაპირს აყვევით, უფიქროდ, ზურგზე აკიდებული მცირედი საკუთარი ბარჯით. მერე შუაგულზე, სადღაც ქაობის გასწვრივ, შეევხვიეთ და უგზო-უკვლო ბილიკზე გადადით, წინ ისევ სიცარიელე და ტკივილი ვიგრძენი. რამდენი ხნით, ვინ იცის.

წამოსვლის წინ თინას გამოგზავნილი წერილი და წიგნები მივიღე, ძალიან მეამა, იმედი მაქვს აქ ხშირად მომწერს.

სანდროს გადაცემით, მამწეროს თავისი შთაბეჭდილება რუსეთში მოგზაურობის შესახებ. თამრიკო და

მზია, თქვენც რომ მომწეროთ, ძალიან გამეხარდება.

გულითადი მოკითხვა ჩემს ტასოს.

ამრიგად, უნდა მივეჩვიო ახალ გარემოს და აქაურ ბანაკურ ცხოვრებას.

ძალიან გთხოვთ, მშობლებო, თავს მოუარეთ, ჩემზე ასე მწარედ ნულარ განიცდით. ვფიქრობ, საბოლოოდ მაინც ყველაფერი კარგად მოგვარდება.

იყავით სულ კარგად, მოკითხვა ნათესავ-მეგობრებს

გოცნით თქვენი ლევანი.

ცოტა ხანში მიმოსვლა ჩაიკეტება და ალბათ წერილების მიწერ-მოწერა შეფერხდება, არ შეგეშინდეთ.

თქვენი ლ ე ვ ა ნ ი“.

ლევანი სულ ხასიათის სიმტკიცეზე სწერდა მშობლებს, თითქოს გადასახლების ყველა წესს, რეჟიმს კარგად იტანდა და ეგუებოდა. აწყენარებდა და ანუგეშებდა მათ. საერთოდ კი საქმე სხვანაირად იყო. ლევანის კალამს ეკუთვნის ბევრი ლექსი, თუ პოემა, დაწერილი სწორედ 1932—1936 წლებში, ნარიმის და ბიისკის ბანაკებში ყოფნის დროს. აი, ისინიც: „ისევ აუგი“, „შუქი სარდაფში“, „ცეცხლიანი კუზი“, „ოქროსფერი აკვანი“, „გემშვიდობები“, „გაქცეული ძეგლი“, „ნაჭარტალავი“, „ჯანყი ადამიანის“, „ზღვის ბაღდადური (შორეული ხილვა)“, „გზა წიწამური“, „ურვათა ურვა“, „ნარიმ“, „არავი“, „ლამის საკირე“, „სევდა-ლიმილი“, „Alarme“, „ნათელი — შუქი“, „მუმლი მზეს“, „ქარბუქია“, „წერილი ქართველ დედას“, „ბედის კვილი“, „შენ ისევ მოხვალ“, „ობოლი სული“, „ორჯერ სრესილი“ და სხვა მრავალი.

ქვევით გვინდა წარმოგიდგინოთ რამდენიმე ლექსი, დაწერილი ნარიმში. ისინი ლევანის იმდროინდელ ბიოგრაფიაზეც მოგვეთხრობს, მის სულიერ განცდებს, ცხოვრებაზე გულის აცრუებას და უკიდურეს სევდას გვიზიარებს. სამშობლოს მიღმა არაადამიანურ პირობებში ყოფნამ დაუკარგა მას ყოველგვარი იმედი, დარჩა პირისპირ მარტო თავის მწუხარებასთან.

და ჩემ წინ ისევ გადასახლება
 და ისევ...
 და ისევ...
 და ისევ...
 გადამათრევენ ისევ სხვა ხელები
 და გული წურბელებს დაისევს.

იკივლებს ორთქლი — ძუძუ მოხავერდო,
 კივილი წამოვა, როგორც მოჩვენება,
 ადგება აუგი გარემო ქარვიდან
 და ისევ კენებით
 კენების
 კენება...

სად წავა ძახილი,
 ო, საით, ო, საით?!
 რით უნდა ვამახვილო
 რისხვების სიათა?!
 ქარი — ახირებას მოიფენს ქართვე,
 და დაიხერგება დაფშენილ ფანქარივით.
 ექვი, ლიანდაგო! ფიაფალის იცი წესია,
 ვინ არის იგი, რომ იცინის?!
 აგრე უტიფრად?!
 გამოუტეიფრავ
 წადილებზეც უნდა თამაში.
 კრინტი! აჰა, მაჰ
 თუნდ ასრულდეს ეს ქადილი, იცი ახლავე,
 გულს ამოვიტხრი და დაეწიხლავ,
 მერე ვემთხვევი,
 ნამორ ვერხვივით
 იფართხალებს და წალოლდება,
 იქით ნაგეზი — სად მშობლიური ძუძუ დაძხარის,
 ლეშს წამოგიგდებ
 და ძაღლივით თუნდა დახარი.

შუქი სარდალში (მარტო დასაწყისი)

შენ აიშენე ჩემ თაჯში უსათაურო,
 შებლს რომ შეეები, გადახიე გადასასერი
 და ეს იარა შენელებით მიაფუჩეჩე —
 და ჩამიწუმით წამოიწყე რასაც ველოდი,
 ჩემ დაბადებას აუხირა ძველი ძაბუნი

და აქაც ცაზე ისე ბნელოდა,
რომ სამარეში შუქს დაეძებდენ...
შუქი სარდაფში...

ნ ა რ ი შ ი (პატარა ნაწილი გრძელი ლექსიდან)

აღბათ უგულოდ მოხვეტილია
ეს სიერეები, ან თუ ცა-ბადე
და ცივი ქარი მოხვეტიალე,
უცხო, ბარბაცი და უცაბელი...
არის მიდამო, როგორც სიტყვარი
მრავალ აუგით აიას კილოც
დანალმულია ეს სიტყვა „ნარიმ“
— დათვი იარას რომ გაილოკავს.

ზამთარში თოვლი და ნაშალაი ყორღიანი,
და ყინვის თალიდან მზა კარაკინები.
ზაფხულში — ლოპერას ჰპარდნიან კოლონი
და უნარიპოა ქარების კენება.
ნავი და მარხილი, საკე და სადავე
და ობი დარხეულა საიდან სადაო?
და ზიდავ კალთას, წყალმა რომ დააბალთა,
სიტყვა ლახვარია —
— ნარიმ?

ულრანი ტყე ტაიგა — ურმანი
დამპალი ხერგი: გუბე და ლია,
თავს ვერ მიაგნო ამ სათაურმა
როგორც უნახმა სული დალია,
ობობას ქსელი და ბობოწვერა,
საუკუნეთა მწეანე ნიჟარა,
და კაობიდან წვენი ნაჟური
მღორედ, უნდილად და ბაწიერად,
და კოლომ სულში დუეი ჩადვარა.
სად დაიფარევი? | ო, საით წახვალ?
ესევა მუმლის ურდო კოლო-მზეს
და თითქოს შორით ნაყაჩალარი;
სისხლის წვეთებად ჰყრია ძახველა
ხავსის ძუძუთა ოდრიკალებზე.

სხივით ნაიარევის
ძუნწი ანარნარი...
დღით არევენ ისევ
ზმანებას ღამიანს,
სიტყვაც ბალაშია —
ნარიში

გაყინული შივალთ
დაღეკილო უფრო
და ზეცა პირქუში
ქოდა სევდის ქნარი
სიტყვაც, ხომ შწარეა
— ნარიში

ა რ ა მ ი (ბოლო სტრიქონები გრძელი ლექსიდან)

დამძიმდა გული — გარინდული და მარტოხელა,
მაშინ ქვალუბიც ადგებიან მახვილ ქალუბად
და ეს სტრიქონი, უღლეოვით გადატეხილი,
წავა უეცრად, ნამქერებში დაიჭავლებდა.
აქ არის — რასაც მე თავს ვუმაღავ
იარავ — იარე — არიე-არავი
განა თუ უდაროდ არ ელი უმალ ავს?
არავინ გიშველის, არავინ, არავინ
ო, ეს ტკივილი მე უნდა ჩაეიხშო,
გადავყევი ჟამთა უპოვარ გზებს
და წავალ, ისევ თავს ჩამოვიხრჩობ,
ქართული ურემის აპეურებზე.

|

მუმლი მზეს

!

მუმლი მზესი

მუმლი მზესი

მუმლი მზესი

ესევა, ესევა, ესევა!

ნუ მიმზერ!

ნუ მიმზერ!

ნუ მიმზერ!

ესე ვარ, ესე ვარ, ესე ვარ.

უძილო,

უძილო,
 უძილო,
 ოპ ნეტაე! ოპ ნეტაე! ოპ ნეტაე!
 უძელი,
 უძელი,
 უძელი,
 ავიტანი! ავიტანი ავიტანი
 არ ავია
 არ ავია
 არ ავია
 წვიმა სულ, წვიმა სულ, წვიმა სულ.
 ქარავეან,
 ქარავეან,
 ქარავეან,
 წასულა! წასულა! წასულა!
 მარტივად,
 მარტივად,
 მარტივად,
 შიშველი! შიშველი! შიშველი!
 მარტო ვარ,
 მარტო ვარ,
 მარტო ვარ,
 მიშველე! მიშველე! მიშველე!
 |

ქ ა რ ბ უ ქ ი

და სახეში თეთრი ფურთხი და ცივი,
 თითქოს ვილაც დამცინის და დამცინის,
 სუნთქვა... სუნთქვა — აღარ არის — აღარა..
 ვილაც მოჰკლეს და უკრავენ ნალარას.

ძ ი ლ ი ს კ ი რ უ ლ ი

ო, 'ო! დაიძინე! ჩემო თავო,
 ნულარ იშფოთებ;
 განუქარველად რომ დაასრულე
 ეს დღე — ნაფოტი...
 დილით ციოდა,
 შუადღისას დაეარდა ქარმ,
 საღამო იყო თვალდათხრილი
 და სავეერანო..

სითქოს წაედი,
 ჩამოყინულ სარკმელს მივეყარ
 და გულო მაინც დაეცხრილე,
 გულწეიანი,
 ო, ო, დაიძინე ულბილესი
 ნანით გაგართობ,
 რომ თლუსო
 დაფწყება უმისამართო.
 ცივია ღამეც თოვლიანი,
 დადის ვარანგი,
 ავღა ბინდი,
 ამჟამად ქარშიც დაძებრა უფრო
 და სიზარბაცე
 ნაწილებში ჩამოვარიგე...
 გარეთ დარია უამინდო
 და ჩანდაბური,
 მოგივა ზეინი
 სიზმარულ ჩამოდუნების...
 და სალბუნების...
 ო, ო, დაიძინე!

შრვათა შრვა

მომეცი ქუდი — დავიფარო თავი შიშველი.
 მკერდზე წურბელა დამეკიდა, როგორც აბედი,
 ჩემი იმედი ნუ გექნებათ — ვეღარ მიშველით!...
 რალა დაამევა უჩვეულო და უცაბედიც.
 მომეცით ქუდი — დავიფარო თავი შიშველი,
 დამბურეთ კალთა, თუ არა და გული ილევა
 და მოაბიჭებს სახეძალღო ურვათა ურვა
 საფეთქელიდან ფერდამდეა ეს ნაკბილევნი.
 სხვა ხეიმირებში ჩაიღერღე — უსათაუროდ,
 დამბურეთ კალთა, თუ არა და გული ილევა.
 მომეცით რამე — ნაოხარი სული ვათბურო,
 სული კანკალებს უცნაურად, ტანი ქვესაა.
 უბრძანეთ ყველას ამ დღეიდან დიდი თათბირი,
 დაანთეთ ცეცხლი, ჩამოქარით მალე ტალკევისი!
 მომეცით რამე — ნაოხარი სული ვათბურო
 და სითბო მინდა, მშობლიური სითბოს აღერსი,
 თუ არა, ვიცო, თვალეზიდან ფერს წალეკავენ,
 ამეწყებიან სურვილები მთათა ხორალის
 და, ხერხემალო, აქ მიგათრევე, შე საწეღკაო,
 და სითბო მინდა, მშობლიური, სითბოს ღლარი.

ბედის კივილი

რა თქმა უნდა, ძმობილო, — აღარაეინ მოგელის...
რომც გელოდნენ, იქნება, აღარც ჩამოიარო,
და გადახვალ ამაყად, როგორც სარგის თმოგველი,
როგორც ბედის კივილი, როგორც ჩუმი იარა...
შეინახე ეს ლექსი მიღმა საუკუნეთა
ოდეს პოვოს, რამეთუ, რითამ თანაზიარი...
დღეს საყუდი გულშია და სენაკი აუნთე,
თუმცა გარეთ დღეა და თუმცა გარეთ მზე არის.
ჩუქურთმებად დახვეულ ძახილს ვერ დაახავსებს
დავიწყების ფერფლი და დაწყვეტილი ძაფები,
ამ ობოლ სიმღერებით ვინმეს აზრით აავსებ,
ვინმე გულზე ატეხილ წყაროს დაეწაფება.
ცხოვრება რაინდული წილად აიქანდაკე
და წამებას აიტან რაღაც თავდავიწყებით,
დრო მოვა და დაფნებით ჩამოივლი კარდაკარ
და, წარსულო სიციცხლეც, ხელახლად დაიწყები
რა თქმა უნდა, ძმობილო, — აღარაეინ მოგელის
რომც გელოდნენ, იქნება, აღარც ჩამოიარო,
და გადახვალ ამაყად, როგორც სარგის თმოგველი,
როგორც ბედის კივილი, როგორც ჩუმი იარა...

„ძ მ ა ო ს ა ნ დ რ ო

ხალამი ყველას ციმბირიდან

17. IV. 1933 წ.

შენმა გულახდილმა წერილმა კიდევ ერთხელ შემახ-
სენა ჩემი დუხჭირი ბედი.

ნარიშში მიღებული მაქვს თქვენგან გამოგზავნილი მ
ამანათი, რამაც ძალიან გამახარა. ამან გააუმჯობესა ცო-
ტა ხნით მაინც ჩემი კვება. ჭანმრთელობის მხრივ კარგად
ვარ.

როგორ არიან მშობლები და ბავშვები, დიდი მოკი-
თხვა მათ ჩემგან, სიყვარული და ნუგეში გადაეცი.

სანდრო და თინა! ძალიან გთხოვთ მშობლებს მოუა-
როთ კარგად, გაუხანგრძლივეთ მათ სიციცხლე, რომელიც
ჩემს გამო აღბათ შეუმოკლდათ. ჩემი ჭავრი ნუ გექნე-

ბათ. ჭანმრთელობით კარგად ვარ, სულიერად აქ გამოკეტილი და ეული. შევცქერი შავი ღრუბლით მოქედილ ჩრდილოეთის ცას. ძლიერ შორს, ღრმა ნისლის უკან, ჩემი სანუკვარი სამშობლოა. ვოცნებობ: უეცრად ნისლის საბურველი ჩაიცრიცება და სამშობლოს ერთბაშად დავინახავ. როდის გამოიდარებს, არ ვიცი, მაგრამ, მაინც არის ლოდინი სასწაულად და შემწარავად. ერთადერთი, რაც შემრჩენია და ბევრი მაქვს, გულსავსე ტკივილი და სევდასეული, ესეც მოლოდინის შუა გზაა გადაწარბული.

მადლობა ღმერთს, კიდევ ერთი მძიმე ზამთარი გადავაგორე. ახალი წლის ასეთი უღიმღამობა ჭერ არ მახსოვს. თითქოს აქ არც კი ახსოვს ვინმეს ეს შესანიშნავი და საოცნებო დღე. ფიქრით და გრძნობით თქვენთან ვიყავი, ჩემს სამშობლოში.

სანდრო! აბა შენ იცი, მომავალში დამეხმარე, წიგნები, რვეულები და ჟურნალ-გაზეთები გამომიგზავნე, თორემ ქართულ კითხვას სულ გადავეჩვიე. მომწერე შენი მუშაობის და მიღწევების შესახებ.

ვკოცნი თამრიკოს და მზიკას.

დიდი მოკითხვაა მშობლებს, წერილს ცალკე მოვწერ; იყავით სულ კარგად, ჭანმრთელად, გკოცნით.

მისამართი იგივეა; თქვენი ლევანი“.

„ჩემო კარგებო!

12. VIII. 1933 წ.

ჭანმრთელობით კარგად ვარ. ვცხოვრობ უცვლელად ბანაკური ყოფით. მინდა ვიამბოთ პატარა ტრაგიკომედია, რომელიც მე აქ შემემთხვა.

ავვისტოს ერთ დღიას, ჭერ კიდევ კარგად გათენებულ იყო, ბანაკის ერთი ნაწილის პატიმრები წამოგუყარეს, გაგვამწყრივეს და მდინარე ობის მიმართულებით წაგვრეკეს. ისეთი შთაბეჭდილება შეიქნა, თითქოს ჩვენი ნაწილი ნარბიზს ბანაკიდან აყარეს. არ ვიცი სხვა პატიმრები როგორ ხასიათზე დადგნენ, მაგრამ მე ჩემი მცირედი ბარგის იქ დატოვებას ძალიან ვნაღვლობდი. ეს ხომ

ქართული წიგნები და ეურნალ-გაზეთები იყო, რის გარეშე ყოფნა მე უკვე აღარ შემეძლო.

უნდა გამოგიტყდეთ, ბარგის დატოვება და ჩემი უწიგნოდ დარჩენა ისევ მძიმე ცხოვრების დაწყებას მიქადიდა. ეს ჩემთვის მეორე უბედურების დასაწყისად მესახებოდა. თვითონ წარმოიდგინეთ, ბანაკში დროს რომ ვინელთებდი, წიგნს, გაზეთს თუ ეურნალს რამდენჯერმე გადავიკითხავდი ხოლმე. ამით თითქოს გულს ვიოხნებდი და დიდ შვებას ვგრძნობდი. ოცნება და ნატვრა ფრთას გაშლიდა, თითქოს მეც იქ ვიყავი. ვერეოდი ჩემი სამშობლოს ცხოვრებისეულ მაჯისცემაში, კეთილდღეობაში თუ ჭირ-ვარაშში, თითქოს მეც საქართველოს კეთილსაქმობით აქ ვცხოვრობდი. ამ ფიქრებით ქართული ზანტად მივაბიჭებდი მდინარე ობის ხრიოკ, ნამდვილად ობმოკიდებულ ჭაობიან სანაპიროზე. პატიმრები ღუმდნენ, ალბათ აუგის მოლოდინში.

გემსაყუდართან მიგვიყვანეს, რომელიც მთლიანად დანგრეული აღმოჩნდა, წყალდიდობას წაულეკია. ესე იგი, ერთადერთი დამაკავშირებელი წერტილი ცოცხალ ცხოვრებასა და ჩვენთან, გარიყულებთან, გაწყვეტილიყო. ბევრს გაგვიხარდა, რომ ახალ ეტაპს გადავურჩით. შიში, რომელიც გულში მქონდა დაგუბებული, ამ დრობებულ ბილიკზე გამიქარწყლდა.

ქვის ლოდები მოვაგროვეთ, ტყიდან უზარმაზარი მორები მოვზიდეთ და რამდენიმე საათი კარგა მაგრაც ვიმუშავეთ. ნავსაყუდარი მთლიანად აღვადგინეთ და გავამაგრეთ. შუადღე უკვე გადასული იყო, ცხელოდა, როდესაც წყალში ბანაობის უფლება მოგვცეს. ყველა ავწრიალდით, ასეთი შესაძლებლობა ჩემი იქ ყოფნის მთელ პერიოდში ერთხელ მოგვეცა და ალბათ უკანასკნელადაც.

რახან ასეთი სასიკეთო ბრძანება იყო, პირუბანა, ჭუჭყიანი პატიმრების ტანიდან ოფლისა და ჭუჭყისაგან ფერსეცვლილი საცვლები და ტანისამოსი სწრაფად გავიხადეთ და ასე უსაპნოდ რეცხვას შევუდექით, გავწურეთ და ცხელ ქვიშაზე გასაშრობად დავაფინეთ.

ამდენმა ტიტველა გასაცოდავებულმა, გაწამებულმა,

გაძვალტყავებულმა კაცმა წყალში შეტოპა და უხაზღვრო
შეება იგრძნო. ერთ წუთში დაგვაფიწყდა ჩვენი გაჭირვე-
ბა, პატიმრობა, ურდულეები. წყალში მოპოვებულმა თა-
ვისუფლებამ ფრთები გაგვაშლევიანა.

და ობის მკერდში ვიჭრებით ხმაურით,
გულო, გალალდი, შეასკდი ტალღებს.
დაეკარგეთ სივრცის და დროის საზომი,
დღეს ღამე ბევრის საკირეს აანთებს.

საცოდავი, დაკნინებული ხალხი გალალდა, ზოგმა გა-
ცურა, ზოგმა ჩაყვინთა, ზოგი ნაპირთან ჭყუმპალაობდა.

მე შიშველ ტანზე წყლის სისველე საამოდ მომხვდა,
ამაღლევა და ამაფორიაქა. ცდუნებას ველარ გავუძელი,
გული და მხარი მერჩოდა. ხან მხარულით და ხან მოგ-
ვერდულით წინ სწრაფვა ვერ შევაჩერე. რამდენჯერმე
ჩავეყვინთე და ამოვეყვინთე. წყალზე ვიტრიალე, დავწექი,
დავისვენე. წყალმა გამალაღა, გამამხნევა. ლურჯ-ნაცრის-
ფერი პირკეუში ობი ისე მდორედ მიედინებოდა, მოძრა-
ობა სულ არ იგრძნობოდა. გარშემო თითქოს ჭაერის
მოძრაობაც შეჩერებულიყო. სიოს ნატამალი არ პქრო-
და. დრო ვერ განვსაზღვრე, წყალში რამდენ ხანს დავყა-
ვი, ვილაღე. ცურვით გული რომ მოვიჭერე, ნაპირს გავ-
ხედე, იქნებ ბანაკში დაბრუნების დროც მოვიდა-მეთქი

დახეთ უბედურებასი არც მარჯვნივ და არც მარცხნივ
ნაპირი არ ჩანდა. ყურთასმენა გავამახვილე, არსაიდან
ძახილი ან რაიმე ხმაური არ მოისმოდა — ირგვლივ საშა-
რისებური სიჩუმე სუფევდა. მე და ობი აღმოვჩნდი
მარტო. საშინლად ავლეღდი, შევეკრთი. მხარი მეცვალა
საით გავცურო, უკვე აღარ ვიცი, რომელია მარჯვენა ნა-
პირი. რაც ძალი და ღონე მქონდა უვირილი და ძახილი
დავიწყე. არსაიდან პასუხი, არსაიდან ჩამიჩუმე.

წინ გავცურე, მერე ისევ შემოვტრიალდი, უკან გა-
მოვცურე. დიდ საგონებელში ჩავვარდი. მართალია
ცურვა კარგი ვიცოდი, ობის სივანეც (7-8 კილომეტრი)
მახსოვდა, შესვენებით და ნელი ცურვით იმის დაძლევის
იმედიც მქონდა, არ შეშინოდა, მაგრამ რამდენ ხანს მო-
ვუნდებოდი ამ მანძილის დაფარვას, ეს არ ვიცოდი. შე-
საძლებელია თავზე დამლამებოდა კიდეც ასე წყალში

ამასთან დაკავშირებით ცუდი (ორქოფული) აზრებიც შემომქარა. არ ვიცოდი მარცხენა ნაპირის ადგილმდებარეობა, ახლომახლო სოფლების არსებობა, მაცხოვრებელი ხალხის ეროვნება და სხვ. ასე უუურადღებობას თავს ვერ ვაპატიებ. იმ ნაპირზე ვინ დამიჭერებს, რომ ჩემი იქ გაჩენა, ასე შეიშველისა, წმინდა შემთხვევითობაა. უდავოდ ბანაკიდან გაქცევის მცდელობად ჩამითვლიდნენ. მიდი და უმტკიცე რამდენიც გინდა, ვინ დაგიჭერებს? ერთ წუთში თავში ბევრმა აზრმა გამიარა, იშაშიაც კი დავიჭირე თავი — იქნებ მართლა გავიქცე ბანაკიდან, ამისთანა შესაძლებლობა არასდროს აღარ მექნება-მეთქი. ცდუნება დილია, მაგრამ გადაწყვეტა ძნელი აღმოჩნდა. იმ წუთშივე წარმოვიდგინე სამუდამოდ სამშობლოს დაკარგვა, თქვენი ლაღატი, მუდმივად შიშის ქვეშ ყოფნა, არალეგალურად სადმე ღრმა რუსეთში სხვისი საბუთებით და სახელით ცხოვრება და არსებობა ბედის წყალობით.

იმ შემთხვევაში, თუ ვინაობა გაირკვეოდა, ცოცხალი თავით არ ჩავბარდებოდი ჩეკას. ასეთი გამწარებული ცხოვრების ისევ თავიდან დაწყებას უკვე ველარ ავიტანდი. თვალწინ წარმომიდგა ისევ თქვენი აწიოკება, ოჯახის მთლიანი განადგურება.

ყველაფერი აირია და დაირია თავში, აიწონ-დაიწონა.

— ეს რა მომივიდა, როგორ მოვიქცე? — უკვე ხმა-მალლა ვწუხდი, ჩემს თავს ვსაყვედურობდი.

არა, მე მაინც მარჯვენა ნაპირი მირჩევნია. აქედან ეს ნაპირი ბევრად ახლოა. და შესაძლებელია ჩემთვის ამჟამად უფრო მართებულიც იყოს. უცებ პირველად გამიღიმა ბედმა. მეგონა, მომეჩვენა, მაგრამ ეს სინამდვილე იყო — მშვიერმა და ალბათ დაკარგულმა კოლომ კარგა ლაშათიანად მიკბინა ზურგზე. მაშინვე მოვეგე გონს: ეს უდავოა, რომ კოლო უფრო ახლოს მარჯვენა ნაპირიდან იქნებოდა, მით უფრო, რომ ჩვენი ნაპირის კაობებში ასეთი კოლო ბევრია და ეს კბენაც „შინაურულად“ მენიშნა. იმ წუთშივე კოლომ ზურგი შემაცვლევინა. ბევრი ცურვის შემდეგ ნაპირს მივადექი. ფეხი მიწას რომ დავადგი, სიცოცხლის ძალის მომატება ვიგრძენი. ჩემ მიერ

ნარიში არაფრად დაფასებულ სიცოცხლეს იმ წუთშივე დიდი ფასი დაედო. როგორი ძლიერია სიცოცხლის ძალა! მიუხედავად იმისა, რომ ამ სანაპიროზე შიშველი ვიყავი. ველური კაცივით, სულ მარტოდმარტო, მშიერ-მწყურვალნი, გულს ბაგაბუგი გაჰქონდა, ხარობდა.

ნავსაყუდარის ძებნა დავიწყე. ისიც მოვიფიქრე, რომ მდინარის შინაგანი დინება მაინც ქვევით ჩამათრევდა, ამიტომ ნაპირს ზევით ავყევი, ბევრი ვიარე, სანამ მივადექი ნაცნობ ადგილებს. ტანსაცმელი, რა თქმა უნდა, იქ არ დამხვდა. მზე უკვე დიდი ხნის გადასული იყო და დღეს ბინდი დაეტყუ. ტყეში შევიარე, ფოთლებით შიშველი ადგილები დავიფარე (და ბანაკისაკენ მიმავალ ბელიკს სწრაფად გავყევი. აქ კი მხეტი უცნაურობა შემხვდა, არასდროს არ მოველოდი — თოფიანმა კაცმა, ბანაკის დარაჯმა, კარი არ გამიღო და ცხენზე არ შემეშვა.

— აქედან გამეცალე, თორემ გესვროს და თოფი დამიმიწნა.

— შე დალოცვილო, მე ცხენში შეშვებას გთხოვთ. თქვენი ტუსალი ვარ, იქედან გამოშვებას კი არა.

— ჩემთვის სულ ერთია. ვინა ხარ. არ შემოგვიშვებ, წადი, გამეცალე.

კარებთან ატეხილ აურზაურზე მოვიდა უფროსი ზედამხედველი. მე რომ დამინახა, არ ესამოვნა.

— განა შენ ობში არ დაიხრჩე? ასე გვითხრეს პატომრებმა. ჩვენ ამ ბანაკიდან ჩამოგწერეთ და ახლა მკვდარი სული ხარ, შენი ტანსაცმელი ხვავს ჩავაცვით. რაღა გიყოთ? ბანაკისათვის მკვდარი სული ხარ. საერთოდ კი მიკვირს, იქიდან როგორ გამოცურე.

მერე ბანაკის უფროსის ბრძანებით შემეშვეს და ველის კუჭყიანი და პატარა ზომის ტანსაცმელი ჩამაცვებს. ჩემი ზომის ძველი ფეხსაცმელი ველარ მიშოვებს, ამიტომ დიდხანს ფეხშიშველა დავდიოდი.

ყველაზე მთავარი მაინც ის იყო, რომ როგორც უღისციპლინო და ურჩი პატიმარი, ერთი კვირით ფოლატორში ჩამაგდეს. ჭერ შემოშვება არ უნდოდათ, მერე კი დამსაჯეს. ეს ნამდვილად დიდი ტრაგიკული კომედია გათამაშდა.

უველაზე მძიმე უბედურება აქაური პარადოქსებია: ტუსალთა სიკვდილი, მათი განადგურება და ჩამოწერა ბევრად იოლია, ვიდრე მათი ცოცხლად შენახვა.

ჩემს შესახებ ბანაკში დიდი მითქმა-მოთქმა დატრიალდა, უველანს გაკვირვებული და გაოცებული გადასცემდნენ ერთმანეთს, რომ მე ობი გადავცურე, წარმოიდგინეთ, აქედან არ გავიქეცი და ისევ უკან წამოვედი ბანაკში. აქ კი აღარ მიშვებდნენ — მკვდარი სული ხარო. მის ადგილას მე რომ ვყოფილიყავი, ყოყლოჩინობდნენ ბევრნი, ყაჩაღად გავვარდებოდი, გავმდიდრდებოდი და დიდ საქმეებს დავატრიალებდი. იგი ამხელა მდინარეს შეებრძოლა, ჩეკას კი ვერაფერი მოუხერხაო, ისე ეშინიაო. სადღაც ეს ნათქვამი მენიშნა კიდევ, სიმართლესაც შეეფერებოდა, ვინაიდან ჩეკა XX საუკუნის რაღაც საშინელ საოცრებას წარმოადგენს, არნახულს და არგავონილს.

! გკოცნით თქვენი ლეფიანო“.

„ს ა ყ ვ ა რ ე ლ ო დ ე დ ა დ ა მ ა მ ა |

11. III. 1935 წ.

ვიმგზავრე გემით ნარიშიდან ახალი ციმბირისაკენ. მძიმე და დიდი გზა გამოვიარეთ. აქ, ალბათ, უველაფერი შემსუბუქდება.

ახალ ადგილას წამოგვიყვანეს 10 კაცი. სადაც არ უნდა იყვეს ჩემი სამყოფელი, რანაირიც არ უნდა იყვეს იქ პირობები, მაინც მოხარული ვარ და ბედნიერი, რომ საშინელ ნარიშს თავი დავაღწიე და გამოვასწარი. წარმოდგენა არ შეიძლება, თუ რა საშინელებაა იქ თავიდან ბოლომდე. იქ ჩვენ უველანი სასიკვდილოდ ვიყავით განწირული, ამიტომ უველაფერი სიკვდილისკენ იყო მიმართული. ხვალ უკვე ახალ ციმბირში ვიქნები და უკვე მეცოდინება სად ვიმუშავებ, ეს კი დიდი შელავათია. ჩემს ბანაკურ ცხოვრებაში ეს ხანგრძლივი შრომის დიდი გზის დასაწყისია. მანამდე წამება და წვალება იყო უმოქმედო.

თქვენი გამოგზავნილი ფული 90 მანეთი მხოლოდ გამგზავრების წინ მომცეს, სწორედ კარგ დროს. როგორ არიან ჩემი ტასო, სანდრო, თინა და ბავშვები, ყველაა გულითადი მოკითხვა. ყველა ძალიან, ძალიან მომენატრა. მოკითხვა ნათესავ-მეგობრებს.

მოწყობისთანავე შეგატყობინებთ მისამართს.

კოცნით თქვენი ლევანიქა

„ს ა ყ ვ ა რ ე ლ ო დ ე დ ა ლ ა მ ა მ ა |

28. IX. 35 წ.

აქეთ-იქით ეტაპით ბევრი გვატარეს — გვათრიეს, დაგვლალეს. გვაშიმშილეს და დაგვაუძღურეს. მაგრამ მაინც ცოცხალი გადავრჩით. ხად არ ვიყავით, მთელი ახალი ციმბირის საშინელი ციხეები და ბანაკები შემოგვატარეს. ხალხთა მძიმე ტანჯვა გვაჩვენეს. ვერ წარმოიდგენთ, აქ რა ზღაბა. ყოველივე ეს წარმოუდგენელი და არაადამიანურია.

მე ქალაქ ბიისკში გამანაწილეს.

ბიისკი ზონალური ქალაქია, ალთაის მხარის საკმაოდ მოზრდილი მდინარის ბიის სანაპიროზე მდებარეობს. ეს დასაწყისი პუნქტია ჩუისკის ავტონომიური ოლქის. სამუშაოდ გამამწესეს მარცვლეულობის მეურნეობაში ეკონომისტად. ამდენი ხნის მანძილზე ეს პირველად არის ჩემი ადამიანად ჩათვლა და ისიც სპეციალისტად. ამან ისე გამახარა, თითქოს მეშველა კიდევც.

ამ მეურნეობაში, გარდა პატიმრებისა, თავისუფალი დაქირავებულებიც არიან, ზოგი ყოფილი პატიმარია თავისუფალი გადასახლებით, ზოგი კი, უბრალოდ, აქაური მცხოვრებელი.

ხალხთან სწრაფად დავამყარე საქმიანი ურთიერთობა. საერთოდ, ისე გადავეჩვიე ყოველივეს, რომ მე თვითონ მიკვირს მცირედი ადამიანური პირობები. ამ მეურნეობაში ბანაკური რეჟიმო თითქმის არ არის და ყოველმხრივ, სრულიად მოულოდნელად, დამაკმაყოფილებელ

პირობებში ჩავევარდით. ამ ქალაქში ბევრ ქართველსაც შეეხვედი.

ჩემ გარშემო ატმოსფეროც შეიცვალა. კვებაც ხასადილოში ნორმალურია და ალბათ ჯამაგირიდანაც რაღაც კაპიკებს მაინც მომცემენ. ვხარობ, ცხოვრება შემომსუბუქდა და შემომიბრუნდა. პირველ ხანებში ალბათ ფული დამჭირდება, მაგრამ მერე კი ამაზე ალბათ აღარ შეგაწუხებთ. ყოველ შემთხვევაში მე ასე მგონია.

თუ ეს დროებითი ამბავია, ვადის დამთავრებამდე და ასეთ ცხოვრებაში აქ დამტოვებს, მე ვიტყოდი, ბედმა გამიღიმა, ღმერთმა შვება მომცა. თუ ეს ჩემ მუდმივ სამყოფელად დარჩა, მაშინ ისევე წვალდება და ბანაკი მირჩენია, როდისმე მაინც გავთავისუფლდებოდი.

აბა, იყავით კარგად. გჟოცნით ყველას.

თქვენი ლე ვ ა ნ ი.

ჩემი მისამართია: Год. Бирск. Земхозовхоз имени 1-го мая.

გაზეთებიც ამ მისამართით გამომიგზავნეთ.“

№20. III. 1936 წელი. ქალაქი ბისკო.

საყვარელო დედა და მამა.

ამ ბოლო ხანებში თქვენგან წერილები ნაკლებად მომდის.

დედა, შენი ღია ბარათი მივიღე და გიპასუხე კიდევ. ეს იყო და ეს. გმადლობთ, 1/III-დან ვლებულობ გაზეთ „კომუნისტს“. მე კარგად ვარ, ჯანმრთელად. იქვე ვმუშაობ, ვიშალებ ჩემს დახელოვნებას ეკონომიკის დარგში და აქაური სპეციალისტები კმაყოფილები არიან ჩემი მუშაობით. ამ ქალაქში და ამ ბანაკში ისე კარგადა გგრძნობ თავს და ისეთ გარემოცვაში მოვხვდი, არა მგონია, რომ აქ რაიმე იმდაგვარი გადავიტანო. ვინ გაიგებს, მარტო ჭანგებამ იცის.

ებნა მინდა ვიყო. თქვენთან ერთად უკლებლივ, ვწოდო სამშობლოს და ოჯახის სიმძიმე სამარის კარამდე.

ო, ო, ოცნება, ოცნება, ოცნება, რომელიც ხანდახან
მაგიუებს კიდევ.

ჯოცნით თქვენი ლევანი“.

ქალაქ ბიისკიდან გამოგზავნილ წერილებში ლევანის
ხასიათის გაუმჯობესება შეიმჩნეოდა და საერთო მდგო-
მარეობაც უკეთესობისაკენ მიდიოდა. მაგრამ ამ პერი-
ოდში მის ლექსებში მაინც იგრძნობოდა ღრმა სევდა
სამშობლოს მიღმა ყოფნის გამო.

ქვევით გვინდა მოვიყვანოთ რამდენიმე ლექსი, და-
წერილი ქალაქ ბიისკში.

წერილი მართველ დედას

ის უცხო მხარეს გარდაიცვალა
და გახელილი დარჩა თვალბი...

გალაქტიონ ტაბიძე

მინდა მოგწერო:

მგლოვიარე გულის ძაძებო

მოგწერო მინდა

და ვერ ვპოვე ხმა ანაკაო,

მინდა ვიტყვო:

და ეს ცრემლი ვერ გამოვძებნე,

ვიტყვო მინდა

და უბრალოდ ვითხრა რაც არის.

ღიახ, ღიახ, გარდაიცვალა,

მოკვდა, განუტევა,

აღარა გყავს მეტი, აღარა!

...მას ოფლიანი დარჩა საცვალო

და ბევრი სისხლიც ნახველებში გადანადღვარო.

!

ღეღე, იმცხადე,

იქნებ ცრემლმა გული მოაღბოს.

იმცხადე, ღეღე:

ქუქუთაგან დაიბუნე კვართი.

ამ უცხოეთმა:

ასე ადრე ჯანი მოალო,
ამ უცხოეთმა:
შენი შვილი დაისაკუთრა.

ამ ჩრდილოეთში, ამ ველებში ჰპოვა საეანე —
სიკვდილში ყველა ობოლია,
მაგრამ სიკვდილი უსამშობლო
უფრო მწარეა, უფრო ბრალი, უფრო სანანი.

სიტყვას გადაეწევე, სტრიქონს ვაცეცხლებ,
ამ სურვილებს რომ დავიოკებდე...
ო, შენი შვილის სიცოცხლე მოკვდა
ო, შენი შვილის სიკვდილი ცოცხლობს.

ო! ო! იმას ვგონებ, ახელილი დარჩა თვალებში
ო, რა ძნელია უცხოეთში გარდაცვალება!

სევდა, ღიმილი...

და სათნოების წამი მეწვია,
ავზილო ბარემ ეს ხვედრი მძიმე.
ო, შუაგზიდან წამოვა წვიმა
და ვინლა იცის, თუ გაიღარებს.

და არის სიტყვა, სევდა, ღიმილი,
როგორც მის ძირში ლანდი ტვიფარი.
ო, მაცხოვარო, ისე დააღამე
ნურავის მოჰკლავ! ყველა დაიფარე.

ALARME

რა ცუდია, ღამეში
როცა აკაყუნებენ...
და შემოვა კამეჩი
თეთრი ხელთათმანებით,
თვალს ჩაგიკრავს,
ისე თუ საკეკლუცოდ მავალი,
უცნაურ გაღიმებით
მეტყვის სიტყვა-შაირებს
და შენ კი უყისმათო,
როგორც ბრმა თავთაველა,

როგორც ფუქი იმედი,
 გულის უურში ჩაირევ.
 რა ცუდია, ღამეში,
 როცა აკაკუნებენ...
 რა აზრია, წიწვებით
 თუნდაც სახლი დახურე,
 გვიან მოვა ოცნება
 გზა მას გადაურაზო.
 ის ლოგინზე მიწვება
 ისე, სახელდახელოდ,
 როგორც ძველი ნაცნობი როგორც გულის მურაზი
 რა ცუდია, ღამეში
 როცა აკაკუნებენ...
 როცა არვის მოელი
 და ვიღაცა მოგივა,
 როცა გარეთ ღამეა,
 და სულში კი სამარე...
 გული ისე მიჰლოე,
 დაახვეე მორგვივით.
 იშოშმინე, ძამიავ,
 შემოირტყი ქამარი...
 აღეჭი და კარდაკარ
 გაიარე ისე, რომ
 არას ხელი არ დაკრა, გული არ დაისერო.
 რა ცუდია, ღამეში
 როცა აკაკუნებენ!

25. VIII. 1935 წ.

გზა წიწვამური

არსაიდან ხმა, არხად ძახილი..
 მშობელი შობილს არას მტყუოდა.

„ელეგია“, ილია.

სად ხარ, მშობელო, მითხარი რამე, [
 სადა ხარ, სადა ხარ, მარკვი?
 გულს შემოაწევა უტეხი ვარაში
 და ღამის გათავდეს აქვე.

მშობელო, მითხარ, თუ არა დაიბნა ფიქრი,
 მაღლა ქარია, წინ — სიშავე, ხმა დაბლობიდან,

ო, ეს დროებაც იდორბლება და ისე მიჰქრის,
გულშიც იქვია, კრპოსანი და აბლაბუდა.
ხაიადი ბუდე კუდიგორასი
ბლაქიაშვილებს მოელოდება,
სეედის ურემი კიდევ მოგორავს
და მეურმესთან მოვლენ ლანდები.
გზას დარდი ქმოსავს და იღვდება,
ეს გულიც მეტყვის: წამო, იარე!
ალარც მთაწმინდა, ალარც დიდუბე...
ჩემი გზაც ისევე წიწამურია...
და მიმიღია ტანჯვა ესოდენ,
აქ თითო კილო სხვა მახვილია,
და ელეგია რისთვის ჰყვენსოდი,
მარქვი, ილოავ! მარქვი, ილოავ!
შუბლი იმთავად მოვიკალე,
ხეედროა — ვიცი, მეც მებედება,
ჩვენში მგოსანი ან უნდა მოჰკლან,
ან მგოსანი ჰკლავს შემოქმედებას.

ამ უნდო ხელმა გზა გააჩალა,
ამ ხელებსავე თავეში წაფიშენ,
ო, შენი სისხლის მე ვარ ყაჩაღი,
და მევე მომკლეს წიწამურშივე,
და საქართველო შენს წინაშე დგას
ნამრუშვეც...
მშობელი გულიც იქ მოითხარა...
მითხარი რამე! რამე მითხარის...

15. I. 1935 წელი.

ნ ა ტ ა რ ტ ა ლ ე ბ ი

იყო ლოდინი სასწაულთა და აწ ამოაო...
ჩუმი გუმანიც აქ შედგება — ალარ წამოვა.

ესეც შუაგზა, მოლოდინი გადაწარბულო
და შავი სისხლით გაბერილო, როგორც წურბელა.

ვარ ხეთა შორის — მძიმე სამოსთა
და ვარხეე შარას უმისამართოდ.

ამ ხერხემალზე ბოროტება გადაქსერა,
ამხერხა ეგზომ და შემმატა ქვა და მესერი.

რალაც ხალხია: აქ უთუოდ მაქარს დალევენ
და თიქმის ისევ სადღეგრძელო ნაქარტალევი.

მე ამ ქაოსმა უდროულოდ მომილოგინა
და, ჰა, გათადებს, აღარ მინდა მეტი ლოდინი

უცნობ საძარეს მოეთხრი ისევ იმავე ეშვებით
და ისევ ისე როგორც კითხვა, გადავეშვები
და შეიქმნება კულტი ისევ უცნობი მგონისა,
როცა გადივლის თარიღების კრალოსანი.

ბ ე მ მ ვ ი დ ო ბ ე ბ ი

1

გემშვიდობები, გემშვიდობები, ჩემო,
ნურც ცრემლი გინდა, ნურც ბოდიშები მლაშე...
სევდა იქნება, სევდა იქნება ჩუმი,
და განშორება სულ უბრალო და ლაბა.
გემშვიდობები ასე სადად და წყნარად.
ცივია სახე — ჩანს სადმეა სითბოს ურვალი,
სიღრმეში — ლულას, რომ ხელი არეინ ახლოს.
შორეულ გზაზე მოგზაურმა იბოვა წყარო
და დაეწაფა ოფლიანი, ხარბი სურვილით.
შესვა, შეისუღრა, ოფლი გააღზო
და უნდო გზამ ისევ ისე აიკვიტა...
გემშვიდობების დინჯი და უხალისო,
როგორც გუშინწინ — გუშინ, წუხელი...
ამ ქვეყანაზე შეხედრა არც ახალია
და განშორებაც, დამერწმუნე, არც უახლესი.

ლევანის ქალაქ ბიისკში მოხვედრამ და მუშაობის დაწყებამ მნიშვნელოვნად შემოაბრუნა მისი მდგომარეობა. იქიდან მოსულმა წერილებმა მშობლები ძალიან გაახარა და გაამხნევა. ოჯახში ძლიერ გამოიღარა. ყველას შეგვეცვალა ხასიათი. ვფიქრობდით, რადგან ლევანს შეღავათიან ბანაკში ამუშავებენ, შესაძლებელია, გამოუშვან კიდევცო. იქნებ მართალი გვითხრა ქორიძემ. თუმცა ლევანს ამის არა სჯეროდა.

— ლევანი იწერება, ფიქრი არ მინდა ვადაზეო, მაგრამ ვადის დამთავრებასთან დაკავშირებული ციებ-ცხელება, ეტყობა, უკვე დაეწყო. ეს ციებ-ცხელება ძალიან გადამდები სენია და მეშინია ჩვენც არ დაგვემართოს, — ამბობდა მამა.

— ლევანი სულ ბიჭი იყო, როდესაც შორეთში გავისტუმრეთ, ახლა კი 31 წლის კაცია. ვერ წარმომიდგენია მისი ასე გამწარებულ ცხოვრებაში დავაუკაცება. ძალიან მაინტერესებს, როგორ ჩამოყალიბდა და როგორი კაცი დადგა. ღმერთო, მის თბილისში, შინ დაბრუნებას მომასწარი და მეჩე თუ გინდა მომკალი კიდევ, — ხშირად იმეორებდა მამა, რომელსაც ნერვიულობა და აღელვება უკვე მკაფიოდ ეტყობოდა და ველარ მალავდა, — სიღინჯეა საჭირო, სიღინჯე და მოლოდინი. ვიზიტის, იქნებ კიდევ გვიმუხთლოს ბედმა. თუმცა ამჯერად მე შინაგანი განწყობა კარგს მეუბნებაო.

— შენი მზრუნველობა და ხელი ნუ მოგვაცლოს ღმერთმა, შენ რომ ჩამე დაგემართოს, ჩვენ სუყველა, ნამდვილად, დიდი უბედურები ვიქნებით და ამიტომ თავს მოუარე. რაც მთავარია, შენ არ დაგემართოს ლევანის ვადის დამთავრებასთან დაკავშირებული ციებ-ცხელება, — ეუბნებოდა დედა, რაზეც მამა ჩუმად იღიმებოდა, მაგრამ ლევანის ვადასთან დაკავშირებულ ციებ-ცხელებას უკვე აყვანილი ჰყავდა ხელში მთელი ოჯახი.

1936 წელს ჩვენი მატერიალური მდგომარეობა ოდნავ გამოკეთდა. სანდრო მუშაობდა და მთელი ოჯახის სიმძიმე მის კისერზე იყო. მამაც მუშაობდა. თინაც ამთავრებდა სამედიცინო ინსტიტუტს. ჩვენ, ბავშვებიც, წამოვიზარდეთ. უკვე სკოლის უფროსი კლასების მოსწავლეები ვიყავით და ყველაფერში კარგად ვერკვეოდით.

გულის ფანტაზიით ველოდით ლევანის ვადის დამთავრებას. რატომღაც ყველა დარწმუნებული ვიყავით, რომ დაბრუნდებოდა... ამ განწყობით ვცხოვრობდით და ყველა გადატანილ გაჭირვებას სიამოვნებით დავივიწყებდით.

თბილისში საერთო პოლიტიკური მდგომარეობა მაინც დაძაბული რჩებოდა. რეპრესიები და დაპატიმრება კი არ შენეულა, პირიქით, უფრო მძვინვარებდა. მაშინ დააპატიმრეს მამა თითქმის ყველა ამხანაგი და მეგობარი. დედა სულ შიშის განცდებში იყო. მამაც შიშობდა, სულ იმას ამბობდა, ეს რა დრო დადგა, რას მოვესწარიო, საუკეთესო ინტელიგენციას და მათ შვილებს ანადგურებენ, საქართველოში განსწავლული და განათლებული ვინღა უნდა დარჩეს! სავალალო ისაა, დაქვრები

ნიზეზები გაურკვეველია. ამდენი ნამდვილი პატრიოტი სამშობლოს მოღალატეებად გამოჰყავთო.

დღეები და თვეები სწრაფად გარბოდნენ.

შესანიშნავი, ფერადყვავილოვანი გაზაფხულიც მოვიდა — მაისობის დღეებიც კარზე მოგვადგა.

ლევანის მდგომარეობის გამოსწორებასთან დაკავშირებით ოჯახში სიმშვიდე და სიხალისე იგრძნობოდა. მშობლებმა გადაწყვიტეს მაისობა და თამარობა — ეს შესანიშნავი თარიღი. პატარა ზეიმით აღენიშნათ. წლების მანძილზე გადატანილი გაჭირვების, დაძაბული ცხოვრების შემდეგ ცოტაოდენი სიხარული უნდოდათ ჩვენს სახლში დატრიალებულიყო.

დღესასწაულისათვის მზადება ადრე დავიწყეთ. მშობლებს უნდოდათ ყველაფერი ყოფილიყო ტრადიციულად. პირველ მაისს დათქმულ დროს ყველა ჩემი კლასელი მესტუმრა.

დაკვრა, სიმღერა, ცეკვა, სიცილი, მზიარულეობა, ჟივილ-ხივილი მოედო სახლს და მთელ არემარეს. მზიარულ განწყობილებას მოკლებული ჰქერი გალადდა. უმცროსებმა და უფროსებმაც კარგად მოილხინეს. მამამ გამოიტანა ტკბილი ღვინო — ზვანკარა და ჩემს ამხანაგ ბიჭებს ზომიერად დააღვინა. ეს მათთვის ღვინის პირველი დაღვეა იყო, ამიტომ ამ დღეს ჩემი ამხანაგები დიდხანს იგონებდნენ და, რაც მთავარია, ამბობდნენ, რომ ჩვენ მამაშენმა დაგვაეჟეცაო სადღეგრძელოებიც ითქვა: სამშობლოს სიყვარულისა და მისი კეთილდღეობის, მეგობრობის, ცოცხლებისა თუ გარდაცვლილთა ხსოვნის, განსაკუთრებით კი უდანაშაულოდ რეპრესირებულებისა.

მამამ მერე ისიც აღნიშნა, ჩვენ, ბავშვები, როგორ შეუძინებულად წამოვიზარდეთ, დავქალდით და დავეჟეცადით, უფროსების ზსგავსად მსჯელობაც შეგვიძლია, აზრის გამოთქმაც და მოვლენების სწორი გაანალიზებაც. ბოლოს დაგვლოცა, განგებამ ხელი მოგიმართოთო, გვისურვა დიდი წარმატება:

— თქვენ ჩვენი იმედი ხართ და, აბა, თქვენ იცით, როგორ სწორად წარმართავთ ცხოვრებას. მთავარია სამშობლოს და ქართველი ხალხის სიყვარულით და სიმართლით კეთილი საქმე აკეთოთო, — დაგვმოდღვრა მამამ.

პატარა ლხინი დიდ ზეიმში გადაიზარდა. კმაყოფილნი დავიშალენით.

მაისობის მერე დღეს მამამ, როგორც ყოველთვის, წას-

ვლის წინ ყველა გადაგვკოცნა და დედას უთხრა: — წავალ, ჩემს მეგობრებს მოვინახულებო.

ვინ წარმოიდგენდა, რომ მამაჩვენის ეს მოფერება უკანასკნელი იქნებოდა ჩვენთვის და სახლიდან გასვლაც — საბედისწერო. მამა კატასტროფაში დაიღუპა. როგორ და რა პირობებში, ბევრი ვარიანტი იყო, ზუსტად კი არავინ იცოდა, ისიც კი იყო ნათქვამი, შესაძლოა, ეს კატასტროფა მოწყობილიც იყო. იმ დროს ბევრჯერ ხდებოდა ასეთიც.

მამას სიკვდილი ოჯახს მეხივით დაეცა. ჯანმრთელი, 63 წლის, ბრგე, ძალ-ღონით სავსე კაცი, ოჯახის ბურჯი სახლიდან გავიდა და 3 საათის შემდეგ უკვე აღარ იყო ცოცხალი. საწყალმა სანდრომ საშინლად განიცადა მამის დაღუპვა, პირველად მას შეატყობინეს. თურმე ის დიდხანს ტრიალებდა ჩვენი სახლს გარშემო და ძალიან უმძიმდა ჩვენთვის ამ საშინელი ამბის შეტყობინება.

მამაჩვენის ყველა საუკეთესო თვისების — სითბოს, სიყვარულის, კეთილკაცობისა და ვაჟკაცობის გარდა ჩვენს ოჯახს ყოველდღიური მზრუნველობა და შემართება მაშინვე დააკლდა. აუწერელია ის საშინელება, რაც ჩვენს ოჯახში ტრიალებდა. ლევანს დეპეშა გავუგზავნეთ იმ იმედით, რომ იქნებ რამდენიმე დღით მამის დასაფლავებაზე გამოუშვანო. ცოცხალს თუ ვერ მოუსწორო, რაზეც მამა ასე ოცნებობდა, მკვდარი მაინც ენახა და უკანასკნელი ვალი მოეხადა. მით უფრო, რომ პატიმრობის ვადა რამდენიმე თვეში უთავდებოდა ლევანი არ გამოუშვეს.

მამა ვაკის სასაფლაოზე, მწერალთა და საზოგადო მოღვაწეთა პანთეონში დაეასაფლავეთ.

მამაჩვენის მეგობრების უმრავლესობა დაპატიმრებულ იყო, ამიტომ დასაფლავებაზე მისი თანამოაზრეები, თანატოლები და მეგობრები, ვინც ჩვენთან ხშირად დადიოდა, საქმათდ ცოტანი იყვნენ. დასაფლავებაზე უცნობი ადამიანებიც შეიმჩნეოდნენ, რაც მომსვლელებში შიშს იწვევდა. ამიტომაც მამას უხმაუროდ, გამოსამშვიდობებელი სიტყვების გარეშე ვასაფლავებდით.

სულ უკანასკნელ წუთში, როდესაც სამარის პირზე მამა გამოვეთხოვეთ, მისმა მეგობარმა ნიკო თავდგირიძემ ველარ მოითმინა და მეტად გულთბილი გამოსამშვიდობებელი სიტყვა

უთხრა. მან ბევრი აქო საწყალი მამა, გაიხსენა მისი ყველა ღირსება და საზოგადოებრივი დამსახურებაც ახსენა, ხაზი გაუსვა მის ნამდვილ ქართველობას, უზადო პატრიოტიზმს და უალრესად დიდ განათლებას და ბოლოს ისიც მიიყვალა: ეს რა დრონი ეცხოვრობთ, შენი ოქრო ვერ ბრწყინავდა, სხვისი სიყალბე კი ძლიერ აჩხრიალდაო.

ეს გამოთხოვება ბატონი ნიკოსთვის საბედისწერო გახდა — იგი იქვე დააპატიმრეს და უკვალოდ გააქრეს.

მამას ძლივს მივაყარეთ მიწა, რომ უცებ ცა ჩამობნელდა, გაპირქვეშდა და წამოვიდა არნახული, შემზარავი თავსხმა. ალბათ ბუნებამაც შეიგრძნო ასეთი ადამიანის უდროოდ დაკარგვაო, ამბობდნენ ახლობლები. შინ დაბრუნებულებს საშინელი სიციარიელე დაგვხვდა.

— რა მამა დავკარგეთ, რა კეთილი და ღირსეული ადამიანი, ტიროდა დედა, — ლევანი, ალბათ, ველარ ჩამოვა. მე უკვე აღარაფრის იმედი აღარ მაქვს. სანდრო და თინა! მთელი ოჯახის სიმძიმე ახლა თქვენ დაგაწვებათ. მართალია, გაგვიჭირდება, მაგრამ გთხოვთ: ლევანს ძველებურად უნდა დავეხმაროთ და ბავშვები — თამარი და მზია ფეხზე დავაყენოთ. მამათქვენის ნათელი ხსოვნა არასდროს არ დაივიწყოთ. დადგება დრო, როდესაც თამამად და ხმამაღლა ითქმება საქართველოს და მისი საზოგადოების წინაშე პართენ გოთუას დამსახურებინ შესახებ ყველაფერი.

ნარიმის გარშემო მიმოფანტულ პატარ-პატარა სოფლებში (გოროდიშჩე, კოლპაკოვი, ინკინო, ტორგუსი და სხვ.) განლაგებული იყო მრავალრიცხოვანი პოლიტპატიმართა ბანაკები და თავმოყრილი სამუდამოდ დატოვებული, ეგრეთ წოდებულ თავისუფალ გადასახლებაში მყოფი გასაცოდავებული ხალხი.

აქ მუშაობდა ორი ახალგაზრდა ქართველი ექიმი — ოლაა მესხი და მაყვალა რამიშვილი. ისინი შორეულ ციმბირში სრულიად უდანაშულოდ მოხვდნენ, მხროლოდ და მხოლოდ საექიმო ეთიკისა და ადამიანური გრძნობის გამოჩენის გამო. ორივე ერთდროულად, 1928 წელს დაამთავრა თბილისის უნივერსიტეტის სამედიცინო ფაკულტეტი და სამუშაოდ გაანაწილეს საგარეჯოს რაიონში.

იმ დროს საქართველოში მეტად მძიმედ და მტკივნეულად

მომდინარეობდა კოლექტივიზაცია. ბევრი პატიოსანი, მშრომელი ოჯახი უდანაშაულოდ გააკულაქეს — წაარავეს ყველაფერი, დატოვეს უსახლკაროდ, მშვიერ-მწყურვალი, გასახლების მოლოდინში. სოფლის მოსახლეობა და ინტელიგენცია უთანაგრძნობდა ამ ოჯახებს და ბავშვები გზაში შიმშილით რომ არ დახოცილიყვნენ, დახმარების ხელი გაუწოდეს. მათ შორის იყვნენ ოლია მესხი და მყვალა რამიშვილიც. მეორე დღესვე, ეს ახალგაზრდა ეჭიმები დააპატიმრეს, ციხეში ბევრი აწვალეს. ყოველგვარი გასამართლებისა და დაკითხვის გარეშე „სამეულმა“, როგორც პოლიტიკურ დამნაშავეებს მათ გადასახლება მიუსაჯა შორეულ ციმბირში.

ნარიმის ოლქში მოხვედრისთანავე მათ სწორედ ექიმობამ უშველა და ციხეს გადაარჩინა, ისინი თავისუფლად დასახლდნენ და მუშაობას შეუდგნენ სოფ. გოროდინჩეში, სადაც მძვინვარებდა ინფექციური დაავადება. ქართველმა ქალებმა კოტა 'ხანში' შეძლეს იქ მყოფი ქართველი პატიმრების შემოკრება, მათთან დამეგობრება და დახმარების გაწევა. ბანაკებში და თავისუფალ გადასახლებაში იმ პერიოდში იქ იმყოფებოდა დაახლოებით 32—35 ქართველი.

ოლია მესხის ოჯახში შემონახულია იქ გადასახლებულთა არასრული სია, რომელიც ჩვენ მისმა ქალიშვილმა, თინა იმნაიშვილმა გადმოგვცა და გვინდა საზოგადოებას გავაცნოთ: ოლია მესხი და მყვალა რამიშვილი, კოტე ძიმისტარაშვილი, აბრამ ბელალიშვილი, თედორე იმერლიშვილი, სოლომონ ინაკეპე, ვინმე ლუკიანე, დომენტი ნიკოლაიშვილი, სიმონ გოგოლიშვილი, ბიქტორ ჭანტურია, ნესტორ იმნაიშვილი, რაფიელ თავაძე, ამბროსი კალანდარაშვილი, გიორგი ინასარიძე, კაპიტონ თევზაძე, მიშა ჩაჩუა, გიორგი მიქაძე, გიორგი ჭინორია, ჯამეზარდაშვილი, გალიტო კვაჭანტირაძე, ვასო ჭათარიძე, კვაჭაძე, იპოლიტე ქვირია, თენგიშვილი და ბევრი სხვა. ოლია მესხი და ნესტორ იმნაიშვილი შეუღლდნენ და იქ, შორეულ ციმბირში, შექმნეს კარგი ქართული ოჯახი, რომელიც შეძლებისდაგვარად აერთიანებდა ქართველებს და ეხმარებოდა მათ იქ მძიმე დღეების ვადატანაში.

1 მაშინ ამ ოჯახმა ლევანსაც გაუწია დახმარება, მიუხედავად იმისა, რომ ის სხვა ბანაკში იმყოფებოდა და ამ ქართველებს პირადად არ იცნობდა.

უნდა აღინიშნოს, რომ არც იქ, შორეულ ციმბირში თავი-სუფალ გადასახლებაში ასვენებდნენ მოსახლეობას. მათ განმეორებით აპატიმრებდნენ და სპობდნენ. სწორედ ასეთი ბედით იწვია 1932 წელს ბევრ ქართველს, მათ შორის ოლია მესხის მეუღლეს ნესტორ იმნაიშვილს. იგი 1928 წლიდან გადასახლებაში იქ იყო, 1932 წელს მეორედ დააპატიმრეს, შემდეგ კი საერთოდ გააქრეს. შემთხვევით გადაურჩნენ განმეორებით დაპატიმრებას ოლია მესხი, რომელიც ფეხმძიმედ იყო და მაყვალა რამიშვილი.

ლევანი ქალაქ ბიისკში მოხვედრის შემდეგ შეხვდა ოლია მესხსა და მაყვალა რამიშვილს, გიორგი ჭინორიას, ლიზიკო ქავთარაძეს და პარმენ ხურციძეს. ქართველები ერთმანეთს საგრძნობლად ეხმარებოდნენ და ერთ ოჯახად ცხოვრობდნენ. ეს მეგობრობა იმდენად მყარი აღმოჩნდა, რომ საქართველოში დაბრუნების შემდეგაც გრძელდებოდა. განსაკუთრებით მეგობრობდნენ ოლია მესხი-იმნაიშვილისა, მაყვალა რამიშვილი და ლევანი. პატარა თინიკო უმამოდ იზრდებოდა და იქ ყოველი ქართველი ვალდებულად თვლიდა თავს ბავშვისათვის მამობრივი აღერსი და დახმარება არ მოეკლო. თინიკოს უკვე ფეხი უნდა აედგა. ძალიან არ უნდოდათ ქართველებს, რომ ეს ციმბირის მიწაზე მომხდარიყო. არაფერი რომ არ გამოუვიდათ, სასწრაფოდ საქართველოდან საქართველოს რუკა მოითხოვეს და გააგზავნინეს. ამ რუკამ სწორედ სულზე მოუხსრა მათ ჩანაფიქრს: ოთახში დააფინეს ხალიჩის მაგივრად და ბავშვს ამ რუკაზე ასწავლეს სიარული. ყველა ხარობდა, რომ თინიკომ ციმბირში სიმბოლურად მაინც საქართველოს მიწაზე აიდგა ფეხი.

ოლია მესხი პატარა თინიკო იმნაიშვილთან ერთად გაათავისუფლეს ლევანზე რამდენიმე თვით ადრე. ისინი წამოვიდნენ საქართველოში.

გვინდა გაგაცნოთ ლევანის წერილი ოლია მესხისადმი:

მადლობა თბილისი წერილისათვის. თქვენი წერილები გზიდანაც და საქართველოდანაც — ყველა მიღებული მაქვს.

კარგია, მეტად კარგი, რომ ასე კეთილად გიმგზავრი-
ათ. ახლა ისღა გაკლიათ, რომ სრულიად განიკურნოთ —
ამის სრული იმედი მაქვს. საშობლო — ისიც ჩვენი
საშობლო რომელ სენს არ განკურნავს. მეტად მენატ-
რება თინიკო და ამ მხრივ ვნანობ კიდევაც თქვენს წახ-
ვლას (აღამიანი ეგონსტია მაინცი). წარმოდგენილი მყავს:
ფეხშიშველა და მზენაწვავე შუხუთის ღელეებში დას-
დევეს ბებლებს და ბაყაყებს. თან გაპკივის ნარიმულ-გუ-
რულ კილოკავზე. ვკოცნი თინიკოს.

ვავალებ (მე ხომ მის მასწავლებლად ვითვლები):
ქართულის მცოდნე დამხვდეს — იქნებ მეც ჩამოვიდე
ბოლოს და ბოლოს.

ნესტორის ამბავი ვიცი მისი თქვენდამი მონაწერი
წერილიდან (მაყვალას ნებართვით მეც გადავიკითხე
იგი, ბოდიში თქვენს წინაშე — ვიცი, არ გამიჯავრდებით).

აქაურ ამბებს გწერთ: აქ თითქმის არაფერი გამოც-
ვლილა. გალიტომ მიიღო განთავისუფლების მოწმობა,
პოლიკარპე საქმის გამორკვევას უცდის. გოგიტა — დაი-
კარგა სადღაც, ალბათ მაქვთ წამოვიდა. ...ჟორჟი და
სხვები ელიან... ელიან. . . ამაოდ ჭერ...: მაყვალა კარგად
და კეთილად არის. ქ-ნი თამარიც. მე და მაყვალა თანდა-
თანობით დავმეგობრდით, მაგრამ ძალიან ვნანობ, რომ
მას თინიკო არა ჰყავს (თავისი თინიკო, რა თქმა უნდა).
მეც არა მიშავს რა, ჯანის მხრივ. იცით ხომ: საშინელი
ჭინიანი და ჭიუტი ვარ. გულქვაც ვყოფილვარ თურმე.
ჩანს, მგრძნობელობა მომიჩლუნგა ამდენმა ვაივაგლახმა.

დასტურ — ყოველი ვაება, სისტემაში გადასული,
კარგავს თავის სიმძიმეს... უფრო სწორად — აჩლუნგებს
გრძნობას. სიკვდილშიც — ყველაზე უფრო საშინელი
სიჩუმე და დაჩლუნგებაა... გლოვაში კი — უცრემლო-

ბა... მე ჩემი კეთილი მამის ესოდენ უცნაურ და აუჯსიკ-
ვდილის ამბავს რაღაც გაბოროტებით და უცრემლოდ
ვზიდავ. ...ბოდიში, ცოტაოდენ მძიმე წერილი გამომივი-
და... შევეცდები მომავალში უფრო ღია ფერებით მოგ-
წეროთ და „პილი გავკრა“ ჩვენს წარსულ, უცნაურ...
საერთო მოგონებებს ან მომავალ ნეტარ სურვილებს.

ნესტორს მოკითხვა მიაწოდეთ — გულითადი.

ცოტა კიდევ და იქნებ იგიც გესტუმროთ შუხუთში.
მოკრძალებითი სალამი ნესტორის დედას.

საინტერესოა, როგორ მოგეწონათ შუხუთი — და
როგორ მიიღეს გურულებმა რაჰველი რძალი? ქალო,
ხომ არ დაგიწუნეს?

დარწმუნებული ვარ — მისამართი, მე რომ მოგეცით,
დაგავიწყდებოდათ, ამიტომ გწერთ: გაბაშვილის შ.

ასე, ჩემო დაო, აქეთაც გამოგვიზაფხულდა — უკეთ
ათბა ბოლოს და ბოლოს.

მოკითხვა გულითადი აქედან. აბა თქვენკენ (უკვე სა-
ქართველოში) რა ამბავია?

ფიქრებით მაქვთ ვარ სულ.

აბა კარგად იყავით. მოიწერეთ.

თქვენს ძმა ლევანო“.

მეორე ნაწილი

მამის გარდაცვალების შემდეგ ჩვენს ოჯახში საშინელო მწუხარება ჩამოწვა.

დედა ხშირად ავადმყოფობდა, ნერვები ლალატობდა.

ლევანი რომ ჩამოსვლას იგვიანებდა, ამას ცალკე განვიცდიდით, მასზე ვფიქრობდით და ვოცნებობდით, ხმამალლა ლაპარაკს კი ვერ ვებედავდით, რადგან დედა ლევანთან დაკავშირებით ყველათერს ძალზე მტკივნეულად განიცდიდა.

ერთხელ დედამ დეპეშაც კი გაუგზავნა ტაშკენტის საკონცენტრაციო ბანაკების სამმართველოს უფროსს, რომლის ასლი სახლში შემოგვრჩა.

წარმოვიდგინეთ, იმ საშინელ დაწესებულებაში ასეთი დეპეშის გამო, ალბათ, როგორ დასცინეს დედის გულსა და განცდას. საიდან სადაო, ლევანი მაშინ უკვე ქ. ბიისკში იყო, ტაშკენტიდან რამდენიმე ათასი კილომეტრით დაცილებული, შორეულ ციმბირში.

უსაზღვრო მოლოდინში ცხელი ზაფხულიც გავიდა. ლევანის დაბრუნების იმედი გადაგვეწურა, გულს იმით ვომშვიდებდით, ამ არეულობის დროს ახლა თბილისში მისი ჩამოსვლა შესაძლებელია სახიფათოც იყოსო. ავბედითი წლების გამწვავება და პოლიტიკური ვითარების უფრო დაძაბვა უკვე აშკარა იყო...

ქალაქში საშინელი შიში და უიმედობა სუფევდა. განსწავლული, განათლებული, ნამდვილი პატრიოტები, ზოგჯერ მთელი ოჯახი ღამით, ჩუმად, მოულოდნელად ქრებოდნენ, რაც შიშის ზარს სცემდა ყველას. სათავეში მოქცეული სისხლისმსმელები ბერიას ხელმძღვანელობით საშინელებას ატრიალებდნენ მთელ საქართველოში. სრულიად უდანაშაულო ხალხს სამშობლოს მტრად აცხადებდნენ. განმკითხველი, სი-

მართლის მაძიებელი და მფარველი არავინ იყო. ასე დაიკარგნენ მამას ამხანაგები, ნაცნობი ოჯახები, სახელოვანი ადამიანები, ძირითადად ახალგაზრდობა.

— ეს რა სახელმწიფოში ვცხოვრობთ, — საყვედურობდა და წუხდა ზამამალა დედა, — ეს რა წელია, 1936? ალბათ საქართველოს და ქართველი ხალხის ერთობლივი განადგურებაა გადაწყვეტილი. პატიმრებს აქედან იქით ციმბირში აგზავნიან და აბა იქედან ლევანს აქეთ, შინ ვინ გამოუშვებს. შეიძლება უკეთესიც იყოს, იქ რომ არის, ვიცით ცოცხალია, ჯანმრთელია და მუშაობს კიდევ. საარსებო წყაროც აქვს. თუ ჩვენ არ დავეზმარეთ, შიმშილით აღარ მოკვდება. ამჟამად თბილისში დაბრუნება უფრო სახიფათოც და საშიშიც არის, — ზშირად ასეთი მსჯელობით იმშვიდებდა თავს დედა, ჩვენ კი ყველამ კარგად ვიცოდით, თუ რა ცეცხლი უტრიალებდა გულში.

სექტემბრის ერთ დილას, სრულიად მოულოდნელად, ჩემად, ჩვენს კარს ვიღაც მოადგა და ფრთხილად დაგვიკაკუნა. ყველანი შეშინებული წამოვცვივდით, კარებს მივაშურეთ. ყველამ ცუდი ამბავი გავიფიქრეთ, აბა იმ დროს თბილისში კარგს რას წარმოიდგენდი. დედა ძლივს ადგა ლოგინიდან, დაგვწია და კარები უნდობლად თვითონ გააღო. სახლში შემოვიდა ახოვანი ვაჟკაცი, ბრგე, ხუჭუტომიანი, მხარზე ზურგჩანთავადაკიდებული. და ეს კაცი ვინ აღმოჩნდა? ლევანი! ლევანი!

ჩვენს სიხარულს საზღვარი არ ჰქონდა, აღწერა შეუძლებელია, ეს რაღაც ზეციური იყო...

სიხარულისაგან ყველანი მოთქმით ვტიროდით, განსაკუთრებით კი დედა. მოფერების დროს შიგადაშიგ გაკვირვებულად შესცქეროდა შვილს და ეს ამბავი არა სჯეროდა. ლევანს, ასე დავაკაკებულს, ალბათ არ მოელოდა. ამდენი გაკვირვების გადატანის შემდეგ ის სულ სხვანაირად წარმოედგინა. სხვათა შორის ჩვენ, ბავშვებსაც, ასე დაგვემართა. მე და მზიას არც კი გვჯეროდა, რომ ასეთი დიდი ძმა გვყავდა. ლევანიც ალბათ არ მოელოდა, თუ ჩვენ ასე გაზრდილებს გვნახავდა.

— ო, წლები, წლები, სამშობლო, სახლი, თბილისი, — გაროცებით იმეორებდა ლევანი. — მშობლიური კერა ძვალ-რბილში მაქვს გამჭდარი. ძნელია სხვაგან დიდი ხნით, თუნდაც შეინებოთ, მით უფრო იძულებით ცხოვრება ან არსებობა, მაგრამ

ბედის უკუღმართობას წინ რა დაუდგება... ჰოი! რამდენ დროს გაუვლია?! რამდენი კალო გაღწეილა უჩემოდ?! — ყველას გვეკოტნიდა და გვეფერებოდა, — რა სიხარულია! ძლივს დაგბრუნდი სამშობლოში, რას მერჩოდნენ ნეტავ, — გულისტკივილით ოხრავდა ლევანი, — ან რას ერჩიან იმ ხალხს, რომელსაც სიცოცხლეზე მეტად სამშობლო უყვარს, სწამს მისი კეთილი მომავლის, ახალი თაობის, ბარაქიანი მშობლიური მიწის, ერთგულების, ძმობის და, რაც მთავარია, თავისუფლების, — თავისდა უნებურად გულისტქმამ გაიტაცა ლევანი. გული აუტოკდა, ბევრს თქმა უნდოდა. გულის სიღრმიდან ამოსდიოდა კვნესა, რისთვისაც მან ამდენი იტანჯა და ეწამა, მაგრამ დედამ პირზე ათრთოლებული ხელი მიაფარა. შეშინებულმა ლევანი შეაჩერა, კედლისკენ ანიშნა ჩურჩულით, უახრა — ყური აქვსო.

მერე ყველა ერთად ლევანის დაბანა-დასუფთაებებს შეეუდებოთ. ის იღიმებოდა, ყველაფერს სიამით და სიხარულით ლებულობდა მონატრებული. მერე კი საუზმისაკენ მოუხმოდებდა, ქართულ პურს ხარბად მიეტანა. ჩვენი ხვამციკრე სუფრიდან ყველაფერი ეგემრიელა, ყველაფერს ცალ-ცალკე ხობბ: შეასხა, საუზმის შემდეგ კი მამის საფლავზე გასვლა მოითხოვა.

საფლავზე ისევ ავტირდით. ჩვენი მწუხარება უფრო გულჩათხრობილი, ღრმასევდიანი იყო. გვადრჩობდა სინანული, საწყალ მამას ლევანის დარდი რომ ჩაპყვა საფლავში. აბა, ამას ხმამაღლა როგორ ვეტყოდით, მაგრამ ლევანი თავითონ ზედებოდა. ის მუხლმოდრეკილი დიდხანს დუმდა, თვალები მიწაზე ჰქონდა მიპყრობილი, ცრემლები საფლავს ასველებდა. ეს ცრემლი გულის ამონაკნესი იყო, ზვერის მთქმელი. ყველა-სათვის ნათელი გახდა, ლევანს გულში რა ცეცხლიც უტრიალებდა. მერე საწყალი არჩილიც ახსენა და ისიც მამის საფლავზე დაიტრია.

გული რომ მოიჭერა, თქვა:

— როგორ უკუღმა ტრიალებს ჩვენი ოჯახის ბედი. მამაჩემის საზოგადოებრივმა მოღვაწეობამ გამიღრმავა პატრიოტული სულისკვეთება, ჩამინერგა სამშობლოს თავისუფლების მაღალი იდეები, დიდი მოვალეობის გრძნობა, ხალასი სიყვარული სამყაროსი, ბუნების, ადამიანის. ბევრ საკითხში და

იდეებში საწყალი არჩილი, მე და მამა ერთსულოვანი ვიყავით. ის ამბობდა ჩვენით, — თითქოს ცოცხალს ესაუბრებო, ანგარიშს აბარებდა მამის საფლავს. მე ყოველთვის დიდი მეოცნებე, გულმართალი კაცი ვიყავი, მიყვარდა საქართველო, მისი მთა-ველი, ხალხი და მისი თავისუფლება. საქართველოს მოღალატედ გამომაცხადეს და თვითონ მოღალატეებმა მაწამეს, შეურაცხმყვეს, მაწვალეს, სიკვდილის პირას მიმიყვანეს, გადავურჩი ყოველივეს, სწორედ სამშობლოს სიყვარულმა და სიმატლემ გადამარჩინა. ბანაკებში სისასტიკე ახლა რომ მძვინვარებს, ალბათ დრომ და ერთეულმა პიროვნებებმა მოიტანეს, თორემ ალალი ქართველი და სხვა ერის უბრალო კაცი ყოველთვის გულკეთილი და თავისი ოცნების ერთგულია.

ლევანი ლაპარაკად იყო გადაქცეული. საოცრად ამაღლებლად ეღერდა მისი ხმა სასაფლაოს იდუმალ სიჩუმეში.

— მინდა განცდილი დავივიწყო, მაგრამ რა დამავიწყებს სიკვდილის პირას მისულ, უდანაშაულო ხალხით გამოტენილ ბანაკებს. საკონცენტრაციო ბანაკების არსებობა ჩვენ დღევანდელ წყობაში, ისევე როგორც წინა პერიოდებში, იმპერიის ერთ-ერთი განუყოფელი ელემენტია, ანალოგიური ფაშისტების საკონცენტრაციო ბანაკებისა, სადაც მძიმე სისასტიკე სუფევს. იქ მოხვედრილი ადამიანი არარაობაა. ქვის ლოდი და მძიმე ტყვილი თვითონ შეიქრა ჩემს არსებაში და გულის სიღრმეში დამრჩა დაღი. რამდენი ხალხი დარჩა იქ, აღარც გზა და აღარ საცალფეხო ხიდი დაურჩათ სამშობლოსთან. საცოდავები, შავ უფსკრულთან არიან მისულები, ჩეკისტებთან ნაომარა და საბოლოოდ სასტიკად დარბეულები.

— ლევან, გაჩერდი! — დაიკვილა დედამ, — მეტის ატანა აღარ შემძლია.

ლევანმა ყველას გადმოგვხედა, ახლავდა მიხვდა, რომ თავისდაუნებურად ამოაფრქვია ნაღველი და ისედაც მძიმე განცდა უფრო გაიმწვავა.

ეს დღე იყო და ეს დღე, ლევანს აღარ მოუგონებია თავისი წარსული. არ შეეძლო მასზე ბაასი და თითქმის ასე დარჩა მთელი თავისი სიცოცხლის მანძილზე.

სანდროსთან დეპეშა ვაფრინეთ რაჭაში, სადაც რიწეულ-ქესის მშენებლობის უფროსად მუშაობდა.

თინა ხშირად ეუბნებოდა: — შენ, ლევან, არა ხარ ფიზიკუ-

რად ძლიერ შეცვლილი, უფრო დავაუკაცებულხარ, მამას დამსგავსებინხარ, მხოლოდ ნაღველი გაქვს თვალებში ჩაწოლილი და, როცა რამე გახარებს, შენს გაბრწყინებულ თვალებში ამას უფრო მკვეთრად ვამჩნევო.

ლევანი სიამით იღიმებოდა: — ჩემო ფილოსოფოსო და ვაუკაცო დაო, კიდეც რას მამჩნევო? — სიყვარულით ეუბნებოდა ლევანი თინას.

ლევანის ზურგჩანთაში რამდენიმე რვეული აღმოჩნდა.

— საცვლები და ის მცირე რამ ნივთი, რომელიც იქ მქონდა, გაჭირვებულ ხალხს დავუტოვე. აქვენ ვერ წარმოიდგენთ, — გვეტყოდა ხანდახან იგი, — იქ რა ჯოჯობეთი ტრიანლებს. თბილისში ცოცხალი რომ დავბრუნდი, მე თვითონაც მიკვირს და არ მჯერა. კატორლაში წამებას სიკვდილი სჯობდა

ლევანის დაბრუნებამ ოჯახში ხალისი, სიხარული და ბედნიერება შემოიტანა. ზოგჯერ არც კი გვჯეროდა.

— ჩვენ ისევ თავიდან ვიწყებთ ცხოვრებას, — ცრემლნარევი ღიმილით და აღელვებით ამბობდა დედა. — დიდი დანაკლისი და გაჭირვება განვიცადეთ. ოჯახის საუკეთესო წევრები აღრეულად წავიდნენ ჩვენგან, მაგრამ დღეს ისევ შევივსეთ და უნდა: მკიდროდ შევიკრათ. ახლა თქვენ იცით, შვილებო, როგორ იშრომებთ, ისწავლით, ასახელებთ ჩვენს გვარსა და სამშობლოს. ლევანის ჩამოსვლით ჩვენი ოჯახის ცხოვრება ისევ ძველ კალაპოტში უნდა ჩადგეს. რას იფიქრებდა დედა, რომ ლევანის ჩამოსვლა ისევ ხანმოკლე აღმოჩნდებოდა. ყველანი კნარობდით, ვეხვეოდით ლევანს და თბილისის ამბებს ვუაჟიობდით, რომელიც მას ძალიან აინტერესებდა და მთელი გულსყურით გვისმენდა.

ყველას იმედი გვქონდა, ლევანს გადასახლებაში ყოფნის ვადის დამთავრების, ამდენი ვაივაგლახის და თბილისში დაბრუნების შემდეგ ცხოვრებაში შეზღულდევები და დაბრკოლებები აღარ შეხვდებოდა. თურმე როგორ მოვტყუვედით — დაბრკოლებები და გაჭირვება ჯერ კიდეც წინ გვქონია.

1936 წელი საქართველოში, როგორც ცნობილია, მძიმედროდ ითვლება. ჯერ არ იყო ჩათავებული რეპრესიები და საერთოდ ადამიანთა მასობრივი გაქრობა, პირიქით, თანდათან უფრო გამწვავებაც იგრძნობოდა. თბილისში გაურკვეველი პოლიტიკური ვითარება სუფევდა. სამშობლოს მოღალატე-

ებად ცხადდებოდნენ როგორც დიდი პარტიული მუშაკები, ისე უპარტიოებიც, მეცნიერები, მწერლები, უადრესად განათლებული და ნამდვილად სამშობლოსათვის თავდადებული ადამიანები.

ლევანმა სწრაფად აულო ალლო თბილისში გამეფებულ რთულ ვითარებას. ამდენი ნაცნობ-მეგობრის დაპატიმრებას არ მოელოდა, შეშინდა კიდეც.

სწორედ ამ პერიოდში დაიწყო ლევანის მოქალაქეობრივად უფლებების აღდგენაზე ზრუნვა — პასპორტი, ჩაწერა. ყველაფერი მეტისმეტად ძნელდებოდა.

რამდენიმე დღის შემდეგ გამოიჩვენა, რომ ლევანს პასპორტის გაცემაზე და საერთოდ თბილისში ჩაწერაზე უარი უთხრეს.

— ველარ გათავდა! უკვე მერამდენედ იწყება ჩემი მულდმივი მოწამვლა. უმჯობესია ისევ კატორღაში უკან დავბრუნდეთ. აბა, უპასპორტოდ ამ დაწყვეტილ რეჟიმში რას გავხდებო. მულდმივად ჩეკას მეთვალყურეობაში ყოფნას ისევ იქ დაბრუნება მირჩევენიაო, — ბრაზობდა ლევანი.

ლევანის ჩამოსვლასთან დაკავშირებული სიხარული თანდათან გაქარწყლდა. ნერვიულობა და უკმაყოფილება მწვავედებოდა. დედამ დაიწყო განცხადებების წერა, სხვადასხვა ინსტანციაში მისვლით ნაცნობ-უცნობები შეაწუხა.

დიდი ხნის შემდეგ, როგორც იქნა, ლევანისათვის პასპორტის მიცემა გადაწყდა, მაგრამ თბილისში ჩაწერაზე კატეგორიული უარი განუცხადეს.

პასპორტის მიღების გაჭიანურებამ და ლოდინმა ლევანს ხასიათი გაუფუჭა.

— უკეთესი იყო პასპორტი სულ არ მოეცათ, ხომ ვარსებობდი ამდენი ხნის განმეფლობაში უპასპორტოდ, ნომრიაო.

ლევანი ჩეკაში ისევ აღრიცხვაზე აიყვანეს. დაწვრილებითი ავტობიოგრაფია დააწერინეს, მერე კი დაცინვაც დაუწყეს. თითქოს ხუმრობით, ცინიკური ღიმილით, ისე კი სრული სერიოზულობით უთხრეს:

— გვიკვირს, რომ აქეთ გამოგიშვეს. ისე კი უკეთესი იქნებოდა იქ დარჩენილიყავი. შენი უკან დაბრუნებისათვის ჩვენ არც დროის დახარჯვა და არც წვალება დაგვჭირდებოდაო.

ლევანი საშინელი აღელვებული და გულნატკენი იყო. დარ-

წმუნდა, რომ თბილისი მისთვის აღარ იყო თავისუფლებისა და გადარჩენის საბოლოო თავშესაფარი.

— დედა და თქვენ, ბავშვები, წარმომიდგებით თვალწინ. ამიტომ გადავყლაპე მათი როშვა, თავი ძლივს შევიკავე, თორემ იმ ეოზინდარებს ვაჩვენებდი სეირს. იმ წუთში სიცოცხლეს აღარ მინდოდა. ვისი დასაციინი გავხდი, ვისი?! მათი წყალობით რამდენი წმიდათაწმიდა ადამიანის საფლავი დარჩა კატორღაში. უდანაშაულო ხალხი ჯავრმა და მიწამ შეჭამა. ისე კი იქ ნათქვამი ცუდად მენიშნა, ნუთუ მე ჩეკას მუდმივი მეთვალყურეობის ქვეშ უნდა ვიყო? ეს არ არის კარგი საქმე.

ლევანის ღელვა ჩვენც გადმოგვედო.

სანდროს ჩამოსვლამ გამოაკეთა განწყობა. რაჭიდან ბევრი ხილი და ღვინო — ხვანჭკარა ჩამოგვიტანა. საღამოს წავიქეიფეთ კიდეც. ქართული საქმელები განსაკუთრებულად, ლევანის დაკვეთით მომზადდა. ყველაფერს მონატრებულმა ქართულ ყაიდაზე გაწყობილ სუფრას რომ დახედა, მისი ეშხიანა და სილამაზით აღტაცებულმა ტაში შემოჰკრა:

— ამისთანა ხვავ-ბარაქიანი და გემრიელი სუფრა მართო საქართველოში იცის.

შემდეგ კი ხარბად დაეწაფა საქმელ-სასმელს, ყველაფერს ხობტას ასხამდა, აღფრთოვანებით სვამდა და სვამდა რაჭიდან ჩამოტანილ ხვანჭკარას. ცოტა შექეიფიანდა კიდეც. სუფრას ვუსხედით დედა, ტასო, სანდრო, თინა, თამარი და მზია. აღფრთოვანებით შევცქეროდით ლევანს, რომელიც გამხიარულდა კიდეც. თვალები გაუბრწყინდა და სამშობლოს, ჩვენ, შინაურებს, ქართულ საქმელსა და სასმელს მონატრებულმა ძალიან მოიღვინა. ისიც აღნიშნა:

— ჩემს ამ ბედნიერ დღეს წინ უძღვის 12 წლის ტანჯა-წვალება. მე ავიტანე ყველაფერი და ხომ ასრულდა ჩემი ოცნება, მე თქვენთან ვარ და მომავალიც ჩემია. ვფიქრობ სიკეთეზე.

ლევანის ბედნიერებამ, სიხალისემ და მხიარულებამ ყველა კარგ გუნებაზე დაგვაყენა.

ლევანმა ხვანჭკარით ჭიქა შეავსო და ჯერ დედაჩვენის სადღევრძელო წარმოთქვა. დედა აქო და ადიდა. შემდეგ გულისტკივილით მამის და არჩილის მოსახსენიებელი თქვა, მერე

კი ჩვენი ყველას სადღეგრძელო ერთად შესვა, ყველა გადაგვიკოცნა და სუფრიდან ადგა.

— ამდენი ხნის დაჩაგრული ოჯახი ხარობს, — თვალცრემლიანი იმეორებდა დედა. ის ძალიან მოკრძალებულად და დღევით მივიდა ფორტეპიანოსთან, დაუკრა და ლევანის საყვარელი სიმღერა ნაღვლიანად დაამღერა. სიმღერაში დედას ყველანი აყყევით.

ლევანმა დედა ხელში აიტაცა, გულში ჩაიკრა და ჩაკოცნა. დედა პატარა ბავშვივით მიენდო მას, ლევანი ზედავდა, რომ დედა უკვე მებრძოლი და ძლიერი ქალი აღარ იყო. გადატანილი წლების ქირ-ვარამმა საგრძნობი დაღი დაასვა მას. ის, გასაცოდავებული და ნერვიული, უკვე ღრმა მოხუც ქალად ქცეულიყო.

სანდროს ისევ პასპორტის მიღების გაჭიანურებასა და ლოდინზე ჩამოუვდო ლევანმა საუბარი. ეს ძალიან აწუხებდა. სანდრომ ლევანი დაარწმუნა, ყველაფერი, რაც ახლა შენს თავზე ხდება, ჩვენს ცხოვრებაში ბუნებრივია, ვფიქრობ, შენი მომავალი კარგად წარიმართება, ოღონდ დაწერე რამე კარგი და აჩვენე ყველას შენი შესაძლებლობა; ჩვენ შენით ვამაყობთ, ლევან, შენ ჩვენი ოჯახის გმირი ხარო.

— მე გმირობამდე ბევრი მაკლია და ალბათ ვერც გავხდები. ჩემი გაგებით ეს ცნება მეტად ღრმაშინაარსიანი და მნიშვნელოვანია. გმირი ის არის, ვინც დროის მოუხოვნის სიმალლეზე აღმოჩნდება, აუცილებელს, უმთავრესს — უმრავლესთა საწადელს, უანგაროდ, თავდადებულად მოიმოქმედებს და მიზანსაც მიაღწევს. მე კი სულ ციხის მონობაში ვიყავი, მარტოდმარტო ოცნებით.

ლევანმა შემდეგ მოგონების გუდაც გაგვიხსნა და გადასახლების ზოგიერთი მძიმე თავგადასავალი გვიამბო:

— ჩემი გადაჩენა მე თვითონ მიკვირს, დაუჭერებელია, რაც გადავიტანე. ეს მხოლოდ განგებამ და ჩემმა გადამჩენელმა ღმერთმა იცის. ვაი, ვაი, რომ უამრავი პატიმრისათვის ეს ფიზიკურად აუტანელია. იცი, რა საუკეთესო ხალხი იღუპება? უკანასკნელ დროს შექმნილი არნახული წამება და ჩეხვა, ასე მგონია, აღამიანთა მისპობის უტყუარი ზრახვებია. ჩემი გაგებით, იქ, შორეულ ციმბირში, პატიმართა მოცილები-სა და მასობრივი განადგურების ორი გზა არსებობს:

1) მასობრივი თვითმკვლელობა: ციხეებში რეჟიმის გამწვავება-გასასტიკებას და არაადამიანური წამების ფორმების შემოღებას ბევრი პატიმარი სიგიჟემდე და თვითმკვლელობამდე მიჰყავს.

2) მასობრივად გრძელვადიანი პატიმრების თავიდან მოცილება დახვრეტით. ბანაკებში უადგილობის გამო ყოველი ახალი ეტაპის მიღების წინ იწყება მექანიკური გაცხრილვა ყოველგვარი სასამართლოს და სამართლის გარეშე.

მთავარი უბედურება ისაა, რომ სხვების დასანახავად და გასაგებად ის უღმერთოები მკვდარს, როგორც ცოცხალს, ისე ედავებოდნენ, ჭირდავდნენ. სოლოვკებში წინათ მე ასე ბეგონა წამების ყველაზე მძიმე რეჟიმი იყო დაწესებული. თურმე ნუ იტყვი! რა შედარებაა ახალი ციმბირის ციხეების რეჟიმთან, ეს ხომ ჯოჯოხეთია. გასაკვირი ის არის, რაც ყველაზე უფრო უძვირფასესია ცხოვრებაში — ადამიანის სიცოცხლე — იქ არაფრად ღირს. ეს რა სახელმწიფოში ვცხოვრობთ, არ ვიცი. იქ, სოლოვკებში, ცოცხლებში, მავთულხლართების მიღმა მაინც იზრდებოდა და მწიფდებოდა იმედის სანერგე. რა ყოფილა ადამიანი? ის უფრო საკვირველია, ვიდრე მე ვფიქრობდი. ახალ ციმბირში კი ცხოვრება? ეს ხომ სრული არარაობაა... და ლევანს რაღაცა მნიშვნელოვანი უნდა ეთქვა ჩვენთვის, მაგრამ საუბარში შეშინებული დედა ჩაერია და პოლიტიკაზე ლაპარაკი აუკრძალა.

— დედა, ეს მართო პოლიტიკა არ არის. სიმართლეა მწარე, იქაური მძიმე, აუტანელი ყოფა და ცხოვრება, უფრო სწორად, არსებობა, ყოფნა-არყოფნის განკითხვა. ამას რაღაცა უნდა ეშველოს, თორემ გაწყდა ამდენი ხალხი.

ბავშვები მაშინვე დასაძინებლად გაგვაგზავნეს.

ლევანი და სანდრო კიდევ დიდხანს საუბრობდნენ ჩუმად. ათი დღის ნერვიულობის შემდეგ ლევანი პასპორტით ხელში გამოგვეცხადა.

— მომილოცეთ! 32 წლის ვაჟაკს ძლივს მელირსა მოქალაქეობა და სრულწლოვანება. ეს ხომ ჩემი პირველი პასპორტია. საერთოდ თავის დროზე ვერ მოვასწარი მისი მიღება, მერე კი ვინ მომცა ამის საშუალება.

თბილისში ჩაწერაზე კი ლევანს ხომ უარი ეთქვა, დადგა

საკითხი, სად წასულიყო სამუშაოდ, რომელ რაიონში. სამსახურის ძებნაში გავიდა კიდევ რამდენიმე დღე.

სრულიად მოულოდნელად სახლის რწმუნებული და მილიციელი დაგვადგნენ თავზე. 24 საათში უნდა გახვიდეთ თბილისიდანო, გააფრთხილეს ლევანი — წინააღმდეგ შემთხვევაში გაგასახლებთო.

ლევანს გაეღიმა. დედა კი ძალიან გაჯავრდა, ისინი ყვირილით იგაგდო:

— წადით და ჩეკაში დაგვაბეზღეთ. თქვენ და თქვენისთანებმა ხომ მეტი არაფერი იცით. სანამ ლევანი რაიონში სამსახურს არ იშოვის, არსადაც არ გავუშვებ. ეს ხომ ჩემი შვილია, აქედან წაიყვანეს და ახლა, ვითომ სტუმარია, ისე ჩათვალეთ, რამდენ ჩაუწერელ ხალხს აჩერებთ და იმათ არ ეჩრჩით. ჩვენ გვნახეთ დაბალი ღობე? მე თქვენ გიჩვენებთ სეირს! — ლევანის ჩამოსვლით იგაგულიანებული დედა დაემუქრა კიდევ არამკითხებებს.

ლევანი კიდევ ათი დღე დარჩა შინ სამსახურის ძებნაში. შემდეგ ნამდვილად არავის შეეუწუხებებივართ, მაგრამ თვითონ ნერვიულობდა. ჩვენი ოჯახის მეგობრებმა ცეკავშირში გააგზავნეს, წალკაში ეკონომისტის ადგილი გამოუნახეს.

ლევანი წალკაში კარგად მოეწყო. უფასოდ პატარა ოთახიც მიიღო და კარგი ჯამაგირიც დაენიშნა.

— ძლივს არ ამოვისუნთქე თავისუფლად? — ხარობდა ლევანი. ეს მცირედი კარგი პირობებიც სახარბიელო აღმოჩნდა მისთვის. დედა ეხვეწებოდა პირველ ხანებში ოჯახის დასახმარებლად ფულს ნუ გამომიგზავნი, შენთვის ტანსაცმელი და საცვლები იყიდე, ჩაიცვი, თორემ უხერხულია სამსახურში ასე სიარულიო. ლევანი ჯერ ყოყმანობდა, შემდეგ კი მაინც მისცა სიტყვა დედას, რომ შეასრულებდა მის თხოვნას. ისე კი ომილით ხშირად იმეორებდა:

— მე იმდენხანს მამყოფეს იქ ფეხშიშველი და ტანშიშველი, ტანსაცმლის საჭიროება და მასზე მოთხოვნილება მთლიანად მომისპეს. ზოგი ჭირი მარგებელიაო, ჩემზეა ნათქვამი (სხვათა შორის, ლევანს ჩაცმადახურვისადმი გულგრილობა მთელი სიცოცხლის მანძილზე გაჰყვა).

წალკაში ცხოვრებითა და მუშაობით ლევანი კმაყოფილი

იყო. მით უფრო, რომ მის გარშემო ტრიალებდნენ სწავლული პატრიოტი ახალგაზრდები.

თავისი მუშაობით მალე დაიმსახურა კარგი სახელი. ურთიერთობაში მეტად უბრალო და დაკვირვებულ იყო.

თბილისში ხშირად ჩამოდიოდა. დაამყარა კავშირი საჯარო ბიბლიოთეკასთან და წიგნებით დატვირთული უკან ბრუნდებოდა. მუშაობის შემდეგ ბევრი დრო რჩებოდა, ამიტომ ძალიან ინტენსიურად წერდა. აინტერესებდა ლიტერატურა და ისტორია.

ხანდისხან დედა ბავშვებს ხელს დაგვტაცებდა და უცებ ლევანთან ჯავჩნდებოდა, რამდენიმე დღით ვრჩებოდათ კედეც. დედას უხაროდა ლევანის კარგად ყოფნა, მაგრამ მაინც უნდოდა, რომ თბილისში ყოფილიყო, სახლში უფრო ნაყოფიერად იმუშაებდნენ.

ახლოვდებოდა 1937 წელი. დედამ მოისურვა, რომ ახალ წელს ყველა ერთად შეეხვედროდით. დიდიდან დაიწყო სახლში ფუსფუსი და მზადება. ლევანი წალკიდან ჩამოვიდა, სანდრო ვარციხიდან, დანარჩენები კი ყველანი სახლში ვიყავით ლევანის თქმით, ახალი წელი, გარდა ყოველი სიკეთისა, შორს წასულთა, გადასახლებულ-გადახვეწილთა და დაღუპულთა დღეც არის ჩვენი. ამიტომ ეს დღე ყოველთვის ღირსშესანიშნავიაო.

ძალიან მოკრძალებულად და წყნარად, სუყველა ერთად შევხვდით ახალ, 1937 წელს. აბა, ქეიფისა და მხიარულების თავი ვის ჰქონდა. თბილისში საშინელი შიში და უიმედობა ჩამოწვა, რეპრესიები და ოჯახების მოსპობა კი არ შემცირდა, არამედ გაძლიერდა. ამ ამბით ჩვენი ოჯახი და განსაკუთრებით ლევანი საშინლად შეწუხებული იყო. ლევანი ცდილობდა წალკიდან ხშირად აღარ ჩამოსულიყო, დღედაღამ მუშაობდა, ბევრს წერდა.

ლევანმა წალკაში 6 თვე დაჰყო. შემდეგ კი დამთავრდა მისი საამური ცხოვრება და მუშაობა.

ერთ დღეს სრულიად მოულოდნელად, სამხედრო კომისარიატში გამოიძახეს და დაწვრილებითი ავტობიოგრაფია დააწერინეს. აბა, ლევანი თავის ბიოგრაფიას რას დამალავდა. დაწერა, რომ 12 წლის გადასახლებაში ნამყოფი კაცია, არც ერთხელ სასამართლოს წინაშე არ ყოფილა წარდგენილი ან

რაიმე სერიოზული ბრალდება არ ჰქონდა წაყენებული, აუ არ ჩაითვლება საზღვარგარეთ გაქცევის მცდელობა. ამ შემთხვევის დროსაც განაჩენი სამეულმა გამოუტანა და არა სასამართლომ. სამხედრო კომისარიატის შემდეგ წალკის შინაგანმა ორგანოებმა დაიწყეს ლევანის ვინაობის დადგენა.

ერთმა ღვთისნიერმა ორგანოს თანამშრომელმა ლევანს საიდუმლოდ უთხრა: — ჩქარა გამეცალე აქედან, შენს ცოდვაში ნუ გამრევო. ლევანი იმავე დღეს წამოვიდა წალკიდან.

— ჩემი ზღაპრული, ხანმოკლე ცხოვრება დამთავრდა და ხელში სინამდვილის მკაცრი კუდი შემჩრა.

იმ კეთილი კაცისადმი მადლიერების გრძნობით იყო ღრმად განმსჭვალული, კეთილ კაცს რა გამოლევსო საქართველოში. დედას არაფერი არ გაუმხილა. ისევ ცეკაეშირს მიაკითხა. ახლა ლუქსემბურგში (ახლანდელი ბოლნისი) გადაიყვანეს სამუშაოდ ისევ ეკონომისტად.

ბოლნისში ლევანი უკეთესად მოეწყო. ეს ქალაქი ადგილმდებარეობით, მოსახლეობით და საცხოვრებელი პირობებით წალკაზე უკეთესი აღმოჩნდა. აქ გერმანელები იყვნენ დასახლებული, კულტურული და სუფთა ხალხი, თანაც ეს ქალაქი თბილისიდან უფრო ახლოს იყო და მისასვლელადაც უფრო ადვილი.

ლუქსემბურგში ლევანი მუშაობით დღე და ღამეს ასწორებდა. ამ პერიოდს თვითონ ლიტერატურული აღმავლობის პერიოდი შეარქვა. აქ დაამთავრა ორი ნაწარმოები, უფრო სწორად დრამები — „მეფე ერეკლე“ და „ჩაძირული სოფელი“.

ერთ კვირა დღეს, როდესაც ჩვენ, დები, თინა, თამარი და მზია ლევანთან ვიყავით ჩასული, მან ღიმილით გვითხრა, მინდა ჩემი დრამიდან ერთი პატარა ნაწილი წაგიკითხოთო. მაინტერესებს თქვენი, როგორც მკითხველის აზრიო. ჩვენ ერთდროულად სამივე ავყაყანდით, ლევანი დავაფრთხეთ კიდევც, არ გვინდა მართო ნაწილი, მთლიანად წაგვიკითხე შენი ნაწარმოებით.

ლევანმა ჩვენ წინ მაგიდაზე ხელნაწერი გადაფურცლა. ბევრ ფურცელზე წაშლილ-წამოშლილი ადგილები დაეინახეთ ბევრზე კი, ტექსტის გვერდზე, ფანქრიან დახატულმა სხვადასხვა სახემ გაკვაკვირვა. თურმე ესენი ამ პიესაში მოქმედი პე-

რები იყვნენ. შემდეგ ხელნაწერის ბოლო ფურცელზე მოქმედ პირთა ჩაცმულობის ესკიზებიც გვიჩვენა.

როგორც ლევანმა აგვიხსნა, დრამა „მეფე ერეკლე“ დიდი ხანია ლიტერატურულად და ფაქტობრივი მასალით დაამუშავა. პიესა კი 18 დღეში დაწერა, გვითხრა, ეს ნახატები — ესკიზებია, მოქმედი პირები და მათი ჩაცმულობა მე ასე წარმომიდგენიაო, სული ჩავბერე და ავასულდგმულეო.

ბევრი ხვეწნა არ დაგვეპირებია. ლევანი დაგვთანხმდა პიესის მთლიან წაკითხვაზე. ჩვენ მის გარშემო მოხერხებულად მოვეკალათდით და გავინაბეთ.

საოცარი სიცოცხლით აულერდა ხელნაწერი. როგორც იტყვიან, პიესა ერთი სულის მოთქმით თავიდან ბოლომდე წაგვიკითხა. იმდენად მოგვეწონა, რომ აღფრთოვანებისაგან ხმა ვერ ამოვიღეთ. შერე კი სამივე ერთად ავეყაყანდით, სიხარულით ტაში შემოვკარით, ლევანს შემოვეხვიეთ და გადავკოცნეთ, ვაქეთ და ვადიდეთ. მან დიდი აღფრთოვანებით გვითხრა: — მე ავსახე საქართველოს მძიმე წარსული, დამოუკიდებლობისათვის ბრძოლის სულისკვეთება, მაღალი ეროვნული ზნეობა, შრომისა და ბრძოლის უნარიანობა, თვითშეგნება, პატრიოტიზმი, სიყვარული და ერაგულება. თუ ამას მივალწიე დ: გამომივიდა, ბედნიერი ვარ.

— ლევან, რას უპირებ ამ პიესას, არ უნდა გადასცე თეატრს? მოდი, გამატანე, დავაბეჭდინებ და მერე შენი საქმე შენ იცი, — ეხვეწებოდა თინა.

ლევანი დათანხმდა. ხელნაწერი თბილისში წამოვიღეთ და მეორე დღეს მემანქანეს წავუღეთ დასაბეჭდად.

სასიკეთო ამბავიც დაგვემთხვა, მზიამ გაზეთში ამოიკითხა ცნობა საუკეთესო პიესისათვის საკავშირო კონკურსის გამოცხადების შესახებ. ნაბეჭდის წარმოდგენა შეიძლებოდა ნებისმიერ ენაზე. დაწესებული იყო სამი ძალიან დიდი (რამდენიმე ათასი) ფულადი პრემია.

შემდეგ კვირას გადაბეჭდილი პიესით და გაზეთის ცნობით „შეიარაღებულები“ დილაადრიანად ლევანთან გავჩნდით. ლევანმა ძალიან გაიხარა თავისი პიესა გადაბეჭდილი რომ ნახა. ეს მისი პირველი ასეთი დასრულებული ნაწარმოები იყო. ამბობდა, ჩემთვის „მეფე ერეკლე“ არა მარტო მწიგნობრული ძეგლია უპირველესი, არამედ აბჯარია ქართველობისაო.

ლევანმა ბევრი იუარა კონკურსში მონაწილეობის თაობაზე, მაგრამ საბოლოოდ ჩვენს აზოვნას უარი ვეღარ უთხრა. პიესა მოგვცა.

— თქვენ, ჩემო კარგებო, ისე მთხოვეთ კონკურსში მონაწილეობას, თითქოს იცით, რომ უსათუოდ გავიმარჯვებ. რაც გინდათ, ის უყავით პიესას, თუ გინდა გავზავნეთო.

იმვე საღამოს დრამა „მეფე ერეკლე“ წესისამებრ გავაფორმეთ და მოსკოვში კონკურსში მონაწილეობისათვის გავგზავნეთ.

წალკაში ყოფნის დროს ლევანმა მეორე დრამაც დაწერა — „ჩაძირული სოფელი“. ეს იყო ცდა ნამდვილი ამბის პიესად შექმნისა და მისი საინტერესო სახით წარმოდგენისა. ლევანმა ბოლნისში დრამა ერთხელ კიდევ გადასინჯა და გადაამუშავა.

„ჩაძირული სოფელი“ ძალიან კარგი პიესა გამოვიდა. თვით ლევანსაც მოსწონდა. ჩვენ ხომ მთლად აღტაცებული ვიყავით. თითქოს არც კი გვჯეროდა, რომ ეს პიესები ჩვენი ძმის დაწერილი იყო.

სოფელი რეზა წალკის რაიონში მდებარეობდა. იგი ქართული სოფელი იყო თავისი მკვიდრი მცხოვრებლებით. ლევანმა ალგორითულად ეს სოფელი გამოიყენა, რომელიც უნდა ჩაძირულიყო ხრამქესის მშენებლობასთან და წყალსაცავის შექმნასთან დაკავშირებით. მის ნაცვლად სხვაგან დაიწყებოდა სოფლის ხელახალი აღორძინება. სიკეთე იმძლავრებდა სამომავლოდ.

მართალია, პიესა ხრამქესის მშენებლობაზეა აგებული, მაგრამ ლევანი თვით მშენებლობის საკითხს მხოლოდ გაცვრით შეეხო. მან წარმოიდგინა სოფლის გადასახლებასთან დაკავშირებული განცდები, სოფლის მკვიდრთა, განსაკუთრებით ხანდაზმული მოსახლეობის გულისტკივილი და ტრაგედია.

„თემა, — წერს ლევანი, — შეეხება ძველისა და ახლის დაპირისპირებას. ჩემს მთავარ მოქმედ პირს თავისი ბედი, სოფლის გადასახლებასთან დაკავშირებით, დიდი ხანია მოფიქრებული და გადაჭრილი აქვს. მაგრამ ის, ჩემი აზრით, რა სახათაც მე მაქვს მოცემული, არაა მოკლებული არა თუ ისტორიულ, არამედ თანამედროვე აქტუალურ მნიშვნელობასაც“.

პიესის დამთავრების შემდეგ ლევანს ურჩიეს ეს დრამა მი-

ეცა წასაკითხად რუსთაველის თეატრში მსახიობ აკაკი ხორავასთვის.

ლევანი რამდენიმე დღით თბილისში ჩამოვიდა და პიესა წასაკითხად ხორავასთან წაიღო.

ხორავა ძალიან უნდობლად შეხვდა ლევანს. დერეფანშიც დიდხანს აცდევინა და მერე უარი უთხრა პიესის წაკითხვაზე. დროის უქონლობა მოიმიზეზა.

— მე ეს სრულიადაც არ გამკვირვებია — გვიყვებოდა ლევანი. ის ნამდვილად დიდი მსახიობი და საზოგადო მოღვაწეა და დროის უქონლობა სრულიად მართებულა. მერე ისიც, რომ სრულიად უცნობი კაცი მოვედი და ლევან გოთუა ვარო. ვუთხარი. ეს სახელი და გვარი მას არაფერს ეუბნებოდა. ალბათ ბევრი აწუხებს თავისი ნაწარმოებებით. ახლა კი მე შემოვემატე. რომელი მწერალი მე ვარ, ვიდაცა უცნობი. ასევე უხმოდ, მართალია, უკმაყოფილოდ, შემოვტრიალდი და უკან წამოვედი. ხვეწნა ხომ საერთოდ ჩემთვის უჩვეულოა. გულში ძალიან მეწყინა. ეს პიესა ხომ ჩემი პირველი და, გამოგიტყდებით, საყვარელი ნაწარმოებია. მის ასეთ კრახს. ჭერ კიდევ სახალხოდ გამომზეურებამდე არ მოველოდი.

ხორავა დიდი ფსიქოლოგი ყოფილა, ჩემი გულისტკივილი იგრძნო და თავისი რიხიანი ხმით დამიძახა, მოიცადეო.

— ახლო მომავალში რომ წავიკითხავ, ამას ვერ შეგპირდები. ისე კი დამიტრევე. ნამდვილად ჩემს აზრს შეგატყობინებო.

ლევანმა პიესა დაუტოვა ხორავას. მოუთმენლად ელოდა პასუხს. ამბობდა, სანამ „ჩაძირული სოფლის“ ბედ-იღბალს არ გავიგებ, მანამდე სხვა პიესას არ გამოვაჩენო.

მეორე დღეს, დილაადრიაანად, სრულიად მოულოდნელად, დარეკა ტელეფონმა და ყველას გასაკვირად ლევანი იკითხეს. ლევანმა საკუთარი ყურით მოისმინა:

— მე აკაკი ხორავა ვარ. შე კაცო. უკვე დასრულებული მწერალი ყოფილხარ! ვინა ხარ? რა კაცი ხარ? ღამე არ დამეძინა, უბრალოდ გადავათვალე რე შენი „ჩაძირული სოფელი“. მერე სულ ვეღარ დავეძინე, ვეღარ მოვწყდი ნაწარმოებს და ბოლომდე ჩავედი, ტანში სულ ჟრუანტელი მივლიდა. თუ შეგიძლია, თეატრში გამომიარე, ჩემს მოსაზრებებს გეტყვიო.

ტელეფონის ზარმა სახლში დიდი სიხარული შემოიტანა. პატარა ბავშვივით ხარობდა ლევანი. ეს მისი პირველი დიდი

გამარჯვება იყო სამწერლო ასპარეზზე. სულ იმას იმეორებდა: თქვენ ხომ ხართ ჩემი პირველი მკითხველები და შემფასებლები, ჩვენი ოჯახის ლიტერატურული საბჭო. ჩემი უმთავრესი მკითხველები ხართ და ხომ გესმით თქვენი აზრი ჩემთვის როგორ ბევრს ნიშნავს. მაგრამ სულ სხვაა აზრი ისეთი კაცისა, როგორც მსახიობი აკაკი ხორავაა. ხომ შესაძლებელია მარტო მისი პირადი აზრი არ იყოს და ეს ამბავი ჩემთვის სამომავლო გზად იქცეს, ფართო საზოგადოებრივ ასპარეზზე გამიყვანოს. ეს ძალიან კარგია, რომ ხორავას მოეწონა ჩემი პიესა. თუ გინდ სცენაზე წურვ * დაიდგმებაო.

— რას ამბობ, ლევან, — ყველა ერთხმად ვაწყნარებდით ალღევებულ ლევანს, — სწორედ სცენაზე დაიდგმება, ხორავას მოეწონა „ჩაძირული სოფელი“ და ალბათ, როგორც შენ ფიქრობდი, მთავარ როლსაც ის ითამაშებს.

შემდეგ ამ ამბის მატერიალურ მხარესაც შევხეთ. ეს უალრესად ბუნებრივი იყო — ამ გაჭირვების დროს ოჯახისათვის ძალიან ხელსაყრელი იქნებოდა, რაზედაც ლევანი სასტრუქად გაჯავრდა კიდევ — ძალიან ადრეულად ნუ გარბიხართო წინ რა იცი, რა მოხდებაო, წინათგრძნობა მაინც აუგს მიგრძნობსო. ჩვენ ისე ვიყავით დარწმუნებული პიესის გამარჯვებაში, რომ ექვიც არაფერში გვეპარებოდა.

დიდი სიხარულით გაბრწყინებული, სულ ფრენით მივიდა ლევანი დანიშნულ დროს რუსთაველის უეატრში. დერეფანში შემთხვევით შეხვდა ხორავას, რომელიც ძალიან რიხიანად, ოდნავ არტისტულადაც, ხმამაღლა მიესალმა ლევანს და იქვე მდგომ ორ მსახიობს გააცნო, როგორც მომავალი მწერალი. მერე თავის ოთახში მიიპატიჟა. ხორავა დიდხანს უქებდა ნიქს და ტალანტს, ენის ნიწმინდეს და პიესის ორიგინალობას, შინაარსს და ფაბულას. მოკლედ, ყველაფერი ძალიან მოსწონებია, როგორც ყვებოდა ლევანი. მხოლოდ ბოლო მოქმედების, უფრო სწორად, პიესის დასასრულის შეცვლა მოუთხოვია, სადაც მთავარი მოქმედი პირი იღუპებოდა. პიესის დედააზრიც სწორედ ეს იყო: რეხას ხანდაზმულმა მაცხოვრებელმა ვერ დატოვა თავისი მშობლიური სოფელი, სათაყვანო ეკლესია. ეკლესიის გუმბათზე ავიდა კრიტიკულ ჟამს და ეკლესიასთან ერთად წყალში ჩაიძირა ზარების შემზარავი რეკვით.

ხორავამ უთხრა ლევანს: მე მინდა წამყვანი როლის თამა-

ში და შენ ეს ბოლო უნდა გადააკეთო. მე იქ სიკვდილი არ მინდა, მე ასე მიმაჩნია, მე უნდა გადავრჩე და ცოცხალი გამო-
მიყვანო. თანამედროვე პიესაში არ შეიძლება, რომ მთავარი
გმირი იღუპებოდესო.

— პიესის გადაკეთებაზე უარი განვაცხადე, ვინაიდან ჩემი
ჩანაფიქრი მტკიცე იყო. ამაზე ხორავას გული მოუვიდა და
ხმამალლა მომახალა: კაცო, ეს ვინ ყოფილხარ? ჯერ მწერალი
არა ხარ და უკვე შენი ჯიუტობის გატანა გწადია? პიესას აძვი-
რებ? მე გეუბნები, პიესა გადააკეთე, ჩემთან მოიტანე დასად-
გმელად. იცოდე, არ იზარალებ.

ლევანმა თავი შეურაცხყოფილად იგრძნო, მაგრამ შეპასუ-
ხებას მაინც თავის შეკავება არჩია.

— გავჩუმდი, სიბრაზისაგან ხმას ვერ ვიღებდი. ხორავამ
ჩემი სიჩუმე სხვანაირად შეაფასა. იფიქრა, რომ მომტეხა, სი-
ჩუმით ისარგებლა, ეშმაკურად შემომხედა და ჩამილაპარაკა:
შენ პიესის დაბოლოება როგორც გახოვ, ისე გადააკეთე, შე
კი ფულად საფასურს ერთი-ორად მოვამატებინებო. ასეთი
ყიდვა-გაყიდვის ანგარიშის დიალოგი განსაკუთრებით მეწყი-
ნა, მართალია, ხორავას პირადად არ ვიცნობდი, მისი კარგი და
დიდი კაცობაც ვაგონილი მქონდა, მაგრამ მასთან ამისთანა სა-
უბარს არ მოველოდი, საერთოდ ვერც წარმოვიდგენდი.

— ჯერ მწერალი არა ვარ, მართალია, მატერიალურად მი-
ჭირს, მაგრამ არც ჩემი ნაწერების გამყიდველი ვარ, — შეე-
კადრე ხმამალლა.

ხორავამ ჩემი ნათქვამი თითქოს ვერ გაიგო, პიესის საფა-
სური გაათქვია და დასძინა: — ამხელა კაცი ხელმოკლედ ხარ
და შენი ანგარიშიც გასაუგებია.

ლევანი სასტიკად აღელდა და გაჯავრდა:

— მე, მართალია, ხელმოკლედ ვარ, არც მწერლობაზე,
ვღებ თავს, მაგრამ ჩემი სულიერი საზრდოს და განცდების
ვაჭარი არასდროს არ ვყოფილვარ და არც გავხდები. თუ გნე-
ბავთ, პოესა ასე დადგით, თუ არა და მომეცით, უკან წავიღებ.

ხორავა სიბრაზისაგან წამოწითლდა, ფეხზე წამოდგა, ვერ
წარმოედგინა ვილაც უცნობ გოათუასაგან ასეთი წინააღმდეგო-
ბა. პიესა ლევანს გადასცა და ძალიან გაჯავრებულმა უთხრა:

— ვაი, ვაი, რომ სანანებლად გაგინდება ჩემი წყენინება.
ასე შენი პიესების დადგმას ვერსად ვერ ელირსები. მოფიქრე-

ბისათვის გაძლევ ერთ კვირას. ეს პიესა გადააკეთე, უკეთესი იქნება. თუ არა და, მერე ბევრს ინანებ და შენს თავს დააბრა-
ლო.

ლევანმა ხელი დასტაცა პიესას და თეატრიდან გარეთ გა-
მოვარდა. შინ აღშფოთებული მოვიდა, ყველაფერი დაწვრი-
ლებით გვიამბო. ძალიან განიცდიდა ხორავასთან ასეთ დია-
ლოგს. დედაც შეწუხდა. შეეხვეწა ლევანს — იქნებ მართლა
მოახერხო და ისე შეასწორო შენი პიესა, რომ თეატრში დაიდ-
გასო. ამისთანა დროში ასეთი განთქმული მსახიობის და დიდი
კაცის მომღერება არ არის კარგი და ზოგჯერ საშიშიცაა. ყვე-
ლაფრის ეშინოდა საწყალ დედას, ლევანი ცხარობდა: მე
ასე შევიგრძენი მთავარი გმირის განცდები, ასე მწამს მისი
ხასიათის სიმტკიცე და ცხოვრების ფასი. ყოველი გმირი ზომ
ჩემი შემოქმედებითი სულისკვეთებაა, ჩემი სულიერი სამყა-
რო. მე ამას ვერ გადავაკეთებო.

ასე გაცრუებული იმედებით დასრულდა „ჩაძირული სოფ-
ლის“ ბედ-იღბალი. ეს პიესა ლევანს შემდგომშიაც აღარსად
მიუტანია. გასაკვირია პიესების ისეთი გაჭირვების დროს, ასე-
თი კარგი დრამა, რომელიც მაყურებელს დიდ ესთეტიკურ სი-
ამოვნებას მოჰგვრიდა, არ დადგმულა. ლევანმა ნაწერი წიგნე-
ბის ღრმა თაროში ჩააგდო.

ლევანი მეტად მგრძობიარე კაცი გახლდათ, ძალიან მტკიც-
წეულად განიცადა პიესის კრახი. ისეთ ხასიათზე დადგა, თით-
ქოს მთელი მისი შემოქმედება დამარცხდა. ადგილს ვერ პოუ-
ლობდა, წერას გულს ვერ უდებდა და დროებით ხელი შეუშვა
ყველაფერს.

დაიწყო ლევანმა ხეტიალი და მოგზაურობა. ჯერ ბოლნი-
სის შემოვარენი დაიარა, მერე თეთრი წყაროს რაიონში გადა-
ინაცვლა, ყოველთვის გადაფურცლული ჰქონდა ვახუშტი ბა-
ტონიშვილის წიგნი და წითელი ფანქრით აღნიშნავდა რაღა-
ცას. მოკლედ, შემოიარა ქვემო ქართლის მრავალსაუკუნოვანი
არქიტექტურული ისტორიული ძეგლები, ტაძრები, მონასტრე-
ბი, დარბაზები, ძირფესვიანად შეისწავლა ალგეთის, ხრამი,
მაშავერის და სხვა მრავალი მდინარის მცირე თუ ღრმა ხე-
ობები. შემოიარა დიდგორის ველები, თავისი მომავალი ჩანა-
ფიქრისათვის განჭვრიტა დავით აღმაშენებლის „ძლევანი საკ-
ვირველი“, მისი მეფობა და ცხოვრება.

— ეს უნიკალური ძეგლები გულისტკივილით წარსულში გადამაყუდებს ხოლმე და ქართლის ცხოვრების ჭირ-ვარამს მთელი სისასტიკით მაგრძნობინებს.

თბილისში საქართველოსთვის უმძიმესი 1937 წელი მძვინვარებდა. რეპრესიები, გადასახლება და ალალ-მართალი ხალხის უგზო-უკვლოდ დაკარგვა ყოველდღიურ ცხოვრებად იქცა. ეს ამბავი მოქმედებდა ყველაზე და განსაკუთრებით საღატ მოაზროვნე ადამიანებზე, მით უფრო ლევანზე, რომელმაც თვითონ იწვინა მთელი ეს სისასტიკე. აღშფოთებული გაიძახოდა: საქართველოში რა ხდება, ვერ გამიგია. რესპუბლიკის თავკაცები მეტად საშიში პიროვნებები არიან, განდიდების მანიით შეპყრობილები, გაუკუღმართებული აზროვნებით, საუკეთესო ქართველებს ანადგურებენ, საშველი კი არსაიდან არის. როდემდე?

ლევანი შინაგან შიშს გრძნობდა. თბილისში იშვიათად ჩამოდიოდა, რაიონში კი ადგილს ვეღარ პოულობდა. გადაწყვიტა რამდენიმე ხნით მაინც გასცლოდა ამ საშინელ გარემოა, მთაში წასულიყო.

ჩეკას „მიჯაჭვებას“, კავკასიონს მივეჩაჭვები, — ირონიით ამბობდა ხოლმე. — ჩემი ოცნება მაინც დიდებულ მშობლიური კავკასიონის მწვერვალების დალაშქვრას, მარტო იქ, ყინულოვან სამყაროში ვგრძნობ სრულ თავისუფლებას და ყოველმხრივ სილალეს. ბუნება და ადამიანი ისე გულლიად და გულდაგულ ვერსად შეიყრებიან, როგორც მთაში თუ პიტალო კლდეზე.

ლევანმა მყინვარწვერისაკენ აიღო გეზი, ფიქრობდა გზაში რომელიმე მთამსვლელთა ჯგუფს დაუკავშირდებოდა და მათ გაჰყვებოდა მწვერვალზე.

დედოროაქის ბანაკში გაიგო, რომ გარიყრაჟზე მთამსვლელთა დიდი ჯგუფი ალიოშა ჯაფარიძის ხელმძღვანელობით უკვე წასულიყო მწვერვალის დასალაშქრავად.

ლევანმა გადაწყვიტა წასვლა, იმ იმედით, რომ ჯგუფს დაეწეოდა.

ბანაკში აურზაური შეიქნა, აუკრძალეს ყინულოვან სამყაროში მარტო, უგამყოლოდ ხეტიალი. გამყოლი კი არ ჩანდა. აბა, ლევანი ვის რას დაუჭერებდა, მაინც წავიდა.

— მეგზურად თავზე დაყუდებული, მზის ირიბი სხივით

ზღაპრულად გაცისარტყელებული და გაბრწყინებული, ქალა-
რა, დიდებული მყინვარწვერი მედგა. სულ ახლოა, თითქოს
მის ძირს, აი, შევებე კიდევო. ხოლო იქვე, ღრმა თოვლში და
ყინულზე ჭგუფის ნავალ-ნაკვალევი მიაღვილებდა გზას. ქათ-
ქათა სითეთრეში ჭაჭვივით ერთმანეთზე გადაბმული ქვევით-
კენ მოძრავი ცოცხალი ხაზი შევნიშნე, რომელიც მუხლს მი-
მაგრებდა, ძალას მმატებდა.

ჭგუფის დაწევის იმედი უკვე აღარ მქონდა, მათ მყინვარ-
წვერის დალაშქვრის და გამარჯვების შემდეგ ძირს შევეულად
ჩამოსრიალება დაიწყეს. ჩვენი შეხვედრა მყინვარწვერის თოვ-
ლიან კალთაზე იაგორას ნიშთან მოხდებოდა. ჭგუფიც, რო-
გორც მე, თვალყურს ზევიდან მადევნებდა.

— ეჭვი, ვინა ხარ, თოვლის კაცივით ასე მარტო მოხეტია-
ლე ყინულოვან სამყაროში, — შემომესმა ომახიანი ხმა.

ყველა გაკვირებული შემომცქეროდა.

სრულიად მოულოდნელად ჭგუფიდან ერთი მთამსვლელი,
მეტად ახოვანი და ლამაზი ვაჟკაცი ჩემკენ წამოვიდა:

— ბატონო ლევან! მე არჩილ ღუღუშაური ვარ, თქვენო
მოწაფე, ვლადიკავკაზის ქართული სკოლიდან. იქ ვსწავლობ-
დი 1930-31 წლებში, თქვენ ქარაულს მასწავლიდით. გიცა-
ნით, — ხმამაღლა, ყველას გასაგონად, რიხიანად წამოიძახა
მან. ჩვენ გადავკოცნეთ ერთმანეთი.

— ეს ლევან გოთუაა, ჩემი მასწავლებელი, მიმართა მან
ჭგუფს.

— ლევან, ეს სახელოვანი მთამსვლელი ჩვენი ხელმძღვა-
ნელი ალექსანდრე (ალიოშა) ჯაფარიძეა. გაიცანი!

— მე არწივს, ვეფხვს, ირემს ან ჯიხვს დავეძებდი, — იხსე-
ნებდა შემდეგ ლევანი, — აქ კი ჩვეულებრივი, ცოტა აღფრთო-
ვანებული, ცოტა დაღლილი, ცოტა მზედაკრული და ჩვეუ-
ლებრივი ადამიანი იდგა. ალიოშა მტკიცე, ძლიერი ნაბიჯით
წამოვიდა ჩემკენ და ღიმილით ხელი ჩამომარავა. იმ წუთშივე
შვეიგარძენი ამ მტკიცე ხელის სიძლიერე. ესეც მახსოვდა,
მტკიცე, ძლიერი ხელის პატრონს შინაგანი ბუნებაც ძლიერი
აქვს. უთუოდ ძლიერი პიროვნებაც არის ალიოშა ჯაფარიძე,
ამისთანა ბუმბერაზ და მიუვალ კლდესა და დიად მწვერვა-
ლებს რომ ერკინება და სძლევს კიდევ.

— მე თქვენ დიდი ხანია გიცნობთ. ბევრჯერ მსმენია თქვე-

ნი „საქმენი საგმირონი“, მაგრამ ვერსად შეგხვდით. ჩემი ოც-
ნება და ნატვრა თქვენთან ერთად მოგზაურობისა ვგონებ
დღეს ამისრულდეს, გულმა სიამე იგრძნო, — წამოვიძახე მე
და სიხარულით ხელი ჩამოვართვი.

— მე ზევიდან რომ თვალყურს გადავწვდი მყინვარების
სამფლობელოში მარტოდმარტო მოხეტიალეს, არ დაგიმალავ,
ასე ვიფიქრე, ან გოქია, შიზოიდი და აქ მოვიდა თავის მოსაყ-
ლავად; ან ვინმე მკვლელი, ბანდიტი არ იყოს, ვილაყას რომ
ემალება გამოქცეული, ან თავის მდგარ ხასიათსა და ძალას
ამოწმებს როგორც დევგმირი, რომელსაც მძიმე ყინულება
არაფრად მიაჩნია. ერთი, სწორად მითხარი — ამ სამიდან შენ
რომელს მიეკუთვნები?

როგორი დაკვირვებული კაცი ყოფილა ალიოშა, გავიფიქ-
რე უცებ. მისი ნათქვამი მართლაც მენიშნა, მეც ხომ ამჟამად,
საუბედუროდ, ჩეკას ვარიდებდი თავს, მაგრამ ამას როგორ გა-
ვამბეღდი.

— აქამდე მე გზაგაუკითხავი, მარტოხელა, მოხეტიალე
მოგზაური ვიყავი. მზოლოდ ერთმა განზრახვამ ამამოქმედა —
თქვენი ჭგუფის დაწევას ვლამობდი, დიდი სურვილი მქონდა
მყინვარწვერი თქვენთან ერთად დამელაშქრა, — სხარტად ვუ-
პასუხე. ქართველების სასახელოდ უნდა ითქვას, ამირანისა და
მინდიას ქვეყანაში ბუნების წვდომა მულამ იყო ადამიანის სუ-
ლისკვეთება.

— ნამდვილად კარგი აზრი გიტრიალებს თავში, — შემეპა-
სუხა ჭაფარიძე, — მაგრამ იქ, ქვევით, ბანაკშიაც, მწვერვალის
დალაშქვრის წინ რომ შემხვედროდი, მწვერვალზე მაინც ვერ
წაგიყვანდი, ასე უცნობს და ჩემთვის გამოუცდელს. შენი არც
ფიზიკური მომზადება და შესაძლებლობა ვიცი. მარტო სურ-
ვილი კი მთაში დიდს არაფერს ნიშნავს. ახლა უკან წამოგყვი-
ვი, მარტო ხეტიალს ამ უნდობ მყინვარებში არ გირჩევ, თავი
არ წააგო, სადმე არ გადაიჩეხო. სიცოცხლის ფასი უნდა
იცოდე.

შევიშმეუბნე, მართალი იყო ეს კაცი, ხომ სრულიადაც არ
მიცნობდა. ვაი, ვაი, რომ სიცოცხლის ფასი ჩემზე უკეთ არა-
ვინ იცოდა. ცოტა გულიც კი დამწყდა ასეთი უნდობლობის გა-
მოცხადებისათვის, ისიც ასე საჩაროდ. მეორეს მხრივ, ხელ-
მძღვანელი სავესებით მართალი იყო. ყოველ მოქმედებას, მიო

უფრო მთაში, აქვს თავისი დაუწერელი, დაუნდობელი წეს-კანონები.

ჩაფიქრდი, შევყოყმანდი, შემპარავად ისევ მყინვარწვერს გავხედე, ის ამაყად გაბრწყინებული ჰალარა თავით ჯაღოსნურად მიზიდავდა და თითქოს მიხმობდა. ბუმბერაზი ძალიან ახლოს იყო ჩემგან, თავზე დაყუდებული.

ვიგრძენი, ვერ დავთმობდი ამ ცდუნებას. უცებ მომაწვა სურვილი და ვერაფრითაღი ძალა უკან ველარ დამაბრუნებდა.

— მე მაინც დავლაშქრავ მწვერვალს, — შევბედე შეპასუხება, — და მერე ვეცდები თქვენს ჯგუფს დავეწიო.

პასუხს აღარ მოვუცადე, უცებ შემოვტრიალდი და მწვერვალისკენ გავსწიე. ჯგუფის მიერ უკვე მაღალთოვლში გაკვალულ აღმარის შევუდექი. ხანდახან ჩემს თავს იმაშიაც ვიჭერდი, რომ ჩემდაუნებურად თვალი ქვევით ჯგუფისაკენ გამიბრბოდა და მის მსვლელობას ვამჩნევდი, ისიც კარგად გავარჩიე, რომ ჯგუფს გაველო სახიფათო ყინულოვანი მთაგრეხილი და თოვლის ველზე შეჩერებულიყო ჩემკენ მომზირალი. აშკარა იყო, რომ მიცდიდნენ, მარტო არ დამტოვეს და ჩემ დაბრუნებას ელოდებოდნენ. მყინვარწვერი აღვილად დავლაშქრე. ჯგუფის მიერ დატოვებულ წერილს ჩემი პატარა ბარათი დავუმატე და თავქვე დავეშვი. პირველი არჩილ დუდუშაური მომეგება, გამარჯვება მომილოცა, ვიგრძენი, რომ ალიოშა ჯათფარიძეს ეამა ჩემი გამბედაობა.

— შენ ძლიერი კაცი ყოფილხარ, — მომაძახა მან, — მაგრამ ჩემი სიტყვა დაიმანსოვრე, მარტო ხეტიალს ამ მთებში მოეშვი.

— მაშინ ჩამრიცხეთ თქვენს ჯგუფში და ყაბულს ვიქნები.

— კარგო, — მომაძახა ალიოშამ და წინსვლა განაგრძო.

მეც დინჯად გავყევი ჯგუფს ჩამკეტად, უფრო ალიოშას კვალს ავეკიდე.

აქედან დაიწყო ჩემი და ალიოშა ჯათფარიძის მეგობრობა, დამყარდა სულიერი კონტაქტი. გულმა გული იცნო და მარჯვენამ მარჯვენაო, ჩვენზე იტყვიან, — ხშირად იტყოდა მერე ლევანი.

ლევანს აკვირვებდა ალიოშას გარდასახვა, დაკავშირებული მწვერვალთა დალაშქვრასთან, რაც მის სულიერ სიძლიერეს გამოხატავდა. ქვევით, ველზე, ეს წყნარი და დინჯი კაცი, მთა-

ში თუ ყინულოვან კლდეებზე უძლიერეს დევგმირად გარდაიქმნებოდა, რაც არ უნდა მძიმე დასაძლევნი ყოფილიყო. ყინულოვანი ფიქალი კლდეები თუ მიუღღგომელი მწვერვალები, ალიოშა ვეფხვივით მაგრად მოკიდებული თითქოსდა ბრჭყალებით, უსაზღვროდ მოქნილი ტანის მოძრაობით ოსტატურად შეფოფბდებოდა და ამაყ მწვერვალს ქვეშ მოიქცევდა. მაშინ უნდა შეგეხებდათ მისთვის — სამშობლოს თუ ბუნების უსაზღვრო სიყვარულის გრძნობა როგორი შარავანდელით მოსავდა.

— ალიოშასთან მთამსვლელურმა თოქმა სამუდამოდ დამკავშირა. ჩვენ განა მარტო მთამსვლელობა და ძნელსავალი გვაერთიანებდა, განა მარტო მწვერვალებისა და ბუნების სიყვარული, მთამსვლელობა ჩვენში მარტო მთაზე მსვლელობა არასოდეს ყოფილა, ეს ჩვენი ეროვნული ისტორიისა და გეოგრაფიით ნაკარნახევი მოღვაწეობაა, ქართული სულით გაყვნილი.

ლევანი აღფრთოვანებული იყო ოსტატის, ნაცადი მთამსვლელის, გეოლოგის ალიოშა ჯაფარიძის პიროვნებით, მისი ყოველმხრივი ნიჭით, ფართო მასშტაბის აზროვნებით, საქართველოს ბუნების უზადო ცოდნით, სიყვარულითა და ქომგობით. ალიოშა დაჯილდოებული იყო ნამდვილი ვაჟკაცური ბუნებით, იყო უაღრესად დიდი პატრიოტი.

დედლორაკის ბანაკში ცოტა ხანში ალიოშა ჯაფარიძემ ლევანს კავკასიონის სხვა მწვერვალის დალაშქვრაში მონაწილეობის მიღება შესთავაზა, რაზედაც ლევანი სიხარულით დათანხმდა. ეს იყო ალიოშა ჯაფარიძის ხელმძღვანელობით საქართველოს სამთო კლუბის ექსპედიცია, რომლის შემადგენლობაში შედიოდა 10 საუკეთესო მთამსვლელი. გადაწყვეტილი იყო ასვლა მწვერვალ შავანახე. ეს მწვერვალი სიმაღლით 4430 მეტრს არ აღემატებოდა ზღვის დონიდან, მაგრამ სიძნელით მე-3 ხარისხს უდრიდა. ექსპედიცია დაიწყო 1937 წ. 15/IX. შავანა ძნელად მისადგომი, უყარებელი ხრიოკი მწვერვალია. მრავალმა მთამსვლელმა შეატეხა თავისი ძალა უშედეგოდ. ჯგუფს მდინარე ხდეს ხეობით უნდა ევლო. სწორედ ხეობის თავზეა აყუდებული მწვერვალი, შეიძლება ითქვას შავანას ჩრდილი ხდის ხეობას აწევსო.

ლევანი აღფრთოვანებული იყო ხდის ხეობის სილამაზით. როგორც ბავშვი, ისე განიცდიდა და გულთან ახლოს მიჰქონდა

და კინოფირივით სწრაფად მონაცვლე ულამაზესი ხედება, ზერები, წყაროები, ჩანჩქერები, მდინარეები, ბუმბერაზი მყინვარები და მწვერვალები. ერთ-ერთი სიმაღლიდან წინ, მოპირდაპირე მხარეს, დარიალის ხეობა და ციხის ნანგრევები რომ დაინახა, ხმამალა წამოიძახა:

„ტილო დარიალო...
კლდნი ხარ ცარილაო“.

— ხშირად ჩუმად, მალულად, ფიქრებში გადავევარდები. მახსენდება ჩემი მძიმე ცხოვრების წინა წლები, როგორ დაეძრწოდი ქურდულად, ქურდი დარიალში. მშობლიურ მიწა-წყალზე, მწვერვალებზე აუ ველებში ვპოულობდი სულის სიმშვიდეს და სრულ თავისუფლებას. მაშინაც კი, როდესაც ჩეკას მიჭაჭვული ვიყავი, მშობლიური ბუნება იყო ჩემი მფარველი და მაცოცხლებელი. ახლა კი რა მომდის, თვითონ არ მესმის... როდესაც სინამდვილეში თავისუფალი ვარ, გალაღებული და ჩემი თავის ბატონ-პატრონიც, თითქოს ორმაგად უნდა შევიგრძნო თავისუფლება. სწორედ ახლა ვარ შებოქილი: გულზე ლოდად მაწევს საქართველოში ეს მძიმე, საშინელო წელი. შინაგანი თრთოლევა და ჭავრი დამჩემებია, ხშირად ავითნებურად ფიქრი იქით გამირბის. დიახ, დღევანდლობა საშინელმა დრომ მოიტანა, შერკინება უშედევგოა და მთაში ვეძებ ჩემი თავისუფლების თავშესაფარს. რატომ, რისთვის? მე თვითონაც ამ მძიმე ამოცანას ვეღარ ვხსნი. ჭერ ხომ არაფერი მეშუქრება, ჩემი გულისტკივილი ზოგჯერ ქარწყლდება მშობლიური ბუნების საოცრებებით, მაშინ სრულყოფილად ბედნიერი ვარ. ჩემს გარშემო შესანიშნავი ხალხია — მთამსვლელები, გულადი, ერთგული, მოაზროვნე, უშიშარი და მედგარი ადამიანები. სხვა ხასიათის კაცი მთაში ვერც გაძლებს. ხეობაში ღამე ჩამოწვა, მონაქროლმა სიომ ყუროდან, შინოდან და უდრეკი შავანიდან მძიმე ფიქრი განდევნა, აწმყოში გადმომისროლა:

„მაგათ უქირავთ სიმაგრე
დარიალის და ხდისაო“...

გარიყრაუზე ხდის ხეობის სათავეს მივადექით. ამბობენ, რომ ვინც ამ მდინარის წყალი დალია და წყურვილი მოიკლა, ხდედალეული შეერქმევაო.

მე ხარბად და უცნაური სიზვიადით წკრიალა წყლის ქაფს დავეწაფე.

— ძმებო, ძმებო, მეც ხომ თქვენსავით ამის შემდეგ ხდე-
დალელული ვარ, თერგდალელული კაცი.

ამ ხეობაში მთამსვლელები გაბმით მიედიოდით. მათ მყარ
ბიჭებში დაძლეული მწვერვალის რიხი იმჩნეოდა.

ალიოშა — შთის წინამძღოლი — ათას მზერად ზომავდა
მწვერვალს, არჩევდა გზა-გეზს, უფრო იოლ სავალს ჩვენს
ასაყვანად. ალიოშა მრავალმხრივი საზოგადო მოღვაწეც იყო
და მწერალიც, ჩვენი დიდებული მწერლებისა და საზოგადო
მოღვაწეების უმაღლესი, უმარადიულისი ძეგლების დამდგმე-
ლი და მომნათვლელი. ის წინ გაიჭრა, კვალდაკვალ მისდევდა
ჩვენი ქარავანი აოკვადამული. მთაში თოქსაც აქვს მეტყვე-
ლი ენა. ყოველი ნაბიჯი მთაში საფრთხილოა, როგორც ცხოვ-
რებაში, ღრმად განსაჭვრეტი და გასაზომი. სულ წინ და მალ-
ლა სწრაფვა, სიძნელეების დაძლევა და მწვერვალების დაპყ-
რობა, ეს სიხარული, ზეციური შეგრძნებაა. თუ ერთხელ ეს
განცდა განიცადე, მთას ველარ ჩამოსცილდები: ყველა მონაწი-
ლეს აქვს თავისი ნიშან-სვეტი, ხასიათის შინაგანი განწყობა,
რომელიც მთაში ადვილად ვლინდება.

ლევანმა თავისებურად დაახასიათა თითოეული მათგანი:

1) ალიოშა ჭაფარიძე. ამ სახეში ხასიათს ვერ ამოიცნობ,
ვნებათა ღელვას და ნებას ვერ წაიკითხავ... იქნებ სწორედ ეს
არის ნების მწვერვალი. ეუმზერ და მიკვირს, ამ მხრებზეა შე-
წყობილი მრავალი ბუმბერაზი მწვერვალის ძლევა, ამ მუხლმა
და ხერხემალმა გადახნა თითქმის მთელი კავკასიონი. მანვე
ძმის სისხლი აიღო თეთნულდის წვერზე, შესანიშნავ მთა-
მსვლელ დასთან — ალექსანდრასთან ერთად. თავისი დაუღ-
ვომელი ლტოლვით პამირი დალაშქრა, იქვე ფეხის ათივე თი-
თი შეატოვა. მაინც არ მოიდრია. ეს უღალატო „მთა მურაზი“
ახალ მწვერვალებს ახალი ძალით ეჭიდება. მთაში თუ კალამი
მე მეკუთვნის, წერაყინი და სული ალიოშასია.

2) არჩილ ღუღუშაური. მთასვლის ინსტრუქტორი. რომან-
ტიკული ბუნების კაცია, დღიურებს წერს. ოდესღაც ჩემი მო-
წაფე, ახლა დამეწია და მთამსვლელობაში მასწავლებლობასაც

მიწვევს. ესტატე ღუღუშაურის ძლიერი მოდგმაა. საუკეთესო სპორტსმენი ძმები ჰყავს ძლიერი სულით — პავლე, ირაკლი, ლევანი.

ლამაზ ლეგენდასა ჰყავს ჩემი და არჩილის შეხვედრა მთაში. სწორედ ამაზე იტყვიან — მთა მთას ვერ შეხვდებო, თორემ კაცი კაცს კიო. შავანაზე ასელის დროს სულ ჩემს გვერდით იყო, გაჭირვებაში მეხმარებოდა.

3) ნიკო ტარასაშვილი. გეოლოგი, მთამსვლელი, სწავლული, უაღრესად კეთილი და კარგი მეგობარი. მთაში მძიმე პირობებში ხშირად დედაჩემის სიტყვები მაგონდებო: სამი შვილი ჰყვანიან გამომივიდა. მეოთხე კი ალპინისტიყო.

4) კოტე ჭავჭავაძე, კარგი გეოლოგი და მთამსვლელი, ბრგე, ვაჟკაცი კაცი, სწავლული, განათლებული. მთაში დინჯი მოაზროვნე, ბარში ხუმარა, მხიარული, მოსიყვარულე, დიდი პასუხისმგებლობის გრძნობით დაჯილდოებული.

5) ჟორა ქავთარაძე — მთამსვლელი, ინსტრუქტორი, ენაშახვილი და ხალისით სავსე. კარგი მეგობარი, ბრგე კაცი, მომმარაგებელი განსაკუთრებით წყლის შოვნაში. წყურვილმა დაღლა იცის, დაღლამ კი წყურვილიო, დალიეთ წყალი, რამდენიც ვენებოთ, მაგრამ ესეც დაიმახსოვრეთო.

6) ოსმან კაზალიკაშვილი — ყველაზე ახალგაზრდა ჩვენს შორის. კაზალიკაანთ „გორისა“. მწვერვალების ჯიხვობა და არწივობა მუხლში და გვარში მოსდგამთ.

7) ვასო ხაიკაშვილი — მოხევე, კარგი მთამსვლელი, ფიციბელი და მტკიცე. იცის თავაზი სიტყვაში, იცნობს ხდის ხეობაში ყოველ ბილიკს. კარგი მონადირეა.

8) იოსებ არუთინოვი — ტოპოგრაფი, კარგი მთამსვლელი. სიძნელეში გამტანი, კეთილი კაცი, ყველას მოსიყვარულე და მზრუნველი.

9) ევგენი ფირმუკი — მთამსვლელი, ინსტრუქტორი, დაკვირვებული, ბევრგზის გამოცდილი, დინჯი, წყნარი, მთაში გამძლე, კარგი მეგობარი.

10) მე, ლევან გოთუა, რომელმაც წერაყინი და კალამი ხელში ერთად დავიკავე. მთელი არსებით ბუნების წიაღში გადავეარდი, მშობლიური კავკასიონის ყინულოვანი მწვერვალების სიღიადემ და წარმტაცმა, ზღაპრულმა სილამაზემ დამატყვევა და ჩემი კალამი აამეტყველა. სულიერი სიმშვიდე და სიამაყე შემმატა.

ამ საზოგადოებამ კიდევ ერთხელ დაამტკიცა შინაგანი მთლიანობა; ამაღლებული ერთობლივი ერთვნილი სულისკვეთება, ვაჟკაცობა, მძლეობა და ბრძოლისუნარიანობა ბუმბერაზი სიძნელეების დაპყრობაში.

მოგვყავს წიგნიდან („ხდედალეული“) ამოკრებილი რამდენიმე სტრიქონი:

„ეკრეტნო სამნო არწივნო
და ვეფხვნო, სალის კლდისაო,
ჩამოდით, ჩამოტიადით,
მტერი შავიდგათ ძირსაო...
...საქართველოს მთამსვლელები
მთაში მოვედით ქარადა“...

„და, აი, მწვერვალი შამანა დაძლეულია, აზრი გავარდა დაპკრა ხერხემალს, მუხლმა ხტომა მოზიდა. აქ ნებაც არის, ძალაც და, რაც მთავარია და უპირველესი ჩემთვის, წმიდათა-წმიდა თავისუფლება“.

ლევანი ლაღობდა მწვერვალზე ასვლით. მის ჩანაწერებში დიდი სიამაყე და სიძლიერე ვლინდებოდა, დღიურის მინაწერში კი ადამიანთა შეფასებაა: „მთამსვლელობა უპირველესად ვაჟკაცობაა, ნებისყოფისა და ჯანის ურთიერჭიდილი, მუხლისა და სიტყვის სიმტკიცე, ხასიათის სიმყარე, გაუტეხაობა, სიამაყე, ერთსულოვნება, სიკეთილე, ურთიერთგატანა, დახმარება, თუ გინდ ურთიერთ თავის შეწირვა. დიახ, ეს თვისებებო თუ გაქვს მოჭარბებული, ნამდვილი კაცი ხარ, ყველგან კაცად ვარგინარ და მთებში მით უფრო გამოდგები. იქ კი, ღრმა ბარში, რა უბედურებაა, ღირსეული თუ უღიწილი ერთნაირად უნდა ეფარებოდეს თანამედროვე რიტმს და გულისცემას. ისეთი მძიმე ღრონი მეფობენ, რომ ძლიერებიც უძლურდებიან“.

მწვერვალზე ყველამ სიამაყე და სიძლიერე იგრძნო. შავანაზე პირველი ამსვლელი (1935 წ.) გერმანელი ყოფილა, დოქტორი ლუდვიგ ობერშტაინი. მას ამხანაგიც ჰყოლია — ბაუე-

რი, მაგრამ ის მწვერვალზე ვერ ასულა. ჩვენს ბარათს ნეტავ ვინ ჩამოიტანს? სასურველია დიდებული კავკასიონის ყველა მწვერვალზე პირველ ამსვლელებად ქართველი მთამსვლელები იყვნენ, რომ „სამომავლო პატარა წვლილი“ სამომავლო საქმეში გადაიზარდოს.

ლევანმა 1937 წელს „მწვერვალ შავანაზე ასვლის“ ჩანაწერები შემდგომ გადაამუშავა და 1940 წელს პატარა წიგნად გამოსცა — „ზღვდაღუღნი“. ეს წიგნი უძღვნა ოსტატს, ნაცად მთამსვლელს — ალიოშა ჯაფარიძეს. ამ წიგნს ლევანის ცხოვრებაში ორმაგი მნიშვნელობა ჰქონდა: ჯერ ერთი, რომ „ზღვდაღუღნი“ ლევანის პირველი ლიტერატურული ნარკვევი იყო, რომელიც პატარა წიგნის სახით დაიბეჭდა. თინა ამ პატარა წიგნით ლევანს ლიტერატურის დიდ სარბიელზე გასვლას უწინასწარმეტყველებდა და ეუბნებოდა: ეს პატარა წიგნი, აი ნახე, შენ, ლევან, კარგ მეგზურად გამოგადგება ლიტერატურის ღრმა, შეუღწევად სივრცეებშიო. მეორეც, ალპინიზმის ისტორიაში პირველად დაიბეჭდა ასეთი ნარკვევი, სადაც არა მარტო მწვერვალზე ასვლის კონკრეტული ფაქტებია აღწუსებული, არამედ ლიტერატურულ ფორმებში საკმაოდ დამაჯერებლად და წარმტაცადაა ასახული მწვერვალ შავანის დამაშქვრის დროს გადატანილი განცდები და მწერლის თვალით ხილული სურათები. „შავანამ მე შემასისხლხორცა ალპინისტების დიდ ჯგუფთან, გამიჩინა ნამდვილი მეგობრები, რომლებსაც ყველა საკითხში ვენდობი. აი, რა არის მთა და მწვერვალი“, — სიამაყით გვიამბობდა ლევანი.

ლევანმა იმდენად შეგვაყვარა მთები, რომ ჩვენ ყველანი — სანდრო, თინა, თამარი და მზია მთამსვლელები გავხდით.

მოგზაურობის შემდეგ ლევანი რამდენიმე დღით სახლში ჩამოვიდა, დედა გაახარა. კარგად გამოიყურებოდა, მზისგან დამწვარი, უფრო დავაჟკაცებულიყო. მერე ლუქსემბურგში წავიდა კვლავ, თავის ეკონომიკურ საქმიანობას შეუდგა.

საქართველოში ვითარება ყოველმხრივ გამწვავებული იყო. ლევანი სახლში ჩაიკეტა, წერა-კითხვას მონატრებულმა უფრო ენერგიულად მოჰკიდა ხელი ლიტერატურულ მოღვაწეობას.

— ჩემდაუნებურად ვჩქარობ და ვფრთხილობ, — ხშირად ამბობდა ის, — რატომ, არ ვიცი.

ერთ დღეს ლუქსემბურგში ლევანი სრულიად მოულოდნე-

ლად რაიკომში დაიბარეს. ლევანი იქ არ გამოცხადდა და შეუთვალა: პარტიული არა ვარ, სამსახურშიც თბილისში ვარ გაფორმებული, აქ მივლინებით დროებით ჩამოვედიო. მართალია, რაიკომიდან მოეშენენ, მაგრამ ცოტა ხანში სამხედრო კომისარმა სამსახურში მიაკითხა, სამხედრო ბილეთი მოსთხოვა და პასპორტი შეუმოწმა. გაუკვირდა, რომ სამხედრო ბილეთი საერთოდ არ ჰქონდა და ჩაწერილი არსად არ იყო. იქვე ავტობიოგრაფია დააწერინა. ლევანმა თითქოს წყნარად, მაგრამ დიდი შინაგანი თრთოლვით დაიწყო ავტობიოგრაფიის წერა. გრძნობდა, როგორ ეცლებოდა ფეხქვეშ ნიადაგი. ეს უკვე მისი ლუქსემბურგში და შესაძლებელია საერთოდ ყოფნა-არყოფნის საკითხს შეეხებოდა. საშინლად აღელვებულმა ავტობიოგრაფია ჩამდენიმე სიტყვით მოხაზა: „მე, ლევან გოთუა, 32 წლის, სამხედრო ვალდებული არა ვარ, გასამართლებული არ ვყოფილვარ, 12 წელიწადი ვიყავი პატიმარი, როგორც „დიდი პოლიტიკური მოღვაწე“. ახლა განთავისუფლებული ვარ და თბილისის ცეკავშირში ვმუშაობ ეკონომისტად. დროებით აქ ვარ მოვლინებული, სანამ თბილისში ჩამწერენ“. ლევანი თავის ბიოგრაფიას საერთოდ ასე მოკლედ წერდა. ავტობიოგრაფია კომისარს გადასცა. სამხედრო კომისარმა კითხვა რატომღაც ხმაღალა დაიწყო. ჯერ რძიანად, შემდეგ სათვალე გაისწორა და ხმას საგრძნობლად მოუკლო. ამასთან ერთად თვალები თანდათან გაუფარაოვდა.

მერე საშინლად გაბრაზებულმა ლევანს შესძახა:

— რა, გამამასხრე ამ ბიოგრაფიით? ეს რა არის?

ლევანმა ძალიან აღელვებით უპასუხა: სწორედ, სავალალო ის არის, რომ დაწვერე სრული სიმართლე. გთხოვთ ვაუკაცურად, ცოტა ხანს დამაცადოთ და მე თვითონ წავალ აქედან, საცა თბილისის ჩაწერა გაფორმდება.

ლევანი ადგა და სამხედრო კომისარს ჩუმად გაეცალა. საშინლად დელავდა. ორკოფულ მდგომარეობაში ჩავარდნილმა არ იცოდა როგორ შემოტრიალდებოდა ეს საქმე. ახლავე გაქცეულიყო აქედან, სად წასულიყო, ამ ზამთრის მოლოდინში მთაში განდგილადაც ვერ წავიდოდა. თუ წყნარად განეგრძო მუშაობა. ასეთმა დაჭიმულმა მდგომარეობამ ჩამდენიმე დღე გასტანა. შემდეგ ლევანმა ველარ მოითმინა, რაც იქნება იქნება და გაბედა, თვითონ მივიდა კომისართან.

— ველარ ვისვენებ, დამშვიდებას თქვენგან ველი. ამდენ გაურკვევლობას ველარ ვიტან, არ ვიცი, ამჯერად როგორ ვიქნები. საერთოდ გადავრჩები, მითხარიო? მირჩიეთ როგორ მოვიქცე, ქართველი კაცი არა ხართ? მე უკვე დავიბენი.

კომისარი, შუა ხნის, პატიოსანი ქართველი კაცი, გაოგნებული შესცქეროდა, მერე დააწყნარა: წადი, თავისუფლად იმუშავე, მე სანამ აქა ვარ, შენ ხელს უბატონოდ ვერავინ გახლებსო. ავტობიოგრაფია ლევანის თვალწინ დახია და ჩუმაღ იყავიო, გააფრთხილა. ამჯერად ბოღიშთან ერთად ლევანმა კომისარს დიდი მადლობა გადაუხადა.

გავიდა საქართველოსათვის უმძიმესი 1937 წელი. რაც ხდებოდა საქართველოში და, კერძოდ თბილისში, ძნელი ასაღწერია. განადგურდა ისედაც მცირერიცხოვანი ქართველი ერა. ლევანი რაიონში ადგილს ვერ პოულობდა, მეტად შეწუხებული იყო სამშობლოს გაურკვეველი მომავლით, იმ შემზარავი გარემოცვით, რაც მთელ საქართველოში სუფევდა.

„მოლოდინი დღით-დღე ამდგ...
მოლოდინსაც უნდა გარჩევა,
დღეს მივიღე ბარათი საქართველოდან,
თურმე მელიან.
მე კი აქ ვარ ლურსმანივით ნაჩაქჩქევით...“

საშინელი ბრძოლის სულისკვეთებით ჩამოვიდა კიდევ თბილისში, თავისი ჩანაფიქრი ოჯახს გააცნო:

— მძიმე ფიქრები მომაწვა, არ შემიძლია შევეგუო ამ უსამართლობას. ბევრი საზრუნავი და საოხავი განვქვერიტე, სიკვდილის შიშით დავკარგე, ქართველთა უმოწყალოდ განადგურების ასე უშოქმედოდ ცქერა, ცხოვრების მიღმა ყოფნა შეუძლებელია. გადავწყვიტე: საჭიროა მოქმედება — ჩემი და ჩემი თანატოლი ამხანაგების არალეგალურიდან აქტიურ მუშაობაზე გადასვლა. ნუთუ ვერაფერს ვერ გავხდებით?!

— რას ამბობ, ლევან, — სასოწარკვეთილებით შევეძახეთ ყველამ. შენ ალბათ ვერ საზღვრავ დროს და მთავრობის სისასტიკეს. ახლა პოლიტიკური ბრძოლის გამოცხადება შეუძლებელია, ეს ნიშნავს შენი და მთელი ჩვენი ოჯახის განადგურებას.

ცხარე კამათის შემდეგ ლევანი ძლივს დავითანხმეთ, რომ

სადღეისოდ ამის წამოწყება შეუძლებელია და საჭიროა უფრო ხელსაყრელი დროისა და პირობების გამოჩნება. მიუხედავად ამისა, ლევანმა თავისი განზრახვა მაინც გაუმხილა თავის ამხანაგებს, მაგრამ ამაოდ. ძალიან გულნატკენი დაბრუნდა შინ, ხალხი ისეთი დაშინებული და დაკნინებულია, ამის მოსმენაკი არ უნდათო. მერე თავის თავს უძღვნა ქალაქის ნაგლეჯზე ეს ჩანაწერი:

„არის ფიცი გატეხილი, არის დუღაბი
და არის კიდევ უპიროვნო ჩამონაწოლი.
შენ ალბათ გვიან დაიხეხილე, რომ
იმდღურები, და გინდა ბრძოლა
სურვილ დამშეულს“.

ლევანმა თბილისში იმდენი მძიმე ამბავი გაიგო და მოისმინა, რომ თავითონაც შეშინდა. ისევ რაიონში წავიდა და მთლიანად გადავარდა მწერლობაში. ზამთრის გასვლას მოუთმენლოდ უცდიდა. ზაფხულში კი ისევ მთაში აპირებდა წასვლას.

— განდევნილი მთაში უნდა წავიდე, იქ არის ჩემი თავშესაფარი და თავისუფლება. ორპირი სატევარი — ტკივილი და დაამებაო, — ხშირად იმეორებდა ის.

1938 წელი ლევანისათვის მაინც სიკეთით დაიწყო. ოჯახში დიდი სიხარული შემოფრინდა. გაზეთ კომუნისტში აღმოჩნდა პატარა ცნობა: საქართველოში ცხოვრობს მწერალი ლევან გოთუა, რომლის პიესამ „მეფე ერეკლეშ“ საკავშირო კონკურსში, მოსკოვში გაიმარჯვა და მაღალი ჯილდო დაიმსახურა. ჩვენ კი, საქართველოში, არც მწერლის ვინაობის და არც პიესის არსებობის შესახებ არაფერი ვიცითო. მაშინვე ლევანთან გავიქეციოთ და გავახარეთ.

ეს მისი ლიტერატურული ნიჭის პირველი გამარჯვება იყო, ისიც საკავშირო აღიარება. აღელვებული ლევანი სულ იმას გაიძახოდა: შეიძლება მეშველოს რამეო. იმედი მიეცა. ხომ სულ ეშინოდა, ბედმა არ გამწირბს, ისევ არ ჩამავდოს განსაცდელშიო. სადღაც განგება შეძლებისდაგვარად მაინც მფარველობსო. „ჩაძირული სოფლის“ ჩავარდნამ დროებით ლიტერატურაზე ხელი ააღებინა. ამდენი ხნის მოსკოვიდან უპასუხობამ „მეფე ერეკლეზე“ კი სულ დაუკარგა იმედი.

ჩვენთვის ნათელი იყო, რომ ამდენი ხნის მანძილზე პიესა „მეფე ერეკლეს“ შესახებ არაფერი ცნობა რომ არ მოვიდა. ამას ლევანი ძალიან მწვავედ განიცდიდა, მაგრამ დუმდა, მით უფრო, რომ კონკურსის ვადა დიდი ხნის ჩათავებული იყო. ახლა ალაპარაკდა სიხარულით: — ალბათ პიესამ არ ივარგა, ვერ გაიტანა თავი, — ასე ვფიქრობდი, ახლა კი... ხარობდა ლევანა.

ლევანმა გადაწყვიტა ლიტერატურული შემოქმედებისათვის სერიოზულად მოეკიდა ხელი და ისტორიულ თემებზე დიდი ტილოები შეექმნა. ამისთვის კი საჭირო იყო მასალების შეგროვება ბიბლიოთეკებში, მუზეუმებში და არქივებში. დაბრკოლება დიდი იყო — თბილისში ჩაუწერლობა. მაინც გადაწყვიტა თბილისში გადმოსახლება.

ცოტა ხანში ლევანმა ლუქსემბურგში ანგარიში გაასწორა და თბილისის ცეკავშირში გამოცხადდა:

— ეკონომისტობას უაეს ვანებებ და მწერლობას ვიწყებო, — განუცხადა მან ქალბატონ ლიზა მუსხელიშვილს. ქალბატონი ლიზა ჩვენს ოჯახს კარგად იცნობდა და ლევანს ეჩმარებოდა. მას ყოველთვის უთანაგრძნობდა. ამ მთავრობისაგან თვითონაც მეტად გაწამებული იყო, ქმარი უდანაშაულოდ დაუხვრიტეს, თვითონ და პატარა გოგონა — ნონა ძლივს გადაერჩნენ რეპრესიას, რამდენი წვალება გადაიტანა, ვინ მოთვლის? იმ წელს როსტომ მუსხელიშვილთან ერთად 15 საუკეთესო პატრიოტი ვაჟკაცი — ქართული ჯარის წარმომადგენლებიც დახვრიტეს. მამა ხშირად დიდი სინანულით იგონებდა ა. ანდრონიკაშვილს, ვ. წულუკიძეს, გ. ხიმშიაშვილს, კ. აფხაზს, ნ. ზანდუკელს, ს. ბაგრატიონ-მუხრანსკის და სხვებს.

ქალბატონმა ლიზამ გაკვირვებით და უნდობლად შეხედა ლევანს — საიდან სადაო, კარგი ეკონომისტი კაცი ხარ ღარად გინდა მწერლობაო.

— მე ამაყად ჩიბიდან გაზეთი ამოვიღე და წავაკითხე, — გვიყვებოდა ლევანი, — ქალბატონმა ლიზამ დიდი სიხარულით გააცნო თავის თანამშრომლებს ჩემი თავი, როგორც მომავალი დიდი მწერალი. მე შემრცხვა. ასეთ წარდგენას არ მოველოდი, წინააღმდეგობაც გავუწიე. ჯერ არავინ იცის და, მათ შორის მე თვითონაც, რა მწერალი გამოვალ-მეთქი. მაგრამ ქალბატონმა ლიზამ ღიმილით მითხრა: — შენ თუ ცუდი მწერალი

გამოხვალ, უკეთესია ისევ აქ, ჩვენთან მოდი, ცეკავშირში, აქ კარგი ეკონომისტის სახელი დაიმსახურეო.

ლევანი თბილისში გადმოსვლისთანავე შეუდგა ჩაწერაზე ზრუნვას. ინტენსიურად დაიწყო საჯარო ბიბლიოთეკაში შემდგომი პიესისათვის მასალის მოპოვება.

თბილისში ჩაწერა იგვიანებდა, მისთვის ეს იყო მეტად მტკივნეული საკითხი, ამიტომ ცდილობდა ზედმეტად არავის შეემჩნია მისი აქ ყოფნა.

— XX საუკუნის სრულყოფილი გრძნობა ნამდვილად ახლა დაგკარგეო, — იმეორებდა ის. მისი გადასახლებიდან დაბრუნების შემდეგ ორ წელზე მეტმა დრომ განვლო. თბილისში კი ვერა და ვერ ჩაეწერა, აეშალა ფიქრები ლევანს. დედამ ვინ არ შეაწუხა, მთავრობის ყველა ინსტანციას განცხადებით მიმართა. პასუხი არ იყო.

ზაფხულის ერთ დღეს, სრულიად მოულოდნელად, ლევანი ისევ ჩეკაში გამოიძახეს. რა თქმა უნდა, ისევ აღრიცხვაზე აიყვანეს და თბილისში ჩაწერის ნება დართეს.

— მე, სულმთლად მართალს, რა მჭირს ასეთი? — ცხარობდა ლევანი, რატომ? რისთვის? მუდმივად ამ მძიმე და უნდობი დაწესებულების მეთვალყურეობის ქვეშ უნდა ვიყო? ხომ ყველა სასჯელი მოვიხადე, თავისუფლება მივიღე, ახლა რაღა უნდათ ჩემგან.

— ნუ დეღავ, ლევან, ხომ არ შეიძლება ყოველთვის ასეთი რეპრესიები და 1937 წელი მძვინვარებდეს. საქართველოში ვინდა უნდა დარჩეს. ალბათ, ცხოვრება მალე ჩადგება კალაპოტში, — ვამშვიდებდით ოჯახის წევრები.

1938 წელს, როგორც იქნა, ლევანი მუდმივ საცხოვრებლად ჩაწერეს თბილისში. ჩაწერის გულისწყრომა მალე დაივიწყა. სანამ საქართველოში ვარ, უნდა ვიმოქმედო და ვიშრომო ჩემი სამშობლოს საკეთილდღეოდ, მერე რაც იქნება იქნებაო, ხალხნი ვართ და ყველაფერი გამოჩნდებაო, გადაწყვიტა მან.

ლევანი თბილისური ცხოვრების აქტიური წევრი გახდა, მისი მოღვაწეობაც სხვადასხვა მიმართულებით წარიმართა. მეტად ინტერესიანი კაცი გახლდათ. წაკითხულს, გამოგონილს, ვინმეს ნაამბობს თუ სადმე მოსმენილს გულისყურის გარეშე არ როგვებდა, შემდგომში უსაათოდ საფუძვლიანად გაარკვევ-

და. შეისწავლიდა, უამრავ ლიტერატურულ ძველ თუ ახალ წყაროს, წიგნებს დაკვირვებით გადაფურცლავდა და მისთვის საჭირო მასალას უბის წიგნაკში გადაიტანდა. ზოგჯერ წითელი ფანქრით შემოხაზავდა კიდეც. ეს, მისი გაგებით, იმას ნიშნავდა, რომ განსაკუთრებულად საინტერესო მასალაა და ახლო მომავალში გასარკვევიც.

— სხვადასხვა მნიშვნელობის წიგნები არსებობს, კეთილი და ავი, საზიანო, — ხშირად იმეორებდა ლევანი. — არის წიგნი-მეგობარი, არის წიგნი-მასწავლებელი, არის დედის წიგნი — მშობლიური სამყარო. ეს ქართლის ცხოვრებაა. გზაც წიგნია და ცხოვრებაც, მთაც წიგნია, ზოგი დაწერილი და ზოგი დაუწერიელი, ზეპირად ნათქვამი, გულის ფიცარზე და შუბლის ძარღვზე გაკრული. ვუშველოთ ამ კეთილ წიგნებს, სასოებით შემოვიწინახოთ, ვაზიაროთ ახალგაზრდები სიმართლის წიგნებს. ავაშოროთ ისინი ამ ბოლო პერიოდში საოცრად გამრავლებულ გაყალბებულ, დამახინჯებულ, არაპატრიოტულ, მავნე და საზიანო წიგნებს.

უცნაური ნიჭის და მეხსიერების პატრონი იყო ლევანი. ერთხელ ჩაფიქრებულს ვერ დაივიწყებდა და, როგორც კი ოდნავ შეღავათს იგრძნობდა, თუ გინდ 10 ან 20 წელი ყოფილიყო გასული, ამ ოცნებას მაინც შეისრულებდა, ამ თემას მაინც დაუბრუნდებოდა. მაგალითად, ზემო ხვედურეთში ნანახი და განცდილი, აორმეტი წლის შემდეგ, 1944-45 წლებში, შემოწმა და შესანიშნავი ნოველა გამოაქვეყნა — „ყინვისის ანგელოზი“.

1946 წლის გაზაფხულზე მოგზაურობის დროს ნანახი და ჩანახაზი „ხილთა ქება“ 1964 წელს გამოაქვეყნა. ბავშვობაში ნანახი თემის ხეობის ციხე-კოშკები და რკონის მშვენიერა გარემო 20 წლის შემდეგ აღწერა და გამოაქვეყნა.

— თითქოს ოდნავ ფარდას ავხდი და წვრილი გორგალძეებივით ფაქტები ერთმანეთს აეკინძება, — ამბობდა ხოლმე ლევანი. — ღრმად განცდილი ჩემს მახსოვრობაში, ხშირად მთლიანად გამონათლება და დიდხანს, დიდხანს მოსვენებას არ მაძლევს. საოცრებით აღსავესება ჩვენს სასუკეარ სამშობლოში უამრავი საძიებელი, აღმოსაჩენი და მოსაძებნი ფაქტები, ჩვენი უძველესი კულტურის, განათლების, სიბრძნისა და ძლიერ-

რების დამადასტურებელი. ისევ მოგზაურობა, ხეტიალი, ისევ ძებნა უპოვარის.

თუ წარსულის ისტორიაში ვერ გაერკვие, ასე იფიქრე, აწმყო ზერელედ იცი, მრმავალზე ხომ სულ ვერ იფიქრებ.

ადამიანი, რომელიც არ იცნობს თავის მიწა-წყალს, არც არის ღირსი ამ მიწა-წყლისა. ქართული ენაც ხომ ჩვენი, ქართველების ახმაურებული მიწა-წყალია, აქ მცხოვრებმა ყველა ერმა უნდა გაითავისოს და შეიყვაროს.

საქართველოში რამდენი იღუმალეებით აღსავსე ისტორიული ძეგლია. მიუვალი საიდუმლო სვეტები თუ შეუღწევადი ქვაბულები ხომ ჩვენი მშობლიური ისტორიის განუყრელი ნაწილია. ვახუშტის წიგნი — ეს ხომ გზა-კვალია. ვეძიოთ, ვიკვლიოთ წინაპართა ღვაწლი. მაშინ მომავალსაც სწორად აღვიქვამთ და შევითავისებთ.

ჩვენი ერის უძველეს მოდგმას სამოგზაუროდ მუდამ ორი უბე-აკვანი ჰქონდა მღელვარე შავი ზღვა და დიდებული თეთრი კავკასიონი.

ლევანმა მოიმარჯვა კალამი და წერაყინი და მთელი საქართველოს მთა-ბარის შემოვლა დაიწყო. მოინახულა ადგილები, სადაც ახალგაზრდობაში გადასახლების გამო ვერ მიადწოა, დაწყებული დიდებული კავკასიონის მარად დათოვლილი უმაღლესი მწვერვალებიდან, გათავებული ზღვის სანაპიროთი. უამრავ ახალგაზრდას აულერლა ამის სურვილი. ბევრი მეგობარი გაიჩინა, მათთან ერთად იმოგზაურა.

— მოგზაურობა სულის გალღებაა, ის ჩემს გულსა და კალამსაც უფრო ამოქმედებს, ვიდრე ცივი გონება და მოვლენათა ხელზუსტი აღნუსხვა, — ხშირად იმეორებდა ლევანი, — წარსულის სიბრძნე წაიკითხე შიშველი გულით და სცადე ჩემზე მეტი ამოიკითხო. მოგზაურობა და ისტორიული ძეგლების შესწავლა ჩემი სანუკვარი ოცნება და სიყვარულია, სწორედ ეს მამოქმედებს ყოველთვის.

1938 წლის ზაფხულში საქართველოს მთამსვლელობა კლუბში ალიოშა ჭაფარიძემ ახალი პატარა ჯგუფი შეადგინა კავკასიონის მიუვალი მწვერვალების დასალაშქრავად და ლევანიც ჩართო. ჯგუფი 4 წევრისაგან შედგებოდა: ალიოშა ჭაფარიძე (ხელმძღვანელი), მისი და ალექსანდრა — სათნო, ამასთან ერთად ძალიან გამჭრიახი, მედგარი და ვაჟკაცური ბუნე-

ბის, გამოცდილი მთამსვლელი ქალი, კოტე ჯავრიშვილი და ლევან გოთუა — მთის დიდი ტრფიალი.

ლევანი იგონებდა: ცოტა ხნის შემდეგ სტუმარიც შემოგვე-
მატა — ვანო გალუსტოვი. გულგალაღებულ სტუმარმასპინძ-
ლობა ქართველების შეუვალი და ულამაზესი კანონია. საკუ-
თარ კერაში სტუმრის მიღება უფრო გვიყვარს, ვიდრე თავად
სტუმრობა. მით უფრო მთაში, ყოველთვის ხელხვაიანობის
გადამეტება გვირჩევენია (შეძლების მიუხედავად), ვიდრე მოკ-
ლება.

ეს ლაშქრობა უაღრესად მძიმე და საპასუხისმგებლო იყო. ექსპედიციას უნდა გაევიღო მეტად საინტერესო და უმძიმესი გზა, დაკავშირებული ბევრი მწვერვალის დალაშქვრასთან და უსახელო, ღირსშესანიშნავი მწვერვალების ნათლობასთან, ეგრეთ წოდებული ბეზინგის კედლის ტრავერსი ცენტრალური კავკასიონის ქედზე. დაწყებული ფასის მთიდან, გათავებული აილამის ჩალეწილი ყინვარით და უფრო ქვევით ჩაგლუვებუ-
ლი ყინვარით დიხ-კოტიუ-შულოი-სუთი. ამ მწვერვალის სახე-
ლიც მის სიძლიერებზე და დაპყრობის სიძნელეზე მეტყველებს. ვერც დედაჩვენის თხოვნა-მუდარამ, ლევანი მთაში აღარ წა-
სულიყო და ინტენსიურად მოეკიდა ხელი წერისათვის, ვერც დების ერთიანმა ჩხუბმა ვერ გაჭრა — ლევანმა მთაში წასას-
ვლელად მზადება დაიწყო.

მართალია, ჯგუფი ძლიერი იყო, მაგრამ ტრავერსი მეტად მძიმე იქნებოდა. ჩვენი სახლი გადაიქცა საჭურვლის საწყობად. გაივსო მთამსვლელთა სათადარიგო აღჭურვილობით, საძილე ტომრებით, თოკებით, წრიაპებით, სურსათ-სანოვავით, მოკლედ, ექსპედიციისათვის საჭირო საშუალებებით. ყველა ჩვენთან იყრიდა თავს: ალიოშა, ალექსანდრა, კოტე და სხვა ალპინისტები, უმთავრესად სვანები და მოხევეები, მთაში გამოცდილი მრჩევლები. ბჭობდნენ, ერთმანეთს გამოცდილებას უზიარებდნენ თუმცა მთა-გორებამდე და მწვერვალამდე ჯერ საკმაოდ შორი იყო, მაგრამ გული უკვე ლაღობდა, მუხლი ვარჯიშობდა და ფვალი ძღებოდა, — ხარობდა ლევანი ულამა-
ზესი მშობლიური სურათებით, რომლებიც აღმართთან ერთად სულ უფრო შთამბეჭდავი ხდებოდა. „ზევით, ცასთან ახლოს კი გულმხურვალე მთამსვლელებისათვის კარი ფართოდ გაი-

ლება და თავს მოგვაწონებენ ულამაზესი, დიადი ბუმბერაზი მწვერვალები“.

ამინდიც ხელს გვიწყობდა, — განაგრძობდა ლევანი, — გულდაგულ მთას აყევით და მდინარე რიონის სათავესთან პივედით, ქვისა და ყინულის სამყაროში. ღამით მთებში ჯერ ირგვლივ ყველაფერი ბურუსით დაიფარა, მერე უეცრად ქარბუქი ამოუარდა, ისეთი, მარტო კავკასიონის ყინულეთში რომ იცის. შემდეგ კი ამინდი საგრძნობლად შეიცვალა, თოვლი მუქი სიხშირით ბარდნიდა. ფიფქებს ქარბუქი ქახრაყივით ატრალებდა და ისევ ზეცისაკენ აზიდავდა, ქმნიდა ჯადოსნურ ქარბორბალას. მერე მოულოდნელად წვიმა წამოვიდა, თოვლ-ჭყაპი და ხოშკაქალა. ჩვენი ნაკვალევი უკვე აღარ ჩანდა. მძიმე პირობებში ჩავვარდით. უამინდობა აქ მერეც გვდევდა მთელა ექსპედიციის განმავლობაში და ჩანაფიქრს გვირევდა.

მთაში წინასწარ ვერ განსაზღვრავ ამინდს. მაინც დინჯად შევეუდექით მაჩხაფარის აღმართს, ავდრობით აძაგრულ გზას.

გადასავალმაც ცუდად მიგვიღო. იქ მწყემსები შეგვხვდნენ, ათასი ცხვარი ჰყავდათ: გზააბნეული. მაღლი მოვისხით, გზა გავეუქვალეთ, მეგზურად დავუდექით, სამშვიდობოზე გავიყვანეთ. დიდი მაღლობა და ერთი ცხვარიც დავიმსახურეთ. მეორე დილას ნისლი შეიჩხა, ჩავედით ცხენისწყლის სათავესთან. ძლივს გადავლახეთ ზევესაშიში ფერდობები და ზესხოს გადასავალს გავცდით. ავდარმა გზა და დრო გავვიგრძელა. ასეთ თოვლში ტვირთის ზიდვა მეტად მძიმეა და კლდეზე ცოცვა — სახიფათო. შემდეგ მზემ გამოანათა. კავკასიონის ქედს მივყვებოდით. ჯერ მწვერვალი მაჩხაფარი დავლაშქრეთ. 1932 წელს სოსო ასლანიშვილისა და სანდრო გვალიას დატოვებული წერილი ჩამოვიტანეთ (სიმაღლე 3600 მ). შემდეგ ფასის მთაც მოვინახულეთ, აქედან მოსკოვის რადიოინსტიტუტის მთამსვლელთა მიერ დატოვებული ბარათი ჩამოვიტანეთ (3786 მ). შემდეგ გეზი მწვერვალ შარითაუსაკენ ავიღეთ, ესეც დავლაშქრეთ. ამრიგად, ტრავერსის პირველი რკალი შეიკრა: მაჩხაფარი-ფასის მთა-შარითაუ-მაჩხაფარი, უსახელო ზესხოს სათავეები. იდეას, რანაირიც არ უნდა იყოს ის, მაშინ უწერია განხორციელება, როდესაც აღამიანი ამ საქმისათვის თავდადებულია.

მივადექით მძიმე ადგილს — „თეთრ სავალს“, „თეთრ ხა-

ფანგს“. ალიოშას სწორედ აქ მოუსწრო უღარობამ შარშან და უკან დაახვეინა. ამინდი ახლა უფრო გვეწყალობდა. წინ ორი უსახელო, ძნელი მწვერვალი იყო აყუდებული. ორივეზე ავე-დით და მოვნათლეთ კიდეც — დავარქვით „მარჯანიშვილის ქიმი“ და „სულხან-საბა ორბელიანი“. სიმაღლე 3600 მეტრი იყო, მაგრამ ურთულესი ასავალი, სულ ყინულზე ვიყავით ჩამოკიდებული — „თეთრ უცნობ“ უსახელო ფიტნარგინსა და წურუნგალას შორის. კავკასიონის პარნასის ამ ნაწილს კიდეც ერთი მწვერვალი შევმატეთ — ნინოშვილის ქიმი (სიმაღლე 3500 მ), შემდეგ ფიტნარგინის მყინვარის ძირში ცენტრალური კავკასიონის მიუვალ მწვერვალებს მივადექით. დავლაშქრეთ მწვერვალი „შავი უცნობი, (4100 მ) და „თეთრი უცნობი“.

ჩვენ თვალწინ უბრწყინვალესი კავკასიონის ცენტრალური ქედი გადაიშალა მთელი თავისი სიდიადითა და ბრწყინვალე-ბით. გასწვრივ კავკასიონის ორი უდიდესი კედელია — ბეზინგისა და მიურიგის. ამ ორ ზვიად კედელს შორის ერთმანეთის პირისპირ ორი უდიდესი მწვერვალია — „რუსთაველად“ და „პუშკინად“ მონათლული.

მწვერვალ წურუნგალაზედაც დავდგით ნიში.

მეტად მძიმე აღმოჩნდა მეორე დღე. უამინდობის გამო 17 საათი თოკზე ვეკიდეთ. ღამე უარესი დაგვიდგა. ქარბუქი და ყინვა საგრძნობლად გაძლიერდა, სავალი დაგვიხშო ყოველ-მხრივ. სიცივე ტანში ატანდა. ყველა მონაწილეს ფეხები დაუ-ზიანდა, მაგრამ ჩემს მეტი ყველა გადაურჩა სრულ მოყინვას. გადასახლებაში მოყინულმა ფეხის თითებმა თავი შემახსენა, შემომიტია. ტკივილი გამიძლიერდა. უკან დაბრუნება ვარჩიეთ, სამშვიდობოს ძლივს ჩავედით. გახდისას წინდებს თითების კანი და სისხლი აჰყვა. თითების სილურჯემ და ალაგ-ალაგ სი-შავემ ყველას თვალნათლად დაგვანახა მძიმე მოყინვა. სიარულ-ლი მაკირდა. კოტე ჯავარიშვილმა ყავარჯნები გამომიჭრა. ძლივს ჩავალწიეთ მდინარის რიყესთან და დავბანაკდით, იქი-დან სოფლებიც ახლოს იყო და ადამიანებიც, სითბოც და საკ-ვებიც.

მოყინვამ თურმე ფიქრისა და ოცნების გამახვილება იცის. თვალს დაეხუჭავდი თუ არა, იმწუთშივე ჩვენი ექსპედიციის სვლა-გეზი ამოტივტივდებოდა. „თეთრი სავალის“ გავლა პირ-ნათლად ჩავათავეთ... კავკასიონზე ამ რეგიონში აღარ არის გა-
200

უვალი „თეთრი ადგილი“, „თეთრი მახე“. ქედსაქედ გადაღ-
ლილია 12 მწვერვალი, ზოგიც მონათლული, შედგენილია მათ-
ზე ტექნიკური აღწერილობაც.

დღეს 8 ოქტომბერია, ჩვენი მთებთან გაყრის უამიცი დადგა.
მე, მართალია, თბილისში ფეხების ტკივილი მიმაქვს, მაგრამ
თან მიმყვება ბუმბერაზ ყინულოვან მთებში ნანახითა და სუ-
ლიერი ვანცდით გამოწვეული დიდი კმაყოფილების გრძნობა,
მშობლიური მთების უსაზღვრო სიყვარული და უკან მობრუ-
ნების დაუოკებელი სურვილი. ჩემს წასაყვანად მოსულებთან
ალიოშა ვაჭრობს (მთაში თურმე როგორი დიდი ფასი მადევს,
ა. ვიცოდი. ჩეკაში და იქ, ბარში, რომ არაფრად ვლირვარ?!).

ლევანმა საავადმყოფოში 2 თვე დაჰყო. ფეხის ამბუტაცი-
ის საშიშროებაც იყო, შემდეგ კი პროფესორმა გრიგოლ მუხა-
ძემ მარცხენა ტერფზე 4 თითი მოჰკვეთა. ლევანი საწოლიდან
მალე ადგა, ყვარაჩენი მოიმარჯვა, კატარა მაგიდა და უამ-
რავი ფურცელი მოითხოვა. წერას შეუდგა. მასზე არც ლამა-
რაკი მოქმედებდა და არც ხმაური. როცა ვმუშაობ, სხვა არა-
ფერი მესმისო, იტყოდა. უნდა ჩქარა ვწერო, უნდა მოვას-
წრო...

ქალალდი არ ჰყოფნიდა მაშინაც კი, როცა ბევრი ჰქონდა
დაგროვებული.

ქალალდის უქონლობის პერიოდში, გადასახლების დროს,
ციხეში, რაზე არ წერდა, მიწაზე, კედელზე, სკამზე, მაგიდა-
ზე, იატაკზე, ფანჯრის რაფაზე.

— ფანჯარი რომ არ მქონდა, ხშირად ლურსმნითაც კი,
„ლურსმნულ სიტყვებს ვწერდი. ქალალდის ნაგლეჯებს და
გაზეთებს ვიყენებდი.

რვეულები, რვეულები გამომიგზავნეთო, გადასახლებიდან
ყველა წერილში გვეხვეწებოდა. ჩვენც, რაც შეგვეძლო, ვუგ-
ზანიდით და ვუგზავნიდით, მაგრამ უბედურება ის იყო, რომ
ხშირად ლევანამდე არ აღწევდა.

1940 წლის გაზაფხულზე ლევანმა ლიტერატურულ მუშაო-
ბას უფრო აქტიურად მიჰყო ხელი. სულ ბიბლიოთეკებში იყო,
თავის დრამებს აწესრიგებდა. „მეფე ერეკლეს“ პეატრისათვის
გადასაცემად ამზადებდა, მუშაობით დღე და ღამე გასწორე-
ბული ჰქონდა. გვიკვირდა მისი დაუშრეტელი ენერჯია. დაღლა
საერთოდ არ იცოდა. რა იყო.

— ადამიანს ვიდრე შეუძლია, ყოველთვის აქტიურ მოძრაობაში უნდა იყოს, იქნება ეს შემოქმედებითი ძიება თუ ფიზიკური დატვირთვა. მე ამ დროს ყოველთვის შებადება რაღაც ახალი შემოქმედებითი სულისკვეთება.

ერაზხელ, წერს დროს, 5 დღე და ღამე გადააბა უძილოდ თავისი ოთახიდან საჭმელადაც არ გამოსულა. ჩვენ ვწუხნდით, ვეკითხებოდით, ლევან, ავად ხომ არა ხარ, რაშია საქმე?

ლევანმა გაკვირვებით გვიპასუხა: მე შემოქმედებითს ძიებაში ვარ, ჩემი რომანის ერთ-ერთი მოქმედი პირი ორმოში მყავს ჩამწყვდეული და იმის ამოყვანის შესაძლებლობას ჯერ ვერ მივალწიე, ვინაიდან სხვა უფრო მნიშვნელოვანი და ღირსშესანიშნავი აზრები მომაწვა, თქვენ კი ხელს მიშლიათ. ლევანს უქმელობა და უძილობა სულ არ აწუხებდა, ალბათ ესეც შიჩვევის ამბავი იყო.

ყველასათვის ცნობილია, რომ გარდა თანამედროვე თემატისა, ლევანი საქართველოს ისტორიით იყო გატაცებული.

— თემის კარგად დასამუშავებლად საკმარისი არ არის ძირითადი ლიტერატურული წყაროებიდან მოინახოს ფაქტები, აღნუსხვები და დაემატოს საკუთარი ფანტაზია. ჩემი აზრით, უფრო მნიშვნელოვანია მოგზაურობა, თვალნათლივ დანახვა და გულდაგულ ფართოდ შესწავლა ყოველივე იმისა, რაც ამ თემის ირგვლივ არსებობს და მის გარშემო ტრიალებს. ყოველ შემთხვევაში, ჩემი მუშაობისათვის ეს აუცილებელი პირობაა. მე ვეყრდნობი ისტორიულ ძეგლებს. არქეოლოგიურ გათხრებს, ადგილმდებარეობისა თუ მთა-ბარის აღწერას; მოსახლეობის დახასიათებას, თქმულებებს, ანდაზებს, ლეგენდებს და საერთოდ ყოველივე იმას, რაც ჩემს თემასთან არის დაკავშირებული, არსებულ ცოცხალ თუ საუკუნეებში წასულ მასალათა საკუთარი თვალის განჭვრეტას და საკუთარი ალღოთი და გრძნობით აღქმას. მე ისტორიულ ძეგლებს ერაზხელ კი არა, რამდენჯერმე თვალს ვავლებ და ყოველივე ახალს ჩემთვის ვინიშნავ. ყოველი წვრილმანიც ამოტივტივდება ხოლმე, რომელიც წინათ შესაძლოა ვერ შევამჩნიე და არც თუ ისე უმნიშვნელოა. დიდი ძალაა მებსიერება, უფრო ახალგაზრდულა, შთაბეჭედავი, მით უფრო კალამიც თუ ზიკრიც, იტყოდა ხოლმე ლევანი. მაგალითად, ისტორიული რომანი „გმირთა ვარამი“ გადასახლებაში დაწერა წინა წლების მოგზაურობის მასალის

დამუშავების საფუძველზე. მესამე გადასახლებიდან დაბრუნების შემდეგ კი ერთი კვირა გრემის სამრეკლოზე, ზარებს შორის ცხოვრობდა. ზემოდან გადასცქეროდა გრემ-ქალაქის ნანგრევებს, რომელიც სულ ახლებურად შეიგრძნო. აქ ყველაფერი უფრო ღრმად განვკვირვებ და შევისისხლხორცე, რის შემდეგაც ჩემს წიგნში ბევრი რამ შევაკეთე და გადავამუშავეო, — ამბობდა იგი.

ჩვენთან სახლში თანდათან მოუხშირეს მოსვლა რუსთაველისა და მარჯანიშვილის თეატრების წარმომადგენლებმა. მათ პიესა „მეფე ერეკლე“ აინტერესებდათ. განსაკუთრებით აქტიურობდა ხორავას სახელით მოსული წარმომადგენელი რუსთაველის თეატრიდან.

— იცით, ლევან, — აღფრთოვანებით ამბობდა ის, ვერ წარმომიდგენია, რომ აკაკი ხორავას საქართველოში ჰყავდე! მეტოქე ან ბადალი მეფე ერეკლეს როლის შესრულებაში. ია შეუდარებელი, ბრწყინვალე და შეუცვლელი იქნება. საერთოდ პიესაც ჩვენს თეატრში კარგად დაიდგმება,

— მართალია, ხორავა საუკეთესო მსახიობია და მისთვის მე პიესაში „ჩაძირული სოფელი“ საუკეთესო როლი მქონდა განსაზღვრული, მაგრამ ამის ასრულება ვერ მოხერხდა, ჩვენ ვერ შევთანხმდით. ნუ მიწყენთ, მეფე ერეკლე მე სულ სხვანაირი წარმომიდგენია და ამას სხვა შემსრულებელი უფრო მოუხდება. ჩემი „ჩაძირული სოფელი“ კი თეატრის მიღმა დარჩა ხორავას წყალობით.

მალე ლევანმა „მეფე ერეკლე“ მარჯანიშვილის თეატრს გადასცა.

— ჯერ ეს პიესა გავიდეს თეატრში კარგად. ვნახოთ, ხალხი როგორ მიიღებს. მერე კი მე იმდენი დრამა მაქვს მოფიქრებული და დასაწერი, რომ თბილისის ყველა თეატრს ეყოფა, — ღიმილით გვეუბნებოდა ლევანი. სპეციალურად ხორავასთვისაც დავწერ როლსო.

ერთ დღეს ლევანი საშინლად აღელვებული და შეძრწუნებული დაბრუნდა შინ — ქუჩაში ჯაშუში ამეკიდაო. ჩვენ ყველანი გავშეშდიან შიშისაგან. მაინც დავეჭვდით, იქნებ მოეჩვენაო. რამდენიმე დღის შემდეგ ისევ გვითხრა, „ჩემი ჩრდილი“ (ასე შეარქვა ჯაშუშს) ნამდვილად დამდევსო, ძალიან უსინდისოდ და მოურიდებლად, ნეტავი ვიცოდე რისთვის?

ახლა პოლიტიკისთვის არა მცაოია და არც ვერევი. დრამა-ტურგია და მწერლობაა ამჟამად ჩემი სულისკვეთება.

ლევანი სახლიდან წავიდოდა თუ არა, ჩვენ ფარდას ამოფარებული ვუყურებდით ჯაშუშს, რომელიც ლევანს მისდევდა. ახლა ჩვენ ვადევნებდით თვალყურს მას, გვინდოდა გაგვეგოვინ იყო, რა უნდოდა. რამდენიმე დღეში ამ ახალგაზრდა კაცს მთელი ოჯახი უკვე კარგად ვიცნობდით.

ლევანი ქალაქში მხოლოდ აუცილებელ შემთხვევაში გადიოდა. ხშირად წიგნებზე ბიბლიოთეკაში ჩვენ გვგზავნიდა.

— ეს არ არის კარგი საქმე, — წუხდა ლევანი. როგორ მოქცეულიყო, ვისთან წასულიყო, ვისთვის შეეჩივლა, ვისთვის მიემართა არ იცოდა. ჯაშუში იმდენად გათავხედდა, რომ უკვე ჩვენს ქუჩაზე აშკარად დასეირნობდა ლევანის მოლოდინში.

ერთხელ ლევანმა განგებ ბევრი არბენინა, დამალობანაც ეთამაშა, ძალიან დაღალა, მერე კი ველარ მოითმინა, უცებ შემობრუნდა და „ჩრდილს“ პირისპირ შეხედა, ხელში მალლა აიტაცა და, რაც ძალი და ღონე ჰქონდა, შეანჯღრია.

— რა გინდა ჩემგან? ვინ გამოგგზავნა ჩემს დასაზვეურად, დამდევ ძალღვივით. წადი ახლავე, გამშორდი, თორემ აქვე გაგათავებ. შენს უფროსებს გადაეცი, პოლიტიკაში არ ვერევი, თავი დამანებონ.

გაშმაგებულმა ლევანმა ჯაშუში მიწაზე დაანარცხა. შეშინებული, ქალღღვივით გაფითრებული კაცი სწრაფად წამოხტა ფეხზე, უხმოდ, უცებ გაუჩინარდა. ლევანმა რამდენიმე თვე ამოისუნთქა.

სრულ თავისუფლებას და მოსვენებას თბილისში მაინც ვერ ეღირსა. სულის სიმშვიდეს და ნაყოფიერი მუშაობის პირობებს თბილისიდან, შორს მოგზაურობაში ჰპოვებდა.

— ციხიდან განთავისუფლება ჩემთვის თურმე თავისუფლებას ჯერ კიდევ არ ნიშნავს, — წუხდა ის.

რამდენიმე ხნის შემდეგ ისევ დაიწყო ლევანის დევნა, მისი ნელ-ნელა განერვიულება, წყობიდან გამოყვანა, ცხოვრების მოწამვლა.

— შეიძლება ეს პროვოკაციაც კი არის ჩემი დაპატიმრების საბაბისათვის, — ამასაც ფიქრობდა ლევანი.

ცოტა ხანში ჯაშუშად ლამაზი შუა ხნის ქალი მოევლინა, სახეგათხუპნული, მოდურად ჩაცმული, უზომოდ მაღალ ქუს-

ლებზე შემდგარი... იგი მანქვა-გრეხით და კეკლუცად დასდევდა ლევანს კუდში. ამ პრანქიკელამ დიდხანს ვერ გაუძლო ლევანის დევნას და თავი დაანება. სწორედ ეს ქალი იყო 1946 წელს, მესამედ დაპატიმრების შემდეგ, პირზე რომ დაადგა ლევანს და რაღაც პოლიტიკურ საკითხთან დაკავშირებით სიცრუეს ჩმახავდა. ლევანი ძლიერ გაჯავრდა, აღშფოთებული ზეზე წამოიჭრა და ყვირილით ჩააგდებინა ენა მატყუარა ქალს, მეტიც, ისე შეაშინა ის აშკარა ცრუპენტელა, რომ საყნიდან გააქცია.

შემდეგ ლევანს ერთდროულად ორი ჯაშუში მიუჩინეს — შუა ხნის მამაკაცი და სულ ახალგაზრდა ყმაწვილი კაცი, რომლებიც დღეში რამდენჯერმე ლევანის თვალის ასახვევად სცვლიდნენ ერთმანეთს. მაგრამ ლევანს როგორ გამოეპარებოდა მათი ოინები... მოკლედ, ლევანს არ დაადგა საშველი.

— ისევ ხომ არ მიმზადებენ ცუდ ამბავს, — გულჩათხრობილი იმეორებდა ლევანი. დელავდა, ნერვიულობდა. ცდილობდა მეტი დრო სანღში ყოფილიყო და ემუშავა, ამხანაგების აუკრძალა ჩვენთან სიარული. დიდი ნებისყოფა იყო საჭირო, რომ ასეთი დამცირება აეტანა.

ამ პერიოდში ლევანმა დაწერა ახალი დრმა „დავით აღმაშენებელი“. ცოტა ფული რომ ჩაუვარდა ხელთ, იყიდა პატარა საბეჭდი მანქანა და თავისი ნაწარმოებების ბეჭდვას შეუდგა. აგვიკლო კაკუნით. ჯერ გაუჭირდა ბეჭდვა. ვინაიდან მისი დიდი თითები ორ-სამ ასოს ერთად იღებდნენ, მაგრამ შერე ნელ-ნელა ზელი გაივარჯიშა და შესანიშნავი მბეჭდავი გახდა.

ერთ დღეს თინამ მოაგროვა ლევანის ხელნაწერები და ჩუმად, სანამ „ჩრდილი“ სახლთან არ იდგა, თავის სამსახურში გადამალა. ლევანი სულ იმას იმეორებდა — სიფრთხილეს თავი არა სტკივავო, ნაწერები და ეს მასალა მომავალში ყოველთვის დამჭირდებაო, არ დამეკარგოსო. თითქოს გულთმისანო იყო, სწორედ ეს მასალა გადაგვირჩა და ჩვენ ამ შოგონების წერაში ამით ვისარგებლეთ. გადასახლებიდან 10 წლის შემდეგ ეს მასალა ლევანმა თვითონ დაამუშავა და წარმოგვიდგინა შესანიშნავი წიგნი — „მგზავრული კრიალოსანი“.

მიუხედავად ალპინიზმში მიღებული ფიზიკური ტრავმისა და მარცხისა, ლევანმა მთაში სიარული მაინც არ მიატოვა, პირიქით, ყოველ ზაფხულს უფრო ენერგიულად იღებდა მო-

ნაწილებას კავკასიონის მწვერვალების დალაშქერაში, რამდენჯერმე ექსპედიციას თვითონაც ხელმძღვანელობდა. მაგალითად, 1940 წლის 10 სექტემბერს ლევანის ხელმძღვანელობით ძალიან ადვილად დალაშქრეს ძნელი „დისკოს“ მთა სამხრეთ-დასავლეთიდან. ექსპედიციაში მონაწილეობდნენ ზ. მაისურაძე, ვ. ბელეცკაია, გ. მელია, ა. იაშვილი და ა გულუნაიძე. იქ მიღებულ შთაბეჭდილებას ლევანი ასე იგონებს:

— მწვერვალის სიმაღლემ და სილამაზემ ავალი მოგვქრა, საამური ფიქრი ჩაგვფინა ყველას. დიდხანს ვიტრიალეთ თოვლისა და მყინვარების ოდრიკალებში, გული სიამით იესებოდა.

ალპინისტური ექსპედიციების ჩათაგების შემდეგ ლევანმა სამოგზაუროდ კახეთისაკენ გასწია. ღირსშესანიშნავი ისტორიული ძეგლები, კუთხეები თუ კახეთის სივრცე-განი ძალიან დაწერილებათ და დაბეჭითებით შეისწავლა, განსაკუთრებით ჩაწვდა კახეთის უმდიდრეს წარსულს, მის ჭირ-ვარამსა და საბრძოლო დიდებას.

— მზისით, დღისით, ხომ მშვენიერია ჩემი სამშობლოს მთა-ბარი, კარ-მიდამო, ხეები თუ მწვერვალები. ღამით, მთვარის შუქზე, სულ სხვა იერი ედება ზღაპრულ-ჯადოსნურად ფერშეცვლილს, განცვიფრების ფერიფური ჩაუწვება. ბუნების წიაღში იქმნება და იზადება ქემმარტი ალქმა და შემოქმედებითი სულისკვეთება. ჩემთვის მოგზაურობა უკვე თავისთავად ქმნის შემოქმედებას. მე ჯერ კიდევ ვაწვალებ ფანქარს და ჩემს უბის წიგნაკს. კაცმა ისეთი „მგზავრული“ ახალგაზრდობა უნდა გაატაროს, რომ მერე მთელი სიცოცხლის მანძილზე ეყოს სიბერის საგზლად. ყოველ მთამსვლელში და მოგზაურში ალბათ ზის პატარა ამირანი და ყოველ პირველ ასვლაში თუ სავალში — ამირანისეული შურისგების ნატამალი.

1940 წლის 4 ოქტომბერს ლევანმა ნავით იმოგზაურა მტკვარზე დაალაზანზე: „ჩვენი ფლოტილია“, როგორც ლევანი უწოდებდა, ალაზანში შეეცურდა ინჟინერ ვიქტორ მაღავეიჩკოს ხელმძღვანელობით და 16 მგზავრით. ლევანი ამ მოგზაურობიდან დიდად ნასიამოვნები და კმაყოფილი ჩამოვიდა.

„გარემოს დავეწაფეთ, გავლადლით, შთაბეჭდილებით გავმდიდრდით და ავიესეთ. ზოგან, ალაზნის „გაუვალ ქალებში“, კალაპოტი მეტად ჩახერგილია წყალში ჩამოღეწილი ტანსრული ხეებით, ამოსული ახალწარათით თუ ლემიანით.

...ნანატრი და იღუმალი ჩემს უბეში მრავალია... ალაზანი
კახეთის ყველაზე უფრო ლამაზი და საყვარელი მდინარეა, თა-
ვისი ველებითა და შესანიშნავი ნაპირებით. ალაზანი, ბორბა-
ლოს კალთამადლიან წიაღში ნაშობი.

...ოსარტყელების ქვეყანა განა მარტოკა მთაშია
იხარე, ალაზნის ველო, ჩავარდი ბარაქაშია...
ნავეში ბიჭია მალხაზი, ნელა მოკყეება ტიეთა...
გოგო, ვისი ხარ, ლამაზო, ალაზნის ხოხობიეთა?!

ახალგაზრდებო, წადით, იმოგზაურეთ ალაზანზე, უკვდავე-
ბის ნატამალს თქვენც ეზიარეთ, ბროწლიანებში, სადაც კრია-
ხობენ მზეთუნახავი ხოხბები, კაკბები, დურაჭები და ფრთო-
სანთა გუნდი ნაქართველოსი, თქვენც შეიგრძენით ამის დედა-
არსი. ნახეთ ტყეები, რომელიც მარტო ზეების სიმრავლეს რო-
დი ნიშნავს. ეს ჩვენი მიწა-წყლის უკეთილშობილესი ბიოლო-
გიური სამყაროა“.

გადასახლებიდან დაბრუნების შემდეგ, 1957 წელს, ლევან-
მა ეს ჩანაწერი ლიტერატურულად დაამუშავა და მიაწერა:

შენი გულმკერდის ქირიმე, ლამაზ ალაზნის კალო,
ახალ დროებამ გახარა, რაც ძველმა გაგაწვალაო,
ხევეით ავისო ქვეყანა, აღარც შიში და ზარია,
წავალ, იქ შევეშველები, სადაც საერთო ზარია.

1940 წელი მშვიდობიანად გავიდა, ლევანის თქმისა არ
იყოს, ეს წელი მეტად წინშენლოვანი და ნაყოფიერი აღმოჩ-
ნდა მისთვის. სავსე იყო მოგზაურობებით, ახალი შემოქმედე-
ბითი ძიებებით და დადებითი ემოციებით.

1941 წელიც წარმატებებით დაიწყო. გაზაფხულზე ლევანის
ცხოვრებაში მოხდა ღირსშესანიშნავი მოვლენა — როგორც
იქნა მწერალთა კავშირის წევრი გახდა. გაიხარა ლევანმა, ვხა-
რობდით ჩვენც.

მისი დრამა „მეფე ერეკლე“ მარჯანიშვილის თეატრის სამ-
ხატვრო საბჭომ მიიღო დასადგმელად და კულტურის სამინის-
ტროშიც ეს საკითხი დადებითად გადაწყდა.

ლევანმა „მეფე ერეკლეს“ დამდგმელი რეჟისორი — ვან-
ტანგ ტაბლიაშვილი გაიცნო და პირველი შთაბეჭდილებით მე-

ტად კმაყოფილი დარჩა. შერე დაუმეგობრდა კიდევ. თითქოს ყველაფერი კარგად მიდიოდა და ლევანი ემზადებოდა ზაფხულში სამოგზაუროდ წასასვლელად. მას ახალი დიდი ლიტერატურული ნაწარმოები ჰქონდა გამიზნული დასაწერად.

1941 წლის 22 ივნისს სრულიად მოულოდნელად საბჭოთა კავშირს თავს დაესხა ფაშისტური გერმანია. დაიწყო ომი. დაიწყო ხალხის მასობრივად გაწვევა ჯარში. საქართველოს მოსახლეობიდან ბევრი ახალგაზრდა წაიყვანეს ჯარში. მოსახლეობას ფულადი დახმარებაც გააღებინეს იმისათვის, რომ ფრონტს საკმარისად ჰქონოდა საბრძოლო იარაღი, სურსათი, ტანსაცმელი, პოლიტიკური თუ მორალური შემართება. ომი ხომ უკიდევანო საშინელებაა, მოაქვს აურაცხელი მსხვერპლი, ყველაფერი ინგრევა და ისპობა. მას მოჰყვება უზომო ზარალი, ზღვა ცრემლი, წამება, წვალება, ფსიქიკის შეცვლაც უმძიმესი შიშის, განცდისა და დაძაბული ნერვული სისტემის გამო. თბილისში კიდევ უფრო დაიძაბა მდგომარეობა. შემეცირდა სურსათი, გაძვირდა ბაზარი, გაძლიერდა შიში და შიმშილი, გაჩნდა სასურსათო ბარათები.

მტრის ჯარი იმდენად მრავალრიცხოვანი და მნიშვნელოვნად შეიარაღებული აღმოჩნდა საბრძოლო ტექნიკით, რომ პირდაპირ მარშით მოიწვედა წინ. დაიპყრო საბჭოთა კავშირის უშველებელი ტერიტორია. პირველ ხანებში საბჭოთა ჯარი ვერ უწევდა მას წინააღმდეგობას, სულ უკან იხევდა, ამასობაში ფაშისტებმა ხელთ იგდეს უამრავი დიდი ქალაქი და სოფელი, ტყვედ წაიყვანეს ათასობით მშვიდობიანი მცხოვრები. უამრავი ხალხი აწვალეს და აწამეს საკონცენტრაციო ბანაკებში.

ასე მძიმედ გავიდა რამდენიმე წელი, გამარჯვების იმედი არსაიდან არ იყო. პირიქით, მტერი განლაგდა მოსკოვის; სტალინგრადის, ლენინგრადის და ჩრდილოკავკასიის მიმართულლებით. მზადდებოდა საბოლოო ძლიერი დარტყმა. 1943 წელს მოხდა სასწაული. მტერმა უკანასკნელი დარტყმით საბოლოო გამარჯვება ვერ შეძლო. პირიქით; საბჭოთა ჯარმა დაიწყო მძლავრი შეტევები და მტრის უკუგდება:

ომის ქარცეცხლი ჩვენს ოჯახსაც შეეხო. 1943 წლის მაისში თამარი გაიწვიეს ჯარში ქირურგად, მოხვდა მე-18 სადესანტო არმიის 714-ე პირველი ხაზის საველე პოსპიტალში, სადაც

მხედართმთავარი ჩვენი თანამემამულე, გენერალი კონსტანტინე ლესელიძე იყო. თამარმა ფრონტთან ერთად გაიარა მთელი ომის გზა გამარჯვებამდე*.

თბილისში დღითი დღე იგრძნობოდა ცხოვრების მკვეთრ-გაუარესება, მოსახლეობას გაუჭირდა.

ლევანს მწერალთა კავშირიდან სასურსათო წიგნაკები მისცეს. ამიტომ პური და სანოვავე მოგვემატა. მაინც კვირა დღეს მთელი ჩვენი ოჯახის შემოსავლით მარტო წიწილის მეოთხედის ყიდვა შეგვეძლო. თინას სამსახურში ლობიოს აძლევდნენ და იმას დიდი სიხარულით მივირთმევდით. ომის გამოცხადებისთანავე სანდროს ჯავშანი მისცეს, რადგან მცირე ელექტროსადგურების მშენებლობას ხელმძღვანელობდა და თბილისში დატოვეს. ლევანი საერაოდ არ გამოუძახებიათ, ვინაიდან სამხედრო წიგნაკი არასდროს არ ჰქონია და არც სამხედრო ვალდებული იყო.

პირველ ხანებში ომმა შეაფერხა თბილისის თეატრების მუშაობა. შემდეგ კი, მტრის უკუგდებასთან და ბრძოლებში მოპოვებულ გამარჯვებებთან დაკავშირებით, თეატრი გადავიდა პატრიოტული თემების დადგმებზე. ლევანის პიესა „მეფე ერეკლე“ პატრიოტული სულისკვეთებით იყო აღსავსე. ამიტომ განახლდა მასზე შემოქმედებითი მუშაობა. მთელი დასა აღფრთოვანებით შეხვდა ამ პიესას. დაიწყო მოსამზადებელი სამუშაოები, როლების განაწილება, შემდეგ კი უშუალოდ დადგმის შესახებ იყო ლაპარაკი, რასაც ლევანიც დაესწრო.

რეჟისორი ვ. ტაბლიაშვილი თითქმის ყველა წვრილმანს უთანხმებდა ლევანს, რითაც ლევანი ძალიან კმაყოფილი იყო. იგი ტაბლიაშვილის ნიჟსა და უნარს მაღალ შეფასებას აძლევდა.

— ჩვენ თითქოს ამა თუ იმ მოვლენაზე თანაბრად და ერთნაირად ვაზროვნებთ, ერთად ვეწვევით შემოქმედებით მუშაობასო, — უკვირდა ლევანს. — ასე მგონია, ტაბლიაშვილი გულთმისანია, ყველა ჩემს მოსაზრებას სწრაფად უღებს ალლოს. მაგრამ მერე თავისებურად უცბად სულს ჩაბერავს, ფრთება

1 * თამარ გოთუამ თავისი ფრონტული ცხოვრება ასახა პუბლიცისტურ-დოკუმენტური ხასიათის ნაშრომში „სიკვდილთან კიდილი“, გამომცემლობა „საბჭოთა საქართველო“, თბილისი, 1990.

შეასხამს, გააცოცხლებს და ამოქმედებს გმირებს და წარმოდგენას დიდ ლაზათს და მშვენიერებას შემატებს.

სპექტაკლს აფორმებდა ახალგაზრდა მხატვარ-დეკორატორი ლ. ჭუბაბრია, რომელმაც ლევანიც ჩართო თავის საქმიანობაში. ამიტომ კოსტიუმები, მხატვრობა და მიზანსცენებ: მისი მონაწილეობით იხვეწებოდა და უმჯობესდებოდა. ლევანი უმეტესად თეატრში იყო და იმდენად მიეჩვია იქ ყოფნა, რომ სახლში უკვე ვეღარ ჩერდებოდა. თეატრში ყველა კარგად გაიცნო და დაუშემგობრდა კიდევ. კომპოზიტორი არჩილ კერესელიძე ხშირად ჩვენთან იყო სახლში, სპექტაკლისთვის მუსიკას ქმნიდა, ზოგჯერ თვითონ მღეროდა ახალ-ახალ მელოდიებს თავისი საუცხოო ტემპრით. ლევანი აღფრთოვანებული იყო არჩილით, მთელმა ოჯახმა ის გულით შეიყვარა.

ჩვენი სახლი მსახიობთა სალონად გადაიქცა. ვინ არ მოდიოდა ჩვენთან, ახლა ყველას ვერ გავიხსენებ. განსაკუთრებით დაგვამახსოვრდა სერგო ზაქარიძე, ვასო გოძიაშვილი, რომელიც სანდროს მეგობარიც იყო, სკოლაში ერთად სწავლობდნენ; გრიგოლ კოსტავა, გიორგი შავგულიძე, შალვა ლამბაშიძე, ალექსანდრე ოშიაძე, აკაკი კვანტალიანი და ბევრი სხვა. იმართებოდა ლიტერატურული საღამოები, სადაც აქტიურად მონაწილეობდნენ ქალებიც — ვერიკო ანჭაფარიძე, ნატო ვაჩნაძე, ირინა დონეანელი, მერი ქორიძე, თამარ თეთრაძე და სხვებო.

ლევანი ხარობდა და ყოველთვის კმაყოფილებით იმეორებდა: მაღალი რანგის წარმოდგენის შესაქმნელად აუცილებელია პიესის ავტორის, დამდგმელი რეჟისორის, კომპოზიტორის, მხატვრის, მსახიობებისა და სცენის ყველა მუშაკის თანამშრომლობა. საჭიროა მთლიანობაში მათი აზრისა და მსოფლმხედველობის გათვალისწინება.

ლევანი მეტად კმაყოფილი იყო ვ. ტაბლიაშვილის დადგმით, ლ. ჭუბაბრიას მხატვრობითა და ა. კერესელიძის მუსიკით. მსახიობების თამაშს კი უმაღლეს შეფასებას ანიჭებდა. ამ ნიჭიერმა კოლექტივმა ერთი-ორად გაალამაზა და დაამშვენა ჩემი პიესაო, — ხშირად ამბობდა. მთავარი როლები წამყვან მსახიობებს შორის ისე განაწილდა, როგორც წინასწარ ჰქონდა ლევანს ჩაფიქრებული. „მეფე ერეკლე“ უნდა ეთამაშა ვასო გოძიაშვილს, სწორედ ვ. ტაბლიაშვილმაც ის შეარჩია.

ერთხელ, რეპეტიციიდან დაბრუნებულმა და გახარებულმა

გვითხრა: მე ისე მომწონს ჩემი პიესის მთავარი მოქმედი პი-
რების ყველა შემსრულებელი, რომ ვერც ერთს ვერ გამოე-
ყოფ, ვინ ვის სჯობიაო. ყველა თავისებურად მაღალ დონე-
ზეა — გოძიაშვილი თუ ზაქარიაძე, ლამბაშიძე თუ ჩხეიძე, ომი-
აძე თუ გომელაური, ანჯაფარიძე თუ შავგულიძე. ისინი ყვე-
ლანი თავის სიმალლეზე დგანან და სიცოცხლეს აძლევენ ჩემ
მიერ შექმნილ მოქმედ პირებს. ყველა მსახიობი ხომ უკვე ჩე-
მი საუკეთესო ახლობელი ადამიანია. მე გაკვირვებული ვფიქ-
რობ: თურმე რა დიდი ოსტატობაა მსახიობობა, მათ ხელში
ჩემი პიესის ტექსტი გაძლიერდა. მათ გააცოცხლეს და სული
ჩაბერეს ჩემს ისტორიულ გმირებს.

ლევანმა ჩვენ — სანდრო, თინა, თამარი, მზია და რამდენი-
მე ჩვენი ახლო ნათესავი გენერალურ რეპეტიციაზე წაგვიყ-
ვანა. ძალიან შეგვეხვეწა უკანა რიგებში დავმსხდარიყავით.
ჩვენ რომ მივედით, რეპეტიციის დაწყებამდე ჯერ კიდევ ბევ-
რი დრო იყო, მაგრამ დარბაზი მთლიანად გაჰყვანილი აღმოჩ-
ნდა. ჩვენთვის მე-4 რიგის ადგილები იყო შენახული. ლევანი
არ ჩანდა, საიდან ადევნებდა წარმოდგენას თვალყურს, არ
ვიცოდით. ისე კი ძალიან გვაინტერესებდა მისი განცდების
თვალთვალი. ჩვენ თვითონ წარმოდგენის დაწყებისთანავე
შინაგანი ართოლოგია შემოგვეპარა. სანდრო გვაწყნარებდა.

გენერალურმა რეპეტიციამ უმაღლეს დონეზე ჩაიარა. ხალ-
ხი აღფრთოვანებით შეხვდა წარმოდგენას. მსახიობები უკვე
მარტო ლევანისთვის კი არა, ჩვენთვისაც ახლობელი ადამი-
ანები და საქართველოს ისტორიის განუმეორებელი გმირები
გახდნენ.

წარმოდგენის შემდეგ იყო შეკითხვები, კრიტიკული შე-
ნიშვნები და, რაც მთავარია, კომისიამ სპექტაკლი დიდი ქებით
მიიღო. ლევანი მეტად კმაყოფილი იყო, ლაპარაკის თავი აღარ
ჰქონდა.

შეორე დღეს, 1942 წლის 4 მარტს, საღამოს, ჩვენ ისევ მე-
ოთხე რიგში ვისხედით. უკვე ნაკლებად ვღელავდით და კმაყო-
ფილების გრძნობით შევეცქეროდით ზომაზე მეტად გადატვირ-
თულ დარბაზს, აღფრთოვანებულ მაყურებელს და მათ ემო-
ციებს, ოვაციებს და შეძახილებს. ლევანი სადღაც მიიმალა,
ძლივს იპოვის. რამდენიმე წუთით მაყურებელთა მოთხოვნით

სცენაზე გამოიყვანეს. „მეფე ერეკლეს“ გამარჯვება უდავო იყო.

წარმოდგენები ანშლაგებით წავიდა, შეათეც, მეოცეც და ასე შემდეგ. მე-100 წარმოდგენაც ანშლაგით ჩატარდა, თეატრში ტევა არ იყო, მუდამ ბევრი მაყურებელი დადიოდა წარმოდგენაზე, ბევრმა ზეპირად იცოდა ტექსტი, სიმღერა, მონოლოგები. ლევანი ზედმეტი კმაყოფილებიდან ისუსებოდა, ძალიან ბედნიერი იყო.

ქვევით გვინდა წარმოგადგინოთ პრემიერის პროგრამა

**კ. მარჯანიშვილის სახელობის
სახელმწიფო თეატრი**

1942-43 წ. სეზონი
დ. გოთუა

მ ე ფ ე ე რ ე კ ლ ე

დრამა 4 მოქმედებად, 7 სურათად

მოქმედნი პირნი

ერეკლე მეორე, მეფე ქართლ-კახეთისა	ვ. გოძიაშვილი (რესპ. დამს. არტ.)
ლევან ბატონიშვილი, მისი შვილი	გ. კოსტავა
თეკლა ბატონიშვილი, ერეკლეს ქალი	ე. ირინაშვილი
პაატა ბატონიშვილი, ვახტანგ მე-6-ის შვილი	ქ. დოლიძე
	მ. ქორელი
	შ. ლაშვაშიძე (რესპ. სახ. არტ.)
	შ. ჭაფარიძე (რესპ. დამს. არტ.)
ანა, პაატას შვილი	ვ. ანჭაფარიძე (რესპ. სახ. არტ.)
ბესიკ გაბაშვილი, შგოსანი	ა. დონთანელი
სოლომონ ლეონიძე, მსაჯული	ბ. ზაქარიაძე (რესპ. დამს. არტ.)
	დ. ჩხეიძე

დავით სარდალი
 ბერუჩა წაეკისელი, მედროზე
 დიმიტრი ამილახვარი, სახლთუხუცესი
 ელიზბარ თაქთაქიშვილი
 გლახა ციციშვილი
 დიასამიძე
 საიათნოვა, განტქმული აშული
 დათუნა ფეიქარი, ხელოსანი

მ. მგელაძე
 ა. ოშიაძე
 მ. გოცირიძე
 მ. სულთანშვილი
 კ. დაუშვილი
 გ. კობიაშვილი
 გ. შავგულიძე
 ა. ხიხარულიძე
 მ. ლორთქიფანიძე
 ნ. ანთაძე
 ა. სვანაძე
 კ. დაუშვილი
 ა. თვარაძე
 ე. გედევანიშვილი
 ო. რაჭმაძე
 ალ. გომელაური
 (რესპ. დამს. არტ.)
 ჭ. ბეგაშვილი
 ლ. შატბერაშვილი
 ა. ვერულიშვილი
 ა. სვანაძე
 ი. გრატიაშვილი

პატრი ნიკოლა, მისიონერი
 ანტონ კათალიკოსი
 აზალ-ხანი, ისპაჰანის მფლობელი
 დესპანი ერევნიდან
 სეხნია ჩხეიძე, დიდებული
 იბრაგიმ ბეგი, შუშის მფლობელი
 ყოჩაშული, აზატხანის აშული

გიგია
 ციხისთავი

გლახი

სახალხო სცენებში მონაწილეობენ თეატრის მსახიობები და თანამ-
 შრომლები

1-ლი მოქმედება: „განგაში“

მე-2 მოქმედება: პირველი სურათი: „ვერაგული შეთქმა“

მე-2 სურათი: „ბედითი ნაკვანძო“

მე-3 სურათი „გატეხილი ხაზი“

მე-3 მოქმედება: პირველი სურათი: „დაღვრილი სადღეგრძელო“

მე 2 სურათი: „გმირის ცრემლი“

მე-4 მოქმედება: „შიშველი ხმალი“.

დადგმა — ვახტანგ ტაბლიაშვილისა

დეკორატიული გაფორმება მხატვარ — ლ. ჭუბაბრიასი

ტანსაცმელი მხატვარ დ. ძნელაძის ესკიზების მიხედვით

მუსიკა კომპოზიტორ არ. კერესელიძისა

რეჟისორის ასისტენტი მ. დანიელაშვილი

დირიჟორი — ვახტანგ ნეიმანი

ფარიკაობა — ლ. შატბერაშვილისა

მხატვარი-შემსრულებელი — გ. ნადეზაშვილი

მუსიკალური ნაწილის გამგე — კომპ. ა. კერესელიძე

სადადგმო ნაწილის გამგე — ალ. ჭურციკიძე

თეატრის დირექტორი და სამხატვრო ხელმძღვანელი —

შ. ლამბაშიძე (რესპ. სახ. არტ.).

ამრიგად, ქართველმა მაყურებელმა აღფრთოვანებით მიიღო და გულთ შეიყვარა არაჩვეულებრივად დადგმული, მხატვრულად საინტერესოდ გაფორმებული, მსახიობთა უზადო ოსტატობით შესრულებული წარმოდგენა. ამ დრამის გამარჯვება სკეპტიკოსებმაც კი იწამეს

ლევანმა გადაწყვიტა თეატრის თანამშრომლები, მთელი დასი, თეატრის ხელმძღვანელობა, მუშა-მოსამსახურეები, დაწყებული ორკესტრის წევრებიდან და კარისკაცებიდან მეგარდერობემდე, ყველა სახლში სადილზე მოეპატიებინა.

დასვენების ერთ დღეს თეატრის მთელი კოლექტივი ჩვენთან მოვიდა სტუმრად, ყველა იმას ამბობდა, თანამშრომლების ამისთანა თავშეყრა საერთო კრებაზედაც ვერ ხერხდებაო. სადილი ძალიან სასიამოვნოდ ჩატარდა. შეიძლება ითქვას, რომ ეს საღამო ლიტერატურულ შეჯიბრებად გადაიქცა. მსახიობები ერთმანეთს ენაცვლებოდნენ და თითქოს ეჯიბრებოდნენ მონოლოგის თუ ლექსის თქმაში, შაირობაში, სიმღერაში, დაკვრასა და ცეკვაში. ყველამ გულითადად მოილხინა.

სტუმრებიცა და მასპინძლებიც ნასიამოვნები დავრჩით.

წარმოდგენაზე ერთადერთი რეცენზია გამოქვეყნდა გაზეთ „ლიტერატურულ საქართველოში“ (29/III, 1942 წ.):

„მარჯანიშვილის თეატრმა „მეფე ერეკლეს“ პიესის განსახიერებით შექმნა დიდი იდეური და ესთეტიკური დიაპაზონის სპექტაკლი. ამ დადგმით რეჟისორი ვ. ტაბლიაშვილი მოგვევლინა დრმა პოტენციალისა და მდიდარი ფანტაზიის ხელოვნად.

სპექტაკლის მხატვრობა ლ. ჭუბაბრიას ეკუთვნის. იგი ცხადად გვაგრძნობინებს მოქმედების მთელ გარემოცვას, თანაბარი ძალით და ნიჭიერი შესრულებით ასახავს პეიზაჟებს და საგნობრივ ინვენტარს სურათების მეშვეობით. ქებისა და მოწონების ღირსია კომპოზიტორი ა. კერესელიძის მიერ დაწერილი სპეციალური მუსიკა ამ სპექტაკლისათვის.

ერეკლეს როლით მსახიობმა ვასო გოძიაშვილმა შექმნა წარუშლელი შთაბეჭდილების მხატვრული სახე, რომელიც უნდა ჩაითვალოს ამ მსახიობის შემოქმედებითი ცხოვრების საუკეთესო მიღწევად.

სრულყოფილი ემოციური ძალის მხატვრული სახე მოგვცა შალვა ღამბაშიძემ პაატა ბატონიშვილის როლით. რა დიდი შინაგანი ძალა და ნებისყოფაა გამოხატული მის გარეგნულად მშვიდსა და თავდაპირველ ქცევაში.

ვერიკო ანჯაფარიძემ ანას როლის განსახიერებისას კიდევ ერთხელ გვიჩვენა თავისი აქტიორული ოსტატობის განუსაზღვრელი შესაძლებლობანი, შექმნა უნაყოლო და ღრმად კოლორიტიული სახე.

გ. შავგულიძე საიათნოვას როლში არტისტიული ხელოვნების პირველხარისხოვან ნიმუშთა წყებას უნდა მივაკუთვნოთ. ეს სახე სპექტაკლის დამამშვენებელ საოცარ სამკაულს შეადგენს. იგივე უნდა ითქვას ალ. გომელაურის მიერ შესრულებული ყოჩ-აშულის როლის შესახებ.

ერთ-ერთი მთავარი მოქმედი გმირის — ბესიკის უაღრესად რთული და ტრაგიკული როლის განხორციელებისას ს. ზაქარიძე ბუნებრივი და დამაჯერებელია.

სპექტაკლის საუკეთესოდ შესრულებულ რიგთა წყებას უნდა მიეკუთვნოს აგრეთვე მიხ. ლორთქიფანიძის მიერ შექმნილი სახე ვერაგულად შენიღბული ჯაშუში მისიონერის პატრიკოლასი“.

ბესო უღენტო.

და არც ერთი სიტყვა ლ. გოთუაზე!

„მეფე ერეკლესთან“ დაკავშირებით ი. გრიშაშვილს ვიღაცამ ამბავი მიუტანა, რომ ლევან გოთუამ თავის პიესაში შენი „ძველი თბილისის ტრფიალი“ გამოიყენაო. ი. გრიშაშვილი ლევანზე ნაწყენი იყო, უკმაყოფილება ტელეფონით გამოუცხადა. ლევანმა პოეტს წარმოდგენაზე დასწრება სთხოვა, დავა მერე გადავკრათო. წარმოდგენის შემდეგ ი. გრიშაშვილმა ლევანი გადაკოცნა, გამარჯვება გულით მიულოცა და დასძინა, შენი აშულების სცენა, რომელზედაც მე დამირეკეს, სულ სხვა არის, ბევრად უფრო ძლიერი და საინტერესოო.

„მეფე ერეკლე“ სულ 110-ჯერ დაიდგა სცენაზე ანშლაგით. 1946 წელს, ლევანის კვლავ დაპატიმრებასთან დაკავშირებით, წარმოდგენა მოიხსნა. აქვე გვინდა აღვნიშნოთ, რომ სპექტაკლი ისევ აღდგა ლევანის 10 წლით გადასახლებიდან დაბრუნების შემდეგ — 1956-1957 წლის სეზონში. მართალია, აქ უკვე წამ-

ყვანი მსახიობები სერგო ზაქარიაძე, ვერიკო ანჯაფარიძე, შალვა ღამბაშიძე და სხვები აღარ მონაწილეობდნენ, მაგრამ იმდროინდელმა ქართულმა საზოგადოებამ ეს წარმოდგენა ისევ გულთ და დიდი სიყვარულით მიიღო. რამდენჯერმე ჯერ თბილისში ჩატარდა, შემდეგ კი წაიღეს მოსკოვში დეკადაზე სახელწოდებით „გზაჯვარედინზე“, სადაც მაყურებლის დიდი მოწონება დაიმსახურა. მაშინ დაიწერა ორი რეცენზია:

ვ. სავეჩმა ჟურნალ „თეატრში“ (1958 წ., № 7) გამოაქვეყნა, რომ ეს წარმოდგენა არ არის ნაციონალური, მიუხედავად იმისა, რომ თემა სახალხო არისო. იგი ემოციური გარეგნულად არის და არა შინაგანად. შემდეგ მოყვანილია მსახიობთა ოსტატური თამაშის აღწერა.

ეტყობა, რეცენზიის ავტორი ვერ გაერკვია წარმოდგენის ძირითად მსოფლმხედველობაში, ეროვნული დრამა-ტრაგედიის შინაარსში.

ვ. კომისარევესკი წერდა, რომ ამ წარმოდგენაში მაღალი თეატრალური კულტურაა ჩაქსოვილი. ლ. გოთუასკი კიესა „გზაჯვარედინზე“ ასახავს საქართველოს მძიმე წლებს, შემოსევებს, მძიმე ისტორიულ ვითარებას... ბრძენი მეფე ერეკლეს და საქართველოს ბედ-იღბლის წარმოდგენის შემდეგ მაყურებელი სულიერად მდიდრდება ქართველი ხალხის ისტორიული წარსულის კიდევ ერთი გვერდის უდაფურცვლით. მარჯანიშვილის თეატრი მისი დამაარსებლის — კ. მარჯანიშვილის მოწაფეებისა და თანამედროვეების ნიჭიერ და საიმედო ხელშია...

იმ ხანებში ლევანის გარშემო ძალიან ბევრი ამხანაგი და მეგობარი ტრიალებდა, მწერლები, მსახიობები, მთამსვლელები, სტუდენტები, ნათესავ-ნაცნობები. მაგრამ ლევან უპირატესობას მაინც აძლევდა და ძალიან ახლოს იყო აკაკი ბელიაშვილთან, სერგო ზაქარიაძესთან, ალიოშა ჯაფარიძესთან, კოტე ჯავრიშვილთან, ატე ნემსიწვერიძესთან.

1943 წელს თინა სამუშაოდ წავიდა ქარელის რაიონში. ექიმად დანიშნეს სოფელ ხვედურეთში. ეს ლამაზი ქართლის სოფელი ბალ-ვენახებშია ჩაფლული. ამიტომ ოჯახის გამოკვება და თავის გატანა, ძალიან თუ გაჭირდებოდა, აქ მარტო ხილითაც შეიძლებოდა.

მალე ხვედურეთში თინასთან დედა და მზია ჩავიდნენ, სანდროც ხშირად ესტუმრებოდა ხოლმე და, რაც მთავარია, რაკი

ლევანი შინ მარტო ვერ ჩერდებოდა, ყოველ ხუთშაბათ-პარასკევს ისიც იქ ჩადიოდა რამდენიმე დღით.

ხვედურეთში ლევანი უსაქმოდ არ ჩერდებოდა. სულ აქეთიქით მოგზაურობდა, შემოიარა ხვედურეთის და თრეხვის შემოგარენი. რაღაცას ეძებდა, თავისთვის საჭირო მასალას აგროვებდა.

სოფელ თრეხვის თავზე და მის მოპირდაპირე კლდეებზე, 70 მეტრის სიმაღლეზე, ლევანმა ბევრი მიუვალი გამოქვაბული აღმოაჩინა:

„ჩემი ყურადღება განსაკუთრებით ერთმა სამხრეთ-ნაპირა ქვაბულმა მიიპყრო, შიგ ნაშენი კარ-სარკმელიც მოჩანდა. ამ ქვაბულებმა ჩემზე წარუშლელი შთაბეჭდილება დატოვა, მით უფრო, რომ ისინი ჩვენი მკვლევრებისაგან რატომღაც მივიწყებული ჩანდნენ. ცხოვრების მიღმა დარჩენილ ქვაბულებს აღარც სახელი ჰქონდათ, აღარც აღნიშვნა“.

ლევანს ხვედურეთისა და თრეხვის ტყეში ხეტიალის დროს ერთი პატარა უსიამოვნო ამბავიც შეემთხვა: მგზავრობით დაღალულმა რბილი და ჩრდილიანი ადგილი შეარჩია, თავქვეშ თავისი ზურგჩანთა ამოიღო და ტკბილ ძილს მიეცა.

მწყემსმა ლევანი რომ დაინახა, პარაშუტით ჩამოსული ჯაშუში ეგონა, სოფლის საბჭოს შეატყობინა და ათმა კაცმა მისი შებოჭვა გადაწყვიტა.

— როცა გამელევიძა ასეთ გარემოცვაში, შევშინდი კიდევ. შემდეგ ჩემი ვინაობა რომ გაიგეს, თინა ექიმის ძმა რომ ვიყავი, დიდი პატივისცემით ბოდიში მომიხადეს და გემრიელ სუფრაზეც მიმიწვიესო, — იგონებდა ლევანი.

აქვე გვინდა აღვნიშნოთ, რომ ლევანმა თრეხვის გამოქვაბულის კვლევა-ძიება მხოლოდ 14 წლის შემდეგ შეძლო, როდესაც მესამე გადასახლებიდან დაბრუნდა.

„თრეხვი არასდროს მავიწყდებოდა, ვიცოდი მისი მიუდგომლობა და შეღწევის შემთხვევაში შესაძლებელია რაიმე საუკუნოვანიც გვენახა. და, აი, 14 წლის შემდეგ ისევ თრეხვში ვარ, კლდის ძირში. ჩემთან ერთად არიან ცნობილი მთამსვლელი გულადი ოსტატი და კეთილი ადამიანი, ჩემი მეგობარი, ყველგან შეღწევადი და უშიშარი მექვაბულე ატე ნემსიწვერიძე, ახალგაზრდა არქიტექტორი და ქვაბულების ბეჭითი მკვლევარი გი-

ვი გაფრინდაშვილი, ექიმი გურამ ხეცურიანი და მძლოლი ილო ჯარიაშვილი“.

სწორედ ასეც მოხდა: აღმოჩენილ იქნა ლეონტი მროველის მოჩუქურთმებული ქვაჯვარი, რომელიც მათ ხელში გაცოცხლდა და ამეტყველდა. ასომთავრული წარწერით 1066 წელი აღინიშნა. „მე, ლეონტი მროველმა, დიდი მოქირვებითა აღვაშენე ესე ქუაბი ხატისათვის ღმერთისა და დღისა ქირისასა ნავთსა-ყუდელად რუისისა საყდრისა შვილთათვის ჟამთა შინა აღფარსალან სულთნისაგან აოხრებისა ქორონიკონსა სპვ (1066)“. როგორც ჩანს, ლეონტი მროველი თავის გაწამებულ სამშობლოს გადაჰყურებდა და „ქართლის ცხოვრებას“ წერდა. ასეთი აღმოჩენები და ახლის კვლევა ლევანისათვის მაცოცხლებელი ძალა იყო.

ხვედურეთში ლევანის ერთ-ერთი ჩამოსვლის დროს სტუმრები გვყავდა — ჩვენი ნათესავი ანიკო ნიკოლაძე და მისი მეუღლე გიორგი აბზიანიძე. ლევანი სამგზავროდ ემზადებოდა, ჩვენც შემოგვთავაზა ყინწვისისაკენ გასეირნება. ყველანი სიამოვნებით დაეთანხმდით, ავიკიდეთ გუდა-ნაბადი, საგზალი და გზას გაუდექით.

— ყინწვისისაკენ მიმავალი საცალფეხო ბილიკი ძამის ხეობას გასდევს ტყე-ტყე, — გვიხსნიდა გზადაგზა ლევანი, — მერე ქედის კალთაზე ასწლოვან კაკლოვან ტყეში აღმართს უნდა გავევთ, რის შემდეგ გამოჩნდება ამაყად და ცაში საოცრად აზიდული ყინწვისის ტაძრის გუმბათი.

ეკლესიის გალავანში შევედით. ხარბად დავეწაფეთ ანკარა წყაროს და წყურვილი მოვიკალით. დიდებულ ტაძართან გავჩნდით, ჟამთა სვლას და ავდარ-ზამთარს ეკლესიის ჰერი თითქმის აეხადა, ჩამოცვენილი ჩუქურთმებიც იქვე ეყარა და ჩამონგრეული კედლებიც. ლევანი ამ კედლის შორიანხლოს დიდხანს იდგა და ტაძარს შეჰხაროდა, მის მოუვლელობაზე გული შესტიოდა.

ტაძარში რომ შევედით, ყინწვისის ანგელოზის მშვენებამ ყველა გაგვაოცა, გაგვაშეშა. მონუსხულივით შევცქეროდით მის საოცარ მოხატულობას, რომლისთვისაც ჟამთა სვლას ვერაფერი ევნო.

გულმოკლეები, მაგრამ აღტაცებულები ვუყურებდით გარდასულ საუკუნეთა შედეგს. გვიკვირდა, რა ხელმა და გემოვ-

ნებამ შექმნა იგი, ასეთი ნაზი, მომღიმარი, კეთილი და სათნო. ლევანი სულგანაბული, ჩვენგან განცალკევებით დიდხანს, დიდხანს იდგა მარტო ერთ ჩაბნელებულ კუთხეში... გული რომ ვიჯერეთ ამ მშვენიერების ხილვით, დანგრეული სამრეკლოსკენ გავსწიეთ. სამრეკლოდან კრუხი გამოვარდა კრიახით და მას წიწილები მოჰყვნენ — ვილაცამ თუ მოიყვანა შესაწირავად...

დიდხანს ვიხეტილეთ ტაძრის შემოგარენში. ლევანს და ბინდების ეამს უნდოდა კიდევ ერთხელ შეეხედა ანგელოზისათვის. მზე ნელ-ნელა ჩადიოდა, გარემოს ნისლი ეფინებოდა. ყველას გვიკვირდა, როგორ იცვლიდა იერს ყინწვისის ანგელოზი — ჩამუქდა და თითქოს დანაღვლიანდა კიდევ. შემდეგ მზის ირიბი სხივის ანარეკლით გაბრწყინდა, გალამაზდა, უფრო ამაყი გახდა. ამ სანახაობით აღტაცებულები ერთად ვლაპარაკობდით, ყველას საკუთარი აზრის გამოთქმა გვსურდა. ლევანმა ყველას დიდი გულისყურით მოგვისმინა და გვითხრა: ყინწვისმა ჩემზედაც საოცარი შთაბეჭდილება მოახდინა, უსათუოდ დავწერ ნოველას და ვეცდები თქვენი აზრებიც შიგ ჩავაქსოვო. ასე კმაყოფილი და აღფრთოვანებულები დამე, მთვარის შუქზე დავბრუნდით იქიდან.

მოუსვენარი კაცი იყო ლევანი თავისი ბუნებით, მოძრავი და მეოცნებე. მეორე შაბათ-კვირას ხვედურეთიდან თეძმის ხეობაში გადაწყვეტა მოგზაურობა და ჩვენც წაგვიყვანა. თან გვახლდა ლევანის მეგობარი მთამსვლელი დამკვლევარი კოტე ჯავრიშვილი. თეძმის მდინარეში სულ წყალ-წყალ გვატარა, თეძმის ხეობის სილამაზით დაგვატკბო და მერე ასწლოვან წიწვნარში გადაგვიყვანა. თამარის ციხის ნანგრევებზე აგვიყვანა. მერე რკონის მონასტერთან ამოვეყავით თავი, მზითა და მადლით სავსე რკონთან. ეს ხომ თავად ტყის სახელია — ხე-სამრეკლო. შემდეგ ციცაბო კლდეებზე ვიხიხილეთ და ყველა ბაზილიკა დავათვალიერეთ. რკონ-ჩაჩუბეთის თავზე, ხელმარცხნივ, მრავალსართულიანი ციხე-ქვაბული შევნიშნეთ.

ლევანი და კოტე დიდხანს ეძებდნენ ამ ციხე-ქვაბულს. ბევრი გვატარეს. ბოლოს მივაღიქით ერთ უშველებელ, 300-მეტრიან კლდეს, რომლის შუაგულში ქვაბულის ოვალური შესასვლელი მოჩანდა. ეს კლდე ძალიან ძნელი მისადგომი აღმოჩნდა.

— აქ ასვლას ტექნიკურად კარგი აღჭურვილობა და ალპი-

ნისტური ხელსაწყოები სჭირდება, აუცილებელია გრძელი თოკის ჩამოშვება. ვინ იცის, იქნებ რკონი ერთ-ერთი მწიგნობრული ცენტრიცაა. ძველ საქართველოში ქვაბულთა მიუვალობა დიდი საიდუმლოებით იყო მოცული (ლევანმა ამოჩხრიკა კედეც რუკები). არსად არ არის ეს ქვაბული ნახსენები. ჩვენი მეცნიერებიც სდუმან ამ საკითხზე.

ლევანმა და კოტემ გადაწყვიტეს ახლო მომავალში კვლავ მოსულიყვნენ აქ და შეეღწიათ იდუმალებაში. მაგრამ ლევანს ეს არ დასცალდა ხელახალი გადასახლების გამო. მხოლოდ 1957 წლის 25 აგვისტოს შეძლო თავისი ოცნების ასრულება. შემდეგ იგონებდა ლევანი: „მწერალთა კავშირიდან დიდი ჯგუფი წავიდა საბარგო მანქანით რკონში. ოცამდე კაცი მოგროვდა. აქ იყვნენ მწერლები, არქიტექტორები და ცნობილი მსახიობი სერგო ზაქარიაძე. გზაში აკაცი ბელიაშვილი და დემნა შენგელაიაც შემოგვიერთდნენ. აქედან ხუთმა ოდნავ გადავინაცვლეთ თეკლერის ხეობაში და თავზე წამომდგარი კლდის აღმართს შევუდექით. დანარჩენებმა რკონის მონასტრისაკენ გასწიეს.

სარგის ცაიშვილმა თოკი შობიდა და ალპინიზმში ნაწრობმა, ქვაბულში პირველმა შეაღწია, მას თოკდათოკ ვადიმ მიხაილოვი და ფრიდონ ნადარაია მიჰყვნენ, მერე რეზო თვარაძე ჩამოეკიდა თოკს და ბოლოს მე შევალწიე. ქვაბულის ოთხივე სართული დავიარეთ. ასე ღია, გულდაგულ ბრძოლაში ბუნება და ადამიანი მართო ფრიადო კლდეზე შეიყრებიან და როცა ადამიანის მიზანი მიღწეულია, ის გამარჯვებულია.

მრავალსართულიანი ქვაბი საოცრად დაცლილი აღმოჩნდა, შავად გაჭვარტლული. მხოლოდ მე-4 სართულის ერთ კედელზე ცინციმებდა ჩვენი შერქმევით „რკონის წმინდანი“ — ძველი ხელოვნების ნიმუში. საერთოდ კი ყველა მიუვალ ქვაბულს ისე უნდა ვუზიროთ, როგორც ძველ წიგნთსაცავს. აქ, მიუვალ ქვაბულში, უნდა ვეძიოთ „ქართლის ცხოვრების“ დაფანტული ფურცლები. ნუ გაგიკვირდებათ, რომ გაძარცვულ ქვაბულებს აღმოვაჩინეთ. ქვეყნად მძარცველები ხშირად სჭარბობენ მოჭირნახულეთ. „ქართლის ცხოვრება“ თავის დიდ და იქნებ უმძიმეს ნაწილში „ქვაბთა ცხოვრებაა“. მათ შეერთებული ძალით ამოვიცნოთ წინაპართა საიდუმლოებანი. საქართველოს წარსულის შესწავლა ქვაბულების კვლევასაც მოიცავს. აქ კი საჭიროა მთამსვლელური გამბედაობა, სიმარჯვე, აზროვნება, მწერლის

ინტუიცია, ახალგაზრდული სულისკვეთება და პასუხისმგებლობის გრძნობა“.

ლევანი შემდეგ ისევ მთაში წავიდა, ისევ ალიოშა ჯაფარიძის ჯგუფს შეუერთდა. ამ მოგზაურობაში ლევანს ასე იგონებს ჩვენი ოჯახის მეგობარი დენიზა გოზალიშვილ-სუმბაძისა: „ქაუხებზე ასვლების შემდეგ სოფელ ჯუთაში შემოგვიერთდა ლევანი. ჩვენ არხოტის თავის გადასავალით ხევსურეთში უნდა ჩავსულიყავით. ცხენიანმა გამყოლებმა უარი გვითხრეს გზის გაგრძელებაზე, ამიტომ ჩვენ ნოგვიხდა მთელი ბარგის გადანაწილება. ფქვილის ტომარა ალიოშა მყავანაძეს ერგო. ახლაც თვალწინ მიდგას წვიმისაგან სველი ტომარა, რომელსაც წურწურით ჩამოსდიოდა ფქვილის ნაჟონი. ომი იყო და საკვების ყოველი მისხალი ძვირად ფასობდა. სოფელ არხოტისაკენ მიმავალ მოკლე ბილიკს მივადექით. ჯგუფმა შეისვენა. ლევანი კი დაწინაურდა. სწრაფად აიარა აღმართი და პატარა ხატ-სალოცავთან გაჩნდა. იქ ხევსურებსაც შეხვდა. ჩვენ შუა გზა გავლილი გვქონდა, როდესაც ლევანმა უკან დაგვაბრუნა. თურმე ხატთან დიაცის მისვლა არ შეიძლება. რალას ვიზამდით? საშინლად დაქანცულები უკან დავბრუნდით და გრძელ გზას დავადექით. არხოტში მთელი სოფელი შემოგვეგება.“

ჩვენთან მოიქრა ახალგაზრდა ხევსური, ჩაცმული მოქარგულ ტანისამოსში, გადაეხვია ლევანს და ოთარ გიგინეიშვილს. გაგვაცნეს, პოეტი გაბრიელ ჯაბუშანური აღმოჩნდა, თბილისის სახელმწიფო უნივერსიტეტის სტუდენტი, იმჟამად სოფლის საბჭოს თავმჯდომარე. ჩვენს გაკვირვებას საზღვარი არ ჰქონდა როდესაც ხევსურებმა იქ „ხატთან“ არ მიგვიშვეს, აქ კი, სოფელში, ღამის სათევად ეკლესიაში მოგვათავსეს.

არხოტში რამდენიმე დღე დავრჩით. გაიმართა ლიტერატურული საღამოები, მონაწილეობდნენ ლევანი, გაბრიელი, ოთარი და ბევრი იქაური ახალგაზრდა. მათ შორის გამოირჩეოდა შესანიშნავი პოეტი სოფელ ამლადანიდან.

1943 წლის 7 აგვისტოს ლევანმა მონაწილეობა მიიღო მწვერვალ „კიდევანის მალალის“ დალაშქვრაში. ლაშქრობის ხელმძღვანელი ალიოშა ჯაფარიძე იყო, წევრები: ო. გიგინეიშვილი, გ. რაიზერი, დ. გოზალიშვილი, ა. მყავანაძე, ვ. ბელეცკაია, ნ. ცნობილაძე, მ. ხულელიძე, ი. სოსინა, ლ. გოთუა.

არხოტი ხევსურეთის ერთ-ერთი განაპირა ხეობაა, ჩვენ და-

ვიარეთ ყველა ახლობელი სოფელი, ლევანმა ჩაიწერა უამრავი ლექსი და სიმღერა, ადათი და ზნე-ჩვეულება. მწვერვალის დაპყრობას ვაპირებდით აღმოსავლეთიდან, ეს პირველი ასე-ლა იყო ახალი გზით. სურვილი გექონდა შეგვესწავლა ჯერ კიდევ უვალი ქედიც.

საკმაოდ მაღალ აღმართს შეეუდებოდა, გავცილდით საბალახოებს, აქა-იქ ასაკოვან ფიჭვნარსაც გვერდი ავუხვიეთ, ავუყვებით შესანიშნავ ტყეს, რომელიც ჩვენი ზეპირსიტყვაობის თუ მწერლობის ძლიერი კალაა. მერე თოვლიან ველზე გადავედით. შემდეგ კი კლდოვან მწვერვალსაც მივალწიეთ. მწვერვალი „კიდევანის მაღალი“ 2200 მ. სიმაღლის ნაშალი ფიქალი აღმოჩნდა. აქ თითქმის ყოველი ქვის ქვეშ ჩასაფრებული მარცხი გვიცდიდა. ჩვენც ვფრთხილობდით. მივიწევდით წინ უცნობი ქედისაკენ. მთას მთა ცვლიდა, კლდეს — კლდე, ღრმა თოვლი კი — ყინულოვან არეებს. მწვერვალზე შეგროვილი ქვების ქვეშ კოლოფი აღმოჩნდა, შიგ კი ბარათი, რომელიც 1936 წელს დაუტოვებია სამხედრო-საპაერო აკადემიის ჯგუფს.

მთებს შუა საუცხოო, ანკარა ტბას წავადებოდა, რომლის თავზე ამაყად წამომდგარიყო უცნობი მწვერვალი. ამ მწვერვალის აღების ბედიც იქვე გადავწყვიტეთ. შეეუდებოდა მის დალაშქვრას. ის 4300 მ. სიმაღლისა აღმოჩნდა და თორმეტმა ნათლიამ ამ მწვერვალის თავზე თათბირი გავმართეთ. მწვერვალს ყველამ ერთად „ვაჟა-ფშაველა“ დავარქვეთ. ამით გენიალურ პოეტს, მგოსანს, ბუნების მოამაგეს ცოცხალი ძეგლი დავეუდგით.

მწვერვალზე ჩამოვსხედით დასასვენებლად. მხოლოდ ლევანი იღვაჯამართული და აღტაცებით გაპყურებდა ბუნების წარმტაც სივრცეს, რომელსაც გაბრწყინებული მზის შუქი და სულ ახლოს თავზე მომდგარი ლურჯი ცა ზღაპრულ ელფერს აძლევდა. და, აი, საკვირველება: ცის ლაქვარდში, დაწყებული მთის კორტოხიდან, ზღაპრულად აღიმართა ლევანის ბუმბერაზი ჩრდილი. ყველა განცვიფრდა, გაოცებული და აღელვებული შესცქეროდნენ ამ არაჩვეულებრივ სანახაობას. ლევანიც გაოცდა, ამ უსაზღვრო სივრცეში უკვირდა თავისი გრანდიოზული ჩრდილის დანახვა. განძრევისა ეშინოდა, რატომ ხდებოდა ეს მოვლენა ვერ აეხსნა. უცებ ყველანი წამოვიშალეთ, ყველას გვინდოდა ჩვენ-ჩვენი ჩრდილის ასე დანახვა. ლევანიც შეირხა... ჩრდილი უცებ გაქრა და არც გამეორებულა.

შემდეგ ჯგუფი ავიდა „საქარის მაღალზე“, მერე კი როშკის უღელტეხილით ჩამოვედით ბარისახოში და ფეხით ვიარეთ ჩარგლამდე.

აქ ლევანი ჯგუფს დასცილდა და ვაჟა-ფშაველას სახლისაკენ გაემართა...“

„...და, აი, ვაჟა-ფშაველას ქოხ-საცხოვრებელი, — წერს ლევანი, — მისი ქული, მისი თოფი, აგერ საათი ძველი, უისრო... თუმცა მარადისობაში გადასულს ისრები რალად სჭირდება...“

ვაჟას სახლში მოწიწებით ჩემს უბის წიგნაკში ვწერ ხალხურ ნათქვამს, რომელიც თვითონაც კარგად იცოდა:

„არხეატო, ჩემო სამშობლოვ,
ჯიხე-არწივების ბინაო —
ნეტამც კი შენ მტერს შამაქლა,
შენს მკლავზე დამაწვინაო“.

აქვე გვინდა აღვნიშნოთ, რომ ლევანის ხელმძღვანელობით 1944 წელს მწვერვალი „სოფრუჯი“ დალაშქრა მთამსუღელთა პატარა ჯგუფმა (ნ. კეცხოველი, ვ. ნათაძე, ო. ჯაფარიძე, ვ. ბელეცკაია, კ. კანდელაკი, ნ. ნიჟარაძე, კ. კილაძე, ა. რობაქიძე). ლევანმა ეს მოგზაურობა დაწვრილებით აღწერა. ეს არ იყო მარტო სიძნელეების დაძლევის ფაქტების აღნუსხვა, მან იმ დიდი სიამოვნების გადმოცემაც შეძლო, რომელიც ექსპედიციის ყველა წევრმა განიცადა ბუნების ამ უკიდურესო მშვენიერებით.

1944 წელს ლევანმა იმოგზაურა რაჭაში, ლეჩხუმსა და სვანეთში. ღირსშესანიშნავი ძეგლები დაათვალიერა, ნიკორწმინდას ეკლესიამ აღაფრთოვანა, იქვე ლექსიც უძღვნა:

ნიკორ-წმინდას ჩუქურთმა არ აქვს,
იგი თვით ჩუქურთმაა,
დიდება თავად — ჩამოკვეთილ ქანდაკებაში,
ჩამოკვეთილ მადლიან ხელით.
შესაველში ბარელიეფი—წმინდა გიორგის.

იყო ციხე, სარდაფებში ბინდი და შმორი,
დერეფანში ჩექმა და ხსნილი კეფა,
ზღურბლზე შემზარავი სისხლი
და ხმა გალობა, სასიკვდილოდ ატაცებულო.

. და გადაეცით იმ არამზადებს,
რომ საქართველოს თეთრი გიორგი
თავის შუქს ლესავს
პასუხს ამზადებს

ნიკორ-წმიდის ბარელიეფის შუბი შელესილია.

მერე შესანიშნავი მოთხრობა-ჩანახატი — „ლეჩხუმელი ქალი“ გამოქვეყნდა „ლიტერატურა და ხელოვნებაში“ (1944 წლის 25 აგვისტო). ამავე წელს ბავშვებისათვის ლევანის შესანიშნავი ზღაპარი დაიბეჭდა. პატარა საბავშვო წიგნის სახით „მელია და ცუტურა“ („სახლიტგამი“, თბილისი, 1944), „ლიტერატურა და ხელოვნებაში“ დაიბეჭდა აგრეთვე ნარკვევი „წაგებული სანაძლეო“.

ამრიგად, ლევანი საკმაოდ პოპულარული გახდა, როგორც მწერალი და დრამატურგი, მკვლევარი და მოგზაური. ყველგან მისი ქება-დიდება გაისმოდა. ვინც კი იცნობდა, ყველას აოცებდა მისი შრომისმოყვარეობა და ენერჯია, აღიარებდნენ მის ნიჭსა და კეთილკაცობას, თუმც სწორედ ამ პერიოდში ისევ ჯაშუში დასდევდა და ნერვებს უშლიდა, გულს უწყალებდა. ხასიათის სიმტკიცეს უთრგუნავდა.

1944 წლის ზამთარში ლევანმა კიდევ ერთი შესანიშნავი პიესა დაამთავრა — „უძლეველნი“ — აქტუალური დრამა ომის თემაზე. პიესა ისე ოსტატურად იყო დაწერილი, რომ ყველას ნამდვილი ამბავი ეგონა: მტერმა ჩაძირა ჩვენი საბრძოლო წყალქვეშა ნავი „კოლხი“. მთელი მოქმედება ზღვის ფსკერზე, პერმეტულად ჩაკეტილ წყალქვეშა ნავში მიმდინარეობს. საბრძოლო შემადგენლობა ჯერჯერობით უვნებელია, მაგრამ გრძნობენ, რომ განწირულები არიან და მალე დაიღუპებიან. გადარჩენის ერთადერთი საშუალებაა როგორმე ცნობის გაგზავნა და შეტყობინების გაკეთება, მაგრამ როგორ? რა გზით? საქმე იქამდე მიდის, რომ ვიღაცამ თავი უნდა გასწიროს და სამიზნე რაკეტის გასროლით გავიდეს. ამით იქნებ თვითონაც გადარჩეს და ჩაძირული ნავიც გადაარჩინოს... ამ ქარგაზეა აგებული მთელი პიესა.

სანამ ლევანი პიესას დაამთავრებდა, ორჯერ იყო ფოთში და ბათუმში. ბოლოსდაბოლოს შეაღწია წყალქვეშა ნავში და დაწვრილებით შეისწავლა იქაური ცხოვრების პირობები.

პიესა მარჯანიშვილის თეატრში მიიტანა დასადგმელად. ნავის წინამძღოლის — კაპიტან მერაბ რატიანის როლი ლევანმა სპეციალურად სერგო ზაქარიაძისათვის დაწერა. თეატრმა დრამა ძალიან მოიწონა და ლევანის ახალი სპექტაკლის დადგმას შეუდგა. 1945 წლის 18 სექტემბერს პრემიერაც შედგა.

აი, ამ წარმოდგენის პროგრამაც:
**მარჯანიშვილის სახელობის
სახელმწიფო თეატრი**

1945—46 წ. სეზონი
ლ. გოთუა

უ ქ ლ ე ვ ე ლ ნ ი

დრამა 3 მოქმედებად, 14 სურათად.

მოქმედნი პირნი

მერაბ რატიანი — წყალქვეშა ნავის
„კოლხის“ კაპიტანი

მანანა — საზღვაო ჰოსპიტლის ექიმი

ივლიანე — შტურმანი
ოლიფანტე ლობჯანიძე
მამამზარეული

ვასილი ბუჩმა — ბოცმანი

ლადი ჭაიანი — სამხედრო კორესპონდენტი
გრიადუნოვი — ინჟინერ-მექანიკოსი
ხავთასი — ელექტროჭაფუფის ზემდეგი
კანკავა — მექანიკური ჯგუფის ზემდეგი
მონიავა — ქვემეხის კომანდირი
ზარიძე
მესაქე

ს. ზაქარიაძე
(რესპ. დამს. არტ.)
მ. ქორელი
ნ. სულხანიშვილი
ი. ქოქრაშვილი
კ. დაუშვილი
ა. ოშიაძე
(რესპ. დამს. არტ.)
მ. სარაული
(რესპ. დამს. არტ.)
ვ. გოციჩიელი
ი. ტრიპოლსკი
ვ. ძაგნიძე
ალ. სიხარულიძე
ა. ვერულიშვილი
ს. კვაჭაძე
ა. დადიანი
გ. ქორიძე

15. თ. გოთუა, ა. გოთუა

იამანიძე — რადისტი

ნ. კანდელაკი

ბეთანელი — პოეტი, პარტიზანთა მეთაური

გ. ფრონისპირელი

დადგმა — ვახტანგ ტაბლიაშვილისა (ხელოვნ. დამს. მოღვაწე)

მხატვარი — პროფ. დ. კაკაბაძე

მუსიკა — კომპ. ა. კერესელიძე

რეჟისორ-ასისტენტი — ი. ჭავჭავაძე

რეჟისორის თანაშემწე — ი. ჭორჭაძე

დირიჟორი — ჯ. დიასაშიძე

თეატრის დირექტორი ივ. გვინჩიძე

სამხატვრო ხელმძღვანელი — შ. ღამბაშიძე (რესპ. დამს. არტ.)

1945—1946 წლის თეატრალურ სეზონში „უძლეველნი“ სულ 36-ჯერ დაიდგა. ვახტანგ ტაბლიაშვილის შესანიშნავმა დადგმამ, პროფესორ დავით კაკაბაძის არაჩვეულებრივი გემოვნებით და სილამაზით შესრულებულმა მხატვრობამ და დეკორაციებმა, არჩილ კერესელიძის მუსიკამ და მსახიობების უზადო, მაღალოსტატურმა თამაშმა, განსაკუთრებით კი სერგო ზაქარიასის ჰეროიკულმა შემართებამ წარმოდგენა მაღალ დონეზე აიყვანა და დიდი წარმატება მოუპოვა. წარმოდგენების მსვლელობის დროს დარბაზი მუდამ გაჰყვდილი იყო აღფრთოვანებული მაყურებლით, რომელიც არ იშურებდა ხანგრძლივ ოვაციებს, შეძახილებს, ცრემლს, თითქოსდა პიესაშიც კი მონაწილეობდნენ. ყველა ხარობდა, მაგრამ ლევანს ეს სიხარული პრემიერაზე ჩაუღწარდა. მან თვალი მოკრა იმ ჯაშუშს, მიწაზე რომ დაანარცხა და შემდეგ აღარ გამოჩენილა. აი, ახლა მე-5 რიგში იჯდა და გაღიმებული, კარგი ნაცნობივით ტაშს უკრავდა ლევანს. ლევანს ეს ცუდად ენიშნა.

ყველა, დიდი თუ პატარა, მსახიობი, მწერალი, კრიტიკოსი, უბრალო მაყურებელი, სამანულო ომის მონაწილე, ლევანს გულთადად ულოცავდა ამ შესანიშნავი სპექტაკლის შექმნას. ეს მართლაც დიდი და დამსახურებული აღიარება იყო. რაც შეეხება რეცენზიებს, კრიტიკოსები ისევ დუმდნენ გაუგებარი მიზეზების გამო.

იმავე წელს ლევანმა მოსკოვიდან მიიღო ოფიციალური წერილი, რომელიც თეატრი სთხოვდა „უძლეველნი“. ლევანმა სასწრაფოდ თვითონვე თარგმნა პიესა რუსულად და ფოსტით გაგზავნა. პიესა დაიკარგა (დღემდე არავინ იცის სად არის). ესეც ცუდად ენიშნა.

თბილისში წინა წლებთან შედარებით უკეთესი განწყობი-

ლება სუფევდა. ხალხი უკვე მოუთმენლად ელოდა ომის დამთავრებას. ფრონტის ხაზი დიდი ხანია გასცილდა საბჭოთა ქვეყნის საზღვრებს, ბრძოლები ბერლინის მისადგომებთან მიმდინარეობდა, ომის დამთავრება და ჩვენი ჯარის გამარჯვება გარდაუვალი იყო.

ლევანი კვლავ სამოგზაუროდ წავიდა. ჯერ ერთი, ჯაშუშის საქციელი არ ასვენებდა, მეორეც, უბის წიგნაკში წითელი ფანქრით შემოხაზული ჩანაწერები, კითხვის ნიშნები მოსვენებას არ აძლევდა. ეს ვახუშტის წიგნიდან ჰქონდა ამოწერილი: „რიონის დასავლეთით, მთის ძირს არის ხომლის კლდე ფრიად მაღალი, მოიგო ამან სახელი ესე სიმაღლით, ხომლის ვარსკვლავის სწორობით. ამ კლდეში არის ქვაბი გამოკვეთილი, მტრისაგან შეუვალი, მეფეთა საგანძურთა სადები“. ბავშვობიდანვე ახსოვდა ლევანს თავისი გამზრდელის, რაჭველი ქალის ტასოს ნათქვამი: რაჭა-ლეჩხუმის საზღვარზეა მიუვალი ხვამლის მთა და იქ გამოქვაბულებიც არისო. ამიტომ ეს მიუვალი ქვაბულები, სადაც შესაძლებელია საქართველოს ისტორიული საგანძური დიდი ხანია ელოდა მკვლევარს, მოსვენებას უკარგავდა ლევანს.

ალიოშა ჯაფარიძის ხელმძღვანელობით შედგა ხვამლის მთის და ქვაბულების დასალაშქრავი ექსპედიცია. „ექსპედიციის წევრები ვიყავით: არქეოლოგი გოგი ლომთათიძე, მთამსვლელი ოსტატი მეტეოროლოგი ალექსანდრა ჯაფარიძე, ალიოშას და, მთამსვლელი ვერა ბელეცკაია, მთაში „თეთრ ვერად“ მონათლული, საუკეთესო მთამსვლელი და მღვიმე-ქვაბულებში მძრომელი ატე ნემსიწვერიძე, სიმონ შხვაცაბაია, უკრაინელი ბუნებისმეტყველი მიკოლა ბურჩაკი და მე — მწერალი ლევან გოთუა“, — ჩაწერილი აქვს ლევანს. იგი განაგრძობს: „ალიოშა ჯაფარიძის მიერ შემუშავებულ ასვლის გეგმას გავეცანი, კლდესა და ქვაბულებს ვუფარდებდით და ვესადაგებოდით“.

ლევანი თბილისიდან გავიდა და ჯაშუშს გზა აუბნია. — ქუთაისში ღამიანად ჩავალ, შემდეგ კი იქიდან ჯგუფს დავეწევით. გზად ყურადღების გარეშე არ დატოვა არც ერთი ღირსშესანიშნავი ძეგლი, მოწამეთას კი იქვე ლექსიც უძღვნა (სახლში მხოლოდ მისი პატარა ნაწილი შემოგვრჩა).

საქართველოში ვინ არის, რომ არ აწამეს,
ვის არ შეაბეს მძიმე ლოდი,
განა თავი ცოტამ გასწირა,
მაგრამ დროც მოვა, ჩვენს ძახილს
მურვანყრუებიც გაიგონებენ.

„სალორიაში უჩუმრად მიველ. ქუთაისიც ასე მოვინახულე. ვიბორიალე ხალისიან და შუშპარა ცოცხალ ქუჩებში თავისუფალმა, სიცოცხლის ძალით შემატებულმა.

სადღაც სულ ახლოს კეთილად და იმედიანად ყურს ატკბობდა და გულს საამურად ხვდებოდა დოლ-ფანდურზე აქლერებული ქართული ჰანგები. მოვინახულე ბაგრატიის ტაძარი დანგრეული, მაგრამ მარად უნგრევი. ღამის შუქზე ზღაპრულად გამოიყურებოდა წინა თაობათა გადაბმული უსრეტი ჭაჭვით. ჭაჭვის ხიდიდან გადავხედე შებოჭილ რიონს, წინ სწრაფვა სღუმდა, შიგ ღამე ჩაწოლილიყო.

ყოველივე ნახული და შეგრძნობილი პატრიოტულ გრძნობას მიაღებდა, წინაპართ რწმენას და სიყვარულს მიორკეცებდა“.

შემდეგ ლევანი ჯგუფს დაეწია.

„გადავიარეთ ცხრა მთა, ცხრა ველი, ულამაზესი ხეობები და წყაროები. ალპურ ზონაში მეჯოგეებს შეევხვდით, ვესტუმრეთ კიდევ, ისინი ლეჩხუმ-ტვიშელეები აღმოჩნდნენ: ალექსანდრე ნაჭყებიაძე, ნიკოლოზ ნემსიწვერიძე, გრამიტონ გორდეზიანი, ვახტანგ ასათიანი. მათ მეტად თავაზიანად მიგვიღეს, ქვაბულების შესახებ გვესაუბრნენ. ხვამლის თავისკენ გზაც გვაჩვენეს.

ხვამლის ფრიალო ძგიდეს სამხრეთ-დასავლეთით შემოვუარეთ და „დათვის ყელზე“ გავედით. იქვე ცოტაც მივეძალეთ, უღრანი ტყე და მთა-გორაკები გადავიარეთ და ხვამლის თავზე მოვექექეთ.

მთა ქართული საზომით არ არის მაღალი. მაგრამ 300-მეტრიანი ფიქალი კლდეა, ხვამლის ქვაბული კი თითქმის მის შუაგულშია მოთავსებული. ხეობის ძირიდან ფიქალს ვზვერავთ და თოკებს ვზომავთ. თხემზეც ავედით, სწორედ საოცრება ყოფილა ხვამლის თხემიც. იქიდან თვალს ვატანთ მის გარშემო ულამაზეს გარემოზე — ასხის მთას, საქარიას, დიდის, ლაბრაზი.

და სხვა მრავალს, სვანეთის ქედსა და თეთრ-ჭალარა კავკასიონს. აქ ყველაფერი უზომოდ წარმტაცია და ღრმად თავისებურების ნიშანსვეტით გამოირჩევა.

რამდენიმე დღის შემდეგ მეორე ჯგუფიც შემოგვემატა — ალიოშას ძმისშვილი გოგი ჯაფარიძე, რეზო ბანძელაძე, ოთარ ნემსაძე და 14 წლის ახალგაზრდა ჯორჯი ნემსაძე. ის ჩვენი შიკრიკ-ფოსტალიონი გახლდა და „ქვაბულიძე“ შევარქვეით. ამრიგად, დიდ ჯგუფს, ყველას გვქონდა სურვილი და მისწრაფება ხვამლის გამოქვაბულში შეღწევისა. ამის გადაწყვეტა კი ალიოშას საქმე იყო. ალიოშა ჯაფარიძე თავისი ოსტატობით, ტანმსუბუქად, ზესწრაფვით და უშიშრად აჰყვა წინასწარ დაგრძელებულ თოქს. შემდეგ დაიწყო ხვამლის ქვაბულისაკენ მთამსვლელობის გარემოება — „მიწისა და კლდის“ კაცების, სათითაოდ თოქით გამაგრებულთა აღმასვლა. დიდი ანადლებული გრძნობა მეუფლება ქვაბულების საიდუმლოებებში შეღწევის შემდეგ. ასე მგონია, საქართველოს ძველი ისტორიის კიდევ ერთი ფურცელი გადავფურცლე და შიგ ჩვენი სამშობლოს ღრმა კულტურული დონე ამოვიკითხე. ხვამლის ქვაბულები ხეაეინად შეგვხვდა, დავაგროვეთ მუზეუმში წამოსაღები ნივთები: თავხის ნაჭრები, ძველი თიხის ჭურჭლის ნაირსახოვანი ნატეხები, დუღაბისა და საღებავის ნიმუშები, ძველთაძველი აგურები. დედო-ქვაბულის ერთ-ერთ კედელში კოლოფი დავტოვეთ, შიგ ხვამლის დამლაშქვრელების — ალიოშა ჯაფარიძის ექსპედიციის ჯგუფის გვარებით შეესებულ პატარა ბარათი ჩავდეთ — მომავალი თაობისათვის. ხვამლის მთის ქვევით მთელი სოფელი შემოგვეგება. ძალიან ნასიამოვნები და გამარჯვებულები ჩამოვედით იქიდან. რამდენიმე დიდებული ძველი ნაშთი ჯერ კიდევ ელის თავის მკვლევარებს. ახალგაზრდებო! გაბედეთ, დაუბრუნეთ საქართველოს თავისი ძველი ისტორია, დრო მიდის და მიიხარჯება, ბევრი რამ იშლება და იკარგება. იჩქარეთ, იჩქარეთ!“

როგორი სასიამოვნოა, რომ სულ ახლახან, ორმოცი წლის შემდეგ, ხვამლის გამოქვაბული დალაშქრა ახალგაზრდების ერთმა ჯგუფმა რევაზ შალიბაშვილის ხელმძღვანელობით, ლერი გაბელიას, რამზინ კორშიას და გია ნათადეიშვილის მონაწილეობით. მათ ჩამოიტანეს 1944 წელს დატოვებული ბარათი და ჩვენთან მოიტანეს სახლში. ხვამლის გამოქვაბულების დალაშ-

ქერის კინოფირიც გადაიღეს. დასანანია, რომ ხვამლის ქვაბულების დალაშქერის ამბავს ლევანი ველარ მოესწრო, ახალგაზრდების ეს მიღწევა კი მეტად გაახარებდა, ეს ხომ ლევანის თითქმის ნახევარსაუკუნოვანი ოცნების თავისებური გამოძახილია.

ხვამლის გამოქვაბულის დალაშქერით მოპოვებული მასალა ლევანმა მესამე გადასახლებიდან დაბრუნების შემდეგ დაამუშავა, ნარკვევის სახით გამოაქვეყნა „ხვამლის ციხე-ქვაბულის“ სახელწოდებით და უძღვნა ალიოშა ჯაფარიძეს: „მთამსვლელობის შეუდარებელ ოსტატს, მწვერვალების ვაჟკაცსა და მიუვალნი გამოქვაბულების მესაიდუმლეს, მისი დაღუპვის ათი წლის თავზე ვუძღვნი ამ ნარკვევს“.

1945 წელს ჟურნალ „მნათობის“ მე-10 ნომერში დაიბეჭდა ლევანის შესანიშნავი ნოველა „კრწანისის სევდა“. ასორმოცდაათი წლის წინათ კრწანისის ბრძოლებში დაცემულ მამულიშვილებს უძღვნა იგი. ნოველამ თბილისის საზოგადოებაში დიდი გამოხმაურება გამოიწვია და დიდი მოწონებაც ჰპოვა. უამრავი წერილი მოგვდიოდა ლევანის სახელზე საქართველოს სხვადასხვა კუთხიდან, ტელეფონით ურეკავდნენ და ულოცავდნენ ამ გამარჯვებას.

ლევანის ავტორიტეტი დღითი დღე იზრდებოდა. თვითონ ლევანი კი სულ ჩქარობდა და ჩქარობდა. არც ერთ წუთს არ ატარებდა უქმად, არაფერს აქცევდა ყურადღებას და დაუსრულებლად მოგზაურობდა.

მისი „ჩრდილი“ დროდადრო ისევ გამოჩნდებოდა ხოლმე, რაც ლევანს ძალზე აღიზიანებდა. ერთ-ერთი მიზეზი ესეც იყო ხშირად რომ ტოვებდა თბილისს — იქ ჯაშუში არ ჩანდა.

1945 წლის ზაფხულში ლევანი კაცხის სვეტის საიდუმლოებით დაინტერესდა, უბის წიგნაკში წითელი ფანქრით ჰქონდა აღნიშნული. ახლა იმის შესასწავლად გაემართა. წიგნაკში ვახუშტიდან სიტყვები ჰქონია ამოწერილი: „ხრამსა შინა არს კლდე აყვანილი, ვითარცა სვეტი, ფრიად მაღალი. მის კლდის თხემზე არს ეკლესია მცირე, არამედ ვერღარა აღვალს კაცი, არცა უწყიან ხელოვნება აღსვლისა...“

„...კაცხის სვეტის აღნაგობა გაურკვეველია, იგი თითქოს გუშაგად და შეუვალ მოწმედ უდგას მწვავე საიდუმლოებას. სვეტი ვეება კითხვის ნიშანივით შემართული იმზირება და ყველასა-

თვის გამოუცნობი იდუმალებითაა მოცული. კაცხის სვეტი მდებარეობს ჭიათურის მახლობლად, მდინარე კაცხურის ხეობაში, სადაც ბზის ხანდაზმული ხეებია გამეფებული“.

ლევანს ახლა კაცხის სვეტის ციებ-ცხელება შეეყარა. იგი წერდა: „ჩემი არ იყოს, მწერალი აკაკი ბელიაშვილი დიდი მოტრფიალეა მშობლიური მთებისა და შეუღწევადი ქვაბების თუ ციხე-კოშკების. ბევრჯერ ერთად გვიმოგზაურია, ერთმანეთის ურთიერთობაც კარგად ვიცით, ორივე თითქოს თანაბრად შევხარით მშობლიური ბუნების სილამაზეს და საუკუნოვანი ციხე-კოშკების სიამაყეს. აკაკი ბელიაშვილი დახვეწილი და ნატიფი გემოვნების კაცია, დაჯილდოებული ღრმა მწერალური ალლოთი და შესანიშნავი წერის ნიჭით, მახვილი კალმით, რაც ყოველთვის ყველას გვახარებს. აკაკიც დაინტერესდა კაცხის სვეტის საიდუმლოებით, ერთად დავიწყეთ წიგნების ქექვა და მასალის დაგროვება. ჭერ ყველაზე უხუცესი მაცხოვრებელი სოფელ კაცხიდან — შამშე დავკითხეთ, რომელმაც აღნიშნა, რომ ჭერ კიდევ პაპისგან მსმენია — არაფერ არ მოსწრებია სვეტზე ამსვლელსო. ეს სვეტი საკვირველმომქმედია, იქ ასვლა ფუჭი განზრახვაა, ხიფათს არ გადაეკიდოთო. აკაკი წერეთელს უთქვამს — კაცხის სვეტზე სწორი ხე არ ამოდისო. კაცხელ ცნობილ კრიტიკოსს კიტა აბაშიძეს სოფელი კაცხი გაუკენწლავს, მაგრამ კაცხის სვეტზე არა უთქვამს რა. ამრიგად, მარტო ვახუშტის წიგნში იყო აღნიშნული კაცხის სვეტი“.

ლევანი და აკაკი დაუკავშირდნენ ალიოშა ჭაფარიძეს, თავიანთი ზრახვა გაანდეს. ალიოშა უმაღვე დაეთანხმა, თადარიგს შეუდგა.

„ჩვენს ჭგუფს ახალგაზრდა არქიტექტორი ვახტანგ ცინცაძეც შემოუერთდა. ძალიან დაგვეხმარნენ არქიტექტურის საქმეთა სამმართველოს უფროსი არჩილ ქურდიანი და სიძველეთა დაცვის განყოფილების უფროსი დავით ლომაძე.

კაცხის კლდის ძირში მივედით. იქ თავი მოეყარათ სოფლის მაცხოვრებლებს. პედაგოგებმა მასპინძლობა გაგვიწიეს — ლუდმილა ცერცვაძემ, ელიკო აბაშიძემ, შალვა კუპატაძემ და სხვებმა დიდი სუფრა გაგვიშალეს.

ალიოშა ჭაფარიძე ზღაპრული ვაჟკაცობით წამოეხვია კედელს, გათოკილი ლურსმნების ჩაქედვით სწრაფად ავიდა კაცხის წვერზე და ჩვენც აგვიყვანა. აკაკი დაეჩაგრეთ, ის ქვეით

დარჩა, საჭიროების შემთხვევაში საშველად. დიდი მსხვერპლი გაიღო. მოსახლეობიდან ახალგაზრდა შუტუ ფოფხაძემ ხვეწნით არ მოგვცა საშველი და ისიც თოკით ზევით ავიყვანეთ. ზევით ავიყვანეთ აგრეთვე პეტრე კუპატაძე. ამრიგად, კაცის სვეტის წვერზე ხუთნი მოვთავსდით. შემდეგ აკლდამა მოვინახულეთ, შიგ კლდეში დიდ რკალში ჩასმულ ამოკვეთილ ჭვარს მივაგვანით, ბოლნისის ტაძრის მსგავსს.

ვნახეთ, ალბათ, უკანასკნელი ბერის ჩონჩხი მუხის ფესვებში ჩახლართული. აქვე იყო მარანი, 5 საშუალო ზომის მთელი, მაგრამ ცარიელი ქვეერი. ეყარა დამტვრეული თიხის ფერადი ქურჭელი, კეცის ნატეხები, ჩუქურთმებიანი ძველი შანდალი და სხვა ძველმანები. ყველაფერი ავზომ-გავზომეთ, ავგავმეთ, გადავიღეთ სურათები და აკლდამა ფირზე აღვბეჭდეთ. ლამეც კაცის სვეტზე გავათენეთ. დიდი კოცონი ავანთეთ, უცნაურ ზმანებაში ვიყავით. დილას თოკით გემრიელი საუზმე და ღვინოც ამოგვიგზავნეს. ალბათ კაცის სვეტზე ჩვენ პირველებმა გავტეხეთ მარხვა. ყარგად ვისაუზმეთ, კაცის სვეტის მესვეურთა გახსენებისაც ვთქვით და ნელ-ნელა ქვევით დავეშვიით. მთელი სოფელი დიდი აღფრთოვანებით შეგვხვდა. ერთი დღე-ღამე ლოცულობდა, — აი, სასწაული! ამას ჰქვიაო“.

ლევანი თბილისში რომ დაბრუნდა და ქუჩაში გავიდა, მისმა „ჩრდილმა“ ისე გაიხარა, კინაღამ მიესალმა კიდეც სახეგაბადრული. ეტყობოდა დიდხანს უცდიდა. მთაში გალაღებულ ლევანს გული მოუვიდა, მაშინვე შინ დაბრუნდა, რამდენიმე ხანს სახლიდან გარეთ აღარ გადიოდა და დაწყებული დრამის — „დავით აღმაშენებლის“ დამთავრებას შეუდგა: დღე და ღამე მუშაობდა, ჩქარობდა.

ამასობაში კომპოზიტორი ალექო მაჭავარიანი, რომელსაც სამუშაოდ აერჩია ლევანის ლიბრეტო „არმაზის ციხე“, შემთხვევით ქუჩაში შეხვდა თინას და უთხრა, ძალიან ხშირად საექვო ხალხი კითხულობს ლევანს და, ვერ გამიგია, რაშია საქმეო, ცოტა ხნით წავიდეს, თბილისს თავი მოარიდოსო.

ლევანმა სახეტილოდ დავითგარეჯისაკენ გასწია, თან თინა და მზია წაიყვანა და „დავით აღმაშენებელი“ წაიღო დასამთავრებლად. 10 დღის შემდეგ ყველანი, უნიკალური და უძველესი ძეგლების ნახვით ძლიერ აღფრთოვანებულები, სახლში დაბრუნდნენ. ლევანმა ბევრი საჭირო მასალა დაავროვა, თავის უბ-

ის წიგნაკში წამდაუწუმ ხან რას და ხან რას იწერდა: „აქა-იქ ჩაშლილი გვირაბით თითქოს საუკუნის სიღრმეს ჩავეყურებდი. ქვაბთა საოცარ სამყაროს თვალს ვერ ვაცილებდი, ლალად ფიქრი აღარ შემეძლო, აღარც დაკვირვებული ჰერეტა, ყველგან ძეგლის უყვდავი სული თან დამყვებოდა და დამსდევდა“.

გული სტკიოდა ლევანს დავითგარეჯის მოუვლელობაზე, ჩამონგრეულ ქვაბულებზე, უპატრონოდ მიტოვებულ უნიკალურ ფრესკებზე. გადაწყვიტა „დავით აღმაშენებლის“ დამთავრების შემდეგ კვლავ მოენახულებინა იგი. მიზნად დაისახა ქვაბულების გაწმენდა, ფრესკების პატრონობა, შესწავლა და სხვა საჭირო სამუშაოების ჩატარება. მტკიცედ გადაწყვიტა — თუ დამცალდა, „დავით აღმაშენებლის“ შემდეგ უსათუოდ დავითგარეჯზე დაეწერ ისტორიულ რომანსო. ლევანის ეჭვი მართალი აღმოჩნდა — მას ეს არ დასცალდა. მარტო ეს კი არა, ძალიან ბევრი ჩანაწერი და ჩანაფიქრი დარჩა დაუმთავრებელი.

დავითგარეჯის დათვალიერების შემდეგ ლევანმა ასეთი პატარა ცნობა გამოაქვეყნა: „ვუშველოთ დავითგარეჯს!“ იგი წერდა: „ეს ჩვენი, ყველა მამულიშვილის ვალია, არა იმიტომ, რომ ის მარტო შესანიშნავი, უნიკალური ძეგლია ჩვენი ძველი ისტორიისა და ხელოვნების, არამედ ის ჩვენი დღევანდლობაა და ზვალინდელი, მომავალი სულისკვეთება, რომელიც სცილდება ნაციონალურ ფარგლებს.“

დავითგარეჯში 2.000-ზე მეტი ძეგლია — ქვაბულები, სალოცავები, აკლდამები, ციხესიმაგრეები, მიწისქვეშა გასასვლელი და სხვა მრავალი. ასევე დარჩა იგი სადღეისოდ შესასწავლი, დასაცავი და შესანახი. საკმარისია ისიც ითქვას, რომ ჯერ კიდევ მთლიანად არ არის შესწავლილი დავითგარეჯის ძეგლის ბევრი კომპლექსი, არც აღწერილი და არც აღრიცხული. ჯერ არაფერი ისმის მათ გათხრებზე და სარესტავრაციო სამუშაოებზე. მართალია, თითქოს რაღაცა გამოცოცხლება ამ საკითხის ირგვლივ, მაგრამ ეს ზღვაში წვეთია. სანამ ჯერ კიდევ არ არის გვიან, ამ კომპლექსთა შესასწავლად საქართველოში უნდა შეიქმნას საკადემიასთან არსებულ ინსტიტუტში კულტურულ-სარესტავრაციო ცენტრი და მას დაექვემდებაროს ყველა სარესტავრაციო სახელოსნო და სამუშაო“.

საგრძნობი გახდა, რომ ჩეკას ის რკალი, რომელშიც ლევა-

ნი იყო მოქცეული, დღითი დღე ვიწროვდებოდა. ლევანს არა მხოლოდ არსებობა, სუნთქვაც უძნელდებოდა.

ლევანმა დავითგარეჯიდან თბილისში დაბრუნებისთანავე დაამთავრა „დავით აღმაშენებელი“. დრამა ჯერ კიდევ სახლში ჰქონდა ლევანს და თეატრში წაღებას აპირებდა, როდესაც აკაკი ხორავამ ისევ გამოგზავნა კაცი. ის „დავით აღმაშენებლის“ დასადგმელად რუსთაველის თეატრს სთავაზობდა ავტორს. რაც მთავარია, დავით აღმაშენებლის როლის შესრულებას თვითონ აპირებდა.

ლევანი იმდენად შესისხლხორცებული იყო მარჯანიშვილის თეატრთან და ისეთი ნდობა და ურთიერთგაგება არსებობდა მათ შორის, რომ ვერც კი წარმოედგინა თავისი პიესის სხვა თეატრში დადგმა, თუნდაც რუსთაველის სახელობის თეატრში, ლევანმა პიესა მაინც მარჯანიშვილის თეატრს გადასცა, ხოლო ა. ხორავას შეუთვალა, გასაკეთებელი ჯერ კიდევ ბევრი მაქვს და თქვენც გერგებათ კარგი როლიო.

1945 წლის 9 მაისს დამთავრდა ომი. მალე თამარი ჯანმრთელი და უვნებელი დაბრუნდა. ოჯახმა გაიხარა, ყველანი ერთად ვიყავით. ომისაგან გაწვალებულ-გადატაკებული ხალხი ხარობდა. ცხოვრება თითქოს ისევ კალაპოტში დგებოდა. თითქოს ყველაფერი უნდა მოწესრიგებულიყო. მაგრამ, ხალხმა ვერ მოასწრო ომის კრილობების მოშუშება და ახალი ტრაგედია დაატყდა თავს: ისევ მასობრივი დაპატიმრება და გადასახლება! მიზეზიც უცხად მოინახა. პირველ რიგში, ტყვედ ნამყოფებს მისდგნენ, რატომ თავი არ მოიკალით, როცა ტყვედ ჩავარდითო და ასახლებდნენ შორეულ ბანაკებში... თუ ვინმეს ნათესავი ან თუნდაც უცნობი მოგვარე აღმოაჩნდა საზღვარგარეთ, ისინიც მიაყოლეს. ოჯახი, რომელიც საეჭვოდ იყო მიჩნეული ქალაქიდან ილაგებოდა, იჭერდნენ და ასახლებდნენ სრულიად უდანაშაულო ხალხს, მხოლოდ ეჭვის მიტანით. ჩეკაში თხზავდნენ ომის პერიოდში სამშობლოს მოღალატეთა ჯგუფების სიებს, რომლებიც თურმე ტაშფანდურით უნდა შეხვედროდნენ გერმანელებს. ასევე აპატიმრებდნენ და ასახლებდნენ სხვა ეროვნების ხალხს, რომლებიც მთელი თავისი სიცოცხლე აქ ცხოვრობდნენ და შეესისხლხორცნენ საქართველოს. მოკლედ, ხალხმა ომის შემდეგაც ვერა და ვერ ამოისუნთქა. სადგურზე ჩამომდგარი იყო გრძელი ეშელონები. განმკითხავი და ხალხის პატრო-

ნი კი არსაიდან ჩანდა. ომი აღარ იყო, მაგრამ უბედურება არ
ნელდებოდა.

რასაკვირველია, ლევანის საქმეც არ იყო კარგად. ჯაშუშები
ბოლო ხანებში უფრო გათავხედნენ და საშველს აღარ აძლევ-
დნენ, სიცოცხლეს უმწარებდნენ. ისიც შეამჩნია, რომ თეატრ-
ში და საჯარო ბიბლიოთეკაშიც ჩეკას მიერ მიჩენილი ჰყავდა
მზვერავეები. უბედურება ის იყო, ლევანი მათ კარგად იცნობდა.

ლევანი ცდილობდა ზედმეტად ხალხს არ შეხვედროდა, სა-
ჯარო ბიბლიოთეკაშიც კი მოითხოვა ცალკე სამუშაო ადგილი.
ხშირად წიგნებს და ჩანაწერებს მაგიდაზე განგებ ტოვებდა,
რომ ენახათ რაზე მუშაობდა და ეჭვი გაფანტვოდათ. მოკლედ,
აუტანელი პირობები შეექმნა. გარეგნულად თავს მხნედ იქერ-
და, შინაგანად კი ცეცხლი ეკიდებოდა. მისი განწყობილება
ჩვენც გადმოგვედებოდა ხოლმე, ყველანი აფორიაქებული ვი-
ყავით, ლევანი ჩვენს დაწყნარებას ცდილობდა, ნუ გეშინიათ,
სანამ ჩემი პიესები თეატრში კარგად მიდის და ჩემგან სახელმ-
წიფოს დიდი შემოსავალი აქვს, ამ სეზონზე, ალბათ, ხელს არ
მახლებენ. მერე კი, რა ვქნა; რაც იქნება იქნებაო.

ამასობაში მარჯანიშვილის თეატრში ძალიან აქტიურად მზად-
დებოდა „დავით აღმაშენებელი“. მისი გაშვება ამავე სეზონში
უნდოდათ. ეს უკვე ლევანის მესამე პიესა იქნებოდა. დაინიშნა
კიდევ გენერალური რეპეტიცია, იმ დღეს ჩვენ ყველანი, დიდი
ღელვითა და შინაგანი თრთოლვით, ისევ ჩვენს ადგილებზე
ვისხედით.

გენერალურმა რეპეტიციამ ბრწყინვალედ ჩაიარა, წარმოდ-
გენამ გაიმარჯვა! დიდი საზეიმო სანახაობა იყო. მსახიობები არ
ზოგავდნენ ოსტატობას და დიდი გატაცებით ასრულებდნენ რო-
ლებს. მაყურებელი აღფრთოვანებით შეხვდა წარმოდგენას.

შენიშვნები არ ყოფილა. დადგმა ერთხმად მიიღეს. ისევ აქ-
ებდნენ და აღიდებდნენ ლევანს, გულით ულოცავდნენ გამარჯ-
ვებას. ყველანი კარგ ჩასიათზე დასასიამოვნო გრძნობით დაებ-
რუნდით შინ. დარწმუნებული ვიყავით მეორე დღეს პრემიერა
დაინიშნებოდა.

მეორე დღეს ლევანი საშინლად აღელვებული დაბრუნდა
თეატრიდან — წარმოდგენა საერთოდ მოხსნესო, ჩემთან ერთად
მთელი დასი და ადმინისტრაციაც არა ნაკლებ განიცდისო. არა-
ვინ იცის მიზეზი. თეატრის უფროსები აღშფოთებული წავიდ-

ნენ პარტიის ცუკას მდივანთან კანდიდ ჩარკვიანთან. სპექტაკლის აღდგენაში დიდ აქტიურობას და მონღომებას იჩენდა თეატრის დირექტორი ი. გვინჩიძე, გამჭრიახი გონების, კეთილი ადამიანი.

ახლა, როდესაც „დავით აღმაშენებლის“ შესახებ მასალებს ვაგროვებდით ქალბატონ მაია კვანტალიანთან ერთად მარჯანიშვილის თეატრის მუზეუმში, ბევრი ვეძებეთ საბუთები. გვინდოდა დაგვედგინა წარმოდგენის მოხსნის მიზეზი. არქივში ვერაფერს მივაკვლიეთ, მაგრამ მსახიობებმა, ლევანის მეგობარმა და რეჟისორმა ვახტანგ ტაბლიაშვილმა გაიხსენეს ეს მიზეზი. თურმე ერთმა ცნობილმა მსახიობმა მთავრობას მოახსენა, რომ პიესაში საქართველოს ძველი ფეოდალური წყობაა განდიდებული, რაც ჩვენი წყობის მსოფლმხედველობას ეწინააღმდეგებაო. შეიქმნა კომისია. კომისიამ ნახა წარმოდგენა და აღადგინა.

„დავით აღმაშენებელი“ რამდენიმე ხნის შემდეგ მაინც დაიდგა, თანაც დიდი წარმატებით.

ქვემოთ გვინდა წარმოვადგინოთ ამ პრემიერის პროგრამა.

მარჯანიშვილის სახელობის სახელმწიფო თეატრი

1945—1946 წ. სეზონი

ლ. გოთუა

და ვ ი თ ა ლ მ ა შ ე ნ ე ბ ე ლ ი

პრემიერა, 23 II—40 წ.

დრამა 5 მოქმედებად, 10 სურათად

მონაწილეობენ:

დავით აღმაშენებელი

კათალიკოს-პატრიარქი

გიორგი ჭყონდიდელი

ს. ზაქარიაძე

(სტალ. პრემ. ლაურ., რესპ.)

დამს. არტ.)

შ. ლამბაშიძე

(რესპ. სახ. არტ.)

ა. დაუშვილი

გ. შავგულიძე

(რესპ. დამს. არტ.)

მზეთვალა

ვ. ანჯაფარიძე
(სტალ. პრ. ლაურ., რესპ. სახ. არტ.)

გვარანდუხტ

თ. თეთრაძე
ნ. ვაჩნაძე
(სტალ. პრ. ლაურ., რესპ. სახ. არტ.)
მ. ქორელი

ათრანლა შარვაშიძე —
ყივჩალთა უმთავრესი
აბულეთი
ლიპარიტ-ბაღვაში

ვ. ქურბული
ვ. გელაშვილი
ალ. გომელაური
(რესპ. დამს. არტ.)

ძაგან ერისთავი

ვ. ქურბული
შ. ჭაფარიძე
(რესპ. დამს. არტ.)

ოთარ ქარმაულის ძე
ვაჩე ჩულუხაის ძე

შ. გოცირიძე
მ. სარაული
(რესპ. დამს. არტ.)

ასათ გრიგოლის ძე

შ. ჩუტლაშვილი
შ. გომელაური
(რესპ. დამს. არტ.)

შოთა გრიგოლის ძე
გუგა საღარაის ძე
ბეშქენ ჭაყელი — სპასპეტი
ულფან კახაბერიძე —

გ. ფრონისპირელი,
დ. ჩხეიძე
შ. თორთლაძე

მანდატურთუხუცესი
ივანე ორბელი-მეჭურჭლეთუხუცესი
აფრიდონის ძე
მსახურთუხუცესი
რეფექული

გ. მგელაძე
ა. დადიანი
შ. ლაფერაძე
გ. ტატიშვილი
ქ. დოლიძე
ბ. გამრეკელი

ხუროთმოძღვარი
მოდისტოს-ბერი
მეხისავარ
გუდარეხვაი

ი. ვერულიშვილი
ქ. ბეგაღიშვილი
ს. კვაჭაძე
ვ. გომიაშვილი
(რესპ. დამს. არტ.)

ბენჭაფარი-თბილისის ამირა
ალსართან

ი. ტრიპოლსკი
ი. ქოქრაშვილი
ა. სვანიძე

მალიქ-ტოღრილი
ანდიბარ მღვვი
მაქსულ დავლე
ელჩი საბერძნეთიდან
ჭვაროსანთა ელჩი
სომეხთა ელჩი

ა. სიხარულიძე
ა. მაგრაქველიძე
შ. სულთანისვილი
დ. ხულურდავა
შ. სულთანისვილი

ხალხურ სცენებში მონაწილეობენ მსახიობები და თანამშრომლები.

დ ა დ გ მ ა — ვახტანგ ტაბლიაშვილის (ხელ. დამს. მოღვაწე)
 რეჟ. ასისტენტი — ი. გრატიაშვილი
 მხატვარი — ი. სუმბათაშვილი, ზ. ლაპიაშვილი
 კომპოზიტორი — ა. კერესელიძე
 ქორეოგრაფი — ჭ. ბაგრატიონი
 დირიჟორი — პ. ლიასაშიძე
 სამხატვრო ხელმძღვანელი — შ. ლაშაშიძე (რესპ. სახ. არტ.)
 თეატრის დირექტორი — ი. გვინჩიძე

აქვე მოგვყავს ამონაწერები ამ სპექტაკლის რეცენზიებიდან:
 გაზ. „ლიტერატურა და ხელოვნება“, 1946 წლის 15 ივლ.
 ბესო უღენტი

„დავით აღმაშენებელი“

„საზეიმო დღეებში მარჯანიშვილის თეატრში დაიდგა ლე-
 ვან გოთუას ახალი დრამა „დავით აღმაშენებელი“. ეს არის ნა-
 ციონალური სიამაყის გრძნობით, წრფელი პატრიოტული მგზნე-
 ბარებით აღბეჭდილი სპექტაკლი, გამომხატველი ქართველი
 საბჭოთა ხალხის შეუწელებელი სიყვარულისა და პატივისცე-
 მისა თავისი წინაპრებისადმი, ჩვენი გმირული წარსულისადმი,
 ჩვენი დიადი ეროვნულ-სახელმწიფოებრივი ტრადიციებისად-
 მი. ლ. გოთუას „დავით აღმაშენებელი“ ასახავს ძველი საქარ-
 თველოს უდიდესი ადამიანის, ერისა და პირუთვნელი ისტორიის
 მიერ აღმაშენებლად წოდებულის მეფე დავით მეოთხის შესა-
 ნიშნავ ცხოვრებასა და სახელმწიფოებრივ მოღვაწეობას, რო-
 გორ აღადგინა საქართველო, ააშენა, როგორ განდევნა მტერი
 და გაწმინდა მტრის ურდოებისაგან. ქაბუკური ასაკის მიუხედა-
 ვად, მას უკვე მოხვეჭილი აქვს დიდება. პიესა ისტორიული სი-
 მართლით გადმოგვცემს იმდროინდელი საქართველოს ვითა-
 რებას, მის განუსაზღვრელ ერთგულებას სამშობლოსადმი. თვით
 თემა პიესისა, თვით დრამის გმირი პასუხისმგებლობას ანიჭებდა
 თეატრს მისი მაღალ დონეზე შესრულებისათვის, რაც თეატ-
 რმა პირნათლად შეასრულა. ცხადია, პიესა ხარვეზების გარე-
 შე არ იქნება, შემდეგ განიხილება ხარვეზებიც. შემდეგ მო-
 დის დამდგმელი რეჟისორის ვ. ტაბლიაშვილის მდიდარი ფან-
 ტაზიისა. და მხატვრული აზრის ორიგინალურად გადაწყვეტა.
 მხატვარი ზ. ლაპიაშვილი ცხოვლად აღადგენს ჩვენს ცნობიე-
 რებაში დრამის მოქმედების ფონს, ეპოქას, პიესის გმირთა
 ცხოვრებას.

დავითის როლის შემსრულებელი ს. ზაქარიაძე დიდი რს-

ტატობით, შინაგანი პოტენციალით მთლიანად გადმოგვცემს იმდროინდელ ცხოვრებას“. შემდგომში კრიტიკოსი ცალ-ცალკე აღნიშნავს მსახიობების: შალვა ლამბაშიძის, ვერიკო ანჯაფარიძის, ვასო გოძიაშვილის, ნატო ვაჩნაძის, გიორგი შავგულიძის დიდ მონღომებას დრამატული განწყობილების ოსტატურად გადმოსაცემად, მათ უზადო ხელოვნებას. იქვეა ლაპარაკი არჩილ კერესელიძის მიერ სპეციალურად დაწერილი მუსიკის სიმშვენითრეზე.

გაზ. „ახალგაზრდა კომუნისტი“, 1946 წლის 6. IV. შალვა გვინჩიძე

„საუკუნოვანი სიღრმიდან ეხმაურება ეს დრამა-სპექტაკლი დღევანდელობას. ლ. გოთუა, ცხადია, უბრალოდ როდი იმეორებს ფაქტებს (მაშინ ისტორია გვექნებოდა და არა სპექტაკლი), არამედ ანსახიერებს მათ თავისუფლად, გაბედულად აგვიწერს თავისი გმირების ნაზრევსა და ნათქვამს. ყოველივე ეს, რა თქმა უნდა, დრამატურგის ფანტაზიის ნაყოფია, მაგრამ ნაყოფი მხატვრულად და ისტორიულად გამართლებული. ავტორმა მიუმატა ის, რაც არ იყო სინამდვილეში, მაგრამ რაც შესაძლებელია ყოფილიყო.

აიხდება თუ არა ფარდა, მაყურებელი შედის ქართველი ხალხის დიადი წარსულის სამყაროში. მოწმე ხდება მისი დიდი ამბების. ასე დაიწყო დავითმა თავისი მეფობა და ის დიდი მიწისძვრები, თითქოს წინასწარ მაუწყებელი იყო იმისა, თუ რა დაუნდობელი და შეუწელებელი ბრძოლა მოელოდა დავითს ქვეყნის აღდგენა-აშენების დიად გზაზე.

პირველი ნაბიჯიდანვე დავითს მოუხდა შებრძოლება თიონება ურჩ დიდებულებთან და სამღვდლოებასთან. „წურთნას ვიწყებ შეუბრალებელსო“, — განაცხადებს იგი და მძლავრ ხელში აიღებს სახელმწიფოს სადავეს. იგი „კოტა“ მკაცრი იყო, მაგრამ მან ხომ არც თავისი გული დაინდო, რომელიც თავის ერს, ქართველი ხალხის კეთილ აწმყოსა და დიად მერმისს შესწირა“.

შემდეგ ცალ-ცალკე განხილულია მოქმედი პირები და ხოტბაშესხმული ყველა მსახიობი.

ამრიგად, ლევანის ამ პერიოდის სამი დრამა — „მეფე ერეკლე“, „უძლეველნი“ და „დავით აღმაშენებელი“, დაწერილი ისტორიულ და თანამედროვე თემაზე, როგორც პატრიოტული,

ისე მხატვრული თვალსაზრისით, მხატვრული გაფორმებით, მუსიკალური ელემენტებით და, რაც მთავარია, მსახიობთა მიერ გმირების მაღალოსტატური განსახიერებით სამშობლოსადმი სიყვარულის, მაღალი პათოსის გამომხატველი იყო. და ჩვენი ეპოქის საზოგადოებრივი განვითარების სიმაღლეზე იდგა. სპექტაკლმა მაყურებელს მაღალი ესთეტიკური გრძნობა გაუღვივა, დიდი მოწონება და სიყვარული დაიმსახურა.

განა შეიძლება დავიწყება იმ მრავალრიცხოვანი, აღფრთოვანებული მაყურებლებისა, რომლებიც დიდი სიხარულისა და კმაყოფილების გრძნობით შესცქეროდნენ და თანდათან, თავისდაუნებურად შედიოდნენ მოქმედი პირების განცდათა ჭიდილში, არ იშურებდნენ ოვაციებს! ლევანის თქმისა არ იყოს, „ტაშის კალო ილეწებოდა!“ შეძახილებს, ცრემლს, გულსწყრომას თუ სიხარულს, რაც წარმოდგენის მთელ მსვლელობას თან სდევდა მსახიობთა ოსტატური, უნაკლო თამაშის დროს, უშუალოდ განაპირობებდა ტექსტის მაღალი დონე. როდესაც ტექსტი ძლიერია, მსახიობთა თამაშიც მაღალი რანგისაა. ამ სპექტაკლში კი ეს ორივე კარგად იყო შერწყმული. მაყურებლის თვალწინ კინოკადრებივით ერთმანეთს ცვლიდა ჩვენი სამშობლოს ისტორიული წარსულის ყოფისა თუ საგმირო საქმეების ამსახველი სურათები, საქართველოში გადახდილი ბრძოლები თუ ღარბევეები, დამარცხება თუ დიადი გამარჯვება.

კ. მარჯანიშვილის სახელობის თეატრის სპექტაკლები 1942—1946 წლების სეზონში შეიძლება მიეკუთვნოს ღირსშესანიშნავ მოვლენას იმდროინდელი საქართველოს თეატრალურ ცხოვრებაში. ერთია უცნაურიც და სავალალოც: ასეთ შემოქმედებით აღმავლობის დროს, როდესაც წარმოდგენაზე ბილეთის შოვნა იოლი არ იყო, როცა აღფრთოვანებული მწერლები და კრიტიკოსები ლევანს წარმატებებს გულთბილად ულოცავენ, რეცენზიები მის პიესებზე თითქმის არც ერთი არ ყოფილა, თუ არ მივიღებთ მხედველობაში თითო-ორულა სტატიას, სადაც უმთავრესად მსახიობთა ქება-დიდებაა და მათი ოსტატური თამაშია შეფასებული. აღნიშნულია აგრეთვე უდიდესი დამსახურება დამდგმელი რეჟისორის, მხატვრის, კომპოზიტორისა. ყველაფერი დიდად სასიამოვნოა, ნამდვილად დამსახურებულებიც, მაგრამ სად არის ნახსენები პიესების ავტორი, შემოქ-

მედი, სულისჩამდგმელი? თითქოს რეცენზენტებიც და კრიტიკოსებიც შეშინებულები განზე იდგნენ.

ნათესავეები თუ ლევანის კეთილის მსურველები ნაწყენები ვიყავით ლევანის მიმართ ასეთი დამოკიდებულებით. თვით ლევანი კი ღიმილით ამბობდა: მე ბედნიერი ვარ, რომ ჩემი დრამები ხალხს მოსწონს, მათ შეიყვარეს და შეისისხლხორცეს. ეს განა ჩემთვის დიდი მიღწევა არ არის? ხშირად მომისმენია ჩემი პიესების ტექსტს ზეპირად რომ ამბობენ. ეს ხომ უმაღლესი მორალური ჯილდო და ბედნიერებაა. მაყურებელმა სცენიდან აიტაცა მონოლოგები და გარეთ ხალხის გულში გაფანტა. განა ეს არ არის ჩემი აღიარება?! ხალხი ჩემთან არის, მე მეტი არაფერი მინდა. ის არის ყველაზე ობიექტური შემფასებელი. ამაზე ნულარ ვილაპარაკებთ. დაიმახსოვრეთ, რომ, სამწუხაროდ, ჩვენთან, საქართველოში, გარდაცვლილ მწერლებს უფრო მეტი ფასი ადევთ, ვიდრე ცოცხლებს, მე რომ აღარ ვიქნები, ჩემზე მაშინ იტყვიან სიტყვას.

ასეც მოხდა. ისე გაიარა ლევანის მთელმა ცხოვრებამ, რომ მისი შემოქმედების შეფასებისას მწერლებიცა და კრიტიკოსებიც სიტყვაძუნწობდნენ. მის წასახალისებლად არაფერი თქმულა მწერალთა კავშირში, თუმცა ემატებოდა და ემატებოდა ილიტას ახალ-ახალი ლაურეატები. ლევანი არასდროს არაფერზე პრეტენზიას არ აცხადებდა, მე მათი არაფერიც მინდა, ოღონდ თავი დამანებონ და მუშაობის საშუალება მომცენო. „სადღეისოდ უალრესად გვჭირდება ყოველდღიური თავდადებული მოქალაქეობა და ხალხის შეილობა, რაც ამჟამად ძალიან გვაკლია საქართველოში“, — ხშირად იმეორებდა ის.

თინა ხშირად ეკითხებოდა ლევანს: ამდენი დრამის წერას, უკეთესი არ იქნებოდა ერთი კარგი ისტორიული რომანი დაგეწერა? დრამის დაწერა, როგორც შენ ამბობ, ძნელია. მისი სცენაზე გატანა დიდ წინააღმდეგობებს და დაბრკოლებებს ხვდება. ამასთან დაკავშირებით შენ განცდაც და ჭავრიც ბევრი გაქვს. ჩვენ, მთელი ოჯახი, ამას კარგად ვხედავთ და ვგრძნობთ კიდევ.

— თინა, შენ მართალი ხარ! კარგი დრამის დაწერა მეტად ძნელია, ეს ყველას არ შეუძლია, — ეთანხმებოდა ლევანი თინას. — ჩემი გაგებით, დრამატურგია მწერლობის უმაღლესი საფეხურია, ეს წერის თავისებურებასთან არის დაკავშირებული.

სიძნელეები არ მაწუხებს და მისი დაძლევისა არ მეშინია. ამჟამად პიესების წერა სიამოვნებას მგერის და ძალიან ადვილადაც გამომდის. თუმცა დადგმაში და საჯაროდ გატანაში სულ სხვა სიძნელეებია. ვაი, ვაი, რომ პატრიოტული პიესების გაშვების ბედი ზოგჯერ არასათანადო სიმალლეზე წყდება არამცოდნეების მიერ არაავტორიტეტული მსჯელობით. მე ასე გადავწყვიტე: სანამ ქართული თეატრი ცოცხალია და ცხოველმყოფელი, მე მას დავუწერ პიესებს. მე ბევრი ჩანაფიქრიც და ჩანაწერიც მაქვს. როდესაც დავრწმუნდები და შევატყობ, რომ მე მათთვის და ისინი ჩემთვის უკვე აღარ ვართ საჭირო, მაშინ დრამატურგიას თავს დავანებებ. ჭერჭერობით ვერ გეტყვი შემდგომში რას ვიზამ, რას მოვკიდებ ხელს, ან რას დავწერ, ალბათ ისტორიულ თემებს მივმართავ, მწერლობის ამ ჟანრშიც უსათუოდ მოვსინჯავ ჩემს თავს. განა ჩვენს თანამედროვე ცხოვრებაში არ არის საინტერესო და საჭირობოროტო თემები? ვინ მოთვლის რამდენი მაქვს მოფიქრებული მალალი ეთიკის ადამიანების უფლების დასაცავად. მაგრამ ამის დაწერა ახლა სახიფათოა. ისე რომ დავწერო როგორც მე მესმის, ჯერ ერთი, არ დაბეჭდავენ, მეორეც და მთავარიც — ისევ მიკრავენ თავს იქითკენ, საიდანაც ძლივს დავალწიე... ამჟამად საქართველოში სიბიბოლე არ გადის. ხომ ხედავ, უამისოდაც როგორ მსდევენ ჯაშუშები. მიმოიხედე რამდენი ნიჭიერი, განათლებული და ნამდვილი მწერალი კაცი თუ ქალი გვყავს საქართველოში, მაგრამ შეზღუდულები არიან. აბა, მიეცი მათ მუშაობის სრული ნება და ფრთები გააშლევინე, მაშინ გამოჩნდება რისი შესრულებაც შეუძლიათ. ჩემი გაგებით, თითოეული სწავლული ადამიანი თითო დასრულებულ სამყაროა, მწერალი და მკვლევარი კი, გარდა ამისა, დაუსრულებელ სამყაროსაც მოიცავს. ამიტომ მათ უნდა ჰქონდეთ საშუალება ყველაფრის სწორად, შეუშლელად ჰკრეტიცა და წერისა; რაც სიმართლის რწმენით გაამახვილებს ადამიანთა მსოფლმხედველობას და მისცემს მათ სამყაროზე მართებულ, ჰეშმარიტ ხედვას. ჩვენთან კი ახლა რა ხდება? განა შეგიძლია დაწერო ის, რასაც ფიქრობ ან რასაც ხედავ? გააკეთო ის, რაც მამულისთვის უფრო მიზანდასახულია? ამის საშუალებას ვინ მოგცემს, პირიქით, გაგაქრობენ. თუ გინდ აიღე ჩემი მდგომარეობა: „პატივცემული“ ჩეკა მუშაობის საშუალებას არ მაძლევს. როდემდის უნდა გაგრძელდეს ეს ამბავი,

არ ვიცი... ეს არის მათი პატრიოტობა და მამულიშვილობა. ჩეკა მეფობს, ჩეკა. ყოველმხრივ შეზღუდული ხარ, ხელფეხშეკრული და უბორკილოდ ბორკილდადებულნი.

„დავით აღმაშენებლის“ ერთ-ერთი წარმოდგენის შემდეგ ლევანი საშინლად აღშფოთებული დაბრუნდა შინ. როცა დაწყნარდა, მოგვიყვა:

— სპექტაკლს ამჯერადაც მაყურებელი დიდი აღფრთოვანებით და ტაშით შეხვდა. თითქმის ძალით გამიყვანეს მსახიობებმა სცენაზე. მართალი გითხრათ, ძალიან გაბრაზებული, გულგამთბარი, ფრთაგაშლილი შევეგებე ხალხს, აბა ასეთი გამარჯვება და აღიარება ვის არ გაეხარებოდა, ეს ხომ ბუნებრივი ამბავია. დიდი სიამოვნებით და კეთილი გრძობით გადავხედე დარბაზს და სრულიად მოულოდნელად, თვალში მომხვდა პარტერში, წინა რიგში მჯდომი, ზედმეტად აღფრთოვანებული კაცი. იმანაც თვალი თვალში გამიყარა და წუთიერად ჩვენი თვალთა ხედვა შეხვდა ერთმანეთს და გაშეშდა. ჩემდაუნებურად შეეკრთი, ვიგრძენი, როგორ დამასხა ციემა ოფლმა და გამაჟრჟოლა. იმ წუთში ჩემთვის ყველაფერს ფასი დაეკარგა, სცენა სწრაფად დავტოვე. აბა, თუ მიხვდით ვინ იქნებოდა ის? — მოგვმართა ჩვენ ლევანმა, მაგრამ თვითონ სიტყვის ამოღების საშუალება არ მოგვცა და აღშფოთებით წარმოთქვა: — ის ჯაშუში, ჩემი „ჩრდილი“. თავხედი, ყოველგვარი სინდისის ქენჯნის გარეშე თვალთმაქცურად, დიდი აღფრთოვანებით, გაბრწყინებული თვალებით ტაშს მიკრავდა და, რაც მთავარია, ჩემი ყურადღების მიქცევა უნდოდა. მიიქცია კიდევ. კულისებში თავი შევიმაგრე, შიში კი არ მომერია, მის თავხედობაზე გავბრაზდი სასტიკად. ისევ გავხედე სცენაზე მტკიცე ნაბიჯით გასვლა. ვფიქრობდი, იქით აღარ გავიხედავ-მეთქი, მაგრამ თვალი ჩემდაუნებურად გამექცა. ამჯერად სკანი თავისუფალი იყო, ნამდვილად გამიხარდა, თავისუფლად ამოვისუნთქე. ასე რომ არ ყოფილიყო, არ ვიცი, რას მოვიმოქმედებდი. გადავწყვიტე, გზაში რომ ამეკიდოს, უსათუოდ ლაზათიანად გავტყუებავ-მეთქი. მე ამის ძალაც მაქვს და ღონეც. სახლში მსახიობებმა მანქანით წამომიყვანეს, ამიტომ ამ ამბავს ავცდი. თუ არა, ჩემს გადაწყვეტილებას უსათუოდ შეეასრულებდი. მე ასე ვფიქრობ, საბოლოოდ ჯავრს ჯაშუშზე მაინც ვიყრი-მეთქი.

— ლევანი! — ძალიან შეწუხებულმა წამოიძახა დედამ, —

ხომ შეიძლება, რომ შენმა წარმოდგენამ ჯაშუშსაც სადღაც ადამიანური გრძნობა გაუღვიძოს და ის შენი ნიჭის მოტრფიალედ გახდეს.

— მე ეს სრულებით არ მამწვიდებს და არც მჯერა მისი კარგი კაცობის, ის ნამდვილი ჯაშუშია. მხოლოდ ხალხის წინაშე თვალთმაქცობს. ასეთი ადამიანები საზოგადოებისათვის უფრო საშიშიც არიან.

გავიდა რამდენიმე ხანი, ჯაშუში არ გამოჩენილა და ლევანიც უფრო თავისუფლად დადიოდა თბილისის ქუჩებში. ცოტა ხანში შეამჩნია რომ მასზე მეთვალყურეობა ყოველმხრივ გაძლიერდა და უფრო თვალთმაქცური გახდა. საშინლად სტკიოდა გული, თეატრში და საჯარო ბიბლიოთეკაში, სადაც ის ხშირად მუშაობდა, მეთვალყურედ იქაური თანამშრომლები რომ ჰყავდა მიჩენილი, ამჯერად ისინიც შეცვალეს. ყველაზე მძიმედ იმას განიცდიდა, რომ სამი ადამიანი, რომელიც ამჯერად ჰყავდა მეთვალყურედ, ლევანთან მეგობრობდა კიდევ და ყოველდღიურ მჭიდრო კონტაქტშიც იყო.

— ნუთუ ხალხი ასე დაკნინდა და გაფუჭდა? — გულისტკივილით ამბობდა ლევანი. — ყველა ცუდი საქმეც შიშმა გააქეთებინა? ნუთუ მათ ჰგონიათ, რომ მე ვერ ვხვდები მათ საქციელს, ყველაფერს ჩეკას გეგმით რომ აკეთებენ. ჩემთვის ეს უკვე კარგად ნაცნობი ილეთებია.

ლევანი ისევ სახლში ჩაიკეტა. ჯაშუშ-მეგობარმა რამდენჯერმე ლევანს სახლშიც მოაკითხა; ერთხელ დედამ კარი არ გაუღო. ცოტა ხანში ბავშვები გაგვიშვა მის დასაზვერად. ჩვენ ქუჩის კუთხეში გაჩერებულს თვალი მოვკარით და შიშით სახლში ამოვევარდით.

ლევანმა როგორც იტყვიან, ერთი ამოსუნთქვით დაწერა მუსიკალური კომედიის თეატრისათვის კომედია „თუთის პატარძალი“, შემდეგ სახელწოდება შეუცვალა და წარმოდგენა დაიდგა „სამი პატარძლის“ სახელწოდებით.

კომედია იდგმებოდა 1945—1946 წლების სეზონში, პრემიერა შედგა 1945 წლის სექტემბერში. დამდგმელი რეჟისორი იყო რესპუბლიკის დამსახურებული არტისტი ბორის გამრეკელი, მხატვარი — რუსუდან ჯავრიშვილი. მუსიკალური გატორმება ისევ კომპოზიტორ არჩილ კერესელიძეს ეკუთვნოდა. კომედია დიდი მოწონებით, აღფრთოვანებით და ოვაცი-

ებით გადიოდა, თეატრში ტევა არ იყო, ბილეთები არ იშოვე-
ბოდა.

გულდასაწყვეტია, რომ თეატრის მუზეუმში იმ წლის პროგ-
რამა არ აღმოჩნდა, შემორჩენილია ერთადერთი რეცენზია, რო-
მელიც ნაწილობრივ მაინც წარმოაჩენს იმდროინდელ საუკე-
თესო მსახიობებს.

გაზეთი „ინდუსტრიული ქუთაისი“, № 7, 1946 წელი.

„სამი პატარძალი“

„ღევან გოთუას „სამი პატარძალი“ რეალისტური ნა-
წარმოებია. მასში წარმოდგენილია გურიის ერთი სოფელი,
სადაც ახალი ცხოვრება ჩქეფს. ახალგაზრდობა და ხან-
შიშესული გლეხებიც გატაცებული არიან საკოლმეურნეო
მშენებლობით, შრომის სოციალისტური ფორმებით, სა-
ერთო საქმით. ენერგიულად იბრძვიან სოფლის ეკონომი-
ური და კულტურული დაწინაურებისათვის. სოფლის მო-
წინავე ახალგაზრდები — ვასასი, გოგია და სხვა, ენერგი-
ულად შრომობენ, კომკავშირული ორგანიზაციის ერთგუ-
ლი წევრები არიან და დიდი ავტორიტეტით სარგებლობენ,
ენერგიულად მონაწილეობენ გზის გაყვანაში. აქვეა საერ-
თო-საზოგადოებრივი საქმის გულშემატკივარი — ხანდაზ-
მული გლეხობაც — ქვრივი ქალი ნადია და ფოფილა. მე-
ორეს მხრივ, ლიბრეტოს ავტორი საკოლმეურნეო შრომის
წარჩინებული ადამიანების გვერდით გვიჩვენებს სოფლის
უქნარებს, უსარგებლო და ჭერ კიდევ ჩამორჩენილ ელე-
მენტებს (ფრიდონი, მელენტი, არისტო, ანთიმოზა), რომ-
ლებიც პირადულს საზოგადოებრივზე მალლა აყანებენ.

ამ ორი კატეგორიის ადამიანების ინტერესთა ჭიდილის
საფუძველზე იშლება და ვითარდება ლ. გოთუას ნაწარმო-
ების „სამი პატარძლის“ შინაარსი. დამღვამელი რეჟისორია
რესპ. დამს. არტისტი ბორის გამრეკელი, მხატვარი — რუ-
სულან ჯავრიშვილი, კომპოზიტორი — არჩილ კერესელიძე,
დირიჟორი — ვ. ბარნაველი. მსახიობთა მთელ კოლექტივს
კომედია მხატვრული ზომიერებით მიჰყავს მაყურებელთა
ცნობიერებამდე. უდავოდ მიღწეულია რეჟისორის განზ-
რახვა — ეჩვენებინა საკოლმეურნეო ცხოვრების ფონზე

დინამიკური და ქართული სოფლის ცხოვრების ამსახველი სპექტაკლი.

„სამი პატარძალი“ შეუწელებელი ინტერესით ვითარდება, მსახიობი თ. კობახიძე—ნაწილი ქმნის სიცოცხლით აღსავსე კომკავშირელის საყურადღებო სახეს. იგი კეთილი და ცოცხალი სოფლის მოწინავე ახალგაზრდაა.

მსახიობი ვ. ნანვარაშვილი კარგად ფლობს მუსიკალური კომედიის უნარს და მხატვრული აზროვნების სპეციფიკურ ხერხებს, აცოცხლებს მეორე კომკავშირელი ქალის — ვასასის სახეს.

მსახიობმა გერსამიამ კარგი მსახიობური ხელოვნებით წარმოადგინა გონებაზეზღუდული, ჩამორჩენილი, პირადი ბედნიერებით გატაცებული ბუღალტერი.

მსახიობი გ. ჭუმბაძე კარგადაა დაუფლებული გურულ აქცენტს და ცოცხალ თამაშს.

მოწონების სიმალღეზე დგას მსახიობი ელ. ჩოხელი. ეს მსახიობი დღითი დღე ეუფლება აქტივორულ კულტურას. ის განსაკუთრებით ძლიერია სახასიათო როლებში. მისი ელპიტე უდარდელი, ჭორიკანა ქალია. მხატვრულად კარგადაა გაკეთებული.

მსახიობ მ. ბერიაშვილს — მშენებლობის ენთუზიასტ ინჟინერს — მთელი სპექტაკლი თანაბარი ზომიერებით მიზყავს. კარგად არის დადგმული ძველი გურული ცეკვა „ფარცაკუკუ“, მაკეტები ხალისიანი და მიმზიდველია. დაკისრებული როლები კარგად დაძლიეს ნ. მოსეშვილმა (გოგია), თ. ბაკურაძემ (ბესარიონი), ნ. ანდრონიკაშვილმა (ნადია) და ლ. ბეგლარიშვილმა (თოფელა მენავე).

არჩილ კერესელიძის მუსიკა მდიდარია მელოდიებით, ფოლკლორული მასალის ოსტატური გამოყენებით, იგი ქმნის ტკბილსახოვან ჰარმონიას. დირიჟორი ვ. ბარნაველი თავისებური ოსტატობით ხელმძღვანელობს ორკესტრს.

„სამი პატარძალი“ თბილისის მუსიკალური კომედიის თეატრის მორიგი მხატვრული გამარჯვებაა.

თეატრი ამ დადგმით გაბედულად ცდილობს ასახოს ჩვენი მდიდარი თანამედროვეობა“.

ვ. გუ გუ შვილი

წარმოდგენა განმეორებით აღდგა ლევანის მესამე გადასახლებიდან დაბრუნებისთანავე და დიდი წარმატებით გადიოდა.

1945 წლის ბოლოსათვის ჩვენი ოჯახი ეკონომიურად მოძღვრდა. დედამ ძალიან გაიხარა — ოჯახში სრული კეთილდღეობა და ბედნიერება სუფევდა, ყველა შვილი ჯანმრთელად და კარგად ეგულებოდა. სანდრო და თინა ფეხზე უკვე მყარად იდგნენ და თავიანთ წრეში კარგი სახელი ჰქონდათ მოხვეჭილი, თამარი უვნებლად დაბრუნდა სამამულო ომიდან და დაიწყო მუშაობა. მზია უნივერსიტეტის დამთავრების შემდეგ მასწავლებლობდა. მართალია, დედას სიბერე შემოეპარა, მაგრამ მომავალს მაინც იმედის თვალთ უყურებდა, მხნედ იყო, ძველებურად ყველაფერი აინტერესებდა. მთავარი კი ის იყო, რომ ლევანის მწერლურმა ნიჭმა ვულკანივით ამოხეთქა და ფართო ასპარეზზე გამოვიდა. მისი სამი დრამა „მეფე ერეკლე“, „უძლეველნი“, „დავით აღმაშენებელი“ და მეოთხე — კომედია „სამი პატარძალი“ დიდი მოწონებით და ოვაციებით მიდიოდა თეატრებში და ალაფრთოვანებდა ქართველ საზოგადოებას.

გამოკეთდა ოჯახის ნორალური და ეკონომიური მდგომარეობა. ყველასათვის ისევ გაიღო ჩვენი სტუმართმოყვარე სახლის კარი, ლევანთან მოდიოდნენ მწერლები, მსახიობები, მეგობარ-ნაცნობები, ნათესავეები, იმართებოდა აზრთა გაცვლა-გამოცვლა, ლიტერატურული საღამოები. კითხულობდნენ ლევანის ახალ ნაწარმოებებს.

სანდრო დაოჯახდა. დედა და ოჯახის წევრები ლევანის დაოჯახებასაც ვუცდიდით. ლევანი თანახმა იყო, შეარჩია საცოლუ და გაგვაცნო კიდეც. ჩვენ ყველას ძალიან მოგვეწონა მისი ბეგობარი. ქორწილი შემოდგომისათვის დაინიშნა.

— ჩვენი ოჯახის მდგომარეობა ისევ მნიშვნელოვნად გამოკეთდა და შენ, ლევან, ისეთი პოპულარული კაცი გახდი საქართველოში, რომ მე ეს მაშინებს, — დელავდა დედა. ამისთანა არეულ დროში და დაუნდობელი მთავრობის ხელში ყველაფერი მოსალოდნელია. ვინმემ არ გიმტროს ან ძველი ამბები არ გაგიხსენონ!

მართალია, ლევანი დედას ამ ექვს უქარწყლებდა, მაგრამ თვითონაც დელავდა უკვე ახალი ჯაშუშების გარემოცვაში მოხვედრილი.

თეატრის საზაფხულო სეზონის დახურვასთან დაკავშირებით

ლევანმა გადაწყვიტა წვეულება გაემართა — მწერლები, მსახიობები, ქართველი საზოგადოების თვალსაჩინო მოღვაწეები მოეწვია. ძალიან უნდოდა ყველაფერი ისე წარმართულიყო, რომ ეს შეკრება ყველასათვის სასიამოვნო ყოფილიყო. წვეულების გამართვა გადაწყვიტა ქართველი ხალხის სიამაყის, სასიქადულო მამულიშვილის — დიდი ილია ჭავჭავაძის მადლიან კარმიდამოში — საგურამოში. და, აი, ილია ჭავჭავაძის წარმტაც მამულში, უშველებელი კაკლის ხის ქვეშ 100-კაციანი ბარაქიანი, ლამაზი სუფრა გაიშალა.

ლევანმა საუკეთესო ღვინო ჩამოიტანა კახეთიდან. ტრიკლებდნენ საგურამოელი დიასახლისები. ყველაფერი გემრიელად და ხვავიანად მომზადდა, ისე როგორც ნამდვილ ქართულ სუფრას სჩვევია.

დამსწრე საზოგადოება აღფრთოვანებული იყო საგურამოს კარმიდამოს სილამაზით, კაკლის უზარმაზარი ხის ჩრდილითა და სურნელებით, ხვავ-ბარაქიანი სუფრით. ყველამ მოიღვინა.

გაჩაღდა სიმღერა, ცეკვა, თამაში, მხიარულება, ითქვა ბევრი ლაზათიანი სიტყვა, ლექსი თუ მონოლოგი. ნატო ვაჩნაძის სილამაზე წვეულებას მეტ ეშხს მატებდა. ვილაცამ იხუმრა, არც დავით აღმაშენებელს და არც ამ როლის განმსახიერებელს ცხადში კი არა, სიზმრადაც არ უნახავთ ასეთი ლამაზი ცოლიო, რასაც დიდი სიცილ-კისკისი მოჰყვა.

გულიდან ამოსული სადღეგრძელოებით ვინ არ ახსენეს — სამამულო ომსა თუ გადასახლებაში დაკარგულები და გარდაცვლილები. ბევრი ილაპარაკეს ქართველი კაცის სიკეთეზე, სიღარბაისლეზე, გონიერებაზე... ყველა მადლობას უხდიდა ლევანს ასეთი შეკრებისათვის.

მზე მწვანეში ჩაიძირა, ვეებერთელა ვერცხლის ბურთი ამოგორდა და ულამაზეს კარმიდამოს მკრთალი ნათელი მოჰფინა. გვიან ღამით დაიშალნენ სტუმრები.

მეორე დღეს სახლში ალბინისტები გვესტუმრნენ. მათ თან მოიტანეს მთამსვლელური ლალი ატმოსფერო. აქ იყვნენ ალიოშა ჭაფარიძე, კოტე ჭავრიშვილი, გრიშა გიორგობიანი და სხვები. ალიოშა ჭაფარიძემ ლევანს უშმაზე ასვლის განზრახვა გაანდო. სამომავლოდ კავკასიონის უცნობი მწვერვალების ერთობლივად დალაშქვრა გადაწყვიტეს, შეთანხმდნენ აგრეთვე მი-

უვალი ქვაბულების კვლევის გაგრძელებაზე. მიზანო და სურვილი ბევრზე ბევრი იყო...

ავვისტოს დასაწყისში ლანჩხუთიდან მამიდის გარდაცვალების ცნობა მივიღეთ. გადაწყდა დასაფლავებაზე ყველანი წასულიყავით.

მამიდა დავასაფლავეთ დიდი პატივისცემით და მოწიწებით, ყველა წესის დაცვით. დაკრძალვას ხალხიც ბევრი დაესწრო. შემდეგ გადავწყვიტეთ სოფელ ძიმიტში ასვლა, ლევანი ხომ დიდი ხანია იქ არ ყოფილა და უნდოდა ბავშვობის გახსენება.

ლევანის გურიაში გამოჩენამ ნათესავ-ნაცნობებში დიდი აღფრთოვანება გამოიწვია.

დაკრძალვის ცერემონიალის შემდეგ დაიწყო ლევანის აქეთ-იქით გადაპატიჟება. ყველა ნათესავს და ნაცნობს გულით უნდოდა მისი სტუმრობა.

ლევანმა არც ერთს არ ატკინა გული და ძიმიტიდან დაბრუნების შემდეგ მისვლას შეჰპირდა.

ლანჩხუთში დიდხანს არ დავეყვნებულვართ, ძიმიტში წავედით. ვერც იქ გავჩერდით ისე გაგვიფუჭა ხასიათი ჩვენმა ყოფილმა ნასახლარმა. იქაურობა გაპარტახებული, გასაცოდავებული დაგვხვდა. კოლმეურნეობას იქ სიმინდის ნათესები ჰქონდა. მდინარე სუფსასაც აღარ შევხვდეთ, ისე გამოვბრუნდით. არც არავინ გვინახავს და არც არავისთან მივსულვართ.

ლანჩხუთის მისასვლელთან ახლო ნათესავმა შეგვაჩერა, ლევანი გვერდზე გაიხმო და საიდუმლოდ უთხრა:

— ვილაც საეჭვო სამი კაცი მანქანით დაგეძებს. ეგ ხალხი არ მოგვეწონა, ვინაობა არ გვითხრეს, ჩეკისტები თუ არიან და კუდში გდევენ. ძიმიტში წამოვიდნენ, თქვენი იქით წასვლა რომ შეიტყვეს. საოცარია როგორ აცდით. ვფიქრობ, თქვენი დაბრუნება ლანჩხუთში არ ღირს.

შემოვავბრუნეთ მანქანა და ასე გულისხმეთქვით თბილისისაკენ წამოვედით.

თინამ სალამოს ფოსტას მიაშურა და ლანჩხუთში დარეკა. გამოირკვა, რომ ის სამი ჩეკისტი ჩვენი წასვლის შემდეგ ლანჩხუთში მალე დაბრუნებულა. მამიდის სახლის შორიახლოს დიდხანს გველოდნენ.

თბილისში ყველაფერი ნორმალურად დაგვხვდა, მაგრამ, ვაი იმ დამეს, ლევანი სახლში არ დარჩა. ჩვენ კი თეთრად გავათენეთ, ყოველი გაფაჩუნება შიშის ზარს გვცემდა.

რამდენიმე დღის შემდეგ დაძაბულობამ გაგვიარა, ვინაიდან ლევანმა ქალაქში სიარულს განგებ პოუმატა და მღევარი არ შეუმჩნევია. თითქოს დავმშვიდდით.

მოუხედავად ჩაშუშების გამუდმებული მეთვალყურეობისა, დაპატიმრების შიშისა, ლევანი 1945 წელს მაინც ბედნიერ წლად თვლიდა. ისევ ნაყოფიერად მუშაობდა, მოგზაურობდა კიდეც და შემოდგომაზე დიდი მიზნების განხორციელებას აპირებდა.

1945 წლის ოქტომბრის დასაწყისში ალიოშა ჭაფარიძემ, ქელეში ონიანმა და ნიკოლოზ მუხინმა შექმნეს ძლიერი ჯგუფი და სვანეთისაკენ გასწიეს. მათ უმძიმესი შერკინება დაისახეს მიზნად — უშბა-შხელდის ტრაპერსით დალაშქვრა.

საუბედუროდ, ექსპედიცია ყინულეთის უმაღლესი მწვერვალებიდან ველარ დაბრუნდა. საშინელი უბედურება დატრიალდა. პირველი ძახილისთანავე დაიძრნენ მთამსვლელთა ჯგუფები დასახმარებლად და საძებნელად. ერთ-ერთი მაშველი ჯგუფის ხელმძღვანელი ლევანიც იყო. ამ ჯგუფმა თვითმფრინავით თუ ფეხით ყოველი მხრიდან ბევრჯერ შემოუარა უშბას, მაგრამ უშედეგოდ.

თვითმფრინავიდან შეამჩნიეს მთამსვლელების მიერ ამოკვეთილი საფეხურებიც, მაგრამ თვითონ აღარსად ჩანდნენ. აი, უკანასკნელი იმედიც გადაეწურათ, ერთ-ერთმა მაშველმა ჯგუფმა უნაგირადან მათი პალო და თოკის რგოლი ჩამოიტანა. მეორე ჯგუფმა კი კარვის ნაგლეჯი იპოვა. „სადაც ამ ყინულების ქვევით, მყინვარების ქაოსში დარჩა ალიოშასა და მისი „სიკვდილის“ ძმების“ თეთრი სამარე“, — წერდა ლევანი.

გვინდა, გავაცნოთ ჩვენს სახლში შემორჩენილი მთამსვლელ ეგგენი აბალაკოვის იმდროინდელი წერილები. მათში ასახულია სვანეთის უდიდეს მყინვართა სამფლობელოში, უმძიმეს პირობებში ალიოშა ჭაფარიძისა და მისი ჯგუფის ძებნის ამბავი, მთამსვლელების მიერ გამოჩენილი დიდი თავდადება, ვაუკაცობა და იერთებულება.

11/X—45 წ.

მივიღე თქვენი ბარათი, რომელიც გადმოგვცა მურზახანმა. თოვლი ბარდნის და ძლიერი ქარბუქია. თოვლის სიმაღლე წელს ზემოთაა. ზევით სვლა ჭერჭერობით შეუძლებელია. ამინდის გამოსწორებისთანავე ვსინჯავთ წინსვლას.

ამჟამად ვიმყოფებით მარხიაზე, უნულოვანი ენის ზემოდან, სადაც ცხოვრობდა აღმადხირი. მოვთავსდით თოვლის ქვაბულებში, სანდრო გვალია კილომეტრის ქვევით შეჩერდა, ალბათ მალე წამოგვეწევა. თუ კარგი ამინდი იქნება, გამოგვიგზავნეთ ორი მთამსვლელი (სასურველია ერთ-ერთი მურზახანი იყოს). ვფიქრობთ ეს გამოქვაბულები გამოგვადგება როგორც ერთ-ერთი ბაზა წინსვლისათვის. იზრდება ზვავსაშიში მდგომარეობა არა მარტო ზევით, არამედ ქვევითაც. გამოგვიგზავნეთ საკვები, ზემოთ ასატანდაც. მაინც დაგვიტოვეთ ჩვენი იქ არყოფნის შემთხვევაშიც, ვინაიდან საკვები შემოგვაკლდა.

ყველას სალამი
ევგენი აბალაკოვი“.

20 X—45 წ.

„მივალწიეთ კოშებამდე. ბარდნის დიდი თოვლი, თითქმის არაფერი არ ჩანს. ხვალ გავაგრძელებთ გზას უნულოვან ცირკამდე. იმდენად დიდი თოვლია, რომ ზვავსაშიში მდგომარეობაა, შემოგვიერთეთ კიდევ კ. ჯავრიშვილის ჯგუფიდან ერთი დამხმარე მთამსვლელი. ის გვეპირდება ჩვენს ჯგუფთან და თქვენთან — თვითმფრინავთან კავშირის დასამყარებლად. მანამდე შევეცდებით პირობითი ნიშნებით — შუქურების გასროლით შევატყობინოთ და თავიც შევამჩნივინოთ. უბედურების შემთხვევაში ნ-ქერ აელვარდება წითელი შუქი — სამუშაოს ვწყვეტთ და უკან ვბრუნდებით, ვეშვებით. გაყინულების პოვნის შემთხვევაში 2 თეთრი შუქურა აინთება. გვესაჭიროება დამხმარე ხალხი. ცოცხლების პოვნის შემთხვევაში კი სამი თეთრი შუქურა აელვარდება.

ყველას მოკითხვა
ევგენი აბალაკოვი“

„ყველაფერს შავ-თეთრი სუდარა ხშავს, ქარბუქი ბობოქრობს. აქ ასე გაიყარა ჩემი და ალიოშას უვალი სავალი“, — წუხილით წერდა ლევანი.

„დიდი მსხვერპლი მოითხოვა კავკასიონმა ჭაფარიძეების გვარიდან — ორი ძმა: სიმონი და ალიოშა. უშბა და თეთნულდი ორივე დაიპყრო, დალაშქრა და დაამარცხა მათა დამ — მთამსვლელობის დედამთავარმა აღექსანდრა ჭაფარიძემ. ვაჟაკთ ხსოვნა ყოველთვის მარადიულია და ცოცხალი. ესეც სასწაულია — უშბამ პირველად დააბრუნა თავისი მსხვერპლი. ლეგენდარული იყო ალიოშას მეორედ მოსვლა. ალიოშა ჩემზე უფროსი იყო, მაგრამ ამჯერად მე მასზე უფროსი და ჭალარაც აღმოვჩნდი, რადგან დაღუპულები აღარ ბერდებიან, ისევე როგორც არ ქრება მათი სიკვდილით მიყენებული ტკივილი და აღარ ხუცდება მათი ხსოვნა. ეს კი უკვდავებაა!

ბევრი მხურვალე ცრემლი დაეყარა ალიოშას გაცივებულ გულს, მარადიული სიცოცხლე დარჩა მის სახელს და მოღვაწეობას“. — წერდა 12 წლის შემდეგ ლევანი.

როგორც აღვნიშნეთ, პართენ გოთუას ოჯახს, რაც ჩემი თავი მახსოვს, ბევრი მძიმე წელი გადაუტანია — იგონებს თინა, — სულ ლელვაში, გაჭირვებაში და გულისხნეთქვაში ვიყავით. ჯერ იყო და მთავრობა მამას ერჩოდა. ლევანი რომ წამოიზარდა, მერე ჩვენს ოჯახში სულ ლევანის უბედურება ტრიალებდა, ახლობელ თუ შორეულ ციხეებთან არა მარტო მჭიდროდ ვიყავით დაკავშირებული, არამედ თითქოს შესისლხორცებულნიც, სხვა გაჭირვებაზე რომ არაფერი ვთქვათ.

ჩვენი გამზრდელი ტასო ვერ ერკვეოდა პოლიტიკის ამბებში, ეგონა, რომ ციხე მარტო ქურდებისა და ჯიბგირებისთვის არის და გულდაწყვეტით ხშირად იტყოდა: — ქვე შენი ჭირიმე, ეს რა ოჯახში ვარ, ასეთი განათლებული და სწავლული ხალხი ხართ და სულ ციხის კარები დაგებდათ. ნეტაი ვიცოდემ, რას აშავებთ ამისთანას.

დედა გულსტკივილით ყოველთვის უპასუხებდა: — ტასო, შენ არ იცი ამ წყობისა და გარემოცვის ამბავი, ჩვენს გარემოში როგორი მძიმე პოლიტიკური ვითარება ტრიალებს. ცხოვრება დამძიმდა და გაყალბდა. ჩვენი ოჯახის წევრები, ეს ალაღმართალი ხალხი, არაფერ შუაშია.

ლევანის დაპატიმრებასთან დაკავშირებით ჩვენი ოჯახისათ-

ვის კი ყველაზე მძიმე 1946 წელი გამოდგა. ეს ალბათ იმიტომ, რომ ჩვენ ბავშვები აღარ ვიყავით, წამოვიზარდეთ. ძველი განცდები და გაქირვება უკვე დავიწყებას იყო მიცემული. აწმყო კი მთელი სიმკაცრით განვიცადეთ. ლევანიც საკმარისად დავაყკაცებული და უკვე სახელმძღვანელო დრამატურგი გახლდათ, მტკიცე ნებისყოფა და თავმოყვარეობა ჰქონდა. დაპატიმრება მძიმედ განიცადა. ჩვენც უფრო ღრმად და რეალურად ვკვრეტდით ლევანის უბედურებას. რომ იტყვიან, უბედურება მოდის — ჭიშკარი ფართოდ გააღე, ვერაფერი ვერ შეაჩერებსო, ისე დაგვემართა. ისევ მეხივით დაგვეცა თავს ლევანის ხელახალი დაპატიმრება. ეს კი ასე მოხდა:

1946 წლის ზაფხულში ლევანმა დააპირა მესხეთ-ჯავახეთის, უფრო სწორად, სამცხის ცხოვრების შესახებ ისტორიული რომანის დაწერა. ამისათვის გადაწყვიტა მესხეთ-ჯავახეთში მოგზაურობა და მასალების შეგროვება. თინა სულ იმას ეუბნებოდა: — 'ლევან, იქით ნუღარ წახვალ, ისევ რამე არ შეგემთხვესო. ეს მხარე შენ ცუდად გაქვს დაცდილი, ორჯერ იქიდან იძულებით წამოგიყვანეს და არ გასამდესო. ლევანი ილიმებოდა და ყველას გვაწყნარებდა:

— მე ლიტერატურული აღძვლობა და 'შემოქმედებითი ძალა თმოგვში, ვარძიაში და ხერთვისში მიხმობს. სამცხე-ჯავახეთის შესახებ მოფიქრებული მაქვს დიდი ტილო და მინდა ის მხარე კარგად შევიცნო, იქაურ უდიდეს წარსულს ღრმად ჩავწვდე, ხატოვანი ქვაფურცლები შევისისხლხორცო, მოვისიყვარულო და განვქვრიტო.

ამჯერად მან ზურგჩანთაში „ვეფხისტყაოსანი“ ჩაიდო, რათა ქართული სიტყვა უნაგაროდ დახმარებოდა და მესხეთ-ჯავახეთისაკენ გასწია.

„მზე ჯერ ამოსული არ იყო თმოგვზე. მტკვრიდან ციხის გვირაბ-გვირაბ ავედი. ახალგაზრდული გატაცებით მთელი სამცხე ფეხით შემოვიარე. მშობლიურ მდელოებს, უხვად მოფენილს დათაფლული ყვავილებით, უღრან ტყეებს, აზიდულს ცის კამარაში და უძველეს, დიდებულ, ღრმა წარსულის მქონე ციხესიმაგრეებს გულით მივესიყვარულე, სისხლხორცეულად შევიცნე, შევითვისე და შევისაკუთრე. ისეთი შეგულისხმების უნარიც მოვიპოვე, რომ ძეგლებმა თითქოს რაინდული სალამიც მომცეს.

სალამოზე უკვე ვარძიაში ვიყავი. იქ დამაღამდა— ღამე დიდებული თამარის ქვაბ-პალატების ზღურბლთან ვათიე. ჩემს გარშემო სურნელება და მწერების ზუზუნი ნანას მიმღეროდა, გული გაივსო სიამით და სილაღით. გარტყატთან ერთად წამოვდექი. „ვეფხისტყაოსანი“ გადავფურცლე და ვარძიის ყოველ ქვაბში თითო ტაეპი წავიკითხე, ჩავიგრძნობე. ისე გავერთე, რომ ქვაბსათვალავიც ამერია. მოვეფერე დახვსებულ ნანგრევებს და ჩუქურთმებს. ზედმეტი აღელვებითა და აღფრთოვანებით ყოველ ქვაბ-კუნძულში თავი შევეყავი, თვალი გადავავლე. აღმაფრენით სულ სხვანაირად შევიცანი, გულდაგულ შევცქეროდი თამარ მეფისა და სხვა დიდებულთა წმიდათა-წმიდა ხატოვან სახეებს. ბევრი აზრი და ნაფიქრი ჩემთვის ჩავიწერე, აღვნიშნე, დავიმახსოვრე. აწმყო წუთიერად სულ დავივიწყე, ოცნებით იმდროინდელ სამყაროში გადავედი ჩემდა უნებურად. იმწუთშივე ძირფესვიანად წარმომიდგა თვალწინ ჩემი სამშობლო: საქართველო, პატარა, ულამაზესი სახელმწიფო, უძველესი წიგნსაცავების საგანძური, საკუთარი დამწერლობის მქონე, უნიკალური, ბევრისმთქმელი, საუკუნოვანი ძეგლებითა და ციხესიმაგრეებით გამაგრებული, საკუთარ დედაენაზე გაზრდილი და გამოწრთობილი საღად მოაზროვნე უნიჭიერესი ერთთა და მწერლობით.

აქ მოგზაურობის დროს გამიღრმავდა სამშობლოს სიყვარული და პატივისცემა, გამსჭვალული სულიერი სითბოთი, და უფრო ჩაირკინა ჩემი არსების ყველა კუნძულში. ვამაყობ ქართველობით, ვოცნებობ საქართველოს თავისუფლებაზე და კეთილდღეობაზე. საქართველოში კი ერთნაირი წესი ვერ დალაგდა. წესი კი უნდა ჰქირშიაც და ლხინშიაც.

მწერლის მზვერავე თვალით ამ არემარეში ტრიალმა და ხეტიალმა, წარსულის დიდების ჰვრეტამ, ჩემს სულიერ სარბიელზე უფრო ღრმად ჩამინერგა წარსულის სიღიაღე, კეთილმოყვარეობა და აწმყოს გულდაგულ განჰვრეტა. ქვეყნად კაცმა თავისი წილი მუდამ უნდა მოიპოვოს. სადაც მაღლი არ დაგითესია, იქ კოვზს ნუ გამოაჩენ, სადაც კეთილს დასთეს, კოვზი თავად კოვზზე მოგიკაკუნებს. კაცი არც ორკოვზა ვარგა, არც ორპირა და არც ორ სკამზე მჯდარი.

ვარძიის ხილვით გული რომ ვიჭერე, მერე ასპინძის ნაბრძოლებ ადგილებს დავუარე, ბრძოლების სიმძაფრე და სისას-

ტივე ყაყაჩოების სიმრავლით შევიგრძენი. საითკენაც გულმა განიწია, იქით წავედი. მარტო ხეტიალში დავიღალე და შემომალამდა კიდევ. ეს აინუნშიაც არ ჩავაგდე. აქ ხომ ყველგან საქართველოა, სადაც დამიღამდა, იქვე მივწეკი. გულში და სულში გაჟღენთილი მქონდა სამშობლოს ყოველმხრივი სიამე. ვინმე იფიქრებს ასე ბილიკ-ბილიკ აქ რომ დავდივარ, თუ მოსაკრეფი მაქვს რამე ან ვეძებ ვინმეს? დიახ, მე ვეძებ მომავლის იმედს, სიკეთის უკვდავებას მატთანეს სიღიადეში.

დილას ხერთვისის ციხისაკენ გავეწიე. მტკვარს მოვესიყვარულე, შეეხვდი, ცდუნებას ვერ გავუძელი, ლაზათიანად გავლალდი. მტკვრის ტალღებს მივენდე. მერე კი აღმართს ავეყევი. გულალალმა, კეთილგანწყობით გალალღებულმა უეცრად მტკვრის გადაღმა რალაც მანქანას მოვკარი თვალი, შიგ რატომღაც ჩემი ჭაშუში შევიცანი. გულში ელდამ გამკრა. იქნებ თბილისში მოვასწრო ჩასვლა, — გავიფიქრე ელვისებურად. სირაქლემასავით ხან ტყეს შევაფარე თავი, ხან კი ქალებში გადავედი. საუბედუროდ, დავრწმუნდი, რომ მანქანა მე მდევდა. სხვა გზა არ მქონდა, ავედი ხერთვისის ციხეში, საიდანაც მეორე გზით ვაპირებდი უკან თბილისში დაბრუნებას, მდევრებისაგან თავის დაღწევას.

ხერთვისის ციხის გარშემო დიდი ჟრიაბული დამხვდა. პიონერთა სასახლიდან სამოგზაუროდ მზია ერისთავს ბავშვები და მათი პედაგოგები წამოეყვანა. ბევრ ნაცნობს შეეხვდი, ბავშვები სიყვარულით შემომეგებნენ. ვისაუბრეთ და სურათიც ერთად გადავიღეთ. მე საშინელ საგონებელში ვიყავი ჩავარდნილი. საცაა ჩემი სულთამხუთავეები აქ გაჩნდებოდნენ. ჩემი აქ გაჩერება დროის დაკარგვას ნიშნავდა და არ იყო გამართლებული. ექიმ-მთამსვლელს გოგი ცისკარიშვილს ჩემი საიდუმლოება გავანდე, ზურგჩანთა დავუტოვე და შევეხვეწე, რომ დაპატიმრების შემთხვევაში სახლში ადრეულად ეცნობებინა. ბავშვებს თავი მოვარიდე და ხერთვისის ციხის უკან მიუვალ ბილიკზე გადავედი. სწრაფად დავეშვი. რატომღაც თბილისში ადრე ჩასვლით თავის შველას ვგულისხმობდი. ხერთვისის ციხის დაბურული ადგილები მშვიდობით გავიარე, ვფიქრობდი, რომ ჩეკისტებს თავი კარგად მოვარიდე. დრო მოსაგები მქონდა, მაინც შარაზე უნდა ჩავსულიყავი და მტკვარი გადამეკვეთა, სხვანაირად სამშვიდობოზე ვერ გავიდოდი. ეს მძიმე მონაკვეთი კი,

რომელიც მე შეონდა გასავლელი, სახიფათო ზონა იყო. მარტო აქ შეიძლებოდა ჩემი დაქვრა. ისევ საგონებელში ჩავვარდი, როგორ მოვქცეულიყავი, ვერ ვსაზღვრავდი. მაინც გადავწყვიტე ამ უბნის გადალახვა. სწორედ აქ მიმტყუნა ბედმა. გზაშარახე სირბილით ჩავედი. მტკვარშიაც შევეტოპე და მეორე მხარეს გავედი. მანქანა არ ჩანდა, ვიფიქრე რომ მეშველა, მაგრამ გვიან შევნიშნე როგორ ქურდულად მდევდა მანქანა, ისინი შემობრუნდნენ, გზას შემოუარეს და წინ გადამიდგნენ. 4 კაცი მანქანიდან ერთდროულად გადმოხტა.

ჩვენთან წამობრძანდითო, ისეთი მეგობრული ტონითა და ისე თავაზიანად მითხრეს, რომ, თუ არა ნაცნობი ჯაშუში, ნამდვილად სუფრაზე მოპატიჟება მეგონებოდა კეთილის მსურველებთან. არავითარი წინააღმდეგობა აღარ შეიძლებოდა. ეს არც ღირსეული იქნებოდა.

მეკრძლი უჩვეულო სიმძიმე ვიგრძენი. სხეულიდან ოშხივართან ერთად ფიქრიც ამერია. ახლა კი ნამდვილად მივხვდი, რომ რაღაც საშინელი მელოდებოდა. ამის გამო წუთიერად მთელი ტანის ტანჯვა და ტკივილი ვიგრძენი. მტკვარს დავეწაფე, გამშრალი ხახა გავისველე და გავარკვარებული თავი გავიგრილე.

უცებ თავი მთლიანად მოვთოკე, არ ვაგრძნობინე ჩეკისტებს, რომ მათი მეშინია. მტკიცედ ვარ დარწმუნებული, რომ ამჯერად ბრალი არაფერში მიმიძღვის, მარტო წარსული შეიძლება დამდონ ბრალად და ჩემი დიდი პოპულარობა დრამატურგიაში... ესაა და ეს, თუ ჩემს რწმენაზე არაფერს ვიტყვი და, საუბედუროდ, მოქმედების სურვილზე, რომელიც ნამდვილად დამრჩა აუსრულებელი.

მთელი გზა ღრმა ფიქრებში ვიყავი წასული. ამდენ ხანს ჯაშუშები რომ დამდევენ, კიდევ კარგად დამაცალეს. მართალია, ყოველი დღე მძიმედ გადასატანი და ღამე მოგებულად მიმაჩნდა. ჩემთვის უჩუმრად სულ იმაზე ვდარდობდი, სადმე არ „გადამჩხონ“ ან „ჩამჩხირონ“—მეტქი და, აი, სად მიპოვეს.

დასამალი მე არაფერი მაქვს. ჩემი სინდისი სამშობლოს წინაშე პატიოსანი და უღალატოა. იქ ჩეკაში ყოველთვის ჩვენი ერის მოღალატედ გამოვყავდით, ესეც ჩემი ბედის დაცინვა იყო.

თქვენ თვითონ განსაჯეთ— რა შუაშია ქართველი ერი და

საქართველო, თუ პარტია და წყობა არ ვარგა? ერს ვერაფერს დაუმაღავ, გაიგებს. ერს ვერ მოატყუილებ. ერი თუ გენდო, ყოველთვის შენი იმედი ექნება. ახლა საშინელი დროა. ერი იმდენად დააყენეს, რომ უბრალო განძრევისაც ეშინია, ბრძოლის უნარიანობაზე კი საერთოდ ნურაფერს ვიტყვით. გარშემო იმდენი უბედურებაა, რომ უმრავლესობას თავი მწუხარებაში აქვს ჩაფლული.

— ზურგჩანთა ხერთვისში მაქვს. დატოვებული და წამოვიღო.

— თქვენ ამაზე ნუ იღარდებთ, აგერ თქვენი ზურგჩანთა.

— ბავშვებმა თუ გაიგეს ჩემი ამბავი, — შევეკითხე მე.

— ჩვენ იქ მყოფებს ვუთხარით, რომ თქვენ დილიდან გეძებთ, ქვევით დიდი სუფრა გვაქვს გაშლილი და იქ საქეფოდ უნდა წავიყვანოთ“.

ამ ტყუილს ვინ დაიჭერებდა, ყველა ხერთვისში მყოფმა, დიდმა თუ პატარამ, გაიგო ლევანის დაპატიმრება.

გოგი ცისკარიშვილმა მეორე დღესვე შეგვატყობინა ყველაფერი. მაგრამ უკვე გვიან იყო.

ჩვენთვის იმ მძიმე დროს თინა საგურამოში ისვენებდა. მწერალთა დასასვენებელ სახლში, ლევანმა უშოვა საგზური. იქ იყვნენ აგრეთვე: კარლო კალაძე, თამარ აბაკელია, რაჯდენ გეტაძე თავისი ოჯახით და ბევრი სხვა მწერალი.

— ასე, დღის 5 საათი იქნებოდა, როდესაც კარლომ მითხრა, ჯობია სახლში წადი, აგერ მანქანა არისო, — იგონებს თინა.

— რა მოხდა, კვითხე შეშინებულმა.

— მგონი სახლში თქვენთან ჩხრეკა ყოფილაო.

თინა გულგახეთქილი სახლში წამოვიდა. გზაში სანდროს შეხვდა, რომელიც ახალციხეში მიდიოდა, მინდა იქ დაწვრილებით გავიგო ლევანის დაპატიმრების ამბავი და მალე დავბრუნდებო.

თინა სახლში რომ შემოვიდა, უცებ სასოწარკვეთილებაში ჩავარდა, ისეთი სურათი დახვდა. ცრემლები დაპალუპით ჩამოსდიოდა, ჩვენ ყველანი გაშეშებული ვიყავით.

— ეს რა უქნიათ, მაგ. ურჯულოებს, როგორ დაურბევიათ ჩვენი სახლი. როგორ უნდა ვიცხოვროთ? არაფერი მთელი აღარ შეგვარჩა?

ჩვენ თინას მოუუყევით როგორ მოხდა ყოველივე: ახალი ამ-

დგარი ვიყავით, დილაადრიან გოგი ცისკარიშვილი მოგვადგა და ლევანის დაპატიმრების ამბავი გვიამბო. დედა, მე და მზია ისე დავიბენით და გავშრით, რომ პირდაპირ გავშეშდით. სასწრაფოდ სანდრო გამოვიძახეთ. რა უნდა გაგვეკეთებინა. უცებ ვერ გავერკვიეთ. მერე კი გადავწყვიტეთ ლევანის ნაწერების გადარჩენა, მაგრამ უკვე გვიან იყო: ხუთი ჩეკისტი თავზე დაგვადგა. ჩხრეკა საშინელებაა. დაგვარბიეს, თავმოყვარეობა შეგვილახეს, ყველაფერი დაგლიჯეს. ავეჯი დაამტვრიეს, გააფუჭეს, გატეხეს, არც ერთი სკამი აღარ დაგვრჩა, წიგნები სათითაოდ გადაფურცლეს, დაგლიჯეს და იატაკზე დაყარეს. ჩხრეკას ვერ გადაურჩა ლეიბი, საბანი თუ ბალიში, ყველაფერი დაჭრეს და დაყარეს.

— ნეტავი ვიცი, რას ეძებთ ამისთანას? — შეწუხებული ეკითხებოდა დედა. — თქვენ ბარბაროსები ხართ, რას ერთხით ნივთებს, ავეჯს და წიგნებს. ლევანს არავითარი ბრალი არ მიუძღვის, ის პატიოსანი კაცია!

ჩეკისტებმა წიგნებში, ნაწერებში და საერთოდ სახლში ჩხრეკის დროს ვერაფერი ვერ იპოვეს საექვო, ლევანის ნაწარმოებებს დაეძგერნენ, ნაწერებს გლეჯდნენ და ყრიდნენ. განა ამის ატანა შეიძლებოდა? ჩვენ საშინელი ჩხუბი და ყვირილი გავუმართეთ ჩეკისტებს. ისინი არ მოელოდნენ ამას.

— განა ეს მონოლოგები შეიძლება გამოდგეს ლევანის საწინააღმდეგოდ, ეს ხომ ნაწარმოების მთლიანობის ლოგიკური მსჯელობის შედეგია, — ყვიროდა დედა. — თქვენ ხომ უვიციები ხართ! ახლავე თავი დაანებეთ ბარბაროსობას, თორემ თქვენს უფროსებს დავურეკავ და თქვენს კარგ კაცობას გავაგებინებ, — მაგრად დაუდგა დედა. ჩვენ არც კი მოველოდით მის ასეთ გაგულისებას. ხევა და გლეჯა შეწყვიტეს. ლევანის ოთახი დალუქეს და 20 საათიანი ჩხრეკის შემდეგ ძლივს წავიდნენ.

შეწუხებულები, დაღლილ-დაქანცულები, ანერვიულებულები და დარბეულები, მშვივრები გარეთ თავს ვეღარ ვყოფდით, გვეშინოდა. არც არავინ ჩვენთან არ შემოსულა. ყველას შიშის ზარი დაეცა.

შემდეგ სახლში ჩაგვისახლდა ჩეკა, ყოველდღე მოდიოდნენ და ლევანის ნაწერებში იჭექებოდნენ. სულ სხვადასხვა ხალხი ურევდა ხელს, რადაცას ეძებდნენ და ეძებდნენ. ხშირად ტელეფონით კითხულობდნენ: რა აქვთ კარგი, რისი წამოღება შე-

იძლებაო. მაგ გლახაკებს ახალი არაფერი აქვთ, ყველაფერი ძველიაო. ბევრის წამოღება არ შეიძლებაო. რასაც შევარჩევთ, წამოვიღებთო, — უპასუხებდნენ ჩეკისტები ყოველგვარი სირცხვილისა და სინდისის ქენჯნის გარეშე.

ჩვენს ოჯახს ისევ მძიმე დღეები დაუდგა. თბილისში კი, ლევანის დაპატიმრებასთან დაკავშირებით, რა ხმები არ დაირხა. ვილაცა ხმას ავრცელებდა, ლევანი საზღვარგარეთ გადიოდა და საზღვარზე დაიჭირესო. ბევრმა ეს ტყუილი დაიჭერა კიდევ და ლევანი გაამტყუნა:

— ასეთი კარგი სახელი ჰქონდა, ასეთი წარმატება დრამატურგიაში, დიდი შემოსავალი, მეტი რაღა უნდოდა იმ მამაცხონებულსო.

მერე კი, როცა სიმართლე გაიგეს, ძალიან წუხდნენ.

თბილისში დაჭერები გრძელდებოდა — დააპატიმრეს ლევანის მეგობრები და ახლო ნაცნობები, რომელთაც ლევანთან კონტაქტი ჰქონდათ. ჯერ მთამსვლელები — კოტე ჭავჭავაძე და გრიშა გიორგობიანი დააკავეს, მერე — ილია სარჯველაძე, ბონდო ემუხვარი, მაყვალა რამიშვილი, გოგი ლომთათიძე, ვალოდია ვაშაკიძე, ბესო ვაშაკიძის ძმა, რომელიც ადრე ლევანთან ერთად იყო გადასახლებაში. ცოტახანში დააპატიმრეს მწერალი ვახტანგ ბეწუყელი და უნივერსიტეტის თანამშრომელი ნინო ყარანგოზიშვილი, მერე გრიშა ლალიაშვილი, იოსებ ხუციშვილი და სხვები (საუბედუროდ, მათი გვარები ვეღარ გავარკვიეთ). შემდეგ დააპატიმრეს ჩვენი ნათესავი სპირიდონ ჭყონია, მეტად განათლებული, იუმორით სავსე, უაღრესად კეთილი კაცი, რომელიც პოლიტიკაში არასდროს არ ერეოდა.

დაპატიმრებულებზე თხზავდნენ რაღაცა საშინელ ჭგუფურ დანაშაულს. ამის გამკითხავი კი არავინ იყო, პირიქით, დღითი დღე მწვავედებოდა მდგომარეობა. არც გადასაცემად ლეზულობდნენ რამეს, ვერც ვერაფერი გავიგეთ, გამოძიებაც უსაშველოდ გრძელდებოდა.

ოჯახში საშინელი ღელვა და მწუხარება დამკვიდრდა, რაც უფრო დაამძიმა თინას ავადმყოფობამ.

ამ პერიოდში საქართველოში მძვინვარებდა მუცლის ტიფის ეპიდემია. იღუპებოდა უამრავი ხალხი, განსაკუთრებით კი ბავშვები. ამიტომ ექიმ-პედიატრებს რაიონებში გზავნიდნენ. თინასაც მოუხდა წალკის რაიონში წასვლა, საიდანაც რამდენი-

მე ხნის შემდეგ ტიფით მძიმე ავადმყოფი ძლივს ჩამოვიყვანეთ და საავადმყოფოში მოვათავსეთ. აქ პროფესორმა მარიამ უგრელიძემ, უაღრესად კეთილშობილმა, განსწავლულმა და გულკეთილმა ქალმა, თავის თავზე აიღო თავისი ასისტენტის თინას მკურნალობა. ამით მან ჩვენს ოჯახს დიდი სულიერი, მორალური და მატერიალური დახმარება გაუწია.

ამრიგად, ოჯახს თავს მეორე უბედურება დაატყდა. ძალიან გაგვიჭირდა. როგორც ლევანის წინა დაპატიმრებისას, ახლაც, ჩვენი ოჯახის ორი შვილის ყოფნა-არყოფნის საკითხი დადგა. ორივეს სჭირდებოდა მზრუნველობა, თანადგომა, და, რაც მთავარია, მორალური და მატერიალური დახმარება.

— ჩემი ორი შვილის ყოფნა-არყოფნის საკითხი დგას ჩემ წინაშე. ღმერთო, ნუ გასწირავ ნურც ერთს, — შეძრწუნებული ჩიოდა დედა და დღესა და ღამეს ლოცვა-ვედრებაში ატარებდა. იმდენად მძიმე გავლენა მოახდინა მასზე ამ ამბებმა, რომ საწოლიდან ხშირად ვედარ დგებოდა, დაუძლურდა.

თინას მძიმე მდგომარეობის გამო მე, მზია და მარო დღე და ღამე საავადმყოფოში ვიყავით. სანდრო ლევანის საქმეებზე დარბოდა, თუმცა მის შესახებ ჯერ ვერაფერი გავიგეთ. იქ გვითხრეს გამოძიების დამთავრებამდე ნუ გვაწუხებთო, ჩვენ თვითონ გამოვიძახებთო. ნეტავ ვიცოდეთ, რას იძიებდნენ ამდენხანს... საწყალ ლევანს და ყველას, იქ ჩავარდნილს, როგორ აწვალებდნენ და აწამებდნენ.

თინას ავადმყოფობამ ექვსჯერ შეუბრუნა და უმძიმესი გართულებები დაერთო. გრძნობაზე რომ მოვიდა, შინ წაყვანა მოითხოვა. შიშით ლევანზე არაფერს გვეკითხებოდა, პასუხის ეშინოდა. მერე ჩვენ თვითონ მოვუყევით, რაც ვიცოდით. იმანაც მტკივნეულად განიცადა; რომ ავადმყოფი ვერაფერში გვეხმარებოდა. თინა ავადმყოფობამ ძალიან დაასუსტა და დაუძლურა, მაგრამ მაინც მალე ადგა. დედაც ავადმყოფობდა და სულ აიშალა ნერვიულად. თინამ დედასაც მოუხარა.

ერთ დღეს თბილისში საზარელი ხმა გავარდა. აღშფოთებით და დიდი მწუხარებით რაღაცაზე ჩურჩულებდნენ, ვიშვიშებდნენ და ცრემლად იღვრებოდნენ. ჩვენ არაფერი ვიცოდით. მოირბინეს შეწუხებულმა ნათესავებმა, მეგობრებმა, მსახიობებმა. ყველა გულისტკივილით შემოგვცქეროდა, ბოლოს ერთმა ნათესავმა შემოსვლისთანავე დედას მიატირა — საწყალი ლე-

ვანი დაღუპულაო, იქაურ წამებას ვერ გაუძლო, თავი მოუკლავსო, აი, ჩეკამ მაინც მიიყვანა თვითმკვლელობამდო. დედა გაშეშდა. აუწერელი ტრაგედია დატროლდა ჩვენს ოჯახში. უცებ დედამ საშინელი კვიცილ-ყვირილი მორთო და მის გარშემო შეყრილი ხალხი გარეთ გაყარა.

— გლოვა შეწყდეს, — გაპკიოდა ის, — ლევანი მტკიცე ნებისყოფისაა, თავს არ მოიკლავდა და არც შეაკლავდა ამ ჭაშუშებს. ლევანი რომ ცოცხალია, მჯერა და ამაზე მეტი არც ლაპარაკი და არც ჭორი აღარ გავიგონო. მართალია, ლევანის თქმისა არ იყოს, ციხეებში უკანასკნელ პერიოდში წამების უხეში და ბარბაროსული მეთოდებია შემოღებული, მაგრამ ლევანი ჩემი შვილი არ არის? გაუძლებს ყველაფერს. ეს ისევ ვილაცის მიერ გავრცელებული ჭორია, როგორც მისი დაპატიმრების დროს მოჩმახული საზღვარგარეთ გაქცევის და საზღვარზე დაპატიმრების ამბავი. სად ხერთვისის ციხე და სად თურქეთის საზღვარი, ვილაცა განგებ ავრცელებს ამისთანა ჭორებს ლევანზე, ეს მას ხელს აძლევს ალბათ. მეტი ამისთანა ამბავი აღარ გამაგონოთ, — ყვიროდა დედა.

ყველა წავიდ-წამოვიდა შემკრთალი. ჩვენც ხმა გავიკმინდეთ, მაგრამ შიგნით ცეცხლი გვეკიდებოდა. საჭირო იყო სიმართლის გაგება. როგორ, საიდან? მე ჩემი სკოლის ამხანაგის ძმას მივაკითხე. იქ მუშაობდა კარგ თანამდებობაზე. ახოვანი ვაჟკაცი იყო, კეთილშობილი. ყოველთვის მახსოვდა მამის ნათქვამი, ნათელ სახეში კეთილი გული ეძიო. სწორედ ნათელი სახე ჰქონდა მას.

მე და თინა შევხვდით, შევეხვეწეთ, შევევედრეთ ლევანის ამბავი გაეგო, რანაირი მწარეც არ უნდა ყოფილიყო. ის შეწუხდა: — თქვენ არ იცით იქაური მუშაობის ამბავიო, ლევანის შესახებ მე ვერავის ვერაფერს ვერ ვკითხავ. ეს არასასურველია და საეჭვოც. ამიწერეთ მისი უტყუარი ნიშნები. თუ ცოცხალია, შეიძლება დილით ეზოში გამოყვანის დროს მე თვითონ დავინახოო. დაწვრილებით ავუწერე ლევანის გარეგნობა: ახოვანი, ბრგე, დიდი ხუჭუჭა ქოჩორი, „გოთუების ცხვირი“, ნათელი თვალები და სხვა. მან სურათი მოგვთხოვა. ისიც ვაჩვენეთ. დაგვიპირდა, ხვალ ყველაფერს შეძლებისდაგვარად გავარკვევო.

მთელი ღამე თეთრად გავათენეთ გარინდულულებმა და გაშეშებულულებმა. ამასობაში ლევანის თვითმკვლელობის ჭორი თბი-

ლისში ძლიერ ღვივდებოდა. ვინ რას არ უმატებდა, ვინ რას არ ამტკიცებდა! ტელეფონის ურმილს აღარ ვიღებდით, დედამ აგვიკრძალა.

დანიშნულ დროს დიდი ღელვით და გულისხეთქით შევხვდით მას. დანახვისთანავე შემოგვძახა: — ნუ გეშინიათ, ცოცხალია, კარგად არის, დაწყნარდით, მე თვითონ ვნახეო.

ჩვენ ის გადავკოცნეთ თვალცრემლიანებმა.

— ხუჭუჭი ქოჩორი სადღაა, გაუპარსავთ, — განაგრძო მან, — ცხვირი ნამდვილად თქვენი აქვს და აღნაგობაც. რატომ არ მითხარით, რომ ერთ-ერთ ტერფზე თითები ჰკლებია, მე სწორედ ამით განვასხვავე. მაგრაა დაბეჩილი, ფეხებგასიებული და ჩაღურჯებული, ძლივს დადის.

— მაინც რა მოხდა, რატომ დაირხა ეს ქორი, — შეეკითხა თინა.

— ვერ დაგიმალავთ, თვითმკვლელობის მცდელობა იყო. როდესაც ლევანი დაკითხვიდან გამოიყვანეს, იმდენად აგზნებული ყოფილა, რომ მეოთხე სართულის კიბის უჯრედიდან თვითმკვლელობის მიზნით გადმომხტარა. პირველი სართულის ბადემ შეაკავა, თორემ ნამდვილად დაიღუპებოდა. მაგარი ვაჟკაცი ყოფილა, რომ დღეს სიარული შეძლო. ვინც ეს ამბავი გაიგო, რას წარმოიდგენდა, რომ ლევანი გადაჩეხებოდა. იმწუთშივე ყველა სართულის კიბის უჯრედებს უშველებელი ბადე ააქრეს.

დიდი მადლიერების გრძნობით დავშორდით, სულ ფრენით მოვედით შინ.

დედამ რომ გაიგო ლევანის კარგად ყოფნა, სწორედ მაშინ წახდა. ძალიან შეგვაშინა, გული წაუვიდა.

ყველა ჩვენს ნათესავს ვაცნობეთ ეს ამბავი.

— ბევრი აწამეს და აწვალეს საწყალი ლევანი, მაგრამ ეს მას წყობიდან არ გამოიყვანდა. ალბათ ტყუილი, მოჩმახული ბრალდება წაუყენეს, რამაც გააგიჟა. უკანასკნელ ხანს რამდენს მუშაობდა დრამატურგიაში. თუმც არ ამღევდნენ მუშაობის საშუალებას. პოლიტიკას იმეამად ნამდვილად გაუბრბოდა. რამდენჯერ უთქვამს, მინდა ჩემი მწერლური შესაძლებლობა ამოვწურო, შერე კი უსათუოდ პოლიტიკას დაეუბრუნდები, აბა ასე როდემდე უნდა ვიყოთო. სად არის სამართალი, ვის ხელში ვართ. ჩაეარდნილები. ყველგან ჭალათები და უგულო ხალხია.

გადაწყვეტეთ თინას სანატორიუმში გაგზავნა, მაგრამ უარი ვეტიკა, ლევანის საკითხების გადაწყვეტამდე თბილისში ჩემს წასვლაზე ლაპარაკი არ იყოსო. მაგრამ სანდრომ დაარწმუნა, ლევანის საქმის გამოძიება კიდევ დიდხანს გასტანსო და თინა უგუნებოდ დაგვთანხმდა სანატორიუმში გამგზავრებაზე.

1946 წლის 14 დეკემბერს, დილაუთენია, მოულოდნელმა ტელეფონის ზარმა ყველა გაგვადვიდა და აგვალევა. ტელეფონთან შეშინებული მზია მივიდა. ვიღაც უცნობმა მამაკაცმა იკითხა, ჩვენი ბინა იყო თუ არა და შემდეგ გვითხრა:

— ლევანი გუშინ ღამე ციხეში გადაიყვანეს. გათავდა მისი ტანჯვა და წამება, რომელსაც ის საოცრად ვაჟკაცურად იტანდა და საბოლოოდ გაუძლო კიდევ. სრულიად დაუმსახურებლად სასჯელიც აჰკიდეს (მოსკოვის „სამეული“), მაგრამ რას იზამ, ახლა კაცუნები მეფობენ, ანადგურებენ საქართველოს ნიჭიერ ახალგაზრდობას. ამ უკანასკნელ წლებში ლევანი მეტად პოპულარული გახდა. ვინ უმტრო, არ ვიცი. აქ კი ამ საძაგლებმა უნდობლობა გამოუცხადეს, შეთხზეს და შეთითხნეს ზღაპრები.

— ვინ ბრძანდებით, ბატონო, ასეთი კეთილი კაცი, — აკანკალებული ხმით შეეკითხა მზია.

— რომ გითხრათ კიდევ ჩემი ვინაობა, არ მიცნობთ. მე ლევან გოთუას, როგორც დიდ მწერალს, უაღრესად ნიჭიერს, განათლებულს, ვაჟკაცს და საზოგადო მოღვაწეს დიდ პატივს ვცემ და, როგორც პატრიოტი კაცი, დიდად ვაფასებ. მართალია, დიდხანს ვსდიე მას და კარგადაც გავიცანი. მისმა „მეფე ერეკლემ“ აღმაფრთოვანა, ასჯერ ვიყავი წარმოდგენაზე, მე თქვენი ოჯახის კეთილმოსურნე ვარ, თუმცა ლევანს თავის დროზე ბევრჯერ ნერვები ავუშალე. მენდეთ, ეს ჩემი ბრალი კი არა, ეს ჩემი სამსახური იყო და სხვანაირად არ შეიძლებოდა. დადგება დრო და მეც გამოვჩნდები. ლევანი კი მიხვდება ყველაფერს. ახლა მიხედეთ ციხეში ლევანს, თორემ შეიძლება ეტაპს ისე გააყოლონ, თქვენ ვერა გაიგოთ რა!

ტელეფონი გაითიშა.

გაოგნებული მზია მდუმარედ იდგა.

— ვინ იყო? — შევეკითხეთ ერთდროულად... მართლაც ვინ იყო ეს კეთილი კაცი? ნუ გაგიკვირდებათ! ცხოვრებაში ბევრი რამ საკვირველი ხდება. წარმოიდგინეთ, მერე ეს კაცი გაიხსენა ლევანმა: ჩემი პირველი ჯაშუში გახსოვთ?.. ჩრდილივით რომ

მდევდა და საშველს არ მაძლევდა? ჩემი პიესის პრემიერაზეც გამალეებით ტაშს რომ მიკრავდა. მისი დანახვა ჩეკაში არ მესიამოვნა, გავბრაზდი კიდეც. მისი დამოკიდებულება ჩემდამი ჭერ უნდობლად მივიღე, მაგრამ შემდგომ ყოველდღიურ ურთიერთობაში გავერკვიე. აბა, როგორი წარმოსადგენია? ჭერ ისევ მოგზავნილი ჯაშუში შეგონა, მერე კი მივხვდი მის ორმაგ თამაშს. იმ წვალებაში დამეხმარა და არა მარტო მე, ბევრ ჩემისთანასაც. სწორედ მას ვთხოვე ეცნობებინა თქვენთვის ჩემი ამბავი. გადასახლებაში უთქვენოდ წასვლა გამიჭირდებოდა. თურმე იმ ჯოჯობეთშიც ყოფილა კეთილი ხალხი. ეს რომ არ იყოს, ჩვენი საქმე უფრო ცუდად წარიმართებოდა.

ამრიგად, 15 დეკემბერს ლევანი ციხეში გადაიყვანეს. გათავდა მისი ტანჯვა-წამება. ლევანს გადასახლებაში მიდიოდა, დახმარება სჭირდებოდა. მატერიალური მდგომარეობა ცალკე გვახრჩობდა, მაგრამ ამას ვინ უყურებდა. ვალებში ჩავვარდით. სახლიდან გატანილი ძვირფასი ნივთებიც გაუფასურდა.

მეორე დღეს, დილაუთენია, შეძლებისდაგვარად დატვირთული გადასაცემი საგზალითა და თბილი ტანსაცმლით ალაყაფის კარებს ავეტუზეთ.

ჩვენს გარდა აქ უამრავი ხალხი შეგროვილიყო, გულმოკლული, მწუხარე და მღელვარე. ზოგს თოთო ბავშვიც მოეყვანა. განსაკუთრებით გულისმომკვლელი იყვნენ დაპატიმრებულების მოხუცი მშობლები. ალაყაფის კარების წინ ქუჩა გაივსო, სიცივე აღარ იგრძნობოდა. თურმე რამდენი გაჭირვებული ყოფილა, ვინ მოთვლის! პატიმრების პატრონები ყველანი ერთ ტაფაში ვიწვოდით, ყველას ერთი უბედურება გვაერთიანებდა, განურჩევლად პატიმრობის მიზეზისა, სქესისა, ასაკისა, ეროვნებისა თუ განათლებისა.

შევიტყვეთ, რომ ციხეში თურმე ქურდები, ბანდიტები, მკვლელები და პოლიტიკური პატიმრები — ყველა ერთად იყო.

— ეს პატიოსანი კაცისათვის სწორედ ყველაზე მძიმე ასატანი სასჯელია, — წუხდა ვიღაც სათნო მოხუცი.

ჩვენ იმწუთში ლევანი წარმოგვიდგა თვალწინ. ვშიშობდით, ისეთსავე მდგომარეობაში არ ჩავარდნილიყო, როგორც სოლოვკებში და კიდეც არ მოემოქმედა რამე.

რიგით 856-ე ვიყავით, სალამოს 6 საათზე მოგვიწია ფანჯარასთან მისვლა, მაგრამ უშედგოდ: ჩვენგან არაფერი არ მიი-

ღეს, ამბის გასაგებად მეორე დღისათვის დაგვიბარეს. დიდი ღელვითა და განცდით შინ დავბრუნდით. ეს საშინელი გრძნობაა, მტერსაც ნუ გამოაცდევინოს. ორი ღღე და ღამე ციხის კარებთან ვიყავით ატუზულები რიგრიგობით.

ღამისთევა ქუჩაში ციხის კედელთან საშიში არ იყო. აქ უამრავი ხალხი ირეოდა და მათ შორის ბევრი ნაცნობიც. საჭირო იყო მხოლოდ ჩუმად ყოფნა, აურზაური არ უნდა აგვეტეხა, ასე გაგვაფრთხილეს ციხის გუშაგებმა: ხმა კრინტს ან აურზაურს თუ გავიგებთ, იცოდეთ, გაგყრით აქედან და გესვრით კიდევცო. შეშინებულ, გასაცოდავებულ ხალხს საღ ჰქონდა აურზაურის თავი. ციოდა, ამიტომ უმრავლესობას საბანი, ქურჭი ან თბილი შალი ჰქონდა შემოხვეული. საწოლად ფიცრები, გასაშლელი საწოლები და სკამსაწოლები ჰქონდათ წამოღებული, მჭიდროდ ერთმანეთზე მიყრდნობილები ზეზეურად ვთვლემდით. ღამის 12 საათზე ჩავვიქრეს ქუჩის შუქი და ყველანი დავრჩით სიბნელეში, ღამის წყვილიაღში. ღამემ თავისი მაინც გაიტანა, ვთვლემდით მჭიდროდ ერთმანეთზე მიკრულები. ასე დავიღამეთ და გავითენეთ.

ღილის 11 საათზე ძლიეს გაიღო ციხის ალაყაფის კარი და „ჟურიამულით“ ეზოში შევცვივდით. დავიტანჯეთ ნანახითა და გაგონილით, ხალხის საცოდაობით. რამდენი მწუხარების, გაჭირვებისა და ცრემლის ატანა შეუძლია თურმე ადამიანს! ზოგისაგან არაფერი არ მიიღეს, რადგან პატრონის გაუფრთხილებლად უკვე ეტაპით გაამგზავრეს პატიმარი, ზოგი საავადმყოფოში გადაეყვანათ. ატყდა წიოკობა, ტირილი, საღ იყო ნუგეში?! ლევანის ბედი გვალელებდა და გული გვისკდებოდა, აღარავის აღარ ვაქცევდით ყურადღებას.

ორი ღღე-ღამის წვალების შემდეგ ჩვენი მიტანილი შეკვრა მიიღეს. გულისფანცქალით ვუცდიდით მისგან საპასუხო პატარა ბარათს. ბარათიც ვადმოგვეცეს, ლევანმა დავგიდასტურა ყველაფრის მიღება. მეტი არაფერი ეწერა, მაგრამ ამ პატარა ქალაქის ნაგლეჯმა მაინც დაგვაწყენარა.

ყოველღამე რიგრიგობით ვიდექით რიგში მე და მზია, რომ ლევანისათვის გადაგვეცა თბილი ტანსაცმელი, ფული და საკვები. ვერ გავიგეთ მისი გადასახლების ღღე — ამაზე იქ არაფერს გვეუბნებოდნენ. ასე სასოწარკვეთილნი ციხის კარებს არ ვშორდებოდით.

ერ-თ დღეს მოხდა სასწაული. ჩემი თანაფრონტელი ნოდარ ლაბარტყავა დავინახე ფორმაში გამოწყობილი. ძალიან გული-ობილად შევხვდით ერთმანეთს, თურმე ის ციხეში მუშაობდა დიდ თანამდებობაზე. ჩემი მძიმე მდგომარეობა რომ გაიგო, მი-თხრა, დაწერე განცხადება და ლევანს შეგახვედრებო. ეს წარ-მოუდგენელი, დაუჭერებელი ამბავი იყო. მაშინვე დაწვერე გან-ცხადება და გადავეცი. მძიმე და ამაღლელებელი ლოდინის, ორ-ჭოფობის (შევხვდებოდი ლევანს თუ არა!), ცუდი პასუხის მო-ლოდინში, ნახევარი საათის შემდეგ, რომელიც მთელ საუკუნედ მოგვეჩვენა, ლევანთან შესახვედრად გამომიძახეს.

პატარა ოთახში შემიყვანეს, შუაში რკინის ბადე იყო ჩამო-შვებული. ბადის იქით ლევანი იჯდა და მიცდიდა.

ჩვენს შეხვედრაში იყო სიყვარული, მწუხარება და სიხარუ-ლი, ლევანი წამოხტა და ბადიდან ხელი გამოიპოვდა. მე შევიგ-რძენი მისი მტკიცე ხელი. ლაპარაკი ვერ მოვახერხე, ცრემლად ვიღვრებოდი. ლევანი, პირიქით, ლაპარაკად იქცა, ყველაფერი აინტერესებდა. პირველი, რაც მითხრა, ეს იყო: — ძალიან მიკ-ვირს, როგორ შეგვახვედრეს, იმდენად მკაცრ რეჟიმში ვარ ჩა-ვარდნილიო. წუხდა, მასთან ერთად ახლობლების მთელი ჯგუფი რომ დააპატიმრეს. შინსახკომში ყოფნისას ლევანმა მათ შესახებ არაფერი იცოდა, ისინი არც დაუპირისპირებიათ და არც რაიმე უთქვამთ მისთვის. ყველაფერი ვახტანგ ბეწუჯელი-საგან გაეგო, რომელიც ადრეულად გადაასახლეს, მერე კი როს-ტოვიდან რატომღაც უკან დააბრუნეს. ციხეში შემთხვევით ლე-ვანს შეხვედროდა.

— შინსახკომის ციხეში მაგ ჯალათებმა ძალიან ბევრი მაწ-ვალეს, კინალამ თავი მომაკვლევინეს, მაგრამ საბოლოოდ არც მე დავაკელი, სულ მტარვალეები, მატყუარები და საქმის მომჩ-მახველები ვუძახე. შემდეგ ისიც მივყაოლე, უსათუოდ მოვა დრო და თქვენ ყველაფერზე აგებთ პასუხს, ამ სკამზე თქვენ დასხდებით, აი, მაშინ ვნახავ როგორი ვაჟკაცები იქნებით, გგო-ნიათ რომ შეგრჩებათ უმიზეზოდ ამდენი ხალხის წვალება-მე-თქი?! გაცოფებული რაფავა სკამიდან წამოხტა და შეშინებულ-მა დაიბღავლა: ეს არასოდეს არ მოხდება! წაიყვანეთ აქედანო! ხომ შეგეშინდათ?! ნახეთ, თუ ასე არ იქნება! — რაც ძალი და ღონე მქონდა, ისტერიულად ვღრიალებდი ყველას გასაგონად და ვებრძოდი ოთხ კაცს, გამალეებით რომ მირტყამდნენ და ჩემ-თვის პირის დამუწვა უნდოდათ.

ლევანი შეჩერდა. მე დრო ვიხელთე და ვკითხე: — მაინც რას გერჩოდნენ ეს ურჯულოები-მეთქი.

— სასაცილოა, პირდაპირ, — მიპასუხა ლევანმა, — ვილაცას თითქოს სია შეუდგენია და გერმანიის გამარჯვების შემთხვევაში მე საქართველოს პრეზიდენტად დაეუნიშნვიარ. ვფიქრობ ჩემამ შეთხზა ყველაფერი. მე და გერმანელების ქვეშევრდომობა?! საოცარია პირდაპირ. რა თქმა უნდა, ყველაფერი უარყვავი, ხელი არაფერზე მოვაწერე და სასტიკად გავჯავრდი კიდევ. მიუხედავად ძალადობისა, დახვრეტით მუქარისა, წამებისა და ცემისა, ვერ მომტეხეს. მერე კი მაგ გლახაკებმა, ვერაფერს რომ ვერ გახდნენ, ცუდი წარსული გაქვსო, უნდობლობა გამომიციხადეს. დასაკარგი უკვე არაფერი მქონდა, ჩემი ბედი გადაწყვეტილი იყო. ის კი მახსოვდა, ჩემი ყვირილი როგორ ხანჯალივით ხედებოდათ გულში, ამიტომ, რაც ძალი და ღონე მქონდა, ვყვიროდი: ჩემი წარსულით მე ვამაყოფ, როგორც სხვა ბევრი თქვენგან დაჩაგრული და გაწამებული საქართველოს ნამდვილი შვილი. თქვენ კი გარეწრები, სკამის კაცუნები და ამქვეყნის არარაობები ხართ, ნახეთ მომავალში რა დაგემართოთ. ღმერთო, აღასრულე ჩემი ვედრება! მოკლედ, ცოცხალმკვდარი ძლივს გამომათრიეს, იქიდან. ისე ვიყავი გაყოფებული, ნამდვილად მოვკლავდი ვინმეს და მეც შევაკვდებოდი.

გულისტკივილით ლაპარაკობდა ლევანი თავისი უკუღმართი ბედის ტრიალზე, უსამართლობაზე, რომელიც მის გარშემო ასე გამეფებულიყო და რომ დამხმარე ან სიმართლის მთქმელი არავინ იყო.

— პარტიის ცეკას პირველმა მდივანმა კანდიდ ჩარკვიანმაც მილაღატა, ამას კი სულ არ მოველოდი, — განაგრძნო ლევანმა გულდაწყვეტით. — ჩემთან საკანშიაც კი შემოვიდა. ვიფიქრე, მეშველა რამე-მეთქი. თურმე როგორ მოვტყუვდი. ბევრი ვუმტკიცე მას ჩემი უდანაშაულობა, დახმარებაც ვთხოვე, მაგრამ ამაოდ. ჩარკვიანი დაჯინებით მთხოვდა წაყენებულ ბრალდებაზე ხელი მომეწერა, მხოლოდ ამის შემდეგ მპირდებოდა განთავისუფლებას. აბა, ასეთ ბრალდებას ხელს როგორ მოვაწერდი, სიკვდილი მერჩინა.

საწყალმა ლევანმა უნებურად მძიმედ ამოიოხრა, ეს ოხვრაკენესა ჩემთვის ყველაფრის მთქმელი იყო. აქვე უნდა აღვნიშ-

ნოთ, რომ ასეთივე ბრალდებით იმ პერიოდში ბევრი დააპატიმრეს და სასტიკად დასაჯეს, ბევრმა ჩეკაში ცემა-ტყეპას და წვალებას ვერ გაუძლო და ყველაფერზე ხელი მოაწერა, იყვნენ ისეთებიც, ვინც შემთხვევით გადაუჩრა ამას. 1948 წელს გერონტი ქიქოძე ჩარკვიანმა გამოიძახა და რაფავას თანდასწრებით ისეთივე ბრალდება წაუყენეს, ლევანსაც კი დაუკავშირეს (გერონტი ქიქოძე, „მნათობი“, № 1, 1989 წ., გვ. 3).

უცებ მძიმე სიჩუმე ჩამოვარდა. ლევანმა თავი გაიქნია, თითქოს განდევნა მძიმე ფიქრები... ოჯახის ამბავი მკითხა, თინას ავადმყოფობა აწუხებდა. დედის ჭანმრთელობა აინტერესებდა, დარდობდა, ასე რომ გაგვაწვალა ყველა... — შე, — განაგრძობდა ლევანი, — ლიტერატურული მუშაობით ვიყავი გატაცებული და ბარე რამდენიმე პიესას კიდევ დავწერდი. ვილაცას ეს ხელს არ აძლევდა და გამწირა!

ლევანი თითქოს ბოდვის იხდიდა თავისი მდგომარეობის გამო. ძალიან შეშეკოდა, მინდოდა მენუგეშებიანა, დამეწყნარებინა.

— ლევან, ოღონდ შენ ჭანმრთელად იყავი, გაუძელი ამ უსამართლობას და... გახსოვდეს, მთავარია სიცოცხლე! სიცოცხლე შეინარჩუნე, ჩვენ კი ყველანი, როგორც ერთი, ყოველთვის შენთან ვიქნებით!

კრემლები დაპაღუპით მცვიოდა. ლევანმა გაიღიმა. მერე აქეთ დამამშვიდა:

— თქვენ კარგად დამხვდით, მე კი ვეცდები საქართველოში დავბრუნდე და ჩემი სიმართლე დავამტკიცო, თუ არ მომკლეს. მეტი არაფერი დამრჩენია!

ასე დასრულდა ჩვენი პაემანი. ჩვენ ერთმანეთს ისევ გავუწოდეთ ხელი, ლევანს ხელში ფული ჩავუდე. ზედამხედველმა ალბათ დაინახა და თვალი აგვარიდა. ფული მასაც გავუწოდე, მაგრამ არ აიღო. ნოდარი გადავკოცნე დიდი მადლიერების გრძნობით. შევეხვეწე, თუ შესაძლებლობა იქნებოდა, მეორე დღეს სანდრო და მზია შეეხვედრებინა ლევანისათვის, დამთანხმდა.

მეორე დილას ყველანი მივედით ციხეში. ძალიან ადვილად გადავეცით საგზალი, თბილი ტანსაცმელი და ფული. მოვემზადეთ ლევანთან პაემანზე შესასვლელად, რადგან გამოგვიცხადეს ცოტა ხანში შეგახვედრებთო. აქ უცებ ისევ ლევანის უკუ-

ღმართი ბედი დატრიალდა. სრულიად მოულოდნელად ეზოში ჩოჩქოლი და ხმაური ატყდა, გამოცვივდნენ უფროსი რანგის ჩეკისტები და გაიქცნენ ციხის ჭიშკრისაკენ, რომელსაც მთავრობის რამდენიმე შავი მანქანა მოადგა. ეზოში დიდი ამბით შემოვიდნენ ჩეკას გაყოფილი მალალი რანგის თანამშრომლები — რაფაეა, წერეთელი და ნიბლაძე. ხალხმა ისინი უცებ იცნო, მოულოდნელი კი იყო მათი დანახვა. ყველა გაშრა, დამუნჯდა, მერე კი უცებ ყველა აყვირდა, აყაყანდა, აჩხუბდა, რამდენიმე ქალი ჯგუფს მოსწყდა და მათკენ გაემართა. გაშმაგებული ძლივს დააკავეს. მათი ლანძღვა-გინება იქაურობას აყრუებდა, მათ სხვები აყვნიდნენ და, მოკლედ, გამწარებულმა ხალხმა ჩეკისტებს ცუდი დღე აყარა.

— შეხედეთ, შეხედეთ ამ საზიზღრებს, — გაჰკიოდა ერთი დარბაისელი, თმაქაღარა ქალი, — როგორ ყეყეჩურად და მედიდურად გამოიარეს, ვითომ პატიოსანი ხალხია. ქვისგულიანები, საქართველოს ორგულებში ამდენი ქართველი ხალხის წამება და სიკვდილი არ შეგარჩებათ! ღმერთო, დაწყევლე და დასაჯე ესენი.

ჩვენ მაშინვე მივხვდით, რომ მათი აქ მოსვლა კარგის მომტანი არ იყო. მართლაც ასე მოხდა. გამოგვიცხადეს, რომ პოლიტიკური პატიმრების ნახვა, ფულისა და საკვების გადაცემა აიკრძალა და ტყუილად ნუ გაჩერდებით, ეზო გაათავისუფლეთო. ყველანი გარეთ, ქუჩაში გამოგვყარეს. ატყდა საშინელი აურზაური, ჩვენი ყვირილ-ტირილი, ლანძღვა-გინება ცას სწვდებოდა, ყურთასმენა აღარ იყო. სასტიკად გულნატკენი და შეწუხებული წამოვედით სახლში.

მეორე დღეს მაინც ავიტუხნეთ ციხის კართან, მაგრამ უშედეგოდ: ნოდარი ვნახე, აღელვებული შემხვდა: — ვინ ყოფილა შენი ძმა, რომ აქ ამდენი უფროსი მოვიდაო. ეს ძალიან იშვიათი ამბავია, განსაკუთრებულ შემთხვევებში ხდება ხოლმე! დახმარება აღარ შემიძლია, რომ შეგახვედრე, იმაზედაც ძალიან დიდი საყვედური მივიღე, ძლივს გადავრჩიო. ხომ იცი ჩემი ამბავი, ყველაფერს გაგიკეთებდი, მაგრამ ახლა ხელფეხშეკრული ვარო. ნოდარს ძალიან შევეხვეწე — ლევანის ეტაპით წასვლის დღე შეეტყობინებინა. ბევრი ხვეწნის შემდეგ მითხრა: კარგი, ვეცდებიო.

მართლაც, ორი დღის შემდეგ ნოდარმა ტელეფონით დაგვი-

რეკა: 23 დეკემბერს, დილის 6 საათზე ხორცის მანქანა გაეო. სანდრო, მე და მზია თბილი ტანსაცმლით, ფულითა და საკვებით დატვირთულები მივაღებთ ციხეს, მე და მზია თავიდან ფეხებამდე შალში გავეხვიეთ, რომ არავის ვეცნეთ, ძალიან გვეშინოდა, რომ ლევანისათვის ამანათის გადაცემა ისევ არ ჩაშლილიყო. ისეთ ადგილას შევიკუჭეთ, რომ ციხიდან გამოშვალა ყველა მანქანა კარგად დაგვენახა. სანდრო კი მეორე მხარეზე მანქანით შეჩერდა. ჭერ კიდევ ღამის წყვედიანი იყო, როდესაც ციხიდან დაიწყეს მანქანებმა გამოსვლა.

საშინელი დღევით, გულის ფანჯრალით შევცქეროდით ციხიდან გამოსულ მანქანებს. დრო მიიზღაწნებოდა, ხორცის მანქანა კი არსად ჩანდა. სულ გვეშინოდა, რამე კიდევ ხომ არ შეიცვალაო. კარგად გათენებულნი იყო, როდესაც ციხიდან მანქანა გამოვიდა. გვერდზე დიდი ასოებით ეწერა „MICO“. ჩვენი მანქანით დავედევნეთ. მანქანა ცენტრალური ვაგზლის მიმართულებით წავიდა, ვაგზლის მარჯვენა ასასვლელ კიბეებთან შეჩერდა. შორიახლო ვადევნებდით თვალყურს პატიმრების გადაბარებას, ზედამხედველების ცვლას და პატიმრების მომზადებას ვაგონში ასაყვანად. გვირჩიეს ეტაპის ზედამხედველებს მოელაპარაკეთო. მათთვის წინასწარ მომზადებული გვექონდა ფული, არაყი და თამბაქო. მე და მზიამ დავეტაცეთ ხელი ბარგს და სირბილით გავედით ცენტრალური შესასვლელიდან პერონზე. სანდრო შორიახლოს პატიმრებს მიჰყვებოდა, სწორედ სულზე მხივუსწარით, პატიმრები კიბეზე აჰყავდათ; ლევანმა თვალი მოგვეკრა და ხელი დაგვიქნია. პატიმრები მეორე ლიანდაგზე გადაიყვანეს და ვაგონში აიყვანეს. ფანჯრებზე რკინის ბადეები იყო აკრული. იქვე სანდროც გამოჩნდა. ვაგონს მივუახლოვდით, ფანჯარაში, რკინის ბადის მიღმა ლევანი დავინახეთ. მან გამყოლზე მიგვითითა, რომელიც მაშინვე ჩვენთან გაჩნდა. ყველაფერი გადავეცით გამყოლს ლევანისათვის. ზედამხედველსაც შესაფერისი პატივი ვეცით.

ოტა ხანში ლევანი, თბილ ტანსაცმელში გამოწყობილი, ფანჯარაში გამოგვეცხადა. მადლობას გვიხდიდა მუნჯურად. ზედამხედველს, მიჰქონდა და მოჰქონდა ჩვენი წერილები. ვყვიროდით და ისე ვაგებინებდით, რომ თავს გაფრთხილებოდა.

აი, ეს წერილებიც:

„თ ა მ ა რ ი

მე მივდივარ ბაქოში — იქედან საღ წავალ, არ ვიცი, კარგად ვარა არა მიშავს რა მინდობილობა დავტოვე ციხის უფროსთან, ბათუმიდან ფული მაქვს მისაღები, იქნებ რამე გამოვიდეს, დანარჩენს მერე მოგწერთ.

იყავით კარგად.

ღედას და თინას ჭავრი წამყვა — როგორ არიან.

გოცნით ყველასს მოკითხვა, ვისაც ვახსოვარ. მოუარეთ თავს.

ლ ე ვ ა ნ ი

თუ არის ახლოს, მიყიდეთ თამბაქო და გაზეთები.

გოცნით“

სანდრომ წუთშივე გააჩინა თამბაქო და გაზეთები და შეუგზავნა.

ს ა ნ დ რ ი!

დიდი მადლობა ყველაფრისათვის! მე კარგად ვარ, ბაქოს იქით არ ვიცი საითკენ მივალ.

ილია სარკველაძე, როგორც ეტყობა, დარჩა იქ ჭერჭერობით, № 1 ციხეში, ვგონებ საავადმყოფოშია. კიდევ კარგი გოგი ლომთათიძე გაუთავისუფლებიათ, ბეწუკელი კი დაუბრუნებიათ როსტოვიდან. მან მითხრა ჩემი ახლობლების დაპატიმრების ამბავი. მე მათზე არაფერი ვიცოდი. საწყალ ქალებს რაღას ერჩოდნენ. ეს ყველაფერი დიდი ბარბაროსობაა.

გოცნით ყველას, თავს მოუარეთ.

ლ ე ვ ა ნ ი“.

ცოტა ხანში პატიმრებიანი ვაგონი მიაბეს ბაქოსაკენ მიმავალ მატარებელს, ბადრაგმა ისევ წერილი გადმოგვცა.

წავიდა საწყალი ლევანი დასევდიანებული, გულჩათხრობილი, თვალზე ცრემლმორეული, უკულმართი ბედის მომღურავი.

წერილში ეწერა:

„ჩემო კარგებო! ჩემი ბედი და ცხოვრების ბორბალი ისევ უკუღმა დატრიალდა, ისევ შორეული მხარე და მარტოობა. თითქოს განგებ, ეს შემოწერილი მაქვს. რა ვქნა, რა გზას დავადგე, ვერაფერი ვერ შევძელი. რაც არის, არის. მე ჭანმრთელად ვარ, იმედი მაქვს მალე გაიფანტება ჩემს ირგვლივ შექმნილი მდგომარეობა და მეც მომეცემა უფლება საქართველოში ჩამოსვლისა. ყოველ შემთხვევაში, მე ამ იმედით ვცოცხლობ და ძნელ პირობებს შევეგუები.

გარეთ ალბათ ათასგვარი კორებია შექმნილი და შეთხზული ჩემი დაპატიმრების გამო. ეს სიმართლეს არ შეეფერება. თქვენ ნუ აპყვებით კორებს, დინჯად და წყნარად იცხოვრეთ, ერთმანეთს მოუარეთ.

დიდი ძმური მადლობა ყველას, რომ რაც თქვენს ძალაში იყო, თუ არ იყო, მე არაფერი დამაკელით. ეს მე მეტად მამხნევებდა უმძიმეს წუთებში. ასეთები კი ბლომად იყო.

ახლა მომავალზე: მე ჭერ ბაქოში მივდივარ, მერე სად წავალ, არ ვიცი. ეს არ იცის არც ჩვენმა ბადრატმა.

მე, მაშასადამე, მისჯილი მაქვს 10 წელი შრომაგამასწორებელ ბანაკში. ვადა ითვლება 1 VIII-46 წლიდან, 58¹⁰.¹¹ მუხლით. მისჯილი მაქვს მოსკოვის მიერ („Особо совещание“), რატომ, მე თვითონაც მიკვირს (58-ე მუხლი ვათვალისწინებულია მძიმე დანაშაულისათვის, გულისხმობს სამშობლოს დალაცხვას, სამხედრო ძლიერების შერყევას და ბევრ ამისთანა დანაშაულს).

58-ე მუხლი ძალიან გაფართოებულია, 14 ქვემუხლისგან შედგება. იწყება უბრალო დასჯიდან და მთავრდება დახვრეტით. 58-ე მუხლს უსჯიან როგორც სისხლის სამართლის, ასევე პოლიტიკურ დამნაშავეებს. მე-10 ქვემუხლი ნიშნავს სსრ კავშირის დამხობის ცდას პროპაგანდისა და აგიტაციის გაწევის გზით.

მე-11 ქვემუხლი კი გულისხმობს ორგანიზაციის ან ჯგუფის შექმნას, მის წევრობას ან ხელმძღვანელობას. შინსახკომში ნამდვილი ქალათები არიან რაფავა, წერეთელი, ნიბლაძე, შალანია და ბევრი სხვა. მათ თავისი სკამის დაკარგვისა ეშინიათ. ისინი ცრუვაჟუკაცები არიან, არც სა-

ქართველთა აწმყოზე შესტკივით გული და არც მისი კეთილი მომავალი ენაღვლებათ.

მოკლედ, ჩემს მიმართ შეთხზეს დიდი საქმე, მაგრამ ვერაფერი ვერ დამიმტკიცეს და ვერც ვერავინ ვერ დამიპირისპირეს. სავალალოა, რომ ეს ყოველივე შინსახკომისათვის არაფერს ნიშნავს. პირიქით, ჩემდა საბედნიეროდ, მოსკოვმა ჩემ მიმართ ადამიანობა გამოიჩინა — დახვრეტა შემეცვალა 10 წლით პატიმრობით მძიმე გამანწორებელ ბანაკში გადასახლებით, როგორც გამოუსწორებელ დიდ პოლიტიკურ მოღვაწეს.

ჩემი სულისკვეთებისათვის ყველაფერი ნამდვილად მართებული იქნებოდა, მაგრამ ის ხომ ჩემი ოცნება იყო და ღრმად მქონდა არსებაში ჩამჯდარი. მე ამ წყობის მოწინააღმდეგე ვარ და ყოველთვის ვიქნები, მაგრამ, საიდან სადაო, სად ჩემი დაპატიმრება, ბრალდება, დაუმტკიცებელი სულისკვეთება და სად მოსკოვის ვილაც სამეული, რისთვის??

კონფისკაცია არა მაქვს. ასე რომ, ბინა არ უნდა ჩამოგართვან, მით უფრო, მე იქ ღრობით ვიყავი ჩაწერილი. ახლა თქვენ იცით, მე რაც შემეძლო, ბევრი ვეცადე, მივწერე ჩარკვიანს, მაგრამ უშედეგოდ, არაფერი არ გამოვიდა.

ჩემი ხელნაწერები და მასალები შეინახეთ, მოუარეთ. ეს მომავალი წიგნებია.

ჩემს უჭრაში შემნახველი სალაროს წიგნაცია, იქ 6000 მანეთი მაქვს, ბათუმის ხელოვნების სამმართველოდან მისაღები მქონდა 8000 მანეთი, „უძლეველნის“ ანგარიშში.

ჩემი დრამები 10 ფორმა არის „საბჭოთა წიგნის“ გამომცემლობაში, 8 ფორმა — გაზეთ „კომუნისტის“ რედაქციის გამომცემლობაში, გამოიტანეთ და შეინახეთ. ჩემი წიგნი „გაუვალ ქალებში“ არის „საბლიტგამში“, ისიც გამომართვით. კინოსაც მიაკითხეთ, იქ სცენარია „უშბის სიმღერა“. სადღეისოდ ალბათ საეჭვოა ამ სცენარის ბედიც.

რაც შეეხება ლიბრეტოს „არმაზის ციხე“, მუსიკის ავტორს ალიკო მაჭავარიანს, როგორც უნდა, ისე დაარქვას, გადააკეთოს და თავისი სახელით გაუშვას.

ჩემი ჭავახეთ-სამცხის შთაბეჭდილებები — ეს მასალა

მომავალი წიგნი იყო. იქნებ რვეული არ დაიკარგოს. და-
პატიმრების ღროს ჩამომართვეს, მითხრეს ნიბლაძესთან
არისო. იქნებ დაგიბრუნონ. მე დამპირდა მალანია. თამა-
რის ნაჩუქარ ჩანთაშია ჩაღებულნი. ჩემი ციხეში გადაყვა-
ნის ღროს მალანია იქ არ იყო და ვერ მომცეს. იქნებ მო-
მატყუეს, როგორც ყოველთვის. მე სახლის გაჩხრეკის ოქ-
მი არ მინახავს და არ ვიცი რა წაიღეს, თუმცა საეჭვო იქ
არაფერი იყო. სპირიდონის და სხვა პატიმრების ბედისა
არაფერი ვიცოდი, არ მინახავს, მათი დაპატიმრებაც გვი-
ან, ციხეში გავიგე. ახვეე კოტე და გრიშაც არ მინახავს, მა-
თი ბედიც არ ვიცოდი და არც დაპატიმრება ვიცოდი.

თქვენ როგორ ხართ? დედა როგორ, არის? დევი დიდი
ბიჭი იქნება უკვე. თინა როგორ არის?

თქვენ, დედას, სანდროს, თინას, თამრიკოს და მზიას
დიდი წვალემა და განცდა მოგაყენეთ, მაგრამ ეს ყველა-
ფერი ნამდვილად ჩემდაუნებურად მოხდა. უდანაშაულო
მსხვერპლი ვარ. არაფერზე ხელი არ მომიწერია, ამიტომაც
ასე სასტიკად დავისაჯე. ყველაფერს გაუფიქლებ, ოღონდ
სიკვდილი არ იყოს.

მოკითხვა ყველას, ვისაც ვახსოვარ.

ჩემი ღარდი ნუ გექნებათ, ვნანობ, რამდენი წიგნი დამ-
რჩა დასაწერი, რამდენი მიჯანი და საშვილიშვილო საქმე
შეუსრულებელი. ვის დასჭირდა ჩემი გაძევება ან რატომ?
მალე წავა მატარებელი და უმოწყალოდ გამაშორებს საყ-
ვარელ სამშობლო-საქართველოს. ძნელია ეტაპით წასვლა,
მაგრამ, რას ვიზამთ? ისეთ საშინელ გარემოცვაში ვართ,
სადაც სიმართლე არ ფასობს!

აბა, კარგად იყავით, კარგად!

ლევანი“.

ეტყობა, ეს წერილი ლევანს წინასწარ ჰქონდა მომზადე-
ბული; ბადრაგმა წერილთან ერთად ლექსიც გადმოგვცა, ცი-
ხეში დაწერილი.

ლ უ რ ს მ უ ლ ი

1946 წ.

შ/ც (შინაგანი ციხე).

...ამ ქვის კედელზე ეს წარწერა ვერ გავასრულე,
ხელში არ მქონდა ბასრი საკვეთი...
იქნებ, ოდესმე ვინმემ ნახოს ჩემი ლურსმული —
— ლურსმნის ამარა ვიყავი მარტო,
მან კი იფიქროს — ყოფილა ხეთი
ან და ურარტუ?!
...და თარიღების დაადგინოს ათასი წლები,
როს არ იცოდა კაცმა კალამი,
როცა კოლხეთში თარეშობდნენ პამორძალები,
მტკვარიც დიოდა გადუქვალავი...
...საოცარია აქ სიმართლე არის და არცა,
იქნებ წარწერაც ძველთაგანვე მოდის ზვარაკად ..
სიტყვების სუროს სამოსელი შემომეძარცვა
და საუკუნემ ქვის ჩოხაში შალაპარაკა...
...ვერ გამოიცილობს ამ ჩემ ნალურსმევს,
ვინც ქარიშხალი არ ნახა ეგზომ...
და ჩემს წამებას გულგრილად უსმენს
გარინდებული ციხე და ეზო...
...ვიყავი ვინმე თანამედროვე
ხელნაწერების მუშა და მზიდი,
...მეგონა ქვეყნად ნანატრი მოვა,
რვეულის ფურცლებს პეპლებად ვზრდიდი...
— ახლა — დღეებს და ფიქრებს სევდიანს
ეძერწავ ამ ქვაზე ძველ სასოებით,
ქიანკველებად გარს მესევთან,
ქვაზე გაბმული ეს ასოები...
...უამმა კალამი დამიტუსადა,
გულზე დამეცა ლოდად და შამბად
...რამდენი ფიქრი დამრჩა უსახოდ!
...რამდენი გრძნობა ამოდ დაშერა?!
...ამ ქვის კედელზე ეს წარწერა ვერ გავასრულე,
ხელში არ მქონდა ბასრი საკვეთი,
იქნებ ოდესმე ვინმემ ნახოს ჩემი ლურსმული —
— ლურსმნის ამარა ვიყავი მარტო,
მან კი იფიქროს — ყოფილა ხეთი
ან და ურარტუ!

ჩვენმა ოჯახმა ძალიან მძიმედ განიცადა ლევანის მესამედ დაპატიმრება და ასე შორს გადასახლება. არც ლევანი იყო ნაკლებ დღეში.

არის ცხოვრებაში ისეთი ტრაგედია, რომელიც შეძრავს ადამიანის სულსა და გულს. სწორედ ასეთ გუნებ-განწყობა გამოიხატებოდა განშორების უკანასკნელ წუთს ლევანის არსებაში.

წარმოუდგენლად მძიმე იყო მისი განცდები და თვლებში ჩამოწოლილი შავი ნაღველი. ის შემადრწუნებლად გამოიყურებოდა რკინის ბადის მიღმა. მისი ყოველი ნაკვთი და მოძრაობა გამოხატავდა დიდ გულისტკივილს და აღშფოთებას. ამდენი თავმოყვარეობის და ადამიანური ღირსების შელახვის შემდეგ, რაც ქვეყანაზე მისთვის ყველაზე ძვირფასი იყო, — თავისუფლების დაკარგვა და დამონება?! ყოველივე ეს ერთად იყო თავმოყრილი და შეკრული უმძიმეს მწუხარებასა და ღრმა სევდაში. ასე, უკუღმართი ბედის მომღურავი ლევანი ახალი წამების მოლოდინში წავიდა...

გულის ტკივილით და მძიმე ფიქრებით დამძიმებული დაგბრუნდით სახლში...

მისამე ნაწილი

ჩვენი ოჯახის კეთილდღეობა უკანასკნელ წლებში მჭიდროდ იყო დაკავშირებული ლევანის ცხოვრებასთან, რომელიც ესოდენ სავსე იყო აღმავლობითა და დაღმასვლით — სვეკეთილი მშვიდობიანი და ბედნიერი დღეებითა და უცებ უკიდურესად ფსკერამდე დაცემით — დაპატიმრებით და შორეთში გადასახლებით. ეს უნიჭიერესი და შრომის მოყვარე კაცი, რომელიც მარტო სამშობლოსა და მისი ხალხის საკეთილდღეოდ იყო გაჩენილი, მცირედი ხელის შეწყობის შემთხვევაში დიდ შემოქმედებით ტილოებს შექმნიდა საქართველოსთვის, ბევრ სასიკეთო საქმეს გააკეთებდა, რომლისთვისაც ის დღე და ღამე დიდი სიყვარულითა და აღმაფრენით იღვწოდა. განა ამის მაგალითი არ არის, რაც უკანასკნელი 10 წლის მანძილზე გააკეთა? დიახ, შემდგომში მეტიც რომ აღარ გაეკეთებინა, ეს სრულიად საკმარისი იყო ერთი მამულიშვილისათვის, ჭეშმარიტად პატრიოტისთვის. მას კი უღალატეს, უმტრეს, უდანაშაულოდ სასიკვდილოდ გაწირეს.

როგორც თვითონ ლევანი, ჩვენც სულ ამ ამოუცნობი კითხვის ამოხსნაში ვიყავით: ვის დასჭირდა ლევანის ხელმესამედ დასჯა? რისთვის გაიწირა? ლევანის მეგობრები კი ხშირად გვეუბნებოდნენ:

— შინსახკომში საქმის შეთხზვის მაგარი ოსტატები ჰყავდა, რამდენი უდანაშაულო მსხვერპლი გაიღეს თავიანთ საკეთილდღეოდ, რკინის რეჟიმის შესანარჩუნებლად და განსამტკიცებლად. ამ პირობებში საქართველოს პატრიოტების დაპატიმრება თითქოს კანონზომიერიც არის. ლევანი ჭეშმარიტი ქართველია, დიდად პოპულარული მწერალი და საზოგადო მოღვაწე, ბევრის შემქმნელი და მომქმედელი. ეს კი მათ ზელს არ აძლევთ. თუ მხედველობაში მივიღებთ მის პოლიტიკურ წარსულს, ამ დროში მარტო ესეც არის საკმარისი უნდობლობისა, ეკვისა და

შიშისათვის. მძიმე წყობაში ვცხოვრობთ, ხმის ამოღება, ან რაიმე მცირედი საექვოც კი იმ წუთშივე სიკვდილს უდრის, უკეთეს შემთხვევაში — შორეთში დაუსრულებელი ვადით გადასახლებას.

სახლი დაცარიელდა და თითქოს ჰერი ჩამოიქცა. დედა და თინა ავადმყოფობდნენ. მე და მზია ჯერ არ ვმუშაობდით. ოთახი დალუქული იყო. ლევანის ნაწერებს რა ბედი ეწეოდა, არავინ იცოდა, ჩვენ კი გადასახლებას გეპირდებოდნენ.

გაგვიჭირდა მატერიალურად, ნივთების გატანა ბაზარში არ ხერხდებოდა, ყველაფერი ისე იყო გაფუჭებული და დამტვრეული. სავალალო ისიც იყო, რომ ლევანს ძალიან დიდი თანხა ჰქონდა მისაღები სხვადასხვა დაწესებულებებიდან. როგორ მოგვეხმარებოდა და წელში მოგვამაგრებდა, მაგრამ მის დაპატიმრებასთან დაკავშირებით ყველგან უარი გვითხრეს. ლევანის მინდობილობა, რომელიც ციხეში დატოვა, არ მოგვცეს. სამცხე-ჯავახეთის შესახებ ჩანაწერები კი საერთოდ გაანადგურეს.

სულიერ და მორალურ მხარეზე არაფერს ვამბობთ. ჩვენთან აღარავინ არ მოდიოდა, ყველას ეშინოდა. პირველ ხანებში დიდ უხერხულობასაც კი ვგრძნობდით, სახლიდან გასულებს არავინი შეხვედრა არ გვინდოდა.

სულმოუთქმელად ვუცდიდით ლევანის წერილს, არადა ძალიან იგვიანებდა.

ახალი უსიამოვნება დაგვატყდა თავს — მუცლის ტიფით ახლა თამარი გახდა ავად, 3 თვე იავადმყოფა და ძლივს გადარჩა. საავადმყოფოში იწვა, რამაც უფრო გაამწვავა ოჯახის ეკონომიური მდგომარეობა. ღმერთმა ისევ გადმოგვხედა — ამასობაში თინა ჩამოვიდა სანატორიუმიდან მოკეთებული და ოჯახს გაუძღვა. ლევანის გადასახლების შემდეგ მისი მეგობრების გადასახლებამ ცხოვრება კიდევ უფრო დაგვიძძიმა. უდანაშაულო, მართალი ხალხი ჩეკაში უმოწყალოდ, უსამართლოდ სცემეს და აწვალეს. წამების რა ხერხებს არ მიმართეს, რომ ცრუ ბრალდებაზე ხელი მოეწერინებინათ და ლევანის დანაშაული დაედასტურებინათ. ბოლოს კი ხელის მოწერის შემთხვევაში სიცოცხლის შენარჩუნებას და განთავისუფლებასაც დაჰპირდნენ... ზოგი ანკესს წამოეგო, ყველაფერს მოაწერა ხელი, ბრალ-

დება თავის თავზე აიღო და მხრებზე აიკიდა მძიმე ჯვარი. მათი საქციელი შესაძლებელია სიცოცხლის შენარჩუნებისათვის იმ პირობებში გამართლებულიც იყო. უმრავლესობა კი სამართალს ეძებდა, ლევანისთან დაპირისპირებას მოითხოვდა. აბა ეს როგორ მოხდებოდა, რადგან საქმე თვითონ ჩეკას შეთითხნილი იყო. როგორც გაირკვა, ლევანმა ამხანაგების დაპატიმრება ძალიან გვიან, გადასახლების წინ გაიგო ვახტანგ ბეწუკელისაგან. ამ ამბავმა საშინლად გაამწარა და შეადრწუნა. აღარ იცოდა, რა უნდა ექნა. სიძულვილმა და შურისძიების გრძნობამ მოთმინების ყოველგვარ საზღვარს გადააჭარბა, მაგრამ სად ეძებნა სამართალი, ყოველმხრივ შებოჭილი იყო, დამწყვდეული ლომივით ბორგავდა.

პატიმრებს, მიუხედავად იმისა, ბრალდებაზე ხელი მოაწერეს თუ არ მოაწერეს, ყველას ერთნაირი განაჩენი გამოუტანეს — სამშობლოს ღალატი! დანაშაულის მუხლიც ერთნაირი მიუსაჯეს — 10 წლით თავისუფლების აღკვეთა შორეულ ციმბირში შრომა-გამასწორებელ ბანაკში გადასახლებით.

გადასახლების წინ ოჯახებმა მოახერხეს მათთან შეხვედრა და სიმართლის გაგება. იმის აღწერა არ შეიძლება, რა ცეცხლიც იქ ტრიალებდა. ყველა ნაცემი, ნატანჯი, ნაწვალეები და შეცვლილი იყო, ერთადერთ ნუგეშად ისლა დაგვრჩენოდა, რომ ცოცხლები იყვნენ. ეს ახალგაზრდა ხალხი ღრმად მოხუცებულებს ჰგავდნენ. ყველა ერთხმად აღიარებდა, რომ ყველაფერი ჩეკაში შეთხზული ამბავი იყო, საშველი და პატრონი კი არსად ჩანდა. მაგალითად, ვალოდია ვაშაკიძეს ლევანის მოადგილეობას აბრალებდნენ და რა არ იღონეს, რომ ბრალდებაზე ხელი მოეწერა. ვალოდიამ ცრუ ბრალდებაზე ხელი არ მოაწერა. ამისათვის რა წვალეზა და წამება არ შეხვდა მას. ერთხელ დაკითხვაზე თვით რაფაეასთანაც შეიყვანეს. იქ გენერალი რუხაძე დაინახა, გაეხარდა კიდევ, ალბათ მეშველო, ჩემი სიმართლე დამტკიცდებოდა, რადგან რუხაძეს კარგად იცნობდა — დიდი ჭიხაიშის საშუალო სკოლა ერთად დაუმთავრებიათ.

— ბიჭო, მიშველე რამე, მე არაფერში დამნაშავე არა ვარ, — სთხოვა რუხაძეს.

— ვინ არის შენი ბიჭი. — გაცხარდა რუხაძე, — ახლავე ხელი მოაწერე ბრალდებას, თორემ გაგათავებთ, — და უცებ ორივე ხელით ეცა თმაში და მთელი ბლუჯა ამოგლიჯა.

— გრძნობაზე რომ მოვედი, ახალ საკანში ვიყავი და, ჩემ-
და გასაკვირად, ვილაცა პატიმარაც იქ იყო, მითხრა:

— ბიჭო, ცოლო ხარ, მოგვლავენ. სიკვდილს ხელის მოწე-
რა სჯობია. სიცოცხლე, სიცოცხლე შევინარჩუნოთ, მერე იქ-
ნებ გაირკვეს ჩვენი ამბავი. მე ვერ გავუძელი ცემას, ხელი მო-
ვაწერე ყველაფერს.

ვალოდის პირველ ხანებში ეს პატიმარი მათი მოგზავნილი
ეგონა, მერე კი გაირკვა, რომ ერთ საქმეზე მსხდარან. სპირი-
დონ ჭყონია აღმოჩნდა. ასე აწვალეს და აწამეს ეს უდანაშაუ-
ლო ხალხი მარტო იმიტომ, რომ ლევანისათვის და მათთვის წა-
ყენებული ცრუ ბრალდება დაემტკიცებინათ. ამ ჯგუფიდან ჩე-
კაში ზოგი დაიღუპა კიდეც. ბოდლო ემუხვარმა ცრუ ბრალდე-
ბას ხელი არ მოაწერა, ფერც უმძიმეს წვალეზას და დამცირებას
გაუძლო. ერთ-ერთი დაკითხვის შემდეგ გამწარებული მე-4
სართულის კიბის უჯრედიდან გადახტა და თავი მოიკლა. სწო-
რედ ამ თვითმკვლელობის შემდეგ გააკეთეს პირველ სართულ-
ზე ბადე, რომელმაც ლევანი გადაარჩინა.

მძიმე 1947 წელიც გადავიტანეთ ლევანის მდგომარეობით
შეწუხებულებმა. და, აი, დადგა ბედნიერი დღე—ძლივს გვე-
ღირსა ლევანის პირველი წერილი.

„ჩემო კარგებო!

ბოლოს, როგორც იქნა, მივედი ადგილზე, 1/II-48 წ.
ჩამოვედი ქ. ვორკუტაში.

მოკლედ, ჩემი მოგზაურობის თავგადასავალი ასეთი
იყო: ბაქოში დიდხანს აღარ გავჩერებულვართ. სულ რამ-
დენიმე საათი. სამი დღის შემდეგ როსტოვის ციხის გა-
დასაგზავნ პუნქტში ამოვყავი თავი. აქაც სულ ხუთიოდე
დღე ვიყავი. ახლა მოსკოვისკენ გავწიეთ, რა თქმა უნდა,
ისევ მავთულხლართიანი ვაგონით. როსტოვში უკვე თოვ-
ლი და ყინვა შეგვხვდა, მოულოდნელად მკაცრ ზამთარში
ამოვყავით თავი. მოსკოვში კი უკვე მაგარი ყინვები შემო-
მეყარა და მაშინაც დავაფასე ქურჭი, რომელიც თქვენ გა-
მომატანეთ. მოსკოვის ციხეში აღარ მოგვისდა ყოფნა. რამ-
დენიმე კვირა სადგურის ჩიხში ჩამდგარ ვაგონში დიდი გა-

პირველით ვცხოვრობდით, ველოდით შორეულ გზას ჩრდილოეთისაკენ. ვერ წარმოიდგენთ, სიმძიმის ეს რა გამოცდა იყო. ყველანი გავფუჭდით. შემდეგ კი თითქოს ბედი გვწყალობდა — შეუფერხებლად, შედარებით სწრაფად მივიწვედით დანიშნული ადგილისაკენ.

სიძნელეებს ნუ კითხულობთ, მაგრამ ეს ყველაფერი მხოლოდ დასაწყისი იყო. მოსკოვიდან გავწიეთ ქ. გორკის გავლით ქ. კიროვისაკენ (ყოფ. ვიატკა), სადაც ჩავედით შიშვარს.

სადაც გზაში გავითენეთ ვაი ახალი წელიწადი. ფიქრებში ჩამომაწვა/ საახალწლო კრიალოსანი. გამახსენდა სახლი. მახლობელთ შორის უამი სასიკეთო. ურთიერთ მილოცვა, სამშობლოს მომავლის საუკეთესო სურვილები — ოდესმე გამეგონოს თავისუფლება.

ჩემთვის მძიმედ გადმოილახა ახალი წელი, ახალ მიჯნას ისევ წვალემა და გულისტკივილი მოჰყვა. მე თვითონ არ ვიცი რისთვის. ჩვენი ოჯახისა არ იყოს, სამშობლო გულმოკლულია წარსულითა და აწმყოთი. იმედის თვალით შესცქერის მომავალს. მეც მომავლით ვცხოვრობ, მაგრამ ახლო მომავალში არაფერს კარგს ვერ ვხედავ ამ კომუნისტების ხელში. შორეულში კი შეიძლება უფრო ცუდიც გამოვლინდეს, რატომღაც ამ წყობის არაფერი მჭერა და ვერც დავიჭერებ.

ქ. კიროვში ჩავიჩიხეთ და დიდხანს მოგვიხდა დარჩენა. აქ ისეთი მაგარი უინვები შეგვხვდა, რომ მე, უინვებში მოსიარულე კაცს, აბა რა უნდა გამკვირვებოდა, მაგრამ საჭიროებისათვის გარეთ რომ გაგვიყვანეს, სული შემეკრა, მოყინულმა ფეხებმა ძლიერი ტკივილი მაგრძნობინეს. სწრაფად უკან დავბრუნდი. კიდევ კარგი, რომ საკანში ისე ვართ გაქედლილი, ტევა არ არის და ვერ გაინძრევი, არამც თუ არ ცივა, არამედ ოფლად ვიღვრებით. ამ უამრავ პატიმრებში, სადაც ვაუკაცის ცრემლი და რისხვაა გამეფებული, შეძრწუნებული სიმარტოვეს და სულში სიცარიელეს ვგრძნობ, ისე გამიჭირდა.

სამიოდე კვირის შემდეგ გადმოვწყვეთ საბარგო ვაგონებში და ჩრდილოეთისაკენ გავემართეთ. გვიკვირდა, მიუხედავად იმისა, რომ ეშელონი მეტად გრძელი გამოვი-

და, ღლეში ერთხელ საზიზღარ, მაგრამ მაინც თბილ „პახ-ლობკას“ გვაქმევდნენ. რისგან გაკეთებულია, ვერ გავარკვიეთ, მაგრამ მაინც ვჭამდით, სასიცოცხლოდ სხვა გზა არ გვქონდა. მატარებელი მიჰქროდა ტაიგის თვალუწვდენელ სივრცეებში, ჩემი ფიქრი კი მარადუამს სამშობლოს დასტრიალებდა. სულ იმას ვფიქრობ და თავს ვიტყვ, ვის დასტირდა ჩემი ასე სასტიკად დასჯა. რატომ? ვინ რა იცოდა გულში თუ ფიქრად რა მქონდა. ისე კი, მიუხედავად ჩემი განწყობისა, ხელმოსაკილი არაფერი არ მომიმოქმედია.

გავიარეთ კოტლასი-პეჩორა — აბისი და ბოლოს, ერთი კვირის შემდგომ, მივედით ვორკუტაში. აქ უკვე სრულიად კლასიკური ტუნდრაა; არავითარი მცენარეულობის ნიშანწყალი ჭერ არ მინახავს, საოცარი ყინვებია, ასეთი ჩვენს კავკასიონზედაც არ იცის ($-45-50^{\circ}$). ამაზე ამბობენ თბილი ზამთარიანო. მხოლოდ ახლა დავაფასე თბილეულობა. მოკლედ, მოვედი დანიშნულ ადგილზე. გზა, რა თქმა უნდა, არც თუ იოლი იყო. აქ ჩამოსვლისთანავე საავადმყოფოში მოვხვდი, ამისთანა მგზავრობის შემდეგ მესაჭიროება საკმაოდ ხანგრძლივი მკურნალობა, დასვენება და სურავანდის ნიშნების მოშუშება. ეს დასაქციევი ჩრდილოეთის ავადმყოფობა ჭერ კიდევ გზაში შემპარავი ძალღივით შემომახტა და დამეხინა. ასე დაგვემართა არა მარტო მე, არამედ უმრავლეს პაციმრებს. მეტად დამისივდა ფეხები, ვერაფერი ველარ ჩავიცვი. ამიტომ ჭერ სამუშაოდ არსად არ გამამწყესს და საერთოდ ვერც წარმომიდგენია აქ სად ან რაზე ვიმუშავებ. ალბათ ფიზიკურად — მუშად.

აქ დიდი და მრავალი ქვანახშირის მალაროა, მე მოვხვდი სააღმშენებლო პუნქტში ОЛП-ში (Отдельный лагерьный пункт). რამდენხანს დავრჩები საავადმყოფოში არ ვიცი, მაგრამ ყველა სიკეთესთან ერთად, ჭერ კიდევ მანდ, შინაგან ციხეში ციება შემეყარა, თუ განმიახლდა საოცარი ძალის ტროპიკული ციება. სიცხე 41 გრადუსი მქონდა არაერთგზის. მანდ მიწამლეს ქინაქინით და აკრიქინით, მაგრამ აქ ისევ მომიგონა ციებამ, თუმცა უფრო ნელ ფორმაში. ერთი სიტყვით, საქართველოდან აქ ჩამომყვა ულვაშები, სურავანდი და ციება.

ვორკუტა არის მდინარე პეჩორის შესართავის მახლობლად ყინულოვან ოკეანესთან სულ ახლოს, 150 კმ. დაშორებული (Карские ворота). აქედან პაპანიჩის ცნობილ ბანაკამდეც არც თუ დიდი მანძილია. ასე ჩრდილოეთით მე არასოდეს არ ვყოფილვარ.

ჩემმა მტრებმა, ალბათ, იციან ჩემი გეოგრაფიული ცოდნა და უნდათ უფრო კარგად და ღრმად შემასწავლონ ჩრდილოეთ ყინულოვანი ოკეანე — სხვადასხვა მხრიდან მიდგომით, ძირფესვიანად. ამაზე შემდეგ მოგწერთ.

მე გზადაგზა გწერდით ბაქოდან, კიროვიდან, არ ვიცი მიხედვით ჩემი ბარათები თუ არა.

ახლა აქაური პირობები — ჩემი მუშაობის შესახებ: საღვიძნები, არ ვიცი, სპეციალობაზე თუ საერთოდ სამუშაოზე. ერთადერთი ეს ვიცი, ჭერჭერობით არაფერია საიმედო და ყველაფერი მოსალოდნელია უფრო ავი და მძიმე. კვების მხრივ, აბა, რა მოგწეროთ. დროდადრო ხალხს საავადმყოფოში ათავსებენ და მის ფიზიკურ „დამკლევებას“ გაძლიერებული კვებით დროებით ასაღებუნებენ. ბევრი იხოცება. განსაკუთრებით ცუდია ბოსტნეულის უქონლობა, აქ ერთი-ორი ქართველი შემხვდა. ჩემი ძველი ნაცნობების შესახებ კი არაფერი ვიცი, ან მათ რას ერჩოდნენ, რა საქმე შეუთხზეს. უპატრონოდ ვიყავით, კარგი პატრონი არ გყავდა არც ერთს და გაგვწირეს. მანდ რა ამბავია მომწერეთ — დაწვრილებით და ყველაფერი! რა არის ახალი? განსაკუთრებით მწერლობაში, უსათუოდ გამომიგზავნეთ წიგნები ბანდეროლით. ჭერ გაზეთები და „მნათობები“, უბრალო წიგნებიც სცადეთ. ამ საკითხზე მერე უფრო დაწვრილებით მოგწერთ. ჭერ მეც არ ვიცი კარგად აქაური წესი.

აქ საერთოდ ძალიან ცოტა წიგნებია და ვგონებ უინტერესოც. ამანათები კი უფრო წესიერად მოდის. ფულის საქმე ასეა: მოსული თანხიდან ჩემი განცხადების საფუძველზე იძლევიან ხელზე თუმანს, ამაზე მეტი კი მხოლოდ ანგარიშში ჩაირიცხება, ჩემთვის უსარგებლო იქნება. შეიძლება თვით ამანათში ჩაიწყოს სარეცხის საპონი, ძალიან მჭირდება. აბა, თქვენ იცით. მომაშველეთ რაიმე ვიტამინი, განსაკუთრებით აქ საჭიროა ლიმონი ან ლიმონის სიმუყავე.

რაიმე შუავე ექსტრატი, ხახვი, ნიორი, ჩაი, ტკბილეულობა და სხვა. ამ მხრივ თქვენ უფრო იცით. ტანისამოსი არაფერი არ მინდა. რაც წამოვიღე, რასაკვირველია, ყველაფერი შემჩა. წარმოიდგინეთ რა ხალხში ვარ, მე ერთადერთი კაცი ვიყავი, ვისაც ტანისამოსი შემჩა, ვნახოთ აქ რას მიზამენ. ძალიან მძიმე გარემოცვაში მოვხვდი, უამრავი თავზებელალებული ქურდი და რეციდივისტია. საერთოდ, თუ ვინმეს მოუხდება ჩემდაგვარად მოგზაურობა, რასაც ზედ არ ჩაიცვამს, სხვა არაფერი არ წამოიღოს, რადგან ყველაფერს დაქარგავს ან გზაში გადახურის. ჩემი მისამართია: Коми АССР, гор. Воркута, Почтовый ящик Л К №223 50.

გამომიგზავნეთ კონვერტები, საწერი ქალაქი და რვეულები, ფანქრები და კალმები, აქ არაფერი არ იშოვება. საერთოდ აქ ახლოში თავისუფალ მოსახლეობას სრულიად ვერ ვხვდებით და ვგონებ არც არის. კიდევ გამომიგზავნეთ ქინაქინა და აკრიქინი, თუ იშოვდება მანდ.

სად არის ჩემი ნაწერები?

თუ მიიღეთ მინდობილობა, რომელიც მე ციხეში დავტოვე და თუ გამოვადგათ რამეში?

ყველაფერი მომწერეთ! ჯანმრთელობით როგორ ხართ?

გამომიგზავნეთ მე რომ მქონდა სამოგზაურო ქვაბი „სამთო სასურსათო“, აქ არავითარი ჭურჭელი არ იშოვება, საქონელივით ვჭამთ. ტანსაცმელი ჭერ არაფერი მინდა და არც გამომიგზავნოთ.

წერილების წერა შეიძლება ქართულად, ეს უკეთესია. აბა დაწვრილებით ველი თქვენგან ცნობას — მომწერეთ ყველაფერი თბილისის და თქვენი ცხოვრების შესახებ

კარგად, ჯანმრთელად იყავით. მოუარეთ დედას და თქვენს თავს.

ყველას დიდი მოკითხვა და კეთილი სურვილები.

დაწყნარდით, მელოდეთ.

გოცნით, გეხვევით,
თქვენი დაქარგული ძმა

ლე ვ ა ნ ი.

დედის სახელზე გამოგზავნილი უკონვერტო სამკუთხა ბარათი, კიდევ კარგი, რომ ჩვენამდე მოვიდა. მან ცრემლიანი სიხარული მოგვიტანა. ძალიან გვეცოდებოდა ჩვენი საწყალი, გადაკარგული ძმა.

ახლა უფრო მეტი სადარდებელი მისმა ავადმყოფობამ გაგვიჩინა. ცხადია, ლევანი დაუძღურდა, მის ჯანმრთელობაზე მეტად იმოქმედა თბილისის შინაგანი ციხის რეჟიმმა, იქ წვალება და ახლა, როგორც ირკვევა, მალარიამაც. ყოველივე ამან კი როგორც სულიერად, ისე მორალურად და ფიზიკურად დაასუსტა. ან რა კვება ჰქონდა 7—8 თვის განმავლობაში? ჩვენგან არაფერს არ ლებულობდნენ და აბა იქ რას აკმევდნენ, თვითონ განსაჯეთ.

საწყალი ლევანი! როგორი პარადოქსებით სავსე იყო მისი ცხოვრება: ლალი ახალგაზრდობა, უცებ საშინელი პირობები — დაპატიმრება, ტანჯვა-წვალება, გადასახლება სოლოვკებში, იქედან თავის დაღწევა, მაგრამ ჩეკას მუდმივი კონტროლი, თავისუფლებისათვის თავდადება — ისევ სიმძიმე და სიმწარე, მეორედ გადასახლება ნარიში — უფრო მძიმე დამკაცრი, დაბრუნება მწერლობაში, დრამატურგია, გაღლება, საღვთისო ხანა, მისი აღიარება, აღმასვლა, დიდი პოპულარობა, შემდგომში ასეთი გამარჯვების და სიხარულის მაინც განახევრება ჯაშუშების გამო და, აი, ისევ გრძელი და მძიმე გზა, ისევ შორეთი, ისევ უფსკრულამდე დაცემა. ყოველივე ამას გაძლება არ უნდა? ლევანი მაინც ძლიერი სულისკვეთების კაცია და ყველაფერს აიტანს, ვიწყნარებდით თავს შინაურები.

ჩვენი გადაწყვეტილებით, ლევანისათვის უნდა გაგვეკეთებინა შესაძლებელი თუ შეუძლებელი, გაგვეწია მისთვის მორალური თუ მატერიალური დახმარება, გაგვემაგრებინა მისი ჯანმრთელობა.

ბინა ბოლოს და ბოლოს აღარ წაგვართვეს, გადასახლების სიიდანაც ამოგვიდეს. ლევანის ნაწერებისა და არქივის ბედი კი ასე გადაწყდა: შინსახკომში დიდ თანამდებობაზე დაინიშნა გენერალი რუხაძე. იგი მოქმედი გენერალი იყო და გამახსენდა, რომ ომში გენერალ კონსტანტინე ლესელიძესთან შემთხვევით შემხვდა. ახლა დიდი მორიდებითა და კრძალვით შევიტანე მასთან შეხვედრის განცხადება. გენერალმა მიმილო, მე შევახსენე ჩემი თავი, მერე დახმარება ვთხოვე, როგორც ჯართ-

ველს, პატრიოტს, ლევანის ნაწერები შინ დაეტოვებინა და არ გაენადგურებინა. იგი დამპირდა დახმარებას. ერთ დღეს მთელი ლევანის ნაწერებით მანქანა გაავსეს და შინსახკომში წაიღეს. მე, საშინლად აღელვებულმა და შეშინებულმა, მეორე დღეს ისევ გენერალს მივაკითხე. მან დამაწყნარა და, ჩემდა გასაკვირად, დიდი საიდუმლოება გამანდო: ლევანის ნაწერები არ დაიკარგება. ის რომ დაბრუნდება, მოიკითხოს მწერალთა კავშირის სარდაფებში, იქ გადავინალეთ, ეს არავინ არ იცის ჩემსა და იქ მომუშავე ქალის მეტმა. ეს დიდი საიდუმლოებაა და არავინ არ უნდა იცოდეს, წინააღმდეგ შემთხვევაში საქმე მძიმე ხასიათს მიიღებს. წადით და დაწყნარებული იყავით. მე ვფიქრობ, კარგი საქმე გავაკეთეთ. მე ძალიან ორჭოფულად მადლობა გადაეუხადე და წამოვედი. სახლში რომ ვთქვი, არავინ დაიჯერა. რამდენიმე ხნის შემდეგ თინამ დიდი სიფრთხილით ნახა ის ქალბატონი, რომელმაც დაუდასტურა ყველაფერი. მას ნამდვილად ებარა ლევანის არქივი, ძალიან შეშინებულს იყო და დაიფიცა, რომ ეს აქ არავინ იცის და არც არავინ უნდა იცოდესო. მართლაც ლევანის ჩემოსვლამდე არავინ იცოდა მწერალთა კავშირის სარდაფებში რომ ინახებოდა მისი არქივი (ლევანმა განთავისუფლების, ე. ი. 10 წლის შემდეგ მიაკითხა თავის ნაწერებს და, ჩვენდა გასაკვირად, ყველაფერი წამოიღო სახლში).

ლევანს სასწრაფოდ გაუეზავნეთ გაზეთები ბანდეროლით, სურსათი ამანათით, ფული და წერილები ფოსტით. ერთი თვის ლელის შემდეგ კვლავ მოვიდა ლევანის წერილი:

„ჩ ე მ ო კ ა რ გ ე ბ ო ს

ეს უკვე მეხუთე წერილია, მაგრამ თქვენგან პასუხი ჯერაც არ მოსულა. ძალიან შაწუხებს ეს გარემოება. როგორ ხართ? რა ბედი ეწია ბინას და ჩემს ნაწერებს? მომწერეთ ყველაფერი დაწვრილებით. ახლა ჩემ შესახებ. რადგან არ ვარ დარწმუნებული, რომ ჩემი წინანდელი ბარათები მიღებული გაქვთ, მოკლედ ყველაფერს გწერთ თავიდან.

ვიმუოვები გორაკუტაში. ეს ადგილი მდებარეობს ტუნ-

დრაში, პოლარულ ხაზს იქით. ჩრდილოეთ ყინულოვანს ოკეანიდან 150 კმ. დაცილებით. აქ რკინიგზის გაყვანა ახლახან დამთავრებულია. უმძიმეს ტუნდრის პირობებში უმოწყალოდ ამუშავებენ პატიმრებს. ათასობით ადამიანის სიცოცხლე ჩაიფერფლა და ჩაიყინა. აქ ასე ამბობენ, ყოველი შპალი ადამიანის ძვლებით არის გამაგრებულიო.

ამ საშინელი ტუნდრის სიღრმეში უდიდესი სიმდიდრეა — ქვანახშირის საბადოები და მრავალი მალარო.

ამ საზარელ ტრიალ ადგილზე მეფე ნიკოლოზს უთქვამს: იქ, სადაც ჩიტები ვერ ბულობენ, ადამიანიც ვერ გაძლებს. ეს გასაჭირიაო.

სტალინმა კი, პირიქით, აქ საკონცენტრაციო ბანაკებო გახსნა და შემორეკა არა მარტო პოლიტიკური პატიმრები, არამედ ქურდები, რეციდივისტები და მკვლელებიც. გადასახლება და ციხე რა დასჯაა, თუ დამნაშავეებმა მორჩულებაში და გამოსწორებაში არ ნახეს დიდი გაჭირვება და წვალბაო. მაშინ დააფასებენ წესწყობილებასო. თუ ვერ გაძლებენ, დაუნანებლად, ადვილად ჩამოეწერებიანო.

ომის შემდეგ ხომ საჭიროა დანგრეული სახელმწიფოს აღდგენა, ამისათვის ყველაფერთან ერთად აუცილებელია ბევრი ქვანახშირი და უფასო მუშახელი. სწორედ ამისთვის გახდა საჭირო ვორკუტა — უამრავი ქვანახშირი, ურცხვი პატიმრები — უფასო მუშახელი, მძიმე ყოფა და არაადამიანური შრომის პირობები.

აქ შორიახლოს მოჩანს ურალის ქედის ჩრდილოეთი ბოლო ნაწილი — და მეტი არაფერი. არც ერთი ხე. თოვლი, თოვლი და კიდევ თოვლი. საოცარი ყინვებია, ქარბუქი. -40-50°. ხანდისხან მეტიც. დიდი ქარბუქის დროს ბარაკიდან ბარაკში გადასვლა ჰირს და მოძრაობა თვით შემოფარგლულ ზონაშიაც აღარ შეიძლება. ასე ჩრდილოეთით მე ჭერ არ ვყოფილვარ.

აქაურ სოფაზე და ცხოვრებაზე ვერ მოგწერთ, ისე მძიმეა. აქ მარტო ეს არის კარგი და ჩემთვის მნიშვნელოვანიც, რომ წერილების და ამანათების გამოგზავნა განუსაზღვრელია. შეიძლება წიგნების გამოგზავნა და გაზეთების გამოწერაც. ასე რომ, თქვენი იმედი მაქვს. ნუ მომწყვიტავთ საქართველოს. უსათუოდ გამომიგზავნეთ

ქართული ახალი გამოცემები. ისიც გაითვალისწინეთ, რომ აქ კლასიკური ტუნდრაა ყოველმხრივ და არაფრისაგან არაფერი არ იშოვნება.

როდესაც თქვენგან მივიღებ ბარათს, მაშინ უფრო დაწვრილებით და დალაგებით მოგწერთ ყველაფერს.

მე ძალიან ვწუხვარ, რომ ისეე იძულებული ვარ თქვენ მოგმართოთ დახმარებისათვის, გამომიგზავნოთ საკვები და ფული. ვიცი, რომ თქვენც ვიჭირთ, გამომცემლობიდან ჩემი მისაღები ფული კი ალბათ დაიკარგა.

აქ შემხვდა რამდენიმე ქართველი. ჩვენ ერთმანეთს ვეხმარებით, ეს დიდი შელავათია.

ძალიან მაინტერესებს მანდაური ცხოვრება. მომწერეთ დაწვრილებით. ყოველთვის გულს მიკლავს ჩემი დანაშაულის არსი. მე — სამშობლოს მოღალატე? ჩემი სამშობლო საქართველოა, მისი მოღალატე არასდროს არ ვყოფილვარ და არ ვიქნები, ჩემი ცხოვრების უკანასკნელ დღემდე. ამ წყობის კი რა მოგახსენოთ, მომავლის იმედით ვცხოვრობ. ისე მე, სიცოცხლის მოყვარე კაცი, ისე გავმწარდი, სიცოცხლე არაფრად მიღირს.

აბა, კარგად იყავით. გულითადი მოკითხვა ყველას. გკოცნით, თქვენი ლევანი“.

„ჩემო კარგებო!

22. IV. 1948 წ.

ბოლოს მივიღე თქვენგან წერილებიც. ასე რომ, ჩვენი ოჯახის ამბავი, ასე თუ ისე, ვიცი.

მე სამივე (თამარის, მზიასი ერთად და თინასი ცალკე) წერილი ერთად გადმომცეს 20. III. 1948 წ.

რომ იცოდეთ, რა დიდი მნიშვნელობა აქვს აქ მშობლიური მხარიდან წერილების მიღებას, ალბათ ყოველდღე მომწერთ. თინა რით იყო ავად? რაშია საქმე? დაწვრილებით გამაგებინეთ. თამარიკო როგორ არის, რაღა ყველაფერი ერთად დაემართა ჩვენს ოჯახს? უოჩად, რომ თქვენ მანდ არ დაიბენით, სულიერად არ დაეცით. საბოლოოდ ყოველივე ავს გაუძლით. ეს მე ნამდვილად გამათავებდა.

თამარი სად დაიწყებს მუშაობას? ან სად გააწესეს? საქართველოდან ყოველ შემთხვევაში ნურსად წავა. აქ ჩამოსვლაზე ნუ იფიქრებთ, ჩემის აზრით, ეს სრულიად არ არის საჭირო. უჩემოდ ეს საკითხი არ გადაწყვეტოთ, არის მრავალი მიზეზი. ვფიქრობ, აქ ვერ შევხვდებით და გულდაწყვეტა უფრო დიდი იქნება.

მზია, მაშ მთამსვლელი გამხდარხარ? გამეხარდა. მე იმ ადგილებში ყველგან ნამყოფი ვარ (გარდა ნიკოლაევის მწვერვალისა). წარმოდგენილი მაქვს რამდენ სიამოვნებას იგრძნობდი.

ალექსანდრა ჭაფარიძეს ჩემ მაგივრად მიულოცე „განდეგილის“ ქვაბულის აღმოჩენა. მეტად მაინტერესებს და ამ აღმოჩენის შესახებ მოუთმენლად ველი გაზეთებს ან შენს დაწვრილებით წერილს. რა შესანიშნავი თემაა გარდა სხვა ყველაფრისა: ქალმა დაამხო ძველი განდეგილი ბერი და ისევ ქალმავე აღმოაჩინა იგი — ალბათ თავისი ძლიერების ხელმეორედ დასადასტურებლად! ეჰ, იქნებ ოდესმე დავწერო, ჭერ კი ხელები შემოკლებული და სული შეხუთული მაქვს.

ბინის და ხელნაწერების ბედი მახარებს. საერთოდ თუ წაიღეს რამე სახლიდან? თუ რამე საქმისათვის დაგვირდებათ იქ მისვლა, მაღანიასთან დარჩა ჩემი საველე ჩანთა, შიგ ჩანაწერების რვეულია ჭავახეთის შესახებ — ისიც განუხორციელებელი წიგნია — „ახალი სამცხე“, რომელიც მე „უკალმოდ და უქალაღოდ“ აქ დაწერილი მაქვს და მხოლოდ საშუალება და ქალაღია საჭირო, რომ ხორცი შევასხა. ვნანობ, თუ ის ჩანაწერი დამეკარგა. მაგრამ ჭერჭერობით ხომ კალამიც დაკარგული მაქვს.

ჩემს შესახებ: მე ჭერ კიდევ საავადმყოფოში ვიმყოფები, მაგრამ კარგადა ვარ, დავისვენე, მოვმჯობინდი. ძველებურ ჭანზე არა ვარ, მაგრამ არც ისე ვარ, მტერს რომ გაუხარდეს.

აქ შემხვდნენ ქართველები, ჩემზე უფრო ძველი მოსულები ამ „სანეტარო ადგილში“, ისინი მეხმარებიან და ყურადღებას მაქცევენ. განსაკუთრებით ნიკოლოზ მღებრიშვილი (გორელია). მისი და ალბათ შემოიფლის თქვენთან.

კიდევ რამდენიმე ხანს ვიქნები სტაციონარში, რადგან

ეს ყველაზე უმჯობესი, სასურველი ადგილია აქაურ პირობებში. მერმე გაზაფხულიც დაიწყება და, სადაც არ უნდა მომიხდეს მუშაობა, აღარ მეშინია. ახლა კი, რომ იცოდეთ, რა ყინვებია? მე რომ გამიკვირდება, რაღა უნდა იყვეს? მაინც ქარბუქია საშინელი (пыра). ჩვენი მეზობელი — „ჩრდილოეთ პოლუსი“ უხვად და უმოწყალოდ გვიბერავს, ხოლო მოტვლეპილ ტუნდრაში ქარბუქს არაფერი არ ეღობება.

ვორკუტა მცირე ქალაქია, უფრო სწორად კი — დიდი ბანაკი. ჩვენი განყოფილება, ე. ო. შემოფარგლული ზონა (მავთულხლართებით) ქალაქიდან ორიოდე კილომეტრზეა დაშორებული. ეს სააღმშენებლო პუნქტია. ჩვენ მახლობლად კი მაღაროებია. ვხედავ კიდევ მათ შენობებს და ნახშირის გორაკებს. აქ თავისუფალი მოსახლეობა არ ცხოვრობს, გარდა თვით ვორკუტისა, სადაც არიან თავისუფალ გადასახლებაში მყოფი მოსამსახურენი ან ადგილგადანაცვლებული ყოფილი პატიმრები, აქ მუდმივად დასახლებული.

ჩვენს ბანაკში არაფერი არ იშოვება. ამ მხრივ ჩამორჩენილი განყოფილებაა (შახტების განყოფილებებში, ამბობენ, რომ ბევრად უმჯობესია). ასე რომ, წიგნებით, გაზეთებით და, რაც მთავარია, საწერი ქალაქიდან მანდიდან უნდა მომეხმაროთ. იცოდეთ, რომ აქ მყარი არაფერი არ არის. დღეს საავადმყოფოში შეიძლება იწვეს კაცი — ხვალ კი მძიმე საერთო სამუშაოზე მოხვდეს. სპეციალისტებიც ბევრი მინახავს მძიმე სამუშაოზე და ჩემისთანა „ინვალიდებიც“. მე საღ ვიმუშავებ, ან რა ხელობას მოგვიღებ ხელს, ჭერ არ ვიცი, მაგრამ არაუშავს რა, როგორც გწერდით, წერილები და ამანათები განუსაზღვრელია და არც თუ იგვიანებენ. აქ ჩვენს თვალწინ ხსნიან გასასინჯავად. შეიძლება გამოგზავნოთ ყველაფერი: სურსათ-სანოვაგი, როგორც ნედლი, აგრეთვე კონსერვირებული და სამოსი; წიგნები, ჟურნალ-გაზეთები; უფრო საჭიროა ქონეული, შაქრეული და ხილეული, ჩაი, ბოსტნეული, რადგან აქ ვერაფერს ვერ ვშოულობთ, ხოლო რასაც გვაძლევენ, ყოველად უვარგისი და ამასთან ერთად მცირეა. ამანათის წონა, რამდენადაც მე ვიცი, არ უნდა აღემატებოდეს 8 კი-

ლოგრამს. ტანსაცმლიდან მე არაფერი არ მინდა. სარეცხის საპონი, მაგალითად, მჭირდება.

ახლა კი წიგნები, წიგნები და ქალაქლების საქართველოს ამბავს ნუ მომწუხრებთ, რადგან მხოლოდ მაგით ვცოცხლობ და ვსულდგმულობ.

წერილი ვერ გამოგვწავნე დროულად, ამიტომ გავაგრძელე. ძალიან მაინტერესებს სად გადავიდა სამუშაოდ თათუშას ქმარი? ან ვინ არის მის მაგიერ.

მომწერეთ მთამსვლელების ამბავი.

მოკითხვა გადაცემით მწერალთა კავშირის ამხანაგებს. აბა, ვათავებ წერილს, უკვე თენდება. აქ ახლა მეტად ადრე თენდება. ქარბუქებში გამოძვრება ხოლმე სითეთრე, ხოლო თუ მოწმენდილია — დაბალი მზის სხივები თვალს ქრის... თოვლის მიერ აქ ყველაფერი დამონებულია, მხოლოდ ტუნდრაა გამეფებული ირგვლივ. მძიმე სიტყვა ყოფილა ტუნდრა!

გავკლარავდი, აქ ყველა „Батя-ს“ და „Старик-ს“, ვინ „Дедушка-ს მეძახის, რაც ფრიად მაცინებს, მაგრამ, მართალია; უღვაშები მთლიანად გამითეთრდა, წვერებზე ხომ აღარას ვიტყვი. თმა კი საერთოდ გაკრეპილი გვაქვს, არ გვიყენებენ.

ამ წერილს როდესაც მიიღებთ, მანდ ხომ გულდაგულ ზაფხული იქნება გამეფებული. აქ კი ჭერ „ბარე ორი“ ყინვა დაჰკრავს და ქარბუქი გადაგვივლის. თუმცა ჰაერს და გარემოს შეეტყო — ისეთი საოცარი ყინვები, — 70° აღარ არის. უეცრივ ჩამოთბება ხოლმე, „თოვლიც ჩაშავდა“, ზოგან გადაიხვეტა და ტუნდრის სიშავე უარესად გამოჩნდა. ჩანს, ისევ ზამთარი სჭობია ტუნდრაში. იქნებ ზაფხული უკეთესი დარჩეს... ვნახოთ. მე ვეჩვევი გარემოს, რა ვქნა, სხვა გზა არა მაქვს. ვწუხვარ, რომ ყოფის პირობები იმდენად მძიმეა, რომ ლიტერატურული მუშაობის წარმართვა მეტად მიჭირს, ეს კი ჩემი სასიცოცხლო პირობაა, ვცდილობ და ვეცდები მომავალშიც — რამე მოვიმოქმედო. ეჰ, უამრავი მაქვს საწერი. მოუთმენლად ველი ქალაქს და წიგნებს. იმედს არ ვკარგავ, რომ კიდევ დავწერ და არც თუ ცოტას.

თქვენგან გამოგვწავნილი ამანათი რომ გავხსენი, ჩემი

თავი საქართველოში მეგონა, ასე ხშირ-ხშირად ამანათების გამოგზავნას თქვენ ვერ შეძლებთ. თვეში რომ ერთი მოახერხოთ და გამომიგზავნოთ, ისიც დიდია ჩემთვის. მე ახლა კარგად ვარ და ნურც თქვენ ვალარიბდებით ამდენი ხარჯით, რომელიც მე თქვენ მოგახვიეთ ჩემდა უნებურად. ყველაფრისათვის ისედაც დიდი მადლობელი ვარ. მომწერეთ ყველაფერი დაწვრილებით. მე ყველაფერი მაინტერესებს, რაც მანდ ხდება და როგორ ცხოვრობთ, ამ მხრივ საოცარი სიხარბე დამჩემდა.

ყველას მოკითხვა, გკოცნით

ლ ე ვ ა ნ ი“.

ცოტა ხნის შემდეგ ლევანისგან რამდენიმე ღია ბარათი მივიღეთ. გვატყობინებდა ამანათებისა და ბანდეროლების მიღებას. მერე წერილებიც მოვიდა. ასე რომ, მიმოწერა მოწესრიგდა, ამით მცირედი შელავათი მოგვეცა ჩვენც და ლევანსაც. თითქმის ყოველდღე ვუგზავნიდით გაზეთებს, წიგნებს, წერილებს, კვირა ისე არ გავიდოდა, ამანათი და ფოსტით ფული არ გავგზავნავნა. იმის შემდეგ რაც ლევანმა საპონზე საკმაოდ ორჭოფულად მოგეწერა, მივხვდით რაც უნდა გაგვეცეთებიანა: 25 მანეთიანს შევაცურებდით სარეცხის საპნის სიღრმეში და გარედან ისე ოსტატურად ამოვგოზავდით, რომ საპონზე ჩვენი „საიდუმლოების“ არავითარი კვალი არ რჩებოდა. პირველ ხანებში მაინც ვღელავდით, ამის გამოვლინებას ლევანისთვის არ ევნო, მაგრამ წლების მანძილზე ეს მეთოდი მეტად უშიშარი და მყარი აღმოჩნდა.

„ჩ ე მ ო კ ა რ გ ე ბ ო I“

26. VII. 1948 წ.

თქვენი გამოგზავნილი წერილები და ამანათები წესიერად მივიღე, განსაკუთრებით ძვირფასი გამოდგა საპონი... ხულ ბეწვზე მომისწრო და წესიერადაც მივიღე. ამ მხრივ ცოტა ხნით უზრუნველყოფილი ვარ. ფოსტით გამოგზავნილი ფული ჭერ არ მიმიღია, ვმუშაობ აქაურ აფთხაქში, ისევ ახალი სპეციალობით — „სანიტარი“. თუმცა ხშირად ვებ-

მარები ანგარიშსწორებაშიც. ასე რომ, შემდგომში მედიკამენტები არ დაშვებულა, არც ვიტამინები.

ახლა ბანდეროლის მოლოდინში ვარ, ველი წიგნებს, გაზეთებს და ქალაქებს — იქნებ დავწერო რამე. ეპ, რამდენის შეკითხვა და რამდენის გაგება მინდა, მაგრამ... საიდან დავიწყო არ ვიცი, ვინ არის მწერალთა კავშირის თავმჯდომარე, მდივანი? ჩემს ხელნაწერებზე რომ გწერდით, თუ შეაკითხეთ? მინდობილობა გამოგადგათ თუ არა — ახლა ალბათ ყველგან უარი დასდევს ჩემს გვარს... არაფერია, მთავარია თქვენ კარგად და ჭანჭრთელად იყოთ. მე კი, ვფიქრობ, ჩემი „ბედის“ იმედი მაქვს... ახლო მომავალში შეტრიალდება. როდისმე სიმართლემ ხომ უნდა საბოლოოდ გაიმარჯვოს. ვნანობ რამდენი განსახორციელებელი წიგნი დამრჩა, მაგრამ ვეცდები არ დავიტოვო.

ერთს გთხოვთ კიდევ, ჩემს წერილში დასმულ კითხვებს უპასუხოდ ნუ დატოვებთ.

მოკითხვა, შორეული სალამი ყველას — შინაურებსა და სხვათაც. მე განგებ სახელებს არ ჩამოვთვლი ხოლმე, არცა ვწერ სხვებს, ასე უმჯობესია.

ძალიან ვნანობ და განვიცდი სხვა ჩემსავით შორს წასულთა უბედობას, მაგრამ ან რას მოვეხმარები, ან რასა ვიქ? ვერ გამიგია ვის ან რად დასჭირდა ყოველივე ეს? უღანაშაულო ხალხის დასჯა-წამება, ეს ხომ ბარბაროსობაა, თუმცა... ამ წყობაში არ არის გასაკვირველი?

მომწერეთ უფრო დაწვრილებით მათ შესახებ.

წიგნებს კიდევ ველი თქვენგან, მხოლოდ მათი მეოხებით ვცხოვრობ და ვცოცხლობ.

აქ უამრავი ცალკეული ბანაკებია — დახურული და სარეჟიმო. მართალია, იქ რა ხდება, არავინ იცის, მაგრამ ყველგან ისეთი მძიმე ყოფა და უმძიმესი შრომაა გამეფებული, აბა იქ რა იქნება? ალბათ საშინელება, ეს ყველასათვის ასეა ცნობილი. ბევრი ვერ უძლებს და ასე უმოწყალოდ იღუპება. კატორღელებიც აქ არიან ჩვენთან ერთად. ჩვენ შორის განსხვავება წაშლილია. ჩვენც კატორღელებად ვითვლებით ნომრიანები.

გჟოცნით და გისურვებთ მრავალს და მრავალს.

„ჩემო კარგებო! ვსარგებლობ შემთხვევით და კვლავ გწერთ, ხშირად გწერთ, სულ გწერთ, გულს ვიოხებ, თქვენს სამყაროში გადმოვდივარ და აქაურ აწმყოს ვივიწყებ, თქვენ კი იწერებით ორი თვეა წერილი არ არისო. თქვენი ბარათები და ამანათები მომდის, გასაკვირველად სავსებით წესიერად, მთელი შინაარსით და მოცულობით.

მე ჭერ იქვე ვარ სამუშაოზეც (აფთიაქში) და ადგილსამყოფელის მხრივაც.

აქაურ მძიმე ცხოვრებას ვგონებ შევეგუე, არა, ვერ მივეჩვიე. მხოლოდ შევეგუე. მადლობა ყველაფრისათვის, განსაკუთრებით წიგნებისათვის. რომ გავერთობი სოლმე ქართული წიგნებით, თავი საქართველოში მგონია, ამას წინათ გწერდით წიგნების სიას, თუ მიიღეთ. აბა, კარგად იყავით, სულ კარგად.

ჯოცნით.

თქვენი ლე ვ ა ნ ი“.

8. IX. 1948 წ.

„თინა! დღეს მივიღე შენი წერილი. ამ კვირაში კიდევ მიღებული მაქვს თამრიკოს დახურული ბარათი და ღია წერილი (ახალდაბიდან), ასევე მიღებული მაქვს სავსებით წესიერად 2 ამანათი და 2 ბანდეროლი. მხოლოდ ბანდეროლში ლიტერატურული გაზეთები აღარ აღმოჩნდა (სიასი კი ეწერა). თქვენი წერილებიც წესიერად მომდის, ესაა აქედან გამოგზავნილი ჩემი ბარათები იგვიანებს.

როდესაც ქართულ წიგნებსა და გაზეთებს ვკითხულობ, მაშინ ვცოცხლობ — სხვა დანარჩენი დრო კი თითქოს ძილბურანში მიიზლაზნება. ჭანმრთელობის მხრივ კარგად ვარ, ვეგუები, უფრო სწორად, უნდა შევეგუო — მით უფრო, უკვე ზამთარში შევდგით ფეხი. წყალს უკვე უინავს, ურალი კარგა ხანია დათოვლილია. თქვენთან, ალბათ, ეს ამბავი საოცრად ურწმუნოდ უდერს.

ხშირად, ძალიან ხშირად შევნატრი იმ თეთრ დათვს, რომელიც აქედან არის წამოყვანილი და მანდ, თბილისის

ზოოლოგიურ ბაღში სიცხისაგან ხული ამოსდის! არც მე მალვას კარგი დღე მის სამშობლოში.

მაშ ცინისძირში იყავი, მზია? შესანიშნავი ადგილია. რომ მომაგონდება, ზღაპარი მგონია და საერთოდ მე ახლა აქ მხოლოდ წარსულის ზღაპრებით ვცხოვრობ. წიგნები— ქართული წიგნები, ვიცი ძვირია, თქვენც ვერა ხართ დალხენით, მაგრამ უველაფრის ხარჯზე — წიგნებს ნუ მომაკლებთ. მე მეტი არაფერი დამრჩენია!

გ წ ე რ დ ი თ: 1. „დავით აღმაშენებელი“, I—II ტომი გამოშიგზავნეთ.

2. „ამბავი ბესიკ გაბაშვილის“, ვგონებ უკვე სამი ტომია.

3. „საქართველოს ისტორია“ (ჯანაშიასი, ბერძენიშვილის და ჭავჭავაძის), ეს აუცილებლად მჭირდება.

4. „ჭავჭავაძე“, ეთნოგრაფიული ნარკვევები მაკალათიასი. მე მქონდა ჩემს წიგნებში, აუცილებლად ნახეთ.

დანარჩენი თქვენ იცით.

„ლიტერატურული გაზეთის“ გამოწერისათვის დიდი, დიდი მადლობა.

ტანისამოსი არაფერი არ მჭირდება, აქაც არაფერი გამომირთმევია.

ოღონდ, თუ შეძლოთ, შალის ხელთაჩმანები და ჩუსტები გამომიგზავნეთ.

აბა, კარგად იყავით, კარგად და თქვენი ამბავი ხშირ-ხშირად მომწერეთ.

გელი მზიას წერილს, როგორ მოიზაფხულა, მოკითხვა უველას, ვისაც ვახსოვარ. თუმცა კარგად ვიცი, რომ დავიწყებას ხსოვნაზე უფრო დიდი ძალა აქვს.

გოცნით თქვენი ლევანი.

ვორკუტა, მისამართი იგივე“.

„ჩემო კარგებო!

15. XII. 1948 წ.

რამდენ ქორწილსა და ნათლობას ჩამოვრჩი. აქ ძველებურად მიიზღაზნება ვადა. ზამთარი საოცრად თბილი გამოდგა ჭერჭერობით. აქეთ ტუნდრა გვწყალობს, მაგრამ წინ ბევრი ქარბუქი გველის, მეტად ბევრი, გარშემო, შინ და სულშიც.

წავიკითხე მუინვარწვერზე დიდლაშქრობის შესახებ, მონარული ვარ, რომ მთამსვლელობა ისევ ვითარდება. მაინც ვითარდება და მწვერვლებს იპყრობს. მე მუდამ „მწვერვლების“ მოტრფილე ვიყავი და დავრჩები. მათთან საერთოს გარდა — პირადი სამადლობელიც მაქვს. სანუკვარი, სრულიად თავისუფალი წუთები მე მხოლოდ და მხოლოდ მთებში განმიცდია. ამ „ვალიდან“ ალბათ ვერასოდეს ველარ ამოვალ, მაგრამ მთის ხილვას, იმედს გულში ვატარებ.

ჩემს ცხოვრებაში ჩემს კისერზე იმდენი „ორომტრიალი“ ამოგორდა და გადაიფარცხა, რომ მჯერა — სადმე ცისარტყელა მაინც დამხედავს. დღევანდელი ჩემი ცხოვრება კი „არც ჰოსა ჰგავს და არც არასა“.

გაკონით ლევანი“.

„ჩემო კარგებო!

I. 1949 წ.

ესეც ახალი წელი!

მოგილოცავთ! შორიდან მოგილოცავთ!

ისე შორიდან, რომ არც კია სარწმუნო, ძნელი დასაჭერებელია, რომ აქაც და მანდაც ერთი და იგივე თარიღია! ერთი და იგივე წელთაბრუნვა!

გისურვებთ — ყველას ერთობლივ და სათითაოდ — ბედს, კარგ ბედს, კეთილ ბედს, ასე და ასე...

ოჰ! რა ტკბილია თვალს რომ დავხუჭავ და მაქაური დროის მაჩისცემას შორიდან განაბულად ვუსმენ. ადამიანურ სევდას გავინაპირებ და ფიქრით მომავლისაკენ გავიტყორცნები.

ოცნება ხომ იმ მატარებელსა ჰგავს, რომელსაც ორთქლმავალი უკან აბია და წინ მიაქროლებს, უკან კი განვლილი ლიანდაგი რჩება და ორმაგად ბზინავს.

კეთილად მოვიგონოთ ღირსეულნი, სამშობლოს დედანი და მამანი, ის მოღვაწენი, რომლებიც ამ მიჯნამდე ველარ მოგვეყვნენ და ახალწლის სათვალავზე ჩვენ შორის აღარ აღმოჩნდნენ...

გზა დავულოცოთ, ვინც ამის შემდეგ მოვა ცხოვრებაში, დე ბარაქიანი იყოს საქართველოს მომავალი, რომელიც ახალთაობის კვალს ჭერ ფეხშიშველა გაიტანს, მერე კი განმტკიცებული მუხლით და მხრით გასწევს მძიმე ჰუანს საბოლოო გამარჯვებამდე.

გულითადი მოკითხვა მახლობლებს, კეთილმსურველებს — ნათესავ-მეგობრებს. ვისაც ვახსოვარ, ვისაც რაიმედ უღირს ჩვენი სურვილი, მილოცვა და კარგად ყოფნა!

სახელდებულ მოკითხვას კი კარგა ხანია თავი დავანებე... გადავეჩვიე. უფრო სწორად, გადამაჩვიეს, მაიძულეს.

ახალ წელიწადს ჩვენც „თითქოს“ საქართველოში ვიყავით. ამანათებმა მეც და კოლიასაც (მელიკოს ძმა) ზედსულზე, 31/XII მოგვისწრო. ასე რომ, ქართული „სუფრა“ გავშალეთ და ამ ჩვენს სუფრას გოზინაყიც არა ჰკლებია — კოლიამ მოადულა (მის ამანათში თაფლი გამოჩნდა, ჩემში კი ნიგოზი).. მართალია, ცოტა დაგვეწვა, მაგრამ ვისაც გავასინჯეთ, ფრიად დიდი ქება-დიდებით აგვავსო. ერთი სიტყვით, ტკბილ-ქართული ახალწელიწადი გავითენეთ, ისევე საქართველოს მადლით, თქვენი წყალობით.

ხმელი ჩირი და ჩურჩხელები ხომ სავსებით ავსებს აქაურ „ქართულ სურათს“. აქ მრავალი უცხოელი და სხვადასხვა ტომია და ჩურჩხელას „грузинская капуста“ დაარქვეს. ხახვსა და ნიორს ნულარ გამოაგზავნით, რადგან აქ დუქანი გაგვიხსნეს და შიგ ასეთი რამ იშოვება.

ტანისამოსიდან არაფერი არ მინდა. ჭერ არ გამიცვეთია, ან სად უნდა გავცვიოთ, სულ ტანზე მაცვია, რეცხვა იშვიათად არის, თუმცა თეთრმა ახლა შავი ფერი მიიღო. არც ფეხსაცმელები მჭირდება. რაც შეეხება თხოვნის მიწერას, მეც ასე ვფიქრობ, ჭერ ღრო უნდა გავიდეს. ვნახოთ, ახალი წელი რა შემსუბუქებას მომიტანს. ჩათვლე-

ბის შესახებ კი უკვე გწერდით, არავითარი ჩათვლები.

აქ დღე-დღეა, ისიც უმზეო, ჩალამებული, ჩაყინული, ქარბუქითა და მავთულხლართებით ჩამოხუთული. ამ კვირია კი ისეთმა სიცივემ შემოგვიტია, რომ რკინას აცრემლებს — ნახევარ ასეულ გრადუსს გადააქარბა... ვაი, იმის ბრალი, ვისაც გარეთ უხდება გასვლა და მუშაობა. მე, პირადად თბილ ადგილას ვარ... ხოლო ჩემი მთამსვლელური „გუდანაბადი“ — საძილე ტომარა — მეტად მშველის, ასე რომ, კარგად ვარ, ჭანმრთელად.

საერთოდ მე დავრწმუნდი, რომ ქართველები მრავალ სხვა ტომზე უფრო გამძლენი და ამტანები ყოფილან — თვით შორეულ ჩრდილოეთის პირობებში. მით უფრო მაშინაც კი, როდესაც მძიმე პირობების გამო ადამიანური ღირსებაც აქვთ შელახული.

სიამოვნებით ვკითხულობ გაზეთებში და რუსულ ჟურნალებში ქართველ მთამსვლელთა ასვლების შესახებ, მიხარია და თითქმის მათთან ვარ, როგორც ჩრდილი, მათი ასვლების მონაწილე და მათი სიხარულის თანამოწიარე.

მართალია, ეს უკვე ძველი ამბავია თქვენთვის, მაგრამ აქ, „ქვეყნის კიდზე“, ყოველ მანძილს ჩვენთვის მნიშვნელობა დაკარგული აქვს... მათ შორის დროის მანძილსაც... საერთოდ... როგორც უცნაურობა, აქ დროისა და მანძილის გარეშე ვცოცხლობთ! ვცხოვრობთ, ვადას ვთოხნით და ვცოხნით.

დევის და სხვა ბავშვებს გულითადი ახალი წლის მოლოცვა. ყველანი მახსოვს, ყველას ვიგონებ, ყველას შორეულად ვესიყვარულები. ვოცნებობ საქართველოზე და ოცნებაში იგი უფრო ლამაზი, უფრო სანდომი და უფრო მშობლიური მგონია, მაგრამ ამასთან ერთად გული მტკივა, როდემდის უნდა იყვეს ტუსალი ასე შებოქილი და დამონებული.

ახალ ქართულ ლიტერატურაში ნუთუ არაფერი არ არის კარგი და ღირსშესანიშნავი? გამომიგზავნეთ „ვეფხისტყაოსანი“, მცირე ზომის გამოცემა, მანდ მქონდა. ნუცუბიძისეული რუსული თარგმანიც გამომიგზავნეთ. სხვა ახალი წიგნები არ დაგავიწყდეთ. თავს გაბეზრებთ ამით, მაგრამ რა ვქნა, ჩემთვის აქ ქართული წიგნი ქართული

მიწაა და იქნებ მეტიც — მიწაცა და სულიც. უველაფერი ნამდვილი ქართული უსაზღვროდ, განსაკუთრებულად მიყვარს, იქნებ ამიტომაც ვისჯები.

თქვენი შორეული ძმა ლევანი.

კარხა ხანია მზე აღარ მინახავს, მაგრამ იანვარში მზე უკვე უნდა გამოჩნდეს ცისკიდურზე. ჭერ კი იმიერპოლარული ღამეა. თქვენს მზეს გაუმარჯოს, საქართველოს მზეს, რომელიც მე შორეულ იმედად მაქვს.

ჯოცნით უველას, ლევანი“.

„სალამი უველას

14. II. 1949 წ.

ჩემო კარგებო!

კვლავ ახალ წელს გილოცავთ, შორიდან ახალწლიურ მრავალუამიერს გეტყვით და გაიხარეთ, უველას იმედიან გამარჯვებას გეტყვით, დროის სივრცეში გაცრილ მადლმარილიან სიტყვას გიგზავნით. ქართული სიტყვაც ხომ ჩვენი ახმაურებული, ენამოდგმული მიწა-წყალია. ჩემი სამშობლო მთელ კაცობრიობასთან ერთად კიდევ ერთი წლით უფრო ხნიერი გახდა, უფრო დაბრძენდა. ჩვენი მიწა-წყალი ჩვენ ძვალ-რბილში გვაქვს გამკლარი. დედაენის დიდ ბურჯს — სამშობლოს დაგილოცავთ.

ეს უკვე შესამე „მოლოცვიანი“ წერილია... მაგრამ, ვაითუ არცერთი სასიკეთოდ არ მოვიდა საქართველოში?

ღმერთმა ნუ ქნას, ყოველ შემთხვევაში, მე ვოცნებობ გამარჯვებას.

ვსარგებლობ და გწერთ ხან მოკლედ, ხან ვრცლად... ხან დალაგებით, ხან კიდევ „უსწორმასწოროდ“ — ისევე, როგორცაა ჩემი ცხოვრება.

1949 წელი... ვნახოთ — ეს წელი რაღა ახალ ბედს მოგვიტანს!

ვისურვებთ მრავალს, კეთილს, კარგს — თქვენცა და უველას, კეთილ მსურველებს და კეთილ ქართველებს. ესეც

იცოდეთ — სალამი და სურვილი რაც უფრო შორეულია, მით უფრო ძლიერია და ღრმა.

უკვე მალე სამი წელი შესრულდება, რაც მე აღარ ვარ თქვენს შორის. ამჟამად აღარა ვარ იქ, სადაც დავიბადე, სადაც ამიძგერდა გული და კალამი, სადაც სიყვდილი მემებოდა... გუშინდელივით მახსოვს „იქ ცხოვრების“ უკანასკნელი დღეები! სუსხი, აუგი ნგრევა, რომელიც ტყუილად მომწვდა ჩემი ცხოვრების შუა გზაზე და ისევ ყველაფერთან ერთად მხატვრული შემოქმედებითი ოცნებები ჩამიფერფლა და ჩამომფარცხა. გული სევდით და ოხვრით ამევსო, ჩემი ცხოვრება არარაობად გახადა. საერთოდ ნგრევის მხრივ ჩემი ცხოვრება საოცრად ჰგავს იმ ხერთვისის ციხეს, რომლის ნანგრევების ძირშიაც მე დავტოვე ჩემი თავისუფლება.

დარჩა ბევრი სათქმელი თუ საწერი. დაინგრა ოცნება.

საერთოდ ჭავახეთი ჩემთვის ყოველთვის საბედისწერო დარჩა.

უსამშობლოდ ცხოვრება მიჭირს, მე ჩემი მხარე თავისებურად ღრმად მიყვარს და ამ შორეთში რუდუნებით ვზიდავ ამ ტვირთს. ეს ყველაფერი წარსულია, თითქოს სხვისი ცხოვრებიდან ამოღებული. მომავალზე უიმედოდ სიცოცხლედ არ მინდა.

ახალმა წელმა ბევრი ფიქრი და ოცნება მომიტანა. რა არ წარმომიდგა თვალწინ ჩემი სამშობლოს საკეთილდღეოდ. განსაკუთრებით ახალგაზრდა თაობა, რომელსაც სჭირდება დაცვა და ქომაგობა, თანაგრძნობა. ახალგაზრდებმა მომავალში უნდა აღადგინონ ჩვენი სამშობლოს პირვანდელი სახე ბედნიერებისა, ამისათვის კი საჭიროა სწავლა და განსწავლულობა თანამედროვე მეცნიერების უმაღლეს დონეზე აყვანით, სადღეისოდ ახლა აქვს, როგორც არასდროს, ამას დიდი მნიშვნელობა და კიდევ ბევრი და ბევრი... ვერ ვწერ, თვითონ განსაჯეთ.

ახლა აწმყოზე: კარგად ვარ! ჭანმრთელად! მიუხედავად მკაცრი ჭავისა და ქარბუქისა — მე, საქართველოს მწედაკარგული.

ჩვენი ბანაკის ქუჩები (თუ ასე შეიძლება მათ ეწოდოს) ისეა დაწვინული თოვლის გორებით, რომ „ბარაკებს“ შო-

რის თოვლში საძრომებს ვაკეთებთ ხოლმე. აქაური „ძველი მცხოვრებნი“ კიდევ აქებენ წლევიანდელ ზამთარს.

ჩვენ, პატიმრები, ბევრში ბავშვებს ვგავართ — სულ ცოტა რამ გვახარებს და ასევე ცოტა გვალბობს, გულს გვიკლავს. აქ ძველებურად, სულ ძველებურად, დახავსებულად ვცხოვრობთ გულდადაგულნი.

„ქართული ისტორია“ მიღებული მაქვს, „არგონავტიკა“.

ტანისამოსისეული არაფერი მჭირდება — თბილად ვარ. ველი ბანდეროლს, გაზეთებს... ლიტერატურულს და ასე და ასე.

გამომიგზავნეთ „ვეფხისტყაოსანი“, ჭიბის მცირე გამოცემა, ქართულიცა და რუსულიც, ორივე მანდა მაქვს, ჩემს წიგნებში. თუ გამოვიდა „ქართული განმარტებითი ლექსიკონი“, ისიც გამომიგზავნეთ.

საერთოდ ნუ მომწყვეტავთ ახალ ქართულ ღირსშესანიშნავ გამოცემებს — ჩემთვის ეს მეორე პატიმრობა იქნება. ჩემი ნაბეჭდი ნაწერები საერთოდ თუ შემოგორჩათ სადმე, როგორმე გამომიგზავნეთ.

მაშ ასე, როგორც ხედავთ, ჩვენთან ახალი და კარგი არაფერია. აქაური დღეები, უფრო სწორად ღამეები, ქვანახშირით დატვირთულ საბარგო მატარებელს მაგონებს, ყველა ურთიერთსა ჰგავს, ისეთი შავი და უხალისოა. ვმუშაობ ძველებურად საანგარიშო დარგში და გაუთავებელ ჩალასავით ვღეჭავ ვადას, მაგრამ საერთოდ ჭერ დრო უნდა გავიდეს. მეც ასე ვფიქრობ. მერე ან მომიგონებენ, ან მე მოვაგონებ თავს. ნუთუ სინდისის ქენჭნა აღარ არსებობს მანდ და გაირეცხა ყველაფერი. არა და, თქვენ კარგად იყავით, ჩემი დარდი ნუ გექნებათ. ახლა ისეთ ხასიათზე ვარ, მგონი ასწლიან ვადას ავიტან... მივეჩვიე... ჰო და, რა ბედენაა, ყველაფერს ავიტან იმ იმედით, რომ ოდესმე კავკასიონის მიჯნას ისევ მოვწვდები, ყველას თავიდან ვიხილავ და ცხოვრებაც თავიდან დაიწყება თითქოს.

აბა, გოცნით თქვენი ჩრდილოელი ძმა

ლ ე ვ ა ნ ი.

ქ. ვორკუტა.

მისამართი იგივეა“.

„ს ა ლ ა მ ი , ჩ ე მ ო კ ა რ გ ე ბ ო ს

15. 11. 1949 წ.

მე სულ ვწერ და ვწერ—გულს ვიოხებ.

ორი ამანათი ერთად მოვიდა.

№ 1 გამოგზავნილი თინას წერილით და № 2 თაშარის მიერ 24/I გამოგზავნილი. რა ამბავია? თქვენს თავს მიხედეთ, აბა მე კი ნუ გადამყვებით. ამას უკვე მეორეჯერ ვწერთ, რადგან შარშან მრავლად და განუწყვეტლად მომდიოდა ამანათები. მე ხომ ვიცი, ეს როგორ ძნელია, გარჯით და ხარჯით.

ფული არ მჭირდება— მაქვს. ფოსტით არ გამომიგზავნოთ, ამანათები სრული წესიერებით მოვიდა. მხოლოდ მანდარინები იყო მოყინული.

საოცარი გემოვნებით იყო გაკეთებული შაქარლამა — ნამცხვარი, ვიგრძენი დიდი ოსტატობა და კეთილი გული ოსტატისა, გადაეცით დიდი მადლობა შვიდი ათასი კილომეტრის სიშორიდან, შემოთვლილი დიდი სიყვარულით. ჰოო რა შორი მანძილია! მაგრამ გულითად მადლობას და სიყვარულს დედამიწის ყოველგვარი მანძილი ემორჩილება... მით უფრო სიშორით გაძლიერებული სიყვარულითა და გრძნობით.

ასეთი შაქარლამის გამკეთებლის ხელები წარმოდგენილი მაქვს. მოკითხვა მათ სამივე თაობას, შუა თაობას კი განსაკუთრებით!

„ძველი ქართული ქრესტომათია“, მით უფრო ჩემთვის, ძვირფასი საჩუქარია. ვეცდები ავასრულო თინას პირობა და თუ ოდესმე მიწერია საქართველოში დაბრუნება; თან ჩამოვიტან ბევრ ნაშრომს, გამდიდრებულს ჩემი გულისთქმით.

გამახარა „ბესიკის“ სამმა ტომმა, ერთი სიტყვით, ახლა გვაქვს საკითხავი ქართული წიგნები.

წიგნებით თავი შეგაწყინეთ, მაგრამ მეტი გზა არაა! ჩემი ბუნების პატიმრისათვის წიგნი თავისუფლების შეფარდებითი თანაბარია. ვნანობ, რომ ჭავჭავთის ეთნოგრაფიული ნარკვევი ველარ იპოვეთ — დაწერა მინდოდა. ცოტ-ცოტას ვმუშაობ მაინც... უფრო ვცოდვილობ, მაგრამ ეგ-

ეც არაფერია — ქართველი მწერლის ბედი სიცოცხლეში მაინდამაინც სახარბიელო არასოდეს არა ყოფილა! მით უფრო ამ დროში, ახლა, მაგრამ მე ისეთი უკუღმართი ბედისა ვარ, სიკვდილის შემდეგაც გადავაფიწუდები ყველას.

მზიას მადლობა „ლიტერატურული გაზეთის“ გამოწერისათვის. ასე რომ, მომავალში ველი — და განა მარტო მე?!

ველით!... ჩვენ ხომ არც რადიო და არც სამკითხველო არა გვაქვს. თინა და თამარ! მედიკოს სია გამოუგზავნა კოლიამ, სამედიცინო წიგნებისა და, თუ ძნელად საშოვნელი არ არის, მიეხმარეთ. კოლიაც მეცადინეობს და აქ სხვა თქვენს კოლეგებსაც სპირდებათ და ძალიან იხვეწებიან.

მე შევიკეთე კბილები. ასე რომ, მანდაური ქალიშვილები „კბილებით“ ვერ დამიწუნებენ. ჭერ ძველებურად ყველა შემჩნა.

...თქვენი დახმარებით აქ არც „საკბილე“ მაკლია, ვერც ჭანმრთელობას დავემდურები. ჭანი ისევ ძველებურ-მეგობრულად ერთხელ კიდევ გვერდში ამომიდგა და ერთგულად შემსახურება. რა ჰქნას, ბევრი ჭაანწყვეტა შეგვხვდა, კიდევ წინ ვინ იცის, რა მოგველის, დრო ბლომად არის, ჩემს გრძელ ვადას ორი ხელის მტკაველი სპირდება. კოლიას კი სამი. ასე უბრალოა თითებით ანგარიში, წაღმაც არის და უკუღმაც.

მაგრამ ეს ნურავის ნუ დააღონებს, არც იმდენია, რომ კაცმა გული გაიტეხოს და არც ისე მცირე, რომ სულწასულობა გამოიჩინო!

ზამთარი აღარ მაშინებს, კვლავ მივეჩვიე და თანაც არც თუ ისე, როგორც უმაღლ. გარდა ამისა, მე თბილ ადგილას ვმუშაობ, ასე რომ, ამ მხრივ ნუ დაიდარდებთ.

ელენე ჩერქეზიშვილის საოცარი სათუთი ტრაგედიის ამბავი არ ვიცოდი. ჰაი, ჰაი, ის დიდ მსახიობთან ერთად დიდი დედაც ყოფილა.

წავიკითხე თბილისის ახალმშენებლობათა შესახებ. ჩინებული ამბავია, ნეტავი ერთი თვალით გადმომახედა.

ჩვენს მწერლებს კი რა „დამბლა“ დაეცათ? მოსკოვში და სხვაგან როგორ მუყაითად მუშაობენ. გასაკვირია.

დედა როგორ არის? გაამხნევეთ, ჭანმრთელობა გამო-

უკეთეთ, ექიმები არა ხართ? ჩემგან დიდი სიყვარულით მოკითხვა გადაეცით. ვერ წარმომიდგენია, რომ ჩემთვის ბარათის მოწერა აღარ შეუძლია. წინათ კი მისი ბარათი ყოველთვის მე მამხნევებდა და იმედის სანერგეს მმართვებდა.

აბა, ახლა მოკითხვას ვიწყებ:

ყველას ყველას: „ოთხკუთხივ“ მოკითხვა მომიწერია! ქართული ლექსიკონი თუ გამოვიდა, აუცილებლად მიშოვეთ.

ღევიკოს აკოცეთ ჩემ მაგივრად.

თინა, შენი წერილი, სადაც მწერდი თელავის „ერეკლეს“ — დადგმაზე, მე არ მიმიღია. ასე რომ არაფერი ვიცო, როდის იყო წარმოდგენა, 1948 წელს? თუ მერე?

„ერეკლესდროინდელმა“ იმდენმა წყალმა ჩაიარა, მაგრამ მაინც მაინტერესებს.

ლიტერატურულ გაზეთში წავიკითხე, გამოსულა „ქართული თეატრის ხალხური საწყისები“ ჭანელიძისა, უსათუოდ გამომიგზავნეთ.

გოცნით ყველას, თქვენი ლევანი“.

„ჩ ე მ ო კ ა რ გ ე ბ ო !

‘ 2. 1V. 1040

რალაც შეგვიანდა თქვენი წერილები.

მე კი გწერთ და გწერთ. წერის დროს სულ მავიწყდება გარემოცვა, ფიქრით და გულით თქვენთან ერთად, სამშობლოში ვარ.

ყველას დიდი მადლობა საერთოდ და ცალკეულად. ყველას ვგრძნობ, ყველა მახსოვს. ყველა განსაკუთრებულად მიყვარს და ღრმად ვცემ პატივს. ყველაფრის მადლობელი ვარ, რა ვქნა, ასე „სამადლოდ“ შემიქმნეს ჩემი ცხოვრება და საქმე. თუ მესამეჯერ მომიხდა ცხოვრების დაწყება, კიდევ მოვახერხებ მთელი გული სიყვარულით გადაგიშალოთ. ვიდრე მე ცოცხალი ვარ, მელოდეთ, მელოდეთ და თუ გამიმართლა იმედმა, არც ხელს მოგაკლებთ

და არც სინათლეს, კიდეც მოვახერხებ ვალებიდან ამოსვლას.

ყველა ამანათი და წიგნი მიღებული მაქვს.

მე კარგად ვარ, საოცრად მივეჩვიე ჩრდილოეთს, ეს არც არის გასაკვირი... ბოლოსდაბოლოს მე მხოლოდ დავიბადე საქართველოში, თორემ—გავიზარდე და ვგონებ ვბერდები კიდეც ამ ჩრდილოეთში. რა ჭირი გადამეყარა სახედრისა და პიტნისა არ იყოს.

მანდ აპრილია. აქაც აპრილია ქართულივე კალენდრის მიხედვით. აგერ მივიღია კედელზე თქვენი გამოგზავნილი, რომელიც ტკივილსა და სიხარულს ერთდროულად მანიჭებს. მაგრამ გარეთ წუხელ და ღღეს ისეთი გიჟი ქარბუქი ამოვარდა, რომ ვერავინ გავიდა სამუშაოზე, ქარი თხრის და ანგრევს ყველაფერს ამ ისედაც მოთხრილ და მუდამ შფოთიან მხარეში. 40 მეტრის სიჩქარეს აღწევდა წუთში, სულის მოთქმა არ შეიძლება გარეთ, ესეც პირველი აპრილი.

ტყუილად კი არ მღერიან აქ:

«Эх ты, Коми-Воркута,
Дивная планета,
Двенадцать месяцев зима,
Остальное — лето.»

შესაძლოა ლექსი არ ვარგოდეს, მაგრამ სიმართლე კი უდავოა.

ისიც თითქოს პირველი აპრილია. ოკუპაციიდან და ტყვეობიდან დაბრუნებული დატანჯული ხალხიც აქაა, ბევრმა არც იცის, რა აქვს მისჯილი და რისთვის ზის. ემიგრანტების ჯგუფში კი ბევრია საწყალი გადმობირებული ქართველი.

ამ ბოლო დროს ვეშურები წერილების მოწერას. ახალი ადგილიდან (სადაც მე უნდა გადამაგზავნონ, სხვა განყოფილებაა, ეს სულ 10—12 კილომეტრის მანძილზეა ჩვენგან), ვინ იცის, როგორ იქნება. როგორც გწერდით, იქ უფრო მსხვილი მავთულია და სასიკეთოს ჩემთვის ვერაფერს ვხედავ.

სამოვნებით ვკითხულობ „ძველ ქართულ ქრესტომათიას“, ვისვენებ სულთერად.

ცოტა ხელი ავაწყვე — კალმოსნობაც მოვახერხე, ახლა, გადასვლასთან დაკავშირებით კი ისევ მეშლება ხელი. ერთი სიტყვით, ჩემი ცხოვრება ცხენზე გადაკიდებულ ხურჭინსა ჰგავს, ხან ერთი მხარე გადაძლიევს, ხან — მეორე. თქვენ ყველა როგორ ხართ? როგორ ცხოვრობთ? თქვენცენ რა ამბავია?

ათასი კითხვა მაქვს, მაგრამ რა ვქნა, ყველაფერი რომ შეგეკითხოთ, ამდენი კითხვის ნიშნებს რა წერილი გაუძლებს? წერილი კი არა, გეოგრაფიის ბოძებად ეყოფოდა ძქედან საქართველომდე.

ჯოცნით ყველა ნათესავს.
თქვენი ძმა ლევანი“.

ჩ ე შ ო კ ა რ გ ე ბ ო !

27. IV. 1940 წ.

გიგზავნით ბარათს ახალი ადგილიდან, კარგად ვარ, ჩემი მისამართია: Коми АССР, г. Воркута ОЛП — № 2. Почтовый ящик № 223/40 «Р».

უკანასკნელი ასო ნიშნავს Реж. лагерь (სარეჟიმო ბანაკი). ახალი ბანაკი უფრო დიდია, ის მ მალაროს ემსახურება. Ачуга шахта № 13. აქ 7 ქართველია, ვაშა! ჩემს ცხოვრებაში თითქოს არაფერი არ გამოცვლილა ჭერჭერობით, ცოტა ხნით. აფთიაქშიაც ვმუშაობ ბუნჰალტრად — თითქმის ფარმაცევტობაც ვისწავლე ამ ხანში. ერთი სიტყვით, მუშაობა თუ აქეთ-იქით გაგრძელდა, ვადის დამთავრებისას ექიმი არ გამოვიდღე მეშახტესთან ერთად. აქ ბინის მხრივ მძიმე პირობებია. ჩვენი ბარაკები ძველი ტიპისაა და სიმაღლე აკლია. ორი წყება ხის ნარებია შიგ, ვინ მოთვლის რამდენი მწკრივია.

აქ მუოფი უმრავლესობა მალაროში მუშაობს. ჭერჭერობით წყნარო, წესიერი ხალხია. აქ ნომრიანი და უნომრო პატიმრები საერთო პირობებში ვცხოვრობთ, ისევეა, როგორც ძველ ადგილებზე. ნომრიანები კატორღელები არიან. ეცადეთ პირველ ხანებში წერილები რუსულად მომწეროთ.

აქაც ვიგრძენი გაზაფხული. თუმცა თოვლი არ დადნა, მაგრამ ტუნდრაში შავი ლაქები გამოჩნდა. მდინარე ვორკუტა, რომლის მახლობლადაც არის ჩემი ამჟამინდელი სამყოფელი, ჭერ კიდევ ყინულის ჩოხაშია ჩამჭდარი. უკვე ნათელი ღამეები დაიწყო, მალე სრულიად აღარ დაღამდება.

თქვენგან წერილის მიმოსვლა მაინც შეფერხდა, ახალ ადგილზე ჩემი გადასვლით ჩვენი წერილების ისედაც დიდ გზას ერთი ხვეული საფეხური კიდევ შეემატა, ათასგვარი მოსალოდნელი და მოულოდნელი საფრთხე და დაბრკოლებები უნდა გადალახოს. ოთარანთ ქვრივის რკინის ქალამნები გაცვდებოდა. აბა, ქალაღი რაღა ბედენაა.

აქაც შეიძლება დიდხანს არ დამტოვონ, რადგანაც ჩვენ, პატიმრები, უმციურესობა ვართ, დანარჩენები კატორღელები არიან. ეს ნუ ჩაგაფიქრებთ, სულ უბრალო ამბავია. ჩვენს შორის არავითარი განსხვავება არ არის, ჩვენზე იტყვიან:

„ტოლნი არიან — სწორნი არიან.

ერთად მიდიან, მიიმღერიან!“

მაგრამ მე შედარებით უფრო კარგ პირობებში ვარ.

ჩემი ჭანმრთელობის მიუხედავად, ის აღარა ვარ, რაც ვიყავ, მაგრამ კიდევ ბევრი დაეხარბება ჩემს გაძლებას. აქ კი განსაკუთრებით.

ვნანობ, რომ ისევ შემიფერხდა კალმოსნობა. აქ მეტი მაქვს სამუშაო და ცხოვრების პირობები, მწერლობისათვის ხელმოუმართავი. თავიდანვე ასე მჭირდა, ჩემი ნაწერები და ჩემი გმირები ყოველთვის ჩემზე ბედნიერები იყვნენ — დეე, არა მშურსი ასეთია ბედის შეუვალობა! გულისტკივილს და მათ სიყვარულს კი ყოველთვის ვგრძნობ.

მთელი ჩემი ლიტერატურული მუშაობა დაცდაზე და მოსწრებაზე იყო დამოკიდებული. ეს ჩემი კალამი კი ჭიკუცილასავით მისრიალებს ხელში. ჭერჭერობით კალამი დაკარგული მაქვს და დამრჩა ბევრი განუხორციელებელი წიგნი, რომელიც მე უკალმოდ და უქალადოდ დაწერილი მაქვს. ბავშვობიდან ასე მაქვს და ასე დამრჩა ფანტაზიისა და ასოციაციის დიდი უნარი, მისი სიმრავლე ჭერ დაუწერელ წიგნებს და მოთხრობებს მაგონებს. შესაძლებლობი-

ხთანავე ხორცს შევასხამ და თქვენ გამოგიგზავნი.

რაც დრო გადის, საქართველო სულ უფრო და უფრო მშორდება, რეალურ სახეს თანდათანობით კარგავს და რაღაც არახორციელ ოცნებად შექცევა.

ამ გრძნობას თქვენ ალბათ ვერ შეიგულისხმებთ, იგი მხოლოდ სამშობლოდან შვიდი ათასი კილომეტრის მიღმა იშვება.

ბელმა იმდენი საოცრება მარგუნა, რომ მცირელი კეთილი შაკვირებს და ვეება აუგი ბუნებრივად მიმაჩნია.

ვერ ამიხსნია,

ვერ გამიგია:

სამშობლო იმიტომ მიუვარს ასე ძალიან, რომ ასე შორსა ვარ, თუ ასე შორსა ვარ იმიტომ, რომ სამშობლო ასე ძალიან მიუვარს?!!

ემა ისევ სხვა რამეზე ვისაუბროთ, ეს ყველაფერი კი „ჩოჯოხეთია მოსაგონებლად“.

თქვენ სულ აღარ მწერთ, რა ამბავია?

ოჯახში ხომ ყველა კარგად ხართ?

ისევ და ისევ შორეული მოკითხვა ყველას ხათითაოდ და ერთობლივ.

თქვენს ძმა ლევანს“.

„თ ი ნ ა I

8. VII. 1948 წ.

ეს ნაწყვეტი რომანიდან „ორომტრიალი“ შემინახეთ, ახე ნაწყვეტ-ნაწყვეტად და „ნაკუნ-ნაკუნად“ ვწერ, როცა ამის საშუალება მაქვს, თუ გული მომეცემა ხოლმე. ასე „გაცოდვილებულად“ წერა არ შეიძლება, მაგრამ მე სწორედ ის მხედება წილად, რაც „არ შეიძლება“. უნდა შევძლოთ თუ ოდესმე შედირსა, მთლიან ღერძზე ავაგებ ამ ნაწყვეტებს, გამოგზავნილს ან გამოსაგზავნს, დაწერილს ან დასაწერს...

პოსტ რამდენი მაქვს დასაწერი? ნუთუ ამის დრო აღარ მომეცემა? თუ არა... დეე მათ სინდისზე იყოს, ვინც მე

კალამი ხელში შემატება, მაგრამ, ჩემდა გასაკვირად, ბოლოს წერაც მოვახერხე. ვხარობ, კიდეც არ დამჩლუნგებია კალამი.

თუ — ჰოი და კიდეც, ბარე ორ წიგნს დავაგორებ ქართული ლიტერატურის მაღალ თაროზე.

ქარგად ვარ შედარებით და შეფარდებით.

ამანათებსა და ბანდეროლებს წესიერად ვიღებ. წერილებს კი მეტად აგვიანდება — ოჰ, ეს ცენზურა!

შემაშფოთა რუსთაველის თეატრის ბედმა — დაწვამ. რა მოხდა? დიდი ზარალია და დიდი დანაკლისი.

ჩემს ცხოვრებაში ჭერ არაფერი შეცვლილა სხვა ბანაკში გადასვლასთან დაკავშირებით. ჩემი სარეჟიმო ბანაკი (Рез. лагерь) ჩამოყალიბების სტადიაშია — ვნახოთ, რას მოიტანს.

უსტარის მიღება დამიდასტურეთ.

გოცნით სუყველას.

ლ ე ვ ა ნ ი“.

ჩ ე მ ო კ ა რ გ ე ბ ო ს

გუშინ მივიღე ამანათი თამარის წერილით. ცალკე წერილები კი დიდი ხანია აღარ მიმიღია. მე კი, როგორც შესაძლებლობა მომეცემა ხოლმე, უმალ გწერთ. მხოლოდ ეს არ ვიცი, აღწევს კია თქვენამდე? ვწუხვარ. ეს აუგი და გარდაუვალი კითხვის ნიშანი მუდამ თან სდევს ჩემს ცხოვრებას, ყოფას, მოქმედებასა თუ შემოქმედებას.

ჩვენ აქ ძველებურად ვართ. წარმოიდგინეთ ჭაობის ერთფეროვნება. ძალიან მძიმე გეოგრაფიაა ტუნდრა, ისიც იმიერპოლარეთში და ისიც ბანაკში. ხალხი აქ შეუმჩნევლად ცვდება, იფიტება, უფერულდება, ავადდება, კვდება, ანდა იმდენად გლახაკდება, გამყიდველად ყალიბდება. მე არ ვეპუები ამას, თითქოს, მაგრამ წლებსა და გარემოს თავისი მაინც შიაქვს. სულიც შიაქვს რაღაცა და მე საბოლოოდ არ ვიცი, რაღა დამრჩება. ესეც საფიქრებელი და სადარდებელია, ფიქრმა კი შეიძლება მოგისწრაფოს აუგი და გაგაგოჟოს.

მადლობა, მივიღე „დავით აღმაშენებლის II ტომი. ბანდეროლებს ველი. არ ვიცი, აღარ აგზავნით, თუ მე ვე-
ლარ ვიღებ?!

რუსთაველის თეატრის ხანძარზე უფრო დაწვრილებით
მომწერეთ, ასეთი დაუდევრობა? ასეთი ზარალი? ალბათ
ბევრი აგებს სათანადო პასუხს ნუთუ მავნებლობაა? არა
მჭერა.

ჩემი უსტარი № 3—4 მიიღეთ თუ არა. გული წაიღო
ამ ფოსტამ, პირდაპირ ავი სიდედრია.

მომაწოდეთ მასალები საქართველოზე, ნუ მომწყვე-
ტავთ მას. მე მისი ყველაფერი მაინტერესებს — წარსუ-
ლი, აწმყო და მომავალი, მე ამით ვსაზრდოობ, ამით ვცოც-
ხლობ.

სხვათა შორის, სანამ საბოლოოდ დაწუსტდებოდეს
ჩვენი დახურული ბანაკის წესი, მწერეთ რუსულად, თო-
რემ ქართულის წამკითხველი ცენზორი აქ არავინ არის
და ამიტომ, მეშინია, უსტარს ბუხარს წააკითხებენ. მოკი-
თხვა და დიდი სიყვარული სათითაოდ, სახელდობრ, მაგ-
რამ დაუსახელებლად.

ნეტავი მთამსვლელები რას შვრებოან?

ქართველ ფეხბურთელებს რა დამბლა დაეცათ?

ემი ჭერ კიდევ ყველაფერი მაინტერესებს, თუმცა იზ-
რდება და ფართოვდება ჩვენს შორის ზღურბლი და მან-
ძილი.

მაშ ასე, ისევ მოკითხვა და კეთილი სურვილები შინაუ-
რებს და ნაცნობ-მეგობრებს.

გვოცნით ლ ე ვ ა ნ ი“.

„ჩემო კარგებო! სალამი და კარგად ყოფნა!“

7. IX. 1949 წ.

ასე და ასე — ისევ ძველზე ძველებურად ვარ.

ჩვენთან ხომ დროც გაჩერებულა, — მხოლოდ ამინ-
დი იცვლება და ჩვენც თანდათან „ვიცვლებით“, ძველი
ხურჩინივით ამ მავთულხლართებში გადაკიდული.

უკვე დაიწყო აქაური ზამთრის დიდი აღმართი, მაგარი ჭირხლიანობა, ცივ-სითეთრე შემოგვეპარა.

აუ! ამ აღმართს რა გალევს? დაგვწნებებს, ჩავვიხერგვს რეალობის სრულფასოვანი შეფასების უნარი. წაგვართვეს სულიერი სამყარო და არარაობა შეგვაგრძნობინებს.

ჰო, ჰო! რომ იცოდეთ რამდენი „თოვლი“ უნდა ვთვლოთ და რამდენი „ქარბუქი“ უნდა ვყლაპოთ. უენოდ, ჩუმად.

კიდევ კარგი — შემოფარგლულ ადგილში ვბრუნავთ და აქაური „თავისუფალი“ ხალხის გასაჭირს აცილებული ვართ. ჩვენი დაცვა ახლა უფრო საფუძვლიანი, ჩარკინებული და უფრო ბეჭითია. ჩვენი ცხოვრების ფარგლები სულ უფრო და უფრო იკვეცება და ვიწროვდება და, რაც მთავარია, ისე წვრილმანდება, რომ ლაპარაკიც არ ღირს. აფთიაქში აღარ დავდივარ, აქ ვმუშაობ მაღაროში. არა უშავს რა.

ჩემი თბილისში უკანასკნელი 10 წლის ცხოვრება სულ აღმართთა იყო დიდი წინააღმდეგობის დაძლევა. მეც მთავსვლელი ვარ, აღმართს მიჩვეული — გავუძლე და დავძლიე, დაღმართიც აღარ მაშინებს, საკმარისად კარგად ვარ მიჩვეული. ოჰ! მომავალო, ხელი მომიმართე...

გოცნით ყველას.

ლევანი“.

„ჩ ე მ ო კ ა რ გ ე ბ ო I

22. IX. 1940 წ.

მეტად შეგვიძძიმდა მიმოწერა, მეც არ ვიცი, რაღა მოგწეროთ. რის გამოგზავნა გთხოვოთ. ხან რას აკვირძალავენ და ხან რას... წერილების შესახებ უკვე მოგწერეთ, გამოგვიცხადეს—წერილების გამოგზავნის უფლება ჩვენ, პატიმრებს, გვაქვს წელიწადში არაუმეტეს ოთხი ცალიხა, ხოლო ჩვენთან მყოფ კატორღელებს — ორი ცალიხა. ჩემისთანა პატიმარი ვის მიეკუთვნება არ ვიცი. მიღების უფლება კი გვაქვს შეუზღუდავად. აღარც ბანდე-

როლებს უშვებენ, თქვენგან კარგა ხანია ქართული გაზეთი აღარ მიმიღია (ივლისის შემდეგ).

ეს სულიერი საზრდოც მომესპო და გამეცალა. საერთოდ ახლა ყველაფრის „არარუსულის“ მიღებას გვიშლიან. აქ დედამიწის ყოველი კუთხის წარმომადგენელია და აბა ამდენ ცენზორს და მთარგმნელს სად იშოვიან?!

ასე რომ, თქვენ წერილები რუსულად მწერეთ.

ვაგლახს — ქართული სიტყვა ჩემი ახნული გულის ტყვიოს მალამოდ ედებოდა, მაგრამ ვაგლახ... და ვაგლახს ჩემს სავალს ეს ეკლიანიც აკლდა და ესეც აიკიდა.

ჩემდა ბედად აღარც ქაღალდები და კონვერტები დამიტოვეს, ამიტომ ცოტ-ცოტა აგზავნეთ.

ეპ, სულ ერთია — ჩემი აქაური სამწერლო მუშაობა სახარხობელაზე ჩამოკიდებული კაცის ხიმღერასა ჰგავს. მაგრამ ამ ყოველივეს დაძაბუნების კილოდ ნუ ჩამითვლით, არა და არა!

მართალია, ჩემი (და განა მართლ ჩემი) სულიერი, გონებრივი და ფიზიკური სამყარო მეტად შემოიწურა და შემოიფარგლა, მაგრამ უფრო შენივთდა..

ისევე ამინდებზე ვისაუბროთ:

კვლავ დაგვიზამთრდა, მოვიდა ისევე ისეთივე ცივ-უჭმაჭური და მსახვრალი, როგორც ტუნდრას ეკადრება, და თქვენ რომ მწერთ, „სიცხისაგან ვიხრუკებითო“, უკვე რაღაც ვერ წარმომიდგენია.

ჰოი, როგორ გვაკლია მზე!

პატიმრობის გარდა — უმზეობაც გვჭირს!

შემთხვევისთანავე გწერთ, ეს, რა თქმა უნდა, ანგარიშის გარეშე. ვჩქარობ გული ვიჭერო. იქნებ მერმე კიდევ უფრო გაჭირდეს მიწერ-მოწერა.

აქ ძალიან ბევრი რამ შემთხვევაზეა დამოკიდებული, ასე რომ, ქართული წიგნები, გაზეთები მაინც გამომიგზავნეთ. იმედი მაქვს, რომ მაინც მოგვეცემენ ბოლოს და ბოლოს.

ხილის ბანდეროლები კი, მედიკოს ჰკითხედ და მისი მოცემული მისამართით აგზავნეთ.

მეტად მეამა, რომ ჩემი უსტარი № 8—4 მიგიღიათ. გაგ-

რძელება იქნება, თუ ათას ერთმა შეფერხებამ სულ არ მო-
მიკვეთა კალმის ნამსხვრევი.

მწერეთ ხშირ-ხშირად ღია ბარათები, ჩვენს სოროში
ისინი უფრო მისაწვდომია.

აბა, ისევ და ისევ მოკითხვა ყველას და ყველას.

გოცნით ლ ე ვ ა ნ ი “.

„ჩემო კარგებო!

ს. XII. 1949 წ.

ცოტა შევაგვიანე წერილი... მაგივრად — თქვენგან ყვე-
ლა წერილი, ამანათი, ბანდეროლი მიღებული მაქვს. უფრო
წუსტად ნიშნობრივ.

საერთოდ ოფიციალურად ორი წერილის გამოგზავნის
უფლება მაქვს წელიწადში. მე თუ „გამიანგარიშეს“, გა-
მოგზავნილი წერილების რაოდენობით მთელი ვადა გამო-
თავებია. ქართულ წიგნებს და გაზეთებს აქ უცნაურად —
უცხო ენაზე დაწერილად თვლიან და აღარ გვაძლევენ.

თუმცა ამ ბოლო დროს საერთოდ ყველა წიგნი მოაგ-
როვეს და რაღაც რეგისტრირებას ელიან, მერმე გვპირდებ-
იან დაბრუნებას, ვნახოთ. მოკლედ, ყოველდღე ახალ-
ახალ შეზღუდვებს იგონებენ, რომ საბოლოოდ დაგვიმძი-
მონ და გაგვიფუჭონ ისედაც გატეხილი ცხოვრება, ძალა-
დობის მძიმე ფორმების გამოყენებით იმდენად გაგვაშწა-
რონ და გამოგვიყვანონ წყობიდან, რომ თვითმკვლელობა-
დღე მიგვიყვანონ, რაც აქ, სავალალოდ, მეტად ხშირია. უდა-
ნაშაულო ხალხის სიკვდილი მთავრობას სრულგებობადაც არ
აწუხებს, პირიქით, მას ხელს აძლევს კიდევც.

არის იმდენად მძიმე განცდები და ემოციები, რომ მა-
თი დავიწყება არ შეიძლება და დიდხანს რჩება მეხსიე-
რებაში. ვერაფრითარი ძალა მას ვერ ამოაგდებს. მართალია,
უამთა სვლა ანელებს მის სიცხარეს, მაგრამ ვერ უშუშავს
დარჩენილ ჭრილობებს. ჩემმა ცხოვრებამ მე თითქოს ჩამ-
რეცხა კიდევც. გამიყენა სიცოცხლე, მაგრამ უფრო მტკიე-
ნეულად, უფრო მძაფრად გამიშიშველა გულში ჭრილობა
ჩემი თავგადასავლის ხახით. ამაზე დაწერილებით მერე

მოგწერთ უცენსუროდ. რაც შეეხება წერილების წერას, აუხსენით ნათესავებს, რომ მე ძლიერ შეზღუდული ვარ ამ მხრივ — ასე რომ, თავი შეიკავონ. მათთვისაც ასეა უკეთესი. ამ მთავრობის ხელში შარი არ გამოუბან.

ქართულ მწერლობას, რამდენადაც ხელი მიმიწვდება თქვენი დახმარებით, თვალს ვადევნებ, ხოლო გული... გული არც მათ შერჩენიათ — ნიჭს რაღა უყვეს. იქნებ ხალმე სოფლის კალოზე ან ქალაქის საბავშვო ბაღებში თუ ღარბიან ფეხშიშველა ან თავქოჩორა მომავალი მწერლები, თორემ ჩვენს თაობაში, როგორც ჩანს, არც ილიას, არც აკაკის, არც ვაჟას და არც ბარათაშვილს მემკვიდრეები ჭერ-ჭერობით არ გააჩნიათ. მე კი მჭერა, რომ ასეთები მომავალში იქნება.

ეპ, წერილს როცა ვწერ, თავი საქართველოში მგონია. მერმე, რომ მომაგონდება შვილიათას კილომეტრზე გაკიდებული მანძილი, შევაჩერებ წერას და გულისხმად გადავიქცევი. გული მიგრძნობდა, ამიტომ ვიყავი ასე „დახარბებული“ ქართულ კუთხეებს, ქართულ არემარეს, ხევეებს, ქართულ მწვერვალებს და ქართველ ხალხს. არაერთგზის შემშურებია ჩემი ალიოშას ბედი, რომელსაც უშბის უბეში ვალმოხდილს სძინავს. მე ვერც ვალი მოვიხადე, ხოლო ძილისა კი სრულიად არა ვიცი რა (რბილად რომ ვთქვათ), მაგრამ ჭერ ცოცხალი ვარ და შეძლებისდაგვარად ერის ვალი მაინც მინდა მოვიხადო, სხვას რომ თავი დავანებოთ. ზეპირად, ასე შიგადაშიგ და ფრაგმენტულად წერა მეტად ძნელ-ცუდია, ზიანდება და კოჭლობს ფაქტების ისტორიული მხარე, აგრეთვე მხატვრული დონეც. მაგრამ, თუ ვინმე ამ სტრიქონებს წაიკითხავს, იცოდეს, რომ თუ მოვიკოჭლე, ეს იმიტომ, რომ ხელ-ფეხზე იმდენი მავთული მეხვია, მთელ დედამიწას შემოერტყმოდა.

კარგად, კარგად იყავით ყველა.

გოცნით ლ ე ვ ა ნ ი“.

დამპური დამოკიდებულება, ალბათ, არავის გაუკვირდება, მაგრამ ლევანი თავისი ქცევით, განცდებით და სიყვარულის ღრმა გრძნობით განსაკუთრებული ძმა იყო ჩვენთვის. ამიტომ

გასაკვირი არ არის, რომ ლევანი, რომელიც ოჯახს დიდი ხნით მოცილებული ჰყავდა, ჩვენი დარდი, ფიქრი და ყოველდღიური საზრუნავი გახდა.

დრო მიიზღაზნებოდა უფერულად, ჩვენი ოჯახის ცხოვრება, უფრო სწორად არსებობა, გრძელდებოდა და ერთი მიზანი ასულდგმულვება — ლევანის შველა და დახმარება. თურმე რა დიდი დრო გასულა შეუმჩნევლად. სამი წელი სრულდებოდა მისი დაპატიმრებიდან და ასე შორს, ჩრდილოეთში გადაკარგვიდან, ჩვენ კი ისევ ისე პირველ დღესავით მძიმედ და მტკივნეულად განვიცდიდით ყოველივეს, რაც მასთან იყო დაკავშირებული. ალბათ იმიტომ, რომ გულში ჯერ კიდევ ღრმად გვქონდა მოუშუშებელი კრილობა და ყველაფერი „გუშინ“ მომხდარი გვეგონა.

არა! ჩვენს ოჯახში ლევანის არყოფნას კი არ მივეჩვიეთ, არამედ უნებლიეთ შევეგუეთ. საწყალ დედას არავითარი იმედი და ნუგეში არ შერჩენოდა, სულ იმას გაიძახოდა, ლევანის დაბრუნებას მე უკვე ველარ მოვესწრებიო.

ლევანის უსამართლოდ დასჯის გრძნობა დღითი დღე ღვივდებოდა, საშინელ პროტესტამდე იზრდებოდა და საშველს არ გვაძლევდა, ისე ვიყავით გაცეცხლებული და გამწარებული, გვინდოდა რაიმე მოგვემოქმედა, უსამართლობის წინააღმდეგ ბრძოლა გაგვეჩაღებინა, საქვეყნოდ გვეკივლა, გვეყვირა, ხალხისათვის ლევანის ნიჭი, მწერლობა და ღვაწლი შეგვეხსენებინა და ბოლოს ისლა მოვიფიქრეთ, მთავრობისათვის პატიება გვეთხოვა, თუმცა დარწმუნებული ვიყავით ლევანს ეს ძალიან შეურაცხყოფდა და ამაზე არც დათანხმდებოდა, ვინაიდან ამ მთავრობას ყოველთვის უნდობლობას უცხადებდა.

საქართველოში იმ პერიოდში ბევრი რამ გახდა ხალხისათვის გაუგებარი. სათავეში მოექცნენ ეგონისტი, უგულო, საექვო პირები, მათ შორის გამწვავდა უნდობლობა და შუღლი, გაძლიერდა სკამის დაკარგვის შიში. ვის ეცალა უსამართლოდ განწირული ხალხისათვის. ვინ შეისმენდა ამას? ლევანის თქმისა არ იყოს, ამ უმოწყალო წისქვილში უამრავი ალალი ხალხი ყველა ერთნაირად ვიღერდებოდით.

ამ წლების განმავლობაში ლევანთან მიწერ-მოწერა ასე თუ ისე მაინც მოწესრიგდა. მართალია, პერიოდულად სხვადასხვა მიზეზით რეჟიმის შეცვლის გამო მიმოწერა ფერხდებოდა, რა-

საც თან სდევდა ჩვენი გულისხმეობა, შიში. სევდა, განცდა და უსათუოდ ლევანზე ავის მომასწავებელი ფიქრები. მიუხედავად ამისა, წერილებს ჩვენ მაინც ყოველდღიურად რიგრიგობით ვწერდით ხან ქართულად, ხან რუსულად, როგორც „იქ“ მოეპარებოდათ.

რას არ ვწერდით, შინაურების თუ თბილისის ამბებს, ახალ თუ ძველ ჭორს, მოკლედ, ვწერდით ყველაფერს, რისი დაწერაც შეიძლებოდა თუ არ შეიძლებოდა. მართალია, ცენზორის გვეშინოდა, მაგრამ იმის იმედიც გვქონდა, რომელიმე ჩვენგანის წერილი ლევანიძე მაინც მიაღწევდა.

ბანაკში სასურსათო ამანათების მიღება უფრო წესიერად ხდებოდა. პირველ ხანებში ამანათს ყოველ კვირას ვაგზავნიდით, მერე კი — 10 დღეში ერთხელ. ვინ მოთვლის, რას არ ვუგზავნიდით. ვცდილობდით განსაკუთრებით ის გაგვეგზავნა, რაც ლევანს უყვარდა, მაგრამ არც იმას ვივიწყებდით, რომ ჩრდილოეთში გაძლებისათვის საჭირო იყო — მსუყე და ნოყიერი საკვები.

ღედა ჩშირად თავისი პენსიით კანფეტებს და ტკბილეულს უგზავნიდა. მას კარგად ახსოვდა, რომ ლევანს განსაკუთრებით უყვარდა ნაგბარ-ნუგბარი. აქ ისიც გვინდა აღვნიშნოთ, რომ შემდგომში, როდესაც ლევანი საბოლოოდ განთავისუფლდა და თბილისში ცხოვრობდა, ისე როგორც ყოველთვის, ბედმა უმტყუნა და შაქრის ავადმყოფობა დაემართა. ლევანი ამასაც არაფრად აგდებდა და სიცილით ამბობდა: „სიბერეში უფრო დავშაქრდები“.

კარგი წესი არსებობდა — ბანაკში ყოველი ამანათის მიღება დასტურდებოდა, პატარა ბარათს გვიგზავნიდნენ. ეს ჩვენი დამაწყნარებელი წამალი მალამოსავით მოგვეცხებოდა გულზე (ასეთი ბარათები სახლში ბლომად დაგვიგროვდა).

ყოველ ორ-სამ დღეში ვუგზავნიდით ბანდეროლით ჭაზეთებს, წიგნებს, რვეულებს, მაგრამ მათი მიღება ჭირდა. ხშირად ცენზურის გამო ქართული წიგნები, რომლებსაც ჩვენ აქ ძლივს ვმოულობდით, ლევანიძემ ვერ აღწევდა და ლევანი ბევრჯერ თავის წერილებში ერთსა და იმავე წიგმს გვთხოვდა. იკარგებოდა გაზეთები. რვეულებზე ხომ დიდი გასაჭირი იყო. ლევანს სჭირდებოდა ცალხაზიანი პატარა რვეულები, რადგან ადვილი გამოსატანი იყო ბანაკიდან. საუბედურ-

როდ, ამ პერიოდში თბილისშიაც ჰქონდა ქალაქის შოვნა. ჩვენ მაინც ხელზე ვმოულობდით და ვუგზავნიდით, იქ კი უნახევრებდნენ. ლევანი ისე განიცდიდა ქალაქის ნაკლებობას, რომ ეს შიში მთელ სიცოცხლეში გაჰყვა, მაშინაც კი, როდესაც ქალაქი თავსაყრელად ჰქონდა.

ლევანი ორივე ქალაქის — თბილისისა და ვორკუტის ფოსტას ძალიან ემადლიერებოდა. ეს ნამდვილად ასეც იყო. თბილისის საფოსტო განყოფილების თანამშრომლები ლევანის მიმართ კარგად იყვნენ განწყობილი და ამიტომ ყოველმხრივ გვიწყობდნენ ხელს. ვორკუტის ფოსტაში კი ვალერიან ქუმბურიძე გვეხმარებოდა, ამიტომ აქაც ყველაფერი წესიერად სრულდებოდა. თუ რამე დაბრკოლება იყო, მხოლოდ ცენზურის მიზეზით. ზოგჯერ იქ ქართული წერილებისა და გაზეთების წამკითხავი არაუარ იყო და კორესპონდენცია პირდაპირ ღუმელში მიდიოდა.

ყველაზე კარგად ფულის გაგზავნა გვქონდა აწყობილი. ამის სამი გზა ფიცოდით: პირველი — კბილის პასტაში შევაცურებდით 25-მანეთიანს და ამანათით ვგზავნიდით, სულ გული გვისკდებოდა, იქ არ გაეფოთ ეს ამბავი. მაგრამ ერთხელ ლევანმა თვითონ შეგვატყობინა, პასტის ამბავი როგორ უბრალოდ გასკდა. ერთ-ერთმა პატიმართა ამანათი გახსნა და ცენზორმა სთხოვა კბილის პასტა მაჩუქეო. პატიმარი საშინლად შეწუხდა, პასტა მე მჭირდებოდა და არ შისცა. ამან ჩეკისტი დააეჭვა. პატიმარს პასტა ჩამოართვეს. შემდეგ კი ატყდა დიდი აურზაური.

ფულის გაგზავნის მეორე გზაც სახიფათო იყო, მაგრამ შედარებით უფრო მყარი და საიმედო, ბანაკში ჯერ არ იყო გახსნილი. სარეცხის საპონს კობტად ამოვუჭირდით გულს, შიგ ფულს ჩავდებდით და ისე ოსტატურად დავგოზავდით, რომ კვალი სულ არ ჩანდა. ჩვენგან ლევანმა ასე საქმამო რაოდენობის სარეცხი საპონი მიიღო. მაგრამ ჩეკისტების თვალის ასახვევად საჭირო გახდა მესამე გზის გამოყენება — ნაწილი ფული მაინც ფოსტით უნდა გაგვეგზავნა. იქ პატიმარებს 100 მანეთიდან 10 მანეთს აძლევდნენ ხელზე, დანარჩენს კი თითქოს მათ ანგარიშზე ინახავდნენ. ამას ლევანიცა და ჩვენც მეტად საეჭვოდ ვუყურებდით.

მოკლედ, გოთუების მთელი ოჯახი ყოველდღიურად ლე-

ვანზე ზრუნვით ცხოვრობდა. ყოველივე ეს მოითხოვდა დიდ გარჯასა და ხარჯს, მაგრამ ამ მხრივ არასდროს არ ყოფილა დაბრკოლება. ეს გამორიცხული იყო. ლევანს არაფერს ვაკლებდით, ოჯახის დევიზს — ყველაფერი ლევანისათვის! — პირნათლად ვასრულებდით. გვიანლოვდებოდა 1950 წელი, მილოცვებთან ერთად ამანათიც ისე გავუგზავნეთ, რომ ახალ წელს ნამდვილი ქართული სუფრა გაეშალა.

„ჩემო კარგებო!

1. I. 1950 წ.

გილოცავთ ახალ წელს, ესეც 1950 წელი, XX საუკუნის შუა წელი.

დიდი და საინტერესო თარიღია.

ყოველმხრივ სანიშნო და საჭვარედინო მიჯნა!

საერთო თვალსაზრისითაც და კერძო, პირადული საზომითაც. პირადად ჩემთვის კი მით უფრო, რადგან მე ხომ თითქმის „კბილა“ ვარ ჩვენი საუკუნისა. მე და XX საუკუნე ხომ თითქმის ტოლები ვართ მხოლოდ ხუთი წლითაა იგი ჩემზე უფროსი. სხვა პირობებშიც ზქნებ ჩემთვისაც ეს 1950 წელი შუა გზა ყოფილიყო (როგორც ჩემი საუკუნისათვის), მაგრამ ახლა ჩვენ (მე და საუკუნე) ოდნავ სხვადასხვა პირობებში ვხვდებით ამ თარიღს და მაინც ვხვდებით! ეს არის მთავარი.

დედამიწის ყოველ კუთხეში ალბათ ბევრი ღვინო და მელანი „დაიდვრება“ ამ თარიღის აღსანიშნავად. ბევრი ოცნება და იმედი იშვება, ბევრი მოგონება და ხედა იღვიძებს, ბევრი ურთიერთ მოლოცვა და სურვილი დაირხვევა სუფრებზე თუ მათ გარეშე. ჰოდა, მე მინდა, რომ მანდ მიგულოთ! ყველგან მიგულოთ! მანდ, კავკასიონის თქვენს მხარეს! მიუხედავად საოცარი სიშორისა, ათასი მავთულისა და სხვა დაბრკოლებისა.

რაა სიშორე, თუ „გული გულობს“, გულს თავისი სხვა გეოგრაფია აქვს... აქ, ხშირად, მანძილი გულწრფელობაში გადადის, ხოლო ახალი დაბრკოლებანი — ცხოვრების გამაფრებულ წყურვილში!

ამ საუკუნის შუა წელს დედამიწის ჩრდილოლოკ-
თან „გადავალაჟი“ ბორკილებისა და ქარბუქების ნარევი
ხმაში. ვერ გავარჩიე მისი სახე, არ ვიცი იგი წელმოწყ-
ვეტილი ვეღა თუ ბედითა მექანი... მაგრამ რადგან
წელზე მივექედე, გადავწყვეტე ბოლომდე მივყე!

საოცარია აღამიანი, მით უფრო საოცარია პატიმარი
აღამიანი! იგი უფლებრივი სხვაობის გარდა, ფსიქოლო-
გიის სხვაობასაც ქარბად შეიცავს. ამ მხრივ მისი სამ-
ყარო ისევე უძირა, ვით უსაზღვროა სამყარო თავი-
სუფლები, მაგრამ აქ... წერტილი დავსვათ. მაშ, გი-
სურვებთ ბედნიერ ახალ წელს თითოეულს და ერ-
თობლივ, ნათესავეებს და მეგობრებს, შინაურებსა და
მეგობრებს.

მიღებული მაქვს წერილები და ამანათი სწორედ ახა-
ლი წლის წინა ღამეს — რამაც ფრიად გაგვახარა. აქა-
ურმა „ჩრდილო-ქართველებმა“ „ქართული პურმარი-
ლით“ გავითენეთ ახალი წელი (თუმცა აქ ახლა მეტად
გვიან თენდება, ხოლო სამ საათზე უკვე ღამეა).

მე კარგად ვარ, მართლა კარგად. ზამთარს მივეჩვიე
რომ ჩემი წერილები კვლავ ვეღარ აღწევს თქვენამდე,
სავალალოა, მაგრამ, რას იზამ, ამსიგრძე მანძილზე წე-
რილის დაკარგვა რა გასაკვირია!

მე კარგად ვარ, მართლა კარგად. ზამთარს მივეჩვიე
ისე, რომ დღეს — 5³⁰ ყინვა იყო, მაგრამ ჩემზე მაინც-
დამაინც არაფერი უთაბეკდილება არ მოუხდენია. ამ ბო-
ლო დროს მეტად ბევრს ვწერ და წერით გატაცებულიც
ვი ვარ. მაგრამ მტრისას, თუ ჩამპვრიტეს. ყველაფერს
წამართმევენ. ამიტომ პერიოდულად შიშს დიდი თვა-
ლები აქვს. ზანდეროლით გამომიგზავნეთ თუ იშოვება
ს. ყუბანეიშვილის „ძველი ქართული ლიტერატურის
ქრესტომათიის“ II ტომი (პირველი მაქვს), ტრ. ხუნ-
დაძის „ძველი ქართული თეატრი და დრამატურგია“.

მომწერეთ დაწერილებით თქვენი ამბავი.

საყვარულით მოკითხვა დედას და ყველას, ვისაც
ცახსოვარ.

გპოცნით ყველას. თქვენი შინაური ძმა ლევანი“.

თქვენი გამოგზავნილი წერილები დღეს მივიღე, ერთად დაგროვილი, აგრეთვე მიღებული მაქვს ფული, ყველა ბანდეროლი და ამანათი. ამიტომ ამჟერად ფოსტას ვერ დავემდურები. თქვენკენ უფრო იკარგება წერილუსტარი. ჯანმრთელობის მხრივ კარგად ვარ. მთავარია, რომ შრომის უნარი და სურვილი კვლავ მეწვია და, რაც უმთავრესია, ოდნავი პირობებიც კარგად მოეწყო. ამიტომ არავითარი სურვილი სადმე სხვაგან გადანაცვლებისა არა მაქვს. ჭერჭერობით ასე ჯობია. აქ შეძლებისდაგვარი ფორმა ცხოვრებისა გამოვსახე, ხოლო ეტაპებში ხეტიალი და ყველაფრის თავიდან დაწყება არაფრად სახარბიელო პერსპექტივაა. მით უფრო, არსებით განსხვავებას მაინც ვერ მივალწევ.

თუ გაზაფხულზე ხელი არ შემეშალა და სხვაგან არ გამოგზავნეს (ამის შემთხვევები არის), საკმაოდ ბევრი რვეული დამჭირდება. ასე რომ, ნურავის ნუ აწუხებთ და ჩემს თავს ნუ აგონებთ, არც შაგის დროა და არც რეალური შესაძლებლობა (არაფერი არ გამოვა, ვინ არის ჩვენი გამგონი და დამხმარი).

ვნანობ, რომ ჩემი უსტარი № 5 დაიკარგა. იქ, სხვათა შორის, წიგნების სიას გწერდით, აუცილებლად საჭირო წიგნებისა.

გუგული თორაძეს გადაეცით, რომ მინდოდა როგორმე შაგისთვის ხელი შემეწყო, არც დამიზარებია. ვაგლახ, რომ, ვგონებ, მხოლოდ შევაფერხებ!? ახლა თავად იცი. ნუგეშად ისლა მჩრება: მისი ბალეტის ლიბრეტოს ვინაობა „ლიტგაზეთში“ ამოვიკითხე. ვიცი რა მათი ტაქტი და მხატვრული გემოვნება, ჩემი ნაღვაწი მიმინდია და ყველაფრისათვის წარმატება მისურვებია!

თუ საჭიროა „სამ პატარძალსაც“ უაქიმონ, თუნდაც გაათხოვონ, დანარჩენს კი ხელი უშვან (მაგ. „მეფე ერეკლე“, „დავით აღმაშენებელი“, „უძლეველი“).

მანდ ჩემს ნაწერებში ნახეთ:

- № 1 სიბრძნე სიკვდილისა — მოთხრობა,
 № 2 ლურსმული ლექსი,
 № 3 აქოჩრილი ვარსკვლავი, ფრაგმენტი ხსტორიული
 რომანიდან,
 № 4. კუდალა ზაქი,
 № 5 უღვაშის ჩრდილი (გაგრძელება).

მე სულ ვაგრძელებ და ვაგრძელებ. თუ დამცალდა, კიდევ შოვიქნევ ლიტერატურულ კუდს და თუ არა, ეს ფრაგმენტები მაინც დარჩეს როგორც ჩემი „თეთრი ღამეებისა“ თუ „შავი ღღებების“ თანაზიარი.

კოლიამაც დიდი ხარვეზის შემდეგ მიიღო წერილებიც და ამანათებიც. დედამისმა ერთი წუვილი წინდა მეც მომიქსოვა, ეს უკვე მეორე წუვილია მის მიერ გამოგზავნილი. დიდი მადლობა შეუთვალეთ მედიკოს პირით. ტანისამოსიდან არაფერი მჭირდება. შრავალნანახი და ნაცადი ხალხური კოსტიუმი ჭერ კიდევ მემსახურება. ტყაჭის მოკლე ქურჩიც მაქვს, ისიც მანდაური, ასე რომ, იოლად მივდივარ. საკობტაოდ კი არ მცალია, სან ვინ გვაძლევს ამის უფლებას. გამომიგზავნეთ პირსახოცი და ფუნჯი (პირის საპარსავი), აგრეთვე ჩაი. დანარჩენი თქვენ უკეთ იცით.

მოკითხვა ნათესავებს და ნაცნობ-მოკეთებებს.

სოფელში როგორ სარიან? კიკასი აღარაფერი არ განორკვეულა დამატებით? ვკოცნი ღვეიკოს, დედას მოუარეთ!

აბა, კარგად და კარგად იყავით.

გკოცნით. თქვენი ლევანი“.

„ჩ ე მ ო კ ა რ გ ე ბ ო !

11. III. 50 წ.

დღეს გადმომცეს ჰინას წერილი, ცოტა დაგვიანებით, მაგრამ ეს გასაგებია. მთავარია, რომ არ იკარგება. აღბათ ახლა უკვე მიღებული გექნებათ ჩემი წერილი, ყოველ შემთხვევაში, მოკლედ ვიმეორებ: მიღებული მაქვს ყველაფერი, გარდა ფულისა (100 მანეთი).

ესეც მე დამიდასტურეს, მიღებაზე, მეორე დღეს, თითქოს უკვე დაგვიანებული იყო, უკან გამოუგზავნიათ. ნურც შეგაწუხებთ ეს გარემოება და ნურც დაკარგავთ მას. მისამართი იგივეა. ესაა, მე ხუნებური მოკალმე გამო- მიჩნდა. არავითარი დამატებითი სახელი არ უნდა.

მოუთმენლად ველი რვეულებს და წიგნებს, განსაკუთრებით აკად. ნ. ბერძენიშვილის „მასალები XIV — XVII საუკუნის ისტორიიდან“, (კახეთის შესახებ, პლექსანდრე მეფის (ირგვლივ). ჩემს წიგნებში იყო ჭებრალო, უყდო გამოცემა აკადემიის, ძალიან მჭირდება, ესლა მიფერებებს მუშაობას.

ისტორიული რომანის თავები — ფრაგმენტები ბლომად დამიგროვდა (ქერ ველი პასუხს ჩემს წერილზე 8. II (თარიღის) და თუ რაიმე შემთხვევითმა გარემოებამ ხელი არ შემიშალა, დროს არაფრად დაკარგულად აღარ ჩავთვლი.

სულიერად და ხორციელად გაცილებით უკეთ ვარ. ჯანმრთელობის ერთხელ კიდევ გამოსწორება უდიდესი რამ არის, რა თქმა უნდა, ისევ და ისევ საქართველოს მადლითა და მანდაური დახმარებით. თქვენი მუდამ და მუდამ მადლიერი ვარ, მაგრამ მეტიმეტს ნუ გააკეთებთ, თქვენს თავსაც მოუარეთ.

ისე გავერთე ძველი ისტორიით, რომ ხვალინდელ დღეზე არც ვფიქრობ. არც ვაგონებ თავს არავის. ამის დრო არც არის და ვის მოვაგონო? (თვითონ ჩვენს მთავრობაში და შინსახკომშიც კარგად იციან ჩემი ნამდვილი ამბავი და რა გამოვიდა. ჩემი ცხოვრება ისევ ისე მავთულხლართებში მიიკეცა. უცვლელად, უდიდამოდ. სიცოცხეებს მივეჩვიე, ქარბუქს კარგად ვუძლებ. ზოდა, მეტი რაღა მინდა, მოთმინება, მოთმინება და რვეულები.

მოკითხვა ყველას.

თქვენს შეკითხვებზე მე პასუხი უკვე წინა წერილით გაგეცით. თუ თქვენამდე არ მოვიდა, ისევ მოგწერთ ახალ მისამართს. თქვენ რომ მწერთ, ვფიქრობ არ გამოდგება. სულ ვწერ და ვწერ, ისე მივერეკები, რომ უკან დახევას უკვე ვეღარ შევძლებ.

აქ, ბანაკში, ქართველებმა პატარა სათბური გავაკეთეთ, ასე რომ გამომიგზავნეთ თესვები: პამიდურის, კიტრის, ქინძისა, წიწაკის, ყველაფერი ძალიან ცოტ-ცოტა. წარწერები რუსულად გაუკეთეთ. ამის გამოგზავნა შეიძლება ამნათით. რვეულები ამნათში არ ჩადოთ, არ მომცემენ, არც წიგნები. ცალკე ბანდეროლით, როგორც ყოველთვის. ოპ, რომ იცოდეთ, როგორ მომენატრეთ სუყველა, ჩემი სამშობლო, თბილისი. დრო მიიწვლავნება, მაგრამ მე იმედს არ ვკარგავ, უსათუოდ წაღმა დატრიალდება ჩემი ბედის ბორბალი. ჩემს კისერზე იმდენი ორომტრიალი ამოგორდა და გადაიყარა, რომ მჭერა ცისარტყელაც დამხედავს.

შორეთიდან ჩრდილოეთის ქმა.

გკოცნით ლევანი“.

ჩ ე მ ო კ ა რ გ ე ბ ო I

22. IV. 50 წ.

ცოტაოდენ მე თვითონ შემაგვიანდა მოწერა. ახლა კი ყველაფერს ერთად ვწერ.

ყველაფერი მიღებული მაქვს უკლებლივ — წერილები, ბანდეროლები, ამნათები, საკვირველად წესიერად. მივიღე აგრეთვე წიგნები და რვეულები. ბევრი ვიცინე, ასეთი უდიანე დიდი ზომის რვეულები აქ სრულად გამოუსადეგარია. მომავალში გაითვალისწინეთ, რომ გამომიგზავნოთ სულ უბრალო ცალხაზიანი მოწაფის რვეულები, რომ დავკეცო ხოლმე, წინდაში ჩაეტიოს დასამალავად.

ეპ, აქ ბანაკია და ვიღრე „კარიბჭემდე“ მივალწევთ, ათი მავთული (და თვალი უნდა გავიაროთ. მიუხედავად ყველაფრისა, კარგად და ნაყოფიერად ვმუშაობ. ფრაგმენტულად პირველი წიგნი ისტორიული რომანისა უკვე მზადა მაქვს, მაქვს აგრეთვე დაწერილი მეორე და მესამე წიგნის თავების ფრაგმენტები. (საჭირო წიგნებისა და მასალის უქონლობა საშუალებას არ მაძლევს შევკრიბო და მთლიანად ჩიდაქცია მივცე. მე გწერდით, რომ

აკად. ნ. ბერძენიშვილის წიგნი ჩემს წიგნებში მოგენახათ. თქვენ ყოველთვის ზოგადად იწერებით ხოლმე, თუ წალებულია ჩემი წიგნები? ამიტომ უფრო დაწვრილებით მომწერეთ ყველაფერი.

მე კარგად, ჭანმრთელად ვარ და, თუ ასე გაგრძელდა, კიდევ ბლომად მოვასწრებ დაწერას. მე თუ წერა ვერ შევძელი, ისე არც ჭანმრთელობა მინდა და არც სიცოცხლე. უბედურება ესაა, რომ ჩემზე უკეთ არაინიციის, რამდენად ვაკლებ ხელს რომანს უმასალობის გამო.

აქეთ ხელახლა თოვლია. სადღაც, მავთულს იქით, გაზაფხული მოცოცავს, თუ არ გაიხლართა.

დამდამობით „ჩრდილოეთის ცისკარი“ („Северное сияние“) გვინათებს. ასე რომ, ჩვენც ვცოცხლობთ!

ამ წერილს დაგვიანებით ვაგზავნი. ისეთი ყინვა შემოიპარა ისევ, რომ შუშებია ისე გაძვიფილი, სინათლეს ძლივს უშვებს, სამაგიეროდ ღამის 3 საათზე უკვე სინათლეა. ერთი სიტყვით, ყველაფერი უკულმაა ამ დაწვევლილ, უკულმართ აღგილზე.

ყველას მოკითხვა და კეთილი სურვილები.

გკოცნით ლ ე ვ ა ნ ი.

ოჯახის სიხარულს საზღვარი არ ჰქონდა. ლევანის წერილებში გამოხატული მისი გუნება-განწყობილება გვახარებდა, დიდ შემობრუნებას ვგრძნობდით. იმაზედაც ხომ ვფიქრობდით და ვღელავდით, ამდენმა ცხოვრების არევამ და დარბევამ, რაც მას გადახდა; საბოლოოდ არ გატეხოს და დაეკნინოს, როგორც სხვა ბევრი.

წიგნის წერის დროს ბევრმა მეხმა გადაურა თავს, მაგრამ ლევანი ჭეშმარიტი შემოქმედი იყო და, მიუხედავად უმძიმესი პირობებისა, მისი ნიჭი ყოველთვის ბობოქრობდა. და, აი, პატარა შესაძლებლობა და დიდი ნაწარმოები შეიქმნა, გამტკიცდა კალმოსნური სულისკვეთება, გაღრმავდა სულიერი საზრდო. ჩვენთვის ის იყო ყველაზე მნიშვნელოვანი, რომ ლევანის შემოქმედებითი სიცოცხლე გაგრძელდა.

ახლა ახალი დღეა და გულისხეთქვა დაეწყო ოჯახს —
ბანაკიდან წიგნის უენებლად და საიდუმლოდ გამოტანა და
თბილისში მშვიდობით ჩამოტანა, აქ კი მისი სათანადოდ შე-
ნახვა.

გამოგზავნილ წერილებში ლექსიც აღმოჩნდა, დაწერილი
სამშობლოს სიყვარულით, მისი ნახვის ნატვრით და მალე
ღაბრუნებაზე ოცნებით.

დარდიან ხმაზე

(სიმღერა)

...შორს, ჩრდილოეთში გაძევებული,
ეს ჩემი გული აძგერებულა —
სამშობლოს შორვით დაღონებული,
დარდიან ხმაზე ამღერებულა!
ჟუჟუნა წვიმაე! სიო-ნიაეო! სხივო მზისაო!
ჩემსა სოფელში მიმბრუნე, კვალო მზისაო!

მე აქ რა მინდა — არა მინდა რა
არც ცის ნათელი — არც მიწის ღალა...
სად არის ჩემი ტკბილი ფანდური?
ჩემი მთა-ბარის ბუნების ძალა?!

ჟუჟუნა წვიმაე! სიო-ნიაეო! სხივო მზისაო!
ჩემსა ქალაქში მიმბრუნე, კვალო გზისაო!

სულ იქითა ვარ მარად და მარად,
სულ იქითა მაქვს თვალი და გული,
ჩემი სიცოცხლე ნუთუ არ კმარა,
რომ ერთხელ კიდევ ვნახო მამული?

ჟუჟუნა წვიმაე! სიო-ნიაეო! სხივო მზისაო!
საქართველოში მიმბრუნე, კვალო გზისაო!

13. V. 1950 წ.

ქ. ვორკუბა:

ჩემი № 4 (22/III) წერილის პასუხი ჯერ არ მიმიღია, მაგრამ მიღებული მაქვს ფული, ამანათები, როგორც წიგნები, ასევე სურსათი და თქვენი წერილები. მივიღე წიგნები — ჭავჭავაძის ისტორია და ბერძენი ისტორიის მასალები. ამ უკანასკნელმა განსაკუთრებით გამახარა, თორემ პირდაპირ ხელფეხშეკრული ვიყავი. ასეთ პირობებში და გარემოში ჩემს მწერლობას ხომ მადლი არა აქვს, მაგრამ სულ უწიგნოდ ყოფნა აღარაფერს ჰგავდა. ერთი სიტყვით, ახლა ჩემს ისტორიულ რომანს თავიდან და უკვე უფრო დალაგებულად მოვუყვები. როგორც უკვე გწერდით, 20 ფორმამდე უკვე დაწერილი მაქვს. მართალია, ჭრამგმენტულად, ნაწყვეტ-ნაწყვეტ და ალბათ ხელმიკლებითაც, მაგრამ ჩემს პირობებში (ესეც სასწაულია, დიან — სასწაული!

წინა წერილში გწერდით და თუ ნაპოვნი გაქვთ (ჩემს წიგნებს შორის ხყო), გამომიგზავნეთ:

1. Белокуров, Сношение России с Кавказом.
2. Веселовский.
3. ვახუშტი, „აღწერა სამეფოსა საქართველოსი“.
4. Полневктов.
5. ქიზიურ სიტყვათა ლექსიკონი.

მე კარგად ვარ, გამძლე — მუქ შერუჭულ ხესავით. შევეგუე თანდათანობით აქაურ ბუნებას. თუმცა აშკარად რომ ვთქვათ, აქ ბუნება არც არის — აქ მხოლოდ გეოგრაფიაა! ისიც მავთულებით საბოლოოდ გაფუჭებული... გაზაფხულის შორეული ყნოსვა ჩვენამდეც აღწევს უკვე. მართალია, ხშირად თოვს ხოლმე, მაგრამ უმალვე დნება, ზამთრის თოვლის ქვეშიდან ახლა ჩამპალი ტუნდრა გამოძვრა. მდინარე ჯერ გაყინულია. სამაგიეროდ ქაობებში ჩაგუბდა წყალი. „თეთრი ღამეები“ კარგა ხანია წამოგვეწყა.

უცნაურ დროში ვართ — ღამის ბინდიც დავკარგეთ და ღლის მზეც ჭერ ვერ მოგვწევია, ხოლო ჩრდილო ქარი რომ წამოუბერავს, ისევ შუა ზამთარში გადაგვტყორცნის ხოლმე.

ცხოვრების პირობები ჩვენთან უცვლელია. ისიც მიხარია, რომ თქვენთან უმჯობესდება მაინც.

აბა, ზაფხულის გატარებას კარგად ვისურვებთ.

ვინ, სად და როგორ სპირებთ.

ლექსი თუ მიიღეთ, შემატყობინეთ.

აბა, კარგად და კარგად.

გოცნით ლ ე ვ ა ნ ი“.

„ჩემო კარგებო!

14. VI. 1950 წ. — 5. VII. 1950 წ.

პირველყოვლისა, ყველა წიგნი და გაზეთი მიღებული მაქვს. ფულიცა და ამანათებიც, რის შესახებ გწერდით.

ვასუხობ თქვენს წერილზე: მე მაინტერესებს საქართველოს, უფრო ზუსტად, კახეთის ისტორიის მასალები XVI—XVII საუკუნე. თუკი რამე ახალია ამ დარგში, ყველაფერი გამომიგზავნეთ. მანდ რომ ვიყავი, ვაგროვებდი მასალებს, მაგრამ არ დამცალდა, ახლა მეხსიერებითა და „ღარიბულად“ ვმუშაობ... ესეც თუ დამცალდა! მოკლედ, ჩემი ლიტერატურული მუშაობა ხულ „დაცლაზე და მოსწრებაზე“ არის დამოკიდებული. ამიტომ ვჩქარობდი მუდამ. ახლაც ასეა. წიგნებზე უკვე გწერდით. ბელოკუროვის წიგნის პრქონებტ მიფერხებს პირველი წიგნის დამთავრებას. ამ ზაფხულში, ყოველ შემთხვევაში, მოვითავებდი. ზაფხულს — თქვენებური საზომით ვვარაუდობ, თორემ აქ ჭერ კვირტებიც არ გვინახავს!

წავიკითხე გაზეთში, საბა-სულხანის ლექსიკონი გამოსულა. ჩემი საყვარელი წიგნია და ნუ მომაკლებთ. მოუთმენლად ველი ვახუშტის „გეოგრაფიას“, აქ ყოველი ქართული წიგნი... ქართული მიწის ნაჭერია და

უფრო მეტიც — ქართული სულის ნაჭერი. მანდ რომ ვყოფილიყავი, ჩემ მიერ „აღსაწერ“ ადგილებს თავად ვეწვეოდი, „თვალთა და ხელით“ გავსინჯავდი. ახლა კი ზოგი მეხსიერებას და ზოგი ვახუშტის „აღწერას“ უნდა დავემყარო.

ვმუშაობ თხუნელასავით სვალეზდახუჭულაჲ, სრც სუნს და პარც (სმენას) ყურადღებას არ ვაქცევ, მე ჩემს საქმეს ვაკეთებ. თუ მოვაბი თავი, ხომ კარგი, თუ არა და, სმე ჩემს ქდას არ დავაკლებ. პირველი წიგნის გამოგზავნა ცოტა ხანს კიდევ გადავდე, ისტორიული მასალის მიღების შემდგომ მრავალი შესწორების საშუალება მომეცემა. თქვენი წყალობით სურსათი და ფული მყოფნის და, თუ ფოსტამ განაგრძო ასე წესიერად მუშაობა, ჩანს, ჩემს ბედს „ძალი არ დაჰყუფს“.

თუ ვახეთზე რამე გამოვა ახალი, კვლავ გამომიგზავნეთ. ამის შესახებ მერმე უფრო დაწვრილებით მოგწერტ. მე ვფიქრობ, კიდევ მოვესწრებით ოჯახის მთლიანობას. სულ ასე ხომ არ იქნება ყოველივე, ეს შეუძლებელია. უსათუოდ ახლო მომავალში გასკდება ყველაფერი. ახლა აქ მოთბა, ქურჭი და თან სათბური გავიხადე. დიდი მადლობა თესლებისათვის. ჩვენს პატარა სათბურში ვნახოტ რას იზამს ქართული „ქინძი, პრასა, წიწმატი“, ესოდენ შორს, იქით ჩრდილოეთში!

ლიტერატურულ, ენათმეცნიერულ და სხვა დისპუტებს ყურადღებით და სიამოვნებით ვეცნობი. მართალია, დავგიანებით და ხარვეზებით, მაგრამ მაინც...

განსაკუთრებით გამაკვირვა და მასიამოვნა „გაბოლიტიკოსებული და გაკლასობრივებული“ ნაწილის დასამარებამ და დამარილებამი ეს ამბავი ძალიან საგულლისხმოა და ნიშანდობლივი — მარტი კი არა, მავრი გამოვიდა!

საბრალო მეგობრის გარდაცვალება წაფიკითხე გაზეთში. საერთოდ მაგეტს ამ „ჩრდილიან გვერდში“, სავალალოდ, მრავალ წაცნობს ვხვდები ხოლმე. მოვიგლოვ მათ შორიდან — მარტოხელად, თავშეუხსენებლივ, რამეთუ აქედან საიქიოც უკეთ ჩანს და უფრო ახლოცაა.

სანამ ეს წერილი მიღებ-მოდგება, დამჭირდება უბრალო რვეულები, „მოწაფური“. გამომიგზავნეთ ძველი მისამართით. ბევრი არა, ჩამომართმევენ, ათიოდე.

ვცხოვრობ ძველებურად. ჩემს ცხოვრებაში ამ ხნის განმავლობაში არავითარი არსებითი ცვლილება არ მომხდარა და, იმედი მაქვს, ასე მყარად ვიქნები კარგა ხანს.

სულ ჩემზე ვსაუბრობ. აბა, ახლა თქვენს შესახებ ვისაუბროთ: ჭერ ქრთი, მოკითხვა ყველას, ასე ჩამოუთვლელად და უსახელდებოდ. არა იმიტომ, რომ არ მახსოვან, არამედ იმიტომ, რომ კარგად მახსოვან.

დედა როგორ არის? მოუარეთ კარგად!

აბა, ვისურვებთ კარგ ზაფხულს, უკეთეს შემოდგომას.

მ. ვ. გაზეთში შეევხვდი ჩვენი თამარის დასახელებას, სამამულო ომში მონაწილეობასთან დაკავშირებით, გამეხარდა, მაგრამ კიდევ ერთხელ ვინანე, რომ მან ჭერ ვერ გამოაქვეყნა იქაური ამბები.

კოცნა, მოკითხვა და კარგი სურვილები ყველას.

ლ ე ვ ა ნ ი“

„ჩ ე მ ო კ ა რ გ ე ბ ო !“

23. VIII. 1950 წ.

ვადასტურებ კვლავ ამანათებისა და ბანდეროლების მიღებას.

ასე რომ, ფოსტა დიდებულად მუშაობს.

წიგნების ამანათიც მიღებული მაქვს.

ერთი ასმანეთიანი უკან გამოუბრუნებიათ, ვინაიდან სახელი და მამის სახელი ყოფილა შენაცვლებული. ასე რომ, ეს გარემოება ნუ შეგაწუხებთ. იყავით დაკვირვებული. თამარ, არც ჩუსტები და არც ტუფლები არ მინდა. საგარეოდ არც ერთი გამომადგება, არც შეორე. საერთოდ ტანისამოსეული არაფერი არ მინდა. რაც პატიმარს შეეფერება, მაქვს, დანარჩენი კი აქ საჭირო არ არის. ვინ ჩაგვაცმევს. წავგართმევენ. ჩვენ ხომ აქ,

ყველა „სიკეთესთან“ ერთად, გამახსარებელი და გაჩანჩურებული პატიმრები ვართ. ჭანმრთელობით და საერთოდ კარგად ვარ იმიტომ, რომ ბევრს და ნაყოფიერად ვმუშაობ, თქვენ მხოლოდ რვეულები მომაშველეთ, რვეულები.

რა უბედურება მჭირს, ამ პატიმრობაში რა „მასალაზე“ არ მომიხდა წერა: ფურცლებზე... ძველ გაზეთებზე... ფიცარზე, მიწაზე, ქეჩაზე, ხარის ტყავი აქ არ არის, ხოლო ჩემს ტყავზე შესაძლოა მომიხდეს, თუ კი შემრჩა და...! ასე რომ, რვეულები, უბრალო, ხაზიანი მომაშველეთ. XX საუკუნე, პირველ ყოვლისა, ქალაქის საუკუნეც არის და ჩემი „ვიშ-ვიშიც“ ამ პრობლემის ირგვლივ პირდაპირ პარადოქსია.

და ოდესმე ჩემი „შავების“ მოგროვება რომ მოვახერხოთ, ერთ სასახლეს ალბათ ავაშენებდი ამ „მასალიდან“.

ყველა თარიღი შევამოწმე და გამოირკვა, რომ მარტო (ფოსტას ჩემს წინაშე არავითარი დავალიანება არ აქვს. ყველა წერილი გაცემული აღმოჩნდა. ვფიქრობ, მარტო იქ არის ამჟამად კეთილშობილი ხალხი.

ტყემლის ბოთლები კი, საუბედუროდ, ყველა გაჩეხილი აღმოჩნდა. ჩანს, სიცივეს ვერ უძლებს. არც ცენზორმა დააკლო ხელი ჩრდილოეთში! ნარჩენი ნამტვრევებში მაინც ყველას ძალიან გვეგემრიელა.

მამაჩვენის გამოცემული გაზეთები მალულად უმჯობესია რომელიმე მუზეუმს გადასცეთ. მე არაფერი მაქვს საწინააღმდეგო; თუ დაიკარგა, გული დამწყდება. ნუ დაკარგავთ:

ლიტერატურულ, ენათმეცნიერულ და სხვა დისკუსიებს შეძლებისდაგვარად გაზეთებით თვალს ვადევნებ, მაგრამ კომენტარებისაგან თავს ვიკავებ.

„საჩვენებლად“ მე ველარაფერს ვერ დავწერ, გულუბრყვილობაა, მაგრამ არაფერზე აღარ ცფიქრობ. ამჟამად გულისყურით შემოვიფარგლე ისტორიული რომანით. პირველი ტომი დაწერილი მაქვს, სამი კიდევ დასაწერია და თუ ეს მე აქ შევძელი, ჩემი „თავისუფლება“ იქნება.

გაზეთს (ქართულს) ყურადღებით ვკითხულობ, ბევრს საამოსა და უამოს ვხვდები შიგ.

აბა, იყავით კარგად, ჭანმრთელად, უკლებლივ.

მოკითხვა ყველას, ყველას, ყველას.

თქვენი ლ ე ვ ა ნ ი“.

„ჩ ე მ ო კ ა რ გ ე ბ ო I

23. IX. 1950 წ.

ბოლოს მომეცა საშუალება, წერილისა და წიგნის (ხელნაწერის) გამოგზავნისა. ამის გამომტანი ახალგაზრდა ინჟინერი აქ მუშაობდა, იყო პრაქტიკაზე, ასე რომ, აქაური ცხოვრების ამბები კარგად იცის.

დანარჩენს თვითონ გაიმბობთ.

ამანათები და წერილები ყველა მიღებული მაქვს. გუშინ გაღმომცეს ფული — ასი მანეთი.

ბანდეროლები კარგა ხანია არ მიმიღია. ეს ალბათ ზაფხულის ბრალია — ეს არაფერია. მხოლოდ ვახუშტის „გეოგრაფიის“ გამოგზავნა მეტად შეგვიანდა. ხოლო მე მეტის გადადება აღარ შემეძლო. ასე რომ, „ხელნაწერს“ ამ მხრივაც შეუხსოვრებელს ვაგზავნა. ეჰ, რას იზამ მარტო ეგ რომ იყოს, კიდევ არაფერია...

ახლა უშუალოდ ისევ ხელნაწერის შესახებ.

საუბედუროდ, ხელი სულ უფრო და უფრო გამიფუჭდა, შით უფრო სიჩქარეში და საერთოდ საოცარ „ობიექტურ პირობებში“. რვეულ-ქალაღები და კალმები მძიმედ ასაშოვნელი და სხვადასხვა ყაიდისა მქონდა. ამ მხრივ ჩემი ხელნაწერი „ბოშურ საბანსა“ ჰგავს. შავები რომ ნახოთ, ხომ სულ გოცდებით, ისეთი „შავებია“, რომ ალბათ მეც ვეღარ გავარკვევ. ამიტომ ამ გამოგზავნილ ცალს გაუფრთხილდით, იგი თითქმის ერთადერთია.

გადაწერის არც დრო მქონდა და არც საშუალება, არც ქალაღი, წინ კი კიდევ სამი წიგნია დასაწერი.

ჰო, ჰო! — რამდენი სამუშაოა!

ვგონებ მეტად გვიან, მეტად შორს, მეტად უცნაურ

პირობებში, მეტად გრძელი ამბავი წამოვიწყე, მაგრამ მე მხოლოდ ეს მაცოცხლებს და მასულდგმულებს! მაშ ასე, „ისტორიული რომანის“ პირველი წიგნი გათავებულა და საქართველოში მოდის. მართალია, თუ შეღიროსა კიდევ მრავლად დასჭირდება შევსება. თუ არ დამცალდა, მე მაინც ვფიქრობ ამ ნაწარმოებს ამ სახითაც აქვს თავისი მნიშვნელობა და იქნებ მხატვრული ღირებულებაც.

თუ ეს ზამთარი მშვიდობით გავიტანე, იმედი მაქვს, ზამთრის ბოლოს მეორე წიგნიც შექნება. ჰოი, რამდენი თუ... მჭირს? ახლა თქვენ გთხოვთ შემდეგს: რვეულები, რვეულები ერთხაზიანი, უამრავი მჭირდება. აქ რომ არ მესმარებოდნენ, ალბათ ჩემს ტყავზე მომიწევდა წერა, ამჟამად ესლა გამაჩნია.

გამომიგზავნეთ წიგნები: Белокуров, „Сношение России с Кавказом“, აკადემიის წიგნსაცავში არას, მე იქედან მქონდა წამოღებული. გამოართვით ჩვენი ოჯახის მეგობრებს. მაგალითად, სოლიკო ხუციშვილს, ლონგო სუმბაძეს. თუ აუცილებელი იქნება, ვისარგებლებ და უკან გამოგზავნი. ეს წიგნი უშუალოდ ჩემს თემას ეხება! ხევსურეთზე და ქავახეთზე რომ გამოგიგზავნოთ „ეთნოგრაფიული ნარკვევი“, მათ მაგალითზე ერთ პიესას მაინც დავწერდი, თუმცა მასალები დაკარგული მაქვს, მაგრამ მახსოვს. მესხიერება ჭერჭერობით კიდევ იქნევს კულს, თუმცა ესეც ალბათ გამეზარება ხელიდან, ერთად უსაზღვროდ ბევრი აქაური საზრუნავისა და პირობების გამო. ამიტომ ვჩქარობ. საინგილოს შესახებ, რაც იშოვოთ, აგრეთვე გამოგიგზავნეთ, არის ზაქარია ედილის წიგნი.

„დასტურლამალი“ თუ გამოვიდა, ცალკე წიგნად ვ. გაბაშვილის, ისიც მჭირდება.

საერთოდ, რაც ეხება საქართველოს ისტორიის XVI—XVII საუკუნეს, ყველაფერი მაინტერესებს, ზეპირსიტყვაობაც. დანარჩენი თქვენ იცით, წინათაც ვწერდით და გამოგზავნილით დიდად მასიამოვნეთ. ახლა თვით ამ „გმირთა ვარამის“ პირველი წიგნის შესახებ: ჭერ ერთი, საბეჭდი მანქანა თუა სახლში? და მზიას თუ

აქვს ბექდვის საშუალება, ტექნიკა და სურვილი? თუ ეს შესაძლებელია, სამ ცალად გაამრავლეთ, გადაბექდეთ მხოლოდ ცალ გვერდზე, ან სხვა კარგ და მოკლენიან მემანქანეს თუ იშვით, ჩინებული საქმე იქნება. ერთი სიტყვით, თუ ეს ძნელია, მაშინ დადეთ ასევე და იყოს ხელმიუკარებელი. ნურც ეტყვიტ ვინმეს და ნურც მისცემთ ჩემი ნებართვის გარეშე, ხოლო თუ მოახერხოთ გადაბექდვა, ერთი ცალი ჩემთვის გაამზადეთ და როდესაც შემოგიტვლით, მაშინ მომაწოდეთ, დამჭირდება შემდგომი მუშაობისათვის.

ცუდ მემანქანეს არ მისცეთ. ცუდი ჩემი ხელიც შეუოფა!

ჯანმრთელობის მხრივ არა მიშავს რა... ვნახოთ ზამთარი რას მიზამს, ისევე „ცინგის“ ნიშნები შემომეპარა. გამომიგზავნეთ გლუკოზის ამპულები, ასკორბინის სიმუჟავესთან ერთად.

სხვა მხრივ არა მიშავს რა, ვმუშაობ ბევრს და მეტად ნაყოფიერად (როგორც ხედავთ), რაოდენობის მხრივ მაინც.

გამომიგზავნეთ კბილის ჭაგრისი, პასტა და ჩაი. სია ამანათში რუსულად დაწერეთ.

მოკითხვა ყველას.

ვკოცნი დედას, დევიკოს და ყველას თქვენ.

აბა, მოუთმენლად ველი პასუხს. „გმირთა ვარამის“ მიღება დამიდასტურეთ.

დანარჩენს ალბათ დაწვრილებით მომტანი შეტყვის. თქვენი ძმა ლევანი“.

„ჩ ე მ ო კ ა რ გ ე ბ ო !

28. XI. 1950 წ.

ჩვენი მიმოწერა ოდნავ შეფერხდა.

თქვენგან კარგა ხანია წერილები არ მიმიღია. მიღებული მაქვს ამანათები, რომელშიაც გურული საპერა იყო, რამაც უფრო გაგვახარა ყველა. ასევე მიღებული

მაქვს ფული (ასი მანეთი), ტკბილისა და ხილის ამანათი და სხვა.

წიგნების ამანათმა ძალზე გამახარა.

მე კარგად ვარ, საკმარისად ჯანმრთელად. კარგად არის კოლია მღებრიშვილიც, ზურაბ მიქელაძეც, დავით კვიციანიშვილიც და სხვებიც. მხოლოდ საავადმყოფოში წევს ვალერიან ჭუმბურიძე, ვგონებ გულის ასთმა უნდა ჰქონდეს. ამ გარემოებამ ფრიად შეგვალონა სუყველა, მაგრამ მაინც იმედი გვაქვს, კარგად იქნება, გაუძლებს აქაურობას და ჩვენთან ერთად სამშობლოში დაბრუნდება. თუ მიიღეთ ჩემი უსტარი, გამოგზავნილი 25. IX. აბა, ასე, ნუ შეგეშინდებათ, ასეთი მოვლენა ხშირად ხდება ამ ზამთრის პირობებში. მე სულ ძველებურად ცეცხოვრობ, ვმუშაობ, ვადას ვლრდნი, მივეჩვიე მავთულსაც და ყინვასაც.

ახლა უცბად მომინდა, რომ მოვხვდე მანდ, გულით შევიგრიძნო ქართული მზე, ხალხი; ჩემი სამშობლოს ყოველი ცუნჭული, მივეგებო მას, მივეხმარო, ჩავწვდე სულში და გულში, მივესიყვარულო. ოცნებამ ისევ ფრთები გაშალა. მე სულ ვკვიცავ და ვკვიცავ ამ ოცნების ფრთებს, რომელიც ხშირად მაგიჟებს კიდეც.

უკანასკნელი გაზეთებიდან, რომელიც მე ხელში ჩამივარდა, გავიგე უშბა-შხელდის ტრავერსის შესრულების შესახებ. მეტად მეთამა, ვაშა მათ!

ხელახლა განვიცადე ალიოშას საოცარი ცხოვრების ზრახვანი და ტრაგიკული დასასრული.

რაც უფრო ვცილდები მისი დაღუპვის თარიღს, დრო აწვრილმანებს, ცხრილავს და უფრო ნათლივ აჩენს ალიოშას ქეშმარიტად დიდბუნებოვან სახეს, ღვაწლსა და ძალას. მის სწორუპოვარ და სრულიად თავისებურ ხასიათს და საქართველოს მთამსვლელობაში ყველაზე უმაღლეს ბიოგრაფიას. მისი ცხოვრების თარიღები კავკასიონის მწვერვალებზეა გადათვლილი, გადაწერილი და თუ პირველყოფილმა საქართველოს ამირანის დიდი ლეგენდა შექმნა, ჯერ თვალნახული თქმულება ალიოშა ჭაფარიძის შესახებ იმავ სიცოცხლით, იმავ ჯაჭვში და იმავ კავკასიონზე იგზნო და გამოიქვედა.

ამ მხრივ ახალი თქმულება ძველი ლეგენდის თავისებურ, უახლეს და ცოცხალ ვარიანტად გვევლინება! ვაშა მათი ვინც მისი ზვავგავლილი ძვალი ისევ გაწვრთა და განაგრძო!

უველას, უველას მოკითხვა.

თქვენი ჩრდილოეთის ძმა ლე ვ ა ნ ი“.

ლევანისგან ცნობის მიღების შემდეგ საკმაოდ დიდმა დრომ გაიარა, ვორკუტიდან არავინ გამოჩნდა. ოჯახში თანდათან გვემატებოდა ლეღვა. ბოლოს იმ კაცისა და ხელნაწერის გამოჩენის იმედიც დაუკარგეთ. საშინლად ვწუხდით. რა მოხდა? რატომ ვერ მოვიდა? გავიდა კიდეც რამდენიმე თვე და უკვე ყოველგვარი იმედი რომ გადაწურული გექონდა, ერთ სადამოს, სრულიად მოულოდნელად, გვეწვია ძალიან ახალგაზრდა, სიმპათიური კაცი. მან ლევანის ნაწერები და წერილი გადმოგვცა. ის შემკრთალი და მოკრძალებული იყო. თავიდანვე გვთხოვა ვინაობა არ გვეკითხა.

— მართალია, მე სრულიად დარწმუნებული ვარ, რომ ჩვენი შეხვედრა არავის არ ეცოდინება, — გვითხრა მან, — მაგრამ მაინც სიფრთხილეს თავი არ სტკივა. დღეს საქართველოში მძიმე ატმოსფეროა და ლევანისათვისაც და ჩემთვისაც ასე უკეთესი იქნება.

ლევანი ჩანმრთელობის მხრივ კარგად არის, ბრგე და ყოჩალი ვაეკაცია, თუ ასე შეიძლება ითქვას. დიდად ვანსწავლული და განათლებული, მეტად ობიექტური და პატიოსანი. მას ბანაკში დიდი ავტორიტეტი და ნდობა აქვს დამსახურებული. ამიტომ ყოველგვარ კონფლიქტს პატიმართ შორის ის წყვეტს, მას უჭერებენ.

ლევანმა გთხოვათ ეს ნაწერი სახლში არ შეინახოთ, ისეთი წვალებითა და სიძნელეებით არის დაწერილი და გამოტანილი, რომ ერთი ფურცლის დაკარგვაც კი დიდი საცოდაობაა. რაც მთავარია, ბანაკიდან ეს წიგნი ფურცელ-ფურცელ არის გამოტანილი და ამ საქმეში ბევრი ქართველი მონაწილეობდა. თქვენ თვითონ წარმოიდგინეთ, ცხრაკლიტულით ჩარაზული ბანაკის მაღალკედლიანი და მავთულხლართიანი „კარიბჭე“ და სამწყებად თავიდან ფეხებამდე შეიარაღებუ-

ლი მცველები. იქ ახლოს პატიმრის მისვლა აკრძალულია, გაუფრთხილებლად შეიძლება გესროლონ და იქვე გაგაგორონ, ამისთანა შემთხვევა ბევრია. შემსვლელ-გამსვლელებს ჩხრეკენ და ამოწმებენ. ბანაკში შემოსვლის უფლება კი აქვთ ყოფილ პატიმრებს, ამჟამად ქალაქ ვორკუტის მკვიდრებს. ისინი ვადის დამთავრების შემდეგ სამშობლოში არ გაუშვებს და თავისუფალ გადასახლებაში იქ სამუდამოდ დატოვებს. მათი უმრავლესობა ამ მაღაროში მუშაობს თავისუფალ დაქირავებულ მუშად. მათთვის ესეც დიდი შეღავათია, ბანაკიდან გასვლის შემდეგ შეიძლება თავისუფლად მაინც ისუნთქონ. ზოგს ოჯახიც კი ჩამოუვიდა.

ვერც კი დაიჯერებთ, რა საოცარ მძიმე პირობებშია დაწერილი ეს წიგნი. ზღაპარი გეგონებათ. წარმოიდგინეთ მაღაროს მაღალი ძაბვის ქვესადგური, რომელიც მიწაში ღრმადაა ჩათხრილი, სადაც უჰაერობა, სიცივე, მანქანების გუგუნე და ხმაურია გამეფებული, ისეთი ყურთასმენას რომ ახშობს და რაც მთავარია შიში, რომ არავინ გაიგოს წერის ამბავი.

ერთხელ ლევანს ჰკითხეს, ამისთანა პირობებში და ხმაურში როგორ მუშაობთო? მან თავისი ჩვეული ღიმილით უპასუხა: როცა მუშაობა გამიტაცებს, ყრუ და მუნჯი ვხდები, გარემოს მთლიანად ვკარგავ და მარტო ჩემი აზროვნება და მენსიერება მერჩისო.

ლევანს იქ ხელნაწერებიც კარგად საიდუმლოდ აქვს დაცული. მხოლოდ ნაწერების ბანაკიდან გამოტანა ძალიან ძნელია და სახიფათოც. ჩემი თბილისში წამოსვლის დღე რომ გადაწყდა, ბანაკში მყოფი ქართველები აწრიალდნენ, საიდუმლოება გამანდეს. ასეთი ნდობისათვის სიამაყის გრძნობამ ამაღელვა, ჩემი თანხმობის შემდეგ ისინი საქმეს შეუდგნენ.

აქვე მინდა გითხრათ, რომ ბანაკში ქართველებს ყველა აფასებს. სხვა პატიმრებთან შედარებით მათ მეტი წონა აქვთ. თითქოს საგანგებოდ, კარგი ხალხია შერჩეული, ნასწავლი, თავმდაბალი. ისინი ძალიან შეგობრობენ და ერთ დიდ ოჯახად არიან. ერთმანეთს საგრძნობლად ეხმარებიან. მათ შორის ლევანი ყველაზე ძლიერი პიროვნებაა. ის არაჩვეულებრივი ადამიანია. მასზე ლეგენდებიც დადის. სასწაულად გადაურჩა ამ უკუღმართ, მძიმე დროს, სიმკაცრეს და შეუგ-

ნებლობას. რამდენი სიღუბსჭირე და გაჭირვება გადაიტანა და მაინც, ყველასათვის გასაკვირად, დარჩა უდიდეს მოქალაქედ და ქეშმარიტ მამულიშვილად. ამისთანა ხალხი, ალბათ, იშვიათია. სულით მდიდარი, ოპტიმისტი და მეოცნებე. ლევანი ყველა თავის უბედურებასთან ერთად ბედნიერი კაციც არის. გარდა ქართველი მეგობრებისა, ბევრი სხვა ერის ხალხი ეხვევა და მასთან მეგობრობს, სჯერათ მისი და მისგან რჩევას ელიან.

ბანაკში კიდევ ერთ მის თვისებაზე ლაპარაკობენ: როდესაც უმრავლესობა პატიმრებისა მძიმე პირობებში აზროვნებას კარგავს, ლევანი, პირიქით, ნათელი აზროვნებით რჩება და ყველას მრჩეველი ხდება.

მართალია მე ახალგაზრდა ვარ, მაგრამ ჩემი აზრი თუ გაინტერესებთ, მე ვფიქრობ, რომ ლევანი წააგავს დონ-კიხოტს, უფრო სწორად, უკანასკნელ „მოპიკანს“, რომელიც ზოგჯერ თავისი ფანტაზიის მსხვერპლი ხდება.

— თქვენ მთავარი ამბავი არ გითქვამთ, ბანაკიდან როგორ გამოიტანეს ლევანის წიგნი, — შეაჩერა ახალგაზრდა კაცი თინამ.

— მართალია, ეს ასე მოხდა: ამ წიგნის გამოტანას თან სდევდა ბევრი დაბრკოლება, მაგრამ ჩვენ ყველაფერი დავძლიეთ. წიგნის საიდუმლოდ გამოტანისათვის ქართველებმა სხვადასხვა გეგმა წამოაყენეს. ყველაზე უფრო საიმედოდ და არასახიფათოდ მიიჩნიეს ბანაკის ტერიტორიაზე დაყრილი მორების გამოყენება. ნამდვილად, ბანაკის ტერიტორიაზე უამრავი მორი და ბოძი ყრია მალაროს კედლის საყრდენისათვის. ზოგჯერ ეს მორები მალაროს უფროსის ნებართვით ქალაქში მცხოვრებ თანამშრომლებზე იყიდება, როგორც საწვავი მასალა. მორების გამოყენების აზრი წამოაყენა ვალიკო ქუმბურიძემ. ის სწორედ ქალაქში ცხოვრობდა და შეძლო უფროსისგან მორების შესყიდვისა და გატანის ნებართვის მიღება. ამ იდეის ხორცშესხმაში აქტიური მონაწილეობა მიიღეს დავით კვიციანიშვილმა, ნიკო მღებრიშვილმა, ვანო შევარდნაძემ, ზურაბ მიქელაძემ, შალვა ბალარჯიშვილმა, გოგრიკიანმა და სხვებმა. საჭირო იყო მორების შერჩევა, მათი დამუშავება, გამოფულუროება, შიგნაწერების ფურცელ-ფურცელ ჩადება, შემდგომ ისევ სათანადოდ დახურვა, გა-

მაგრება, ტალახში კარგა ამოგანგვლა და ისე ბანაკგარეთ ფა-
მოტანა, ეს საიდუმლო მანიპულაცია დიდი სიფრთხილით, შე-
უმჩნევლად უნდა გაკეთებულიყო, წინააღმდეგ შემთხვევაში
ყველასათვის მძიმე ამბავი დატრიალდებოდა, იმდენად მძიმე,
რომ საბოლოო სასჯელს ვერავინ ვეღარ საზღვრავდა.

ბანაკში ბლომად ირევიან ეგრეთ წოდებული „სტუქაჩე-
ბი“. ეს ყველაზე საშიში, გაფუჭებული ხალხია. ვინ, სად და
როდის გამოძვრება, არავინ იცის. უდავოა, რომ რაიმე ეჭვის
აღების შემთხვევაში უსათუოდ იჭაშუშებენ.

შეირჩა მორები, მოგროვდა წინასწარ განზრახულ ადგი-
ლას, ვანო შევარდნაძის საწყობთან, დაიწყო მორების და-
მუშავება. ქართველები ჭუმბურიძეს ეხმარებოდნენ. ზოგი
მორი ტყუილად გაიჩეხა, ზოგი კი ფურცლების ჩასადებად
გამზადდა. საბედნიეროდ ამ საიდუმლოებაზე ეჭვი არავის
მიუტანია. მერე კი დაიწყო მორების გაზიდვა, ლევანი შორი-
ახლოს ამ ესტაფეტას ღელვით და გულის ძგერით თვალყურს
ადევნებდა. ამ პირველმა საიდუმლო ოპერაციამ კარგად ჩა-
იარა. ყველა მორი ვალიკოს ეზოში შეგროვდა. ეს ოპერა-
ციამ რამდენიმე დღის შემდეგ კვლავ განმეორდა და, მიუხე-
დავად ზედამხედველების შემოწმებისა, დაუბრკოლებლად
ჩატარდა. ასე გამეორდა რამდენჯერმე, სანამ წიგნი არ დას-
რულდა. ვალიკოს არ უნდა დაეყოვნებინა და ცოტა ხანში
წიგნი ჩემთვის უნდა გადმოეცა. ის ამისათვის ხელსაყრელ
დროს ეძებდა. აქ კი, დახეთ ახალ დაბრკოლებას — ჭვალკოს
ცოლი აუხირდა, ამდენი მორები რად გვინდა, გავყიდოთო.
მერე მეზობლები შეუჩნდნენ: — დაჩეხვაში მოგენმარებითო,
ნაწილი მორებისა ჩვენც მოგვყიდეთო. მოკლედ, ვალიკოს ძა-
ლიან გაუჭირდა, მაგრამ მაინც მოაბა ყველაფერს თავი. და,
აი, პირველი წიგნი თქვენთან არის. შეატყობინეთ ლევანს,
რომ შიიღეთ. ჩვენი პაროლია: „სახლში კარგი მოსავალია“.

— ჩემს იქ ყოფნაში ლევანთან დაკავშირებით კიდევ ორ
საინტერესო ამბავს შევესწარი, — განაგრძო მანი — მაღარო-
ში საშინელი უბედურება დატრიალდა — გაზი აფეთქდა. ბევ-
რი პატიმარი ადგილზე დაიწვა, ბევრი კი გაზით გაიგუდა.
ლევანმაც მაშინ თავი ძლივს დააღწია იქიდან, ცოცხალმკვდა-
რი ამოვიდა და რამდენიმე პატიმარიც გადაარჩინა.

ერთხელ ლევანს ბანაკში შევად დაწერილი რამდენიმე

რვეული მოპარეს. ძალიან შეწუხდა. ქართველი მეგობრები მაშინვე დატრიალდნენ და ცოტა ხანში ქურდი აღმოაჩინეს; ის უბრალო რუსი კაცი აღმოჩნდა. ქურდი ლევანს მიჰგვარეს.

— რატომ გააკეთეთ ეს, — თავაზიანად შეეკითხა ლევანი ქურდს.

— მე ვიცოდი, რომ თქვენ მწერალი ხართ და რატომღაც ვიფიქრე რუსულად წერდით, — კითხვა მომენატრა და ვიფიქრე რამეს წავიკითხავდი. ოხ, როგორ შევეციდი. ეშმაკმა დასწყევლოს, იმიტომ გავბედე. ნაწერს რომ დავხედე, უკან მინდოდა მომეტანა.

ვინაიდან ეს კაცი ჯაშუში არ აღმოჩნდა და, რაც მთავარია, „კითხვა მონატრებოდა“, ლევანმა მას რუსული გაზეთი აჩუქა და მადლობით გაისტუმრა. ამბობდა, კითხვისათვის ქურდობა ცოდვად არ ჩაეთვლებაო.

მე ალბათ ყველას შეფასება ერთნაირად არ შემიძლია, მაგრამ ვინც იქ შემხვდა, თითოეული თავისებურად ნათელი სულის ადამიანია. ღმერთო, ხელი მოუშართე მათ.

მალე ლევანის წერილმაც გაგვახარა:

„ჩ ე მ ო კ ა რ გ ე ბ ო !

ვსარგებლობ ამისთანა შემთხვევით და გწერთ ყველაფერს დაწვრილებით. ჯანმრთელობის მხრივ კარგად ვარ, მხნედ და ყოჩაღად. ვმუშაობ ჭერ კიდეც ახალგაზრდული შემართებით, თვითონ მიყვირს. ჩემს ბედზე ქვესადგურში სახიფათო შემთხვევა არც თუ ხშირია. ამიტომ წერის შესაძლებლობა და სურვილი გამიათქეცდა. მე და მანქანა ერთ რიტმში ვმუშაობთ, ვგონებ ხელს ვუწყობთ ერთმანეთს.

ჩემი რომანის პირველი წიგნი გავათავე და, ხომ ხედავთ, გამოგიგზავნეთ კიდეც. სათაურიც შემთხვევით გამოინახა. ამხანაგებს წიგნის შინაარსი დაწვრილებით მოვუყევი, ვერ წავუკითხე, ვინაიდან ხელწერა იმდენად გამიფუჭდა, ჩემს ნაწერს ველარც ვარჩევდი. მერე ნახევარზე მეტი თავგებმა დაძიძგნეს და გამიფუჭეს, დამპირდა ხელმეორედ დაწერა.

— ნახეთ, რამდენი გმირი გყოლიათ კახეთში, — მივმართე „ჩრდილოეთის კახელებს“.

— კახეთში, მართალია, ბევრი გმირი გვეყავდა, მაგრამ მათ ბევრი ვარამიც გადაიტანეს, — მიპასუხეს მათ.

— ეს რა თქვით, კაცო! — აღფრთოვანებით შევძახე მე, ძალიან მომეწონა მათი ნათქვამი. — ბიჭებო, თქვენ ჩემი წიგნის სათაურს მიმაგნებინეთ — „გმირთა ვარამი“. ეს ძალიან შეეფერება ჩემს წიგნს და ამიერიდან ჩემი რომანი „გმირთა ვარამად“ იქნება წოდებული. თქვენ კი ამ წიგნის ნათლიები იქნებით. ამიტომ ჩემს წიგნში მათი დიდი ღვაწლიცაა.

სადღეისოდ ჩვენი ჩაბინდული ბარაკი თავისი უფროსებითა და დასჯის სახეებით საოცარი ნადირებით სავსე ბუნაგს უფრო ჰგავს, ვიდრე XX საუკუნის პატიმრების ციხე-სამყოფელს. ჩვენ მონები ვართ, ყოველგვარ უფლებას მოკლებული.

აქ გაშვებულია აბრაამიანური, პირველყოფილი ყოველგვარი წამება და წვალება, მორალური თუ ფიზიკური განადგურება. ქრონიკული უჭმელობის, სიმკვლევის და აუტანელი ყოფის შედეგად ბევრი ავადდება და იღუპება. თუ გადარჩა, ხეიბრდება, ვერ შრომობს. ეს კი აქაურ უფროსებს ხელს არ აძლევს. შემდგომში, საცოდავები, განწირულები ხდებიან — იქვე უმოწყალოდ ანადგურებენ და ოსტატურად აქრობენ ბანაკიდან. ბევრი ჩვენისთანა თავჩაქინდრული დაულაღავ, სახიფათო, მძიმე შრომას ეწევა და სიცოცხლის გადარჩენისათვის ყველაფერს იტანს, მაგრამ ამისთანა რკინის ორგანიზმი ბევრს აღარა აქვს, უმრავლესობას ჭანმრთელობა უცვდება, ნერვები ჭლალატობს, თვითმკვლელობაზე მიდის. ბევრს კი მთავრობისა და სამართლის მიმართ შურისძიების გრძნობა ასულდგმულებს, ჩვენსავით მომავალს შესცქერის. მოკლედ, ბანაკში ჩვენ არ ვითვლებით აღამიანებად. ბარბაროსების ხელში ვართ. ვერც კი წარმომიდგენია საიდან მოდის ასეთი სისასტიკე და გესლი, ეს მეც კი მიყვირს, კაცს, რომელმაც რა არ გადავიტანე.

რა საშინელება არ მინახავს ჩემს პატიმრულ ცხოვ-

რებაში, მაგრამ აქ რომ ვნახე პირამოკერილი კაცები, ამან მეც კი შემძრა. ეს საშინელი და შემზარავია. საწყლებმა პროტესტის მიზნით შიმშილობა გამოაცხადეს. ახლა თქვენ წარმოიდგინეთ, რამდენად მძიმე პირობებში იყვნენ ჩავარდნილები, რომ სამკვდრო-სასიცოცხლო ბრძოლა გადაწყვიტეს. ცდუნებას რომ არ აპყლიყვნენ და საკვებს ან სითხეს არ მიჰკარებოდნენ, ხუთმაგად დაგრეხილი კოჭის ძაფით პირები ამოიკერეს, როგორც ტომარის პირს ამოკერავენ. აბა, მათ ვინ გაუწევს თანაგრძნობას... საწყლებმა სიკვდილი გადაწყვიტეს.

ჩვენ, ქართველებს, მე ვგონებ, სხვა ეროვნებებთან შედარებით უფრო დიდი შეგუების ძალა და უნარი შეგვწევს. ჩვენში მომავლის სულისკვეთების ზღურბლი უსასრულობამდე აღწევს. სიცოცხლეს მაგრად ვებლავებით, იმედის უმნიშვნელო ნაპერწკალს მბუუტავო სანთელივით უბეში მალულად ვინახავთ. ეს იმიტომ, რომ ჩვენ სამშობლო გვაქვს, ჩვენი მიწა, ჩვენი აკვანი. ეს ძლიერი გრძნობა კი ჭფარავს ყველს სიძნელებებს. ოჰ, რომ გვქონდეს მცირე შესაძლებლობა, უსამართლობის წინააღმდეგ რა დიდ ცეცხლს ავანთებდით! ისიც უნდა ითქვას, რომ ჩვენ თავდავიწყებული აღფრთოვანების ზოგჯერ თავდიდა და წინამძღოლი ხალხი უფრო ვართ, ვიდრე თავდავიწყებული სასოწარკვეთის. ეს ხასიათი აქ ჩვენ ბოლომდე უფრო უკეთ შემოვინახეთ, ვიდრე თქვენ იქ, ჩვენს ისტორიულ მიწა-წყალზე.

გულგაუტეხელობაც ჩვენი ეროვნული ხასიათის ნიშანდობლივი თვისებაა. ამან მრავალჯერ გვისაშველა, მოგვალწევინა მეოცე საუკუნემდე, თანამედროვე თვითშეგნების გამომწიფებამდე, პიროვნულ და ეროვნულ ოპტიმიზმამდე. საუბედუროდ, ეკალ-მავთულის ხლართები ყოველთვის ყველაფერს აკავენდნენ.

მერე ისიც გასათვალისწინებელია, რომ ამ ბანაკში მკვლევები, ქურდები, თავზეხელაღებული ხალხი და ეგრეთ წოდებული პოლიტპატიმრები ერთად ვართ შეყრილები, ერთ ტაფაში ვიწვებით. კატორღელებიც აქ არიან. ვის არ შეხვდებით აქ? საუბედუროდ, ყველა

უკვე ყოფილები ვართ, დაწყებული უბრალო კაციდან, რომელმაც წერა-კითხვაც არ იცის და, რაც მთავარია, არც ის იცის, ასე სასტიკად რატომ დასაჯეს, გათავებული სწავლული ხალხით, განათლებული ინტელიგენციით, აკადემიკოსებით, ყოფილი „ნარკომებით“ და პოლიტმუშაკებით. საცოდავები არიან აგრეთვე სამამულო ომის მონაწილეები, ისინი გაიძახიან — ჩვენ ომი მოვიგეთ, თავისუფლება დავიცავით, ამისათვის სისხლი დავღვარეთ, ახლა კი არაავტორიტეტულმა ხალხმა თავისუფლება დაგვაკარგინა. რატომ?

ჩვენ, უდანაშაულო პატიმრებს, სულ სხვა თვალი გვაქვს. ჩვენზე უარესი არაფერია. ჩვენ გაშიშვლებული, გაცრუებული და დაკნინებული შინაგანი გუმანი და გუნებ-განწყობა გვაქვს და ამის საშველი კი ჭერ არსაიდან ჩანს.

ბანაკური დღეები ტუნდრის გაუთავებელ ღამეებს ჰგავს, კიდევ ერთი დღის მშვიდობიანად გათენება იმედოვნად გვენიშნება — ღმერთო, ნუ მოგვაკლებ ამას.

ბევრი სიმწარე მოგწერეთ, მე გული მოვიოხე, თქვენც კი გული აგიჩუყეთ ალბათ, მაგრამ თქვენც და მეც უნდა გავმაგრდეთ, იმედით გავითენოთ მომავალი დღე და დრო. ჩემი საშველი, არა თუ მარტო ჩემი, თქვენიც და ყველა აქ მყოფის, სანამ ეს მთავრობა ძალაშია, არაფერი არსაიდან არ შეგულება. მიუხედავად ამისა, მომავალს მაინც იმედით შევცქერო. მთავარია, მჭერა აქ ათასობით დამონებული ადამიანი, საბოლოოდ თუ კი გადავრჩით, მაინც იტყვის თავის ძლიერ სიტყვას.

იქ კი როგორა ხართ და რას ფიქრობთ, უკვე არ ვიცო.

სულ ბედნიერად იყავით. თავს მოუარეთ.

ჩემი გულითადი მოკითხვა და სიყვარული ყველას გადაეცით და ისიც უთხარით — კვლავ შეხვედრამდე, შეგობრებო.

ბეკონით ლევანი“.

„ჩემო კარგებო!

1. I. 1951 წ.

ისევ და ისევ შორეთიდან გილოცავთ ახალ წელიწადს. ყველას გილოცავთ — ნაცნობ-ნათესავთ, საერთოდ ყველას, დედაენიდან ბუნების კარამდე!

კაცობრიობის ისტორიაში ოცნებას უდიდესი დამსახურება მიუძღვის, ხოლო ყველაზე აღიარებული ოცნებისა და კეთილი სურვილების დღე ახალი წლის უნილავი მიჯნა გახლავთ. ამ დღეს ყველა ოცნებობს და ბედნიერია ზღაპრული ნაცარქექიიდან მიჯაჭვულ ამირანამდე, ყველა ცოცხლისა და მოაზროვნის ჩათვლით. მეოცნებე კაცი კი ყოველთვის უფრო გულკეთილი და ღმობიერია.

იქნებ ამიტომ არის, რომ ამ დღეს კაცობრიობის ისტორიაში თითქმის არც ერთი დიდი ბოროტება არ დატრიალებულა. ეს დღე ყველაზე უფრო ჰუმანურია ჩვენს კალენდარში. ამ დღეს მოგილოცავთ, სამშობლოს შვილებო. გისურვებთ ბედნიერებას და უსათუოდ თავისუფალი საქართველოს ბედნიერებას. ამაზე მეტი სურვილი მე არც ვიცი, არცა მქონია და ახლა ხომ მით უფრო — არ გამაჩნია.

უფრო მკაფიოდ, პირდაპირ შემიძლია ვთქვა: მე ბედი კი არ დამაკლდა, არამედ დამაკლდა საქართველო! ჰოი, რამდენი ახალი წელი უცხოობაში მიღუბურია?!

...მაგრამ უკან არ ვიხედები.

არც ამ ჩემ ბოლო წლებს მოვხედავ ხოლმე. ისინიც დამხრჩვალ კატებივით ჰგვანან ერთმანეთს.

ისევ წინ, ამირანის ქედს იქით ვკვრეტ გულმარაგინი თვალით... ამით ვსულდგმულობ... თუმცა ვიცი, ბნელი თარიღები წინაც მგლებივით მიდარაჯებენ... და, მიუხედავად ყველაფრისა, მე მაინც ვფიქრობ, ჩემი ცხოვრების წლები მეყოფა, რომ ერთხელ კიდევ შემოვდგა ფეხი ვარდებისა და ვაზების ქვეყანაში!

მაშინ იქნება ჩემი ახალი წელიწადიც და ხელახალი დაბადებაც. ჭერ კი ჩემს გულში საკუთრივ ჩემი... ქარ-

თული სამყარო შემოვიფარგლე. „უბის საქართველო“ შევთხზე და გავიბინდე.

ნურვინ ფიქრობს გარინდება მოჩლუნგებას ნიშნავდეს ან დაჩლუნგება-დაგლახაკებას!

საერთოდ, ღინების მიყოლა ადვილი საქმეა. ეს „სიბრძნე“ უთქმელმა მეტივემ იცის. ანკარა წყაროს შიგნება და დაცვა კი დიდ მისაღწიერად მიმაჩნია. მით უფრო, როცა ირგვლივ ყველაფერი ამღვრეულია და ტყვილის სიმბოლოა გამეფებული.

აბა, თქვენი ამბები დაწვრილებით მომწერეთ, ჩვენ მიწის შვილები ვართ და, უპირველეს ყოვლისა, აქა მშვიდობა გვასულდგმულებს და თუ ცის ქული „გაგვერღვა“ და „შემოგვაცვდა“, დედამიწის ქალამანი ჭერ ურყევად გვაქვს, გვინდა და დაგვრჩება კიდევ. სიმაართლის სინათლეა მთავარი.

მეტად გამახარა თამარის მოკლე ბარათმა, თორემ უწერილობა მრავალმხრივ მაფიქრებდა. ჩემი უსტარბარათები ყველა მივიღიათ, ასე რომ, მარტო ფოსტა გვწყალობს.

თქვენი და თბილისის ამბები დაწვრილებით მომწერეთ. თქვენს თავს და დედას მოუარეთ, ნუ დაგლახავდებით და ყველაფერს იმედის თვალთ შებნედეთ.

გკოცნით ყველას საერთოდ და დევის კერძოდ. მისი საახალწლო სურათი გამომიგზავნეთ.

თქვენი შორეული ძმა ლე ვ ა ნ ი“.

„ჩ ე მ ო კ ა რ გ ე ბ ო !“

30. I. 1951 წ.

ჩემი საახალწლო ბარათი ალბათ მიღებული გექნებათ. მივიღე ორი ამანათი, ორივე ჩინებულად მოვიდა და ფრიად მოგვედროულა. წიგნებმა და რვეულებმა ძლიერ გამახარა. ფული და გაზეთები ფოსტალიონის ავადმყოფობის გამო უკან გამოუგზავნიათ. აქ, ჩრდილოეთში, თითო-ორი სენი ყველას გვაქვს, ან სურავანდი, ან ასთმა, ან სიყვითლე, ან კუჭის სნეულება

და ათასი სხვა რამ. გულის მანკი ხომ აქაური სურდოა. აქაურ პირობებში კიდევ მე კარგად ვართმევ თავს. ჩემზე ახალგაზრდები ბევრად უფრო მოიკოკლებენ. მე კი ჭერჭერობით ძველი ჯან-ქონი მომდევს. თქვენგან მიღებულმა წამლებმა ხომ სულ ხელი მომიმართეს. ასე რომ, კვლავ ითქმის — ძველებურად ვცხოვრობო. ძალიან გამალებით ვმუშაობ, თავისუფალ ერთ წუთს უქმად არ ვფლანგავ, სულ ვწერ და ვწერ. მე მეორე წიგნზე ვმუშაობ და თუ ბეჭითობა და გამძლეობა არ ამიხირდნენ, იქნებ კიდევ ერთი ხურჯინი ავაესო. აქ არის ჩემთან ვახუშტი, ჯავახიშვილი, ... ბელოკუროვის მასალები... ცაგარელი, პირდაპირ დღეობაა. მიხარია და ვნანობ, ახლა უფრო ვნანობ, რომ ეს წიგნები თავიდან ხელში არ მქონდა. მაგრამ არა უშავს რა. თუ სხვაფრივ არ შემეშალა ხელი, კიდევ ამოვაკვებ ხარვეზებს. აბა, რა ამბავია მანდ, საქართველოში, კერძოდ თბილისში. მე ყველაფერი მაინტერესებს, დაწვრილებით მომწერეთ ხოლმე. ჩვენს თაობებს საქმიანობა და საზრუნავი ხომ არასოდეს არ დაეღვეათ, მაგრამ ამ საუკუნეს ერგო უდიდესი სოციალური, ეროვნული და სულიერი მძიმე ძვრები და წინაღმდეგობები. ჩვენს ახალგაზრდა თაობას სჭირდება არა მარტო მწიგნობრობა, ორატორობა და სპეციალური განათლება, არამედ საფუძვლიანი ესთეტიკური და ზნეობრივი აღზრდა-დადულება.

ყველას უნდა გვახსოვდეს, რომ სწავლასა და განათლებას, თანამედროვე მეცნიერების დონეზე დგომას არასდროს არ ჰქონია ისეთი დიდი მნიშვნელობა, როგორც ამჟამად და არ ყოფილა ჩამორჩენა ასე ადვილი და ასე საბედისწერო, როგორც ახლაა.

ერთი თხოვნაც: მანდ მოკითხეთ ახალი წამალი ბრონქიალური ასთმის საწინააღმდეგოდ, ვარდენისათვის. უსათუოდ გამოგზავნეთ, უსაშველოდ კვდება კაცი.

გულითადი მოკითხვა თბილისს, დედას და ყველას. იყავით სულ მუდამ კარგად.

გ კ ო ც ნ ი თ. ლ ე ვ ა ნ ი.

თუ არის გამოცემული და იშოვება, გამომიგზავნეთ ჩები მწერლის წიგნი, რომელმაც მიღო „მშვიდობის ჭილდო“ ვარშავის კონკურსზე — ფუჩიკის „რეპორტაჟი სახრჩობელიდან“. მეტად მაინტერესებს, რა არის ახალი ქართულ ლიტერატურაში, ნუთუ სულ „დამუნჯდნენ“. მწერლებს კი უნდა გვახსოვდეს, რომ ჩვენ ახლა გულისხმიერი, მაგრამ მომთხოვნი | ფართო მკითხველი გვყავს. ჩვენ, ვგონებ, ჩამოვრჩით, ჩვენთვის ხომ ყოველი ახალი წიგნი ახალი წელია და თავს ვერ ვინუგეშებთ იმით, რომ მწერლობა ნელად მზარდი, მრავალწლიანი, მარადმწვანე მეცნიერებაა. იქნებ ჩვენ ყველაზე უფრო გვესაჭიროება გადახალისება“.

„ჩ ე მ ო კ ა რ გ ე ბ ო !

16. III. 1951 წ.

ახლა სულ აღარ ვიღებ თქვენს წერილებს.

ნუთუ არა მწერთ?

ამანათების გარდა არაფერი მოდის. მხოლოდ სიანუსხის ძუნწ მინაწერებს ვიღებ თქვენგან.

იქნებ ჩემი წერილებიც გზაში დაიბნენ?

ამ ახალი წლის შემდეგ გამოგზავნილი მაქვს 5 წერილი, ნუთუ აღარც ერთი არ მოვიდა?

იძულებული ვარ მოკლედ გავიმეორო და კვლავ დავადასტურო. უველა ამანათი, ბანდეროლები — რვეულებით და გაზეთებით და ფული 200 მანეთი მიღებული მაქვს. ფულიდან მარტო 10 მან. მომცეს, დანარჩენი ვითომ ჩემს შემნახველ წიგნაკზე გადარიცხეს, რომელიც მე არა მაქვს. ამიტომ, გთხოვთ, ფული თქვენ მოიხმაროთ და მე ცოტ-ცოტა გამომიგზავნოთ, მაკლია სარეცხის საპონი, გამომიგზავნეთ.

ერთი სიტყვით, ყველაფერი მოდის, გარდა წერილებისა.

ჩვენ ძველებურად ვცხოვრობთ. ვალერიანი ძლივს გადარჩა, ძალიან გვიხარია. აქ ყოველი ქართველის ცუ-

დად ყოფნა და დაკარგვა ჩვენი თანამემამულეების დიდი გაჭირვება და ტრაგედიაა. ურთიერთს ძალიან ვეხმარებით, ამით ვცოცხლობთ და ვარსებობთ.

ასკორბინის სიმუავე ისევ გამომიგზავნეთ, აქ თითქმის ყველას ავიტამინოზი გვჭირს და, ვერ წარმოიდგენთ, ეს რა უებარი წამალია ყველასათვის აქ.

ან კი რა გასაკვირია, ამ ზამთარში მართო სიციფეებს რომ უძლებს ადამიანი. სინდიყის თერმომეტრიც კი იყინება.

— 50—60—72° გრადუსამდე ავიდა ყინვა-ქარის სუსხი. თოვლის ზვინები ჩვენს საცხოვრებელ ბანაკზე გაცილებით უფრო მაღლა არიან აღმართული, ზოგან შავთულხლართებსაც სჭირდება ხელახალი მოთხრა, მაგრამ არა უშავს რა, პირი გაზაფხულისაკენ გვაქვს. სხვათა შორის ქართველები შეგვემატნენ. აქ არის რომან ბლიაძე. აგრეთვე ილია ბოქორიშვილი და მისი ცოლი — ლუბა ნესტორის ასული. ორივე ახალმოსულია.

ჩვენი ცხოვრების პირობები ბევრი არაფრით გამოიცვალა. ტანისამოსს ნუ გამომიგზავნით. პირიქით, რაც სამოსი მქონდა სამოქალაქო ტიპისა, ჩამომართვეს და ნომრიანში ჩამჭედეს — სპეცტანისამოსის სახელით. აბა, თქვენ მომწერეთ ახალი ამბები. საქართველოს, ლიტერატურას და საერთო ცხოვრებას მაზიარეთ!

სახლში რა ამბავია, როგორ ხართ. ყველა ნათესავს და მოყვარეს გადაეცით კეთილი სურვილებით დიდი მოკითხვა. დიდი სიყვარული დედას და თქვენ: ყველას, დასა და ძმას ძმისშვილითურთ.

წერილის გადაკითხვაზე თავად გამიჭირდა, სულ გამიფუჭდა ხელი. მაპატიეთ, ვგრძნობ, როგორ გაგიჭირდებათ ჩემი წერილების. წაკითხვა.

თუ წერილმა დაიგვიანოს, არც ამაზე ინერვიულოთ, ძალიან შორსა ვართ, მეტად შორს.

გყოცნით თქვენი ლე ვ ა ნ ი“.

13. VIII. 1951 წ.

კვლავ ამანათი მივიღე — თამარის წერილითურთ. წინა ამანათები ყველა მიღებული მაქვს, ფულიც 150 მანეთი. აგრეთვე ბანდეროლები და მზიასა და თინას წერილები.

მოკლედ ვიმეორებ: სამძიმარი გადაეცით ბიძია იაშას ოჯახს, მისი გარდაცვალება გაზეთებიდან გავიგე. გული მწყდება, ნიკოლაძიანთ დიდ გვარში კიდევ ერთი მუხა დაეცა.

ახლა აქეთ: ძველებურად, ძველებურად, ძველებურად ვართ!

ქართველები ყველანი ერთად ვართ, ძველზე უკეთესად ვცხოვრობთ, საერთოდ ბანაკს მივეჩვიე... პირველი ხუთი წელი ყოფილა ძნელი, მერმე კი უფრო ადვილია. ბანაკური ცხოვრება დალაგდა და გარკვეული ფორმა მიიღო — მეტი წესიერებაა, ღამე ჩაკეტილები ვართ. თუმცა აქ ახლა ღამე აღარაა. უსაშველოდ გულდასაწყვეტი სულ სინათლეა — სულ ღლეა. ტანისამოსის მხრივ ამ ბოლო ხანში კარგად გვამარაგებენ. მკერდზე, ზურგზე, მკლავებზე და მუხლებზე ტანსაცმელი ნომრით აჭრელებული გვაქვს, ისე როგორც კატორღელებს. ალბათ ეშინიათ, რომ არ დავეკარგოთ. აბა, აქიდან სად წავალთ, თუ თვითონ არ გაგვაცურებს სამუდამოდ. მე თითქმის ჯანმრთელობაც გამომიკეთდა. ჭაღარას ყურადღებას არ ვაქცევ, თუმცა აქ დიდი ხანია ყველანი „ბატიას“ და „პაპაშას“ მეძახიან.

ახლა გთხოვთ გამომიგზავნოთ შემდეგი რამ: საპარსავი ხელსაწყო, ე. ი. ლამბაქი, საქაფებელი და ფუნჯი. მანდ ბლომად არის უბრალო, პლასტმასის. დავპირდი აქაურ დალაქს. აგრეთვე გამომიგზავნეთ შემდეგი წიგნები:

1. ქართლის ცხოვრება „ანასეული“, მანდ მაქვს.
2. ოთხთავი (მანდ არის ჩემს წიგნებში, დიდი, ყდარბილი წიგნია)

8. „ხატოვან თქმათა ლექსიკონი“, თედო სახოკიასი (ახალი გამოცემა), მიყიდეთ უსათუოდ.

დანარჩენ წიგნებს, წინა წერილში რომ გთხოვდით, რამდენიმეს, რომელიც ჯერ ვერ გამოგზავნეთ, აგრეთვე მოუთმენლად ველი. წიგნები ძველი ამანათის მისამართით გამოგიგზავნეთ.

აბა, მოკითხვა ყველას, კარგად ყოფნას გისურვებთ და წარმატებას.

ბკოცნით, თქვენი ლევანი“.

ჩ ე მ ო კ ა რ გ ე ბ ო ს

14. VII. 51 წ.

მიღებული მაქვს თქვენი წერილები, ამანათები და ბანდეროლები. ჩვენ ძველებურად ბამბის ფარაჯებში დავდივართ. ქართული წიგნები არ მომცეს. ცენზორი შეიცვალა.

ცხოვრება მიდის უფერულად, დიდი გაპირვებით, მძიმე შრომით. ზურაბი ათავებს ვადას, ახლა სხვა მხარეს წავა თავისუფალ გადასახლებაში. აქ ყველას ერთი გზა უძევს წინ — ესეც დიდი სიკეთეა. ჩვენ ვცხოვრობთ ძველ პირობებში. წესები ისევ ძველებური გახდა, ყოფა მეტად მძიმე. აქ ჩამომსვლელ მშობლებს პატიმართა ნახვის უფლებას არ აძლევენ. ეს სრულიად გარკვეულია და კატეგორიული (თუ, რა თქმა უნდა, მოსკოვიდან არ იქნება მასზე განსაკუთრებული ნებართვა), ასე რომ, თუ თქვენ ან ვინმეს მშობელი ფიქრობთ აქეთ წამოსვლას, არ ვურჩევ. მითუმეტეს თქვენ. გულდასაწყვეტი ამაო იმედების გაცრუება, ზედმეტი ღელვა და უხერხულობანი შეიქმნება. ეს მარტო ჩემი აზრი არ არის.

ერთი მცირე საყვედური: მე ჩემს წერილებს თარბლს და ნუმერს მუდამ ვაწერ. მიპასუხეთ, მომწერეთ, რომელს იღებთ და რომელს არა. თორემ ასე წერილების მიწერ-მოწერა გვიფერხდება და მე აღარ ვიცი რა გავიმეორე და რა არა!

ახლა ველი თქვენგან რაც შეიძლება მეტ ცალხა-

ზიან რვეულს (არა ნაკლებ 15—20-ისა). სხვას ველარ ვეგუები, ეს ხელი ხომ სულ გამიფუჭდა.

აბა, თქვენ იცით და თუ ოდესმე ჩამოვბრუნდი, არც ამჭერად ჩამოვალ ხელცარიელი.

ძალიან მჭირდება რუსეთის ისტორია. აქ არსად იშოვება, მაინც XV—XVI საუკუნეები. მაინტერესებს ივანე მრისხანედან ბორის გოდუნოვამდე და ამის ირგვლივ, რასაც ნახავთ ახალ გამოცემას, მონოგრაფია იქნება თუ მოკლე ისტორია, თუნდაც რომანი, ყველაფერი გამომიგზავნეთ.

ეს ცივი მაჭლაჭუნა — აქაური ზამთარი მოვიჩხეთ, სული მოვითქვით. ყველანი კარგად ვართ.

წიგნები არ მიმიღია. ცენზურაში წაიღეს. ცოტა ხანს ქართულ წიგნებს ნუ აგზავნით, ცენზორი ქართულის მცოდნე არ არის.

თბილისი აშენდა და დამშვენდა, მახარებს.

აქ გაზეთები როცა მომღის, დიდი გაფაციცებით ვადევნებ თვალყურს. ამ ბოლო დროს ესეც შეგვიანდა რაღაც. ნუთუ ქართულ პროზაში ამ ბოლო დროს არაფერი საყურადღებო არ გამოსულა? გამომიგზავნეთ „ქართული ნუმიზმატიკა“ დ. კაპანაძისა, მჭირდება.

სახლში როგორ ხართ? გკოცნი დევიკოს და ყველა ნათესავ-მოყვარეს. ყველას ხშირ-ხშირად ვიგონებ და შორიდან ვესაუბრები!

კარგად იყავით.

მისამართი იგივეა. გკოცნით ყველას. ლევანი“.

„ჩ ე მ ო კ ა რ გ ე ბ ო !

13. VII. 51 წ.

ვსარგებლობ საოცარი შემთხვევით და კვლავ გწერთ... უფრო თამამად და ადამიანურად.

თქვენ ვერ მოიშორეთ „ქალური“ ჩვეულება: არც რიცხვს და არც ნომერს წერილებს არ უსვამთ და აბა რა ვქნა. ჭერ წერილების შესახებ:

თქვენი წერილები ვალიკოს სახელზე ყველა მომდის, შეიძლება ცოტა დაგვიანებით, რადგან აქედან ხან ორ კვირაში, ხან თვეში ერთხელ მიდის ხოლმე ქალაქში... მით უფრო ახლა, როდესაც ავადმყოფობს. ფული მიღებული მაქვს. ლიტერატურული გაზეთები არ მიმიღია, ხოლო ამანათში გამოგზავნილ გაზეთებს აღარ გვაძლევენ, აგრეთვე ქართულ წიგნებსაც. თვეობით ცენზურაშია და უმრავლეს შემთხვევაში იქვე რჩება. წერილები რუსულად წერეთ. წიგნები ბანდეროლით მიგზავნეთ.

ფუჩიკის წიგნს კი მივაგენი ბოლოს — წავიკითხე და უკან დავუბრუნე.

წერილები ხანდისხან ბანაკის მისამართითაც გამომიგზავნეთ. არ დაეჭვდნენ, ხოლო ვალიკოს მისამართი სავსებით ძალაშია.

ასევე ფული ფოსტის გზით აღარ გამომიგზავნოთ. ეს უკვე აქ ცნობილია. საერთოდ ჩემი მოთხოვნის გარეშე ფული არ გამომიგზავნოთ. თუ რამე განსაკუთრებული არ იქნება, ამანათით ნურაფერს იღონებთ. თუ მაინც და მაინც, ისევ საპონი ჯობია. თითო-ოროლად რვეულები გამომიგზავნეთ. სადალაქო პლასტმასის ჭიქა, ფუნჯი და სხვა ნივთები კიდევ რამდენიმე ცალი გამომიგზავნეთ, სხვებიც მთხოვენ.

ახლა აქაური ამბები: მავთული და ურდულები დღითი დღე მატულობს. ღამღამობით დაკეტილები ვართ, დღე კი ჭერჭერობით გვიღებენ ბარაკის კარს. ვცხოვრობთ შეტისშეტად შვიდროდ, ორ-ორ სართულიან ხის თაროებზე. ჩვენს ბარაკში — 200 კაცია. ასე რომ, შესანიშნავი თუ არა, აღსანიშნავი ჰაერი მაინც არის — სინესტის, ფეხის, ოფლის, „მახორკის“ სუნების ნარევი. მრავალხმიანი ხვრინვის ჰარმონიას ხომ ნუ იკითხავთ, მაგრამ ეს ხომ წვრილმანებია.

ისევ სამუშაოზე მივეჩქარება ყველას — მაინც ხხლა, როდესაც თითქოს გამოწაფხულდა. თუმცა არ გვწყალობს ბედი. დღეს 18 ივლისია... და ჭერ მზიანი დარი არც კი გვინახავს. საბჭოთა პატიმრის მუნდირი თუ საქვეყნოდ ცნობილი „ბუშლაყი“ ჭერაც არ გავიხსნია. მე

თუ აქ გამაჩერეს, შედარებით კარგ ადგილზე ვმუშაობ, ახალი ხელობა შევიძინე და ეს ახალი — ძველს შველის. ელექტროქვესადგურში ვარ მაღალ დაბეჭე — მონტიორად და აქ სულს ვითქვამ ხოლმე. ნუ გაგიკვირდებათ აქაა ჩემი სამუშაო.

ჯანმრთელობის მხრივ, წარმოიდგინეთ, მიუხედავად ყველაფრისა, საკმაოდ კარგად ვარ. ფეხები მისივდება მარტო ხანდისხან, იშინამაც თავი მომაბეჭრა. მაგრამ ეს ყველაფერი სულ უბრალო ამბებია, „თავის მოვლა“ აქ ხუმრობად გაისმის.

მთავარია, რომ მუშაობის უნარი და სურვილი არ დამიკარგავს და ამ მხრივ ალბათ ბევრს გარეთ მყოფსაც შევედარები. მე თვითონ მოხარული ვარ, რომ წერის შესაძლებლობა და სურვილიც ძლივს მომეცა. სულ ვწერ და ვწერ სულმოუთქმელად.

მძლავრ მაღალი დაბვის ქვესადგურში, რომელიც ბანაკებში არსებულ ყველა ქვანახშირის მაღაროს ემსახურება, შემოსასვლელ კარებზე დიდი დაფაა ჩამოკიდებული ჩონჩხის გამოსახულებით და წარწერით — „სასიკვდილოა“. ეს გამაფრთხილებელი აბრკა, ჩვეულებრივ ყველგან რომ არის მიმაგრებული მაღალი დაბვის ჭიხურებზე. ეს ჯადოსნური წარწერა ყველას შიშსა ჰგვრის, განსაკუთრებით ზედამხედველებს, მე კი ხელს მაძლევს. ამიტომ წერის დროს ხელს არავინ მიშლის. ჩემი ნაწერებიც ფრიად საიდუმლოდ და საიმედოდ მაქვს დამალული — ღრმად მიწაში ნიშა გავთხარე, ერთ-ერთი დანადგარის კედელთან, და ზემოდან ისეთივე შესაშინებელი აბრა ჩამოვკიდე. მუშაობა კარგად მიდის. „გმირთა ვარამის“ უკვე მეორე წიგნს ვამთავრებ. ახლა არ ვაგზავნი. გადათეთრების პერიოდში მინდა მთლიანად ხელში მეჭიროს.

ჩემი აზრით, ეს ნაწილი გაცილებით დიდი და ვგონებ უფრო დალაგებულიც იქნება, რადგან უკვე მასალებიც გამოჩნდა და „ფორმაშიც“ შევედი. ერთი სიტყვით, ჯერ ვნახოთ.

ახლა ვაგზავნი ჩამორჩენილ „წინამძღვარს“. შემინახეთ, კარგად შემინახეთ — მაგას არც გადაბეჭდვა უნ-

და და არც არაფერი. არავის — არსად! საერთოდ იფიქრეთ სადმე სხვაგან შეინახოთ. ეს ხომ ჩემი კალმისა და სულის ნაწვალეები მასალებია ერთადერთი და რომ დაიკარგოს, ხელცარიელი ვრჩები. ალბათ ველარ შეეძლებოდა გადატანას. თუ სანდო მბეჭდავი ვერ იპოვეთ, ისე დატოვეთ. ამ წლის ბოლომდე ალბათ არ დამკირდება და მანამდე რამე მოხერხდება.

ახლა ერთი თხოვნა: ისევ რვეულები და რვეულები. რვეულები მე ბლომად მკირდება 20—30, ათეულობით და ასეულობით და არა ერთეულებით! აქ აქეთ-იქიდან რომ არ მეხმარებოდნენ, ალბათ, ყველა ფიცარს ქალღაღად გავიხმარდი, მაგრამ ამ ვაგლას ქვეყანაში კარგი ხალხიც ჭერ კიდევ მოიპოვება. ესენი არიან ჩემსავით დაჩაგრულების სულისჩამდგმელები.

რაიმე მოიფიქრეთ თბილისის ახალ მისამართზე. ვინაიდან ისეა წაბილწული ზნეობა, რომ მე ვშიშობ. იქნებ მარო ჭყონია-კალანდაძის მისამართით გამოვგზავნოთ წერილები თითო-ოროლა? მას ჰკითხეთ და აგრეთვე მოკითხვა გადეცით მის შვილს ლეილას და სიძეს თენგიზს, რომელსაც ჭერ არ ვიცნობ, მაგრამ ვიმედოვნებ, რომ კარგ სიძობას გაგვიწევს. საერთოდ ყველა ჭყონიების შთამომავლობას დიდი მოკითხვა, ყველა მიუყვარს. ან იქნებ თქვენ სხვა მისამართი ჩართოთ? ადას მისამართი არ ვარგა. მე რამდენიმე წერილი გამოვგზავნე და თქვენ არ მიგიღიათ.

მინდა გაგაფრთხილოთ: ყოველთვის გახსოვდეთ, რომ თქვენს ირგვლივ „ტრიალებს“ ხანდისხან სულ უახლოესი და წარმოუდგენელი ხალხი, მაგრამ უნებლიედ საშიში თანამოზიარე, რომლებიც ყოველ სიტყვას თუ ჭორს დარაჯობენ. ეს ყველაზე თანაბრად იტქმის აკადემიკოსებზე, პროფესორებზე, მწერლებზე, მთამსვლელებზე, მსახიობებზე თუ სხვა ხალხზე. ეს კი სწვდება სრულიად დამახინჯებულად საზარელ დაწესებულებას. ისინი ყველაფერს თავის სასარგებლოდ იყენებენ და რეაქციაც ჩვენი პატიმრების მიმართ უფრო მკაცრდება. მე ეს ჩემს თავზე განვიცადე. ამიტომ ფრთხილად და ყურადღებით იყავით. ნურავის ჩემს თავს ნულარ აგო-

ნებთ, ეს ამოცაა (როგორც გწერდით), გულუბრყვი-
ლოც და იქნებ მავნეც. ნეტავ დამივიწყონ, სრულიად
დამივიწყონ, მაგრამ ვაი, ვაი, რომ ახლაც აქ ჭერ კიდევ
მწვდება მათი თავხედობა. თუ გაიგეს რომ მე ჯანმრთე-
ლობით და სულით გავძლიერდი და წერაც დავიწყე,
ესეც ხომ ჩემს დანაშაულში შედის, უსათუოდ მიმტრო-
ბენ. ამაში დარწმუნებული ვარ. თქვენ რომ იცოდეთ,
რაც მე ვნახე და გადავიტანე, ან შევიტყვე, ჭერ მანდ
და მერე აქ, მაშინ მიხვდებით, თუ რა დიდი გულუბრყ-
ვილობაა ეს ყოველივე.

ჩემი და ჩემისთანებისათვის „პატიოსნად“ ყოფნა
მანდ, მაგათთვის არ შეიძლება. მე კი უსინდისოდ ყოფ-
ნა არ შემიძლია... ნუთუ ასე გაფუქდა დრო, რომ არა-
ვის სწამს შენი სიმართლე და პატიოსნება? მე მაინც
'მჯგრა, როდისმე სიმართლე მაინც გახდება ყველას
მკურნალი. სავალალო კი ის არის, რომ ამჟამად ბევრს
უპატიოსნოს გზა და საპარპაშო არე გახსნილი აქვს.

წარსულიდან დიდად სანანებლად დამრჩა, ჩემს სა-
ხელთან დაუკავშირებიათ რამდენიმე კეთილ-პატიოსა-
ნი პიროვნება. ერთ საქმეში გაგვხვდით, დალუპეს და
გააუბედურეს უდანაშაულო ხალხი და მათი ოჯახები.

სად არის ან რა იქნა ილია სარჯველაძე? ან სად
არის და რას ერჩოდნენ ბოდლო ემუხვარს, ვალოდია
ვაშაკიძეს, სპირიდონ ჭყონიას, კოტე ჭავრიშვილს, გრი-
შა გიორგობიანს და თუგინდ სხვებს კეთილ, უაღრესად
პატიოსან მშრომელებს, ჩემს მეგობრებს — ლალია-
შვილს, ხუციშვილს, ბულეიშვილს და სხვ. ნამდვილ
ვაუკაცებს, პატრიოტებს, სამშობლოს ღრმა მოამაგეებს
და საქართველოსათვის ერთგულ ხალხს? საწყალი მან-
დილოსნებისაგან რაღა უნდოდათ, მაგ ურჯულოებს.
მარტო იმისათვის, რომ წარსულში მე შემხვდა გადა-
სახლებაში, როგორ დატანჯეს, გაამწარეს და უმოწყა-
ლოდ დალუპეს დიდებული ქართველი პატრიოტი ქალი
მაყვალა რამიშვილი, აწვალეს ნინო ყართანგოზიშვი-
ლი? რისთვის?

ძალიან გთხოვთ სუყველას, საერთოდ ამ ხალხის შე-

სახებ თუ რაიმე ისმის, შემატყობინეთ, როგორმე მომწერეთ. ყველაზე გული შემტკივა, ვწუხვარ და განვიცდი. დღესაც ვერ წარმომიდგენია მათ რა ბრალდება წაუყენეს. როგორც გწერდით, მე მათი დაპატიმრება ძალიან გვიან გავიგე. მარტო ამდენი ხალხის ტყუილად ტანჯვისათვის მოსასპობია ეს უზნეო მთავრობა. დიდად სავალალოა, რომ მათ „კეთილ საქმიანობას“ დიდი ზიანი მოაქვს საქართველოს აწმყოსა და მომავლისათვის. ნუთუ საშველი არსაიდან არ არის?

გამომიგზავნეთ რაიმე უბრალო რუკა საქართველოსი. განსაკუთრებით კახეთისა, თორემ ამ ჩემს წიგნებსა და ხელნაწერებში „უგზო-უკვლოდ“ დავდივარ (ეს, რა თქმა უნდა, მეორე მისამართით. პირველი, ბანაკისა, იყოს საანგარიშოდ). ესლა თქვენს შესახებ. როგორ არის დედა, ალბათ ძალიან მოხუცდა, აგერ მე ვეწევი მოხუცობაში. დევი-ბიჭი უკვე დიდია. სანდრო როგორ მოღვაწეობს. ყველას, ყველას გყვებით და გესალმებით. წიგნები, რომელთა შესახებაც გწერთ, გამომიგზავნეთ. ეს დიდი ნუსხაა; მაგრამ ჩემთვის საჭირო.

ერთი დაწვრილებით მომწერეთ: „მამა-შვილის“ მხრიდან მათი გზით ჩამოსული ხალხი, ალბათ ყველა აქეთ მოემართება ნელ-ნელა, ასეა? კოლია მღებრიშვილი კარგად არის, მოგიკითხათ. ზურაბ მიქელაძე მალე ვადას ამთავრებს და თავისუფალ გადასახლებაში წავა, აქვე, ქ. ვორკუტაში. აქედან საერთოდ სამშობლოში დაბრუნების გზა არ არსებობს ცოცხლებისათვის. აქ ყველა, მარტო ცუდს მიჩვეულები ვართ და ვუძლებთ. გვეშინია უარესი ნუ იქნება. თუმცა მე უსამშობლოდ სიცოცხლედ არ მინდა. წინასწარ ამაზე არ ვფიქრობ, ძალიან მიმიძიხს. აქ ასე თვლიან: პირველი ათი წელი მეტად ძნელია გადასახლებაში, მეორე ათწლეულში თურმე ვადას მნიშვნელობა ეკარგება. აქაც შეიძლება ცხოვრება, ბევრია „გასართობიც“ — რა ჩინ-მედლების, მოყვანილობის, ფერ-ჯანისა და ხასიათ-ენის ხალხს არ შეხვდები აქ, ამ „ორფენათა მუზეუმში“. ერთ სარეცელზე წვანან წმინდანები და ქვეწარმავლები. ერთი ჯამიდან სვლემენ საქმელს გუშინდელი მოსისხლე მტრები. ერ-

თად ცოდვილობენ „გულუცხო“, სამუშაოზე მიჯაჭვული ამირანები და თავისი თუ სხვისი უგნურების ნამსხვერპლი კაცუნები.

აქ ცალკე სახელმწიფოა, არა ქვეყანა! უფრო სწორად, მთელი სამყარო დამონებულთა და ფიზიკურად გასწორებულ ხალხთა. თუმცა ბევრის გულის სიღრმეში ბრძოლის ნაპერწკალი ღვივდება.

სოფელში და ბათუმში როგორ არიან? გულითადი მოკითხვა მათ. მამიდები, შვილები და შვილიშვილები ერთობლივ მომიკითხეთ. თემიკო დავითის ძე ჭყონია დავაუკაცდებოდა. ხელი როგორი დაუდგა, ვიმედოვნებ ალბათ კარგი. ხომ არ ავიწყდება, რა დიდი გორის ბიჭია.

როგორც ყოველთვის, ვჩქარობ. ეს ბარათი ერთი მოსმითაა დაწერილი, არეულ-დარეული, მერე არც ღრო მექნება და არც საშუალება. მოკლედ, ყველაფერი მაინც ვერ ვთქვი, რისი თქმაც მინდოდა.

კარგად იყავით, კარგად.

ზამთრისათვის ალბათ დამჭირდება თბილი (შალის) სვიტრი, მხოლოდ დიდი ზომისა, თორემ მომკლა აქაურმა „კულრაჰა“ სამოსმა. მოკლე-ვიწროში ჯამბაზსა ვგავარ.

გადავწყვიტე კიდევ რამდენიმე ფრაგმენტის გამოგზავნა. აქ ჯერ მაინც არ დამჭირდება და ასეთ შემთხვევას მერმე, ვინ იცის, თუ შევხვდები.

აქ „უჩვეულო იარაღის“ და „ყველას ჭირისუფლის“ შავები მაქვს, ასე რომ, როდესაც მათი რიგი მოვა, საქმე არ შემიფერხდება, ხოლო როგორც ყოველთვის სდება ხოლმე, — წინასწარ დაწერილს მერე გადამუშავება და შესწორება მაინც დასჭირდება.

სულ სამ ხელნაწერს ვაგზავნი ამ წერილთან ერთად (მეოთხე პირველ დიდ წერილთან არის).

ხელახლა ჩამოვთვლი ყველას, რომ არ აირიოს საქმე:

1. „უჩვეულო იარაღი“
2. „ყველას ჭირისუფალი“.
3. მასალები ჩემს არქივში შესანახად.

4. წინამძღვარი (გრძელ ხელნაწერთან ერთად).
 აბა თქვენ იცით, კარგად შემინახეთ.
 არავის არ აჩვენოთ არავითარ შემთხვევაში.
 200 მანეთი მიღებული მაქვს.
 სიყვარულით დიდი მადლობა ქალ-ნ... ყველაფერი-
 სათვის. ის... მომიტევენს.
 ჯოცნით ყველას თქვენი ლევა ნი“.

„ჩემო კარგებო!

8. IX. 51 წ.

მიღებული მაქვს ამანათი მზიას წერილით. მაშინვე გამოგიგზავნეთ ღია ბარათი — მიღების დასტური, თუ მიიღეთ. საერთოდ მოგლით ჩემი ღია ბარათები? ერთი დამიდასტურეთ მაინც.

ახლა მივიღე ამანათი წიგნებითა და რვეულებით, რამაც განსაკუთრებით გამახარა. ფრიად მასიამოვნა ახალმა წიგნებმა, ჩემმა სულიერმა საზრდომ, უამისოდ არაფრად აღარ ვარგივარ. კარგი ლექსიკონებია. აი, ასეთი წიგნები რომ მეტი გამოდიოდეს, შესანიშნავი იქნება.

მიღებული მაქვს გაზეთების ბანდეროლიც, მოკლედ, ახლა ჩემს არსებაში სიცოცხლეა.

დევიკოს სურათი კი აღარ არის — რამაც გული დამწყვიტა. თქვენ როგორ ხართ. როგორ მოიზაფხულეთ და შემოდგომას როგორი პირი უჩანს.

აქეთ ჩვენთან ყველაფერი ძველებურადაა, მეტი არაფერი არ გვეთქმის.

მეტად დამაღონა და დამამწუხრა მაყვალას ამბავმა. სანთელივით წმინდა აღამიანი სანთელივით დაიწვა. იმერს სამღურავი არ ეთქმის, რომელსაც ასეთი ქალის წარმოშობა შეუძლია. ოღონდ აწ თუ შეუძლია? აწ თუ?

მაყვალა რამიშვილს მანდილქვეშ მუზარადი დაჭკონდა, ხოლო მუზარადის ქვეშ საოცრად სათნო და დიდი ჭირისუფლას გული. ასეთები არა კვდებიან, თუ თვით ერი ცოცხალი რჩება. ჩემთვის პირადად მაყვა-

ლა დებში გამოურჩეველი იყო. მეტად ბევრი ჭირი გვინახავს ერთად, დაწყებული იმ საშინელი ნარიმიდან და მერეც ალბათ ერთდროულად შინაგან ციხეში თუ გადასახლებაში. ლხინი კი არც მე მინახავს, მაგრამ მაყვალას ხომ სულ არა და არა. მან ყველაფერი დაკარგა — ოჯახი, მეგობრები, სიცოცხლე. ყველაფერი საქართველოს თავისუფლებას შესწირა. როდისმე ერი ამას დააფასებს.

სხვა რა მოგწეროთ ამჯერად, გული მტკივა. სხვა არაფერი მაქვს მოსაწერი.

ისევ ზამთრის დიდ, გაუთავებელ აღმართს შევუდექით. ვმუშაობ ძველებურად ბევრს, ჩემი სიცოცხლეც ეს არის: ვწერ და ვწერ, სანამ შესაძლებლობა მაქვს.

მე ფიქრებში და ხელნაწერებში უგზო ქარავანივით დავხეტები. იქნებ არავის არ სჭირდება, მით უფრო ძველ-ძველი ისტორიის ჯურღმულებში ჩაფლული და ჩაკარგული „გმირთა ვარამი“, მაგრამ მე მაინც შევეტოპე და მივიღტვი იქით, ნახეთ, თუ ბოლოს კარგი საქმე არ გაკეთდეს! მეტად გვიან, მეტად შორს, მეტად უცნაურ პირობებში, მეტად გრძელი ამბავი წამოვიწყე. უსათუოდ დავასრულებ კიდევ, თუ მე აქ მანამდე არ დამასრულეს.

მე თუ წერას ვერ შევძლებ, არც ჭანმრთელობა მინდა და არც სიცოცხლე.

აბა, ყველას მოკითხვა, ერთობლივ და სახელდობრ. გკოცნით ყველას, თქვენი ძმა ლევანი“.

„ჩ ე მ ო კ ა რ გ ე ბ ო I

30. X. 51 წ.

თავიდანვე ვწერ: ყველა ამანათი, ფული, ბანდეროლი მიღებული მაქვს. ასე რომ, ჩრდილოეთის ფოსტა პირნათლად არის ჩვენთან. ვცხოვრობთ ძველებურად. ჭანმრთელობის მხრივ თითქმის არა მიშავს რა, გულიც ნაკლებად „მერჩის“. ვნახოთ ზამთარი, ზამთრის ბოლოს

როგორ ვიქნები. ოჰ, ეს დაუსრულებელი უმჯეო ზამთარი რა რიგ გადასატანია. მე ამასაც მივეჩვიე. მივეჩვიე გარემოს, ვცხოვრობ კეთილი მომავლისათვის და მომავლით, უამრავი მაქვს სათქმელი და საწერი, აქაური თუ იქაური. იმედს არ ვკარგავ, რომ კიდეც დავწერ და არც თუ ცოტას.

ჩემი სარკმლიდან ნაზვავი თოვლი მოშლილია, ასე რომ, ურალის ქედის ბოლო ნაწილს ვხედავ. ქედი მახარებს მაინც და თითქოს მის იქით საქართველო და დიდებული კავკასიონი მეგულება.

დილაუთენია სიამოვნებით ვკითხულობ და ვათვალიერებ ქართულ გაზეთებს. მის ფურცლებზე კი რთველია გაჩაღებული. გაზეთებიდან მშენებლობაც კარგად გამოიყურება.

უველა რაღაცას აკეთებს, ამ მწერლებს რაღა მოუვიდათ, ვატყობ ჩვენი მწერლობა ახლა იმაზე უფრო ჩალიჩობს და მუშაობს, რამ თუ არის ძველი... ნაწერები რუსულად თარგმნონ, ვიდრე ახალი ქართულად დაწერონ!

ამაზე ალბათ ილია ჭავჭავაძე იტყოდა: „დიდ ქვაბში არ ეტეოდა, პატარაში აღარ იყო!“ კიდეც ერთიც: ილიას ენის შესახებ... მე ვფიქრობ — არა უკან ილიასაკენ, არამედ წინ ილიასაგან! ხოლო პირადად მე თუ ვცოდავ ხანდახან... ეს თითქოს აუცდენელია ისე, ვით აბრეშუმის ჭიის „ახალ კანში“ ამოსვლა.

ვინც გულითა და შინაგანი ლტოლვით წერს, მან თავად უნდა გაიაროს და მოიწელოს ცდებისა და ძიების შეცდომები და მიღწევები, სანამდი იპოვის თავისთვის უველაზე ბუნებრივსა და დამახასიათებელ ხმისა და კალმის კილოს; ვიმეორებ, ვინც გულით წერს, ასე შორიდან და ვინც მხოლოდ „გრამატიკით“ და კუთხეებზე აღნიშნული საძილიციო ნიშანსვეტებით... მას იქნებ არც შეცდომები მოსდიოდეს, ისინი არც სცოდავდნენ და ამ მხრივ „დაზღვეულნი“ არიან რაც შეხება „ღვიძლის ფერს“, ექიმმა კი მაინც უნდა იცოდეს, რა ფერი აქვს

ღვიძლს. წარმოდგენილი მაქვს რამდენი შეცდომა შექნება?!

მაგრამ არა უშავს რა... ალბათ ამ წერილის წაკითხვა-ვაც გაგიჭირდებათ. ჩემს ხელს მე თავად ვერ ვარჩევ ხოლმე, ახლა კი სულ საოცრად გამიფუჭდა.

ჰოი, წინ რამდენი საწერი მაქვს, თუ დამცალდა. ჩემი ლიტერატურული მუშაობა სულ დაცდაზე და მოსწრებაზე იყო დამოკიდებული. მაგრამ, საბედნიეროდ, ბავშვობიდან ასე მქონდა და დღესაც დამრჩა ასე ფანტაზიისა და ასოციაციის დიდი უნარი. მათი სიმრავლე ჭერ დაუწერელ წიგნებს და მოთხრობებს მაგონებს. შესაძლებლობისთანავე ხორცს ვასხამ და ვწერ გამაღებით ჩემს ჭურღმულში ჩაკეტილი, კარებზე „სასიკვდილო“ აბრით გამაგრებული. თქვენი შენიშვნები „გმირთა ვარამის“ პირველი წიგნის ირგვლივ მომეწონა და კჳაში დამიჭდა. განაგრძეთ, განაგრძეთ კითხვა და შენიშვნები ჩაიწერეთ, მაგრამ ჭერ ნუ გამომიგზავნით, არა მცალკია. დაწერა ჩავათაო და მერე თავიდან ყველა თავს დაუფებრუნდები. მაშინ დამჭირდება თქვენი შენიშვნებიც. თქვენ ჩემი პირველი ოპონენტები ხართ. აბა თქვენ იცით, ნაწერები კარგად შეინახეთ. არავითარ შემთხვევაში არავის არ აჩვენოთ. სიყვარულით დიდი მადლობა ქალბატონ... ყველაფრისათვის. ის... მომიტევენს. მოკითხვა ყველას, ყველას.

გუოცნით ლევანი“.

ჩ ე მ ო კ ა რ გ ე ბ ო I

1. XII. 51 წ.

ახლა კი ნამდვილად ჩემი ბრალია წერილის დაგვიანება, მაგრამ საპატიო მიზეზებიც მეტზე მეტი მქონდა. არც თავი დამიზოგია და არც დრო. შრომის ისეთი გორა გადავაგორე, რომ სხვა დროს ალბათ ხუთი წელიწადი მაინც დამჭირდებოდა.

ძველებურად ვცხვორობ და ვმუშაობ. გარეთ ისევ ქარბუქი ტრიალებს და ბოლოს და ბოლოს ბოქლომი

ქარვად მოგონებუღი სავანი ყოფიღა. მიღებუღი მუკვს ყვეღა წერიღი, ამანათი დღა ფუღი. მადღიანმა სუქარ-თვეღოს ბუნებბის ნუყოფმა აქ დიღი შთაბეკღიღებმა მოახღინღა. ქართულმა ჩურჩხელამ, ჩაიმ დღა ხიღმა იხს-ნღა ქართული ლიტერატურღა. ბანდეროღები ყი რადღც არღ ჩანს. რღც მთავარიღ, რვეულეღბი დამაკღღღა. რღც თქვენგან მივიღე, ბთი იმდენი აქ ვიშოვე დღა მაინც არ მეყო. მე ყვეღაფერი თავზე შემოვივღე დღა ცხრაუღე-ღღა გუთნეულივით გავწიე დღა, რადგან ქართული მიწღ არ გამჩინიღ, ბვერი რვეული მაინც მიმღღებინეთ. გასუკ-ვირვეღღად ამის ნებღ დამრთეს. ამიტომ ამ ცხელ გულ-ზე ერთი ამანათი მართო რვეულეღბი გამომიგზავნეთ. არ გღღღიფიქრონ, აქ ყვეღაფერი მოსაღღღენღიღა. ერთ-ხაზიანი, უბრღღო რვეულეღბი მქირღებღ, თორემ ისეთი „ბატურფებსური“ გამომღღის, რღღღენობით ყი ამღღენ „ბატურფებსურებს“ რღ გაუღღღებს!“

ღღეიღღან გღღღღღივარ IV წიგნზე. ვფიქრობ, ხელს ვაკღებ, მაგრამ რღ ვქნღ, ახღღა ყვეღღა ჩქარობს, მთელი ქვეყანღ, ხოღღო მე ყი ვგონებ ყვეღღაზე უფრო უნღღა მეჩქარებოღღს.

აბღ, ველი აგრეთვე ახღღ ქართულ წიგნებს.

გამომიგზავნეთ აკ. ბელიაშვიღღის „ოქროს ჩარღღახი“, სხვღ რამეც, თუ ყიღ რამე ადამიანური პირობისღ.

შურაბი გავსვეს მავთუღღის გარეთ, ხოღღო ვორკუტის იქით არსად გაუშვეს. ახღღა გარეთ. ეძებს სამუშაოს დღა საცხოვრებელს.

ჩვენ ეს საზრუნავი, მადღღობღა ღმერთს, არ გავგაჩ-ნიღ. კვების მხრივ ყი, ასე თუ ისე, იოღღად მივღღივართ ამანათებბის ხარჯზე, ზოგს ყი ვიძინეთ ფუღით. ერთი სი-ტყვით, ყოვეღღღღღღღობით ვცხოვრობთ. ყოვეღღი დღღე მოგებუღი გვგონიღ სიცოცხლისათვის, თორემ აქ საწყუ-ღღი პატიმრები მრავღღად იხოცებღიან, მძიმედ დღა გავწვა-ღღებით ტოვებენ წუთისოფელს. თქვენ ამას ვერ გაი-გებთ დღა ვერც წარმოიღღგენთ, ცხოვრებბის მეტად მძი-მე დღა თავისებური ფორმა გამოგვიმუშავეს. ქს მთელი რთული სამყაროღ მავრამ ნუთუ ყი ვინმეს სქირღებღა ცგი.

მე ძველი გამოცდილებისა და ჯანის ხარჯზე ვმაგრებ და ვჩაღიწობ, თორემ ისე კი აღრეულმა სიბერემ მომიკაკუნა. ეს ერთილა, მიჯაჭვული კალამი დამრჩა და, ნაწამთრალი დათვისა არ იყოს, თათის მაგივრობას ის მიწევს, იმას ვლოკავ და ვსაზრდობ!

იქნებ არავის არ სჭირდება, მით უფრო ძველ-ძველი ისტორიის ჯურღმულებში ჩაკარგული და ჩაფერვლილი „გმირთა ვარამი“, მაგრამ მე მაინც ვლოკავ და — ნახეთ, თუ ბოლოს კარგი საქმე არ გაკეთდეს!

მომაწოდეთ გაზეთები, საქართველოს შესახებ ყველაფერი მაინტერესებს — წარსული, ახლანდელი თუ მომავალი! მომწერეთ და მომაწოდეთ მხატვრული რამე, თუ არსებობს, სამგორზე. ეს მეტად კარგი და ნამდვილად ქართული თვალით დანახული და დაწყებული მშენებლობაა! მანდ რომ ვყოფილიყავი, უსათუოდ დავწერიდი რამეს.

თქვენ როგორა ხართ სახლში? დედა როგორ არის? აბა, კარგად იყავით ყველა. მოკითხვა ქალაქად და სოფლად.

წინასწარ გილოცავთ ასალ წელს.

ეს წლები პირდაპირ აქაური ქარბუქებივით მიიზანტებიან.

თქვენი ლევა დი“.

„ჩემო კარგებო!

შეზეი! თქვენგან აღარაფერი ისმის!

21. I. 52 წ.

ამანათები კი მოდის და მოდის, ხოლო წერილები კი არა და არა. რა ამბავია? თუ მოუცდელილობისა ან სიზარმაცის გამოა — ეს კიდეე არაფერი... გასაგები და იქნებ დასაშვებიც არის, მაგრამ მაინც მოიწერეთ!

თუ მოსაწერი არაფერი გაქვთ — ესეც ხომ მოსაწერიია... ერთი სიტყვით, თქვენს წერილებს ველი... მე ამ ბოლო დროს ღია ბარათებს გიგზავნით. ახლა კი და-

ხურჯულს გწერთ, მაგრამ მაინც მოკლედ — „კარგად ვარ“. ძველებურად ვმუშაობ. ვადა მიღის, მე ვბერდები. ერთი სიტყვით — ყველაფერი რიგზეა. არც თუ ისე ცივა, თუ მე მივეჩვიე, ნახევარ ასეულზე მეტ გრადუსიან სიცხევს აღარაფრად ვაგდებ. მაგივრად, სითბოს სრულიად გადავეჩვიე და თბილისის სიცხეებს, თუ მოვესწარი, ალბათ ველარ ავიტან, თუმცა ვგონებ, ამ „საშიშროებისაგან“ ჭერჭერობით მტკიცედ დაცული ვარ.

ჩემი წინა წერილები თუ მიიღეთ, რითაც გთხოვდით ახალი წიგნების გამოგზავნას. ახლა წიგნებსაც მოველი, თორემ სულ მოვისხლიტე. ქართული კითხვა მომენატრა...

მადლობა ახალი წლის მოლოცვისათვის. ვაი, მე რომ არც ძველი ცოდვები მომაკლდა და არც ახალი „სათნობა“ შემემატა. კბილზე გასინჯული დამდეგი, 1952 წელიც კერკეტი ჩანს, მაგრამ მტკიცედ მინდა ყველა ახალგაზრდისათვის ბედნიერი იყოს.

მართლა, კალენდარი გამომიგზავნეთ... უბრალო, ტაბულა-კალენდარი, თორემ ტექსტიანს, ისიც ქართულს, არ მომცემენ, აქ ქართული კალენდარი არ გადის!

რვეულები კი ფრიალ მჭირდება.

საშინლად ვარ „აკრუხებული“, სულ ვჩეკ და ვჩეკ და ვგონებ „ყვირილებში“ დავამრავლო! წერით სული მიდგას, ვგონებ, ნაყოფიერად.

თქვენი ამბები მომწერეთ, საერთოდ მაქაური ამბებიც ყველაფერი დაწვრილებით მაინტერესებს. მაგრამ ვწუხვარ, რომ ახლებურ სიოსაც ვერ ვგრძნობ. ჩვენ, ჩრდილო ქართველები, მომავალს მაინც იმედის თვალით შევცქერით. ვნახოთ...

იქნებ გამიმართლოს იმედმა, როდემდე, როდემდე შეიძლება ასე ცხოვრება? აქ ყოველგვარ მტკიცე ნაბიჯს ბორკილებით გვიზღუდავენ. არც მანდ ხართ, ალბათ, ამ მხრივ უკეთეს დღეში.

ხმელი სუნელი გამომიგზავნეთ. იმით შენელებული აქაური საჭმელიც კი პირადსაღები ხდება.

სხვაფრივ კი „ტუნდრის წყალია“.

კოლია მღებრივილი კარგად არის. ამანათი მიიღო.

ისიც ძველებურად ცხოვრობს. მოკითხვა მის დას — მედიკოს.

ზურაბის ამბავი გეცოდინებათ, დაამთავრა ვადა და გარეთ გაუშვეს. ალბათ მუდმივად თავისუფალ გადასახლებაშია. აქვე, მავთულს იქით დატოვეს.

ვგონებ ჩვენი მდგომარეობა უმჯობესია. აქ, ბანაკში, ჩვენი კუთხე-კუნჭული მაინც გვაქვს, მას კი ახლა ერთიც აკლია და მეორეც. მისი თავისუფლება იმ ფუჭ კაკალს გავს, რომელიც კი ჩხრიალებს, მაგრამ გული ჩუტე აქვს.

ცოტა მეზარება ამ „აბლაუბდა“ წერილის გამოგზავნა, მაგრამ რა ვქნა, თქვენგან არაფერი ისმის და ირგვლივ კი ეკლები და სიცარიელეა.

ემ! ისევ მოკითხვა და ახალწლისეული სურვილები ჩვენ, აქაურ ჩრდილო ქართველებს, ახლაც გვწამს და ზოგზე მეტად გვიყვარს ადგილის დედა, გვარის პაპა, ფუძის ანგელოზი. მაგრამ ისტორიულ უკუღმართობას ჩვენისთანა სახლიკაცები, ღვიძლი ძმები, ოჯახის მამები თუ ოჯახის შვილები, არაერთგზის, სად არ გადაუტყორცნია სამშობლოდან, თუ გინდ აქ, შორეული ჩრდილოეთის ბანაკებში. და არც თუ მოკლე ვადით, ბევრი სამუდამოდაც. ახალი წელი შორს წასულთა და დაღუპულთა მოგონების დღეც არის ჩვენში. ამას, გთხოვთ, ნუ დაივიწყებთ. ჩვენს ერს ერთობლივ ყველა უნდა ახსოვდეს. ყველა ღვიძლად უნდა მივიჩნიოთ. ერის კაცი ის არის, ვინც სამშობლოს სახელს ღირსეულად ატარებს, უანგაროდ იღვწის მის საკეთილდღეოდ და მთელი არსებით გამსჭვალულია მისი წარსულით, აწმყოთი და მომავლით. საქართველოს შვილებო! ბედნიერ ახალ წელს მოგილოცავთ სამშობლოს დაშორებულნი, მაგრამ მომავლის იმედით გულგახსნილი თანამემამულეები.

აკოცნით ყველას. თქვენი ლევანი“.

კარგა ხანია წერილი აღარ მომიწერია. არც ხალისი მაქვს. სულერთია, თქვენამდე ვერ აღწევს. ამ უკანასკნელ დროს ფოსტამ ფრიად მოიკოჭლა. და ეს უსაშველო მანძილი ისევ გარდუვალად დაიდო ჩვენს შორის. არც თქვენგან მოდის წერილები. ჩემი მისამართი კი ძველია. მომწერეთ მხოლოდ რუსულად, ქართულ წერილებს არ გვაძლევენ. აქ ცენზურაში ქართული არ იციან. არც წიგნებს ჰყავს ქართველი შემმოწმებელი. ასე რომ, ჭერჭერობით ნურაფერს აგზავნით. არც ბანდეროლები და არც წიგნების ამანათები ჭერ არ არის საჭირო. ერთი სიტყვით, მხოლოდ მოკლე რუსულ-ბანაკური წერილი, მოკითხვა და ჯანმრთელობის მდგომარეობის შესახებ. ასევე უთხარით მედიკოსაც. კოლიას მისამართიც ისეთივეა, როგორც ჩემი, და სხვა არავითარი მისამართი არ ვარგისობს. სურსათის ამანათების მიღებას ყოველთვის გიდასტურებთ რუსული 'ღია ბარათით. ვცხოვრობ ძველებურად. ჩვენი მდგომარეობა თითქოს უმჯობესდება. ახლა ფულის მოცემა ალგვითქვებს. ჯამაგირები (ნაწილობრივ მაინც) გვექნება. ასე რომ, აღარც ფულის გამოგზავნაა საჭირო. დღეების ჩათვლები აქ არ არის, შესაძლოა ესეც შემოიღონ. მე ჯანმრთელობის მხრივ კიდევ არა მიშავს რა, გლუკოზა კი უსათუოდ გამომაგზავნეთ. რვეულიც ჩადეთ სურსათის ამანათში, თორემ სხვაფრივ რვეულებს ვერ მომაწოდებთ. საწერი ქალაქის გაჭირვება კი კვლავ მახლავს და მაწუხებს.

მშვენიერ, თბილ, სწორედ პატიმრულ ზამთარს მეტად მკაცრი ბოლო მოჰყვა და გვამწარებს. გრიბი თითქმის ყველამ მოვიხადეთ. ვანოს და ვარდენს ცოტა გაურთულდათ, მაგრამ; ვფიქრობ, ამ ზამთარს გავუძლებთ. იყავით კარგად და მოკლე რუსულ წერილებს მაინც ნუ მომაკლებთ. ჩემს წერილებს თუ დაავიანდებთ, ნურც ამას იღარდებთ. ვნახოთ, იქნებ უფრო მეტის (ვიღრე ველიწაღში ოთხის) გამოგზავნის ნება დაგვრთონ.

ჩემ შესახებ ნურავის ნურაფერს ნუ აგონებთ და ნუ აწუხებთ. ვიხდი ვადას და მორჩა, ჩემთვის არავის სცხელა.

საერთო შეღავათები თუ ჩვენც მოგვწვდა, ალბათ ჩემზეც გავრცელდება. ვადას ნამდვილად ბოლომდე გავუძღვებ, მერე კი ტკივილს და წყურვილს ველარ ავიტან. არა, სიკვდილის კი არ მეშინია. ჩემს დაღლილ და დატანჯულ სხეულს მინდა ეღიროსოს სამშობლოში საკუთარი აკლამა. განსაკუთრებით დღეს მძიმე დღე გამითენდა. შეშფოთებული და გულნატკენი ვარ. ბანაკში. უშუალოდ ჩემს პირდაპირ, ნარზე თავი ჩამოიხრჩო შესანიშნავმა კაცმა, სწავლულმა, განათლებულმა პროფესორმა ბელორუსიიდან. ჩემს თვალსა და ხელს შუა მოხდა გამოუსწორებელი ამბავი. გარეგნობით თითქოს არაფრით არ განსხვავდებოდა სხვა პატიმრებისაგან, ცოტა მეტი ჩაღარულ-ჩახვეწილი, შექვავებული სახე, ცოტა მეტად ჩაყვითლებული თვალები მოწმობდა მძიმე ტანჯვა-წვალების გადატანას და ასაკთან შეღარებით მოხუცად გამოიყურებოდა. ის ყოველთვის მალაროში მძიმე ფიზიკური შრომის შემდეგ დაღლილ-დაქანცული დუმილის ღრმა ფიქრებში ჩაფლული, გულდაღმა ზედა ნარზე იწვა ხოლმე. ზოგჯერ კი გულისტკივილით თავის უმწიკვლო მეცნიერულ წარსულს მარტო მე მიზიარებდა. ჩემი სჯეროდა, ჩემთან თავისებურად მეგობრობდა, ძლიერ ნაღვლობდა ასე უმიზეზოდ აქ მოხვედრას. ჩემი არ იყოს, ამ წყობისა არაფერი სჯეროდა და მათი წინააღმდეგიც იყო. ამ უკანასკნელ პერიოდში კი ოჯახის ლალაციც დაემატა, „უამანჯთო“ კაცი გახდა. ამანათიანი კაცი ეს აქ მარტო ამანათის მიღებას როდინიშნავს, არამედ „ოჯახსაც“, მავთულხლართებში მომწვედრეულ კაცს, რომელსაც გარე სამყაროსთან აქვს ნივთიერი კავშირი. ჩვენ შორის აქ მეტწილად მარტო კანტიკუნტწერილებიანი პატიმრები არიან, ჭმრავლესობა კი — სულ მოწყვეტილი სამშობლოს. საწყალი პატიმრები, თახჩა-ნარებზე მიყრილები, მძიმე, უსიხარულო მუშაობიდან დაბრუნებულები, თითქმის განუწყვეტლად „მახორკის“ გარემოცვაში ვარდებიან, აბოლი-

ბენ, იშხამებთან თვითონაც და ირგვლივ ცოცხლად უველას შხამავენ. ის საწყალი, ამ ბოლო ხანებში ოჯახის ღალატის გამო უფრო გულჩათხრობილი გახდა. ჩემს სასთუმალთან პატარა ბარათი დაუტოვებია უბედურს, მაფრთხილებდა: გარშემო სულ ჭაშუშები გახვევია, ფრთხილად იყავიო. ჩემ წინაშე ბოდიშს იხდიდა — იმედი დაეკარგე და დაფჩაჩანადიო: „თქვენისთანა ნებისყოფის კაცი ჯოჯოხეთშიც ძლიერია. მე კი დავსუსტდი. დაფჩაჩანადი, ჩემი ცხოვრება აღარ ღირს. მე ბუნებრივ სიკვდილზედაც უკვე აღრე გათავებული კაცი ვიყავი. არც ცოცხლებში ვეწერე და არც მკვდრებში. ამიტომ გავბედე. შემინდე“.

ეჰ! აქ ამისთანა შემთხვევა ბევრია, გულდასაწყვეტი და შემწარავი, მაგრამ ამ კაცის ტრაგედიაზე გული მატკინა, ყოველთვის ყველა აქ მყოფს ამ წყობის სიძულვილით უფრო მეტად გვემატება ბრძოლის სულისკვეთება. ეჰ! ასე და ასე, როდემდის!

ვათავებ წერას, თორემ შესაძლოა დაწვერო ისეთი რამ...

აქ ახლა უკეთესია: ღუმილი და მოთმინება.

ვფიქრობ, ჩრდილოეთმა ჩემს ჭანმრთელობას მაინც კული მოუქნია, სხვა რომ ვერ დამაკლო რა, ნერვიულობა და აღელვება შემომაჩვია.

ჩემი ნაწერების მიღება დამიდასტურეთ. ნაწერებს ნურავის წააკითხებთ და სახლშიც არ შეინახოთ.

აქედან! ჩამოსულეებს ნურავის წუ მოინახულებთ, მათ შორის ჩემს ძველ ნაცნობებს, არ ვიცი, მანდ როგორ არის, აქ ძალიან აირია ყველაფერი.

რა ბედნიერებაა, ჩემი გმირები საქართველოში იქნებიან. მე თავიდანვე ასე მჭირდა: ჩემი გმირები ყოველთვის ჩემზე ბედნიერები იყვნენ. დაე იყვნენ, მე მათი არა მშურს. რა ვქნათ ახლა, მანდ დრონი მეფობენ, ჩვენი დარდი ვისა აქვს? ჩვენ კი აქ, საქართველოს ნამდვილი კეთილმოსურნენი, სიყვარულით და ზრუნვით ასე მძიმედ ვიწვებით და ვიფერვლებით.

იყავით მუდამ კარგად, ბედნიერად.

გკოცნით ყველას, ყველას მოკითხვა.

ლ ე ვ ა ნ ი“.

1952 წლის მაისში, სრულიად მოულოდნელად, ვორკუტიდან დეპეშა მოვიდა. ვალიკო ჭუმბურიძე გვატყობინებდა, რომ ლევანი მოსკოვის მიმართულებით წაიყვანესო. ოჯახში ისევ შიშე განცდები მოგვიზავდა. რა არ ვიფიქრეთ, თავი ვიტყხეთ, რა არ გავიაზრეთ, მაგრამ ყველა შემთხვევაში კეთილი ბათილდებოდა ცუდი ამბებით. ჩვენთვის და განსაკუთრებით ლევანისთვის კეთილი იქნებოდა პატიმრობიდან განთავისუფლება და შინ დაბრუნება, მაგრამ ამისათვის მოსკოვში რატომ წაიყვანდნენ? ალბათ სხვა ბანაკში გადაიყვანეს, რისაც ლევანს ყოველთვის ძალიან ეშინოდა. ამას თავისი გასამართლებელი მიზეზებიც ჰქონდა: ჯერ ერთი, ლევანი მიეჩვია ვორკუტას, იქ მყოფ ქართველ პატიმრებს, რომლებიც მას ძალიან ეხმარებოდნენ. მერე ისიცაა მთავარი, რომ ბოლო ხანებში ლევანმა შეძლო ლიტერატურული მუშაობის, ასე ვთქვათ, იმ პირობებში მაინც „მოწესრიგება“ და არც თუ უნაყოფოდ. ლევანი უკანასკნელ პერიოდში ამით ცოცხლობდა და ხარობდა კიდევ. გული გვწყდებოდა, რა დროს უღალატა ბედმაო. თუ ნაწერები ვორკუტაში დარჩა თავის სამალავში, ის ხომ დაკარგულია, ეს კი ლევანს ნამდვილად განცდას გაუძლიერებდა. მოკლედ, ასეთ საშინელ ლელვაში და წუხილში ერთი თვე გავიდა. სად დაიკარგა ლევანი? სად უნდა ვეძიოთ? რატომ წაიყვანეს, თუ უჭირს რამე? და ბევრი სხვა კითხვა გულს გვიხეტქავდა. ვორკუტიდან ვინც საერთოდ ლევანის შესახებ ყოველ წერილში რაღაცას იწერებოდა, ყველა დუმდა.

მოულოდნელად ვორკუტიდან ისევ დეპეშა მოვიდა. ეს უკვე ლევანის გამოგზავნილი იყო. გვატყობინებდა მოსკოვიდან უკან ვორკუტაში დავბრუნდი და კარგად, ჯანმრთელად ვარო. ჩვენს სიხარულს საზღვარი არ ჰქონდა.

ლევანის მოსკოვში საიდუმლო გასეირნების ამბავი მოსვენებას არ გვაძლევდა, მისგან დაწვერილებით ცნობას ვუცდიდით და, აი, მოვიდა კიდევ ვორკუტიდან კაცი, რომელმაც საკმაოდ ვრცელი ხელნაწერი — „გმირთა ვარამის“ II წიგნი გადმოგვცა ლევანის ბარათიანად. ბარათის მომტანმა დიდი მოწიწებით მამონტის ძვლებიც მოგვითანა — თურმე მალაროს იკათხრის დროს აღმოუჩინიათო.

ჩვენ სწრაფად გადავიკითხეთ მოტანილი ბარათი.

ამის მომტანი დაწვრილებით გაიმბობთ ჩემს ამბავს, გამოგზავნილი დიდი უსტარი ალბათ მიღებული გექნებათ. ახლა ვაგზავნი აქ მოსოვებულ მამონტის ძველებს. შემიხახეთ ჩემს ძველმანებში. აგრეთვე მოკლედ მინდა გაიმბოთ ჩემი მოსკოვში საიდუმლო მოგზაურობის შეხახებ.

სრულიად მოულოდნელად სამუშაოდან გამომიძახეს და ყოველგვარი გაფრთხილების გარეშე რკინიგზის სადგურისაკენ წამიყვანეს. მოსკოვის მატარებელში კი სამხედრო - ოფიცერს ჩამაბარეს.

ეტაპი იმ წუთში დაიძრა. ასე რომ, ჩემი გამგზავრება ვერავინ გაიგო, ისე მოულოდნელად მოხდა ყველაფერი. მერე გამოირკვა, რომ ვილაც რუსს დაფუნახივარ და უცნობებია ჭუმბურიძისათვის. ვალიკომ კი, გულგახეთქილმა, ყველა ქართველს შეატყობინა და თქვენც დეპეშა გამოგიგზავნათ.

ძალიან შევწუხდი. იმედი მქონდა, რომ ჩემს მცირედ ბარგს და წიგნებს პატიმრები მოუვლიდნენ, ხელნაწერებს კი ვინ აღმოაჩენდა, ან ვინ ჩააღწევდა ღრმა სამალავში.

თურმე ჩემი გამოძახება მოსკოვის შინსახკომიდან გამომდინარეობდა. მგზავრობა ძალიან გამიჭირდა. ეტაპი მძიმე რეჟიმით მიდიოდა. ამიტომ შიმშილმა, სიცხემ, თავისებურმა წვალებამ და, რაც მთავარია, ქურდებსა და რეციდივისტებში ათქვეფამ ისეთი დღე მაყარა, სულ კუდით ქვა მასროლინა. უკანასკნელ წლებში დავიწყებულმა მძიმე, ღუხჭირმა ცხოვრებამ ისევ კუდი მომიქნია. არ არის ჩემი საშველი, გავიფიქრე. ისევ ჩემი არარაობა ვიგრძენი. ის თავისუფლება, რომელიც ვორკუტაში მე წერით შევიქმენი და ცხოვრება გავიადვილე, წამში ჩაიქოლა და დაიმსხვრა.

მე ყველაზე უფრო ჩემი ნაწერების დაკარგვა მადლევებდა, ამდენი წლის ნამუშევარი იკარგებოდა, მი-

სი აღდგენისათვის კი მე მეტი არც ღონე და არც თავი მქონდა.

მოკლედ, საწყალმა კაცმა გზაში ბევრი განვიცადე. რა არ ვიფიქრე, ვერა და ვერ ჩავწვდი ჩემი მოსკოვში წაყვანის მიზეზს, რა არ ვიფიქრე, თავში რა ექვმა არ გამირბინა.

რის ვაივაგლახით ძლივს ჩავალწიეთ მოსკოვში; ჩვენს მატარებელს ისევ დახურული მანქანა შეხვდა, რომელზედაც ისევ „МЯСО“ ეწერა. ამ მანქანამ ისევ ძველი გადასახლება გამახსენა, ჩამაფიქრა და დამაღონა. უსულო ხორცად გამხადეს ამხელა სულიერი კაცი. მაინც რისთვის, არ ვიცი.

მოკლედ, ბუტირკის ციხეში მიმიყვანეს, რომელიც კარგად ვიცანი, ციხეში შესვლისთანავე დაიწყო ჩემი ზღაპრული ცხოვრება; იმწუთშივე საბანოში შემიყვანეს, სადაც გემრიელად ვიბანავე, — იმდენი ჭუჭყი გამძვრა, მე თვითონ გამიკვირდა. რაც მთავარია, არავინ არ მაჩქარებდა. ვისვი და ვისვი ტანზე საამო სუნის ხელის საპონი, საპონს მონატრებულმა. შემდეგ დალაქმა გამპარსა და გამკრიჭა. ჩასაცმელში ჩემი საცვლები ველარ ვიპოვე. სამაგიეროდ ახალ-ახალი საცვლები, ზედა ტანისამოსი და გაპრილებული ფეხსაცმელები დამხვდა. ამრიგად, ჩამაცვეს და გამომაწყვეს. ყოველივე ამან არ გამახარა, პირიქით, ავის მომასწავებლად მივიჩინე. ჩემს თავზე რაღაც ცუდი ამბავი ხდებოდა. ზოგჯერ, სადღაც, ოცნების ფსკერზე, ისიც კი გავიფიქრე, შეიძლება მათმა სინდისმა გაიღვიძა და სიმართლე აღდგამეთქი. თურმე რა უსუსური ვყოფილვარ, ეს როგორ გავიკარე გულში. ჩეკა და სინდისი ხომ ორი სხვადასხვა ცნებაა. მოკლედ, ჩამაცვეს, დამახურეს, უფრო სწორად, გამომპრანჭეს. იქვე სარკეში რომ ჩავიხედე, ჩემი თავი ველარ ვიცანი. შემდეგ სასადილოში შემიყვანეს. ალბათ თანამშრომელთა სასადილო თუ იყო, თორემ ამისთანა საკვებს და ასეთ მომსახურებას პატიმარს ვინ აღირსებდა. მე ყველაფერს ექვის თვალით ვუყურებდი, ცდუნებას მაინც ვერ გავუძელი და არც იქნებოდა მი-

ზანშეწონილი, რომ კარგა ლაზათიანად არ მესადილა. ერთი აზრი კი სულ მიტრიალებდა თავში: ჩემი ასეთი პატივისცემა უბრალოდ არ იქნება, ალბათ რალაცა დიდად მნიშვნელოვანი საქმე სწადიათ გამაკეთებინონ და იმიტომ მთაფლავენ ეს ყურუშსალები. ქართული ღვინო რომ შემომთავაზეს, მაშინ კი ძალიან შევეწუხდი, გავიფიქრე — ჩემი საქმე ცუდად არის-მეთქი. ჩემი ასეთი პატივისცემა და ადამიანური მოპყრობა არაფერი კარგის მომასწავებელი არ იქნება და ალბათ არაადამიანურისაც. უსათუოდ მახეს მიგებენ. ეს ზედმეტი თავაზიანობა უკვე მაჭავრებდა და მანერვიულებდა.

სასადილოდან შერე ვილაც დიდი კაცის მდიდრულად მოწყობილ სამუშაო ოთახში შემეყვანეს. რბილ, ღრმა სავარძელში რომ ჩავჯექი, მეგონა იატაკზე ვვარდებოდდი.

ოთახში შუა ხნის ჩასუქებული, სიმპათიური ქართველი კაცი შემოვიდა. დიდი მოწიწებით ცალკე პატარა მრგვალ მაგიდასთან მიმიპატიჟა. რატომღაც ამ თავაზიანობამ და უცნობი კაცის ღიმილმა არასასიამოვნოდ იმოქმედა ჩემზე და იმწუთშივე რალაცა წინააღმდეგობის ძალა მომაწვა. ძალიან ნაცნობი სახე ჰქონდა ამ ჩეკისტს, მაგრამ ვერა და ვერ გავიხსენე მისი გვარი. მერე თუთუნის შემომთავაზა; თვითონ გააბოლა და დიდი საქმის კაცივით მითხრა:

— ახლა საქმეს შევუდგეთ.

მე სიბრაზისაგან სისხლი მომაწვა და თითქოს გულში ლახვარი მომხვდა.

— ბატონო ლევან! თქვენი ბიოგრაფია და საქმიანობა ჩვენთვის ცნობილია. ალბათ თქვენისთანა კაცს გიჭირთ პატიმრობა და ბანაკური მძიმე, ღუხჭირი ცხოვრება. ალბათ სამშობლოც მოგენატრათ, სადაც თქვენ გარკვეულ პერიოდში დიდად პოპულარული იყავით, როგორც საუკეთესო მწერალი-დრამატურგი. თქვენს შესახებ ჩვენ აქ ბევრი ვიმსჯელებთ და თქვენი საქართველოში დაბრუნების გზა გამოგინახეთ. მხოლოდ გვინდა სიკეთეზე სიკეთით გვიპასუხოთ, სულ უბრალო საქმეში დაგვეხმაროთ. თქვენისთანა კაცისათვის ჩვენი თხოვნა

არ იქნება ძნელი შესასრულებელი. თქვენი თანხმობის შემთხვევაში აქედანვე სახლში წახვალთ.

მე ხმას ვერ ვიღებდი, გულს გაჰქონდა ბაგაბუგი, გულმოკლული შევცქეროდი ამ თითქოსდა „საქმის“ კაცს, რომელიც თვალთმაქცობით და ზედმეტი კეკლუცობით მგლური თვალებით შესცქეროდა თავის მსხვერპლს.

ცოტა ხნის სამარისებური სიჩუმის შემდეგ განაგრძო: ჩვენ სულ უბრალო, პატრიოტულ, საშვილიშვილო საქმეზე ვვჭირდება თქვენი დახმარება. გვინდა შეხვედეთ საზღვარგარეთ მყოფ ქართველ ემიგრანტებს, ისინი გადმოიბიროთ და საბჭოთა კავშირში წამოიყვანოთ.

მე სიბრაზისა და აღელვებისაგან ფეხზე წამოვხტი და ისე დავიღრიალე, რომ ჩემი ხმისაგან მე თვითონ შევეკრთი.

— მე ჩეკასთან საერთო საქმე არასდროს არ მქონია და არც ახლა მინდა მქონდეს. თქვენ ვინ გენდობათ! საწყალი ემიგრანტები, იმისათვის გინდათ გადმოიბიროთ, რომ შორეულ ბანაკებში აწვალდეთ და სული ამოხადოთ? ჩემი სინდისის, პატიოსნებისა და ავტორიტეტის ხარჯზე გინდათ გამოხვიდეთ? არასდროს! ბევრი რომ მაწვალდეთ, გინდათ მომტეხოთ! არა, მე ჩემი ერის გამყიდველი არასდროს არ ვყოფილვარ, არც ვიქნები. ახლავე დამაბრუნეთ უკან ვორკუტაში, ჯერ იქაურ გაწამებულ ემიგრანტებს მიხედეთ!

ოფიცერი შეკრთა კიდეც, ასეთ პასუხს არ მოელოდა, რატომღაც ეგონა დამითანხმებდა.

— თქვენ არ ყოფილხართ ჭკვიანი კაცი, — დაცინვით წარმოსთქვა მან, — არც დიდი მწერალი ხართ და არც ამდენი ხნის პატიმრობას მოურჯულედიხართ. ახლა კი სამშობლოს სამულამოდ გამოემშვიდობეთ. მას არასდროს აღარ ეღირსებით, ეს დამახსოვრეთ.

— ისიც შემიძლია გითხრათ, — ნიშნის მოგებით მითხრა ჩეკისტმა, — ვილაცამ სტალინს თქვენი კარგი მწერლობის ამბავი მოახსენა, სტალინმა კი მიხეილ კიაურელს ჰკითხა — მწერალ ლევან გოთუას თუ იცნობო? არაო, — მოკლედ უპასუხა მან. მის სიტყვას კი მა-

შინ თქვენი ბედი შეიძლება სულ სხვანაირად გადაეწყვიტა. ეს იმიტომ გითხარით, რომ შეიგნეთ — არავის არ სწადია თქვენი დახმარება. ახლა კი ამისთანა შესაძლებლობას კარგავთ.

როგორ გამოვედი იმ ოთახიდან, არ მახსოვს. მერე სარდაფში ჩამავდეს, იქ გამაშიშვლეს და რამდენიმე დღე მშიერ-მწყურვალე დამტოვეს. შემდეგ ძველი ტანსაცმელი მომიგდეს და სასწრაფოდ უკან ეტაპს გამომაყოლეს.

ყველაფერზე გულმოკლული, დაღლილი და ნაწყენ-შეურაცხყოფილი სიბრაზისაგან აღარაფერს ვაქცევდი ყურადღებას. ღრმა დუმილით, თვალბდახუჭული სულ იმას ვფიქრობდი, როგორ გამიბედეს ასეთი დამცირება, მათთან თანამშრომლობა, ხელის შეწყობა და ქართველი ერის ღალატი. ასე ფიქრებს, წვალებით მომტყხეს! არა, ნურას უკაცრავად. ერის ღალატს სიკვდილი მიჩვენია.

რა ცუდი კაცი აღმოჩნდა ის ჩეკისტი, ნამდვილად ჯალათი, როგორ მომიკლა გული ჭიაურელის გახსენებით.

მე ბატონ მიხეილს პირადად არ ვიცნობდი, მაგრამ მისი მეუღლე — ვერიკო ანჯაფარიძე ჩემს პიესებში „მეფე ერეკლეში“ და „დავით აღმაშენებელში“ მთავარ როლებს ასრულებდა. ამიტომ ჩემი ვინაობა ბატონ მიხეილს არაფრით არ შეიძლება, რომ არ სცოდნოდა. ეს უფრო მაგიჟებდა მე და გული მტკიოდა; თუ კი შეეძლო კარგის თქმა და დახმარება, რატომ სიკეთე არ გააკეთა! ზოგჯერ იმასაც ვფიქრობდი — შესაძლოა იმ წუთში მისი ასეთი ნათქვამი საჭირო იყო და სჯობდა, თორემ ასე რატომ გამწირავდა ალალ-მართალ ქართველ კაცს. მოკლედ, ამ მგზავრობაში ისევ ბევრი დღევანდელია და დამცირება გადავიტანე.

ვორკუტაში, როგორც სახლში, ისე ჩამოვედი, ქართველებმა შეხვედრით ძლიერ გამახარეს და მეც გავახარე.

იყავით კარგად, გჟოცნით ყველას!
თქვენი ლ ე ვ ა ნ ი“.

ახალგაზრდამ ლევანთან დაკავშირებით ბევრი სხვა იქაური ამბავი მოგვიყვა:

— პატიმარი ვანო შევარდნაძე ძალიან კეთილი, საყვარელი, ენამახვილი და მშრომელი ახალგაზრდა კაცია. სასურსათო საწყობში მოეწყო სამუშაოდ და ყველა ქართველს დიდ დახმარებას უწევს, მათ შორის ლევანსაც.

საწყობს, უფრო სწორად ფანოს, ხშირად ზედამხედველები ამოწმებენ. ამიტომ ვანოს არა მარტო პატიმრებში, ასევე უფროსებშიც კარგი სახელი ჰქონდა. ერთ-ერთი ასეთი შემოწმების დროს ვანოს საწყობში ციმბირული კატა უპოვეს, რაც ბანაკის პირობებში სასტიკად აკრძალული იყო.

ვანო ყოველთვის ასწრებდა კატის გადამალვას, ამჯერად კი ვერ მოახერხა.

— ეს საიდან არისო, — შეეკითხა მკაცრად ზედამხედველი.

— თბილისიდან მივიღე ამანათით, — სრულიად სერიოზულად გაეხუმრა ვანო.

ზედამხედველებმა იმწუთში ამაზე არავითარი რეაქცია არ გამოხატეს. გზაში კატის ამბავი გაიხსენეს და საშინლად გაჭავრდნენ, ვანომ როგორ მოგვატყუა და გავგაცურაო.

ვანოს დასჯის მიზნით უფროსს მიმართეს, სასწრაფოდ ვანოც გამოიძახეს.

— რატომ მოატყუე ზედამხედველები!

— წამდვილი ციმბირული კატა ვერ იცნეს, ასეთი ფუმფულა და დიდი, შეც გამიკვირდა და გავეხუმრე.

— თქვენ რისი მაქნისი ხართ, ციმბირული კატა ვერ იცანით და იუმორის ფრჩხილი არა გაქვთო, — გაჭავრდა უფროსი და ზედამხედველები დასაჯა.

ეს ამბავი სწრაფად ანეკდოტით მოედო ბანაკს. ლევანმაც ბევრი იცინა.

გავიდა რამდენიმე ხანი, ბიჭებმა გადაწყვიტეს ვანოსთვის კატა მოეპარათ, ვინაიდან კატას საწყობში მაინც არ დაუტოვებდნენ. მოიპარეს კიდეც და „ჩახოხბილი“ გააკეთეს. ლევანის სამფლობელოში შინაგანი ტელეფონის ხარი აწკრიალდა. ლევან, კურდღელი ვიშოვეთ და ძალიან გემრიელი „ჩახოხბილი“ გვაქვს სადილად, მოდი ყველანი ვიქნებითო. სადილი დიდ სიცილში და ოხუნჯობაში ჩატარდა. ყველამ გემ-

რიელად შექამა „კურდღლის ჩახობილი“. ერთმა ლევანსათვის მისართმევად, როგორც უფროსისათვის, თავიც კი მოითხოვა, მაგრამ უთხრეს — თავი უკვე შევექამეთო.

მეორე დღეს ლევანთან ზარმა ისევ დაიწკრიალა და ვილაცამ ტელეფონში კატასავით დაიკნავლა — „მიაუ-მიაუ“. ასე განმეორდა რამდენჯერმე. ლევანი მიხვდა, რომ დიდი ოინი გაუკეთეს, კურდღლის მაგივრად კატა აქამეს, მაგრამ ხომ თვითონაც ჰამეს. ლევანი იხტიბარს არ იტეხდა და სულ იმას გაიძახოდა — კატის ხორცი კურდღელზე გემრიელი ყოფილაო.

სტუმრის ნაამბობმა და ლევანის მიერ გამოგზავნილმა ხელნაწერმა დიდად აგვადელვა და ცრემლიანი სიხარული მოგვიტანა. ლევანის ხელნაწერს სასოებით ვფურცლავდით და სიამაყის გრძნობით მის შემოქმედებას ჩუმად ცეფერებოდით, თითქოს ეს ალერსი მასზე გადადიოდა. გულის ტკივილით გვეცოდებოდა ლევანი. ისიც წარმოვიდგინეთ, სამშობლოში რომ ყოფილიყო, ის შემოქმედებითი აღმაფრენა უფრო ძლიერი და შედეგიანიც იქნებოდა. გული სიამაყით გვევსებოდა. ლევანი ისევ შემოქმედებით ძიებაშია, ეს მის სრულყოფილ სიცოცხლეს ნიშნავს. მისი ჰუმარატი ნიჭი უკვდავია და სახუკვარ სამშობლოს დასტრიალებს.

ღიან, იქ, შორეულ ჩრდილოეთში, ლევანი და აქ ჩვენ, მისი მახლობლები, სამშობლოს კეთილი მომავლის იმედით ვცხოვრობდით.

„ჩემო კარგებო!

20. XI. 52 წ.

ბოლოს მომეცა საშუალება, წერილის მოწერისა და ისიც ქართულად დაწერილისა.

აქაურ ამბებს ალბათ გაამბობენ. ასე რომ, მე უფრო წვრილმანებს შევეხები. პირველყოვლისა, გამოგზავნილია „გმირთა ვარამის“ მე-2 ტომი, რომლის, ასე ვთქვათ, „გათეთრება“ ველარ მოვახერხე, არც დრო მეყო, არც ჭანი და არც რვეულები. თუ ოდესმე შემოვბრუნდი, ამ ხელნაწერებსაც შემოვუბრუნდები. თუ არა

და, იგი მაინც იყვეს საქართველოში, თუნდაც ხელმოკლეებული სახით.

მაშასადამე მიღებული გაქვთ:

1. „გმირთა ვარამი“ — 39 რვეული (აკინძული)
2. „ცალხელის თუთუნი“ — (ცალკე რვეულად)
3. ცალკეული ფრაგმენტები, შენიშვნები და ჩანაწერები, ლექსები.

ყველაფერი შემინახეთ. შავებს არ ვიტოვებ, ასე რომ ყველაფერს თქვენ ვაბარებთ. შემინახეთ ყოველ მიზეზს გარეშე, ყოველ პირობებში. ნურც ვის ნუ აჩვენებთ, ნურც გააგებინებთ. თუმცა, ვგონებ, ტყუილად გაფრთხილებთ. ამ ხელნაწერების წამკითხველი მაინც არავინ მეგულებს. ვიდრე მე ცოცხალი ვარ, მელოდეთ და თუ მართლა იმედმა გამიმართლა, არც ხელს მოვაკლებ, არც სინათლეს. მესამე წიგნიც საკმაოდ ჩათავებული მაქვს, იგიც დაახლოებით ასეთივე ზომის გამომდის. ამ წლის ბოლოსათვის მესამეც, ვფიქრობ, გამოსაგზავნად გამზადებული მექნება, თუ, რა თქმა უნდა, რამემ ხელი არ შემეშალა. „ხელის შემშლელი“ კი ბევრზე მეტი მაქვს და გამაჩნია. ახლა მჭირდება რვეულები, რვეულები და რვეულები!!! ყოველ ამანათში ჩადეთ 5 ცალი, აქ კეთილის მსურველნი რომ არ მეხმარებოდნენ, დიდხანს ვერაფერს დავწერდი უქალღობის გამო. თქვენ ჩემი წერილები გაზვიადებული გგონიათ. ახლა იანგარიშეთ რამდენი რვეული მჭირდება და ამასა გთხოვთ, ნუ შემომაკლებთ.

ახლა დანარჩენი ამბები — ჩემი წერილების დაგვიანებას ყურადღებას ნუ მიაქცევთ.

ასე შევთანხმდეთ. სცადეთ ერთი პატარა ბანდეროლის გამოგზავნა ბანაკის მისამართით. თუ მოაღწია, მოგწერთ. აქ ხან უშვებენ, ხან არა.

გაზეთი „კომუნისტი“ გამომიწერეთ პირდაპირ რედაქციიდან ჩემს სახელზე და ბანაკის მისამართზე. ასეთ გაზეთებს თითქოს უშვებენ. ესტონეთიდან და ლიტვიდან ასე მოსდით ხოლმე, თუმცა ისინი რუსული გაზეთებია. როდესაც აქ ქართულ გაზეთებს ვკითხულობ, წარსული ზღაპარი მგონია. რაც დრო გადის, საქართველო უფრო

მშორდება, რეალურ სახეს კარგავს, ღვთაებად მექცევა.

ფულს ნუ გამომიგზავნით. ახლა ჩვენც დაგვინიშნეს ჯამაგირი. „სამეურნეო ანგარიშზე“ ვართ გადასული. ჩემს თანამდებობას ეკუთვნის 850 მან. აქედან მე ეკუთვნის მხოლოდ 170 მან. ისიც ხელზე მეძლევა 100 მან. მხოლოდ, 70 მან. კი ჩემ პირად ანგარიშზე ირიცხება და ბოლოს, ალბათ ოდესმე მივიღებთ. ჩვენს ბანაკში ახლა ფული ტრიალებს, ხოლო კვების საკითხი კი სულ აირია. მაგრამ, რამდენადაც ვიცი, ეს საკითხი არც სხვაგან არის ჩინებულად. ამ მხრივ საქართველო, ჩანს, კიდევ კარგ დღეშია.

დღეების ჩათვლები აქ არ არის და საერთოდ აქედან შინ არავის უშვებენ. ასევე აქ დარჩა ილია ბოქორიშვილი, შენი სტუდენტის მამა. ორიოდ სიტყვა ჩემი ჯანმრთელობის შესახებ — იშინასმა მომინელა, დამგრიხა და ხელში ჯოხი ამალებინა. ასი წლის ბერეკაცოვით მომხარა და მომტეხა. ტკივილებს და წვალებას ჯანი გავარდნია, მაგრამ მუშაობაზე ფრიად მიშლის ხელს და მომადუნა მეტად. გულს მაინცდამაინც არ ვუჩივი, მაგრამ ეს საოცარი დაღლა და ფეხის თრევა ვერ მომიცილებია. მაინც, მიუხედავად ამისა, მომავალს იმედით შეეყურებ, დრო სწრაფად მიდის, მართალია, მიაქვს ჩემი ახალგაზრდობაც, მაგრამ გადასახლების ვადაც. აქ ხმები დაირხა, რომ ჩათვლები გვექნება (1—3 დღე ან 1—2 დღედ). თუ ამას ახლო მომავალში მოვესწარი, ჩემს ბედს ძალლიც ვერ დაჰყუფს.

ფრთხილად იყავით. კაცუნები შეფობენ. აქაც არეულია ყველაფერი, არა მგონია, რომ მანდ დალაგდეს. ამათ ხელში არაფერი გამოვა.

გოცნით, თქვენი ლევანი“.

„ჩ ე მ ო კ ა რ გ ე ბ ო !

27. 11. 53 წ.

ქერ არ გწერდით, ვიგვიანებდი, ახლა კი ზედიზედ ვაგზავნი წერილებს, შესაძლებელია სულ ერთად მიიღოთ. ახლაც ვსარგებლობ შემთხვევით. ამ წერილის

მომტანი ერეკლე გეგეკორია. ის უკან გამობრუნდება და პასუხსაც წამოიღებს. თქვენც ჩემს ამბავს უფრო დაწვრილებით მოგიყვებათ.

აბა, ჭერ თქვენზე. როგორ ცხოვრობთ, რას შვრებით, სად მუშაობთ? რა პერსპექტივები გაქვთ? ჭანმრთელობით როგორა ხართ? როგორ არის დედა — ალბათ ძალიან მიხუცდა. ჩემი დანაზოგიდან, რომელიც ჩემს პირად ანგარიშზეა, თქვენ მიერ წლების მანძილზე გამოგზავნილი და თითქოს ჭამაგირის თანხიდან 800 მანეთი, დედას გამოვუგზავნე, მიღება დამიდასტურეთ. მე მაინც ამ თანხას არ მომცემენ და ვერც გამოვიყენებ, დედას კი გაახარებს. თვითონ იყიდოს რაც უნდა, თქვენ არ დაუხარჯოთ. მე ვაპირებ თქვენთვისაც გამოგზავნას. მე უკვე გწერდით, რომ ყველა ამანათი და წიგნები, გაზეთები და რვეულები მიღებული მაქვს. ქართულმა წიგნებმა მეტად მაამა. გული მწყდება და სიბრაზისაგან ცოფებს ვყრი ხოლმე, რომ მაგონდება, როგორ ერთი ხელის მოსმით მომიშორეს თავიდან და დიდი ხნით მომწყვიტეს საქართველოს. ცხოვრებას, მწერლობას და იქაურ კეთილ საქმიანობას.

რამდენადაც შეიძლება, გაზეთებიდან თვალყურს ვადევნებ ქართულ პროზას. გული შემტკივა, რატომღაც ასე მგონია, ქართულმა პროზამ მოიღატაკა. საქართველოში ბევრი გყავს ნიჭიერი ახალგაზრდა თუ ხანდაზმული მწერალი, ნუთუ ისინიც დაადუმეს. სხვა დარგებშიაც ჩამორჩენას ვატყობ. რას მივაწერო ეს, არ ვიცი. ქართველებს ბევრ კარგ თვისებასთან ერთად ზოგჯერ დიდი უბედურებაც შეგვეყრება — „სიზარმაცე“. სიზარმაცე მაცდურია, ის თუ მასიურად შემოგვეპარა და ინფექციასავით გავრცელდა, ერის დამაქციველია. ავკაცობის ეს ზღურბლი დაწყებისთანავე უნდა გადავლახოთ, თორემ უქნარები და მოხეტიალე უსაქმურები ძლიერი ერის გამტეხიცაა.

საქართველოს, როგორც არასდროს, მომავალში თავისი გარდაქმნისათვის, გაძლიერება-განვითარებისათვის კეთილი, მშრომელი (ძლიერი სულით), ბეჩითი და განათლებული ხალხი სჭირდება. ამჯერად სხვა გზას ვერ

ვხედავ ამ პოლიტიკის გადალახვაში. საქართველოში შეიძლება ამიტომაცაა ცხოვრება წაღმა-უკულმა რომ ტრიალებს, საუბედუროდ, წაღმას უკუღმართობა სპარბობს. ასე როდემდე უნდა გაგრძელდეს, არ ვიცი. ჩემს არსებაში მთავრობა საშიშ, ძლიერ მოწინააღმდეგეს ხედავს. ეს ჭეშმარიტად მართალია. მე ამ წყობის სასტიკი წინააღმდეგი ვარ, მაგრამ ვერასოდეს ვერ მოვასწარი და მოვახერხე ამის აქტიური მოქმედება და გამოხატვა. ყოველთვის ჩემს დამასწრო, ჩემი გუმანისა და ოცნების მსხვერპლად მხდიდა. ყოველთვის ჩემ მიმართ წინდახედულობას იჩენდა.

ამიტომ, სამწუხაროდ, ჩემი ცხოვრებაც სულ უკუღმართად ტრიალებს. ბევრი ძიება და ღაღუშება შემხვდა, უფრო სწორად გამოუსავალი უნებლიე დათრგუნვა და დახშობა, უსაზღვრო უსამართლობა, დროის სამკვდრო-სასიცოცხლო სასწორი.

მიუხედავად მძიმე მარყუჟებისა, ბრჭყალებისა და კაუჭებისა, მე ჭერ კიდევ მთლიანად გათავებული, სიმართლედაცხრომილი კაცი არა ვარ. გულის სიღრმეში ვგრძნობ ხასიათის სიმტკიცეს. შეიძლება ზოგჯერ ნებისყოფა მლაღატობს, იმედს ვკარგავ, სულით ვეცემი. ეს ამ პირობებში ბუნებრივიც არის. ამდენი უსამართლობის შემხედვარე, მაინც მომავლის იმედით ვცხოვრობ.

როგორც ჩანს, საქართველოში გამრავლდა ჰარბი მეობით აღსავსე ხალხი ყველა დარგში, განსაკუთრებით მთავრობაში. სავალალოდ, მწერლობაშიც თითქოსდა წერით იძებნენ თავმოყვარეობის უმაძლარ ჰიას. ეს ჭეშმარიტი მწერლობა არ არის. ვინც მხატვრულ სიტყვაში რაიმე სისტემას ეძებს, ის ვერასოდეს ქართულ ჭეშმარიტ მწერლობას ვერ მიაღწევს. მწერლობის განვითარება ბრძანებითა და ლოზუნგებით სავალალო და მომაკვდიენებელია. მწერალს თავისი მეობა, სახე და ხასიათი უნდა გააჩნდეს, გარდა ბუნებით მინიჭებული ნიჭისა. საქართველოში ყოველთვის იყვნენ და ახლაც არიან ჭეშმარიტი მწერლები, რომლებსაც კარგად უპრით კალამი. მოტმასნილ, უნიჭო მწერლებს კი კალმის მაგივ-

რად კბილი და ვერაგობა უჭრით. აი, ხომ ხედავთ, გულისტკივილით მეც ვავკარი კბილი მაქაურ ამბებს.

ძალიან მაინტერესებს, სად ჩაიკარგა ჩემთან ერთად დაპატიმრებული ხალხი, მათ შესახებ უსათუოდ დაწვირილებით მომწერეთ ყველაფერი.

ახლა აქაური ამბები მოკლედ. სანუგეშო არაფერია. ჭერ ძველებურად ვარ გაწვალებული, ჩაკეტილი, ჩამწყვდეული. მაგრამ უკვე ღუხჭირს საგრძნობლად მიჩვეული. არც ჩათვლები და არც რამე შერბილებანი არ არის მოსალოდნელი. პირიქით, რატომღაც ისევ გამაცრებისკენ მიდის ყველაფერი. ასე რომ, წერილების გამოგზავნის შემცირებაა მოსალოდნელი. არ შეგეშინდეთ და ნურც გაიკვირვებთ.

ახლა ჯანმრთელობის შესახებ. არა მიშავს რა, ჩემი ჯანი ჭერ კიდევ მიტანს და ფრიად კარგად მემსახურება კიდევ. ცოტათი იზიასმა შემაწუხა, ამ ბოლო დროს ხანდისხან მიმწვავდება და მაშინ ვგრძნობ ჩემს დაუძლეურებას. საოცრად მშველის თქვენი გამოგზავნილი წამლები, გულზე მალამოდ მედება და ფეხის ტკივილს მიხსნის. ველი წამლებს. რა მოგწეროთ. კვებაზე აქ დიდი უწესრიგობაა და ზომიერი შიმშილია, რომელიც არ მოგკლავს და არც გაცოცხლებს.

პატიმრებში კახექსია და სიმკლევე ქარბობს. ჩვენ, ქართველები, ურთიერთდახმარების წყალობით, სხვებთან შედარებით, კარგად ვართ, საქართველოს წყალობით. ეს კი აქ პატრონიან კაცს ნიშნავს. მავთულხლართებშიც შინაურების თვალმა შემოიჭყიტა, თავისუფლებისა და შინაურების სითბო შემოიტანა.

ვორკუტაში თავისუფალ გადასახლებაში მყოფი ქართველები კი მისწრებაა პირდაპირ. როგორც ერთი ოჯახის წევრები, ისე გვეხმარებიან. ესენი არიან ვალიკო ხუჭუას, რომან ბლიაძის, კოლია კალაძის, ბორის შენგელიას, ვალიკო ჭუმბურიძის და ბევრი სხვა ოჯახი.

საუკეთესო ახალგაზრდები, პატიოსანი, საქმიანი, განათლებული ხალხი, ისინი ვადის დამთავრების შემდეგ სამშობლოში აღარ გაუშვეს და მუდმივად ამ თითქოსდა ქალაქში დაასახლეს.

მე როგორც გწერდით, აქ ირგვლივ უამრავი ქვანახ-
შირის საბადოა, ამიტომ ამ ქალაქის გაშენებას დიდი
მომავალი აქვს, მით უფრო რომ ბანაკებში უამრავი პა-
ტიმარი — მუშახელია.

ჩვენს ბანაკში ხალხმრავლობაა. გარდა 6 ათასი პა-
ტიმრისა (2 ათასი ქურდი-რეციდივისტი და 4 ათასი პო-
ლიტპატიმარი), 2 ათასი სხვადასხვა ეროვნების გასა-
ცოდავებული, მოტყუებით წამოყვანილი სხვადასხვა
ერის ემიგრანტები არიან — უნგრელები, გერმანელები,
ფრანგები, პოლონელები, რუსები, ქართველები და
სხვები. წარმომიღგენია, როგორ ბევრი არიან სხვა ბა-
ნაკებშიაც. ნეტავ ვიცოდე, რას ერჩოდნენ ამ საწყლებს,
სამშობლოს სიყვარულით გადმოიბირეს და სამშობლოს
მაგივრად მოსარჩულებლად ამ საშინელ ბანაკებში ჩაყ-
ლეს მძიმე ფიზიკურ შრომაში, მშიერ-მწყურვალი და
გაუბედურებული. საუკეთესო ხალხი დაიღუპა. ბევრმა
სიმწრით თავი მოიკლა.

მე ასე მგონია, პატიოსანი მოღვაწენი და სწავლული
ხალხი ამ ბანაკებში უფრო მეტია, ვიდრე მანდ დარჩა.

ყველას, როგორც მე, ჩვენი კლდოვანი და ეკლიანი
სავალი გაგვაჩნია, ან პირნათლად მოვალთ მანდ, პატიოს-
ნად შევცვლით გარემოცვას, ანდა პატიოსან გზაზე დავრ-
ჩებით მოუსვლელად. ესაა და ეს.

აქ, ჩრდილოეთში, ბანაკებში ადამიანის სიკვდილი
ძალიან იოლია. მიდის და მიდის განსაკუთრებით ხანდაზ-
მული ხალხი, განათლებული, ყოველმხრივ შემკული სხვა-
დასხვა ერის ინტელიგენცია და არცთუ მცირე რაოდენ-
ობით. ნამდვილად, ჩვენს ქვეყანაში, ვერ წარმომიღგე-
ნია, მომავალში როგორ უნდა შეივსოს და აღდგეს, ასე-
თი კულტურისა და განათლების დონე და დანაკლისი.
ეს უსათუოდ უარყოფითად იმოქმედებს მომავალ თა-
ობაზე.

როგორი პარადოქსებია ამ დაწყევლილ წყობაში.
კომუნისტებს ხელს აძლევს გაუნათლებელი, უხერხემ-
ლო ბრბო. მე კი ვფიქრობ, სწორედ ასეთი ბრბო გა-
მოჭრის ყელს და დაამხობს მათ.

სამშობლოს საკეთილდღეოდ აუცილებელია ახალ-

გაზრდილი შემართების და განათლებული, გამოცდილი ხალხის შერწყმა. ასეთი ურთიერთობა სამშობლოს სასიკეთო წინამძღვარიც შეიძლება გახდეს მომავალში.

აქ ასეთებიც ხდება: ერთ დილას სამუშაოზე გასვლის წინ ბანაკში დიდი აურზაური ატყდა — სტალინი დადისო და პილიტკატიმრებს თვალუურს გვადევნებსო. ყველას შიშის ზარი დაეცა.

ჩვენც, ქართველებმა, ნამდვილად სტალინი დავინახეთ სახით, სიმაღლით, ტანით, ჭმუხობით. ის პატიმარი ვიქტორ ჭლარკავა აღმოჩნდა. სასოწარკვეთილებაში ჩავარდნილი, რაც ძალი და ღონე ჰქონდა, გაჰყოდა — „ხალხნო, მე სტალინი არა ვარ, თქვენსავით პატიმარი ვარ, ღმერთმა დასწყევლოს მისი სახელი, მისგან ვარ დაღუპული. სტალინი მრისხანე ინკვიზიტორია, ის ანადგურებს ყველას. სტალინი ერთადერთი კაცია, რომელიც ვერ გარყვნა „ჩეკამ“, მაგიორში მან თვითონ მძიმედ გარყვნა „ჩეკა“. ის გულქვა, ულმობელი კაცია, მან შემოიტანა ამ ბანაკებში წამების სასტიკი ფორმები“. პირველ ხანებში პატიმრებს ძალიან უჭირდათ ჭლარკავას ბანაკში ყოფნა. პატიმრები მას მაინც გაუბრუნდნენ, ერიდებოდნენ, შემდეგ კი ქართველების დახმარებით თანდათან ყველაფერი ჩადგა თავის კალაპოტში. ჭლარკავა ძალიან თბილი და კეთილი ექიმი კაცი აღმოჩნდა.

პატიმარი ვანო შევარდნაძე ხშირად ეუბნებოდა: ასეთ კეთილ და ნამუხიან კაცს ღმერთმა ასეთი გარეგნობა რატომ მოგცაო და დაგსაჭაო, სახე როგორმე შეიცვალეო. მერე ჭლარკავას მოაპარსინეს უღვაშები და შეუთხელეს წარბები.

ჩემი ვადის დამთავრებას „უმალღესი მათემატიკა“ სჭირდება, ძნელი გასარკვევია.

მე კარგად ვარ... დავბერდი, მაგრამ, ჩანს, ჩრდილოეთს მივეჩვიე არც სიშორე მაშინებს, არც სივრცე, არც მაღარო, არც აქაური მძიმე პირობები და არც ვადის გათავება თუ გაუთავებლობა. ისე კი სულ მპირდებიან გარეთ გაგიშვებთ და კომენდატურას მიგამაგრებთო. ესე იგი ვორკუტაში ჩემს სამუდამოდ ჩარჩენას გულისხ-

მობენ ალბათ. მეც ამასვე მოველი, ჩემისთანები სულ აქ არიან, რაც არცთუ ისე სანუგეშოა.

ახლა ჩემი მუშაობის შესახებ. ჩემი წიგნი „გმირთა ვარამი“ შავად თითქმის დამთავრებული მაქვს. უკანასკნელი ხუთი თავის გადათეთრებაზე მომისწრო ავადმყოფობამ და შუა გზაში გავიჩხირე, თორემ ამ წერილთან ერთად იმასაც გამოგიგზავნიდით. ზომით მეორე წიგნზე უფრო დიდი და, ვგონებ, უფრო საინტერესოც გამოვიდა — თუმცა მე უფრო ვჩქარობ და ისეთ პირობებში ვცოდვილობ, რომ, რა თქმა უნდა, მრავალ ხელსა და დახვეწას ვაკლებ. გასწორებას ვერც კი ვასწრებ. ამის შემდგომ კი დამრჩა მეოთხე და უკანასკნელი წიგნიც და თუ ერთი წელიც დამცალდა და აქვე დავრჩი, ამ არცთუ პატარა საქმეს ბოლოსაც გამოვაბამი თქვენ ეს ხელნაწერები ოღონდ კარგად შემინახეთ, ყოველ პირობებში, და ბოლოს, რომც არ დავბრუნდე, ჩემს წიგნს პატრონიც გამოუჩნდება და პატრონსაც გამოაჩენს!

აბა, ყველაფერი დაწვრილებით მომწერეთ თქვენს გარშემო! ვინ დაბრუნდა? ვინ სად არის? გაზეთების გამოწერის საქმე თუ გაიგეთ? მე უკვე გწერდით, რომ პირდაპირ ბანაკზე შეიძლება გამოწერა. გაწუხებთ, მაგრამ მეტი ვინლა შევაწუხებ?

აბა ყველას მოკითხვა, გკოცნით, ველი პასუხს.
თქვენი ლევანი“.

„ჩ ე მ ო კ ა რ გ ე ბ ო !

10. III. 53 წ.

ამანათი მიღებული მაქვს, თუმცა გატეხილი იყო და რა აკლდა, ვერ გავიგე, სია და ბარათი არ მომცეს. რუსული და ქართული წიგნებიც მივიღე. გამიკვირდა, ყველა ქართული წიგნი და გაზეთი უცენსუროდ მომცეს. მადლიანი საქართველოს ბუნების 'ნაყოფმა აქ დიდი შთაბეჭდილება მოახდინა, ქართულმა ჩურჩხელამ და ხილმა იხსნა ქართული ლიტერატურა.

მანდ რომ გულდაგულ გაზაფხულია გამეფებული,

რომელსაც მე ყოველთვის ვეტროფოდი, აქ ჭერ ბარე ორი ყინვა დაჰკრავს და ქარბუქი გადაგვივლის, როგორც დღეს. ისეთი დაუქროლა, წამაქცია და უბეში ჩამალული ხელნაწერები დამეფანტა, მერე სასწაული მოხდა: ქარმა ისინი ზევით ზეცისაკენ აიტაცა და რკინის მავთულხლართებს იქით გააფრინა. ჩემმა ხელნაწერმა თვითონ უშველა თავს, თვითონ მოიპოვა თავისუფლება და ბანაის მიღმა უკიდვანო ტუნდრაში მიმოიფანტა. მართალია, მე მეორედ დამქირდა ყველაფრის დაწერა, მაგრამ მაინც ჩემი ნაწერის თავისუფლება შემშურდა. როდის იქნება ის დღე, როცა მეც მავთულხლართების მიღმა გავჩნდები.

აქაურობას მაინც გაზაფხულის გამოღვიძება შევატყვე. რამდენიმე დღის წინ ბანაკს ყვავების გროვამ გადაუქროლა. ეს აქაური მერცხლები თუა. თავისუფალ ტუნდრაში მავთულხლართებს მიღმა ჭუჭა და მეჩხერი არყის ბუჩქებმა თოვლ-ჰყაპიდან ამოჰყო პატარა თავი. ასე რომ, აქაც, ამ დაწყევლილ ჩრდილოეთში, ბუნებას აღორძინება შეეცყო. ეს კი სიცოცხლეა, მართალია, უღიმამო; როგორიც აქაური პატიმრებისა მაგრამ მაინც მომავლის მოლოდინში კვლავ აღორძინების.

გაზაფხულის სურნელი ჩვენდაუნებურად ხალისს გვმატებს და გვამაგრებს.

შინდა ვიყვირო, საქართველოს გაზაფხული მენატრება-მეთქი. თავს ვიმაგრებ, ჭერ კიდევ მოთმინება მშველის.

ვშრომობთ და ვცხოვრობთ ძველებური რეჟიმით. შინ როგორა ხართ? დედა როგორ არის, ჩემი გამოგზავნილი ფული თუ მიიღო? რა ვქნა, ბულატერიის ტყვეობა ძნელი ყოფილა. სხვას თუ არ ჩავთვლით სათვალავში, ჩვენს ახლომახლოში ამნისტიით ხალხი სამშობლოში, საკუთარ კერაში ბრუნდება. ჩვენს ბანაკში კი ჭერჭერობით ამის შესახებ ჩამიჩუმი არ ისმის. ფიქრობ მაისში უნდა გაირკვეს ყველაფერი, მაგრამ დარწმუნებული ვარ, რომ ეს ამნისტია მართლ ქურდებისათვის არის, პოლიტპატიმრებზე არ ვრცელდება. ჩვენი ამნისტია ალბათ ამ წყობის დამხობაა. ისე ჩვენი ამტა-

ნობა და გაძლება საჭირო. ვინცობა ბედმა არ გაგვწირა, შეიძლება ოდესმე ჩვენც შემოვიბრუნოთ ცხოვრება.

თუ კეთილი მკურნალი ნახოთ ვინმე, წიგნები გამოატანეთ, ახალი ქართული წიგნები მომენატრა. ჩემი „გმირთა ვარაზის“ პირველი წიგნიც გამომიგზავნეთ ნაბეჭდი გადასაკითხავად.

აბა, კარგად იყავით. სულ კარგად. გკოცნით ბევრს. თქვენი ლევაანი“.

„ჩემო კარგებო!

27. III. 53 წ.

კიდევ მომეცა შესაძლებლობა და ისევ გწერთ. ამის მომტანი თქვენი ნაცნობი ექიმის—დავით კვიციანიშვილის ცოლისდაა. მან ქმარს, დავით იმნაძეს ჩამოაკითხა და მოინახულა. აქაურ ამბავს ზოგადად ის გეტყვით, კერძოდ კი მე გწერთ.

სტალინის სიკვდილის ცნობამ შეძრა აქაურობა და მთელ ბანაკებს ელვის სისწრაფით მოედო. ყველაფერი ყირაზე შედგა, თვალის კუთხე, გულის საზომი, გრძნობის ნაწაფი, შეჭიუტებული გონება.

შეი! საუკუნის სამრეკლოს ჩამოსცილდება მძიმე ტირანია... იქნებ გვეშველოს რამე?

ბანაკში უსაშველო ლოდინით და უსამართლობით მოთენთილმა და გამწარებულმა პატიმრებმა სტალინის სიკვდილზე მრავალმხრივი არათანაბარი რეაქცია გამოხატეს. ერთმანეთს ენაცვლებოდა და ერეოდა უკიდურესად დიდი შიში: სტალინის სიკვდილის შემდეგ რა იქნება და, მეორეს მხრივ, არნახული სიხარული სიკვდილის გამო, რომ ახლა ნამდვილად რაღაც გვეშველებოდა.

ბევრმა გამოავლინა მწუხარება თუ უიმედობა, შეძრწუნება თუ აღელვება, აღშფოთება თუ კრულვა და ლოცვა, მონანიება, პატიება, სასოწარკვეთილება და სხვა. მოკლედ, აირია ბანაკი. ბევრი ის ვაჟკაციც იც-

რემლებოდა, ვინც სტალინის სიკვდილზე ოცნებობდა და იწყევლებოდა. ბევრ ვაჟაკს კი დაუმალავად თვალზე სიხარულისა და იმედის ცრემლი აუციმციმდა. სამშობლოს ნახვის უიმედობა ახლო მომავალში თითქოს რეალურ საქმედ გადაექცათ.

ბანაკში ყველას მძიმე ლოდად შემოგვაწვა — როდემდის უნდა მოვითმინოთ ასეთი თვითნებობა. ბევრი ცალკეული პატიმარი აბობოქრდა, აყვირდა, ნერვებზე მოიშალა, ეს კი, მით უფრო ახლა, სიკვდილს ნიშნავს. ბევრის დაშოშმინება დამჭირდა თვითონ აღშფოთებულს. გულში დიდი ცეცხლი მეკიდება, დარწმუნებული ვარ, რომ მარტო სტალინის სიკვდილი ვერ შეცვლის ამდენი ხნის მძიმე პოლიტიკურ წყობას, ბანაკურ, არაადამიანურ რეჟიმს. ნამდვილად მომავლის იმედი ჩამეფერფლა, მაგრამ ერთი მტკიცედ ვიცი, მე და ბევრი ჩემისთანა ასეთი ჩახეული ცხოვრების გაგრძელებას ველარ გავუძლებთ. ისე მომბეზრდა ასეთი მონური თავიცა და გარემოცვა, რომ — ან თავისუფლება, ან სიკვდილი!

ამ მძიმე, აუტანელი რეჟიმით და შრომით გამაიმუნებულად მივიფხობებით. ათასჯერ ვრწმუნდები, რომ აქ ადამიანობა იყარგება, ის იმდენი წინააღმდეგობისა და სხვადასხვა გადმონაშთის შენადული ხდება, ყოველმხრივ იზარება და ტყდება. მის შენარჩუნებას კი ძლიერი ნებისყოფა და, ალბათ უხილავი, მე-8 გრძნობის მომძლავრება სჭირდება.

ჩემი შფოთიანი ცხოვრების გზაზე ყველა ჩემი საზომი მოსხლეტილი და შებასრული აღმოჩნდა. მთელი ჩემი დანაშაულიც ესაა. და ამ სიმართლეს აღფრთოვანებით ვხვდებით, ხოლო ცუდს, სიცრუეს, ერის დამცირებას, მამულის დამონებას — დუბჭირ-აღშფოთებით. მე ახლაც ადამიანი ცოცხლად და მოქმედად მწამს და არა გუბეში მჯდარ ცივისისხლა მჭერეტელად. და ეს მსოფლმხედველობა ყოველთვის მიმჩნია მართებულად.

როგორც გწერდით, ქალაქ ვორკუტას დიდი მომავალი აქვს. აქ აურაცხელი ქვანახშირის საბადოა და მიმდინარეობს ქალაქის გიგანტური მშენებლობა. იბურღე-

ბა მაღაროები, შენდება ქარხნები, ბუნკერები, მიწის-
ქვეშა ელექტროსადგურები და სხვა ნაგებობანი. უფა-
სო მუშახელი ხომ მრავლად არის, პატიმრებს უმოწყა-
ლოდ ამუშავებენ. არიან ისეთებიც, რომლებსაც მის-
ჯილი აქვთ ღლე და ღამე მძიმე შრომა და მაღაროში
ცხოვრება.

ამრიგად, მაღაროების გარშემო პატიმართა უდიდე-
სი სამფლობელოა, 200 ათასზე მეტი პატიმარი ცხოვ-
რობს ამ ბანაკებში. წარმოიდგინეთ რამდენი პატიმარია
კავშირში.

ბანაკები სხვადასხვანაირია: არის შერეული ტიპის
ბანაკი, როგორიც ჩვენია. აქ ხშირად ჩვენ კატორღე-
ლებთან გვეერთიანებენ, გვიკარგავენ გვარსა და სახელს
და მის ნაცვლად ჩავგხაზავენ ნომრებში. ამ ბანაკში გა-
ერთიანებული არიან პატიმრები, რომლებსაც მისჯილი
აქვთ 10—15—20 წელი. ბანაკში არეულია პოლიტიკუ-
რი პატიმარი, ქურდი, კაცის მკვლეელი, სამამულო ომ-
ში ტყვედ ჩავარდნილი ახალგაზრდები. ზოგს გერმა-
ნელებთან თანამშრომლობას აბრალებენ, თუ გინდა
იძულებით, სიცოცხლის შენარჩუნების მიზნით? უცხო-
ელები, ემიგრანტები. მათ შორის ბევრია უდანაშაულო
ხალხიც.

აქ, სამეზობლოდ, იზოლატორებში, ბორკილებში ჩა-
ჭედილი პატიმრებიც ჰყავთ. მართალია, მათ ჩვენ არ
ვხვდებით, მაგრამ მათ შესახებ ვიცით ყველაფერი, ღამ-
ღამობით ჭგუფ-ჭგუფად თანდათანობით ანადგურებენ
და ხვრეტენ მათ.

წინა წლებში პოლიტიკურ პატიმრებსა და ქურდებს
შორის დიდი ჩხუბი, მუშტი-კრივი იმართებოდა. მეც
ბევრჯერ მომხვედრია საკმაოდ ლაშათიანად, ჩხუბს ჭერ
მუშტი-კრივით ვაშოშმინებდი. მერე კი ისე მიჭერებდ-
ნენ, რომ ჩხუბის შეჩერებისათვის ჩემი შეძახილი ან
საერთოდ ჩემი გამოჩენაც კი იყო საკმარისი.

ახლა თქვენ წარმოიდგინეთ, როგორი ავტორიტეტით
ვსარგებლობ ქურდებში.

აქ ჩემს მიმართ ხუმრობითაც ამბობენ: ბატონი ლე-
ვანი, ჩვენი ბერმუხა, აღმზრდელობით მუშაობას ატა-

რებს არა მარტო პოლიტიკურ პატიმრებში, არამედ ქურდებშიაცო. ისინი გადაიბირა და პოლიტპატიმრული სულისკვეთება ჩაბერაო.

ჯერ ერთი, ჩემთვის ბერმუხის დარქმევა ხუმრობითაც უხერხულია, მაგრამ პატიმრებს შორის თითქოს მე ყველაზე უფრო დაბრძენებული ვარ. ალბათ ეს ჩემი შინაგანი ბუნების, ხასიათის და განწყობის ბრალია. მე არც კი ვიცოდდი, რომ სხვადასხვა კატეგორიის ქურდები არსებობს. ჩვეულებრივი „ქურდი“ და გაფუჭებული ქურდი — „სუკა“.

ბანაკში ქურდები დიდი უპირატესობით სარგებლობენ, თავისუფლად დადიან ქალაქში, პოლიტპატიმრებს ძალიან ჩაგრავენ. ვაი იმის ბრალი, ვისაც პირში ოქროს კბილი შემორჩა — თუ ნებით არა, ძალით ააძრობენ. ოქროს ვორკუტაში ანაშაში ცვლიან.

ბანაკში უცნაური შემთხვევებიც ხდება: ერთმა ქართველმა პატიოსანმა შემთხვევითმა ქურდმა ქართველ პოლიტპატიმარს ანკეტა გაუცვალა. ორივე მოგებული დარჩა — ქურდმა აღიდგინა თავისი სახელი, პოლიტპატიმარი ქურდის მაგივრად ადრე განთავისუფლდა.

როგორც გწერდით, ჩვენი ბანაკიდან თავის დაღწევა წარმოუდგენელია, ისეა გარშემო კარ-მაღამო მავთულხლართებით გამაგრებული. ბანაკს ირგვლივ სამ წყებად უვლის ურთიერთდაშორებული სხვადასხვა სიმაღლის რაგვი.

ამ რკინის მავთულხლართებს შორის ავტომატიანი ჩეკისტები დასეირნობენ. უკანასკნელი ღობის ყოველ 100 მეტრში აღმართულია 6 მეტრი სიმაღლის საგუშაგო და სათვალთვალო კოშკები, სადაც ჩეკისტები ტყვიამფრქვევებით არიან შეიარაღებული. ვაი, იმის ბრალი, ვინც მავთულხლართების მიღმა მოხვდება. არის ასეთი ბრძანება, რომ მას ესვრიან და იქვე გააგორებენ.

ვერც ქვანახშირით სავსე რონოდების შუაგულში ჩაძვრომით დააღწევს თავს პატიმარი. აქ, საუბედუროდ, წვეტიანი რკინის შუბებით არიან ჩეკისტები შეიარაღებული და გასვლის წინ ამოწმებენ რონოდას. ვაი, იმის ბრალი, ვინც იქ დამალულია — მას მძიმე სიკვდი-

ლი ელის. ამისთანა შემთხვევებიც ახსოვთ პატიმრებს.

მიუხედავად ამისა, ჩემი აქ ყოფნის დროს რამდენჯერმე მოხდა მცდელობა ბანაკიდან თავის დაღწევისა. შედეგი სავალალო აღმოჩნდა. უკიდვანო ტუნდრა საზარელია, მნახველია ბევრი ადამიანის უბედურებისა და ჩამომწერია ყველა ცოლვისა.

ერთ-ერთი ბანაკიდან პატიმრების ერთმა ჯგუფმა დიდი გვირაბი გათხარა და მავთულხლართების მიღმა გაჩნდა. გადაწყდა, ღამლამობით სამ-სამი პატიმარი გაქცეულიყო. პირველი სამეულის გაქცევის კეთილად დაგვირგვინების შემდეგ, სხვებიც მიბაძვდნენ და ასე ურთიერთდახმარებით წავიდოდნენ, ვინც გაბედავდა. სანამ ჩეკისტები ამ ამბავს გამოააშკარებდნენ, საწყალმა პატიმრებმა იოლად გადაწყვიტეს თავისუფლების მიღება. ეს კი მათ სიკვდილის ფასად დაუჯდათ.

მოხდა უკულმართობა: მთელი ღამე თავისუფალმა პატიმრებმა იარეს, იხეტიალეს, იბორიალეს, მხარე შეეცვალათ, გზა-კვალი აებნათ და დილას გარიჟრაჟზე, როდესაც ეგონათ სამშვიდობოს ვართო, ბანაკის მეორე მხარეს აღმოჩნდნენ. ისინი იმწუთშივე აღმოაჩინეს და იქვე დახვრიტეს. მერე კი ყველას დასანახავად ცხენებს მოაბეს და მკვდრები ტუნდრაში ახოხიალეს. ეს შემადრწუნებელი სანანავი იყო.

ვორკუტაში ქორწილებიც ხდება.

თავისუფალ გადასახლებაში მყოფ ხუჭუას საქართველოდან შესანიშნავი თავადის ქალი, საცოლე, თამარ წერეთელი ჩამოუვიდა. ყველანი ქართველები, უკლებლივ და ერთობლივ მისი ბედნიერებით ვხარობდით, სადღაც გვშურდა კიდევ. ჩვენც გვინდოდა ასეთი ბედნიერება, ახალგაზრდები ვართ, უცოლოები და ამისთანა საცოლეებს არც ერთი ჩვენგანი არ დავიწუნებთ, მაგრამ, დიახ მაგრამ!!! ამას ბანაკიდან თავისუფლად ყოფნა სჭირდება. ეს კი ჯერ შორს არის ჩვენგან. ქორწილისათვის ბიჭებმა დაიწყეს მზადება. წითელი ღვინო უბილისიდან ჩამოიტანეს — რუსები მას „კროვ-ზემლიას“ ეძახიან. მეძმარიაშვილმა კი ნ დედალი მოინადირა. მეძ-

მარიაშვილი ვანო შევარდნაძემ გამაცნო. მომეწონა, ახოვანი ახალგაზრდაა.

— მე ინჟინერი ვარ, მაღაროში ვმუშაობო, — ასე გამეცნო. შევარდნაძემ ჩუმაღ ჰკითხა: ბატონი ლევანი რატომ მოატყუილეთ. აბა ამხელა მწერალს, ჩვენს ბერძუნხას ხომ არ გავეცნობოდი — ქათმების ქურდი ვარმეთქი...

მოკლედ, ქართველების დახმარებითა და ერთმანეთის წყალობით ამ ჩრდილოეთის ბანაკებში ჩვენ რა დაგვკარგავს, თუ თვითონ ჩეკისტებმა არ დაგვკარგეს სამუდამოდ.

რაც შეეხება კვებას, წვენი ყოველთვის ნახშირით შავია. აბა რა გაათეთრებს შავი ლომ-ვეშაპის ხორცს, სამაგიეროდ ნოყიერია, იმდენი ცხიმი აქვს, რომ შავ ფონზე ყვითლად ლივლივებს. ვფიქრობ, ამიტომ არიან უამრავი კუჭ-ღვიძლით და სიყვითლით დაავადებულები. ზოგი პატიმარი ოცნებობს — ერთი კარგი, ქართული გემრიელი საკვებით გამაძლოს ღმერთმა და მერე მომკლას, თუ უნდაო.

„მახორკით“ მარტო ქურდებს აჩილდობენ ქვანახშირის ამოღების გეგმის შესრულებისთვის. პოლიტპატიმრებს კი ისე ამუშავენ, უმოწყალოდ. მერე კი ცენტრალურ გაზეთებში აღნიშნავენ — ვორკუტაში კომკავშირელებმა ქვანახშირის ამოღების გეგმას ბევრად გადააჭარბესო. ეს კი ყველაზე დიდი დაცინვა იყო ჩვენთვის. ხმას ვერ ამოიღებდი, იქვე საშიმშილო წვლების ჰალუპტვახტი მზად იყო.

ბანაკში ჩვენს გარშემო ჯაშუშებიც ბევრია. ყოველ ჭორს, რასაც მოჰკრავენ ყურს, პატიმრების გულსისწყრომას. აღშფოთებას თუ ჩხვილს — იმწუთშივე უფროსებთან ასმენენ.

მიუხედავად მძიმე პირობებისა, ქართველების მოსყიდვა ჯაშუშებად ვერ შეძლეს. ვფიქრობ, აქ მარტო ქართველებს აქვთ შემორჩენილი საკუთარი ღირსების გრძნობა და თავმოყვარეობა. აქ ქართველი კაცი ისე არ გათახსირდება, რომ ჯაშუში გახდეს, რაც მე ძლიერ მახარებს. ქართველებმა ჯაშუში ბევრჯერ გამოვიჭი-

რეთ. ამიტომ უცხო ტომის კაცს ჩვენთან არ უნდა ამ სახით ურთიერთობა. ამ უკანასკნელ პერიოდში კი ნამდვილად დაგვიჭირდა ჯაშუშის გამოქერა და ლაზათიანად გატყუება. ეჭვის მიტანისთანავე დავთქვიტ, თითქოს ერთ-ერთმა ქართველმა ჩუმად ბევრი ფული მიიღო. ერთი საათის შემდეგ ჩვენს ბანაკში დიდი ჩხრეკა ჩატარდა. რა თქმა უნდა, მარტო ქართველები გაგვიჩხრიკეს, ჯაშუშიც გაირკვა. ეს დღე იყო და ეს დღე, ჯაშუშებმა თავი დაგვანებეს.

აუ! რამდენ წვრილმანს გწერთ, მაგრამ აქ ამით იქმნება ჩვენი მძიმედ გადასატანი ცხოვრება.

ამბობენ, ახლო მომავალში ამინსტია იქნებაო, მაგრამ ეს ხომ მარტო ქურდებზე და ავაჯაკებზე ვრცელდება. მაინც გვიხარია — ყინული დაიძვრება. იქნებ ჩვენც გვეშველოს რამე, უფრო იმედინად ვართ.

ახლა ჩემი მუშაობის შესახებ: „გმირთა ვარამის“ III წიგნი ჩავამთავრე, ფეხმა აქაც „კვანტი“ გამომდო, მაგრამ ჩიქური გავწიე. ჯერ არ მეხერხება გამოგზავნა — ერთხელ მეც მინდა თავით ბოლომდე ჩავიკითხო, თორემ მეხსიერება აღარ მყოფნის.

ყველა ერთობლივ მომიკითხეთ, ვისაც ვახსოვარ და ვუნდივარ. ღია ბარათებს ხშირად ვაგზავნი. აბა, დინჯად იყავით და ერთმანეთს მოუარეთ. ცხოვრება დღითი დღე რთულდება. ხოლო წინ კიდევ მრავალი განსაცდელი გველის ყველას.

მაშ შენდება თბილისი? კარგია, კარგი, მაგრამ სულიერი სიცარიელის ამოვსება აგურით ვერასდროს მოხერხებულა! და ერთი მცირე, მაგრამ კეთილი ქოხი ათ ბროლის სასახლეს მაინც სჯობია!!!

აბა, იყავით კარგად, ჯანმრთელად, გყოცნით ბევრს. თქვენი ლ ე ვ ა ნ ი“.

არც ერთი წერილი უპასუხოდ არ დაშიტოვებია, მაგრამ ფოსტის ჭურღმულებს რა ამოავსებნს! ყველა ამანათი მივიღე. სამი წერილიც. მანდაური ამბებიც თითქმის ყველა ვიცი თითქოს დაინგრევა აქაური რეჟიმი? ათასი ამისთანა ჭორები მოსვენებას არ გვაძლევს. ჩვენთან კი სადღეისოდ ყველაფერი, თითქმის ყველაფერი, უცვლელი დარჩა. ახლომანლო და ირგვლივ ბანაკებიდან, აქაც გაუშვეს უამრავი ქურდბაცაცა. ესაა და ეს, ამით ჩათავდა საქმე. ჭერჭერობით პოლიტიკური პატიმრები დავრჩით უცვლელად. თუმცა თითქოს კიდევ არის მოსალოდნელი ღმობიერი ბრძანებები.

ვნახოთ! ვნახოთ! ჭერ კი „წყალნი“ წავიდ-წამოვიდნენ, ხოლო „ქვიშანი“ ადგილზე დარჩნენ! ჩვენი ბანაკიდან სულ ხუთი კაცი გავიდა. „ათასზე-ერთი!“ ისიც ქურდი — რეციდივისტი.

ჭორები კი აქაც ბევრია და სუყველა თავისუფლებას ეხება! მაგრამ ჭორი ეკალ-მავთულს არ უანგავს!

ასე რომ, მხოლოდ ლოდინი და სხვა არაფერი. მოთმინება ასწლიან ვადაზე უფრო ძლიერია!

ჯანმრთელობის მხრივ გაცილებით უკეთესად ვარ. ალოე საოცრად მომიხდა. ჭოხიც კი გადავაგდე. ყრუ ტკივილები კი, ჩანს, სამუდამოდ დამრჩა ფეხში, მაგრამ, პირვეული ცოლივით მივეჩვიე და ვითმენ. ახლადა ვაფასებ თბილისისა და წყალტუბოს აბანოებს!!!

იქ მოხვედრაზე ვოცნებობ, თუ შეღირსა.

თქვენ როგორ ხართ ყველანი? კოლიას წერილები აკლია, ერთი გაიგეთ, რაშია საქმე. ახლო ნაცნობებიდან თუ გაათავისუფლეს ვინმე? საწყლები, როგორ ტყუილუბრალოდ აწვალეს, სად არის სამართალი. რა არის ახალი მწერლობაში თუ თეატრში?

რამდენიმე მნათობში წავიკითხე „ვაზის ყვავილობა“. არ მომეწონა. ასეთ დიდ მწერალს, შესანიშნავი ნაწარმოებების ავტორს, ეს არ გამოუვიდა. შესაძლებელია ეს

კანონზომიერიც იყოს, ყოველთვის შედეგების წერა შეუძლებელია. ქართული პროზა და პოეზია, მე ვფიქრობ, მცირედი ხარვეზებით მაინც თავის სიმალლეზე დგას და იფურჩქნება.

მე ჯერ ძველ ადგილზე ვმუშაობ, მაგრამ, ჩანს, აქაც იქნება ცვლილებები.

აბა, იყავით კარგად, გკოცნით, თქვენი ლ ე ვ ა ნ ი“.

ლევანისაგან უკანასკნელი წერილი 4 ივნისს მივიღეთ. შემდეგ შეწყდა მიწერ-მოწერა. სახლში საშინელი სევდა ჩამოწვა, ალბათ ლევანი სხვა ბანაკში გადაიყვანესო, ვფიქრობდით.

ლევანს ყოველთვის ამის ეშინოდა. ამ ღრმა მალაროში, ქვესკნელში ფრიად კარგად ააწყო თავისი ლიტერატურული მუშაობა. სულ წერდა და წერდა. ამით ცოცხლობდა და დროსაც აღარ ითვლდა. ახლა კი მის შესახებ არაფერი გიცოდით. თინამ ვალიკო ჭუმბურიძეს დეპეშა გაუგზავნა, პასუხიც მალე მოვიდა. ლევანი ჯანმრთელად არის, გადაყვანილია სხვა ბანაკშიო.

ცოტა ხანში ლევანისაგან არაოფიციალური ბარათიც მოვიდა, ვ. ჭუმბურიძემ გამოგვიგზავნა:

„ჩემო კარგებო! კარგად, ჯანმრთელად ვარ. ჩემი საჩარიმო ბანაკში გადაყვანა გაფიცვებთანაა დაკავშირებული. კიდევ კარგად დავაღწიე თავი და გადავურჩი სიკვდილს. ქართველებს მძიმე დღე გაგვითენდა. უბრალო გაფიცვა სისხლისღვრაში გადაიზარდა და დიდი მსხვერპლიც გაიღო. ბევრ პატიმარს ვადა დამთავრებული ჰქონდა, ბევრს ვადის დამთავრებას ცოტაღა აკლდა. მომავალს დიდი იმედის თვალთ შევცქეროდით. მართალია, სრული განთავისუფლების და სამშობლოში დაბრუნების იმედი არ გვქონდა, მაგრამ ამ საშინელი ბანაკიდან თავის დაღწევას მოუთმენლად ველოდით. შეიძლება არ ვყვიროდით, მაგრამ თავისუფლების მოლოდინს, როგორც ერთი, ყველა გულის სიღრმეში დიდი

სასოებით და მტკიცედ ვინახავდით. რა ვქნათ, ეს არის ყველა ჩვენთაგანის ხვედრიცა და ბედიც.

კარზე მომდგარმა გაფიცვამ კი ჩვენ, სიკვდილს სასწაულად გადაჩენილი პატიმრები, სასწორზე დაგვაყენა და სიკვდილს პირისპირ შეგვანხვებდა. ადამიანი, ვინც არ უნდა იყვეს, ამდენი წვალების გადატანის შემდეგ სიკვდილისათვის დასანანი. ეს არის ბედის შეუვალობა, გვერდზე გვრჩებოდა ვადის დამთავრებაც და თავისუფლებაც.

გაფიცვაში, როგორც ერთმა, ყველამ მივიღეთ მონაწილეობა. სულ უბრალო, ადამიანური მოთხოვნა წარუღებინეთ მათ.

ძნელი წარმოსადგენია, ჩემი წაბინდული ბანაკი როგორ ყალყზე იყო შემდგარი. საოცრად ჰგავდა გამძვინვარებულ, ნადირით სავსე ბუნაგს, ვიდრე გასაცოდავებული პატიმრებით სავსე სამყოფელს.

როგორც ერთი, ყველანი ბრძოლის სულისკვეთებით ვიყავით გამსჭვალული და გამარჯვებისათვის ყველა თავს დავდებდით კიდევ. ესეც პატიმართა დაუწერელი კანონია. ყველაფერს შემდგომში დაწვრილებით შეძლებისდაგვარად მოგწერთ.

გკოცნით. ლ ე ვ ა ნ ი“.

გაფიცვა და სისხლისღვრა ლევანმა ძალიან მტკიცეულად გადაიტანა. ამის გახსენებაც უჭარდა, მაგრამ ზოგჯერ მოკლედ იტყოდა: წარმოუდგენელი, საშინელი, ენით აუწერელი საქმე ჩაიდინეს ბანაკის ადმინისტრაციამ, გუშაგებმა, ჩეკისტებმა და დამცველმა ჯარმაო. „მათი საქციელი შეაძლება მართო ბარბაროსულ ქცევას მიეკუთვნოს, ძნელი წარმოსადგენია, როგორი მძიმე ტრაგედია დაატრიალეს. ალაღმარალო, გასაცოდავებულ პატიმრებს, სულ უბრალო ადამიანური უფლების კანონიერი მოთხოვნის გამო ტყვიამფრქვევება და ავტომატები დაგვიშინეს და გაგვანადგურეს. სისხლის ზღვა დააყენეს, ჩემს გარშემო თითქმის ყველა მოიცილა. მე როგორ გადავრჩი, წარმოუდგენელია. ხალხის ღრიალი, კვნესა, კვილი, აღშფოთება, წყევლა და კრულვა ცას სწვდებოდა,

ყურთასმენას ახშობდა. ერთ წუთში განახევრდა ბანაკი. ათასობით ხალხი დაიღუპა. უსამართლობა და თვითმმართველობა იგივე დარჩა და უფრო ღრმად გაუშვა თავისი შოვინისტური ფესვები. ვაგლახ, რა გარემოცვაში ვართ ჩავარდნილი, საშველა არ არის“.

„გაფიცვის დაწყებას საფუძვლად დაედო ის, რომ მეზობელ მალაროში ბანაკის იზოლიატორში, ზედამხედველმა პატიმარი მოკლა (თავში საკნის მძიმე ბოქლომი ჩასცხო), — გვიყვება ყოფილი პატამარი შოთა შავგულიძე, — ჩვენი საკონცენტრაციო ბანაკის პირობებში ვერ წარმომედგინა, თუ ვინმე გაიფიქრებდა მაინც საყოველთაო გაფიცვას. ახლა კი მოხდა სასწაული. ყველაფერი მოულოდნელად დაიწყო. ქართველები მოვლენათა ცენტრში მოვხვდით. მოკლული პატიმარი ბალტიისპირეთელი აღმოჩნდა. მათ მოითხოვეს მიცვალებულის რელიგიური წესით დასაფლავება. აღმინისტრაციამ მათი თხოვნა უარყო. მიცვალებულა ორ ფიცარზე დადეს და მავთულხლართებს მიღმა, სადაც საერთოდ ასაფლავებდნენ პატიმრებს, იქით წაიღეს. საგუშაგოსთან შეჩერდნენ. აქ გუშაგმა ყველას თვალწინ მიცვალებულს მხეცურად სამჭერ გულ-მუცელში ხიშტი ჩასცხო — ჩახვრიტა (ნამდვილად სიკვდილის დადასტურებას მიზნით აქ ასეთი ბარბაროსული წესია მიღებული). ამან პატიმრებზე საშინელი, შემზარავი შთაბეჭდილება მოახდინა. მიცვალებულზე ასეთმა ბარბაროსულმა მოქცევამ ყველა ააფეთქა, მძიმე უკმაყოფილობის გრძნობა გამოამყვანა. შიშის გრძნობა და მოთმანება უცებ დაიკარგა. იმწუთშივე დაიწყო გაფიცვა. პატიმრებმა ზედამხედველისა და გუშაგის დასჯა მოითხოვეს. ეს ამბავი ელვის სისწრაფით წოედო ყველას.

ესტონელებმა იმ ბანაკში სამგლოვარო პროცესია გამართეს, ჩვენს ბანაკში დასავლეთ უკრაინელმა მღვდელმა მიცვალებულს პარაკლისი გადაუხადა, პატარა ჯგუფის ირგვლივ რკალი ელვის სისწრაფით შეიკრა და გაიზარდა. უკმაყოფილება მწვავედებოდა. ესტონელებს სოლადარობის მიზნით თანაგრძნობა გამოუცხადეს სხვადასხვა ეროვნების პატიმრებმა, მათ ქართველებიც შევეურთდით. რა თქმა უნდა, ამ მოძრაობაში ძალიან აქტიურად ჩაება აღმფოთებული ლევანიძე.

ლევანს, როგორც პროფესიონალ პოლიტპატიმარს, დიდი

ავტორიტეტი და გავლენა ჰქონდა ჩვენს პირობებში მყოფ ყველა ეროვნების პატიმრებს შორის. ეს შეუმჩნეველი არ რჩებოდა ბანაკების მმართველ აპარატს და ლევანი მულამ საგანგებო თვალყურისა და მეტისმეტი ზედამხედველობის ქვეშ იმყოფებოდა.

გაფიცულთა ჯგუფი მნიშვნელოვნად დადებოდა. მას ყოველი კუთხიდან უერთდებოდნენ აღშფოთებულები. გაფიცვამ მოიცვა მთელი მალაროები. იქვე წარმოიშვა საგაფიცო კომიტეტი, რომელმაც წამოაყენა სრულიად კანონიერა მოთხოვნები. ვითხოვდით: 1) ბანაკში ადამიანურ მოქცევას; 2) ბანაკის ადმინისტრაციისა და თანამშრომელთაგან პატიმრებს მიმართ აღვირაზსნილობისა და თვითნებობის აღკვეთას; 3) ვადადამთავრებული პატიმრების სამშობლოში გაშვებას; 4) საბანაკო პირობების გაუმჯობესებას და სხვ. საგაფიცო კომიტეტი მოუწოდებდა საყოველთაო პოლიტიკური გაფიცვისაკენ. ფარული შიკრიკები გაუგზავნა სხვადასხვა მალაროში და ბანაკებში. დავით კვიციანიშვილის საშუალებით დახუსტდა საყოველთაო გაფიცვის დღე და საათი. როლანდ ვასკოს, მისი თანამემამულეებისა და ლევან ივოთუას სიტყვიერი წერილი გადადიოდა ბანაკიდან ბანაკში. ყველა პატიმარი, როგორც ერთი, უნდა გაფიცულაყო, სამუშაოზე არ გამოსულიყო, გარდა იმ პატიმრებისა, ვინც მალაროებიდან წყალს ქაჩავდა, რომ მალარო წყლით არ იგავსებულიყო და ელექტროენერგია არ შეწყვეტილიყო, რომ მალაროსთვის ზიანი არ შეეყენებინათ და ისევ პატიმრების თავსატეხი არ გამხდარიყო“.

გაფიცვის შესახებ სანდრო ჩიკოიძე ივონებს: „1953 წელს, სტალინის სიკვდილის შემდეგ, ბანაკში მკვეთრად შეიცვალა პატიმართა მსოფლმხედველობა, ბევრმა იფიქრა, მთავრობის პოლიტიკური სარბიელიდან ასეთი მძლავრი დიქტატორის გაქრობას ციხის რკინის კარებები უნდა უმალ დაემსხვებია, უამრავი უდანაშაულო პოლიტიკური პატიმარი იგათავისუფლებინა, მაგრამ არც პირველ ხანებში და არც 4 თვის შემდეგ რაიმე ცვლილება არ მომხდარა. ცხადია, ვერც მოჰყვებოდა, მთელ ქვეყანას მოდებული „გულაგის არქაპელაგის“ სისტემის წინააღმდეგ რაიმე გადაწყვეტილების მიღებას და მის შეცვლას დრო სჭირდებოდა.

ბანაკში გამწვავდა ერთაშორისი ურთიერთობა, თავი იჩინა რუსულმა შოვინიზმმა, მდგომარეობა დაიძაბა, ხალხი აფორიაქდა: ყველა რაღაცა მოუთმენლობამ შეიპყრო. ამიტომ საჭირო იყო პატარა ბიძგი, რომ ასე უეცრად დიდი გაფიცვა და აჯანყება დაწყებულიყო.

სწორედ ასეც მოხდა — გაფიცვამ ერთდროულად ყველა ბანაკი მოიცვა და საყოველთაო ხასიათი მიიღო. ბანაკის აღმინისტრაცია ჯერ გვლანძღავდა და გვემუქრებოდა — სამუშაოზე გადით, თორემ თქვენს მიმართ მძიმე სასჯელი გვაქვს განსაზღვრული. ამაზე მეტი მძიმე სასჯელი რაღა უნდა იყოსო, რასაც თქვენ სჩადიხართო, უპასუხებდნენ პატიმრები. შემდეგ აღმინისტრაცია მოლბა და მუქარა თხოვნით შეცვალა, მოდიოდნენ მთავარი ინჟინრება, შახტის უფროსები, ჩეკისტები თხოვნით, მოგვიწოდებდნენ სამუშაოზე გასვლას. არაფრის გზით აღმინისტრაციას არ უნდოდა მიეღო ჩვენი მცარედი და სამართლიანა მოთხოვნა. ჩემი უბნის სამივე მაღაროში მემალაროელების გაფიცვას მშენებლებიც აპყვნენ. ამ 1000-კაციან კოლონას მეც შევუერთდი. მიუხედავად იმისა, რომ ნათლად ვხედავდი, თუ რა შედეგი შეიძლება მოჰყოლოდა ამას, განსაკუთრებით ჩემთვის, როგორც მშენებლობის უფროსი ინჟინრისათვის და თითქმის ყველასათვისაც. ჩემი პროგნოზები მთლიანად გამართლდა, მოხდა შემადრწუნებელი ამბავი — გაფიცვა სისხლით ჩაახშეს. პატიმრების მთელი ბანაკის ზონის ირგვლივ, სულ ახლო მანძილიდან, ტყვიამფრქვევებიდან ცეცხლი დაგვავარგეს — დაგვხვრიტეს. დაიღუპა და დაიჭრა უამრავი პატიმარი. შემდეგ ცოცხლები, ასე დახვრეტის მუქარით, მავთულხლართების მიღმა გაგვიყვანეს და იქ, ძალადობით სიკვდილის ფასად, გასაცოდავებულნი, შეშინებული და შეძრწუნებული პატიმრები, როგორც ერთი, ტუნდრის შავ მიწას გვამთხვიეს, მოგვატყუეს, მოგვდარაკეს. რამდენ ხანს ვიყავით ასე მიწას მიკრული, არ ვიცი. შემდეგ უშველებელი ორმოები გაგვათხრევინეს და დახოცილები იქ ჩაგვამარხვინეს. ეს ყიდევ უფრო მძიმე ამბავი გახლდათ. უსინდისობებმა ამდენი ხალხის სიკვდილი, ჩვენ, პატიმრებს, დაგვაბრალეს და ლანძღვა-გინებით კიდევ ჩვენ გვიჩავრდებოდნენ და გვირტყამდნენ.

გაფიცვის ორგანიზატორები და საგაფიცვო კომიტეტის

წევრები დააპატიმრეს. მე საგამომძიებლო იზოლიატორში მოუხვდი. 4 თვის შემდეგ, მე რომ გამათავისუფლეს, ლევანი ბანაკში აღარ იყო, ის საჯარბო იზოლატორში იჯდა“.

სანდრო ჩიკოიძე შემდეგ ისევ დააპატიმრეს და 1 წლით დახურულ ციხეში გადაიყვანეს. ლევანი იზოლატორიდან გამოსვლის შემდეგ მძიმე რეჟიმის ბანაკში გადაიყვანეს.

„გაფიცვის პერიოდში ჩემი და ლევანის შეხვედრები უფრო ხანგრძლივი გახდა, — განაგრძობს სანდრო ჩიკოიძე. — ორივემ კარგად ვიცოდით, თუ რა მძიმე გარემოცვაში ვიმყოფებოდით და შეიძლება განწირულებიც ვიყავით. მაგრამ თავისუფლებისა და კანონიერი მოთხოვნის დაკმაყოფილებისათვის უკან დახევა აღარ შეიძლებოდა. ვერც კი წარმოგვედგინა და არც გვეგონა, თუ ასე მოულოდნელად და უღმობლად ცეცხლს დაგვაყრიდნენ თავზე“.

„ცხოვრებიდან წავიდა უამრავი უდანაშაულო ადამიანი, ამის გამკითხველი კი არავინ იყო, — გულისტკივილით ამბობდა ლევანი, — შეიძლება კი, რომ უიარაღო ხალხი ასე არ დაინდო? მარტო ჩვენს სახელმწიფოში ხდება ეს. გაშეშებული, უფრო დაუძღვრებული პატიმრები, ზოგი ვაჟაკის შემზარაფი ცრემლით, ზოგი კი გამშრალი, უცრემლოდ განიცდიდა და დასტიროდა ტრაგიკულად დაღუპულ თანაბანაკელებს. სწორედ თითქოს საგანგებოდ იყო სროლა წარმართული, რომ ცხოვრებიდან წასულიყვნენ საუკეთესო ადამიანები. ოხ! ვინ აგებს პასუხს ამ დანაშაულისათვის?“

„1953 წლის გაფიცვა, — შოთა შავგულიძის სიტყვებით, — უდიდეს პოლიტიკურ გაფიცვაში გადაიზარდა. ეს ძალზე დიდი მოძრაობა იყო. მან შეძრა არა მარტო პეჩორის აუზი, არამედ მოსკოვიც კი. კატორღულ შრომაში დაბეჩავებული პატიმრების გაფიცვა პროტესტის ნიშნად აღიმართა ხელისუფლების წინააღმდეგ. უკანასკნელ დღეს აღმინისტრაციამ გაფიცულებს მოსაფიქრებლად მოგვცა 3 საათი, შემდეგ კი მძიმე სასჯელით გვემუქრებოდნენ. გაფიცულებს იმედო ჰქონდათ, რომ, ბოლოს და ბოლოს, ჩვენს მოთხოვნას დააკმაყოფილებდნენ. მართალია, ჯალათები აყვნენ, მაგრამ მაინც ვინ წარმოიდგენდა, რომ ისინი ასეთ მასიურ ელექტას ჩაატარებდნენ. აღმინისტრაციამ ტანკებიც კი გამოიყვანა გაფიცულების გასადევნად ვაგაშორიდან (ასე ერქვა მაღაროს სადაც ლე-
398

ვანი მუშაობდა). რატომღაც საშინელი სისხლიანი ელექტა იქი-
დან დაიწყეს. მერე კი გადაჯოდნენ სხვა ბანაკებშიც“.

„საყოველთაო გაფიცვა შემზარავი და სისხლიანი გახდა, მაგრამ მაინც შელავათი მოგვიტანა, — იგონებენ შოთა შავ-
გულიძე, რეზო ტყავაძე და სხვები, — გაფიცვიდან ერთი თვის
შემდეგ ტანსაცმლადან ნომრები მოგვხსნეს, უღვაშებისა და
თმის ტარების უფლება მოგვცეს. ბანაკებში მედიკამენტები
შემოიტანეს და, რაც მთავარია, ვადაგასული პატიმრები გა-
ათავისუფლეს და ვორკუტაში თავისუფალ გადასახლებაში
გაუშვეს. ბანაკის გარშემო მართალია, მავთულხლართები და-
ტოვეს, მაგრამ ტყვიამფრქვევები და ავტომატები მოაცილეს.
შემდეგ პატიმრებს თავისუფალი სიარულის უფლებაც მოგვ-
ცეს. ჯამაგორიდან თანხის 35%-ის ხელზე მოცემას დაგვპირდ-
ნენ. ჩათვლებიც შემოიღეს: იქაურ 1 დღეს 2 დღედ ანგარი-
შობდნენ.

აქვე გვინდა მოვიხსენიოთ ჩვენა თანამემამულე, ერთად
ერთი ქალი, ქალბატონი თამარ ჭაფარიძე, რომელიც სამ მა-
ლაროში (მე-2, მე-12, მე-16) მუშაობდა (სწორედ მე-16 მალა-
როში მუშაობდა ლევანიც), მთავარი ინჟინრის თანამდებო-
ბაზე. მან ბევრი საფშირო და სასაკეთო საქმე გააკეთა ჩვენთ-
ვის, მიუხედავად ადმინისტრაციის სასტიკი რეჟიმისა და პი-
რადი დიდი რისკისა.

აჯანყების დროს თამარ ჭაფარიძემ მოითხოვა ბანაკში შესვ-
ლა, სადაც გაფიცულები იყვნენ შისი 3 მალაროს პატიმრები.
ღირექციას ძალაან ეშინოდა, რომ პატიმრები თამარს, რო-
გორც ადმინისტრაციის წარმომადგენელს, რამეს ავნებდნენ.
შესაძლებელია ამ ფაცხარებულ, დაუოკებელ ბრბოს თამარი
მოეკლა კიდევ. არავინ იცოდა, ვინ რას მოიმოქმედებდა. თა-
მარი დაჟინებით მოითხოვდა ბანაკში შეშვებას — იქნებ რა-
მით შევძლო პატიმრების დაწყნარებაო. მას იმედი ჰქონდა
ქართველებისა და ივანსაკუთრებით ლევანის, რომელიც აჯან-
ყებლის სათავეში მოექცა“.

„ადმინისტრაციამ საბოლოოდ თამარი ბანაკში შეუშვა.
გაფიცვის დროს თამარ ჭაფარიძე ერთდროულად ორ საქმეს
აკეთებდა, — იგონებს ყოფილი პატიმარი შოთა შავგული-
ძე, — გვეხვეწებოდა ყველას სამუშაოზე გასვლას. ეშინოდა
ადმინისტრაციას რაიმე საშინელო არ მოემოქმედა, გვეუბნე-

ზოდა მისი ნდობა არ შეიძლება, მეორე მხრივ კი გვამხნე-
ვებდა ქართველებს, საყოველთაო გაფიცვა მართლაც სისხ-
ლიანი უღელტეხილად დამთავრდა, ისე როგორც ქ-ნი თამარა ვა-
რაუდობდა, ეს იყო საშინელი ინკვიზიცია ჩეკისტების მხრივ.
ასობით უდანაშაულო ადამიანი დახოცეს მარტო ამიტომ,
რომ პატიმრები მოითხოვდნენ ადამიანად ცნობას და მცირე-
ოდენი პირობების გაუმჯობესებას.

თამარ ჯაფარიძის შვილი, რუსლანი, მაშინ 24 წლას სტუ-
დენტი, სტუმრად იყო ჩამოსული დედასთან. ის უნებლიე
მოწმე გახდა იმ დიდი ტრაგედიისა, რაც იქ დატრიალდა. ყვე-
ლაფერი მის თვალწინ მოხდა, ბევრი ინერვიულა და ავად
გახდა. ვერ წარმოუდგინა, რომ ასე უღმობლად შეიძლებოდა
ამდენი ადამიანის გაუღელტა“.

თამარ არჩილის ასულ ჯაფარიძის, ამ სათნო, ლამაზი,
ენერგიით აღსავსე, ვაჟკაცური ქალის ესოდენ დიდი და მძი-
მე შრომითი ცხოვრების გზა დამშვენებულია ბევრი საგმირო
საქმით და გამოხატავს ქართველი ქალის შანაგან ბუნებას,
მტკიცე ნებისყოფას, ძლიერ სულისკვეთებას, განუზომელ
შრომისუნარიანობას და უსაზღვრო გამბედაობას. ბავშვობა
უზბეკეთში — ფერღანაში გაატარა, სადაც მამამისი — არჩილ
ჯაფარიძე პროფესიით ფიზიკოს-მათემატიკოსი (ტიმირიაზე-
ვის მოწაფე), პოლიტიკური საბაბით გადასახლებული იყო
ოჯახანად.

1929 წელს თამარმა თბილისის უნივერსიტეტის საბუნე-
ბისმეტყველო ფაკულტეტი დაამთავრა. 1936 წელს ლენინ-
გრადის სამთო ინსტიტუტიც დაამთავრა. 4 წელიწადი იმუშავა
სახალინზე. შემდეგ მუშაობდა რუსეთის, უკრაინის, საქარ-
თელოს მაღაროებში, უკიდურესი ჩრდილოეთის — შპიცბერ-
გენის მიწა-წყალზე. 78-ე პარალელის მაღაროებში მუშაობა-
შიც მოსინჯა თავი. სადაც კი უმუშავია ქალბატონ თამარს,
ყველგან კარგი სახელი და მაღაროელთა მადლაერება დაიმ-
სახურა.

1952 წლის დასაწყისში თამარმა მუშაობა დაიწყო ქ. ვორ-
კუტის მაღაროებში მთავარ ინჟინრად, თავისუფალ დაქირა-
ვებულად. თამარი აღნიშნავს, რომ ქ. ვორკუტის ქვანახშირის
აუზი უდადესია საბჭოთა კავშირში. აქ ჭერჭერობით გათხ-
რილია 40 მაღარო და იძლევა დიდძალი რაოდენობის ქვანახ-
400

შორს, სადაც მძიმე, არაადამიანურ პირობებში ამუშავებდნენ 200.000-ზე მეტ პატიმარს. მათ შორის ბევრი იყო ქართველიც. ქალბატონი თამარა ცოცხალი მატრიანე და მოწმეა ყოველივე საშინელებისა, რაც იმ დროს ვორკუტაში ტრიალებდა პატიმართა ყოფა-ცხოვრებაში.

ქალბატონ თამარს, როგორც კი ჩავიდა მალაროში, მალაროელებმა „Королева угольной горы“ დაარქვეს და ძალიან კარგად მიიღეს.

ადმინისტრაციის წესის თანახმად, ყველა თანამდებობის პირს, ჰყავდა თავისი პირადი დაცვა 15 კაცის რაოდენობით. თამარისათვისაც მეორე დღეს დაცვა უნდა გამოეყოთ, მაგრამ წინა ღამეს, სრულიად მოულოდნელად და საიდუმლოდ, მე-2 ბანაკში, სადაც თამარი ცხოვრობდა, 6 პატიმარი თავს დაადგა და უთხრა:

— თუ გინდათ, რომ არავინ არაფერი გავნოთ, ჩეკისტ მცველებზე უარი თქვით და ყოველმხრივ დაგიცავთ და ჩვენს ნებობასაც დაიმსახურებთ!

თამარიც ასე მოიქცა. მეორე დღეს დაცვაზე უარი განაცხადა, რითაც გააკვირვა იქაური უფროსობა.

აი, რამდენიმე მოკლე ჩანაწერი თამარ ჭაფარიძეზე ლენინის წერილებიდან:

„ამ მკაცრ ბანაკში დღეს მშვიდობიანმა სიომ დაუბერა, ტერიტორიაზე გამოჩნდა ერთადერთი, საკმაოდ მოხდენილი და ლამაზი მანდილოსანი. ეს ამბავი მეუცხოვა, გამიკვირდა, და მეამა კიდევც. ქალბატონი ჩვენი თანამემამულე აღმოჩნდა და პასუხისმგებელ თანამდებობაზე მუშაობს მალაროში თავისუფალ დაქირავებულად. ვნახოთ, თუ გაამართლებს ჩვენს იმედებს და ცოტაოდენად დაგვეხმარება.

მთავარი ინჟინერი ქალბატონი თამარ ჭაფარიძე, ეს სათნო და ენერჯიული ქალი, ქართველებს დიდ დახმარებას გვიწევს“.

„აჰ, მალაროში, მთავარ ინჟინრად მუშაობს ჩვენი თანამემამულე მანდილოსანი. ის კეთილშობილი, ენერჯიული და უაღრესად მამაცი ქალია. გვეხმარება ქართველებს, განსაკუთრებით მე. მომაწყობს სამუშაოზე და მომცა საშუალება ლიტერატურული მოღვაწეობისა“.

თამარმა ბევრი კარგი საქმე გააკეთა პატიმრებს სასარ-

გებლოდ. მაღარო, რომელშიაც ის მუშაობდა, ძალიან მომგებ-
იანი იყო, ამიტომ ღირეჟციას პირდაპირ გამოგლიჯა სპეც-
ტანსაცმლის ყიდვის და ხმაზებუს ნებართვა პატიმრებისათ-
ვის. პატიმრები მეტად კმაყოფილი იყვნენ, ისინი მაღაროში
შესვლისას იხდიდნენ თავიანთ დანომრილ ტანსაცმელს და
მუშაობას დროს იცვამდნენ შემალაროელთა სპეცტანსაცმელს,
თითქოსდა აღადმიანები ხდებოდნენ, ნომრებით კი არ ეძახოდ-
ნენ, არამედ გვარებით, ამასთან, სველ ტანსაცმელს ტოვებდ-
ნენ და მშრალით ბრუნდებოდნენ ბანაკში. ეს კი ზამთრის პი-
რობებში დიდი შეღავათი იყო.

თამარ ჯაფარიძეს ბანაკში შესვლასას არ ჩხრეკდნენ, ამი-
ტომ შას ჰქონდა პატიმრების დანმარების შესაძლებლობა —
ბანაკში შეჰქონდა და იქედან გამოჰქონდა ბარათები ან სხვა
საჭირო საბუთები.

თამარი ლევანსაც ამარაგებდა რვეულებით, საწერკალა-
მით, ფანქრებით და მეღვინით. მისი აღმინუსტრაციისთვის და-
უინებული თხოვნით პატიმრებისათვის გაიხსნა საპარიკმახე-
რო.

მან შემალაროეებიდან პატიმრები ამოარჩია, დაამთავრე-
ბანა ერთთვიანი კურსები და გაანაწილა მაღაროში სამუშაოდ,
როგორც თვითონ ჩათვალა საჭიროდ. ლევანიც ამ ჯგუფში
მოახვედრა, მაღაროელის სპეციალობასთან ერთად მონტი-
ორობა შეასწავლა და მაღალი ძაბვის ელექტროსადგურში
გაამწესა სამუშაოდ, რისთვისაც ლევანი ძალიან ემადლიერე-
ბოდა. ასეთივე თანამდებობაზე სხვა მაღაროში დანიშნა შო-
თა შავგულაძე.

„სიკვდილი ყოველ დროს მძვინვარებდა ბანაკში, — იგო-
ნებს თამარ ჯაფარიძე, — პატიმრები იღუპებოდნენ ავადმყო-
ფობით, უჰმელობით, შიმშილით, სიცივით, თვითმკვლელო-
ბით და დახვრეტით, იყო თვითნებობითი დახვრეტის ხშირი
შემთხვევებიც. მაგალათად, თუ ზედამხედველს არ მოეწონე-
ბოდა რომელიმე პატიმარი, მტრისას, იმას გააქრობდნენ.
მკვლელობის სხვადასხვა გზა არსებობდა. მიზეზს ეძებდნენ.
მკვლელობის ერთ-ერთი ყველაზე იოლი ხერხი იყო ბანაკი-
დან გაქცევის მცდელობის მოწყობა. ბანაკიდან მაღარომდე
ტუნდრაში გავლით 3-კილომეტრიანი შემოსავლელი გზა გა-
დიოდა. აქ შემოხაზული იყო წითელი ზოლი, რომლის იქით

ნახევარი ნაბიჯის გადაღმაც გაქცევის მცდელობად ითვლებოდა. ზედამხედველები განწირულ პატიმრებს უკანა რიგში ჩააყენებდნენ, მათ ვილაცა მოულოდნელად ხელს გაპკრავდა და ამ ხაზს იქით გააგდებდა, მას იმწუთშივე იხვრეტდნენ. გვამს იქვე, წითელ ხაზს იქით ტოვებდნენ. ყველაფერი თითქოს გამართლებული იყო. სპეციალური სასიკვდილო მანქანაც არსებობდა. განწირულებს უკანა მწკრივში დააყენებდნენ, უკნიდან მანქანას დააჯახებდნენ და გაჭყლეტდნენ. ამ მანქანის გამოჩენა ყველას შიშს ჰგვრიდა. ამ უსამართლო სიკვდილს უყურებდნენ პატიმრები და შიშით სიტყვას ვერ ძრავდნენ“.

თამარმა პატიმრებას დახმარება განიზრახა — ბანაკებიდან შადაროში მისასვლელ გზაზე ბევრი დრო იკარგებო, განუცხადა მან ადმინისტრაციას და მოკლე ხის გადასასვლელი ხიდი ააშენებინა პატიმრებს — ამით მოსპო თითქოს „გაქცევის“ და დახვრეტის შესაძლებლობა. ზამთარში, ყინვებში კი პატიმრებს მნიშვნელოვნად შეუმცირდათ გასასვლელი მძიმე მანძილი, მათ აღარ სჭირდებოდათ სიცივეში და ქარიშხალში ტუნდრის ყინულოვანი მძაბე გზის გავლა.

ვორკუტაში ბანაკებში არსებული საშინელი წამების მოწმეც გახდა თამარი. არსებობდა გაძლიერებული რეჟიმის წამება, სადაც თითქოსდა პატიმრებს აცმევდნენ „დასამორჩილებელ პერანგს“, რაც შემდეგში მდგომარეობდა: პატარა რზოლატორს გაახურებდნენ 50—60°-მდე. „მოსარჩულებელ“ პატიმარს წინასწარ აცმევდნენ მლაშე თევზს, იქ დაამწყვდევდნენ და გარეთ წყალს მოუშვებდნენ, რომ წყლის ჩხრიალს გაეგეიებინა მოწყურებული პატიმარი. ან პატიმარს ხელ-ფეხს წრიულად ზურგზე ისე შეუყრავდნენ. თითქოს გორგოლაქში იყო და ბოძზე ჩამოკიდებდნენ. იყო სხვა გასაიდუმლოებული ფორმები პატიმართა საწვალეებლად და მოსაკლავად. თამარმა სასტიკი ბოიკოტი გამოუცხადა ბანაკის ადმინისტრაციას ასეთი საქციელისათვის, მას აპყენენ სხვა ინჟინრებაც — პატიმართა ეს წამების წესები ბარბაროსობაა და მარტო ინკვიზიტორების საქმეა, რაც არ შეიძლება XX საუკუნეში გამოვიყენოთო. დაემუქრა, მე ამის შესახებ ახლავე მივწერ უფროსებს მოსკოვშიო. ადმინისტრაციას ძალიან შეეშინდა, ამ ქალმა მართლა არ მისწეროს თავის თანამემამულეს — სტალინსო. მერე გამოირკვა, რომ წამების ეს საშინელი წესები

ამ ბანაკებში თვითნებურად იყო დაწესებული. იმწუთშივე მოსპეს წამების იზოლატორი, რვი ყველას დასანახად დაანგრიეს.

ბანაკში მძიმე ავადმყოფებსაც ხვრეტდნენ, მათი მოვლისა და ხანგრძლივი მკურნალობის თავი არავის არ აქვსო, მარტო ზარალის მომტა არიანო, თავს იმართლებდნენ ჩეკისტები. თამარი ამის წინააღმდეგაც გამოვიდა — ჩვენ გეჭირდება უფასო მუშახელი, ავადმყოფებს კარგად უნდა ვაჭამოთ, ვუმკურნალოთ, მოვარჩინოთ და მერე მაღაროში ვამუშაოთო. მას სხვა თანამშრომლებიც დაეთამშხნენ და ასე მართლაც ბევრი პატიმარი გადაურჩა სიკვდალს. თამარის მეუღლესაც მაღაროში მუშაობდა მთავარ მექანიკოსად და დიდი ავტორიტეტით ჰქონდა.

თამარი იგონებს ხის გრძელ ნაგებობას, სადაც ხის ორსართულიან ნარებზე 150—200 პატიმარი იყო შეყრილა. ჩაღის ლეიბებზე ძველ, გაცვეთილ ფლანელის საბნებს ქვეშ ზამთარში, ქარბუქის დროს, იყინებოდნენ კიდევ. მართალია, ბარაკის შუაგულში ლუმელის მაგივრად კონსერვის დიდ კოლოფში მთელი ღამე ცეცხლი ენთო (ტორფით ან ქვანახშირით), მაგრამ ქარბუქის დროს ეს არ ყოფნიდა. კარები ვარედან ბოქლომით იყო ჩაკეტილი. პატიმრები სამუშაოდან სველა ტანსაცმლით ბრუნდებოდნენ, ვერ ასწრებდნენ გაშრობას და ისევ სველს იცვამდნენ. უმრავლესობას მანქანის საბურავებისაგან ჰქონდა ამოჭრილი და ამოკერილი „ფეხსაცმელები“. ყველა სიკეთესთან ერთად ხშირი იყო სხეულის გაყინვა და კიდურების მოყინვა.

ბანაკში თამარმა მისვლისთანავე ქართველები მოიკითხა... ქალბატონი თამარი იგონებს:

„ერთ დღეს მაღაროში ჩასვლისთანავე ქართველი შევამჩნიე. მან ქართულად ჩამჩუქრჩულა, მე მწერალი ლევან გოთუი ვარო. მართალია, მე უკვე მას შესახებ ყველაფერი ვიცოდი, მისი აქ ვორკუტაში მოხვედრიდან დაწყებული დღემდე, მაგრამ არ ვიცნობდი, რადგან ის დანომრილი იყო — მხრებზე, მკერდზე, ბეჭებზე და ორივე ბარძაყზე ნომერი ეწერა. ლევანის შესახებ ქართველებმა მიაძებეს, ვორკუტაში რომ აღმოჩნდა 1947 წელს, სასიკვდილოდ განწირული ყოფილა. ასე მოახსენიებდნენ მათ, ადამიანებად არ თვლიდნენ, ვინაიდან

„განსაკუთრებით საშიშ“ პოლიტიკურ პატიმრებად ითვლებოდნენ. იზოლაციაში იყვნენ შემწყვდეულნი. ამ ეტაპიდან უმრავლესობა სურაევანდით იყო დაავადებული და ბევრი დაიღუპა კიდევ პირველ ხანებში, ბევრი კი ძალით გაანადგურეს.

სურაევანდი ჩრდლოეთის საშინელი დაავადებაა, რომლის მსგავსი სხვაგან არ მეგულება და არც გამიგია, — ფულისტივილით ჰყვება ქალბატონი თამარი. — ეს ჩრდილოეთის პატიმრებში გავრცელებული სენია ავტამინოზისა და კლიმატური პირობების შერწყმის შედეგად. ეს მარტო კბილების მორყევა და ცვენა როდია, მას ახლავს კონიუნქტივითი მუდმივი სურდოთი, ცხვირ-ხახის ლორწოვანი გარსის ანთება დიდი გამონადენით, მახრჩობელა ხველა, ენის შესივება და გამოვარდნა. ეს არის მთელი ორგანიზმის დაავადება — საერთო გასივება, ჭარბი გამონაყარი ბუშტუკებით და ჩირქოვანი სუნინანი გამონადენით; განსაკუთრებით კიდურებზე კანის დასკდომა, სისხლდენა, მოკლედ, ასეთი ავადმყოფი, შე ვფიქრობ, კეთროვანს უფრო ჰგავს. ლევანსაც ჰქონდა სურაევანდის დაწყებითი ნიშნები — კბილების ცვენა, გასივებული ენა და დაწყებული ფეხები. იქაურმა ქართველმა ექიმებმა დავით კვიციანიშვილმა, ძაძამიამ, ნიკო მღებრიშვილმა და სხვა ქართველებმა დიდი დახმარება გაუწიეს და სიცოცხლე შეუნარჩუნეს.

ლევანმა ჩემზე ძალიან ძლიერი კაცის შთაბეჭდილება დატოვა. მე თავიდანვე გადავწყვიტე ლევანისათვის დახმარება გამეწია და, წარმოიდგინეთ, რომ ყველა ქართველიც, ვისაც კი მე იქ შევხვდი, ამას მთხოვდა. ასეც მოვიქეცი. გარდა იმისა, რომ ლიტერატურული შემოქმედების შესაძლებლობა მივეცი, ვამარაგებდი ფანქრებით, მელნით, საწერ-კალმებით, ბევრჯერ ვეხმარებოდი ქართველებს მისი ნაწერების გამოტანაშიც, რაც მეტად საზიფათო იყო და გამოაშქარავების შემთხვევაში დიდი სასჯელიც გველოდა.

ბანაკში ბევრი ჯაშუში და „საიდუმლო მეთვალყურეობის“ სამსახურის წარმომადგენელი დათარეშობდა. ისინი ყველაზე მძიმე და ცუდ საქმეებს სჩადიოდნენ. მე ჯერ ამ ხალხის გაცნობას შევეუღეპი, მერე კი უფრო თამამად დავიწყე პატიმართა დახმარება“.

მივიღე თქვენი წერილები და ამანათებიც, დიდად გამაღლობთ. აი, დადგა ახალი წელი, მაგრამ აქ ცხოვრება ისევ ძველი ჭეხებით მიქრის. ქრავითარი ცვლილებები არ იგრძნობა ადმინისტრაციის მხრივ.

სისხლის ღვრის შემდეგ ენაჩაგდებულებმა ხმა ავიმალღეთ და დღითი დღე უფრო მძლავრად მოვითხოვთ ჩვენს უფლებებს. აქაური ამაყი ჩეკისტები ახლა კულამოძუებული და უკვე ხმაჩაქმენდილები დადიან, ეშინიათ, რომ ყოველ საშინელებაზე, რაც ამ ხანაკებში ტრიალებს, უსამართლობაზე, ძალმომრეობაზე, შიმშილზე, წამებაზე, ადამიანის გათელვაზე როდესმე პასუხს აგებინებენ, თუ გინდ ჩატარებული სისხლიანი უღეტისათვის, რომელიც ალბათ დიდხანს გვექნება თვალწინ და მისი დავიწყება შეუძლებელია. ვფიქრობ, როდესმე მაინც დაიხჭება ასეთი ცოდვილი ხალხი.

გმუშაობ მაღაროში. ჯანმრთელობის მხრივ სარგძნობლად კარგად ვარ. მოკლედ, აქაური პირობებით ყველაფერი რიგზეა. კვების მხრივაც უკეთესობა იგრძნობა. პატიმრები კი მაინც ვღელავთ და ახალი კანონების მოლოდინში სული გვძვრება. ჩეკისტებს ძველი ადათი მაინც მაგრად აქვთ სულში გამჭდარი, ზოგიერთი პატიმარი კი ტერორზე გადადის, გუშაგებს იარაღს ართმევენ და შეიარაღებულ აჯანყებაზე ოცნებობენ, თავისუფლების დაბრუნება იარაღით ხელში უნდათ. შეიძლება ეს გზა მართებულიც იყოს, მაგრამ ახლა ეს აქ მეტად მძიმე სისხლიანი და სახიფათო გზაა. რომ გამახსენდება გაფიცვის ურიცხვი მსხვერპლი, პირდაპირ ცუდად ვხდები. მათ კი სინდისი არ დაუშლით, რომ კვლავ გაიმეორონ სისხლის ღვრა.

მე ვერ წარმომედგინა, თუ სტალინისა და ბერიას ერას მათი სიკვდილის შემდეგ რამე შეცვლიდა, რეჟიმს და რწმენას შეარყევდა, მის ძალადობას ან მის ქვის ქანდაკებებს ვინმე უბრალოდ ხელს შეახებდა. მართლაც სასწაული მოხდა. ალბათ კაცმა იმედი არასდროს

არ უნდა დაკარგოს. მით უფრო ახლა. მოთმინება, მოთმინება, რომელიც დღითი დღე იწურება.

ახლა ჩემი გამოგზავნილი ნაწერების შესახებ: თუ გადაბეჭდილი გაქვთ, გამომიგზავნეთ, მინდა ერთხელ კიდევ თვალი გადავავლო. ახლა სიყვარულით მინდა ყველა გავიხსენო — ჩემი ახლობლები, ნათესავები და მეგობრები, თუმცა იმდენი დრო გავიდა, რომ მათ აღბათ დავავიწყდი კიდევ.

მინდა, რომ ეს წელი იყოს ყველასათვის ბედნიერი და გარდამტეხი, რაც ესოდენ გვპირდება ჩვენ ყველას. ჯოცნით. თქვენი ლევანო“.

„ჩემო კარგებო!

28. II. 54 წ.

როგორ ხართ? როგორ ცხოვრობთ?

ამანათის შიღების დამადასტურებელი ბარათი ვერ გამოგიგზავნეთ, რადგან არ მქონდა.

ჩემს შესახებ არაფერი არ შემიძლია მოგწეროთ ახლა. ვცხოვრობ ძველებურად. ვარ ჯანმრთელად, მაგრამ ვბერდები. ცოტა მოვმჯობინდი. ფეხი აღარ მტკივა.

აქ მინუს 60—70 გრადუსი ყინვაა და ქარები. ჩემზე სულ აღარ მოქმედებს ეს სიცვიები. გაზაფხულამდე ჭერ კიდევ შორსაა. ვმუშაობ ძველებურად და დრო გადის შეუმჩნევლად.

თქვენ როგორ ცხოვრობთ? დედა როგორ არის? ჩემზე ნუ წუხხართ.

გამომიგზავნეთ გაზეთები და რვეულები.

პროლეტების მხრივ საქმე კარგადაა. შაქარიც გვაქვს. მანდარინები და ბროწეული კი იყინება, ასე რომ, ნუ გზავნით.

მოკითხვა გადაეცით ყველას.

თქვენი გამოგზავნილი ნაბეჭდი მივიღე, წარმოგიდგენიათ, ჩემი ნაწერი ვეღარ ვიცანი, კიდევ კარგი, ასლი მქონდა და იმით ძლივს აღვადგინე პირვანდელი სახე.

მემანქანე არ ვარგა, სულ ვერ გავარჩია ჩემი ნაწერი, მეტს ნულარ დააბეჭდინებთ.

გამომიგზავნეთ საბეჭდი მანქანა, აქ ეს ნებადართულია, ვფიქრობ, არ ჩამოშართმევენ. მისამართი თქვენ იცით.

გოცნით ყველას, თქვენი ლევანი“.

თინამ ბევრი ეძება სანდო და, როგორც ლევანი იწერებოდა, ენაშოკლე მბუჭდავი, მაგრამ ვერ გამონახა, არავის ვენდობოდით, ყველაფერი შიშს გვეგვრიდა. მერე თინამ თვითონ შეისწავლა ბეჭდვა და ნელ-ნელა ლევანის ნაწარმოები გადაბეჭდა. რაც ვერ გავარჩია, შეცდომად ჩათვალა და თავისებურად გადააქეთა.

დღეებს ვითვლიდით ვადა როდის დამთავრდებოდა. როგორც ლევანი იწერებოდა, არც თვითონ და არც ჩვენ იმის იმედი არ გვქონდა, რომ მას ვადის დამთავრების შემდეგ სამშობლოში გამოუშვებდნენ, მაგრამ ხომ მოსცილდებოდა იმ საშინელ რეჟიმს, ცოტა თავისუფლად ამოისუნთქებდა და ჩვენც დაჩაგრულ ძმას ჩრდილოეთში რიგრიგობით ჩავაკითხავდით, საქართველოს სიბოხს და ოჯახის იმედს ჩაუტანდით და სათანადოდ მოვუვლიდით. ყოველდღე სხვადასხვა გეგმას ვაწყობდით და ამით ვცხოვრობდით საქართველოში, ლევანზე არანაკლებ დაჩაგრულები და დატანჯულები, მისი საცოდაობით გაოგნებულები.

დედა ზომ სულ დაბერდა, დაჩაჩანაკდა, სკლეროზი შეეპარა. მაინც ყოველდღე იმედიანად უტდიდა ლევანის დაბრუნებას. რამდენჯერმე ლევანს მივწერეთ ვორკუტაში ჩვენი ჩასვლის თაობაზე. ამაზე იგი ყოველთვის უარზე იყო.

სამწერლო-დრამატურგიულ მოღვაწეობაში ლევანი ყოველთვის ეძიებდა ახალ, განსხვავებულ ფორმას. სწორედ ამით აიწინებოდა მისი პიესების ესოდენ დიდი წარმატებები. მესხეთ-ჯავახეთში იმ საბედისწერო მოგზაურობის დროს ლევანმა უნიკალური მასალა დააგროვა და, გარდა ისტორიული რომანისა, უნდოდა ხალხური მოტივებისა და ძველი ეროვნული საზეიმო ელემენტების გამოყენებით (სატრფიალო, ყე-

ენობა, ბერიკაობა, ნიღბების გარდაქმნა და სხვ.) სრულიად განსხვავებული ფორმის პიესა შეექმნა. ამ ჩანაფიქრის განხორციელება არ დასცალდა დაპატიმრების გამო. ჩეკამ მისი მასალა გაანადგურა.

ლევანი ხშირად სინანულს გამოთქვამდა ამ მასალის დაკარგვასთან დაკავშირებით, იწერებოდა კიდეც, თუ დამცალდა, მე ამ თემას როდისმე ისევ დავუბრუნდებიო:

„რაც დრო გადის, მესხეთ-ჯავახეთში ნახული, გაგონილი, ნაგრძნობი და შესისხლხორცებული ამბები მოსვენებას არ მაძლევს. წლების გავლასთან დაკავშირებით დავიწყების მაგივრად, პირიქით, უფრო ნათლად, მრავალფეროვნად და მხატვრულად მესახებიან. ალბათ მუზა მომაწვა და ეს არის და ეს. მე მას ვუმაღლო, შეტად მძიმე პირობებში სიცოცხლის ფასად პიესა რომ დამაწერინა“.

„სამსახეობა რაინდისა“ ანუ „ორომტრიალი“ ძირითადად ლექსად არის დაწერილი. უხვადაა გამოყენებული ხალხური და თვით ლევანის მიერ შეთხზული გამოცანები, შაირები, პატრიოტული სავგირო საქმეები, ბრძოლის სულისკვეთება, ურთიერთსიყვარული, შეგობრობა, ერთობა, ერთგულება, ვაჟკაცთა და ქალთა გაბერიკება, მოკლედ, ქართველი ერის დიდბუნებოვნება და კეთილკაცური თვისებები.

პიესის წერის დროს თვითონ უკვირდა ლევანს, როგორი ამბლებული სულითა და გრძნობით იყო განწყობილი. ღრმა ფიქრებში წასული თითქოს მიაბოტებდა სამშობლოს მიწა-წყალზე. საფიქროდ ეტრფოდა მესხეთ-ჯავახეთის უნიკალურ ისტორიულ ძეგლებსა და ციხე-კოშკებს, ბევრის მთქმელთა და მნახველთ, ბოლომდე ამოუცნობთ, ჯერ კიდევ საიდუმლოებით მოცულთ. მიუხედავად იმისა, რომ ლევანი იმ ხანებში დააპატიმრეს დიდი ნიჭისა და მახსოვრობის, აგრეთვე ფანტაზიის წყალობით შესანიშნავი პიესა შექმნა.

„სამსახეობა რაინდისა“ (ორომტრიალი)

(ხალხური თეატრონი 8 მოქმედებად, 8 გაბერიებად)

მოქმედი პირნი

ბ ა დ რ ი ხ ე რ თ ვ ი ს ე ლ ი — ჩუმი რაინდი, იგივე ლომ-ბერიკა.
მ თ ვ ა რ ი ს ა — წუნდელი უღამაზესი ქალი ბერიკაობაში.

„მთვარის დედოფალი“.

თ ა კ ო — წუნდელი ქალი, ბერიკაობაში „პატარა დედაკაცი“.

თ ი კ ო — წუნდელი ქალი, „პრასისა და ნიახურის ქალი“.

მ ა კ ო — „კაპას-ქალი“.

ც ი კ ო — „ბიჭაჭუა ქალი“.

შ უ შ პ ა რ ა — „ქალფერხულის მოთავე“.

გ უ ლ ქ ა ნ ა — ტანსრული და მსუქანი „კვირიმე ქალი“.

კ ა კ ო, ვ ა ე - ბერიკა ტახში მჯდარი.

კ ა კ ო — ვირ-ბერიკა.

კ ი კ ო — ვაც-ბერიკა.

ნ ი კ ო — ზაქ-ბერიკა.

ს ი კ ო — ხარ-ბერიკა.

დაეთარ-კალამა კაცი — მალალი, გამხდარი.

გ ო ნ ჯ ა, ბ რ ე ც ი ა, წუნდელი მეველე.

მ ე ა ლ მ ე .

ვ ე რ ხ ი ს ო, ვ ა ე ფ ე რ ხ უ ლ ი ს მ ო თ ა ვ ე .

პანგისო კილოსთავი.

ხალხი წუნდელნი,

მესაკრავენი,

მროკველნი,

გუნდისანი.

ქალიან მოკლედ გვინდა წარმოვიდგინოთ ამ ნაწარმოებში-
დან ზოგიერთი ამონაწერი.

ო ს ტ ა ტ ს ი

თქვენც გეთქვათ „სამსახეობა“

მალაფარდოვან ენითა,

ჩვენ კი ეს ჩვენი ხელობა,

ხალხურ ზმას მივეძღვენითა,

ვარ მთიულ-ფიდო, მაშვრალი,

გული სიშორემ დაბალთა...

რა ვქნა ველზე* ვარ დამშვრალი,

ვერ მპვრეტი მთათა მალალთა.

* უკულმა ჩაწერილი მისი სახელი: ნაველ-ლევან.

მოდერნის თქმული

სოფელსა ჰმართებს წარბისხსნა,
საქმე არის თუ დღეობა;
მეცნიერთ-სული მსუბუქი,
რაინდებს — სამსახეობა...
ემბავი გავაბერიკოთ,
იარც თქმული, არც გაგონილი,
სალაღობოდ და სალხენად
— ღიმილში ამოწონილი.
მრავალი ჰანგი ვაქედროთ
ლექს-ფერხულებით, ზარებით,
იუგად ნურას ჩაგვითვლით,
— აწ ამას გემუდარებით!

მრავალში რომ ერთი ავიღოთ, ერთში რა გერჩიოთ?
ერთში გერჩიოს სიმართლე — ის თუ გიხსნის ავიდან!
ორში—მჭობნი სიკეთეა, ბოროტსა სძლევეს თავიდან!
სამში—სამშობლო იწამე, გაარჩიე შევიდანა.
ოთხში—ვარ ამოღებული ჭიქურ ვეფხვის ტყავიდანა.

რაინდებო! თქვენი სიტყვა, ჩემი კისერი!
ესეც უეჭველი რაინდო წესია!
თქვენთვის ვიბრძოდი, თქვენთვის ეშმაგობდი,
თქვენთვის დამაქვეს მარცხნივ გული, მარჯვნივ—მარჯვენა.

ლევანმა ეს ნაწარმოები თავის ჩრდილოეთელ ძმებს —
მეგობრებს წაუყითხა, რომლებიც აღფრთოვანებულნი დარჩ-
ნენ. ზურაბ მიქელაძემ, დავით კვიციანიშვილმა, ნიკო მღებრი-
შვილმა, ვალიკო ჭუმბურიძემ, სანდრო ჩიკოიძემ ლევანს ურ-
ჩიეს ამ ხელნაწერის როგორმე თბილისში გაგზავნა. საკითხი
დაისვა: როგორ და სად გაიგზავნოს. ლევანი შიშობდა, შეიძ-
ლება ცუდი დღე დადგეს არა მარტო ნაწარმოებს, არამედ
მის დამწერსაც.

ლევანს ურჩიეს ამ პიესის სხვა ლამაზი ხელით გადაწერა,
რადმე ლეგენდის შექმნა და ისე საქართველოში ლიტერატუ-
რის მუზეუმში გაგზავნა, — იქ სათანადოდ შეინახავენ, უბატ-
რონებენ და შეიძლება თეატრსაც გადასცენ დასადგმელად.
ისიც მხედველობაშია მისაღები, რომ შომავალში შეიძლება
ამ პიესის ავტორად არ მიგინიონო, ამიტომ შენი სახელი
საიდუმლოდ სადმე ჩართეო.

ლევანმაც პიესის დასაწყისში ლექსის ბოლოდან მეორე

სტრიქონში თავის სახელი ჩაურთო. ლევანის მეტი ნამდვილად ამას ვერაინ ვერ გაარკვევდა.

წერილიც შეთხზეს — ვინმე გავაშელაშვილის ზელმოწერით. მერე საიდუმლოება პატიმარ სერგო ლორთქიფანიძეს გაანდეს. მან დიდი სიფრთხილით და სიამოვნებით ერთ კვირაში მშვენიერი ხელით გადაწერილი ნაწარმოები მოუტანა ლევანს.

საიმედო მგზავრიც გამოინახა. ის ქალაქ ნოვოროსიისკში შიდიოდა და ხელნაწერს იქიდან გამოგზავნიდა თბილისში.

საწყალი ლევანი! ეს უაღრესად სამართლიანი, ყოველგვარი სიყალბის უარშეყოფელი, სიმართლის მოყვარული, კეთილი, მშრომელი კაცი იძულებული იყო თავისი ზელნაწერების გადასარჩენად ასეთი ზერხისთვის მიემართა.

გთავაზობთ ამ წერილს.

„პატივემულო მეცნიერო — დირექტორო!

გიგზავნით ერთ ძველ ხელნაწერს, ჩემს მიერ გადმოწერილს ხალხურ ზღაპარს — თეატრონს „სამსახეობა რაინდისა“. თუმცა მე მეცნიერებაში განსწავლული არ ვახლავართ, მაგრამ მგონია ასეთი თხზულება არ უნდა იყოს დაბეჭდილი კრებულებში. თუ ვცდები და უბრალოდ ვაწუხებთ, თქვენს მეცნიერულ საქმიანობაშიდ ბოდში მომხადეთ და ჩემს უმეცრებას აბატიეთ.

მე გულიანად მომეწონა და აფსუსია, რომ ჩვენს მხიარულ დროში ასეთი სალხინობელი რამე ფუჭად დარჩეს. მოკლედ მოგახსენებთ ამ ძველი თხზულების გადმოწერის ამბავს.

ჩვენ პირადად ჩრდილო-კავკასიაში მცხოვრები ქართველი ვახლავართ, რკინიგზებისა და საერთოდ სავაჭრო დარგის მუშაკი. ერთხელ ჩემი მოსკოვში წასვლის დროს, 1941 წელშიდ, მგონი მოზდოკიდან ამემგზავრა ვინმე ფედორ სუნდუკოვი, ღრმად მოხუცი, და იქნება კიდევ ყოფილი სასულიერო წოდებისა. მიემგზავრებოდა სვერდლოვსკში ფათხოვილ ქალიშვილთან. მან რომ ჩემი ქართველობა გაიგო, გამომესაუბრა და მითხრა, რომ შთამომავლობით მეც ქართველებიდან ვარო. თუმცა ინჩიბინჩი ქართული არ იცოდა. უდუდაენო კაცი გამოდგა. მისი მამა თუ ბაბუა პაპა ბლალოჩინი ყოფილა, როდესაც ძველად სადღაც სესვატკაში — უკვე ვერა გავარკვიე რა. თან წამოღებული სახარება მაჩვენა. ბავშვობაში მე

სოფლის დიაკონმა ხუცური კითხვაც მასწავლა. გავშინჯე და მართლაც ქართული ხელნაწერი სახარება იყო. რამდენიმე ლოცვები რომ წავიკითხე, საოცრად გაეხარდა. ასე გასინჯეთ, ცრემლებიც კი გადმოსცვინდა, შენ ყოფილხარ ნამღვილი ქართველიო. ბევრ ქართველებს ვაჩვენე და ვერაინ ვერ წაიკითხაო. ტერტერასთან გამაგზავნესო, კარგა დიდი ყდიანი წიგნი იყო, მაგრამ შუაში რომ გადაეფურცლე, რაღაცა სხვა ზომის ქალაღი ვნახე, ოღნავ მოცისფერო. ფერის ნაწერობაც სხვა იყო, დავაეკირდი და აკი მხედრულ ქართული დამხედდა. თავი მოუნახე და ახლა ხალხურ თეატრს წავაწყდი. ჯერ, გატეხილად რომ ვთქვა, ვერაფერი ვერ გავიგე, მაგრამ თვალი შევაჩვიე, ჩავიკითხე. ამბავმა ჩამითრია, ლექსებმა სული ამომღერა. რას არ შეთხზავენ ეს ბერიკები? მომეწონა, ბოლომდე ჩავყვი და ბევრიც ვიცინე. სუნდუკოვი ჰხარობდა და ჰკვირობდა — ასეთი მხიარული სახარება ჯერ არ მინახავსო. მას წარმოდგენაც არ ჰქონდა, რა ბერიკული სახარებაც იყო იმავ ყდაში ჩაკრებული. მე ფულიც ზედა მქონდა და მაშინვე ყიდვა მღვისურვე. კარგი თანხაც შევთავაზე, მაგრამ მიწყინა მოხუცმა. სახარება, ისიც მამაპაპურ ანდერძით გადმოცემული, აბა, ვის გაუყიდიანო. სირცხვილში ჩამაგდეო. სიტყვაც მომიქრა და ქართველობაშიც მაჯობა.

მაშინ ერთი კარგად ვაპურმარილე და ზარხოშობაში შესულს გადმოწერის ნება ვთხოვე. ამაზე თანახმა გახდა. გაკრული ხელით ზოგი გზაშივე გადმოვიწერე, ზოგიც მოსკოვში. ერთი კვირა ჩემთან დაქირავებულ ოთახში მოვასვენე მოხუცი, სანამდისინ სვერდლოვსკის ბილეთს გაარიგებდა. მგონია არა გამოგვრჩენია რა, მეც მოვრჩი და ისიც წავიდა და სახარება თეატრონიც თან წაიღო. მალე ომიც დაიწყო. მეც შუა აზიაში გადავედი, მხოლოდ ზარალი დამრჩა ერთ რუსის ოჯახში ნოვოროსიისკში. ახლა თითქმის ცამეტი წლის შემდეგ, როდესაც მეც ისე ჩაჩანაკი მოხუცი გავხდი, როგორც მაშინ სუნდუკოვი იყო ნოვოროსიისკში, მოკლე ხანით მობრუნების დროს ჩემ ძველმანებში გადმოწერილი საშაახეობა რაინდისა მოვხელე. მე კი დაკარგული მეგონა. ახლა დინჯად გადავწერე, დროც ბევრი მოვანდომე, ზოგი რამე ველარ გავარჩიე და ჩემებურად განვმარტე, ზოგი მიხვედრილით, ზოგიც მიმგზავსებით. ჩემი შეცდომებიც, დაძველებუ-

ლი დაბოლოვებანიც, რაზეც ცოდნა მეყო, გავასწორე. ზედ-მეტი ძველი ასოებიც თავისთავად ამომიცივინდა, იქ კი იყო მახსოვს. ცდა არ დამიკლია, ხელობას კი ვერ დავიქადნი და ჩემი გაკეთებით თუ რამეს ვაფუჭებდე, ჩემს კისერზე იყოს. ახლა მახსოვს, პირველი ფურცელი ორ ადგილას იყო მოხეული, ზედ ნახევარზედ სიტყვა კუდმოჭრილად იჯდა, ალბათ დამწერის გვარს თუ ნიშნავდა. ქვემო კუთხეში თავმოხეულ... ლაოვი ეწერა, ასევე გადმოვხატე მაშინვე, თქვენ მეცნიერებაში იქნებ ამასაც მნიშვნელობა აქვს. ერთიც, ხელთ ნაწერი სხვა მელნით და უფრო გაკრული ხელით ბევრგან გასწორებული იყო. უფრო ხშირად ლექსები და შაირები. წიგნის ბოლოში კიდევ ერთი სხვა ფურცელიც იყო, წარწერა ვერ გავიგე და ასო-ასო უშეცდმოდ გადმოვწერე გაშიფრული ამიკი. ფურცლის შუაწელზე წითელი ასოებით ეწერა, იმის იქით კი ყდის მეტი არა იყო რა. მეტი ამ ხელნაწერის ირგვლივ აღარაფერი ვიცი. სუნდოკოვი კი, ჩემი აზრით, ცოცხალი აღარ უნდა იყოს, თორემ მომწერდა, ისე რიგიანად დავემგობრდით. აღარც მე მიწერია დიდი დღე და ვიდრე ჯერ შუა აზიაში, შემდეგ კი მამა-პაპებში გავემგზავრები, ფიცად დავიდე ეს შევასრულო: ეს საქონელი ჩემ ვაჭრობას სულ ერთია ვერ გამოადგება, თქვენი მეცნიერ-მწერლობის საქონელია. ამიტომ გიგზავნით, დე დალოცვილმა ბერიკებმაც თავისი გზა ნახონ, მე ნაღდი გულით მომიძღვნია ჩემი მცირე ღვაწლის ზედართვით, და თუ ხალხისათვის მოსახმარი გამოდგა, მშვიდობაში მოიხმარეთ, თუ კი თქვენთვისაც უმაზანდო და მოძველებული გამოდგა, ესეც ჩემი ზარალი იყოს.

15/VII—54 წ. ამასთანავე

ხ. გავაშელაშვილი

ლიტერატურულ მუზეუმში მასალა დეტალურად შეისწავლეს. კვლევის შეფასება და დასკვნები წარმოდგენილია ფ. კოტეტიშვილის ნარკვევში. ლევანი შემდგომში ყოველთვის დიდი მადლიერების გრძნობით იხსენიებდა ბატონ ფარნაოზ კოტეტიშვილს თავისი პიენის „სამსახეობა რაინდისა“ ესოდენ მაღალი დადებითი შეფასებისათვის.

ამ ნარკვევიდან მოკლედ გვინდა წარმოგიდგინოთ ზოგიერთი ამონაწერი.

ფარნაოზ კოტეტიშვილი

„სამსახეობა რაინდისა“

ამ რამდენიმე ხნის წინათ ლიტერატურულმა მუზეუმმა ნოვოროსიისკიდან მიიღო მოქალაქე ს. გავაშელაშვილის მიერ გადაწერილი პიესა „სამსახეობა რაინდისა“ — ზღაპარი-თეატრონი.

პიესაში ორიგინალურად არის ჩაქსოვილი როგორც ხალხური გასართობები, ასევე საუკუნეების მანძილზე ქართველი ხალხის მიერ შექმნილი ქორეოგრაფიული ხელოვნების მრავალი ნიმუში: თოკ-ფერხულა და ზარ-დავლურა, ზღარბა ბერ-დავლურა, ქალების ცეკვის შოთავე.

შოთავე, შუშპარა-ქალფერხული, ბერთისო-ვაჟფერხული, ჰანგისო-კილოსთავი, დავთარ-კალამა, მელამე კაცი.

ქალბერიკების რაზმი უპირისპირდება ვაჟბერიკებს, იმართება მათ შორის მხიარული პოლემიკა, ანდაზები, ქარაგმული თქმულებანი, გაშაირება და სხვა.

გარჩეული პიესა თავისთავად, როგორც მხატვრული ძეგლი, მეტად მნიშვნელოვანია. ლიტერატურული მოვლენაა და მისი ავტორიც განათლებულ, მაღალგემოვნებიან პიროვნებად ჩანს. მას შესისხლზორცებული აქვს ჩვენი ხალხის მდიდარი ფოლკლორული მასალა და შემოქმედებითი ნიჭიერებით ხორცი შეუსხამს ღრმა პატრიოტული იდეებისათვის, ოსტატურად გამოუქერწავს ქართული ზნეზადალი მამულიშვილის სანუკვარი იდეალი — ბრძოლაში უებრო მეომარი, მშვიდობიან ცხოვრებაში მდიდარი არტისტული ბუნებით შემკული ჭეშმარიტი ხელოვანი და ფაქიზი გონებით დაჭილდოებული, ღრმა მოაზროვნე-მეცნიერი და სხვა მრავალი ღირსება.

პიესის ჩვენურად გამართლება ბადებს ერთ საკითხსაც, ხომ არ ჰქონდა ურთიერთობა ავტორს თეატრთან. აგრეთვე გაირკვა რომ:

სოფელი წუნდა, სადაც მთელი მოქმედება მიდის, ჯავა-

ხეთშია. ტბაც, ალბათ, იქვე ახლოს მდებარეობს. „ხერთვისი“ — ეს ხერთვისის ცნობილი ციხეა ჭავჭავთში.

სათაურის გასაგებად გვ. 57/II ქვევიდან VIII სტრიქონი — ეს არის ღირსეული რაინდი სამი სახით შემოკული.

საქირო გვერდი 60/II ბოლოდან III სტრიქონი ქვეყანაზე ყველა ქარაგმობა ამოხსნილია, გარდა ერთისა მუდამ ახლად ამოსახსნელისა სიყვარულის ქარაგმისა.

ბერიკობის არსის გასაგებად საინტერესოა გვ. 36-ზე და სხვ“.

მარტო დიმიტრი ბენაშვილმა გამოთქვა ვარაუდი — პიესა ლევან გოთუასი არ იყოსო! მაგრამ რატომღაც ამ განცხადებას არ დაეთანხმნენ.

მართლაც, ძნელი დასაჯერებელი იყო, ვინაიდან ლევანი სწორედ მაშინ საშინელ ბანაკში იჯდა მშიერ-მწყურვალი, მძიმე ფიზიკური შრომითა და მორალური დამცირებით დათრგუნული,

ბოლოს იმაზე შეთანხმდნენ, რომ ამ ნაწარმოების ავტორი ვინმე დიდგვაროვანი ქართველი მწერალია, მეფის კარზე აღზრდილი და ფუფუნებაში მცხოვრები, შესაძლებელია, თვით მეფის შთამომავალიც.

გამოიყო ექსპედიციაც, ტაშკენტში და სხვა ქალაქებში დაეძებდნენ სუნდუკოვს და მის ქალიშვილს. ამ მხრივაც დიდი აურზაური ატყდა, ვინაიდან ამ გვარის კაცი სამი აღმოჩნდა, ხოლო ქალიშვილი არც ერთს არ ჰყავდა.

იმ პერიოდში ლევანი თავის წერილში გვაფრთხილებდა, არავისთან არაფერი დაგცდეთო. ჩვენ ამ პიესასთან დაკავშირებით მაინც არაფერი ვიცოდით, საერთოდ კი გვახსოვდა, როგორ ოცნებობდა ლევანი მესხეთ-ჭავჭავთის თემაზე პიესის დაწერაზე.

ამ წერილსაც ხელით ვაგზავნა.

თინას წერილი კისლოვოდსკიდან მიღებული მაქვს (10/VIII-სი). ფულს ნუ აგზავნით, მეც ვიღებ ჯამაგირს და მყოფნის. საოცარია, რომ კარაქი აქ ბლომად არის. საერთოდ ამ დაღუპულ ქვეყანას უკეთ ამარაგებენ, ასე რომ თქვენ ამანათებზე ნუ იწვალებთ.

გამომიგზავნეთ „დავით აღმაშენებლის“ III ტომი, გამოსულა. აგრეთვე რვეულები, სულ მაკლია. კიდეც კარგი, რომ აქ ვიშოვე — ზურაბს გამოვართვი.

ახლა აქაური ამბები: მე უკვე მივიღე საშვი, ესე იგი მაქვს უფლება ბანაკიდან გამოსვლისა და მალაროში მისვლისა უყარაულოდ — აქ ახლა ბევრს მისცეს ასეთი საშვები, შიგადაშიგ ვახერხებ ქალაქში წასვლასაც და სხვა მალაროებში მისვლასაც — ასე რომ, დავით-ექიმი, ზურაბი და სხვა განთავისუფლებული მეგობრები მოვიწინახულიყ. ერთი შეღავათი მეც მერგო ამ მ წლის განმავლობაში.

ჩათვლების შესახებ მე უკვე გწერდით: მეც მითვლიან ერთს — სამად, ასე რომ, რვა-ცხრა თვეში საერთოდ გავათავებ ვადას და იქამდე თუ რაიმე არ შეიცვალა, გავთავისუფლდები. ოღონდ ეს არის ცუდი, რომ ვისაც ვადის დამთავრებით უშვებენ, ყველას აქვე, ვორკუტაში ტოვებენ.

არის კიდეც მეორე შესაძლებლობა: ბრძანებულება, რომლის შესახებაც უკვე გწერდით, ვისაც ვადის 2/3 გათავებული აქვს, იმათზე შესაძლებელია ამ ბრძანებულების გავრცელება. ჩემზეც ვრცელდება, მაგრამ ჯერ ამ ბრძანებულების მიხედვით აქედან არავინ არ გაუშვიათ. ცოტა კიდეც უნდა მოვითმინოთ და თუ შეგვახებ ბრძანებულება, მაშინ შესაძლოა სასწაული მოხდეს და მეც შინ ჩამოვიდე. ერთი სიტყვით, ამ მოკლე ხანში ჩემი ცხოვრების პირობები, ასე თუ ისე, გამოიცვლება, ამქერად, ალბათ გაუმჯობესებისაკენ. თქვენი ჩამოსვლის და ნახვის შესახებ აწრი არ გამომიცვლია. ახ-

ლა სულ არ არის მიზანშეწონილი. ჩათავდეს ყველა შე-
ღვათი და მერმე ვნახოთ, როგორი სიტუაცია იქნება...
აქ დღე-დღეზე მოველით ცვლილებებს. ჯანმრთელობის
მხრივ კარგად ვარ. დიდი ხანია ასე კარგად არ ვყოფილ-
ვარ. ახლა ასე გამომდის: ვმაგრდები და ვმაგრდები.
ჩემი ნაწერების შესახებ, როგორც გწერდით, ზუსტად
ისე მოიქცით: არავის არაფერი არ მისცეთ, არც არა-
ფერი უთხრათ. თქვენ არაფერი არ იცით — ასე თქვით,
ხოლო როდესაც იქნება ვინმე საიმედო წამომსვლელი,
გადათვალეთ და აღრიცხეთ — რა და რა ხელნაწერები
გაქვთ ჩემგან მიღებული, რამდენი რვეული და, საერ-
თოდ, დალაგებით მომწერეთ, თორემ ყველაფერი ამე-
რია და ზოგი რამ, ჩანს, დამეკარგა კიდევაც.

ახლა, როდესაც მიმოსვლის საშუალება გამიადვილდა,
ისევ შევაგროვებ. ვახერხებ ახალ მუშაობასაც.

ამჟერად პიესაზე ვმუშაობ, მაგრამ არსად არავისთან
არ თქვით. თქვენ არაფერი იცით. ეს უკვე საიდუმლოდ
გამოგზავნილსაც შეეხება და აწი რომ გამოგზავნი, იმა-
თაც. თუ მწერალთა კავშირში, თეატრში ან ლიტერატურ-
რის სხვა დაწესებულებიდან რაიმეს გაიგებთ, ამის შე-
სახებაც მომწერეთ. შევუფარდებ ჩემს ვარაუდებს.

ქართული წერილები შეგიძლიათ მწეროთ ისევ და-
ვით კვიტაიშვილის სახელზე.

...გამომიგზავნეთ თბილი წინდები, აქ არ იშოვება.

გულითადი მოკითხვა ყველა ნათესავ-ნაცნობ-მოკე-
თეს.

სააქოსაკენ ვგონებ ვიბრუნეთ პირი და ყველას ამ-
ბის გაგება მწყურია. მომწერეთ.

გკოცნით, თქვენი ლ. ე. ვ. ა. ნი“.

აქვე გვინდა აღვნიშნოთ, რომ ლევანის სამშობლოში ჩა-
მოსვლის შემდეგ პიესა „სამსახეობა რაინდისა“ გამოვიდა
იღუმალეების ბურუსიდან, ყველაფერი გაირკვა. 1958 წელს
კი, თბილისის 1500 წლისთავთან დაკავშირებით, კ. მარჯანი-
შვილის სახელობის თეატრში დაიდგა ეს წარმოდგენა და დი-
დი წარმატებაც ხვდა წილად.

პ. მარჯანიშვილის სახელობის შრომის წითელი
დროშის ორდენოსანი სახელმწიფო თეატრი

სპექტაკლი მიძღვნილია
თბილისის 1500 წლისთავისადმი

ლ. გოთუა

სამსახეობა რაინდისა

ხალხური თეატრონი 4 გაბერიყვად

მოქმედი პირნი:

ბ ა დ რ ა თ ბ ი ლ ი ს ე ლ ი

მ თ ვ ა რ ი ს ა

გ თ ნ ჯ ა ბ რ ე ც ი ა

თ ა კ თ

თ ი კ თ

მ ა კ თ

ც ი კ თ

შ უ შ პ ა რ ა

გ უ ლ ქ ა ნ ა

კ ა კ თ

კ ი კ თ

ბ თ კ თ

ნ ი კ თ

ს ი კ თ

დ ა ვ თ ა რ - ქ ი ლ ა მ ა

მ ე ა ლ მ ე

ფ ე რ ხ ი ს თ

ჭ ა ნ გ ი ს თ

ჩ თ ჩ თ რ ა

ბ თ ჩ თ ლ ა

ე. მაღალაშვილი
რესპ. დამს. არტ.

დ. კიკინაძე

თ. მაისურაძე

ც. პეტრიაშვილი

ნ. ფილიაშვილი

ლ. შოთაძე

ზ. ზაღდასტანიშვილი

თ. სხირტაძე

ან. მესხიძე

გ. ტატიშვილი

ა. ვერულუაშვილი

ლ. ანთაძე

ფ. სონღულაშვილი

გ. გელოვანი

დ. ქუთათელაძე

გ. გოციერელი

გ. დემეტრაშვილი

გ. გოგუა

კ. ამაღლობელი

რ. ჩიჩუა

გ ლ ი ხ ი ქ ა ლ ე ბ ი

გ. ბაქრაძე:

ნ. იონათამიშვილი

ლ. ერქომაიშვილი

დ. შატაბერიძე

ე. ახალკაციშვილი

მ. ლორთქიფანიძე

მ. შეტრეველი

ე. მურუსიძე

ა. ქურციკიძე

თ. ალიბეგოვი

ბ. გოგინავა
შ. ხარამიძე
ნ. ბერიძე
გ. სავანელი
ლ. ტომარაძე
გ. ბერიკაშვილი

ვ. სარჯველაძე
ც. თოფურია
ა ურიდია
ს. კვიციანიშვილი
შ. გობეჯიშვილი

დადგმა -- გ. ლალიძის

ხელოვნების დამს. მოღვაწე.

მხატვარი — ი. სუმბათაშვილი

ხელოვნების დამს. მოღვაწე,

სტალინური პრემიის ლაურეატი

კომპოზიტორი — არ. ჩორგოლაშვილი

ქორეოგრაფები — ლ. გვარამიძე

რესპ. სახალხო არტისტი და

გ. დარახველიძე

ხელ. დამს. მოღვაწე.

რეჟ. ასისტენტი — ირ. გრატიაშვილი,

სპექტაკლის მხატვრული ხელმძღვანელი

ვერიკო ანჯაფარიძე

სსრკ სახალხო არტისტი,

სტალინური პრემიის ლაურეატი.

სამშობლოს გუთნის კდედაო ხობბის ქალაქო—თბილისო!

ცეცხლი და დარი გინახავს ათას ხუთასი პირისა,

ზეიმით გიძღვნით თეატრონს, წვის და ძიების ნახელავს,

ხალხში წვეთ-წვეთად ჩაკრეფილს, ქართულ თეატრის მსახველად.

სამსახეობით მოვდივართ, გულით გაგვიღეთ კარები,

აუგად ნურას ჩაგვითვლით — აწ ამას გემუდარებით!

ოქტომბერი, 1958 წელი.

დედაქალაქის 1500 წლისთავის საზეიმო დღეები.

აი, რას წერდა ნ. გურაბანიძე ამ სპექტაკლის შესახებ გაზეთ „კომუნისტში“

„სამსახეობა რაინდისა“.

ძველი ქართული იმპროვიზაციული თეატრი, რომელიც ბერიკების თეატრის სახელით არის ცნობილი, დღეი ხანია ჩვენი მწერლებისა და თეატრის მოღვაწეთა ყურადღებას იქცევს.

ბერიკული თამაშობის მკვეთრი თეატრალური ფორმა ეროვნულ ნიადაგზე აღმოცენებული. მისი სანახაობითი საზენიმო მხარე, ცხოველმყოფელობა განაპირობებდა იმ ინტერესს, რომელსაც მის მიმართ იჩენდნენ ჩვენი სახელოვანი რეჟისორები კ. მარჯანიშვილი და ს. ახმეტელი.

ქართული თეატრის ეროვნული ფორმების ძიების დროს, სათანადო მასალის უქონლობა მათი მისწრაფებების განხორციელების საშუალებას არ იძლეოდა. ამიტომ გასაჯებია ის ინტერესი, რომელსაც ჩვენი მაყურებელი იჩენს ლ. გოთუას პიესის „სამსახეობა რაინდისა“ მიმართ. ამ პიესაში გაცოცხლებულია ნიღბების თეატრის შრავალი შესანიშნავი მხარე, მისი ცხოველმყოფელობა, მახვილგონიერება, სანახაობრივი ელემენტები. ავტორი ჩვენს თეატრალურ წარსულს უყურებს უფრო ფართოდ და პიესაში თამამად შემოაქვს ძველი მისტერიული ქმედების საფერხულო წყობის, ყვენობის ელემენტები, მიაჩნია რა, რომ ბერიკების თეატრი თავისი შეუზღუდავი შესაძლებლობებით თავისუფლად შეისისხლხორცებს მათ. ამ მიზნით ლ. გოთუა წარმართული და უძველესი ხანის სანახაობით ამბებს („ნიშხანიშხა“, „ძაბრალა“) ართმევს პირვანდელ აზრს და პიესის დედა აზრს უმორჩილებს.

გასაჯებია ავტორის კეთილშობილური მისწრაფება, მას არ უნდოდა მოეხდინა ძველი ნიღბების თეატრის რესტავრაცია ან სანახაობითი ელემენტების უბრალო დემონსტრაცია. მან მოიწადინა ყველა ისინი ერთი ძირითადი აზრის გამოსახვისათვის დაემორჩილებინა, მაგრამ იმდენად მძლავრი აღმოჩნდა ცთუნება ბერიკული სიუჟეტების, ბერიკების თამაშის, გაპაექრების, სატრფიალო გაშაირებისა, რომ მათ გადასწონეს ავტორისეული აზრი, წაართვეს მას სიმძაფრე და მხატვრული ზემოქმედების ძალა. ავტორს მიზნად არ ჰქონია მხოლოდ ნიღბების თეატრის ბუნების ჩვენება (ამისათვის ერთი მოქმედება იკმარებდა). იგი ნამდვილ შემოქმედებით მიზანს ისახავდა — ეჩვენებინა ცოცხალი ადამიანები, მათი ბრძოლა და სიყვარული. მაგრამ, ჩვენი ფიქრით, მოხდა აღრევა — ვერც პიესისა და ვერც სპექტაკლის მიხედვით ვერ ვიხივებ ბერიკები როდის თამაშობენ, როდის ეთიშებიან ნიღბებს და როდის გვიჩვენებენ თავიანთ ბუნებას.

სპექტაკლი იწყება მაღალი ტონალობით, მხიარულად ხან-

გასმული თეატრალობით. ეს საზეიმო განწყობილებაა ბერი-
კული წარმოსახვისა (თეატრში თეატრი). ცხოველი რიტმი შე-
ნარჩუნებულია მთელი პირველი მოქმედების მანძილზე, დამ-
დგმელი რეჟისორი გ. ლალიძე“.

რეცენზიაში შემდეგ ქებაა მხატვარ ი. სუმბათაშვილს,
კომპოზიტორ ა. ჩორგოლაშვილისა და პიესაში მონაწილე
მსახიობებისა.

შემდეგ ავტორს მოჰყავს თავისი მოსაზრებანი და გან-
საზღვრები.

საბოლოოდ აღნიშნავს, რომ, მიუხედავად ზემოთქმულისა,
ეს სპექტაკლი ჩვენს თეატრალურ ცხოვრებაში უთუოდ და-
დებით მოვლენად უნდა იქნას მიჩნეული, ვინაიდან მან თვალ-
შათლივ გვიჩვენა ჩვენი ხალხის ცხოვრების მრავალი ძვირ-
ფასი მხარე.

27. I. 1955 წელი.

ჩ ე მ ო კ ა რ გ ე ბ ო !

გულითადად უველას სახელდებით და დაუსახელებ-
ლად მოგილოცავთ ახალ წელს საუკეთესო სურვილე-
ბით.

ესეც მე-20 საუკუნის ორმოცდამეთხუთმეტე წელი-
ამ ასაკს ჩემი ასაკი რომ მივაზმანოთ, იგი საკმარისად
ხანდაზმულ ქალაროსნად წარმოგვიდგება. მაგრამ, ჩემ-
გან განსხვავებით, კაცობრიობა და დრო მარადუამს
ახალგაზრდაა... მე კი დავბერდი.

ჩვენი ბობოქარი საუკუნის ნახევარზე მეტი გზა განვ-
ლილია, მაგრამ, ვიმედოვნებ, რომ მას ჭერ კიდევ ვე-
ებერთელა შინაგანი ძალა და ცეცხლოვანი საფუარი
აქვს დასულდგმულებული და იქნებ მეტიც, ჭერ არ
გაუმჟღავნებია თავისი მთავარსაბჭოელი სამშობლოს
მრავალი საკითხის მოგვარებაში და დაფუძნებაში

ახალი წელი, ეს უამი ჩვეულებრივი დღე-ღამის გაყ-
რა სრულიადაც არ არის, ასტრონომიის თვალსაზრი-
სით, რა თქმა უნდა, არც უჩვეულო არაფერია. განუ-

ზომელი მსოფლიო მექანიკის კანონებს ძველებურად ემორჩილება, მზე მზეობს, დედამიწა ბრუნავს... ვინ უწყის, რამდენი წელია ასე დღევდება და ღამდება ქვეყანაზე, თუ არ ჩავთვლით ამ ჩრდილო ჯოჯოხეთს, სადაც ყველაფერი შებრუნებულია, მაგრამ წელთაღრიცხვაში მაინც იგივე შეგნებულ ცხოვრებაში ტრადიციულად ქცეულ პირობითობას საერთოდ დიდი მნიშვნელობა და ძალა აქვს — ასეთი დიდი პირობითობაა ახალი წელი.

კაცობრიობის ისტორიაში ოცნებას უდიდესი დამსახურება მიუძღვის, ხოლო ყველაზე აღიარებული ოცნება და კეთილი სურვილების დღე ახალი წელის უხილავი მიჯნა გახლავთ. ამ დღეს ყველა ოცნებობს და ბედნიერია ზღაპრული ნაცარქექიიდან მიჭაჭკვულ ამირანამდე, ყველა ცოცხლისა და მოაზროვნის ჩათვლით.

მეოცნებე კაცი კი ყოველთვის უფრო გულკეთილი და ლმობიერია.

ოხ! რა ძნელია, თვალს რომ დახუქავ და მძიმე დროის მაჯის ცემას განაბულად უსმენ, ადამიანის სევდას გაინაპირებ და ფიქრით კეთილი მომავლისაკენ გაიტყორცნები. ახალი წელი ორ წელს ერთბაშად იტევს, ორმაგად ბზინავს „შარშან“ და „გაისი“ და, მე ვფიქრობ, რომ ხურჯინიც ახალი წლის ღამეს არის გამოთარგული, მასაც ამიტომ აქვს ორი უბე.

მეც მინდა, რომ სამშობლოში ბოლოს და ბოლოს სავსე ხურჯინით მოვიდე მეკვლედ. ნატვრას ხომ უჩინმაჩინის ქულის გარდა უხილავი ოცნების ფრთებიც ასხია.

მეც თვალებს რომ დავხუქავ და ჩემი ცხოვრების სიღრმეში ოცნებით გადავიხედავ, ყველაფერი ისე ირევა, თავბრუ მესხმის და ისევ და ისევ მეხსიერებას და ნებისყოფას ამოვეფარები.

ამ დღეს ვულოცავ ყველას — სამშობლოს შვილებს და სხვებს, საქართველოსთვის კეთილმსურველს. ჩვენთან, სამშობლოს მიღმა გაცამტვერებულ, დაკნინებულ ხალხში გულმხურჭალე, ალალ-მართალ მხოლოცებებში როგორი კეთილი ნატვრა, სურვილები და ზრახვებია, რაც მთავარია, მომავლის რწმენაა ჩაქსოვილი. დე ას-

რულდეს ჩვენი ნატვრა-ოცნება, ვიხილოთ თავისუფალი სამშობლო და ჩვენც იქნებ გვეღირსოს სამშობლო-მოწყურებულებს სამშობლოში დაბრუნება.

მე მაინც იმედს არ ვკარგავ და მტკიცედ ვეცდები კიდევ ამ წრახვების ასასრულებლად.

გოცნით ბევრს.

თქვენი ლე ვ ა ნ ი“.

„ჩ ე შ ო კ ა რ გ ე ბ ო“

20. IV. 59 წელი.

ეს წერილი გამოვატანე ვერა ლორთქიფანიძეს. მე მეგონა თამარ კილაძე უკან წამოვიდოდა, ჭერ არ ჩანს.

ვარ კარგად. მდგომარეობა უცვლელია, ველი ვადის დამთავრებას. ვადას კი სულ მოკლე ხანში ვამთავრებ, ამასთან დაკავშირებით ვლელავ, სულ ერთი თვის ფარგლებშია.

მდგომარეობა მე პირადად ასეთი მაქვს: წარდგენილი ვარ ინვალიდობაზე, მაგრამ ჭერ არ ვარ. გაფორმებული. ჩემი ვადის დამთავრებამდე თუ გაფორმდა ეს, უფრო მეტი შესაძლებლობაა საქართველოში დაბრუნებისა, თუმცა აქ ინვალიდებიც სხედან.

ჩემს საქმეს ის აჩქარებს, რომ ვადა მიმთავრდება. ჩემი განთავისუფლების შესახებ მოსკოვიდან თუ არ მოვიდა პასუხი აქაურ შეკითხვაზე, მაშინ უსათუოდ ვორკუტაში დამტოვებენ კომენდატურასთან მიმაგრებით, ეგრეთ წოდებულ თავისუფალ გადასახლებაში. ამიტომ ვარჩევ ბანაკში დარჩენას საკითხის საბოლოოდ გადაწყვეტამდე.

აქედან ყველაზე გზავნიან მოსკოვში შეკითხვას. მით უფრო „ОСО“-ს მისჯილთა შესახებ. პასუხამდე მე მაინც ბანაკში დარჩენას ვარჩევ და საბოლოოდ თავისუფლების ლოდინს. ეს საქმეს უფრო დააჩქარებს, ვინაიდან ბანაკისათვის ეს „საგანგაშო მდგომარეობაა“— პატიმარი განთავისუფლებაზე უარს ამბობს და კვლავ ბანაკში

რჩება. ვფიქრობ ამით შესაძლებელია სასწაულიც მოხდეს. დიდი ამის შორწმუნე არა ვარ, მაგრამ ვვარაუდობ. ასე ვალაგებ ცხოვრებას. თქვენ კი ყველაფერი გაითვალისწინეთ. წიგნები და საერთოდ რასაც გთხოვდით, გამომიგზავნეთ. მომწვდა მანდაური ხმები „რეაბილიტაციის“ შესახებ. მე ეს როგორღაც ვერ წარმომიდგინია, რა დანაშაული მაქვს, რომ რეაბილიტაცია მჭირდება. მთავარია ცოცხალი გადავრჩი, ჩემს თავს კი ახლა მე თვითონ ვუშველი. საქმოდ ტრაგიკომიკური მდგომარეობაა! თუ ინვალიდობით მომცეს შელავათი, მაშინ ალბათ დამჭირდება ცნობა მეურვეობის შესახებ. თავის დროზე შემოგივლით.

მე კვლავ ვმუშაობ მაღაროშიც და ჩემთვისაც — ვწერ. თუ მეღირსა ჩამოსვლა, „ხურჩინს“ სავსეს ჩამოვიტან.

აბა, გულითადი მოიკთხვა ყველას, ვისაც ვახსოვარ. როგორ არიან დაბრუნებულები? კოტეს წერილი მივიღე ინტიდან.

დანარჩენ ჩვენი ცხოვრების ავ-კარგს ალბათ ბარათის მომტანი ვიამბობთ.

იყავით კარგად, გკოცნით.

თქვენი ლ ე ვ ა ნ ი“.

„ჩემო კარგებო!

26. V. 55 წ.

დღეს ავიაფოსტით ბანაკიდან გამოვგზავნე რუსული წერილი — მეურვეობის ბარათის ნიმუშით. დღეს ვწერ ამ წერილს.

ჩემი მდგომარეობა ასეთია: ვადას ვამთავრებ 12. VI. 55 წელს, უკვე ოფიციალურად გამომიცხადეს ეს საბედისწერო დღე, რადგან მოსკოვიდან ჯერ პასუხი ჩემზე არ მიუღიათ, როგორ მოიქცენენ, არ იციან. აქაური წესი კი ასეთია: მუდმივად თავისუფალ გადასახლებაში კომენდატურასთან მიმაგრებით ვორკუტაში აგზავნიან ყველას. მე უკვე ვორკუტაში წასვლაზე უარი განვაცხა-

დე იმ საბაბით, რომ ვარ ინვალიდი (ახლახან გამაფორმეს). მოსკოვის პასუხს მინდა აქვე, ბანაკში დაველოდო. თუ მაინცდამაინც ამიხირდნენ, ჩათვლებს უკან დავუბრუნებ საპირო რაოდენობით და მეტიც, ჯერ თითქოსდა მთანხმდებიან, გამაფრთხილეს მეურვეობის ბარათი გამოიწერო. ამიტომ გწერთ კიდევ.

ახლა მეურვეობის შესახებ: უნდა გააფორმოთ ერთი თბილისში, მაგრამ შეიძლება დადებითი პასუხის შემთხვევაშიც თბილისში არ გამომიშვან, რადგან რესპუბლიკის ცენტრია. ამ გარემოებამ შესაძლოა გაფორმება შეაფერხოს. ამიტომ საპიროს საღმე რაიონის მისამართითაც, მაგალითად, ლანჩხუთი, ჩიბათი, ძიმიტი თუ სხვა, თბილისთან უფრო მახლობელი რაიონი. ეს აქ ფორმალური მხარეა, მაგრამ აუცილებელი. თინა, თბილისში უმჯობესია შენს სახელზე გააფორმო მეურვეობა. თუ ეს რაიმე მიზეზით უხერხულია, მაშინ თამარის ან მზიას სახელზე. იქნებ რაიონში თქვენ ერთ-ერთის სახელზე მოახერხოთ თუ ვერა და, მაშინ ნათესავები — ბიძაშვილები მონახეთ.

მეურვეობა სასწრაფოდ გამომიგზავნეთ, გამოგზავნა დეპეშით მაცნობეთ.

ცნობა უსათუოდ შეამოწმებინეთ სანოტარო კანტორას თუ რაიონიდან იქნება, — რაისაბჭოს. მთავარია, რომ დერბიანი ბეჭედი იყოს.

მე ყოველივეს ვიღონებ. მაგრამ მაინც შეეჭვება თბილისში ჩემი ჩამოსვლა. გულითადი მოკითხვა ყველას. როგორ არიან პატარა თამრიკო და დედამისი? დევი ბიჭი? დედა? და თქვენ სუყველა? ასეთ კრიტიკულ დროს თქვენთან ყოფნა უფრო მძაფრად და სასტიკად მომინდა.

გოცნით ყველას.

თქვენი ლევანო“.

27. VII. 55 წელი.

ყველაფერი მიღებული მაქვს — მეურვეობის ქალღმერთიც ყოველმხრივ და ყველა ვარიანტი (თინა, თამარი), დაწესებულებამაც მიიღო. ახლა საქმე მოსკოვის პასუხზეა და, ჩანს, ეს არც თუ მალე იქნება. მითხრეს, 2 თვე მაინც არის საჭიროო. იქნებ მეტიც.

მაშ მდგომარეობა ასეთი შეიქნა: ვადა 12. VI გავათავე, აქვე გარეთ მიშვებენ აქაურ კომენდატურაზე მიმაგრებით. როგორც გწერდით, მე უარი განვაცხადე. გადამიყვანეს „მსუბუქი რეჟიმის“ ბანაკში, ესე იგი უყარაულოდ დავდივარ სამუშაოზე და დასვენების დღეს შეიძლება ქალაქში ან სხვაგან ვასვლა.

ერთი სიტყვით, თუ რამე არ გამოცვალა და თუ მაინცდამაინც ძალით გარეთ არ გამოგდეს, რამდენიმე ხანს აქ დავრჩები და აქვე ძველებურად ვიმუშავებ.

თქვენ მანდ ნუ დელავთ და ნურც აღფრთოვანდებით ნადარევად. მოთმინებით დაველოდოთ შედეგს.

მანდაური ამბები ჩემს ირგვლივ (თეატრიდანაც და მწერალთა კავშირიდანაც) მეთმა, მაგრამ პრაქტიკულად შედეგის მქონედ გამოდგება თუ არა, ამასაც ვნახავთ. მაინც, ჩანს, კეთილმსურველი ხალხი არ დალეულა საქართველოში სანუგეშოა... კეთილი, თუ დავბრუნდი, — არც მე მოვალ ხელცარიელი!

მე პირადად კი იმდენი წაღმართ-უკუღმართობა ვნახე ცხოვრებაში, სრულიად არ ვღელავ. ვფიქვარ ჩემთვის და ვმუშაობ... ხელი მეშლება ზოგი წიგნისა და საწერი ქალღმერთის მიუღებლობის გამო. ასე მივეჩვიე ყველაფერს და საქართველოში თუგინდ ერთი დღე სიცოცხლისათვის ასე წლის მოთმინება მაქვს.

ახლა თქვენი ჩემთან აქ, ვორკუტაში ჩამოსვლის შესახებ: ჭერ, რა თქმა უნდა, ჩემი საქმე უნდა გაირკვეს. მერე კი თუ, საუბედუროდ, აქ დავრჩი, უსათუოდ ჩამოვდი. ეს კი არის, მგზავრობაში გამწარლებით.

დიდად მონატრებულები ვართ მზეს. დღეს 28. VII.

და დიდი თოვლქუაპია. მზე ჭერ არ გვინახავს. ჩვენც თავისებური „მზეთუნახავები“ გახლავართ!

გავიგე შალვა ღამბაშიძის და ლევან ასათიანის სიკვდილი, მეტად მეწყინა. შალვას შესახებ — თეატრსა და მის ოჯახს ერთად მივწერე სამძიმარი, ალბათ მიღებული ექნებათ. ასეთი კაცის დაკარგვა მარტო თეატრისათვის კი არა, საქართველოსათვისაც დიდი დანაკლისია. პირადად ჩემთვის კი, ნუ იტყვით, ის მარტო ჩემი პიესების გამირი კი არ იყო, არამედ ჩემი ერთგული მეგობარი და საიმედო ქართველი.

ლ. ასათიანის მეუღლე, თინა, თუ ნახოთ, ჩემი ღრმა თანაგრძნობა და გულისტკივილი გადაეცით პატიოსანთა — უპატიოსნისი, ქართველთა — უქართველესი, მწერალთა-მწერლის გარდაცვალების გამო. დიდად სამწუხაროა და დასანანი. ბინის მისამართი ვიცოდე, უსათუოდ მივწერდი. სულ მიდის და მიდის საუკეთესო ხალხი, ჩემი სათაყვანებელი და საიმედო ადამიანები, ვაშა, მათ მაინც — ვინც სამშობლოს მიმართ ვალმოხდილი მიდის! ეტყობა, მე თუ დავბრუნდი, ბევრს, ვინც მე ცოცხალი მგონია, ველარ ვნახავ? ასეთია ცხოვრება... მათ მაგივრად — ბევრს დავაუკაცებულად და ახალდაბადებულად ვიხილავ.

ყველა მომიკითხეთ ჩამოუთვლელად, მაგრამ გული-თადად.

თქვენი ლევანი“.

9 ივლისს ლევანმა მზიას მისწერა საბასუხო წერილი მოსკოვში — უხაროდა, რომ მზია სამოგზაუროდ წავიდა. მზია ეხვეწებოდა ლევანს მოსკოვიდან ვორკუტაში ჩამოვალო, რაზედაც ლევანი არ დათანხმდა — აქ შენი ჩამოსვლა, ისიც რამდენიმე დღით და მით უფრო ახლა, სულ არ ღირს: ასე რომ, კარგად იმოგზაურე და შინ მშვიდობით ჩადი, იქნებ იქ შეგხვდეთო.

ჩემი ვადა დამთავრდა 12.VI. დღეს კი ისევ გამო-
მიცხადეს ბანაკის დატოვება და ქალაქ ვორკუტაში გა-
დასვლა. ესეც ისევ ჩემი ბედის უკუღმა ტრიალია. მე,
რა თქმა უნდა, ასეთ განთავისუფლებაზე უარი განვაცხა-
დე. ისევ დავწერე განცხადება, სანამ მოსკოვიდან ჩემს
შესახებ პასუხი არ მოვა, ჩათვლები უკან წაიღეთ და მე
აქ დამტოვეთ-მეთქი.

ხალხი ციხიდან წასვლაზე ოცნებობს, იბრძვის, მე კი
ციხეში დარჩენაზე ვხლადფორთობ, პარადოქსია, არა?
„წყალწალღებული ხავსს ეკიდებოდაო“, სიმწრით ნაანგა-
რიშევ ჩათვლილ დღეებს უკან ვაბრუნებ. ისევ ჩავედი
სამუშაოდ ღრმა მაღაროში.

მე ასეთი შეკვეცილი, ფრთებჩამოჭრილი თავისუფ-
ლება აღარ მინდა.

პატიმრები, ზედამხედველები და უფროსები გაკვირ-
ვებულები და შეწუხებულები შემომცქერიან, ჩემს ჭიუ-
ტობას ჭკუაზე შეშლას აბრალებენ: ლევანი ისე მიაჩ-
ვიეს ამ ცხოვრებას, რომ თავისუფლად უკვე ველარ იცო-
ცხლებსო, ირონით ამბობენ ისინი. ჩემს ტრაგიკომე-
დიას დასცინიან, ასეთი რამე ბანაკის პირობებში არ
მომხდარაო. დაპატიმრების კანონი დიდი ასოებითაა და-
წერილი, პატიმრის საპატიმროდან ძალით გაგდების კა-
ნონი კი არ არსებობს. პატიმარი სიხარულით, თვითშეგ-
ნებით, თვითნებურად უნდა წავიდეს განთავისუფლების
შემდეგ. აქაც ასე ხდება. ახლა კი მე შევცვალე ყველა-
ფერი. ჩრდილოელი ქართველები შეწუხებულები და
აღფოთებულები მეხვეწებოდნენ და მარწმუნებდნენ,
ლევან, ქალაქში მაინც სულ სხვაა, ზედამხედველების,
ძაღლების, ნომრის, ძმულებითი შრომის, დამცირებისა
და დაცინვის გარეშე იქნება ჩვენთან ერთადო. ჩვენ და-
გეხმარებით ყოველმხრივ, უფრო მეტს დაწერ და შენს
მწერლობას გააღრმავებო. მე გავჭიუტდი — ეს ხომ ჩემი
სამუდამოდ საქართველოს, თბილისის და თქვენს გარე-
შე არსებობა იქნება და არა ცხოვრება, რომელიც

ვგრძნობ თანდათან იფერფლებსა-მეტჲი. ასეთ სიცოცხლეს და თავისუფლებას, მით უფრო ახლა, უკვე ველარავიტან. ინვალიდობაც ხომ იმიტომ მოვიჩიწეზე. მართალია, გასივებული ფეხებიც დამეხმარა, ჩემს დამხმარე ექიმებს ხელმოსაკიდებელი ჰქონდათ, თორემ მე ჯანმრთელობის მხრივ კლდესავით მაგარი ვარ, სულით, ხორციით თუ ხასიათით — კიდევ უკეთესი!

ღიას, „მეტად მძიმე და ძნელი“ წლები გადავიტანე, ცხოვრებაში ხშირად სილამაზეს და სიხარულს მწარე სიმახინჯე და ტანჯვა აქვს გადაჭარდინებულიო. სწორედ ჩემზეა ნათქვამი. მე სილამაზეზე აბა რას ვიტყვი, აღსავსე ვიყავი სამშობლოს ბუნებით და მისი სიყვარულით. ამაზე ლამაზი არა წარმომიდგენია რა. სიხარულის მხრივ კი პირადად მე ზღვაში ერთი წვეთი მერგო. თვითონ განსაჩეთ. უსასრულობასთან, სიმახინჯესთან და ტანჯვასთან კი პირისპირ ბევრგზის დიდი და მძიმე ჭიდილი შემხვდა ჩემს ეკლიან გზაზე უხვად გადასატანი.

ბევრი მქონია უმძიმესი წუთებიც, სიცოცხლეც აღარ მინდოდა, თვითმკვლელობამდეც ვიყავი მისული, მაგრამ გადავლახე ეს საშინელი ზღურბლი. სამშობლოს სიყვარულმა, დაულაღავმა შრომამ, გულში მალულად ჩაქსოვილმა იმედის ნაპერწკალმა გადამატანინა ყოველივე.

ჩემი გრძელი ვადის პატიმრობაში რა პროფესია არ შევიძინე, დაწყებული მძიმე და ფიზიკური შრომიდან, გათავებული საპატიო თანამდებობით. გავინაწილე ტაიგაში ხე-ტყის მუშის მძიმე ხვედრი, ტუნდრაში — იძულებითი მიწის მუშის გაჭირვება, — უბრალო შავი მუშის მძიმე შრომა პატიმრის ყოფით. შემდეგ კი ჩემმა „განათლებლამ“ იმძლავრა — გზა გამიკაფა. გავხდი სანიტარ-დამლაგებელი, გადამწერი (საქმეთა მმართველი), ბუღალტერი, ეკონომისტი, პედაგოგი, ფარმაცევტი, მემალაროე-გამთხრელი, მაღალი ძაბვის მონტიორი. ეს ჩემი ძირითადი პროფესიებია, შიგადაშიგ წვრილმანს ვინ მოთვლის. ვიყავი პატიმარი საკონცენტრაციო ბანაკის, კატორღელი, დანომრილი, გვარწაშლილი. ვიჭეჭი სხვადასხვა სახის „იზოლატორში“, რამდენჯერმე „სასიკვდილო საკანში“ ჩაბორკილიც, დახურულ ციხეებს ხომ

ნუ ჩამოთვლით — თბილისის, მოსკოვის, სოლოვეცების, ნარიმის, ბიისკის. ეტაპებით სად არ მათრიეს, სად არ გადამაგდეს, სად არ მაწვალეს, უველაფერს რომ ჩავეუვი და გავიხსენე, თვითონ განვცვიფრდი: ნუთუ ყოველივე ეს მე შემხვდა წილად, ენით აუწერელი საკვირველებაა, წარმოდგენაც ძნელია და მე თვითონ მიკვირს, როგორ გავუძელი და გადავიტანე. ჩემს თავზე მძიმე ზღაპრად ნამდვილმა ჯოჯოხეთმა გადაიარა.

ფიქრობ ერთი ადამიანისათვის ეს ბევრზე ბევრია გადასატანად და დაუჭერებელიც! მაგრამ ეს მწარე ფაქტია და სინამდვილე. განა მე მარტო ვარ ამისთანა? მილიონობით ხალხია გაწუვეტილ-განადგურებული, ცოცხლად დამარხული, უუფლებოდ დარჩენილი, დაკნინებული-დაჩაჩანაკებული.

ამის შემდეგ თვითონ განსაჯეთ, ამ წყობაზე რა უნდა ითქვას!..

მე ახლა ხანდაზმული ვარ, 50 წლისა. გადატანილი ჭირ-ვარამით მთელს ჩემს ცხოვრებაზე ბევრად უფრო ასაკოვანი და ხანდაზმული. ახლა კი ჩემს თავზე ექსპერიმენტებს ველარ ავიტან. მე მარტო ჩემი სამშობლო მინდა და იქ მერგოს სასუფეველი. ეს რომ ცოტათი აღრე მეთქვა, ალბათ მეც გამანადგურებდნენ, მომსპობდნენ, ახლა კი შეიცვალა მთავრობა, 'აქაც შერბილდა რეჟიმი, ჰოდა იქნებ მეშველოს რამე.

უკვე გავიდა რამდენიმე თვე, ბევრს, ჩემსავით უღანაშაულო პატიმარს, გაუთავდა 10-წლიანი ვადა და მე მომბაძა ბევრმა, ჩათვლილი დღეები ჩემსავით უკან დაუბრუნა ბანაკს. ჩვენ ბევრზე ბევრი აღმოვჩნდით ამისთანები და უფრო გავთამამდით. მოსკოვიდან ჩვენს შესახებ პასუხი იგვიანებს. ბანაკს კი აწყობს, მუშახელი სჭირდება. ამიტომ ყველანი ყაბულს ვართ. მერე სამუშაოზე გასვლაც შევწყვეტეთ და გაფიცვა მოვაწყვეთ.

გაფიცვა ისევ საყოველთაო გახდა. სოლიდარობის მიზნით სხვა პატიმრებიც გაიფიცნენ, შემოგვიერთდნენ. თითქმის ყველა მაღარო გაიფიცა. ისევ წარმოიშვა საგაფიცო კომიტეტიც. გაფიცვას სათავეში ჩაუდგა ჩვენი მეგობარი იგორ დობროშტანი.

როგორც ყოველთვის, ქართველები ისევ მოწინავე ხაზზე აღმოვჩნდით. ვფიქრობ, ეს გაფიცვა უსათუოდ თავისუფლებას მოგვიტანს, თუ სადმე დარჩა სამართალი. თითქოს წინათგორძნობაც ამას მეუბნება. ეხ! რამდენი არასაპირო ამბავი მოგწერეთ, ჩემს რწმენას გადავუხვიე, მაგრამ საბოლოოდ ჩემი გულისთქმა ვთქვი, გულის ამონაკენისი მოგწერეთ. ეს არის და ეს.

ისე ჭანმრთელად და მხნედა ვარ. მაგრად, ბრძოლის სულისკვეთებით განწყობილი, მომავლის რწმენით გამაგრებული, პატიმრობის ვადის დამთავრებით გათამამებული.

თქვენც მხნედ და მაგრად იყავით, ჩემს მომავალს შეეგუეთ.

ღისურვებთ ზაფხულის კარგად გატარებას, დასვენებას, გაჭანმრთელებას და მოლოდინს. ვნახოთ!

ჯოცნით ყველას,
თქვენი ძმა ლევანია“.

„ამრიგად, 1955 წლის ზაფხულში ვორკუტის ბანაკებში გამოცხადდა საყოველთაო გაფიცვა. დაარსდა საგაფიცო კომიტეტი, რომელსაც სათავეში იგორ დობროშტანი ჩაუდგა. გაფიცვის ძირითადი მიზეზი მაინც პატიმრების მიმართ არაადამიანური ცხოვრების პირობები იყო, რის გამოც მასიურად ილუპებოდნენ ადამიანები, — წერს ყოფილი პატიმარი შალვა ჩხეიძე. — საგაფიცო კომიტეტი მოითხოვდა: უკანონოდ დასჯილ და ვადადამთავრებულ პატიმართა სამშობლოში დაბრუნებას, ბარაკებში ცხოვრებისა და შრომის მძიმე რეჟიმის შეცვლას, თავისუფალ გადასახლებაში, ქ. ვორკუტაში პატიმრების ნებაყოფლობით დატოვებას (ვინაიდან ბევრი იყო ისეთი, რომელიც აპირებდა მაღაროებში მუშაობას — მათ არ ჰქონდათ ოჯახი, სახლ-კარი და საერთოდ საცხოვრებელი ადგილი). რაც მთავარია, საგაფიცო კომიტეტი მოითხოვდა მოსკოვიდან მთავრობის კომისიის ჩამოსვლას, რომელიც ყველა მწვავე საკითხს ადგილზე, პატიმრებს თანდასწრებით გადაწყვეტდა“.

„პატიმრები თანდათან გათამამდნენ. ბანაკში აჯანყება გამ-

წვავდა. ადმინისტრაციას აღარავინ არ ემორჩილებოდა. ბანაკის ღირეჟცია ისე დაიბნა, არ იცოდა, რა ზომები ეხმარა. ერთ დღეს ისეთი მძიმე მდგომარეობა შეიქმნა, კინალამ ისევე ცეცხლი და ტყვია დაგვიშინეს, მაგრამ აქ დობროშტანმა და საგაფიცვო კომიტეტის წევრებმა, მათ შორის ლევანმაც, იმარჯვნეს, — იგონებს ყოფილი პატიმარი რეზო ტყავაძე.

„ბანაკში უამრავი უცხოელი პატიმარი და ემიგრანტი იყო ტყვედ ჩავარდნილი თუ ისე გადმობირებული და მერე და-პატიმრებული: გერმანელები, ჩეხები, სამხრეთ უკრაინიდან, ბალტიისპირეთიდან, ფრანგები, ბულგარელები, ინგლისელები. მოკლედ, რა რჯულისა და ასაკის პატიმარს არ შეხვდებოდით აქ. ისინი უკვე გრძნობდნენ რეჟიმის შერბილებას და მოითხოვდნენ გასამართლებას და საშუალოში დაბრუნებას, ისინი ერთსულოვნად ჩაებნენ გაფიცვაში“, — განაგრძობს რეზო ტყავაძე.

„ბანაკში აირია ყველაფერი, დაიწყო ზედამხედველებსა და პატიმრებს შორის მუშტი-კრივი, შეხლა-შემოხლა. პატიმრებმა იარაღიც ჩაიგდეს ხელში, ძალით განაიარაღეს ზედამხედველები და გუშაგები. მოსკოვიდან კომისია არ ჩანდა. დღეები მძიმედ მიდიოდა. გაფიცვა და შიმშილი დღითი დღე მწვევდებოდა. შიმშილობდნენ ქართველებიც, მათ შორის ლევანიც. დასუსტებული პატიმრები გონებას კარგავდნენ, ცუდად ხდებოდნენ და სასწრაფოდ სააუადმყოფოში გადაყავდათ. ოღონდ ჯანყი არ გამწვევებულყო და შიმშილობა შეწყვეტილიყო, ბანაკის ადმინისტრაცია ყველა მონაპარაკებაზე მიდიოდა, წინააღმდეგ შემთხვევაში შესაძლოა მძიმე სისხლისღვრა დაწყებულიყო, — იგონებს ყოფილი პატიმარი შოთა შავგულიძე. — გაფიცულებმა მოითხოვეს მოსკოვში მთავრობასთან მოსალაპარაკებლად იგორ დობროშტანი და რამდენიმე პატიმარი გაეგზავნათ, წარმომადგენელთა ჩამოსვლამდე კი შიმშილობა არ შეწყდებოდა. ადმინისტრაცია ამაზედაც დათანხმდა, მაგრამ დობროშტანს ამჯერად არ დასჭირდა მოსკოვში გამგზავრება — მეორე დღეს კომისია ჩამოვიდა. მოსკოვიდან ჩამოსული კომისიის შემადგენლობაში იყვნენ შინსახკომიდან გენერალი ეგოროვი, სსრ კავშირის უშიშროების მინისტრის მოადგილე ხოხლოვი, უმაღლესი საბჭოს სასამართლოს თავმჯ-

დომარე რუდენკო და მინისტრთა საბჭოს თავმჯდომარის მო-
ადგილე“.

„რუდენკომ ძალიან ავტორიტეტულად გამოუცხადა პატიმ-
რებს: კომისია შექმნა და აქ გამოგზავნა საბჭოთა კავშირის
კომუნისტური პარტიის გენერალურმა მდივანმა ამხანაგმა ნი-
კიტა ხრუშჩოვმა. ყველაფერს ადგილზე გავარკვევთ და იმ
ნეგატიურ მოვლენებს, რომელიც სტალინის მძიმე ეპოქას
მოჰყვა, მოვსპობთ. მომავალში ეს საშინელი პოლიტიკური
ბანაკებიც აღარ იქნება, ახლა კი თქვენი საქმეების გარჩევას
შევეუდგებითო. და ყველას გასაკვირად ნამდვილად პატიმრე-
ბის საქმეების გარჩევას შეუდგენენ“, — იგონებს ყოფილი პა-
ტიმარი ვანო შევარდნაძე.

მოსკოვის კომისიას ბანაკის აღმინისტრაციის წარმომად-
გენლებიც შეუერთდნენ. აქ იყვნენ: ბანაკის უფროსი, სასტი-
კი ჩეკისტი შევჩენკო, გენერალი ვუხტიკოვი, შახტის მმართ-
ველი დექტევი, პოლიტგანყოფილების უფროსი, ჩეკისტი, სა-
შიში პიროვნება პოპოვი, მე-16 მაღაროს სარემონტო ბრიგადის
უფროსი (სადაც ლევანი მუშაობდა უკანასკნელ პერიოდში)
ვოლკოვი, შინსახკომელი ვიქტორ ბულბენკო, განსაკუთრე-
ბული ნაწილის უფროსი დერევიანკო (ბანაკის მმართველო-
ბაში იყო აგრეთვე საშინელი, არაადამიანური ჯაშუში ზაპო-
როჟევი, რომელიც პატიმრება გააქრეს — მოკლეს).

პატიმრები კომისიის განცხადებას აღფრთოვანებით შეხე-
დნენ, მაგრამ ორჭოფობდნენ კიდევ, ვინაიდან მთავრობის
ნდობა დაკარგული ჰქონდათ და სიტყვით ამის აღდგენა ახლა
არც ისე ადვილი იყო, თუ არა საქმით დამტკიცება. მაინც
გადაწყვიტეს გაფიცვის გაგრძელება, შიმშილობა კი შეწყვი-
ტეს.

საგაფიცვო კომიტეტის თავკაცმა იგორ დობროშტანმა, ამ
ყოველმხრივ ვაჟკაცმა და განათლებულმა კაცმა, ყოფილმა
ტიტულოვანმა კონტრმზვერავმა, რომელმაც ომის დროს ბევ-
რი საგმირო საქმე გააკეთა საბჭოთა კავშირის გამარჯვები-
სათვის, მკაცრად მოსთხოვა კომისიას ყველა პატიმრის სახე-
ლით: თუ არ გაათავისუფლებენ უდანაშაულო და ვადადამ-
თავრებულ პატიმრებს და ბანაკში საერთოდ არ შეიცვლება
არაადამიანური, მძიმე რეჟიმი, ერთი ჩემი ძახილი და ყველა-

ნი ერთობლივ საშინელებას მოვიმოქმედებთ, თქვენც დაგხოცავთ და ჩვენც დავიხოცებითო.

ყოფილი პატიმრები სანდრო ჩიკოძე, დავით კვიციანი, შოთა შავგულიძე, ვანო შევარდნაძე, რეზო ტყავაძე იგონებენ როგორი აღფრთოვანებული იყვნენ საგაფიცო კომისიისა და განსაკუთრებით მისი უფროსის — ივანე დობროშტანის ასეთი სითამამითა და ვაჟკაცობით. საწყალ პატიმრებს მოთმინება აღარ ჰყოფნიდათ, უმრავლესობა საჩივრებს კომისიის წევრებს ხელში აჩრდიდა, დანარჩენები კი შველას, სინართლის გამარჯვებას და ადამიანურ უფლების აღდგენას მოითხოვდნენ. ყოფილი პატიმარი ბენო ხაჯალია იგონებს: „დობროშტანმა და სხვა საგაფიცო კომიტეტის წევრებმა მთავრობის კომისიის წევრების თხოვნა გადმოგვეცა. კომისია გვპირდებოდა, რომ ყველა საქმეს გაარჩევენ, მხოლოდ ამისათვის კი საჭირო იყო დრო და პატიმართა სიღინჩე, მუშაობაში ხელი არ უნდა შეეშალათ. ჩვენ ამდენი ხნის განმავლობაში სიკვდილის აჩრდილი ჩაგვექეროდა თვალებში. ნამდვილი მოღალატეები და სამშობლოს გამყიდველები კი ფუფუნებაში ცხოვრობენ და თავისუფლად ატრიალებენ შავბნელ საქმეებს, მათაც მიხედეთ, — გაიძახოდნენ პატიმრებო.

აქვე გაირკვა ადმინისტრაციის ავკაცობა: პატიმრების შესახებ მოსკოვში გაგზავნილი საჩივრები და შეკითხვები განთავისუფლების შესახებ თურმე იქვე, ადგილზე იხოდდა და მოსკოვამდე არ მიდიოდა. ამიტომ კველათფერი უშედევოდ რჩებოდა. ისიც გაირკვა, რომ ნ. ხრუშჩოვის ხელმოწერილი მთელი რიგი ახალი კანონები, რომლებიც პოლიტპატიმრების შელავათებს შეეხებოდა, გამოუყენებლად, მაგრად იყო ბანაკის სეიფებში ჩაკეტილი.

ამრიგად, კომისიამ გამოარკვია ბანაკის ადმინისტრაციის სასტიკი თვითმმართველობა. დაიწყო ბანაკის ადმინისტრაციისა და ზედამხედველობის მოხსნა-განთავისუფლება და მათი დასჯაც კი.

მოსკოვის მთავრობის კომისია ძალიან აქტიურად შეუდგა მუშაობას, შედეგიც გამოჩნდა — დაიწყო პატიმართა განთავისუფლება და სამშობლოში დაბრუნება. ბანაკებში იმდენი პატიმარი იყო თავმოყრილი, რომ ყველა საქმის გარჩევას

სჭირდებოდა გარკვეული დიდი დრო. გაფიცვა გრძელდებოდა. არც ერთი მალარო არ მუშაობდა, ზარალიც დიდი იყო.

მალაროს ადმინისტრაცია ყოველგვარ შეთანხმებაზე მიდიოდა, ოღონდ პატიმრებს მუშაობა აღედგინათ.

საგაფიცვო კომიტეტმა თავისი მოთხოვნა წამოაყენა: პატიმრები იმ შემთხვევაში შეაჩერებდნენ გაფიცვას და შეუდგებოდნენ მუშაობას, თუ მოსკოვში, მთავრობაში გაიგზავნებოდა მათი წარმომადგენლები, რომელთა შემწეობით შესაძლებელია რაიმე ერთობლივი კანონი მიეღოთ. პოლიტიკური უღანაშაულო პატიმრების ადრეულად განთავისუფლებასათვის საგაფიცვო კომიტეტი და ადმინისტრაცია შეთანხმდნენ და იგორ დობროშტანი მოსკოვს გაემგზავრა.

პატიმრებმა გაფიცვა შეწყვიტეს და მალაროში სამუშაოდ ჩავიდნენ.

მთავრობის კომისია კი ადგილზე განაგრძობდა მუშაობას.

კომისიამ პირველ რიგში ბანაკს მოაცილა სისხლისმსმელი უფროსები, მძიმე ჩეკისტები და ზედამხედველები, რასაც სამაოდ დიდი დრო დასჭირდა, შემდეგ კი პატიმრების საქმეების გარჩევას შეუდგა.

„დაიწყო პატიმრების განთავისუფლება, შეიძლება სასწაული მოხდეს და მეც მერგოს მესამეჯერ, და ალბათ საბოლოოდ, სამშობლოში ჩრდილოეთიდან დაბრუნება, — იწერებოდა ლევანი... — შიშითა და მუქარით, ტანჯვითა და წამებით გატეხილმა და ხმაჩაქმენდილმა ხალხმა ახლა, სტალინისა და ბერიას სიკვდილის შემდეგ, კომისიასთან ხმა ავიმალეთ, გავთამამდით და ყველანი თავისუფლებას მოვითხოვდით. დღე დღეს მისდევდა, კვირა კვირას, მოთმინება თანდათან მეღეოდა. ბევრმა მირჩია, კომისიისათვის თვითონ მიმეკითხა, ვინაიდან არავინ იცოდა რიგი როდის ზომიწევდა ან კომისია როდის გამომიძახებდა. ისე კი განსაკუთრებული პატიმარი ვიყავი — ვადადამთავრებული, განთავისუფლებული და ისევ პატიმარი.“

ბოლოს ველარ შევიკავე თავი — თავისუფლებისა და სამშობლოში დაბრუნების გრძნობამ ყველაფერს გადასძლია და, თვითონ გამიკვირდა, როგორ თვითნებურად შევევარდი.

კომისიის წინაშე აღმოვჩნდი საშინლად აღელვებული, აფორიაქებული და აღშფოთებული, ძლივს მოვთოკე ჩემი

თავი, ძლივს დაეწყნარდი. რუდენკოს და ჩემმა საუბარმა 2 საათს გასტანა. აქ მარტო ჩემ თავგადასავალზე კი არ იყო ლაპარაკი. ვლაპარაკობდით საერთოდ საბჭოთა კავშირის მთავრობის არასწორ პოლიტიკაზე პოლიტპატიმრების მძიმართ, კერძოდ, უდანაშაულო პოლიტპატიმრებზე, ტყვეებზე, დაპატიმრებულ ემიგრანტებზე, ბანაკებში არაადამიანური რეჟიმის არსებობაზე, სისასტიკეზე, ჩვესტების თვითნებობაზე, უდანაშაულო მსხვერპლზე. მოკლედ, რა არ ვთქვით, მე სულ ლაპარაკად გადავიქციე და ბოლოს ისიც დავაყოლე — ურიცხვი გამშრალი, გაშიშვლებული, კახექსოური, დაკნინებული და მეობადაკარგული ადამიანი ისეთივე მძიმე სანახავია, როგორც წალეკილი და გაოხრებული სამყარო-მეთქი. რუდენკო ძალიან ყურადღებით მისმენდა და ჩემი ყოველი სიტყვა მასზე დიდ შთაბეჭდილებას ახდენდა.

რუდენკომ ჩემი საქმეც მოიკითხა. როგორც საერთოდ უმრავლესობა პატიმრებისა, ჩემი საქმე არ აღმოჩნდა აქ. მაშინ საერთო სიაში ნახეთო, ბრძანა რუდენკომ. ბევრი ეძებეს ჩემი გვარი, მთელი სიები, დავთრები და წიგნები გადაატრიალეს, მაგრამ არსად არ ვირიცხებოდით.

— ეს ჩვენი პატიმარი არ არის, — განუცხადა რუდენკოს ბანაკის უფროსმა, — როგორც პატიმარი, ჩვენთან არსად არ ირიცხებაო.

ეს ცნობა ელდასავით მომხვდა, თავიდან ფეხებამდე დამიარა.

— როგორ? — არაადამიანური ხმით შევიცხადე მე, თვითონ გამიკვირდა ჩემი ხმისა. — ესე იგი ამდენი წლის მანძილზე მე სრული არარაობა ვიყავი და სიკვდილის შემთხვევაშიც უბრალოდ არც კი ჩამომწერდნენ. რამდენი ტანჯვა-წვალეზა გავიარე აქ და როგორც პატიმარი არ ვირიცხებოდი? მაშინ რაღა ვიყავი? ესეც ჩემი ბედ-იღბლის კუდის მოქნევა და დაცინევა იყო. ამ ამბავმა ჩემზე ნაკლებად არც რუდენკოზე იმოქმედა.

მე მერე მივხვდი, რაშიც იქნებოდა საქმე. პირველ ხანებში მე ხომ დანომრილი კატორღელი ვიყავი; მერეც რამდენჯერმე დაგვნომრეს, შემდეგ, ალბათ, აღარ გადამწერეს დავთარში და ასე, მექანიკური შეცდომის გამო, დავრჩი უკვალოდ, ყოველგვარი აღრიცხვის გარეშე.

რუდენკომ იქვე დააბეჭდვინა ჩემი განთავისუფლების და სამშობლოში დაბრუნების ბრძანება, ხელი მოაწერა, ბეჭდით დაამოწმა, ხელი მტკიცედ ჩამომართვა, გამიღიმა და სამშობლოში კეთილი მგზავრობა მისურვა.

ჩემი განთავისუფლების და სამშობლოში დაბრუნების ამბავი ელვის სისწრაფით მოედო ბანაკს. არც მოველოდი, ისეთი ამბავი ატყდა. ყველა ჩემკენ გამობოდა სიხარულით, მილოცავდნენ ბედნიერებას. უზომო სიყვარულით მეხვეოდნენ, მკოცნიდნენ. ვაჟაკურ ცრემლებს ღვრიდნენ, აღფრთოვანებულმა ქართველებმა, ჩემი მძიმე დღეების ძმებმა, მეც გული ამიჩუყეს, თვალი თვითნებურად ამიცრემლდა. ამისთანა განშორებას არ მოველოდი და ვერ წარმომედგინა.

სიხარულმა ფრთები გაშალა, ოცნებამ ყოველგვარ ზღურბლს გადააჭარბა. ჩემს ირგვლივ შეკრული რკალი თანდათან იზრდებოდა. აქ იყვნენ არა მარტო ჩემი მიწის შვილები, ძმები, ქართველები, არამედ ჩემსავით დაჩაგრული სხვა ერის შვილებიც.

ღმერთია მოწმე, ქართველებმა რა არ მიწოდეს, რა არ მითხრეს, რით არ შემამკეს: ერის კაცოო, ბერძუნხოო, საქართველოს დიდებულო მამულიშვილოო, მე-20 საუკუნის ბუმბერაზო ადამიანოო, საქართველოს ერთგულო რაინდოო და ბევრი სხვა. ყოველი შეძახილი მეტად ამადლებული, მგრძნობიარე და გულწრფელი იყო, ტკბილად ხვდებოდა ჩემი არსების სიღრმეს, სიცოცხლის სტიქიონიდან იღუმალი გრძნობა დაიძრა და აზრებსა და ფიქრებს დაეუფლა. ვიგრძენი, რომ შენ თავზე უფრო უმჯობესი ხარ, უფრო მაღალი, უფრო ზვიადი და შენ თავზე უფრო უკვდავიც თითქოს! მე მესმოდა მათი, ისინი ჩემს სიყვარულში, ერთგულებაში, მამულიშვილობაში, მეგობრობაში, ძმობაში ეჯიბრებოდნენ ერთმანეთს. მამკობდნენ და მამკობდნენ დიდებული გამორთქმებით, რომელიც მე გულზე მხვდებოდა, მახარებდა, მაგრამ არ მაღიდა, გულებდა, პირიქით, ბევრს მავალებდა და მასულდგმულებდა. ისიც იცოდნენ, რომ სხვა დროს ამას ვერ გამიბედავდნენ, არ გამაჯავრებდნენ. ახლა კი მათი გულისთქმა იყო და ჩემი მოკრძალებული წინააღმდეგობა არაბუნებრივად ჩანდა. ყველაფერი ერთმანეთში აირია.

ვასკო როლანდი უნგრულად მლოცავდა, პაპას ვეტრო

რალაცას სახეგაბრწყინებელი ლატვიურად ბურტყუნებდა, ციფალო ანდრია უკრაინულად გაპკიოდა, ლენინგრადელი პროფესორი კონსკი ხელში თავის მოგროვილ მცირედ ფულს მანრიდა სამგზავროდ, მწერალი გრიგორიევი კი საკუთარ ლექსს მიკითხავდა ერთად ყოფნისა და მეგობრობის აღსანიშნავად. შარკო დემენტი უნგრულად ბუტბუტებდა... ბევრი სხვაც, ყველას ვინ მოთვლის, თავისებურად გამოხატავდა ჩემდამი მეგობრობას და ურთიერთდამოკიდებულებას, შემდეგ სულ კაპიკ-კაპიკ, უკანასკნელი ფული გაიღეს და მე სამახსოვროდ საათი მაჩუქეს, რითაც გული სულ ამიჩუყეს. ერთხანს ისიც გავიფიქრე, რომ ჩემი ადგილი სწორედ აქ არის, ნამდვილ ერის შვილებთან, ჰემმარიტ პატრიოტებთან, სამშობლოს სიყვარულში ცხოვრების დიდი ნაწილი ჩემსავით აქ რომ ჩაეფერფლათ და არა იქ, სამშობლოში, სადაც ჭერ კიდევ მძიმე წყობა და ჩეკას რეჟიმი იყო გამეფებული. მაგრამ იმწუთშივე ისიც გავიფიქრე, მე ნახევრად თავისუფლება სამშობლოში უფრო მარგია და ერს იქ უფრო წავადგები, ვიდრე საქართველოდან ათასობით კილომეტრით დაშორებული და სრული თავისუფლება-მეთქი. მერე ჰეც ყველას თავისუფლება და სამშობლოში მალე დაბრუნება ვუსურვე. ეს უდიდესი ცნება უკვე ოცნებას და ზღაპარს გამოსცდა, რეალურ და უტყუარ ფაქტად იქცა.

ბანაკში ყველგან იყო გაკრული ნ. ხრუშჩოვის ბრძანება ყველა პოლიტპატიმრის თანდათანობით განთავისუფლებისა და სამშობლოში დაბრუნების შესახებ.

ამიტომ პოლიტიკურ პატიმართა შინ დაბრუნება მხოლოდ დროის ფაქტორს წარმოადგენდა.

მეორე დღეს დიდი სითბოთი და კეთილი სურვილებით თითქმის მთელმა ბანაკმა გამომაცილა.

მატარებელმა სადგურ ინტაში 2 საათი დაჰყო. აქ კი შემხვდნენ ინტის ბანაკის ქართველი პატიმრები საგზლით და ღვინით. აქ იყვნენ ჩემი მეგობრები ვლადიმერ ვაშაკიძე მუხლღესთან მარო ბიბილურთან ერთად, კოტე ჭავჭავიძე, ამირან მორჩილაძე. ცოტა წავიქვიფეთ კიდევ. ვილაცა გამეხუმრა, ლევან, სადგურის მაღაზიაში ვირის თავ-ფეხი იყიდება და იქნებ წაიღო საქართველოში სამუხეუმოდო. მე სწრაფად აღმოვჩნდი მაღაზიაში. ვირას თავ-ფეხის ნაცვლად

დიდი მსგავსებით ჩრდილოეთის ურქო ირმის თავ-ფეხი ვნახე. ვინ იცის, იქნებ კავკასიურ ვირის ხორცზე უფრო უგემური. ამ დღის სამახსოვროდ ერთი კბილი მაინც წამოვიღე.

ასე წამოვედი ვორკუტიდან და ინტიდან დიდად დაიმედებული, განარებული და ახალგაზრდულ ხილვებში ჩაფლული, უკვე წელთა სიმრავლე შეუმჩნეველად შემოპარული და ხანდაზმული. ბედნიერი ვიყავი, რომ ცხოვრებისაკენ გზა გამეხსნა მძიმედ ნატანჯს და სასწაულად გადარჩენილს.

დღეს პატიმრები, ხვალ უკვე თავისუფლები იქნებიან და თავიანთ სამშობლოში, ოჯახებში, ახლობლებთან და ნათესავებთან ტკბილად აზუზუნდებიან, იდღეგრძელებენ და ჩაეფლობიან კაცობრიობის საკეთილდღეო სამსახურში. დაუჯერებელი სასწაულია თითქოს.

გრძელ მგზავრობაში ხშირად თავში მძიმე აზრიც მომაწევებოდა და მაჯავრებდა: ნუთუ ამდენი უსაჩირობის და სიკვდილის ჩამდენი არ დაისჯება? პასუხს არ აგებს? განა ეს შესაძლებელია? ასეთ და სხვა მნიშვნელოვან აზრთა ჭიდილში მოსკოვში მშვიდობით ჩავედი.

ქუჩაში რომ გავედი ხალხი გაკვირვებით მიყურებდა, ამ ზაფხულის სიცხეში ზამთრის ქურქში და ქეჩის „ვალინკებში“ რომ ვიყავი გამოწყობილი. სხვა არ მქონდა და რას ვიზამდი. პირველი, რაც გადავწყვიტე, ეს იყო: უნივერსიტეტში შევსულიყავი და ტანსაცმელი შემეძინა, მაგრამ საღამო ხანი იყო, დრო ცოტა მქონდა და ვერაფრის ყიდვა ვერ მოვახერხე. მერე ვიფიქრე სადმე სასტუმროში მოვთავსდები, ცოტა გავსუფთავდები და ნორმალურ საწოლზე დავისვენებ-მეთქი. მაგრამ ვერც ეს შევძელი — სადაც მივედი, ყველამ უნდობლად შემომხედა. მიუხედავად იმისა, რომ ყველაფერი ავუხსენი და საბუთიც ვაჩვენე, სასტუმროში მაინც არ შემიშვეს და ძალიან მრისხანედ იქიდან მუქარით გამომაგდეს. მართალი ვითხრათ, არც კი მეწყინა. ისევ სადგურს მივაშურე. ღამე ერთ-ერთ სკამზე გაეთენე. ეს მე სრულებითაც არ გამიქირდა.

მეორე დღეს უთენია ცენტრალური უნივერსიტეტისაკენ გავიწიე. თბილისში ამ ჩაცმულობით არ მინდოდა. გამოჩენა. მგზავრობაში წვერ-ულვაშიც გამეზარდა და, მოკლედ, კარგი სანახავიც ვიყავი. ხალხს ალბათ ვიღაცა მოხეტიალე „მაწან-

წალა“ ვეგონე და გვერდს მივლიდა. მე აღარათერი მენაღვ-
ლებოდა, ძალიან კარგი გუნებ-განწყობით ცა ქუდად მიმარჩ-
და და დედამიწა ქალამნად. ჯიბეში ხომ თბილისის მატარებ-
ლის ბილეთი მდო — ეს იყო ჩემთვისა ყველაფერი. ვერა და
ვერ ვიყიდე ვერაფერი. ძალიან გამიჭირდა საერთოდ, ყვე-
ლაფერს გადაჩვეული ვიყავი, მეხამეშებოდა — ამდენი სრუ-
ლიად სხვაგვარი ხალხი, მალაზია, ვაქრობა, რაიმეს არჩევა.

უცებ ღმერთმა გადმომხედა! დახეთ ბედნიერებას! სრუ-
ლიად შემთხვევით ნაცნობს ვორკუტადან, ყოფილ პატიმარს
იგორ მუსაიტოვს შემახვედრა. ჩვენ გადავეხვიეთ ერთმანეთს;
ჩვენი შეხვედრა მეტად მგრძნობიარე იყო. ხალხი მოგროვდა.

ხალხნო, — უცებ დაიძახა მან აღფრთოვანებით, — ეს ხომ
დიდი მწერალი და პოლიტიკური მოღვაწეა საქართველოდან,
დღეს განთავისუფლებული ციხიდან და ახლა შინ მიდის.

ვერ წარმოიდგენთ, უცებ ხალხი როგორ შეიცვალა ჩემ
მიმართ, მითანაგრძნო და გულით შეიცხადა. მომილოცა,
ლმობიერად და კეთილად გადმომხედა გამყიდველმაც, იმ-
წუთშივე 46 ზომის ფეხსაცმელი გააჩინა. იგორმა შემდეგ
შარვალ-ხალათიც მაყიდინა.

— ლევან, თუ იცი როგორ გიცანა? მე წინდების საყიდ-
ლად შემოვირბინე და შორიდან ნაცნობ, განსხვავებულ ქე-
ჩის „ვალინკებს“ მოვკარი თვალი. გამიკვირდა, საიდან სა-
დაო, მეც ხომ წლების მანძილზე მეცვა ასეთები. ახლოს მო-
ვედი და, ზემოთ რომ ავიხედე, დაგინახე, მართალი გითხრა,
ძალიან გამეხარდა.

მერე იგორმა თავის სახლში წამიყვანა, სადაც გავსუფ-
თავდი და გავლაშაზდი. დიდი კოხტა მაინცდამაინც არ ვყო-
ფილვარ, მოსკოვში კი ნამდვილი ჩანჩურა გახლდით. ძალიან
გული დამწყვიტა ჩემი სამუზეუმო „ვალინკების“ იქ გადაყ-
რამ. ამ ბევრის მთქმელ „ვალინკებს“ ენა რომ ჰქონოდა, მეც
და ამ მთავრობასაც სასამართლოში გვიჩივლებდა ასეთი ხან-
გრძლივი ხმარებისათვის და ამ დღეში ჩაგდებისათვის, მაგ-
რამ არც მათი პატრონი იყო უკეთეს დღეში.

ქურქს კი ასე ადვილად ვერ მოვიცილებ, ისე შემისისხლ-
ხორცდა. მან მეტად დიდი და კარგი სამსახური გამიწია. უნ-
და შევიწინახო სამუზეუმოდ — ხან ჩემი ლეიბი იყო, ხან საბან-
ბალიში, ხან კი კოხტა ლაბადაზე უკეთესი, მეცვა და მათ-

ბობდა, ქურჭი იქ მეტად საჭირო საგანი გახლდათ; განუმეორებელი (ეს ქურჭი ახლაც სასოებით ინახება სახლში)“.

როგორი დამთხვევა მოხდა: სწორედ იმ დღეს, როდესაც ლევანი მოსკოვში ხეტილობდა, თინაც მოსკოვში დასეირნობდა — მოსკოვის შემოგარენში, „სერებრანკაში“ ისვენებდა და იქიდან ყოველდღე ქალაქში დადიოდნენ. მზია ბალტიისპირეთში იყო, დედა, სანდრო და მე კი სახლში დავრჩით. დედა ავადმყოფობდა და მისი თბილისიდან გაყვანა ვერ მოხერხდა. აგვისტოს მოსკოვიდან ელვა დეპეშა მივიღეთ: ლევანის დავალებით თინა მოსკოვში ჩერნიშევსკის ქუჩაზე № 29-ში იგორ მუსაიტოვთან სასწრაფოდ მოვიდესო.

ჩვენც ელვა დეპეშა ვაფრინეთ თინასთან, გვეგონა, რომ ეს ლევანის ნაწერების გამოტანასთან იყო დაკავშირებული. თინამ დეპეშის მიღებისთანავე იგორს მიაკითხა.

„კარი სრულიად ახალგაზრდა, მომღიმარმა კაცმა გამიღო. სახლში მიმიპატიჟა და მითხრა: სწორედ ახლა სადგურიდან მოვედი, თქვენი ძმა ლევანი საქართველოში გავაცილე!“

მე შევეკრთი, ამას არ მოველოდი, — ჰყვებოდა აღელვებული თინა, — კინალამ გული წამივიდა, არ დავიჯერე, დავეჭვდი კიდევ. იგორმა დამამშვიდა, ლევანმა განთავისუფლების ჭაღალდი მაჩვენა, რუდენკოს ხელმოწერილიაო. მერე ლევანთან შეხვედრის ამბავიც მიამბო და მისგან დატოვებული ბარათიც გადმომცა:

„თინა! ვიყავი მოსკოვში, გეძებე. მივდივარ თბილისში, მე თვითონ მიკვირს, ისე სწრაფად მოხდა ყოველივე.“

შენ ნუ აჩქარდები, კარგად დაისვენე. მე ჯანმრთელად და კარგად ვარ. ლევანი. 5.VIII.55 წ.“

შემდეგ ჩვენთან სახლში ატყდა დეპეშების კორიანტელი — ყოველ წუთში სადგურში რეკვა. მოსკოვიდან მომავალ ყველა მატარებელს ვხვდებოდით 2 დღის განმავლობაში, ვინაიდან, როგორც გვატყობინებდნენ, მატარებელი „85“ საერთოდ თბილისში მოსკოვიდან არ ჩამოდიოდა. იგორი და თინა არც იმას გეწერდნენ, ვის უნდა დავხვედროდით.

სწორედ ეს მატარებელი დამატებითი ყოფილა და ძლივს მოვასწარით დახვედრა.

ჩვენი შეხვედრის აღწერა შეუძლებელია. ეს იყო სიხარულისა და სიყვარულის ზღვა.

დედამ ძლიერ გაიხარა. თინაც რამდენიმე საათში ჩამოფრინდა, მალე მზიაც ჩვენთან გაჩნდა. მოკლედ, ცოტა ხანში ყველანი ისევ სახლში შეეგროვდით, უზომოდ გახარებულები და ბედნიერები.

მეორე დღიდანვე დაიწყო ლევანის დელეა საყოფაცხოვრებო საკითხების მოსაგვარებლად (პასპორტი, ჩაწერა). ამჟერად ეს ყველაფერი ძალიან უმტკივნეულოდ და, ლევანის გასაკვირად, სწრაფად გაკეთდა.

ცოტა ხანში კი ლევანი შინსახკომში გამოიძახეს და სთხოვეს რეაბილიტაციის მისაღებად განცხადება დაეწერა. ლევანი გაჯავრდა და გაჯიუტდა, რად მჭირდება მე თქვენი რეაბილიტაცია, როდესაც სამშობლოს წინაშე დანაშაული არ მიმიძღვის, თუ კი ჩვენს ქვეყანაში სამშობლოს უანგარო სიყვარული და მისი კეთილდღეობისათვის ზრუნვა არ ითვლება დანაშაულადო. მე სხვა დანაშაული არ მიმიძღვის, ამ წყობის რწმენა კი არასდროს არ მექნებო. ლევანს რეაბილიტაცია მაინც მიაღებინეს.

— ეს რა წყობაში ვცხოვრობთ, ვერ გამოგია, ბრაზმორეული ამბობდა ლევანი, — ჯერ დაგვხვრიტეს, მოგვკლეს, მოგვსპეს, დაგვაკნინეს და მერე გაგვამართლეს და რეაბილიტაციის ქაღალდს გვჩრიან. სწორედ დიდი შეღავათია! მსხვერპლს, იმდენ უდანაშაულო მსხვერპლს რაღას უზამენ, გააცოცხლებენ? განა ამათ ენდობა ვინმე?

ამრიგად, ჩვენს ოჯახს ტაბუ მოეხსნა. კალაპოტში ჩადგა, დალაგდა და დაწყნარდა.

ლევანის ჩამოსვლისთანავე გამოჩნდნენ ჩვენი ნათესავ-მეგობრები, კეთილის მსურველები.

ჩვენ უკვე ყოველ მომავალ დღეს დიდი იმედით შევცქეროდით, ახლა ვიწყებდით დაგვიანებული პირადი ცხოვრების მოგვარებას. ლევანი მიუჯდა თავის საწერ მაგიდას და ძველებურად განაგრძო წერა.

ლევანს გადატანილი მძიმე ცხოვრების გახსენება არ უყვარდა. ის გადასახლების ამბის მოყოლაშიც ძუნწი იყო. დადგება დრო და დაწვრილებით დაეწერ ყველაფერს, ხშირად ამბობდა ის, ჯერ კი ამის დაწერა სრული სიმართლით არ შეიძლებაო. სამწუხაროდ, ეს მას არ დასცალდა. ესეც არის ყურადსაღები, რომ ის, რაც ლევანს გადახდა — სულიერი,

მორალური თუ ფიზიკური ტანჯვა-წვალება — წერილებიდან ამონაწერით არ განისაზღვრება, მაგრამ თუნდაც ის, რაც აქ ამოვიკითხეთ, ერთი ადამიანისათვის გადასატანად უზომოდ ბევრია და შემადრწუნებელი.

მისი წერილებიდან ისიც ნათლად ჩანს, რომ ბედუკულ-მართი თავგადასავალი მარტო ლევანის თავს კი არ იყო, არამედ ჩრდილოეთის ბანაკების საშიშ, მძიმე, არაადამიანურ რეჟიმში მოხვედრილ მილიონობით პოლიტპატიმარს ერგო წილად.

აქვე გვინდა მოვიყვანოთ ლევანის ზოგიერთი ბოლოთქმაც:

„დიდი ძალა აქვს მეხსიერებას, როგორც მე მაქვს, — ხშირად გვეტყოდა ხოლმე ლევანი ხუმრობით, — ერთი კალმის მოსმით სრული 22 წელი მხრებიდან ძველი ნაბადივით გადავიგდე. მაინც ამ მძიმე წლებს ჩემთვის არ ვთვლი დაკარგულად. ბევრმა ტანჯვამ და წვალებამ ჩემი კალამი უფრო გაამძაფრა, გაამახვილა, მით უფრო საიდუმლო და მალულად დაწერილ-შემონახულმა.

სათანადო ლიტერატურა და მასალა რომ მქონოდა ხელში, ჩემი იმდროინდელი ნაწერები უფრო დახვეწილი და სრულყოფილი იქნებოდა. მაგრამ აქაც სხვაგან ბუდობდა ამ ცუდის კარგი.

ჩემი შფოთიანი ცხოვრების მთელ გზაზე სითბოსთან და სიტკბოსთან შედარებით ბევრად ბევრჯერ უმოწყალოდ განმიცდია ცხოვრების დამსხვრევა, სევდა, გულჩათხრობილი მწუხარება, უღმობლობა, დარდი, უწყალობო, გულქვეა, უსულგულო სისასტიკე და, როგორც მე ვგრძნობ, კი არ გავფუჭდი და გავქვეავდი, არამედ, პირიქით, უფრო მოწყალე, რბილი და მგრძობიარე გავხდი ყველას მიმართ, განსაკუთრებით კი ვისაც სჭირდებოდა ცხოვრების ფასად გამხნეება, თანაგრძნობა და თანადგომა. დიახ! ამითაც ჩემი იქაური და აქაური ცხოვრებაც გამართლებულია.

მე სამშობლოში ცოცხალი რომ დავბრუნდი და იქ, იმ ჯოჯოხეთში სიცოცხლე შევიწარჩუნე, შინაგანი გუმანით მოხდა. იქ მთელი ცხოვრების მანძილზე სამშობლოს სიყვარულით გამსჭვალული სავსე გული ხელში მალლა ავიტაცე და სპეტაკად შემოვიწინა. ამან კი მძლავრად დამაჭერინა კალამი ხელში. ლიტერატურამ, წერამ, მძიმე შრომამ და ჩემსა-

ვით დაჩაგრულთა უშრეტმა ძმობამ სიცოცხლე შემინარჩუნა. ამიტომ ცხოვრებასთან და შემოქმედებასთან ბარიბარში ვარ.

ადამიანის მსოფლმხედველობა იმთავითვე თანდაყოლილ თვისებად მესახებოდა, ეს მამხნევებდა. ჩემი ბობოქარი ცხოვრება ციციანთელასა ჰგავდა, ხან გაბრწყინდებოდა ნათელი სხივით, უფრო ხშირად კი სიბნელე, სიშავე მღვედა. ამ პარადოქსებში ჩემში ყოველთვის ღვიოდა მომავლის კეთილი ნაპერწყალი, სიმართლის რწმენა.

სასწაული ცხოვრებაში ერთჯერ ხდებოდა, მე კი ბევრზე ბევრჯერ შემხვდა, მაგრამ უპირველესს და ძირითადს ორს დავასახელებ: ჯერ ერთი, საქართველოში ცოცხალი რომ დავბრუნდი და ყოველივეს გადავურჩი, მე თვითონაც მიკვირს. მეორე კი არის სასწაულად გადარჩენილი და საიდუმლოდ შემონახული ჩემი ნაწერები, 10 წლის განმავლობაში მწერალთა კავშირის სარდაფებში უპატრონოდ რომ იდო და დაბრუნებიდან მეორე დღესვე სახლში ისე წამოვიღე, არავინ იცოდა და არც არავის საერთოდ ამის შესახებ არაფერი გაეგებოდა.

მე ასე ვფიქრობ, ცხოვრების სიმახინჯემ და სიყალბემ გვერდი ამიარა. უსამართლობის ფსკერზე ჩემდაუნებურად შევძელი ხასიათის სიმტკიცე, სულია და ჭანის სისპეტაკე შეურყევლად ჩამომეტანა.

ვაუკაცის გულმა, სამშობლოს და ერის სიყვარულით სავსემ, გამარჯვების, მომავლის იმედით და მისი კეთილდღეობით მტკიცემ, ყველა სიძნელეს და სიშწარეს უნდა გაუძლოს. ეს კი ერის სწორუბოვარი პირობაა.

ჩემი დანაშაულიც ისაა, რომ სამშობლოს სიკეთეს, მის მაჯის ცემას, სულისა და ბრძოლისკვეთებას წარსულში, აწმყოში თუ მომავალში აღფრთოვანებით შევიგრძნობდი და შევისისხლხორცებდი, ხოლო ცუდს, ავს, გაყალბებულს, ნაძალადევს აღშფოთებით და შეუწყალეზლად უარყვოფდი. არ უნდა დავივიწყოთ, რომ ბუნებით კეთილ ქართველ ერში ყოველთვის იბადება მაღალი ზნეობრივი მორალი, პასუხისმგებლობის გრძნობა და სიბრძნისა და სიკეთის თვალი.

ერი თავისი სამშობლოს კეთილდღეობისათვის აქტიური

მოქმედი და მოძრავი უნდა იყოს და არა გუბეში მჯდარი, ცივისსხლიანი და ირიბად მკვრეტი“.

დაბოლოს, ჩვენი თქმა:

ლევანი ცხოვრებიდან ისე წავიდა, რომ მიუხედავად მისი მძიმე წარსულისა, აწმყოში დიდი შრომისმოყვარეობისა, მწერლობისა, საზოგადო მოღვაწეობისა და ყოველმხრივ სამშობლოს კეთილდღეობის სამსახურისა, არასდროს მთავრობას არ წაუხალისებია. ლევანი, თავის მხრივ, ძალიან გულგრილად უყურებდა ყოველგვარ პრემიას, წოდებას და სხვ. ჩვენ კი, ოჯახის წევრები, ხშირად ამით აღელვებულიც ვიყავით. ლევანი ყოველთვის ღიმილით იტყოდა, მე არავის წინაშე თავს არ დავიმცირებ, მე ეს სარულებითაც არ მკიდებარ. ჩემი დამფასებელი და შემფასებელი ქართველი ხალხია. ვიცი, რომ მას ჩემი ყველაფერი ესმის და სწამს და სჯერა. სწორედ ეს არის მწერლისათვის ყველაზე დიდი ჭილღო. ახლო მომავალში დადგება დრო, როდესაც მეც და ჩემი შემოქმედებაც თავის ადგილს ვიპოვით განახლებულ საქართველოში.

აქვე ესეც გვინდა აღვნიშნოთ: ლევანი დღეს ცოცხალი რომ ყოფილიყო, საქართველოში ეროვნული მოძრაობით დიდად გაიხარებდა. ეს ხომ მისი ოცნება იყო — დამოუკიდებელი საქართველოს აღდგენისათვის ბრძოლა! ამ ოცნებას შეეწირა მთელი მისი ახალგაზრდობაც.

სამშობლოს კეთილდღეობისათვის იღვწოდა ლევანი, სამშობლოს სიყვარულში და მისთვის გარჯაში ჩაიფერფლა მისი მძიმე ცხოვრება, მაგრამ მთელი სიცოცხლის მანძილზე საქართველოს ბედნიერი მომავლის ხიბლი თან სდევდა და ასულდგმულვებდა მას. ამ მტკიცე რწმენით განუტევა მან მშფოთვარე სული.

ახლა გვჯერა, რომ ახლო მომავალში მისი ოცნება სინამდვილედ იქცევა. თავისუფალ, დამოუკიდებელ საქართველოში კი ლევან გოთუა სხვა მამულიშვილთა შორის მართლაც დაიმკვიდრებს ღირსეულ ადგილს.

ქართველები ვორკუტაში 1946—1965 წლებში

გვინდა გავიხსენოთ ქართველი პატიმრები, რომლებიც ლევან გოთუასთან ერთად იმყოფებოდნენ ვორკუტის ბანაკში, მასთან მეგობრობდნენ და ურთიერთდახმარებით ერთმანეთს მძიმე ყოფასა და გამწარებულ ცხოვრებას უმსუბუქებდნენ.

აქვე უნდა დავძინოთ, რომ ჩვენ მიერ წარმოდგენილი სია არ არის სრული, ვორკუტის ბანაკში გაცილებით მეტი ქართველი იყო, მაგრამ ჩვენ ყველას ვერ მივაკვლიეთ, რისთვისაც მათ და მათ ახლობლებს ბოდრუს ვუხდით. ვიმედოვნებთ, ამ ხარვეზის შესავსებად და მომავალში გასათვალისწინებლად ისინი მათ შესახებ მასალის გამოგზავნით დაგვეხმარებიან.

სავსებით ნათელია, რომ ქართველთა პატარა სათვისტომომ (თუ შეიძლება იმ ჯოჯოხეთში რაიმეს ასე დაერქვას) სხვა ეროვნების ურიცხვ პატიმართან ერთად გადაიტანა ცხოვრების კი არა, უფრო სწორად, არსებობის მძიმე, სატანური წლები, მკაცრი რეჟიმის ჭირ-ვარამი, ტანჯვა-წვალება და ვაი-უბედურება, რის გამოც ბევრი პატიმრის სახელი უკვალოდ გაქრა. ეს სიმწარე განა მართა პატიმრების ხვედრი იყო? არც მათი ახლობლები იყვნენ კარგ დღეში შიშის, მორალური თუ მატერიალური დაკნინების გამო.

ვორკუტის მსგავსი ბანაკი კი უამრავი იყო საბჭოთა კავშირის ტერიტორიაზე, მიმოფანტული ციმბირში თუ შორეულ ჩრდილოეთში. დიახ, ამ „ბედნიერ“ სახელმწიფოში მილიონობით უბედური ხალხი ცხოვრობდა და იტანჯებოდა.

წლების მანძილზე ციხეებში და გადასახლებაში მყოფნი განუყრელ ძმებად იქცნენ, სიცოცხლის ფასად დაიმკვიდრეს სულიერი, მორალური თუ მატერიალური ურთიერთგატანა.

სამშობლოს ერთგული და მოსიყვარულე, ეს საოცრად

გულდია ვაჟკაცები, განსწავლული, განათლებული, პატიოსანი, მშრომელი ხალხი ცხოვრების საუკეთესო, ახალგაზრდობის წლებში ფრთებმოქრილი იყვნენ — ქართველები უსაქართველოდ. არადა, რამდენი სასიკეთო საქმის გაკეთება შეეძლოთ სამშობლოს მოღალატეებად გამოცხადებულ ამ საუკეთესო მამულიშვილებს. აი ისინიც:

სანდრო ჩიკოძე — განათლებული, განსწავლული ახალგაზრდა, მშენებელი ინჟინერი. ომის ქარცეცხლში გამოვლილმა ტყვეობაც გადაიტანა. ომის დამთავრების შემდეგ კი სამშობლოში პატივით დაბრუნების ნაცვლად შორეულ ჩრდილოეთში უკრეს თავი. სად არ ატარეს ეტაპებით, რა წვალება არ გამოიარა. ბოლოს, 1951 წლის ოქტომბერში, ვორკუტის ბანაკში მოხვდა.

„ამ ბანაკს აიჩ-იაგა ერქვა, — იგონებს სანდრო ჩიკოძე, — იგი მდებარეობს მდინარე ვორკუტის ნაპირზე, სადაც უამრავი ქვანახშირის საბადოა. შენდება ქალაქი ვორკუტა და მის ტერიტორიაზე მრავლდება პატიმართა ბანაკები — უფამუშახელი.

ეს ბანაკები შედის ერთ დიდ გაერთიანებაში — „ვორკუტლაგში“, კონსპირაციის მიზნით მას „რეჟლაგი“ დაარქვეს, თითქოსდა „გეოგრაფიული“ დასახელება იყო, ისე კი „რეჟლაგია“ (სარეჟიმო ბანაკი). აქ ჩამოსვლისთანავე, როგორც მშენებელი ინჟინერი და ადმინისტრაციული თანამდებობის პირი, მკირედი, მაგრამ მნიშვნელოვანი პრივილეგიით ვსარგებლობდი: ბანაკის ტერიტორიაზე მისვლა-მოსვლა შეუზღუდავი მქონდა, ჩაცმულობა, თავშესაფარი და კვება — სხვებზე უკეთესი. ჩემდამი ბანაკის ადმინისტრაციის დამოკიდებულებიდან გამომდინარე, ცხადი იყო, რომ აქ, ვორკუტაში, იწყებოდა სერიოზული დიდი მშენებლობა და ჩემისთანა სპეციალისტებს აგროვებდნენ. რკინიგზა უკვე გაყვანილი იყო.

ბანაკებში, სადაც მე მანამდე მომიხდა ყოფნა, ძალიან იშვიათად ვხვდებოდი ქართველებს, თანაც არა უმეტეს ერთი-ორისა ერთდროულად. ვორკუტაში კი ქართველების მთელი „კოლონია“ დამხვდა — ექვსი კაცის შემადგენლობით, რომლებიც მკიდრო მეგობრობით გამოირჩეოდნენ. ესენი იყვნენ მწერალი ლევან გოთუა, თბილისის უნივერსიტეტის

თანამშრომელი, ფილოსოფოსი ზურაბ მიქელაძე, ახალგაზრდა ბიჭები: კოლია მღებრიშვილი, გრიშა აბდალაძე, ბორის შენგელია და თედო გოგრიჭიანი.

ლევან გოთუა მე-16 მალაროში მუშაობდა.

ზურაბ მიქელაძე ჩემი იქ ჩასვლის დროს უკვე ამთავრებდა მისჯილ ვადას და მუდმივად თავისუფალ გადასახლებაში გადადიოდა ქ. ვორკუტაში, ის შემდეგაც განაგრძობდა მუშაობას ცემენტის ქარხნის ლაბორატორიაში. პირველ ხანებში რალაცნაირად ახერხებდა ჩვენს ბანაკში შემოსვლას ლევან გოთუასთან შესახვედრად, მაგრამ ეს მდგომარეობა დიდხანს არ გაგრძელებულა, მისი „ვიზიტები“ მალე შეწყდა.

კოლია მღებრიშვილი და გრიშა აბდალაძე ბანაკის სანიტარულ ნაწილში მუშაობდნენ ექთნებად.

ბორის შენგელია მშენებელთა ბრიგადირი იყო და ჩემი მისვლისთანავე გადმოიყვანეს ჩემთან სამუშაოდ.

ვანო შევარდნაძე ბანაკის პურის სარიგებლის გამგედ მუშაობდა. ბანაკში ეს თანამდებობა საკმად პასუხსაგები იყო — მას პურთან ჰქონდა საქმე, ეს კი აქ ოქროს ფასად ღირდა, სიცოცხლეს ნიშნავდა.

ცხადია, მეც პირველივე დღიდან შევეუერთდი ამ ქართველებს, როგორც მისი უკვე მეშვიდე წევრი და მუდამ ვლებულობდი აქტიურ მონაწილეობას მათ ცხოვრებაში.

მალე გავერკვიე ჩვენი სათვისტომოს შინაგან სტრუქტურაში. ჩვენ ერთმანეთისაგან ძალიან განვსხვავდებოდით ასაკით, ზასიათით და კულტურული დონითაც, მაგრამ, მიუხედავად ყველაფრისა, ერთი პატარა სამშობლოს შვილები ვიყავით და ეს გარემოება საერთო ოჯახის წევრებად გვხდიდა.

ღადი დრო არ იყო საჭირო იმის დასანახავად, რომ ამ ბანაკში მყოფ ქართველებს ერთპიროვნული „პატრიაქი“? და ზნეობრივი კანონმდებელი გეყავდა ლევან გოთუას სახით.

გარეგნულად იგი ძალიან კოლორიტული ფიგურა იყო: მსხვილი აღნაგობა ჰქონდა, შესაბამისი სიმალლაც და სისქიც. უკვე ჭაღარაშერეულს ამშვენებდა აწეწილი ზღუჭურთმა და დაბურული წარბები, საიდანაც იცქირებოდნენ კეთილი და ამასთან ერთად ოდნავ მოღიმარი თვალები. მის გარეგნობაში იყო რალაც აინშტაინისეული და, ამასთან, განსაკუთრებით ახლობელი.

იმისდა მიუხედავად, რომ ლევანის მუშაობას არაფერი საერთო არ ჰქონდა მშენებლობასთან, ის ცხოვრობდა მშენებლების ერთ-ერთ ბარაკში, რომელშიაც თავმოყრილი იყვნენ ათისთავეები, ბრიგადირები, სახელოსნოების უფროსები და სხვები. მას გამოყოფილი ჰქონდა ბარაკის ბოლო კუთხეში დაბლა ადგილი (ეს დიდი პრივილეგია იყო!). მის პირდაპირ ბორის შენგელია იწვა. ლევანის სანახავად აქვე მოდიოდნენ ბანაკში მცხოვრები ქართველები. ასე რომ, ბარაკის ეს კუთხე ქართველების თავისებურ „კლუბად“ იქცა. მეც სწორედ ამ ბარაკში ყოველ საღამოს პატიმრებთან ვანაწილებდი მომდევნო დღის სამუშაოს და ყოველთვის ვხედებოდი ლევანსაც.

ლევანი ელექტროქვესადგურში მუშაობდა მონტიორად. ეს კი მას შესაძლებლობას აძლევდა პატიმრობაშიაც არ შეეწყვიტა შემოქმედებითი მუშაობა.

ქვესადგური იკეტებოდა, რის გამოც ზედამხედველების მოულოდნელი შემოსვლა გამორიცხული იყო, ხოლო თუ ვინმე ღააკაკუნებდა, ლევანი მაშინვე გადამალავდა ხელნაწერებს ტრანსფორმატორების სექციებში, ზედ პლაკატებს ჩამოაფარებდა, რომლებზეც გადაჭვარედინებული ძვლები და თავის ქალა იყო გამოხატული. ასე იცავდა პლაკატი „სასიკვდილოა“ ხელნაწერებს არასასურველი თვალისაგან.

ლევანი ასაკით ჩვენ შორის ყველაზე უფროსი იყო, მაგრამ მის გავლენას ჩვენზე მარტო უფროსობა არ განაპირობებდა. ამ გავლენას საფუძვლად ედო მთელი მისი სულიერი ბუნება, ხაზგასმული ადამიანურობა, სირბილე და ტაქტი, მორალური სისპეტაკე, მუდმივი მზადყოფნა, რომ ყველას დახმარებოდა.

ჩვენთვის, ქართველებისათვის, იგი თავისებური მიზიდულობის ცენტრი იყო. მე ვერ ვიტყვი, რომ ჩვენ ყველა ყოველდღე ვხედებოდით ერთმანეთს. ბანაკი დიდი იყო, მასში რამდენიმე ათასი პატიმარი ცხოვრობდა და ყველა მძიმედ იყო დატვირთული. ლევან გოთუას კი ყოველი ჩვენგანი ყოველდღე ნახულობდა. უნდა ითქვას, რომ ლევან გოთუას გავლენის „ველი“ ქართველების სათვისტომოს ფარგლებს სცილდებოდა და ვრცელდებოდა ყველაზე, ვინც მას იცნობდა, ეროვნების მიუხედავად.

მისი სულიერი გამომეტყველება იმდენად მკაფიოდ იყო გამოხატული, რომ ამას ყველა იგრძნობდა და ეს, ცხადია, ყველას იზიდავდა. მახსოვს, როგორ დაახასიათა ლევანი ერთ-მა არაქართველმა კატორღელმა: „ეს ის ადამიანია, ვისაც სინდისი ცრემლზე უფრო სუფთა აქვს“. ძალიან ძნელი იყო ასეთი დახასიათების დამსახურება იმ არაადამიანურ პირობებში, რომელშიც ჩვენ ვიმყოფებოდით.

მახსოვს, ერთხელ ლევანმა მთხოვა ერთი კაციის სამუშაოზე მოწყობა. ეს კაცი კი საკმაოდ ცნობილი ცყო მთელ ბანაკში, როგორც „დამკაკუნებელი“ (ჯაშუში). ლევანმა თავისი თხოვნა ამით დამისაბუთა: ეს კაცი დამპირდა, რომ მეტს აღარ ვიზამო... ჯაშუშის დაპირება? მაგრამ რა გაეწყობოდა. რაკი ლევანმა მთხოვა, მოვაწყვე. მაროლაც, არავითარი უსიამოვნება ჩვენთვის მას აღარ მოუყენებია!

ლევანს ანგარიშს უწევდა ბანაკის ადმინისტრაციაც და მალაროთა სამმართველოს ხელმძღვანელობაც.

იყო შემთხვევები, როცა ლევანს მიუმართავს მათთვის, მისი თვალსაზრისით დაუმსახურებლად დასჯილი (საჯარიმო იზოლიატორში ჩასმული) კატორღელის სასჯელისგან განთავისუფლების თაობაზე და მის მიმართვას, უმეტეს შემთხვევაში, ანგარიში ეწეოდა.

ამის ახსნა შეიძლება მარტო იმით, რომ ბანაკის ადმინისტრაციისათვისაც და მალაროთა მმართველობისათვისაც ე. წ. ოპერატიული სამსახურისაგან ცნობილი იყო ლევანის დიდი ავტორიტეტი და გავლენა პატიმრებს შორის. მნიშვნელობა ჰქონდა იმასაც, რომ მათ იცოდნენ, ლევანი უსაფუძვლოდ არაფერს მოითხოვდა.

ლევანს ყველა ქართველთან თანბარი ურთიერთობა ჰქონდა, მაგრამ იყო გამონაკლისიც — ზურაბ მიქელაძე!

ასაკობრივად საკმაოდ დიდი განსხვავების მიუხედავად, ისინი ძალიან ახლოს იყვნენ ერთმანეთთან, როგორც ჩანს. ბევრი „შეხების წერტილი“ ჰქონდათ. ალბათ ამას ხელს უწყობდა ის, რომ ორივე ჰუმანიტარი იყო — ერთი მწერალი, ისტორიული რომანების ავტორი, მეორე კი — ფილოსოფოსი.

სამშობლოდან ესოდენ შორს გადაჩვეწილებს, უუფლებობის პირობებში სასოწარკვეთილებას რომ არ ავეყოლოდით და

რალაცნაირად სულიერი სიმხნევე შეგვენარჩუნებია, იუმორი გვეხმარებოდა.

მახსენდება ერთი „კანონი“, დაწესებული ლევანის მიერ, რომელიც ვრცელდებოდა ჩვენი ქართული „სათვისტომოს“ წევრებზე.

ამ „კანონის“ თანახმად, ჩვენ გვქონდა უფლება როგორც ქართულად, ასევე რუსულად (ერთმანეთშიც) ლაპარაკისა, მაგრამ ამავე დროს სასტიკად იყო აკრძალული ქართულად ლაპარაკის დროს ე. წ. „ჩაპარუსკება“ — ცალკეული რუსული სიტყვების ხმარება.

ყველაფერი ეს ვითომ ხუმრობა იყო, მაგრამ ამავე დროს საკმაოდ სერიოზულ მიზანსაც ემსახურებოდა — ეს იყო უცხო გარემოში ქართული მეტყველების საწმინდის დაცვა, ქართული ენის უცხო სიტყვებით დანაგვიანების აღკვეთა.

„სასჯელი“ გამოიხატებოდა ჩვენი კლასიკური ლიტერატურის შედეგრიდან — „ვეფხისტყაოსნიდან“ ან ერთი სტროფის, ან მისი მთელი ნაწილის ზეპირად სწავლაში, რაც, უპირველეს ყოვლისა, სუფთა ქართული მეტყველების ჩვევების განმტკიცებას ემსახურებოდა.

დასაზეპირებელი ტექსტის სირთულე და მოცულობა „დანიშნულის სიმძიმეს“ შეესატყვისებოდა.

ამასთან დაკავშირებით მინდა, გავიხსენო ერთი ასეთი ეპიზოდი: გრიშა აბდალაძემ სახლში, ქუთაისში გასაგზავნი წერილის კონვერტზე რუსულად დაწერილი რესპუბლიკის და ქალაქის დასახელების შემდეგ ქართულად მიაწერა „სტალინის ულიცა“.

წერილი ვილაცამ დაინახა და უმაღვე ლევანთან შეიტანა „განცხადება“. წერილის ავტორს იქვე გამოუტანეს სათანადო განაჩენი: „ვეფხისტყაოსნიდან“ ნებისმიერი ერთი სტროფის ზეპირად შესწავლა. ამის შემდეგ არ გასულა ბევრი დრო და ჩემთან ლაპარაკში კოლია მღებრიშვილს წამოსცდა „გოროდში ვიყავიო“. ცხადია, ისიც „გაასამართლეს“ და მასაც „მიეზლო“ სათანადო სასჯელი — „ვეფხისტყაოსნიდან“ ნებისმიერი ერთი სტროფის ზეპირად შესწავლა.

ამ სიტუაციით ისარგებლა „ულიცას“ ავტორმა და მან ლევანთან შემოიტანა განცხადება „სასჯელის“ შემცირების თხოვნით, რასაც ასე ასაბუთებდა: „რა არის ჩემი ერთი

„ულიცა“ მღებრიშვილის მთელ „გოროდთან“ შედარებით, სასჯელი კი ერთნაირი მივიღეთ!“

თითქოს წერილმანია, მაგრამ იქ, სადაც ჩვენ ვიყავით, ამ ერთი შეხედვით წერილმანებს ჩვენთვის ძალიან დიდი მნიშვნელობა ჰქონდა. ასეთი „წერილმანებით“, რომელთა უმეტესი ნაწილის ავტორი და ინიციატორი ლევან გოთუა იყო, ვცდილობდით რამდენადმე შეგვემსუბუქებინა იმიერპოლარეთის კატორღაში ყოფნის ფიზიკური და მორალური სიმძიმე და შეგვენარჩუნებინა ქართული ენის სიწმინდე.

დროგამოშვებით ყველა ჩვენგანი ღებულობდა ამანათს საქართველოდან, მათ შორის, რა თქმა უნდა, ლევანიც. მაგრამ, ყველასგან განსხვავებით, ლევანი თავის ამანათს ყველას უნაწილებდა.

აღბათ ზედმეტია იმის თქმა, რომ, თავის მხრივ, ბანაკიდან ქართული „კოლონიის“ ყოველი წევრიც ამანათის მიღებისას ლევანს არ იფიწყებდა. ამ შემთხვევაშიც ყურადღების ფაქტს მეტი მნიშვნელობა ჰქონდა, ვიდრე იმ მცირედს, რითაც უმასპინძლებოდნენ ერთმანეთს.

ასე აყად და ძალით შელამაზებულად გადიოდა ჩვენი პატიმრული დღეები.

მკვეთრად შეიცვალა ჩვენი ცხოვრება 1953 წლის გაზაფხულზე — სტალინის სიკვდილის მერე და განსაკუთრებით ბერიას დაპატიმრების და დახვრეტის შემდეგ.

ბანაკებში მდგომარეობა დაიძაბა. ხალხი აფორიაქდა. ძალიან ბევრმა იფიქრა, რომ ამ ორი ადამიანის პოლიტიკური სარბიელიდან გაქრობის შემდეგ ბანაკების კარები უმაღვე გაიღებოდა. ყველა რალაც მოუთმენლობამ შეიპყრო.

სინამდვილეში კი არც პირველ ხანებში და არც მომდევნო თითქმის 4 თვის განმავლობაში ჩვენს ცხოვრებაში არავითარი ცვლილება არ მომხდარა და, ცხადია, ვერც მოხდებოდა. მთელ ქვეყანაზე მოღებულ „გულაგის არქიპელაგის“ უზარმაზარი სისტემის შესახებ რალაც გადაწყვეტილების მიღებას და მით უფრო ამ გადაწყვეტილების განხორციელებას დრო სჭირდებოდა. ამას კი ძალიან ბევრი ვერ ხედავდა. ჩქარა განთავისუფლების იმედის გაცრუება აღიზიანებდა უღანაშაულო პატიმრებს. ჩვენთან მოდიოდა ხმები, რომ ზოგ (განსაკუთრებით ციმბირის) ბანაკში გამწვავდა ერთაშორისი

მდგომარეობაც — თავი იჩინა რუსულმა შოვინიზმმა, განსაკუთრებით კი ქართველი ერის წარმომადგენლების სიძულვილმა. არ შეიძლება არ აღვნიშნო, რომ ჩვენს ბანაკში მყოფი ქართველების მიმართ ასეთი ტენდენციების გამოვლინება არ ყოფილა. ჯერ ერთი, ყველანი მეგობრული ურთიერთობით ვიყავით დაკავშირებული ძალაან ბევრ კატორღელთან და ყველას გარკვეული ავტორიტეტი გვქონდა.

ბანაკის საერთო მდგომარეობა კი დღითი დღე რთულდებოდა. განსაკუთრებით დაიძაბა იგი ივლისის შუა რიცხვებში, როცა ჩვენს ბანაკამდე მოაღწია ამბავმა, რომ ვორკუტის ზოგ მალაროში დაიწყო პატიმართა გაფიცვები.

საკმარისი იყო პატარა ბიძგიც, რომ ჩვენთანაც იგივე მომხდარიყო და მოხდა კიდევ — 24 ივლისს გაფიცვა დაიწყო ჩვენს სამსავე მალაროში. გაფიცვას ჩემი მშენებლებიც შეუერთდნენ.

იმისდა მიუხედავად, რომ ნათლად ვხედავდი ამ გაფიცვის სრულ უაზრობას და უღრობასაც, მე შეუძლებლად ჩავთვალე ამ ვითარებაში ჩემი თითქმის ათასკაციანი კოლექტივისაგან გამიჯვნა. ეს, რალაცნაირ ლალატად მეჩვენებოდა. თუმცა იმასაც ვხედავდი, თუ რა შედეგები მოჰყვებოდა ამას პირადად ჩემთვის. ჩემი პროგნოზი პოლიანად გამართლდა. ივლისის ბოლოს გაფიცვა სისხლში ჩაახშვეს. სიკვდილს სასწაულად გადავურჩი, მაგრამ საგამომძიებლო იზოლიატორში ჩამსვეს გაფიცვის ორგანიზაციისა და ხელმძღვანელობის ბრალდებით (?!).

გაფიცვის დაწყებიდან დაპატიმრებამდე მე ვცდილობდი რაც შეიძლებოდა მეტი დრო ვყოფილიყავი ჩემი მუშა-მოსამსახურეების თვალწინ, რომ დაენახათ ჩემი მათთან თანადგომა. იქ იყვნენ ქართველებიც, მათ შორის ლევანიც, რომელიც ძლიერი აღტყინებით ხელმძღვანელობდა ამ გაფიცვას.

ლევანი და მე თავიდანვე განწირულები ვიყავით, ხოლო ის შეხვედრები, რომლებიც ჩვენ გვქონდა გაფიცვის დაწყებიდან, ბანაკში ჩვენი ბოლო შეხვედრები გამოდგა. ორი თვის შემდეგ მე გამათავისუფლეს. ლევანი რომ მოვიკითხე, საჩარიმო ბანაკში აღმოჩნდა გადაყვანილო.

20 აგვისტოს კვლავ დამაპატიმრეს. უბრალო ადმინისტ-

რაციული დადგენილებით ერთი წლით დახურულ ციხეში გამგზავნეს.

ამის შემდეგ ვორკუტაში აღარ დავბრუნებულვარ.

მერე ლევანს უკვე თბილისში შევხვდი. ეს იყო 1955 წლის 21 ოქტომბერს, პატიმრობიდან ჩემი დაბრუნების მეორე დღესვე. ვერც კი ვიტყვი საიდან გაიგო მან ჩემი დაბრუნების ამბავი და მაშინვე მოვიდა ჩემთან. მოვიდა მარტო სანახავად კი არა — ჩემთვის მატერიალური დახმარების გასაწევადაც.

ცოტა მოგვიანებით მანვე შემიწყო ხელი პატიმრობიდან დაბრუნების შემდეგ ჩემ სამუშაოზე მოწყობის გაცილებით უფრო რთულ და მნიშვნელოვან საქმეშიც“...

ზურაბ მიქელაძე. ზურაბის ბავშვობა, ყრმობა და პიროვნული ჩამოყალიბება მძიმე ცხოვრებისეულ პირობებში მიმდინარეობდა.

ზურაბის მამამ, უადრესად განათლებულმა და განსწავლულმა, დიდებულმა მამულიშვილმა, პატრიოტმა კაცმა საფრანგეთში, სორბონის უნივერსიტეტში მიიღო უმაღლესი იურიდიული განათლება. შემდეგ საქართველოში მოღვაწეობდა. 1924 წელს მეტეხის ციხეში დახვრიტეს, როგორც პოლიტიკური მოღვაწე და საქართველოს დამოუკიდებლობისათვის უშუალოდ მებრძოლი.

დედა, ოლღა ჭეიშვილი, სათნო და ამასთანავე ძლიერი, მამაცი ქალი (პეტერბურგის ბესტუჟევის კურსების დამთავრების შემდეგ სახელმწიფო გამოცდებიც კი ჩააბარა ფილოლოგია-ისტორიაში), თბილისში პედაგოგად მოღვაწეობდა.

ზურაბმა ჯერ თბილისის უნივერსიტეტის ისტორიის ფაკულტეტი დაამთავრა, შემდეგ ასპირანტურა ფილოსოფიის განხრით, 1945 წელს სამეცნიერო ხარისხიც მოიპოვა და ცოტა ხანში დოცენტადაც აირჩიეს.

1946 წლის 7 იანვარს ზურაბი დააპატიმრეს როგორც ერთ-ერთი პოლიტიკური ჯგუფის წევრი, არსებული წყობის მოწინააღმდეგე და დამოუკიდებელი საქართველოს აღდგენის მძიებელი.

საქართველოში და, კერძოდ, უნივერსიტეტში, იმჭერად

ბევრი დააპატიმრეს ზურაბთან ერთად, მათ შორის ბიძინა ფოჩხუა, მირიან აბულაძე, ანტონ წულუკიძე და სხვები.

ამ პერიოდში საქართველოში ბევრი პოლიტიკური ჯგუფი არსებობდა არალეგალურად და ურთიერთდამოუკიდებლად. ბევრმა მათგანმა მარტო პატიმრობაში და გადასახლებაში გაიცნო ერთმანეთი. ზურაბს შეხვდა ექიმი დავით კვიციანიშვილი.

ზურაბ მიქელაძე, რომელსაც მისჯილი ჰქონდა გრძელი ვადა, ეტაპებით ბევრი ატარეს და ჩრდილო ურალში დაამკვიდრეს, ურალის ერთ-ერთ დასახლება „სოსევასთან“ ახლოს. ეს მეცნიერი კაცი რად არ ამუშავებს აქ. 1949-50 წლებში სამდინარო სანაოსნო კაპიტანიც კი გახდა — მდინარე სოსვაზე, ლოზვაზე, ტავდაზე და ლალაზე ბარჯით მიჰქონდა ტვირთი აქეთ-იქით.

მუშაობის ამ პერიოდში პატიმართა შორის მცირედი უპირატესობით სარგებლობდა — უზედამხედველო მიმოსვლის უფლება ჰქონდა.

ბანაკში სჭირდებოდათ განათლებული ხალხი სხვადასხვა სამუშაოს შესასრულებლად. ამიტომ ხშირად ზურაბს ინჟინრადაც ამუშავენდნენ.

ურალის ბანაკებში კი, როგორც საერთოდ ყველგან, მძიმე ფიზიკური შრომა და არაადამიანური პირობები იყო გამეფებული: ამ ბანაკებში თავმოყრილი იყო ათასობით სხვადასხვა ერისა და ასაკის ვაჟკაცი (20-დან 60 წლამდე), რომლებიც კი არ ცხოვრობდნენ, არამედ იბრძოდნენ არსებობისათვის.

ამ ზღვა ხალხში ქართველებიც იყვნენ: ილია ბოჭორიშვილი, რომან ბლიაძე და (1938 წლიდან) დათაშა კავსაძე. ისინი მძიმე პატიმრულ პირობებში მუშაობდნენ ხე-ტყის კრასა და დამუშავებაზე.

1951 წელს სრულიად მოულოდნელად ზურაბი, ილია ბოჭორიშვილი და რომან ბლიაძე ეტაპით შორეულ ჩრდილოეთში, ვორკუტის მძიმე რეჟიმის ბანაკში გადაიყვანეს. „რეჟულაგ“-2 სინამდვილეში სარეჟიმო ბანაკი იყო.

ზურაბი აქ შეხვდა ლევან გოთუას და სხვა ქართველებს.

„ — ლევანს, ამ გულლია და საოცარ ადამიანს, მანამდეც ვიცნობდი, — გვითხრა ზურაბმა, — მოეწონდა მისი ნაწერები, განსაკუთრებით დრამატურგია. მის დანახვას იქ, ამ მძიმე

დღეში არ მოველოდი. ჩვენ მაშინვე დავმეგობრდით. საერთო ენა უცბად ვიპოვეთ. მიუხედავად ასაკობრივი დიდი სხვაობისა, ჩვენ სამუდამოდ დავმეგობრდით. ხშირად ეკამათობდით, ებაასობდით, დიდი აღფრთოვანებით ვუზიარებდით ერთმანეთს მომავალ ზრახვებსა თუ იდეებს, მაგრამ რეალური მიზნების განსახორციელებლად ფრთები ძირში წაჭრილი გექონდა და მარტო ჩაქედილი ოცნება გვრჩებოდა. ჩვენ ესაუბრობდით ლიტერატურულ საკითხებზე, საქართველოს მწერლობაზე წარსულსა თუ აწმყოში, სხვადასხვა ფილოსოფიურ, ისტორიულ და სოციალურ საკითხზე, საქართველოს ბედ-იღბალზე და მის დამოუკიდებლობაზე, არსებულ არასწორ პოლიტიკაზე და ვინ მოთვლის კიდევ რაზე“...

ვორკუტაში ზურაბთან ხშირად ჩადიოდა დედამისი, ეს უკეთილშობილესი, ვაჟაკი ქალი, ოთარაანთ ქვრივს რომ ჰგავდა და სიკეთე და იმედი რომ ჩაჰქონდა.

მას ყველა ქართველი უაღრესად დიდ პატივს სცემდა, განსაკუთრებით კი ლევანი.

ზურაბის დედას საიდუმლოდ და დიდი სიფრთხილით ბევრჯერ საქართველოში ჩამოუტანია ლევანის ნაწერები.

ქალბატონი ოლია ჩვენი ოჯახის ხშირი სტუმარი გახდა, ყველას დაგვიმეგობრდა და ბევრი იქაური საჭირბოროტო საკითხის გადაწყვეტაში რჩევა-დარიგებით გვეხმარებოდა.

ზურაბი ცოცხალი მოწმეა იმ საშინელი ტანჯვა-წამებისა, რაც ვორკუტის ბანაკებში ტრიალებდა, თვითმხილველია უმძიმესი, არაადამიანური ცხოვრების პირობებისა, სულიერი, მორალური თუ ფიზიკური დაკნინებისა, აჯანყებისა, სისხლისღვრისა და უსაზღვროდ დიდი მსხვერპლისა. იმ წლებს ზურაბი, ისევე როგორც ლევანი, მეტად ძუნწად იხსენებს. ალბათ, ესეც თავისებური ხასიათის სიმტკიცეა.

ლევანისა და ზურაბის მეგობრობა ბანაკური ცხოვრების შემდეგ კიდევ უფრო განმტკიცდა. ლევანი რომ გაათავისუფლეს, ზურაბი ჯერ კიდევ რჩებოდა და მუშაობდა ვორკუტაში. ლევანმა მას თბილისიდან წერილი პისწერა:

„ძმაო ზურაბ! ცოტა შემაგვიანდა წერილი. აქ ხალხმა ისეთ გაწამაწიაში ჩამაგდო, რომ წუთი ჩემთვის არა მქონდა. მართალი გითხრა, ასეთ რამეს მაინც არ მოველოდი.

მოკლედ რომ ვთქვათ, ჩემს პირად საქმეს კეთილი პირი

უჩანს. პასპორტისა და ჩაწერის საქმეც უმტკივნეულოდ გვარდება. ამ დღეებში მოთავდება კიდეც. ნაწერებისა და პიესების ამბები ხომ ისე სწრაფად ვითარდება, რომ ველარ ვასწარებ თავის მობმას. რა თქმა უნდა, კუროოზებიც ბლომად არის.

მაინც „სამსახეობის“ ამბებმა ბევრი მაცინა. ნამდვილი „ბერიკაობა“ გამოსულა. სვერდლოვსკშიც კი გაუგზავნიათ კაცი. ვილაც სუნდუკოვიც უპოვიათ და იგი და მისი ქალიშვილი კინალამ გადაურევიათ. დეტალებს სხვა დროს მოგიყვები.

სამშობლო ისევ კეკლუცი და განუმეორებელი დამხვდა. სიცხე პირველ დღეებში გამიჭირდა. ახლა კი მეც მივეჩვიე და ბუნებამაც შეღავათი მომცა. არც თუ ისე ცხელა... ქალაქში ჯერ ხეირიანად არც გავსულვარ. დასასვენებლად ხომ ჯერ არ დავძრულვარ და არა. ცოტა შიმოვითავე პირველყოვლისა საქმეებს. ცხოვრების რიტმი, რაღა თქმა უნდა, ამერიკა, ჯერ ფორმა ვერ მიპოვია ამდენი მზე, ალერსი, ხილი და სითბო ვის არ დაახვევს თავბრუს! თქვენც ყველას გელიან აქეთ. პოო! როგორ გელიან და უკვე იძენად გელიან... ჩემს შემდეგ ჩამოვიდა ვაწაძეც... და ზოგი სხვანიც.

გუშინ ვნახე დედაშენი. აქ ჩვენთან მოვიდა მოულოდნელად. მე ჯერ არ ველოდი. ალბათ თავადაც მოგწერს. მეც გწერ მოკლედ. იყო მოსკოვის პროკურატურაში, მაგრამ არა ხოხლოვთან. კვლავ მოკლე განცხადება დაურთო ძველს, დაპირდნენ საქმის მალე გადაწყვეტას, ჩანს, ასეც იქნება.

გზიდან და საქართველოს მიჯნიდან ღია ბარათები გამოგიგზავნეთ. აქ რომ ჩამოვედი კი — ფულიც, ათასი მანეთი.

კაცო, გაგონილა ასე ყველა ჯიბის ფულით ამოვსება? მანდ თავს იძულება მივაყენე, და ხალხსაც ვერ ვაწყენინე, მაგრამ ფულს ხელი ვერ ვახლე დასახარჯად. ასევე ცალკე შეეკარი და ფოსტას ჩავაბარე უკან გამოსაგზავნად.

თუ ძმა ხარ, ბოდიში მომხადე მანდ. და უფრო საჭირო. — უმჯობესი გამოყენებაც მოუხერხე ამ ფულს. მე კი აქ ამ მხრივ კარგზე კარგი პერსპექტივები მიჩანს.

მეგობრებს ყველას გულითადი მოკითხვა გადაეცი. თამარის ამბავი ჯერ არ ვიცი. დედაშენმა მითხრა მალე ჩამოვაო. მაშინ მოვინახულებ. ქ-ნი საშა ამცდა. მე, რომ მივე-

დი — იგი წამოსული აღმოჩნდა მანდეთ. სულ ერთ-ორ დღე-ში შევეცილდით ერთმანეთს...

ვნახე რომანის სიძე (წერილი დავტოვე და ჩემთან მოვიდა). შესანიშნავი შთაბეჭდილება დამრჩა. ბევრიც ვისაუბრეთ. დამპირდა პროკურატურაში მისვლას, საქმის დაჩქარება-გამორკვევას ახალი პერსპექტივების გათვალისწინებით.

აკაკი მეფარიშვილს უთხარით, რომ მისი მისამართი არც ერთ ვარიანტში არ აღმოჩნდა სწორი, ახლა სამისამართო მაგიდაში გავაგზავნე კაცი. საერთოდ ხალხი ჭერ აგარაკებზეა.

წიგნების დუქნებში ჭერ არ შევსულვარ. მეშინია, იმდენი წიგნი მაქვს შესაძენი — მერმე შეგირჩევ რასმე საინტერესოს.

აქეთ ახალი და თავისებური დისკუსიის გამომწვევი მერჩულე — გახლავს. ზოგ ვინმეს (სომხებს, აფხაზებს) საშინლად არ მოეწონათ და ათასგვარი, ვგონებ ჭერჭერობით უშედეგო, ქვეშქვეშა იერიშები მოუტანეს იქაც და მოსკოვშიაც...

ვასოსა და ქ-ნ თინას გადაეცა, რომ ჭერ სანდრო აქ არ არის, ახლა კი მალე ვნახავ.

პატივც. ალექსანდრე მაღლაკელიძე როგორ არის? როგორ არის თარგმანისა და სხვა საქმეები? სალამი აგრეთვე დავით-მცირეს, გაჩავას.

ვალიკო კი ახლა მოგვიწყენს, თამარი რომ წამოვიდა. გულითადი მოკითხვა სათითაოდ ყველას — გიორგის, ცუგრის და სხვათა. საერთოდ ყველას.

ომანს — ცალკე ვწერ... ცალკე მივწერ დავით-დიდსაც (კვიტაიშვილს)...

ზურაბ! ბოდში ასეთი დაბნეული და ოკრო-ბოკრო წერილისათვის. სხვა დროს უფრო დალაგებით მოგწერ. ახლად მიხდება არა მარტო ფეხის ადგმა, არამედ ხელის მოსმაც, ჰოდა ცოტა შეღავათი მომეცით!!!

ვანუშა როგორ არის? მაშ გაათავისუფლეს?

აბა, მომწერე ხოლმე.

შენმა ნაცნობებმა მოგიკითხეს, კარგად მოგიგონეს.

დაწვრილებით შემდგომ.

27.VIII.55 წ.

ლ. გოთუა

გავიგე, რომ მესამე მალაროში ქართველები და სხვანიც გადაუგზავნიათ. სად არიან ჩემი მეგობრები?

ლ. გოთუა“.

ნიკო მღებრიშვილი — მეჯვრისხეველი, კეთილი, ნიჭიერი, სულ ახალგაზრდა კაცი. სკოლის დამთავრების შემდეგ მოხალისედ წავიდა ჯარში სავალდებულო სამსახურის მოსახდელად (წლოვანებით პატარა იყო). ადრე სამედიცინო ინსტიტუტში აპირებდა შესვლას.

საუბედუროდ, ფინეთის საზღვარზე ომმა მოუსწრო. ბევრი ქარცეცხლი გადაიტანა. სიკვდილსაც პირისპირ შეხვდა. მდინარეში გაცურვის დროს მძიმედ დაიჭრა. გონს რომ მოვიდა, ტყვედ აღმოჩნდა. გერმანული ენის ცოდნამ შემთხვევით სიცოცხლე შეუნარჩუნა.

ბევრი წვალება და ტანჯვა გადაიტანა პოლონეთისა და მერე გერმანიის საკონცენტრაციო ბანაკებში. ამხანაგებთან ერთად სიცოცხლის ფასად უშველა თავს — გაქცევა მოახერხა ჯერ საფრანგეთში, მერე კი ინგლისში აღმოჩნდა. იქ შეხვდა შალვა ბალარჯიშვილს. ისინი დამეგობრდნენ დიდი ღელვით და სიხარულით შეხვდნენ ომის დამთავრებას. მოახერხეს სამშობლოში დაბრუნება. აქ კი უმაღლეს ორივე დააპატიმრეს, როგორც ტყვეობაში ნამყოფები და 15 წლით შორეულ ჩრდილოეთში უქრეს თავი. ეტაპებით სად არ ატარეს და საბოლოოდ ვორკუტის ბანაკი არგუნეს.

ტყვეობაში ყოფნის დროს იმდენი ტანჯვა და წვალება არ შემხვედრია, რამდენიც ვორკუტაშიო, — ხშირად იწერებოდა ნიკო. — განწირულნი და ხელაღებულნი ერთად ვართ ჩაყრილი და მომავალში ვისი მსხვერპლი გავხდებით, არ ვიცით.

თავდაპირველად ნიკო ღრმა მალაროში მუშაობდა. შემდეგ კი, ვინაიდან საექიმო საქმე აინტერესებდა, ექიმებისა და იქაური მალაროს ადმინისტრაციის ნდობა დაიმსახურა, მათი (უპირატესად ექიმ დავით კვიციანიშვილის) დახმარებით შეისწავლა საფერწლო საქმე და შემდგომში ამ საპასუხისმგებლო მოვალეობას მთელი გადასახლების პერიოდში პირნათლად ასრულებდა.

ლევანი ვორკუტაში რომ ჩაიყვანეს, მძიმე ავადმყოფი და დაუძღვრებელი იყო, საავადმყოფოში მოხვდა. ნიკო მღებ-

რიშვილი მაშინ უკვე იქ მუშაობდა. რა თქმა უნდა, ლევანს ძალიან უპატრონა და დაეხმარა. აქედან დაიწყო მათი მეგობრობა, ლევანი ნიკოს თავის უმცროს ძმად თვლიდა.

ლევანი ხშირად წერილებს თბილისში ნიკოს დის — მედიკო მაისურაძის სახელზე გზავნიდა. ეს სათნო, ლამაზი, სრულიად ახალგაზრდა გოგონა აცრემლებული თვალებით მაშინვე ჩვენთან გაჩნდებოდა და ურთიერას ვუზიარებდით ჩვენს განცდებს, ფიქრებს, ოცნებებს. ნიკოს შესანიშნავი მშობლები და დები ჩვენი ახლობლები გახდნენ.

ნიკო თავის წერილებში ყოველთვის იწერებოდა ლევანის შესახებ. იგი აღფრთოვანებული იყო ლევანთან მეგობრობით, მისი მზრუნველობით და დახმარებით, აქტიურ როლს თამაშობდა ლევანის ნაწერების გამოგზავნაშიც.

ნამდვილი ვაჟკაცი და კეთილშობილი ქართველი იყო. ის მარტო ლევანს კი არა, ყველას ეხმარებოდა, ვიცაც ქანმოთელობის მხრივ გასაჭირი ჰქონდა. გადასახლებაში მან ვაჟკაცურად გაუძლო იქ არსებულ ტირანიას და თავისი ხანმოკლე ცხოვრების მანძილზე დარჩა გულმართალი, პატიოსანი მშრომელი და ნამდვილი მამულიშვილი. რა გულსატკენია, რომ უგუნური შემთხვევის გამო დაიღუპა უკვე საუკეთესო ექიმის სარბიელზე.

დავით კვიციანიშვილი — ვორკუტაში დიდ დავითად ცნობილი. ეს უაღრესად კეთილშობილი, პატიოსანი და საყვარელი ექიმი კაცი პოლიტიკური ბრალდებით 1942 წელს დააპატიმრეს. 10 წლით პატიმრობა მიუსაჯეს. 7 წლის განმავლობაში დავითი ექიმად თბილისის კოლონიაში მუშაობდა, სადაც პატიმრებსა და ადმინისტრაციას შორის დიდი სიყვარული და პატივისცემა დაიმსახურა.

პოლიტპატიმართა ახლობლები დიდი იმედებს ამყარებდნენ 1949 წელს სტალინის დაბადებიდან 70 წელთან დაკავშირებით გამოსულ ამნისტიაზე. მოელოდნენ, რომ ამნისტია შეეხებოდა არა მარტო ქურდებს, არამედ პოლიტპატიმრებსაც. ყოველ შემთხვევაში, მათი განთავისუფლება თუ არა, რაიმე შეღავათები მაინც გამოცხადდებოდა. ეს კი ქორი აღმოჩნდა და ყველაფერი პირიქით მოხდა — რეჟიმი უფრო გამკაცრდა, ახალმა კანონმა პოლიტპატიმრები სამშობლოდან გააძევა და შორეულ ბანაკებში გადაასახლა.

დავით კვიციანი, პროფესორი გიორგი ვაწაძე და მსახიობი გრიგოლ კოსტავა ერთად მოხედნენ გადასახლებაში. დავითი ვორკუტაში აღმოჩნდა.

საბედნიეროდ, დავითმა ბანაკში ექიმად დაიწყო მუშაობა, რითაც აცდა იქაურ მორალურ დაცინებას თუ ფიზიკურ სატანჯველს, მაღაროში მძიმე, აუტანელ შრომას და ცხოვრების არაადამიანურ პირობებს.

ვორკუტაში დავითმა ყველა ქართველი გაიცნო, მათ შორის ლევანიც და დაუმეგობრდა და შეეთვისა მათ. ბუნებით ამ კეთილმა კაცმა მალე დაიწყო შექლებისდაგვარად პატიმართა დახმარება, განსაკუთრებული ზრუნვა გამოიჩინა სუსტი, გასაცოდავებული პატიმრებისა და ავადმყოფების მიმართ. მან პატიმართა შორის შეარჩია გულიანი ახალგაზრდები, შეასწავლა საფერულო საქმე (მათ შორის ნიკო მღებრიშვილიც იყო) და ამით გააძლიერა ავადმყოფთა დახმარება. ლევანისა და სხვა ქართველებისათვის დახმარება კი მის ყოველდღიურ საქმეს წარმოადგენდა.

ვადის დამთავრების შემდეგ დავით კვიციანი მუდმივ საცხოვრებლად ქალაქ ვორკუტაში თავისუფალ გადასახლებაში დატოვეს. აქ იგი დიდხანს დარჩა. როგორც ექიმს, ყველა იცნობდა და ენდობოდა, დავითი შეღავათებითაც სარგებლობდა, თავისუფალი მიმოსვლის ნება ჰქონდა ბანაკსა და ქალაქს შორის. ამიტომ პატიმრებს, განსაკუთრებით კი ლევანს დიდ დახმარებას უწევდა. დავითსა და ლევანს შორის მტკიცე მეგობრობა დამკვიდრდა.

შინ მონაწერ წერილებში დავითი ხშირად განსაკუთრებული სითბოთი იხსენებდა ლევანს, აქებდა და აღიღებდა მას, განუმეორებელ პიროვნებად სახავდა. ამიტომ მისი ცოლ-შვილი და განსაკუთრებით მისი უფროსი ვაჟიშვილი, ემზარი, შორიდანაც კარგად იცნობდნენ ლევანს და მის მიმართ დიდი სიყვარულით იყვნენ განმსჭვალული.

ვორკუტაში დავითთან ხშირად ჩადიოდა მეუღლე, მაშინ მათთან ბინაზე დგებოდა ეგრეთ წოდებული „საქართველოს დღეები“ — იკრიბებოდნენ ქართველები, იმართებოდა შეხვედრები, იწყებოდა წარსულის განხილვა, ახალი ამბების მოყოლა, ცრემლიანი სიხარული და სინანული. დავითის მე-

ულლემ რამდენჯერმე ჩუმაღ ლევანის ნაწერების თბილისში ჩამოტანაც გაბედა.

ლევანისა და დავით კვიციანიშვილის ურთიერთმეგობრობა და ძმობა კიდევ უფრო განმტკიცდა ორივეს სამშობლოში დაბრუნების შემდეგ. „ჩრდილოეთის ქართველები“ ხშირად იკრიბებოდნენ და ლევანი ყოველთვის ამბობდა მშობელ ქვეყანას მოწყვეტილი და ყინულეთში ჩარჩენილი დაღუპული მოძმეების სადღეგრძელოს.

ლევანმა „გმირთა ვარამის“ პირველი წიგნიც დავითთან მიიტანა შემდეგი წარწერით: „დავით კვიციანიშვილს, ჩემს მეგობარს, ქვეყნის მრავალ მხარეში ნაცადს და ნატანჯს, ავტორისაგან“.

ემზარი მამის გადმოცემით იცნობდა ლევანს, გადასახლების ბევრი ამბავი ჰქონდა მას მონაყოლი, მათ შორის ლეგენდა და სინამდვილე ლევანის შეუპოვრობაზე, მის დაუმორჩილებლობაზე თავისუფლების აღკვეთის დროსაც. თურმე ერთხელ ჩრდილოეთისაგან ეტაპით ჰვზავრობის დროს ლევანს სძლია თავისუფლების გრძნობამ, გაქცევა დააპირა, როგორცაღ გაერიდა კიდევ მცველებს, ბრეზნენტის ბუშლატაში გაეხვია და დიდი სიჩქარით მიმავალი მატარებლიდან თოვლში გადახტა. საუბედუროდ, ლევანი შეიპყრეს, მაგრად სცემეს და ბორკილები დაადეს. მერე ყველას უკვირდა ლევანის გადარჩენა, მისი გამძლეობა, ამტანობა და გამბედაობა.

თბილისში დაბრუნების შემდეგ დავით კვიციანიშვილთან მეგობრობდნენ არა მარტო ქართველები, არამედ სხვა ერის შვილებიც. „ჩვენთან ოჯახში, — იგონებს ემზარი, — ხშირად ჩამოდიოდა მამაჩემის ხარკოველი მეგობარი მედიკოს-პროფესორი პერეკრესტოვი (მისი ქალიშვილი თბილისში ქართველზე იყო გათხოვილი), რომელსაც ბატონი ლევანიც ხვდებოდა ხოლმე. ლევანი ხშირად ეხუმრებოდა: „იცით, იგორ, თქვენ ბუნებით, სიფიცხით, ხასიათით და გარეგნობით უკრაინელი კი არა, პირწავარდნილი ქართველი ხართ. ამიტომ უნდა მოგნათლოთ და გაგაქართველოთ, მაშინ პერეკრესტოვის მაგიერად ჯვარისშვილი იქნებით“. იგორი იღიმებოდა და თავს უქნევდა. აბა ქართველობაზე უარის თქმა როგორ შეიძლებაო.

ლევანი დავითზე ადრე წამოვიდა საქართველოში. გზიდან წერილი მისწერა:

ძმალ დავით!

„1955 წელი, აგვისტო“

შევდგი ფეხი ვაზებისა და ციტრუსების ქვეყანაში. კენჭიც ავიღე სამახსოვროდ. ირგვლივ ყველაფერი ზღაპარსა ჰგავს და შეც მივიზღაპრები ამ მზის, მთისა და ზღვის შეუღარებელ ნარევში.

მოსკოვამდე საბავშვო ვაგონში ვიჯექი და ჩემს თავს გულივერს ვადარებდი. მოსკოვს იქით კი რბილი საწოლი ვირჩიე. ტანზე რომ ჩავიცვი, ჩემი თავისადმი პატრვისცემით აღვივსე და სულ „თქვენობით“ ვესაუბრებოდი. ასე მივატანე კავკასიას. მერმე კი დავთარი ამერია და ყველაფერს ტუნდრისა და მათულის თვალით ვხედავდი. მოკლედ, დომხალი გამოვიდა! აბა, იყავით კარგად. გულითადი მოკითხვა ყველას, ყველას.

თქვენი ლე ვ ა ნ ი“.

ვანო შევარდნაძე—ომში იყო გაწვეული. უფროსი ლეიტენანტიც გახდა. ქალაქ ტაგანროგთან ტყვედ ჩავარდა და გერმანიის საკონცენტრაციო ბანაკში იმყოფებოდა. ომის დამთავრების შემდეგ პეტროზავოდსკში მოხვდა. ვერ მოასწრო თავისი საყვარელი სამშობლოსთვის თვალის შევლება, გური-აში, სოფელ ასკანაში დაბრუნდა— როგორც ტყვედ ნამყოფს, გრძელი ვადით შორეულ ჩრდილოეთში უკრეს თავი. ბევრი წვალება და წამება გამოიარა სხვადასხვა ბანაკში ყოფნით, საბოლოოდ კი ვორკუტაში აღმოჩნდა.

ეს უაღრესად კეთილი, ენამახვილი და საოცარი მეხსიერების მქონე კაცი ჯერ მალაროში ფიზიკურ საჩუშაოზე მოხვდა, შემდეგ კი პურისა და სურსათის საწყობს განაგებდა, რაც ვორკუტის იმ ჯოჯოხეთურ პირობებში ძალიან დიდი თანამდებობა იყო, რადგან საკვები სიცოცხლის შენარჩუნებას მოასწავებდა.

ბუნებით კეთილი, გულლია აღამიანი ბანაკის პატიმრებსა თუ აღმინისტრაციას შორის საკმაო ავტორიტეტით და სიყვარულით სარგებლობდა, რითაც ყველა დახმარებას ახერხებდა. უსაზღვროდ უყვარდა ლევანი. ლევანი უსამართლოდ

თვლიდა ყოფილი ტყვეებისა და მათ შორის ვანოს დას-
ჯას. ის ხშირად იტყოდა ხოლმე: თავისუფლების აღკვეთა თა-
ვისთავად მძიმე სასჯელია, თუ გინდ დამსახურებულად. და-
უმსახურებულად კი ეს ნამდვილი ჯოჯოხეთია. ამასთან ერთად
გადასახლება ხომ ორმაგი დასჯაა — სულიერი და ფიზიკური.
დიდი ვაჟკაცი უნდა იყო, რომ მორალურად არ დაეცე და
ფსიქიკა არ შეგეცვალოს. ჩვენი ვანუშა ყველაზე ყოჩაღი კა-
ცი გამოდგა. მას იუმორიც კი შემორჩაო.

ვინ იცის, რამდენჯერ მიუწოდებია ვანოს ლევანისათვის
გადამალული პურის ნატეხი და საჭმელი. ვანოს კარგად ახ-
სოვდა. როგორ მიიყვანეს ლევანი ვორკუტაში — მაგრად ნა-
ცემი და გასაცოდავებული, ძლივს რომ დადიოდა და მაშინვე
სააუადმყოფოში მოათავსეს.

ვანო შევარდნაძის სიკეთის მადლი ყველას სწვდებოდა.
იგი გაფიცვების მონაწილეც იყო, სისხლისღვრისას კი მხო-
ლოდ შემთხვევით გადაარჩა.

ვანოს მეგობრობა ლევანთან განთავისუფლების შემდეგაც
გაგრძელდა. ის ლევანის ხშირი, კეთილი და საყვარელი სტუ-
მარი იყო.

ბენო ხაუალია — ომში ყოფნის დროს ტყვეობაში მოხვდა,
ტყვეობიდან განთავისუფლების შემდეგ კი დააპატიმრეს და
გადაასახლეს. ამ საკვირველი ბედის კაცმა ბევრი წვალება
და ვაი-უბედურება გაიარა: სამჯერ დახვრეტასთან პირისპირ
იღვა, მაგრამ გადაარჩა.

გერმანიაში ტყვეობაში ყოფნის დროს ებრაელად მიიჩნი-
ეს და დასახვრეტად წარადგინეს სხვა ებრაელებთან ერთად.
ბევრი უმტკიცა, ეჩხუბა, ედავა, ემუდარა დაეჭვრებინათ, რომ
ქართველი იყო, მაგრამ ყური არავინ დაუგდო. მერე ვილაცა
ღვთისნიერიც გამოჩნდა და იხსნა ბენო დახვრეტისაგან.

ბენო გერმანიის საკონცენტრაციო ბანაკიდან გაიქცა და
იტალიის პარტიზანებს შეუერთდა. ომი თითქმის დამთავრე-
ბული იყო, როცა პარტიზანებმა იგი ჯაშუსად შეიცნეს და
ისევ მისი დახვრეტის საკითხი დადგა. აქაც იყოჩაღა ბენომ,
ძლივს დაუმტკიცა, რომ ჯაშუსი არასდროს ყოფილა და არც
იქნება. ომის დამთავრების შემდეგ ძლივს წამოვიდა სამშობ-
ლოში. 1946 წელს დააპატიმრეს, არც გაუსამართლებიათ. „სა-

მეუღლა“ მას, როგორც ტყვედ წამყოფს და ჯაშუშს, ისევ დახვრეტა მოუსაჯა. ბევრი ვაივაგლანის შემდეგ ისევ იხსნა ღმერთმა დახვრეტისაგან. ბენო ამჟერად გრძელი ვადით ჩრდილოეთში გადაასახლეს.

თავდაპირველად კიროვის ოლქში მუშაობდა, ტყეში, ყოველმხრივი იზოლაციით, როგორც სოციალურად საშიში პიროვნება. „იქ, — იგონებს ბენო, იმ მძიმე, არაადამიანურ პირობებში ბევრი პატიმარი და მათ შორის ბევრი ქართველიც ჩაკვდა“.

1953 წელს ბენო ვორკუტის ბანაკში გაამწესეს, მეორე მალაროს თბოელექტროსადგურში. ყველაზე მძიმე დღედ ბენო 1953 წლის გაფიცვის დღეს იგონებს. ახლაც საშინელი განცდით იხსენებს იმ სისხლიან ქლუტას. ისიც მაშინ მათ შორის იყო და სამჯერ სიკვდილს გადაარჩენილი, ფიქრობდა ამჟერად გათავდა სიცოცხლეო, უკვე ენანებოდა თავისი თავი, მით უფრო, როდესაც ხელისუფლებაში მოსალოდნელი იყო დიდი ცვლილებები. ისევ რაღაც სასწაულად გადაჩა. როგორც იქნა, შეუსრულდა დიდი ხნის გულის ნატვრა — გაათავისუფლეს. ლევანთან ბოლომდე მტკიცე მეგობრობა აკავშირებდა, მისი სჯეროდა, უყვარდა და დიდად აფასებდა.

ვალიკო ხუჭუა — სრულიად ახალგაზრდა, საოცრად ხუმარა, სიცოცხლით სავსე კეთილი კაცი. მომადლებული მსახიობური ნიჭი და სასიამოვნო ხმა ჰქონდა. თბილისის უნივერსიტეტის ფილოლოგიის ფაკულტეტის I კურსის სტუდენტი იყო. ომის დროს დააპატიმრეს, როგორც ერთ-ერთი წევრი საქართველოს დამოუკიდებლობისათვის მებრძოლი ჯგუფისა და დახვრეტა მიუსაჯეს. შემდეგ სასჯელი შეუცვალეს და გრძელი ვადით გადაასახლეს. ომის შემდეგ ვორკუტის სარეჟიმო ბანაკში დაამკვიდრეს.

ვადის დამთავრების შემდეგ ვალიკო საქართველოში აღარ გამოუშვეს და მუდმივ საცხოვრებლად ქალაქ ვორკუტაში გაამწესეს სამუშაოდ. ვორკუტაში სასადილოს გამგედ მოეწყო. ვალიკოს დედამისმა — ოლინკამ და მეუღლემ — თამარმა ჩამოაკითხეს. პატიმრები მოიხიბლნენ ორივე ქართველი ქალის დიდბუნებოვნებით, ისინი შეიყვარეს და დაუმეგობრდნენ. მათ ოჯახში ქართველების კიდევ ერთი თავშეყრის აღ-

გილი დამკვიდრდა. ბოლო პერიოდში მათთან ლევანმაც მოუხშირა სიარულს. აქ მას ბევრჯერ წაუკითხავს თავისი ნაწარმოებებიც.

ვალიკო ხუჭუა კარგი სამეგობრო კაცი იყო, ყველას ეხმარებოდა და პატივს სცემდა. ისიც ყველას უყვარდა. ლევანისა და ვალიკოს მეგობრობა სამშობლოში ჩამოსვლის შემდეგაც გაგრძელდა.

შოთა შავგულიძე—1949 წელს ჩაიყვანეს ვორკუტის ბანაკში, როგორც პოლიტიკური პატიმარი, იქ დაჰყო 1956 წლის ოქტომბრამდე. მაშინ ლევანი მე-16 მაღაროში მუშაობდა, შოთა კი მე-3 მაღაროში აღმოჩნდა, მაგრამ ზოგჯერ მაინც ახერხებდნენ ერთმანეთის ნახვას.

აი, რას იგონებს იგი:

„ბატონი ლევანი ქართველებისაგან მოითხოვდა ქართულად საუბარს, რუსული ლიტყვების ჩაურთავად ანდა მართო რუსულად ლაპარაკს. როგორც კი შერეულ ლაპარაკს გაიგონებდა, შესძახებდა და შეუნაცვლებდა სიტყვებს „სტოლი“ — „მაგიდაო“, „პოლი“ არა, კაკო, „იატაკიო“. ერთხელ პატიმრები აბანოში მივდიოდით, ვალიკო გაბუნიაშვილმა წამოიძახა: უკან უნდა დაებრუნდე, „პროსტინა და პალატელნცა“ დამრჩაო. „ჩემო ვალიკო, — ჩვეული ლიმილით მიმართა ლევანმა, — ბარაკში შენ „პროსტინა“ და „პალატელნცა“ კი არ დაგრჩა, ქართული დაგრჩენიაო. აბა, შენ იცი, გაიქეცი, „პალატელნცა“ და „პროსტინა“ იქ დატოვე, ქართული წამოიღე და ზეწარი და პირსახოციც გამოაყოლე“.

ლევანი ქართველებს ზოგჯერ თავის თავგადასავალს გვიყვებოდა. ერთხელ ასეთი ამბავი გვიამბო: „თქვენ იცით, მე ბევრს ემოგზაურობდი და ვემალეობდი ჭაშუშების დევნას. ჩემი სახლი ჩემი სამშობლოს მთა-ბარი იყო. კაკო ყაჩაღი არ ეყოფილვარ, თორემ სადაც მიღამდებოდა, იქ მითენდებოდა ხოლმე. ერთ-ერთი მწვერვალის დაპყრობის შემდეგ მთის ძირში დაებნაკდით, ცეცხლის დასანთებად ასანთი არ გამოგვადგა (დასველებული აღმოჩნდა). მე სოფლის მაღაზიას მივაშურე, გამყიდველ ქალს მივესალმე, ასანთი მომეცით-მეთქი ვთხოვე. რა გნებაეთო, ბატონო? — ასანთი მინდა-მეთქი, გავუმეორე. ვერ გაიგო, მიუღრებს. ვხედავ ასანთი თაროზე

აწყვია, მივხვდი რაშიც იყო საქმე: — სპიჩკა მომეცი, ქალო, სპიჩკა-მეთქი, — ცოტა გულმოსულმა ვუთხარი. ასე მითხარით, ბატონო, მე რუსული არ ვიციო, დარცხვენით მითხრა მან.

— ძმაო, ლევან, — ეხუმრა დავით კვიციანი, კიდევ კარგი, წუმწუმა არ გითქვამს, თორემ სულ დაბურდავდი იმ საწყალ გამყიდველსო“.

ბატონ ლევანთან საუბარი გვაფიქვებდა ჩვენს არაადამიანურ ყოფას. ერთი ასეთი დიალოგიც მქონდა მასთან: რა განსხვავებაა, ჩემო ლევან, ჩემს ცხოვრებასა და საქართველოში ამჟამად თავისუფალ ცხოვრებას შორის? ღამით მე 6 საათი მეძინა, ასევე სძინავს იქ ყველას. 9 საათი მაღაროში ვიმუშავე, ასე მუშაობს თავისუფალი ადამიანიც, საათნახევარი საუზმე, სადილი და ვახშამი, საათნახევარი — მომავალზე ფიქრი, 3 საათი შენთან საუბარი, ასეთ შანაარსიან საუბარს ალბათ ყველა თავისუფალი ქართველი ინატრებს სულ 21 საათი, პატიმრობაში ვატარებთ მხოლოდ 3 საათს (არ გამოვაჩინე დილა-საღამოს შემოწმება, სიცივე, შიმშილი, ფიზიკური თუ მორალური ტანჯვა. პატიმრის პიროვნების აბუჩად აგდება და მრავალი სხვა).

— ბიჭო, — შემომძახა ლევანმა — ეს აზრები ჩემს გარდა სხვამ არავინ გაგიგოს, თორემ გაგიყდაო იფიქრებენ. მართალი ხარ, ლევ ტოლსტოის მოხუცებულობის წამს სიკვდილის ეშინოდა და რომ მშვიდად წასულიყო ამ ქვეყნიდან, საკუთარი რელიგია შექმნა. შენ კი საკუთარი ფილოსოფიის შექმნას აპირებ ალბათ, რომ ამ ხანგრძლივ ჯოჯობეთს უმტკივნეულოდ დააღწიო თავიო.

ლევანი ურთიერთობაში ყველასთან თანაბარი იყო. ყველა ჩვენთაგანის პიროვნების უაღრესად პატივისცემელი. შეხვედრისას ჯერ შეგობრებს მოიკითხავდა, შემდეგ გამამხნეებელ სიტყვას გვეტყოდა. ტკბილი მოსაუბრე იყო, ყოველთვის ყურადღებით გვისმენდა, ჰყოფნიდა მოთმინება, სანამ ჩვენ სიტყვას მოვაბრუნებდით. ლევანს მომავლის პროგნოზი მუდამ ოპტიმისტური ჰქონდა. ხშირად ქაროველი ბიჭები თუ შევიკრიბებოდით, ვიწყებდით სხვადასხვა საკითხზე მსჯელობას და ზოგჯერ დავასაც. ერთხელ ვკამათობდით, საზოგადოებას თუ სხვა პოლიტიკური პარტია წარუძღვება, შესაძლებელია თუ

არა მაინც კომუნისტური პარტიის გამარჯვება? ლევანი ამ პაექრობაში არ მონაწილეობდა, მხოლოდ გვისმენდა.

აზრი ორად გაიყო, კამათი გაცხარდა. ლევანს ეთხოვეთ ჩარეულიყო კამათში და გამოეთქვა თავისი აზრი. ლევანმა მოკლედ მოგვიპირა: კომუნიზმი მოძღვრება არ არის, არც მეცნიერებაა და არც პოლიტიკა. ის ევადმყოფობაა და ეპიდემია. ამიტომ მასზე საუბარი არცა ღირსო. კამათიც იმწუთშივე შეწყდა.

ბანაკში ქართველების საუბრის ლაიტმოტივი ყოველთვის საქართველოს ბედ-იღბალი იყო. ლევანი ყოველთვის გვაიმედებდა და გვეუბნებოდა: ხიშტით ყოველთვის შეიძლება გაიმარჯვო, მაგრამ ხიშტით მუდამ ვერ იბატონებ. საბჭოთა კავშირი ისტორიაში დარჩება როგორც გაუმართლებელი ექსპერიმენტი. ამ წყობას დამწიფების მიჯნაზე სიღამპლე შეეპარა და ადვილად მოისპობა. შესაძლებელია არც გარედან და არც შიგნიდან სისხლისმღვრელი ძალების გამოყენება არ დაგვეჭირდეს, თვითონ სტოკოლიტარულმა რეჟიმმა დაამხოს საკუთარი თავი. გახსოვდეთ და დაიმახსოვრეთ, საქართველოს დამოუკიდებლობის მოპოვება უფრო ადვილი საქმე იქნება, ვიდრე საქართველოს დამოუკიდებლობის შენარჩუნებაო. ამის მიზეზად ლევანი ასახელებდა შემდეგს: კომუნისტური რეჟიმის 40 წლის ბატონობამ ქართველი საზოგადოების ერთი ნაწილი დააავადა. მათ კომუნისტური წყობის გარეშე ცხოვრება ვერ წარმოუდგენიათ. აი, სწორედ ისინი აბუნტდებიან. საბოლოო გამარჯვება გარდაუვალია, მაგრამ დრო დასჭირდება!

საშინელი იყო, — იგონებს შოთა შავგულიძე, — ჩვენს კატორღაში შრომის კვებით ანაზღაურების საკითხი: არსებობდა თანამიმდევრობით „შვიდი ქვაბი“. ის, ვინც სამუშაოს გეგმით ვერ შეასრულებდა, საკვებს I და II ქვაბიდან მიიღებდა, ეს კი იქნებოდა წყალწყალა, უცხიმო თევზის წვენი და 100 გრამი პური. III—IV ქვაბში წვენი ემატებოდა უცხიმო ბურღულის ფაფა და 150 გრამამდე იზრდებოდა პურის წონა. V—VI და VII ქვაბში კი საკვებს ყველა სურსათი 50 გრამის რაოდენობით ემატებოდა. სამუშაო გეგმა ისეთი გაზრდილი იყო, რომ ვერავინ ვერ ასრულებდა. მით უფრო დაუძლეურებული პატიმრები. ამის გამო იქ ქრონიკული შიმშილი მძვინვარებდა.

მე, ისევე როგორც ლევანი, მე-7 მაღაროს მაღალი ძაბვის ელექტროსადგურში ვმუშაობდი. ერთხელ ლევანმა თავისი კონსპირაციული ნაწარმოების „გმირთა ვარამის“ ერთი ნაწილი შესანახად თავისი ლიტველი მეგობრის ხელით საიდუმლოდ, დიდი შიშითა და კრძალვით გამომიგზავნა. წარმოუდგენელ მძიმე პირობებში უხდებოდა ლევანს ლიტერატურული მოღვაწეობა. ეს დიდი ამბავი იყო იმ პირობებში. ის ყოველმხრივ არალეგალური და გასაიდუმლოებული იყო. ამას ზღაპრად და ლეგენდად თუ მოიგონებს კაცა.

წიგნის არსებობა ბანაკში აკრძალული იყო და გამოვლინების შემთხვევაში დამნაშავე ისჯებოდა. ერთხელ ზედმიწევნით საიდუმლოდ დოსტოევსკის წიგნი „დანაშაული და სასჯელი“ ჩამივარდა ხელში და მე და ლევანი ერთად ვათვალიერებდით. წიგნს მონატრებულებმა, ალბათ, სათანადო სიფრთხილე ვერ გამოვიჩინეთ, საუბარში ისე გავერთეთ, რომ თავზე ზედამხედველი წამოგვადგა. წიგნი წაგვართვა, გადაათვალიერა და შეგვეკითხა ვისია ეს წიგნიო. დოსტოევსკის-მეთქი, ვუპასუხე. მან გახსნა საქალაღდე, ჯერ ჩემი გვარი ჩაიწერა, შემდეგ კი ისევ შემეკითხა — ეს წიგნი ვისიაო. დოსტოევსკისა-მეთქი, გავუმეორე. მისი სახელი და მამის სახელი მითხარიო. არ ვიცი-მეთქი (მართლა არ ვიცოდი). მაშინ ლევანი დამეხმარა. ზედამხედველმა ჩაიწერა დოსტოევსკის სახელიც და მამის სახელიც. სად ცხოვრობსო, რომელ ბანაკშიო, — შეგვეკითხა. შერე გაბრაზებულმა დაგვიყვირა: იქნებ არც ის იცით, სად ცხოვრობს დოსტოევსკიო.

— ცოცხალი მწერლები მოილიეთ და ახლა გარდაცვლილები გინდათ საფლავიდან ამოთხაროთ და ციხეში ჩასვათ? — ქართულად შეუტია ლევანმა.

— ჩტო? — ვერ გაიგო ჯალათმა.

— ჩტო და...

კიდევ უნდოდა ლევანს ეთქვა რაღაც, ალბათ გინება, რომელიც ჩვენ არასდროს არ გავვიგონია მისგან, მაგრამ შეწყვიტა სიტყვა.

ზედამხედველი მე დამემუქრა. ლევანი კი წიგნიანად წაიყვანა. ხუთი დღე-ღამის კარცერში ჯდომად დამიჯდა დოსტოევსკი. არც ლევანს დადგომია კარგი დღე.

რამდენიმე ხნის შემდეგ დავით კვიციანიშვილის ხელით ლე-

ვანს მიეწერე: „ჩემო ლევახ, გავიგე დოსტოევსკის შენთი-საც დიდი პატივი უცია, არც თუ დაძწყვიტა გული“. მერე რამდენჯერაც ვიგონებდით იმ ხისთავა ზედამხედველს, იმდენჯერ გულიანად ვიცინოდით.

გავიდა დრო. როცა თბილისში ლევანს მივაკითხე, მასთან სერგო ზაქარიაძე იყო სტუმრად. საუბრის დროს რატომღაც მე და ლევანმა ერთმანეთს გადავხედეთ და გუმანით ალბათ ორივეს ერთდროულად დოსტოევსკის ამბავი გავვახსენდა და წაგვსკდა შეუჩერებელი სიცილი. მერე ყველაფერი მოვუყევეთ სერგოს და ისიც ბევრი ვაცინეთ“.

სამშობლოში ყველაზე გვიან ვორკუტიდან შოთა შავგულიძე წამოვიდა. ამას თავისი გარკვეული მიზეზი ჰქონდა.

როდესაც ბანაკში წიგნები აკრძალული იყო, ლევანმა შეძლო ერთადერთი ქართული წიგნის შემონახვა. ეს წიგნი იმით არის საყურადღებო, რომ მასზე ლევანის ხელნაწერია, დასმული აქვს მრგვალი ბეჭედი „რეკლავ“. წარწერით „შემოწმებულია“ (რასაკვირველია, რუსულად), აქვეა ხელის მოწერა და თარიღი.

ლევანი რომ ბანაკიდან გამოვიდა, ეს სამუზეუმო წიგნი ზურაბ მიქელაძეს გადასცა. ზურაბმა განთავისუფლების შემდეგ კი შოთას დაუტოვა წარწერით: „მემკვიდრეობით ვორკუტელ ძმას შოთა შავგულიძეს“.

ლევანმა თბილისიდან ვორკუტაში შოთას გაუგზავნა „გიორგი მერჩულე“ და წააწერა: „შოთა შავგულიძეს, საქართველოს წარსულისა და მომავლის დიდ მოტრფიალეს, ნიშნად პატივისცემისა, ლევან გოთუა. 1955 წ“. ლევანისა და შოთა შავგულიძის მეგობრობა მთელი სიცოცხლე გაგრძელდა.

ვალერიან ჭუმბურიძე — ტყვედ წამყოფი. ეს სათნო და ჰკვიანი კაცი ვადის დამთავრების შემდეგ მუდმივად დატოვეს ქალაქ ვორკუტაში, მისი ცოლიც იქ გადასახლდა. ვალერიანი სპეციალობით მშენებელი ინჟინერი იყო და მალაროში უსაფრთხოების ტექნიკას განაგებდა. ის ქალაქის ფოსტასთანაც იყო დაკავშირებული. ვალიკო ყველგან ავტორიტეტს და ნდობას იმსახურებდა. ამიტომ საშუალება ჰქონდა ყველა ქართველ პატიმარს დახმარებოდა. ამას იგი აკეთებდა დიდი სიფრთხილით, არალეგალურად. განსაკუთრებით მეგობრობ-

და ლევანთან, ძალიან ეხმარებოდა მას. თითქმის ყოველ-
თვის მონაწილეობდა ბანაკიდან ლევანის ნაწერების სა-
იდუმლოდ გამოტანასა და შენახვაში. ვალიკო ქუმბურიძეს-
თან ჩვენც ვიყავით დაკავშირებული. ის ხშირად ლევანის
შესახებ ცნობებსაც გვიტყვნიდა და მის სახელზე ჩვენც რამ-
დენჯერ გაგვიგზავნია ლევანისათვის ამანათი, ფული თუ
წერილი. სპეციალობის მიხედვით მარტო მას ჰქონდა ყველ-
გან შესვლისა და შემოწმების ნებაროვა, მარტო მან იცოდა
ღრმა მაღაროში მაღალი ძაბვის რომელი ძრავის ქვეშ ინახე-
ბოდა ლევანის ნაწერები. გაფიცვის დღეებში შეძლო ამ ნა-
წერების გამოტანა და გადამალვა.

ვალიკო ქუმბურიძისა და ლევანის მეგობრობა ასევე,
მტკიცედ დარჩა მათი განთავისუფლებისა და სამშობლოში
დაბრუნების შემდეგ.

შალვა ბალარჯიშვილი — უალრესად ნიჭიერი, ახალგაზრდა
ხელოვანი კაცი, სამხატვრო აკადემიის სტუდენტი. 1942 წელს
ფრონტზე მოხვდა, მძიმე ბრძოლების დროს ტყვედ ჩავარდა.

ამასთან დაკავშირებით კი მძიმე დღეები გამოიარა. ტყვე-
ობას გაქცევით სასწაულად დაადწია თავი და ინგლისში აღ-
მოჩნდა. სხვა ქართველებთან ერთად იქ ნიკო მღებრიშვილს
შეხვდა და ძალიან უპატრონა. ომის დამთავრების შემდეგ გა-
დაწყვიტეს სამშობლოში დაბრუნება, მაგრამ საქართველოში
კოლ-შვილთან ვერ მოასწრო დაბრუნება, გზაზევე დააპატიმ-
რეს და 15 წლით შორეულ ჩრდილოეთში გადაასახლეს. ჯერ
ციმბირის სხვადასხვა ბანაკი მოატარეს, ბევრი სიმწარე და
წვალება არგუნეს. 1950 წლიდან კი ვორკუტაში გადაიყვანეს
მაღაროში სამუშაოდ. აქ გაიცნო და დაუმეგობრდა იგი ქარ-
თველებს, მათ შორის ლევანსაც. შალვა 1952 წელს მუდმივად
თავისუფალ გადასახლებაში დატოვეს ქალაქ ვორკუტაში.

ამ ხელოვანმა, მეტად ნიჭიერმა და შრომისმოყვარე კაც-
მა, ვორკუტაში არსებობისათვის და თავის სარჩენად სამე-
ურნეო დარგს მიჰყო ხელი — ღორები გაიჩინა, თვითონაც გა-
მოიკვება თავი და ქართველებსაც კარგად ეხმარებოდა. 1956
წელს რეაბილიტაციით სამშობლოში დაბრუნდა, ხარობდა
კოლ-შვილში და ნათესავ-მეგობრებში. ძალიან დასანანია,
რომ უღმობელმა სიკვდილმა ადრეულად გამოასალმა წუთი-

სოფელს. შალვას სიკვდილი მარტო მას ახლობლებისთვის კი არა, მისი ჩრდილოელი ძმებისა და ლევანისთვისაც დიდი მწუხარება და დანაჯლისი იყო.

შალვა ჩხეიძე—სამხედრო სავაღ „ბულო სამსახურის გავლის დროს ომში მოუსწრო. ფრონტის მძიმე, სამკედრო-სასიცოცხლო ბრძოლებიც გადაიტანა. კონტუზიის გამო ჩაეარდა ტყვედ. საკონცენტრაციო ბანაკებში არ დაჰკლებია შიმშილი, სიცივე, არაადამიანური ქცევა და დამცირება.

ბანაკიდან გაქცევა შეძლო, ჩვენს ჯარს შეუერთდა. ომის დამთავრებამდე იზეიმა. სამშობლოში დაბრუნებითაც გაიხარა, შემდეგ შეუდგა სწავლის გაგრძელებას, პედაგოგიურ მოღვაწეობას და მუშაობდა სამეცნიერო ხარისხის მოსაპოვებლად.

1952 წლის 15 თებერვალს სრულიად მოულოდნელად დააპატიმრეს, და შორეულ ჩრდილოეთში, ქ. ვორკუტაში 15 წლით გადაასახლეს. იქ მე-3 მაღაროში მოხვდა.

„ეს მაღარო ჯოჯობეთს წარმოადგენდა, — იგონებს შალვა. — მიუხედავად იმისა, რომ შიგ ყანგბადს უშვებდნენ, სუნთქვა მაინც ჭირდა. მაღარო არც სათანადოდ გამაგრებული იყო, ხშირად ფენები ინგრეოდა და ადამიანები იღუპებოდნენ. საშინელ სამუშაო პირობებში ვიყავით. მშვიტ-მწყურვალეები, სველი ტანსაცმლით, დაუძლურებულ-დასუსტებულები ვასრულებდით უძძიმეს ფიზიკურ სამუშაოს.

ომის ქარცეცხლში გამოვლილი, ათასგვარ სიმწარენახული და დატანჯული კაცი სამუშაოდ მეორე ჰორიზონტზე ჩამიშვეს და არაადამიანურად მაწვალეს“ — სიმწრით იგონებს შალვა. შემდეგ ომისდროინდელმა ტრავმამ გაუხსენა და სავადმყოფოში მოხვდა.

შალვა ჩხეიძე ვორკუტის საკონცენტრაციო ბანაკში ბევრ ქართველს შეხვდა, მათ შორის ლევანსაც. ისინი დამეგობრდნენ, ბევრჯერ ლიტერატურულ საკითხებზე საუბრობდნენ. ლევანს ერთხელ ისიც უთქვამს შალვასთვის, ჩემი დაპატიმრების ერთ-ერთი მიზეზი ისიც იყო, რომ პასუხისმგებელ მუშაკს მიეწერე: ჩვენი ძველი კულტურის ძეგლები უპატრონოდაა მიტოვებული, ინგრევა, იღუპება და როგორმე მივიღოთ ზომები მათი რესტავრაციისა და გადარჩენისათვის-მეთქი.

როგორ თუ ვუსაყვედურე და ასეთი სითამამე გავბედე, სამშობლოს მტრად გამომაცხადესო.

„ლევანი რომ ბანაკში გამოჩნდებოდა, მეც და ყველა ჩემისთანა დაჩაგრულს გვამხნეებდა და ახლო მომავალში განთავისუფლებით გვაიმედებდა. ვორკუტაში იშვიათად თუ დადიოდა ისეთი მხნე და იმედიანი კაცი, როგორც ლევანი იყო; — აღნიშნავს შალვა. — ამ წყობის შეცვლის იმედით ცოცხლობდა და ჩვენც გვამხნეებდა“.

ვორკუტაში ლევანმა შალვას რაპდენიმე ქართული წიგნი აჩუქა, მათ შორის შალვა ნუცუბიძის მიერ ქართულიდან რუსულად თარგმნილი „ვეფხისტყაოსანი“, „შოთა რუსთაველი და აღმოსავლეთის რენესანსი“, რომელზედაც დააწერა: „შალვა ჩხეიძეს — ჩრდილოეთიდან უმოკლესი გზა სამშობლოში დასაბრუნებლად“.

შალვა ჩხეიძე 1955 წელს ვორკუტაში გაფიცვის მონაწილე იყო.

ის ლევანის განთავისუფლების მოწმეც გახდა. „ჩვენ ყველანი კმაყოფილები დავრჩით, — იხსენებს ის, — რომ ერისკაცი თავისი კალმით კვლავ საქართველოს მოემსახურება და ასახელებსო. სასოებით გამოვეთხოვეთ მას. ქართველები დავტარილდით და ლევანს სამახსოვროდ ჯიბის საათი ვუყიდეთ, სამშობლოსაკენ გზაც დავულოცეთ.“

უკვე თბილისში ლევანმა თავისი წიგნი „უგზო ქარავანი“ მაჩუქა და დააწერა: „შალვა ჩხეიძეს, ჩემი წიგნების დაბადების უშუალო მონაწილეს ჩრდილოეთის სუსხიან მხარეში, სიყვარულით. ავტორი“, ხოლო „გმირთა ვარამის“ I და II წიგნს წააწერა: „კარგ ქართველს, ჩემს მეგობარს ჩრდილოეთიდან, სადაც ეს წიგნი იწერებოდა, ქაურ დღეთა მოსაგონებლად. პატივისცემითა და სიყვარულით. ავტორი“.

გრიგოლ აბდლაძე — ქუთაისელი, წყნარი, მეტად თავაზიანი, სრულიად ახალგაზრდა კაცი. ომის დროს ტყვედ ჩავარდნის გამო ვორკუტაში გაამწყესეს და მალბროში ამუშავებდნენ. შემდეგ საექიმო პუნქტში გადაიყვანეს, მიუხედავად იმისა, რომ არავითარი სამედიცინო განათლება არ ჰქონდა.

გრიშა მეტად მგრძნობიარე, კეთილი კაცი იყო, ყველას შემბოძე და დამხმარე, მშრომელი და მუყაითი. ლევანთან

ერთად ერთ ბანაკში ცხოვრობდა, მოპირდაპირე ნარზე ეინა და მასთან მეგობრობდა. ვორკუტაში ქართველთა სათვისტომოს ერთ-ერთი პირველი წევრიც იყო, სხვა ერისშვილებსაც ეხმარებოდა. გრიშამ ბანაკში თავისებური ნადირობით გაითქვა სახელი. ვილაცამ მას „კუროპატალოგი“ შეარქვა. ეს კი იმიტომ, რომ იმ უზარმაზარ ტუნდრის ტერიტორიაზე, ყოველ შემოდგომაზე, ფრინველთა გადაფრენის დროს, უამრავი მწყერი ბანაკის მალაროების ელექტრომათულლებს და მათულ ხლართებს ეჭახებოდა და უზარმაზარ ქვანახშირის გროვებში ვარდებოდა. გრიშა, როგორც კარგი მეძებარი ძაღლი, ყნოსვით აგნებდა ნახშირში არეულ მწყერს, აგროვებდა და ყოველთვის ყველას უმასპინძლდებოდა.

ერთხელ გრიშა აბღალაძემ, ქერაშვილმა, შევარდნაძემ და ორმა რუსმა პატიმარმა ვორკუტის ბანაკიდან გაქცევა გადაწყვიტეს. შეთქმულები ვილაცამ გასცა და დაიპირეს, დიდხანს სასიკვდილო იზოლატორში აწვალეს. ბეწვზე გადაჩნენ სიკვდილით დასჯას, რაც ვორკუტის ბანაკში კანონიერად იყო მიჩნეული.

გრიშა მშობლიურ ქუთაისში დაბრუნების შემდეგაც მეგობრობდა ლევანთან. ლევანის არქივში შემონახულია მისი რამდენიმე წერილი.

ნიკოლოზ კალაძე—1937 წელს გადაასახლეს. ბევრი წვალეზის შემდეგ მუდმივად, თავისუფალ გადასახლებაში, ქალაქ ვორკუტაში დაამკვიდრეს, მასთან იქ ცოლიც ჩავიდა საცხოვრებლად — თამარ ლორია. ეს ოჯახიც ქართველთა თავშეყრის ადგილს წარმოადგენდა, ყველა გაჭირვებულს ეხმარებოდა და ბევრ სასიკეთო საქმეებს აკეთებდა, ყველა ქართველს მეგობრობას უწევდა.

კოლია კალაძის ოჯახში ყველა ქართველი კარგად გრძნობდა თავს. თურმე იქ მძიმე პირობების დროსაც შეიძლებოდა ცხოვრებიდან ამოვარდნილ ადამიანებს ეგრძნოთ ოჯახური სითბო, სიკეთე და თავისუფლება, წუთიერად დაევიწყებინათ მძიმე ატმოსფერო.

რომან ბლიაძე—1921 წელს კოჯრის ბრძოლებში მონაწილე იუნკერი. პატრიოტი, უალრესად პატიოსანი, განათლე-

ბული და დისციპლიანიანი კაცი. საქართველოს მოსიყვარულე და მოტრფიალე. 1938 წელს დააპატიმრეს და სამშობლოს მტრად გამოაცხადეს. ბევრი აწვალეს, ბეწვზე გადაურჩა დახვრეტას. შემდეგ ურალში გადასახლეს, ერთი ეტაპით მოხვდა ილია ბოჭორიშვილთან ერთად მძიმე რეჟიმის ბანაკის მალაროში.

გრძელი ვადის დამთავრების შემდეგ მუდმივ საცხოვრებლად ქალაქ ვორკუტაში დატოვეს და საქართველოს სამუდამოდ გამოთხოვებით გულში დიდი ბოღმა და სინანული დაუტოვეს.

რომანს თავისმა ქალიშვილმა ლილიმ ჩააქითხა, მამას საქართველოს სითბო და სიყვარული ჩაუტანა, სხვა ქართველებიც გაახარა. ლევანისა და რომანის მეგობრობაც განსაკუთრებული იყო. ისინი ხშირად ხვდებოდნენ ერთმანეთს და საუბრობდნენ პოლიტიკაზე, სამშობლოზე. რომანს ახსოვდა ლევანის წინასწარმეტყველური სიტყვებიც: ჩვენ, ცოცხლები, აქ შემთხვევით გადარჩენილი ხალხი ვართ. მომავლის იმედი გვაცოცხლებს. აღარ გვაშინებს არც ურდულები და არც შანთი, გადატანილი მძიმე ტკივილის დაოკება, სამშობლოში ვაპირებთ. მაგრამ ასეთი მძიმე რეჟიმი სამშობლოში აღარ გვაწყობს, ჩვენ თავისუფლებისაკენ მიჰისწრაფით. ჩემი ღრმა რწმენით ამ წყობას მომავალი აღარ აქვს, იგი უთუოდ დაიშლება, მაგრამ როდის? ჩვენ ვჩქარობთ, დრო აღარ ითმენს, არ გვინდა ჩვენი საფლავები ასევე ჩრდილოეთში, ტყვეობაში დარჩეს წაშლილი. ჩვენს ძვლებს მშობლიური სითბო და მიწა სჭირდება.

რომანი გაფიცვების მონაწილე იყო. სისხლიან ქლევტასაც სასწაულად გადაურჩა და საქართველოში დაბრუნების იმედიც არ დაუქარგავს. და აი, ასრულდა მათი ოცნება — კომისიამ რომანიც გაათავისუფლა. ქუთაისში ჩამოსვლისთანავე რეაბილიტაციაც მიიღო.

რეზო ტყავაძე — 18 წლის ახალგაზრდა, თბილისის უნივერსიტეტის ფილოლოგიის ფაკულტეტის სტუდენტი, მეტად კეთილი და ნიჭიერი კაცი, როგორც ანტისაბჭოური ჯგუფის წევრი, 1943 წელს დააპატიმრეს. იმ პერიოდში საერთოდ საქართველოში დიდი რეპრესიები მიმდინარეობდა. ჩეკა აპა-

ტიმრებდა და ანადგურებდა სამშობლოს საუკეთესო წარმომადგენლებს: ინტელიგენციას, სტუდენტობას, მოწინავე ახალგაზრდობას. რეზოსთან ერთად მაშინ დააპატიმრეს: ლუკა ტყემალაძე, ძმები პავლე და არჩილ ჭარანაულები, ლელიკო ნანეიშვილი, მუსტაფა შელია (რომელიც მოკლეს დაპატიმრების დროს), გიორგი მაჭავარიანი, მაკა ნაკაშიძე, ნორა ფეფერი და სხვები.

ამავე პერიოდში ერთდროულად მეორე ახალგაზრდული ჯგუფიც დააპატიმრეს ისევე ანტისაბჭოური ბრალდებით: ვახტანგ ჯორჯაძე, ძმები არჩილ და გოგი წულუკიძეები, ამირან მორჩილაძე, ლევან აბდუშელიშვილი (რომელიც დაწვერიტეს) და სხვებო. იმ წელიწადს რეზოს მამაც დააპატიმრეს და მასთან ერთად პროფესორი გიორგი ვაწაძე, მსახიობი გრიგოლ კოსტავა, ქართლოს ახვლედიანი, ვალერიან დვალიშვილი (და ბევრი, რომლებსაც ჩვენ ველარ მივაკვლიეთ). ვინ მოთვლის, რამდენი იყო ომის დროს დაპატიმრებული და ვიღაც „სამეულის“ გადაწყვეტილებით და ხელმოწერით, ყოველგვარი გასამართლებისა და დაკითხვის გარეშე, სამშობლოს მტრად გამოცხადებული. თვით რეზო ტყავაძეც ვითომ გაასამართლეს. ეს უფრო ტრიბუნალის ინსცენირება იყო, რომელიც შედგა შინაგანი ციხის კლუბის ლენინის წითელ კუთხეში(!) ყოველგვარი მოწმისა და დაკითხვის გარეშე. მოკლე ოქმიც ფანქრით დაწერეს. ვინ იცის, შიგ რა მოჩამახეს და ასე, პატიმრის ხელმოუწერლად რეზო ტყავაძე მოლაღატედ გამოაცხადეს, 10 წლით თავისუფლების აღკვეთა მიუსაჯეს შორეულ ჩრდილოეთში გადასახლებით. ომი მძვინვარებდა. ამიტომ თბილისიდან ვერ გადაასახლეს და სხვადასხვა მშენებლობაზე ამუშავებდნენ მუშად. ყველას ეგონა, რომ რეზო სასჯელს საერთოდ თბილისში მოიხდიდა, მაგრამ 1949 წელს ვორკუტის მძიმე სარეჟიმო ბანაკში გადაასახლეს.

ვორკუტის ბანაკში რეზო ლევანს შეხვდა. რეზო მანამდეც იცნობდა ლევანს მარჯანიშვილის თეატრიდან. დიდ პატივს სცემდა მის მამულიშვილობას და დრამატურგიას.

რეზო სტუდენტობის პერიოდში გატაცებული იყო დრამწერით. სწორედ ამ პერიოდში მარჯანიშვილის თეატრში იდგმებოდა ლევანის „მეფე ერეკლე“. მასობრივი სცენებისათვის საჭირო იყო ახალგაზრდობა, ამიტომ დრამწერის ყველა წევ-

რი და მათ შორის! რეზოც ამ წარმოდგენის მონაწილე გახდა.

ლევანის დაპატიმრება რეზომ თბილისში გაიგო, მაგრამ ამ მძიმე ბანაკში მის ნახვას არ მოელოდა. ლევანმა რეზო უმცროს ძმად მიიჩნია. რეზომ სასჯელი შალე დაამთავრა, მაგრამ მუდმივ საცხოვრებლად ქალაქ ვორკუტაში დატოვეს. რამდენჯერმე რეზოს დედამ და დამ (ნინო და იამზე ტყავაძეებმა) ჩააკითხეს, რითაც იქ ცხოვრება ოდნავ მაინც შეუშუსბუქეს და მარტო რეზო კი არა, ამით იქ მყოფი ქართველებიც გაახარეს.

1956 წელს რეზო რეაბილიტაციით საქართველოში დაბრუნდა, მაგრამ 1959 წლამდე თბილისში ცხოვრების უფლება არ მისცეს. თბილისში პასპორტის მიღებისა და ბინაში ჩაწერის დროს მაინც გააწვალეს. რეზომ, ამ ახალგაზრდა ვაჟკაცმა, გმირულად გადაიტანა ჩრდილოეთის ბანაკების ჯოჯოხეთური ცხოვრება. მიუხედავად ამდენი გაჭირვებისა, ბოლომდე შეინარჩუნა ნამდვილი ადამიანობა, სიკეთე, ხასიათის სიმტკიცე და ყველასათვის საყვარელ კაცად დარჩა.

ნაუმ სპექტორი — თბილისელი კაცი, ექიმი. ტყვედ ჩავარდა ომის დროს, ბევრი წვალემა გადაიტანა. ომის დამთავრების შემდეგ ვორკუტაში გადაასახლეს. ღრმა სევდამ შეიპყრო პატიმარი, მაგრამ საექიმო განათლებამ უშველა — ექიმად ამუშაებდნენ. ეს კეთილი, განათლებული კაცი ყველას ეხმარებოდა, მეგობრობდა ყველა ქართველთან.

განთავისუფლების შემდეგ დაუბრუნდა საყვარელ ქალაქ თბილისს, თავის ოჯახს და სპეციალობას.

საბაშვილი — სპეციალობით ექიმი. კეთილი, განათლებული კაცი. ომის დროს ტყვედ ჩავარდნილა, ომის შემდეგ კი ვორკუტის სარეჟიმო ბანაკში მოხვდა. როგორც ყველა ექიმში, ბანაკში პრივილეგირებული, საჭირო კაცი იყო. დღე და ღამე მუშაობდა, ყველას ეხმარებოდა, განურჩევლად ასაკისა და ეროვნებისა, განსაკუთრებით ყველა ქართველის სიყვარული და შველა ჰქონდა გულში ჩანერგილი და ბევრ სასიკეთო საქმესაც აკეთებდა. ადამიანის მომავალი ბედნიერებისათვის, მიუხედავად მძიმე პირობებისა, ძალა უნდა შევიწინარჩუნ-

ნოთო, დადგება დრო და იმედის სინათლეში შევიკრებითო, —
ქადაგებდა ის.

ვალერიან გაბუნია — ყოფილი სამხედრო, ტყვედ ნამყოფი. განათლებული, კეთილი კაცი. მისჯილი ჰქონდა 25 წლის პატიმრობა ვორკუტის ბანაკში. დახვერტას ბევრჯერ გადაურჩა (საერთოდ გრძელვადიან პატიმრებს ბანაკის განტვირთვის მიზნით ხვერტდნენ). ადამიანური ღირსების დამცირებით გამოწვეულ სულიერ ტკივილს მძიმედ განიცდიდა. მაინც გაუძლო გასაჭირს. საერთო წესით გაათავისუფლეს 1958 წელს. ყველა ქართველის, მათ შორის ლევანის ერთგული მეგობარი იყო.

გიორგი ჭიებრიშვილი — ველისციხელი, პედაგოგი, განათლებული კაცი. თუშეთის პოლიტიკურ ჯგუფში მონაწილეობის საბაბით დააპატიმრეს. გრძელი ვადა მიუსაჯეს და შორეულ ციმბირში გადაასახლეს, მერე ვორკუტაში გადაიყვანეს. აქ ყურადღებას იქცევდა თავისი სიკეთით. ლევანთან მეგობრობდა, ხშირად საუბრობდნენ სხვადასხვა საკითხზე, მათ შორის პოლიტიკაზეც. ხშირად ამბობდა, ჩვენს სამშობლოს თავისუფლება, სიკეთე და სათნოება სჭირდება ყველაზე უფრო, მაშინ აღარ იქნება შუღლი, ჯაშუშობა და პოლიტპატიმრობა.

თედო გოგრაქვიანი — ონის რაიონის სოფელ ლებიდან, ტყვედ ნამყოფი, პოლიტიკაში ნაკლებად გარკვეული კაცი. ბევრი აწვალეს, აწამეს, ეტაპებით მთელი რუსეთი შემოატარეს, საბოლოოდ ვორკუტის ბანაკში დაამკვიდრეს. ლევანს დიდად აფასებდა, ძალიან უყვარდა, მეგობრობდნენ კიდეც. თედოს დინჯი გამონათქვამები ანეკდოტით მოედებოდა ხოლმე ქართველებს, მაგალითად, ერთხელ უთქვამს: „სიკვდილი ცუდად მოქმედებს ადამიანზე“. ასეთი გამონათქვამები ოდნავ მაინც ამსუბუქებდა იქაურ ცხოვრებას. შემდეგ თედო მოეწყო სამუშაოდ პურის საცხობში და შეძლებისდაგვარად ეხმარებოდა ქართველებს, ლევანს კი, როგორც შეეძლო, ანებივრებდა. ეს ის კაცი იყო, რომელსაც ლევანის ნაწერები სისტემატურად გამოჰქონდა ბანაკიდან.

ვალოდია კილაძე — სულ ახალგაზრდა იყო ქურდობა რომ დასწამეს. და სასტიკად დასაჯეს. ვორკუტაში ბევრი ტანჯვა-

წვალება გადაიტანა, მორალური თუ ფიზიკური. ამდენ პოლიტიკურ პატიმართან მოხვედრის შემდეგ თვითონაც შეეცვალა რწმენა, მერე ერთ-ერთ პოლიტიკურ პატიმარს ანკეტის შეცვლა სთხოვა — საქმე წარმატებით ჩათავდა. ორივე გახარებული და ყაბულს იყვნენ. ვალოდია პოლიტიკური მოღვაწე გახდა, მეორე კი, ყოფილი პოლიტიკური მოღვაწე, ახალი ანკეტით ძალიან მალე განთავისუფლდა ამნისტიით და სამშობლოში დაბრუნდა ძლიერ გახარებული.

ილია ბოჭორიშვილი — ლამაზი, ახოვანი, შუა ხნის ვაჟკაცი, განათლებული და გულმხურვალე მამულიშვილი. ძალიან კეთილი კაცი.

1937 წელს პოლიტიკური ბრალდებით 10 წელი მიუსაჯეს და ურალში გადასახლეს. 1951 წელს ზურაბ მიქელაძესთან და რომან ბლიაძესთან ერთად ვორკუტაში სარეჟიმო ბანაკში გადაიყვანეს. ბევრი მძიმე დღე გამოიარა, მუშაობდა ფიზიკურად მაღაროში. დაუმეგობრდა ყველა იქ მყოფ ქართველს. მათ შორის ლევანსაც. პოლიტბანაკების დაშლის შემდეგ დაბრუნდა სამშობლოში.

ვიქტორ ჯღარკავა — ექიმი, ემიგრანტი. ირანში ინგლისის ზონაში ცხოვრობდა. შაჰის კარის მკურნალი იყო. 1942 წელს ირანში საბჭოთა ჯარების შესვლის შემდეგ ქუჩაში თავში რეზინის ჯოხი ჩასცხეს, გააბრუნეს და ისე დააბატონეს. შემდეგ ტომარაგადაცმული საბარგო მანქანით საზღვარს აქეთ გადმოიყვანეს (ირანში მცხოვრებ სხვა ქართველებსაც იგივე დამართათ, მაგალითად, ალექსანდრე სხირტლაძეს, ვალერიან საყვარელიძეს და სხვა ემიგრანტებს).

ვიქტორ ჯღარკავა, როგორც ლევანი იწერებოდა, ძალიან ჰგავდა სტალინს და პირველ ხანებში შიშის ზარს სცემდა პატიმრებს, რატომღაც მათ ყველას გადაცმული სტალინი ელანდებოდა. ვიქტორი მეტად განსწავლული და განათლებული კაცი აღმოჩნდა. აფთიაქის გამგედ დანიშნეს. მან სამედიცინო საქმე ბევრ ახალგაზრდას შეასწავლა, ეხმარებოდა არა მარტო ქართველებს, არამედ სხვა გასაცოდავებულ პატიმრებსაც. ვიქტორს ეღირსა სამშობლოში დაბრუნება. მან სენაკში ჰპოვა თავისი საბოლოო განსასვენებელი.

სერგო ლორთქიფანიძე — ქუთაისიდან, განათლებული, ნასწავლი კაცი. პროფესიით ექიმ-ვეტერინარი. პატიმრობისას მუშაობდა ვორკუტის ბანაკთან არსებულ ღორების ფერმაში. მას იქვე ჰქონდა პატარა ოთახი, სადაც ხშირად ქართველები იკრიბებოდნენ. სერგოსთან ზოგჯერ მცირედი საკვებიც გამოჩნდებოდა ხოლმე. სერგოს კარგი ხელწერა ჰქონდა. სწორედ მან გადაწერა ლევანის ნაწარმოები „სამსახეობა რაინდისა“ თბილისში. გადმოსაგზავნად. სერგო ხშირად წუხდა: ამ ბანაკში ათქვეფილია ნასწავლი, განათლებული ხალხი და არარაობა, გულუბრყვილო მსხვერპლი და უსულო ქალათი. როდემდე უნდა გაგრძელდეს ასე ჩვენი ცხოვრება? ის მაინც იმედს არ კარგავდა და ამასაც ამბობდა, რომ ადრე თუ გვიან დაიმსხვრევა კომუნისტების დიქტატურა და ჩვენი გვეშველებო.

მეჭი გოგიტიძე — ეს დაჩაგრული კაცი სულ ტყუილად იყო განწირული. თბილისის მთაწმინდის რესტორანში ბულალტრად მუშაობდა. აუხირდნენ ბევრის მნახველი და ბევრი ამბის მცოდნე ხარო და ამისათვის დააპატიმრეს — გრძელი ვადა უსასამართლოდ და ყოველგვარი დაკითხვის გარეშე მიუსაჯეს, მერე ვორკუტის ბანაკში დაამკვიდრეს. საშინლად განიცდიდა ყველაფერს. ქართველებთან იყო შიკეღლებული, განსაკუთრებით უყვარდა ახალგაზრდობა, აგონდებოდა თავისი შვილები და ხშირად ამბობდა: შვილები ჩვენი საერთო სატკივარიანო. სულ იმ იმედით ცხოვრობდა, რაღაც ფანტასტიკური და ძალზე რეალური მწიფდება ჩვენს მთავრობაში და იქნებ გვეშველოს რამეო.

ბიკენტი ჭმუხაძე — კეთილი, მშრომელი კაცი. სასადილოში მუშაობდა. ყველა ქართველს ეხმარებოდა, მათ შორის ლევანსაც. ხშირად იმეორებდა: როგორი ტრაგიკული პარადოქსებია ამ დაწყვეტილ ბანაკში. მთავრობაში თითქოს ჩვენკენ შემობრუნება იგრძნობა. აქ კი რეჟიმი არნახულად გამკაცრდა და ადმინისტრაცია სისხლისღვრას გვიწყობს. ბიკენტი მოესწრო სამშობლოში დაბრუნებას.

აკაკი იმნაძე — ყოფილი სპორტსმენი, ფეხბურთელი, მშენებელი ინჟინერი, დავით კვიციანიშვილის ცოლისძმა. დავით-

თან ახლო ურთიერთობის გამო დააპატიმრეს და ვორკუტაში გადაასახლეს. მალაროში მუშაობდა.

მემპარიაშვილი — სულ ახალგაზრდა სტუდენტი. ქართველებთან ამხანაგურ და მეგობრულ კავშირში იყო. მალაროში მუშაობდა მუშად, უჭირდა. ლევანს მამაუფალ¹ ეძახდა, მისი სჯეროდა, სწამდა. ყოველ მის დარიგებას მამაშვილურად იღებდა. მთავრობაზე მომაკედიანებელი დარტყმა საჭირო, რომ შეიცვალოს ყველაფერიო, — ასე სჯეროდა. განა შეიძლება ასეთი მძიმე ბანაკების არსებობა ცივილიზებულ სახელმწიფოშიო, — ეკითხებოდა ლევანს.

იოკიმე მალაქელიძე — არისტოკრატი, მეტად განათლებული კაცი, 4 დიპლომის მქონე იყო ჩრდილოეთში ექიმ-ვეტერინარად მუშაობდა მელორეობის ფერმაში. რამდენიმე ხანს ამ მუშაობით კმაყოფილიც იყო, მაგრამ აეად გახდა ბრუცელოზით და კინალამ გარდაიცვალა. ბანაკის ექიმების წყალობით გადარჩა. მათ სულ ეხვეწებოდა, აქ რომ დაეიღუპო, როგორმე ჩემი ძვლები საქართველოს მიწას მიიბარეთო. ხშირად ამბობდა, ტანჯვა მინდა დავივიწყო, მაგრამ იმდენად გამიჯდა სულში და გულში, რა ვქნა, არ მავიწყდებაო. სულ იმას ოცნებობდა, როდის უნდა გვეღირსოს სამშობლოში დაბრუნებაო.

გრიგოლ ბაჟაძე — ღრმა მალაროში მუშაობდა თავაულებლად, იქნებ რაიმე შეღავათი მომცენო. ვორკუტაში რომ ჩამოვიდა, იღუპებოდა გაძვალტყავებული. შიმშილისგან გასიებული, დაავადებული და სიკვდილის პირას მისული. კეთილმა კაცმა — ვანო შევარდნაძემ გადაარჩინა, შეუწყო ხელი. იმ დროს ეს დიდი ამბავი იყო. გრიგოლი ყველასათვის საყვარელი, კეთილი ახალგაზრდა ვაჟკაცი დადგა.

ბორის შენგელია — მტკიცე ხასიათის, ამასთან ერთად ფიცხი ახალგაზრდა გახლდათ. პროფესიით მშენებელი იყო, ბრიგადირად მუშაობდა. ომის შემდეგ პოლიტიკური ბრალდებით დააპატიმრეს და ბევრი აწვალეს, მერე კი ვორკუტის მძიმე რეჟიმის ბანაკში გაამწყესეს. ბანაკში ლევანს შეხვდა და დაუმიგობრდა. ლევანს ბორისი უმცროს ძმად მიაჩნდა. ბა-

რაკშიც ერთად მოხვდნენ საცხოვრებლად, ერთმანეთის მოპირდაპირე ნარებზე. ბორისი დიდ პატივს სცემდა ლევანს, მისი ყველაფერი სჯეროდა და აფასებდა. ლევანზე ყოველდღიურად ზრუნავდა. სანდრო ჩიკოიძის ვორკუტაში ჩამოსვლის შემდეგ, ლევანის თხოვნით, ბორისი მასთან გადაიყვანეს სამუშაოდ. გრძელი ვადის დამთავრების შემდეგ ბორისი ქალაქ ვორკუტაში დაასახლეს სამუდამოდ. ერთ ზაფხულს მას ძმამ და დედამ ჩამოაკითხეს. ბორისის ბინა ვორკუტაში ქართველების თავყრილობის ადგილად იქცა. აქ ბოლო ხანებში ლევანიც ხშირად მიდიოდა. ბორისი ხელს უწყობდა ლევანს შემოქმედებით მუშაობაში, ნაწერების გამოგზავნაშიაც აქტიურად ეხმარებოდა. მათი ეს მეგობრობა სამშობლოში დაბრუნების შემდეგაც გაგრძელდა.

ნიკოლოზ ბულეიშვილი — უაღრესად განათლებული, კეთილი კაცი. სპეციალობით ეკონომისტი. მას იურიდიული ფაკულტეტიც ჰქონდა დამთავრებული და თბილისში კარგი ადვოკატის სახელით იცნობდნენ. ყოფილი ეროვნულ-დემოკრატიული პარტიის წევრს, დიდ პატრიოტს, ძალიან უყვარდა სამშობლო-საქართველო, ოცნებობდა მის კეთილდღეობაზე და თავისუფლებაზე. მის გარშემო ყოველთვის ტრიალებდნენ კეთილშობილი, განათლებული მამულიშვილები.

1946 წელს ნიკოლოზი დააპატიმრეს. მისი საქმე ლევანთან დააკავშირეს, იმ ჯგუფში მოახვედრეს. „სამეულმა“ კი ყოველგვარი დაკითხვის და დაპირისპირების გარეშე 10 წელი მიუსაჯა შორეულ ჩრდილოეთში გადასახლებით. მძიმე პირობები ერგო წილად ნიკოლოზს პატიმრობაში, რის გამოც დავადმყოფდა კიდევ.

1951 წელს ვორკუტის ბანაკში დაამკვიდრეს. ჯერ სამრეცხაოში ამუშავედნენ, ბოლო ხანებში კი სამკითხველოში გადაიყვანეს.

1955 წელს, უკვე მძიმე ავადმყოფი, ნიკოლოზ ბულეიშვილი დაუბრუნდა თავის სამშობლოს და ოჯახს.

იოსებ (სოსო) ხუციშვილი — განათლებული ადამიანი, სამშობლოს მოყვარული და თავყვანისმცემელი, ადრე ეროვნულ-დემოკრატიული პარტიის წევრი. მას მთელი საქართველო

ფეხით ჰქონდა მოვლილი, ლევანთან ერთად ერთ-ერთი ალპინისტური ასვლის მონაწილეც იყო (ბრუტსაბძელაზე). ახალგაზრდობაში სახალხო მასწავლებელი იყო, მსახურობდა ოძისში და სამაჩაბლოში. დიდი ენთუზიაზმით კრებდა ხალხური შემოქმედების ნიმუშებს, მოღვაწეობდა. გორის ისტორიულ-ეთნოგრაფიულ მუზეუმში, სწავლობდა თავისი მშობლიური ქალაქის ისტორიას. ადრე ლექსებსაც წერდა, ჟურნალისტობდა (ი. ჭავჭავაძის ხელმოწერით აქვეყნებდა ქართულ პრესაში წერილებს), მონაწილეობდა წარმოდგენების დადგმაში, აწყოობდა საჯარო ლექციებს. მისი ნაწერები იბეჭდებოდა აგრეთვე საყმაწვილო ჟურნალებში — „ჭეჯილსა“ და „ნაკადულში“. მწერალი ნინო ნაკაშიძე თავის „მოგონებებში“ იხსენიებს ი. ხუციშვილის წერილების სერიას — „ჩვენი სამშობლოს წყლები“, რომელსაც „ნაკადული“ ბეჭდავდა 1914—1918 წლებში. იოსები 1946 წლის 15 აგვისტოს დააპატიმრეს გორში და ლევანის ჯგუფს მიაკუთვნეს. შინსახკომში მას ემუქრებოდნენ ოჯახის გადასახლებით, ბავშვების დაწიოკებით, ძმების დაპატიმრებით (შენს დოცენტ ძმას გვერდზე მოგისვამთო). ამ მუქარით სუფთა ქალაქადღე ხელი ზოაწერინეს და ვინ იცის მერე შიგ რა ჩაწერეს, რომ 10 წლით შორეულ ჩრდილოეთში გადაესახლებინათ. სად არ ატარეს ეტაპებით (ვოლოგდა, ერცევო, ინტა, ვორკუტა). საბოლოოდ ვორკუტაში დაამკვიდრეს მალაროებში სამუშაოდ. ბოლოს, როგორც იქნა, საერთო წესით ისიც განთავისუფლდა და დაბრუნდა სამშობლოში.

გიორგი ჩიხლაძე — შუა აზიის ერთ-ერთი რესპუბლიკის საბჭოთაბჭოს თავმჯდომარე. ძალიან განათლებული და პატიოსანი კომუნისტი იყო. 1937 წელს, როგორც სამშობლოს მოღალატე, დააპატიმრეს. ბევრი აწვალეს, მთელი რუსეთი შემოატარეს და ბოლოს თავისუფალი გადასახლებით სამუდამოდ ქალაქ ვორკუტაში გაამწყესეს. იქ კი საკვების მზიდაე მუშად მუშაობდა. მოსკოვის კომისიამ გაათავისუფლა. კომუნისტურ პარტიაზე გულნატკენი ეს პატიოსანი კაცი საქართველოში წამოვიდა.

ვალერიან ტოგონიძე — სამშობლოში გადმობირებული ქართული ემიგრანტი. საქართველოს მაგივრად ჩრდილოეთ ბანაკებში უკრეს თავი და ბევრი აწვალეს. ბოლოს კი ეს განათლებული კაცი ვორკუტაში მოხვდა. ბედნიერი იყო, რომ პურის საცხობში მუშაობდა მუშად და შიმშილით არ მოკვდებოდა. სულ იმაზე ბრაზობდა, კომუნისტებმა როგორ მომატყუეს, როგორ დაეუჭერეო, ყველაფერი ახია ჩემს თავზეო.

იოსებ (იოსკა) ქავთარაძე — განათლებული თბილისელი ახალგაზრდა კაცი, პროფესიით ინჟინერი, ქაქუცა ჩოლოყაშვილის სიძე. ომის დროს ტყვედ ჩავარდა. ომის შემდეგ დააპატიმრეს, 10 წლით პატიმრობა მიუსაჯეს. ჯერ ტაიგაში მძიმე პირობები შეუქმნეს — ხე-ტყის მჭრელად ამუშავეს. მერე ვორკუტაში გადაიყვანეს მალაროში სამუშაოდ.

ირაკლი ლოხუანიძე — ემიგრანტი, ირანიდან ჩამოიყვანეს დაპატიმრებული. ბევრი აწვალეს და შემდეგ ვორკუტაში გადაასახლეს. ამ განათლებულ, ნასწავლ კაცს მალაროში შავ მუშად, მძიმე პირობებში ამუშავებდნენ.

ირაკლი გეგეჭკორი — ომის მონაწილე, ტყვედ ნამყოფი. საუკეთესო ახალგაზრდა. თავისუფალი გადასახლებით ცხოვრობდა ვორკუტაში. მალაროში მუშაობდა. ლევანთან მეგობრობდა. ერთხელ შევებულებაში წამოსვლის დროს ლევანის ნაწერებიც ჩამოგვიტანა. მეგობრობდა გოგრეჟიანთან, სადაც გროვდებოდა ლევანის ნაწარმოებები.

ალექსანდრე (საშა) ძაძაძია — სამტრედიიდან იყო, პროფესიით ექიმი. ომის დროს ტყვედ ჩავარდა და საკონცენტრაციო ბანაკებში ბევრი წვალება გამოიარა. ომის დამთავრების შემდეგ სამშობლოში დაბრუნდა, მაგრამ დააპატიმრეს და ვორკუტის მძიმე რეჟიმის ბანაკში გააგზავნეს. ვორკუტის ბანაკებში უფრო მძიმე პირობები შემხვდა, ვიდრე გერმანიის საკონცენტრაციო ბანაკშიო, — ხშირად ამბობდა ის. პატიმრობის ვადის დამთავრების შემდეგ დაბრუნდა საქართველოში.

შამილ გუჯეჯიანი — უაღრესად კეთილი, ნიჭიერი, განათლებული, ფიზიკურად ძლიერი კაცი. 1953 წელს ვორკუტის

ბანაკში მოხვდა როგორც პოლიტპატიმარი. ბევრი მძიმე დღე გაიარა. ღრმა მალაროში შრომაც მძიმე შეხვდა. ყველა ქართველს დიდი ძმობა და მეგობრობა გაუწია.

დამიტრი მამულიშვილი — პოლიტკუური პატიმარი, ლამაზი, ახოვანი ვაჟკაცი. თბილისის უნივერსიტეტის ფილოსოფიის ფაკულტეტის მე-5 კურსის სტუდენტი. ვორკუტაში მალაროში მუშად მუშაობდა. ლევანთან მეგობრობდა. ყოველთვის უკვირდა ლევანის შრომისმოყვარეობა და ამ მძიმე პირობებში მისი შემოქმედებითი მუშაობა. ეტყოდა ხოლმე: ამ ბანაკში, ბატონო ლევან, ყველგან ველური ყიყინა და მუქარა ისმის, მანქანების გრიალი კი ყურთასმენას ახშობს. თქვენ კი სულ წერთ და წერთო. ლევანი იღიმებოდა, რას ეტყოდა, მისთვის ცხადი იყო, რომ მიტო ყოველდღიური მძიმე ფიზიკური შრომით ისე იღლებოდა, გონებრივ მუშაობაზე უკვე ფიქრიც კი არ შეიძლებოდა. გადასახლების ბოლო წლებში მიტომ შეძლო ვორკუტაში კურდღლის მოშენება და შემდეგ გემრიელი საკვებით მთელ ქართველობას უმასპინძლებოდა.

შოთა შენგელია — კარგი მშრომელი ახალგაზრდა კაცი იყო. ვორკუტის ბანაკში ტყვეობის შემდეგ მოხვდა. მისჯილი ვადის დამთავრების შემდეგ კი მუდმივად ქალაქში დატოვეს. შოთა ვორკუტის მალაროში მუშაობდა. აქვე დაოჯახდა. შეირთო ასევე გადასახლებაში ნამყოფი გერმანელი ქალი, რომელმაც ქართული არ იცოდა, მაგრამ იმედოვნებდა, რომ ცოტა ხანში შეისწავლიდა, რადგან ქალმა სარეჟიმო ბანაკებში ყოფნის დროს რუსული საკმაოდ კარგად შეისწავლა.

ქართველებმა გადაწყვიტეს შოთასთვის დიდი ქორწილის გადახდა. ქორწილზე ყველა ქართველი მოიწვიეს, მათ შორის ლევანიც.

ბევრი გულწრფელი, სასიყვარულო სადღეგრძელო ითქვა. ლევანმა სადღეგრძელო რუსულად წარმოთქვა, ბევრი აქო და აღიდა შოთა, რომ ცოლს კარგად გაეგო. ვინ იყვნენ ქართველები და რას წარმოადგენდა მისი ქმარი. ვანო შევარდნაძემ კი ქალს სადღეგრძელო გერმანულად უთხრა, რითაც ყველას შექება დაიმსახურა. ეს ოჯახი ვორკუტაში დამკვიდრდა და ქართველებს მნიშვნელოვნად ეხმარებოდა.

დავით გაჩავა — ეორკუტის ბანაკში პატარა დავითად წოდებული (დიდ დავითს კვიტიანიშვილს ეძახდნენ). მორცხვი, უსაზღვროდ კეთილი, ჰკვიანი, მშრომელი კაცი იყო. სწავლობდა თბილისის უნივერსიტეტში. სხვა სტუდენტებთან ერთად თავისუფალი საქართველოს მებრძოლ ჯგუფში მონაწილეობისათვის ვალერიან ხუჭუასთან ერთად დააპატიმრეს. ციხეში ბევრი აწვალეს. საბოლოოდ ეორკუტის ბანაკში გამწესეს. მალაროში ფიზიკურად შავ მუშად მუშაობდა. მძიმე, არაადამიანურ პირობებს უსიტყვოდ იტანდა. მერე ფერშობა შეისწავლა და სამუშაოდ ექიმ დავით კვიტიანიშვილის დახმარებით საავადმყოფოში მოეწყო. დიდ დახმარებას უწევდა გაჭირვებულ ხალხს, განსაკუთრებით კი ქართველებს. ლევანისა და დავით კვიტიანიშვილის მეგობრობით ამაყობდა, ჩემი უფროსი ძმები არიანო. მათი ეს მტკიცე მეგობრობა საქართველოშიაც გაგრძელდა.

კორნელი ხოშტარია — ენათმეცნიერი, ნასწავლი, განათლებული კაცი, ემიგრანტი, რომელიც მთავრობამ გადმოიბირა სამშობლოში დასამკვიდრებლად. საქართველოში სიხარულით წამოვიდა. ხელზე სტალინის ხელმოწერილი დაპირების ქალაქი ჰქონდა. მაგრამ მოატყუეს, საქართველოს მაგივრად ეორკუტაში ამოაყოფინეს თავი. საშინელ მდგომარეობაში ჩავარდა. თუ რამე სიმდიდრე ჰქონდა, ჩამოართვეს. ყველა ახლობელი დაკარგა — მათი ვერა გაიგო რა. მერე უყვებოდა ამხანაგებს: „დავრჩი სულ მარტოდ მარტო, ყოველგვარი დახმარების გარეშე, როგორც მათხოვარი ამ საშინელ ქვეყანაში და წყობაში. ვერც წარმოვიდგენდი ამას. ყოველგვარ ამით პირველ ხანებში ისე ვიყავი ჩემს თავზე გაბრაზებული, სიკვდილს ვეძებდი, მაგრამ ჩემთვის სიკვდილიც აღარ გამოინახა. მერე ქართველებს დავუკავშირდი, ცოტა იქელი მომეცა. მთავრობას მაინც სულ ვავინებდი და ვწყევლიდი.“

ლევანი რომ გავიცანი, სამშობლოზე სხენაირად დავიწყე ფიქრი. მეც პატრიოტი გავხდი. სტალინისა და ბერიას სიკვდილის შემდეგ კი სულ გავიხარე — საქართველოში მოხვედრის რეალური იმედი დამებადა. ჩემი ეს ოცნება 1956 წელს აღსრულდა“.

დავით ვოლსკი — ეურნალისტი, განათლებული და კეთილი კაცი. რომ იტყვიან, ცოცხალი ენციკლოპედიაო, სწორედ ის იყო. თბილისში გაზეთ „ახალგაზრდა კომუნისტის“ რედაქტორი იყო. 1936 წელს მასობრივი რეპრესიების ტალღაში მოხვდა. ყოველგვარი გასამართლებისა და დაპირისპირების გარეშე „სამეულმა“ სამშობლოს მოღალატედ გამოაცხადა. ასე, პოლიტიკური ბრალდებით, უვადოდ, მძიმე რეჟიმის ბანაკში გადაასახლეს. მოხვდა ვორკუტაში. დახვრეტას სრულიად შემთხვევით გადაურჩა. დავითი ყველა ქართველთან მეგობრობდა. ისიც კომისიამ გაათავისუფლა სრული რეაბილიტაციით.

ალექსანდრე შალაქელიძე — ზუგდიდელი, რეჟისორი, დიდად განათლებული კაცი, პატრიოტი, დიდებული მამულიშვილი. ომის დროს პოლიტიკური ბრალდებით დააპატიმრეს, ბევრი აწვალეს და მძიმე რეჟიმის ვორკუტის ბანაკში გრძელი ვადით გადაასახლეს. პირველ ხანებში ძალიან გაუჭირდა, სულიერად დაეცა.

„ — გადასახლებაში როგორ ფეხაკრეფით გადიოდა წლები, სწორედ მაშინ, როდესაც ჩვენს ირგვლივ სიცოცხლის შენარჩუნებისათვის სამკვდრო-სასიცოცხლო ბრძოლები ტრიალებდა. ბევრი ვაჟკაცი ჩაიკეცა, ჩაიფრფლა, ვინ მოთვლის“, — ხშირად იმეორებდა იგი.

ალექსანდრე მეტად მგრძობიარე კაცი იყო, მტკივნეულად განიცდიდა ყველაფერს. ასე ამბობდა, პატიმრობაში ათას წილად უმძიმესი გახდა ჩემთვის გაჭირვება, შიმშილი, ჭუჭყი, სულიერი და ფიზიკური დაუძლურება. ეს საშინელებაა, რომელიც თანდათან გსპობს, წურბელასავით სისხლს. გწოვს და ფსიქიკას გირევს სიკვდილის მოლიდინში, თუმცა აქ შე სიკვდილის აღარ მეშინია, ისე მომბეზრდა ყველაფერი. მხოლოდ არ მინდოდა აქ საფლავი, ჩემი ცხედარი საქართველოს მიწას ითხოვს. ლევანს და სხვა ქართველებს სულ ამას ეხვეწებოდა, ჩემი ერთი ძვალი მაინც წაიღეთ საქართველოშიო. ლევანს დაუმეგობრდა. ბევრი ჰქონდათ საერთო: თეატრი, ლიტერატურა, ქართული კულტურა და სხვ. განთავისუფლების შემდეგ ისინი განაგრძობდნენ მეგობრობას. ლევანი მას რამდენჯერმე ზუგდიდშიაც ესტუმრა.

ვახტანგ ბუცხრიყიძე — საზანოდან (აბაშის რ-ნი) იყო, პე-
დაგოგი, ფიზიკოსი. ომის დროს ტყვედ ჩავარდა და ბევრი
გაჭირვება გადაიტანა, ომის შემდეგ დიდი იმედით ბრუნდე-
ბოდა სამშობლოში, მაგრამ ვორკუტაში ამოჰყო თავი.

ვახტანგი ძალიან მუყაითი და მშრომელი კაცი გახლდათ,
მძიმე ფიზიკურ შრომას მაღაროში შეუთავსა სათბურში ვა-
ზის ნერგების გახარება. ამიტომ ქართველებს ზოგჯერ ყურ-
ძენიც ჰქონდათ.

ალიოშა ჰელია — ქ. ვორკუტაში რესტორნის გამგე იყო,
ეხმარებოდა ქართველებს. თავისუფალ გადასახლებით მუდმი-
ვად დატოვეს ამ ქალაქში.

მიხეილ ოდილავაძე — ექიმ-პედიატრი. ვორკუტაში ექი-
მად მუშაობდა. იმ მძიმე პირობებში ბევრ კეთილკაცურ საქ-
მეს აკეთებდა. ყველა ქართველთან მეგობრობდა

მიხეილ რუხაძე — ქვეტირიდან იყო. ომის დროს ტყვედ
ჩავარდა. ბევრი იწვალა და ბოლოს ვორკუტაში მოხვდა. მა-
ღაროში მუშაობდა.

ნიკოლოზ მეტრეველი — ონიდან. სკოლის დამთავრების
შემდეგ სამხედრო სავალდებულო სამსახურში წაიყვანეს. ომ-
მა მოუსწრო, ტყვედ ჩავარდა და ბევრი წვალების შემდეგ
ვორკუტის ბანაკში მოხვდა. მაღაროში ამუშავებდნენ. ვორ-
კუტაში ლევანთან მეგობრობდა. მეტად სათნო, პოეტური ბუ-
ნების კაცი იყო. წერდა ლექსებს და ლევანს უგზავნიდა წა-
საკითხად და გასასწორებლად.

პატიმრობიდან განთავისუფლდა საერთო წესით. დაუბრუნ-
და თავის საყვარელ რაჭას, შემდეგ უწერაში მასწავლებლობ-
და. ლევანისა და კოლიას მეგობრობა სამშობლოშიც გაგრ-
ძელდა.

ლევან თევდორაძე — ბაღდადის რაიონიდან იყო, მტკიცე
ნებისყოფის ახალგაზრდა. ომის დროს ტყვედ ჩავარდა და
პატიმრული ცხოვრების მძიმე გზები გაიარა. საბოლოოდ მა-
ღაროში ამუშავებდნენ. შემდგომში კი თავისუფალი გადასახ-
ლებით ვორკუტაში დაასახლეს, სადაც მას მეუღლე ჩამოუვი-
და. ის ყველა გაფიცვის მონაწილე იყო. მართალია, ლევანს
ხშირად ვერ ხვდებოდა, მაგრამ გულითადი მეგობრები იყვნენ.

ომან კაკაშვილი — ფიზიკურად ძლიერი პიროვნება, კეთილი, პატიოსანი ქართველი თუშეთიდან. პოლიტპარტიმარი. თვითონ და მამამისიც ორივენი რკინიგზელები იყვნენ. ერთად დააპატიმრეს თითქოსდა თურქეთთან კავშირის გამო. მამა დახვრიტეს.

ვარდენ უდენტი — კეთილი, ჭკვიანი კაცი იყო, ყველა ქართველის მეგობარი და მათზე მზრუნავი. ლევანი განსაკუთრებით უყვარდა, პირდაპირ თვალეში შეჰყურებდა. როგორც იქ ამბობდნენ, ლევანის მფარველი და მომვლელი იყო, ეხმარებოდა ნაწერების გამოტანაში და ხელს უწყობდა შემოქმედებით მუშაობაში. ეს მეგობრობა სამშობლოში დაბრუნების შემდეგაც გაგრძელდა.

თემო თაზიშვილი — ახალგაზრდა სტუდენტი. ომის პერიოდში პოლიტიკური საბაბით დააპატიმრეს ახალგაზრდების დიდ ჯგუფთან ერთად. ბევრი აწვალეს სხვადასხვა მძიმე სარეჟიმო ბანაკში. ბოლოს ვორკუტაში მოხვდა. ყველა ქართველს დაუმეგობრდა, ლევანისა სჭეროდა და პატივს სცემდა. ლევანს ახალგაზრდა სტუდენტი ძალზე ეცოდებოდა, ჰკუთას არიგებდა და ეხმარებოდა.

დომიტრი ბოლქვაძე — ახალგაზრდა კეთილი კაცი. პოლიტიკური სასჯელით ვორკუტის მაღაროში მუშაობდა ფიზიკურად. შემდეგ კი სასადილოში მიმტანად მოეწყო, ამით თვითონაც გაჰქონდა თავი და სხვა პატიმრებსაც ეხმარებოდა.

ფაზილონ ტუხაშვილი — ბოდბისხევიდან იყო, მწერალი (ფსევდონიმი — ქახეთელი ფირუზა). სრულიად ახალგაზრდა გაიწვიეს სამხედრო სავალდებულო სამსახურში 1939 წელს. იქ ომმა მოუხსწრო. 1941 წელს მძიმე ბრძოლებში მონაწილეობის დროს მდინარე დნეპრის საწინააღმდეგო ხაზზე დაიჭრა და ტყვეთა ბანაკში მოხვდა.

1944 წელს რეპატრიაციით გაათავისუფლეს, შესამოწმებელი ფილტრიც გაიარა და სამშობლოში დაბრუნდა.

1948 წელს დააპატიმრეს და როგორც მოღალატეს დახვრეტა მიუსაჯეს. შემდეგ დახვრეტა 15 წლის პატიმრობით შეუცვალეს და შორეულ ჩრდილოეთში გადაასახლეს.

ჯერ ყარაღანდის რაიონში მუშაობდა სპილენძის საბადო-

ებზე, 1951 წელს ვორკუტაში გადაიყვანეს მალაროში სამუშაოდ (გამჭრელად, გზების გამყვანად).

წარმოსადეგი კაცი იყო, გრძელა, შავი წვერი ჰქონდა, ამიტომ „პრომეთე“ შეარქვეს. ადმინისტრაციამ ბევრჯერ უბრძანა იწვერის შექრა, ძალითაც დაუპირეს. მაგრამ ფრიდონი არ დანებდა. ურჩობისათვის მის ვადას კიდევ 2 წლით პატიმრობა მიუმატეს.

ფრიდონი, ეს ნიჭიერი და მოღეჭე კაცი, თავის თავს აკუთვნებდა იმ ქართველთა შთამომავლობას, რომელთათვისაც ქართველობა, მამული და სარწმუნოება არის უმთავრესი. ფრიდონი იგონებდა: ვორკუტაში ისეთ ნასწავლ ხალხთან მოვხვდი, თავი აკადემიაში მეგონაო. შემდეგ ქართველებს მიეკედლა და ლევანს შეხვდა. „ლევანს რომ შეეხვდი, ისე წარმოვიდგინე, ეს ის კაცია, რომელსაც მთელი საქართველო ზურგზე ჰყავს მოკიდებული-მეთქი.

ლევანმა რომ დამინახა, შემომძახა: „სადაური ხარ, ძმობილო“, მე ლექსად ვუპასუხე:

იქ, სადაც კაცი გულადობს,
სხივები უშუქს დილისა,
ხობბის წყაროზე წყალი ვსვი,
ნიავეი ჭვარედინისა.

ლევანს ჩემი პასუხი მოეწონა, შენ მწერალი ყოფილხარ კახეთიდანო.

ერთხელ საიდუმლოდ ლევანს ჩემი თავგადასავალი და პატიმრობის შესახებ ყველაფერი დაწვრილებით მოვეუყევი. მას გაუკვირდა და მოეწონა კიდევ.

— მაშ შენ საქართველოს თავისუფლების მებრძოლ ყოფილხარო, ძალიან საამაყოაო. ამ სახელს აქ კარგი გაფრთხილება სჭირდებაო. მთავარია, ამ გაჭირვებაში ზნეობა შეინარჩუნო.

ლევანმა ვორკუტაში დამასაჩუქრა: ჯერ ერთი, პირველ სახელად „მამულისშვილი“ შემარქვა, ეს სახელი ახლაც შემომრჩა. მეორეც ის, რომ ლევანმა თავისი წიგნის „გმირთა ვარამის“ მებრძოლ მიწოდა. ეს კი იმისათვის, რომ ერთხელ ლევანს ვკითხე: სასჯელს რომ მოიხდით, რაზე უნდა იმუშაოთ და ქართველ ხალხს რა უნდა მიუტანოთ-მეთქი. მან მი-

პასუხა, საქართველოს ისტორიაო. მე შევეპასუხე: ეს მეფეების ისტორიაა, რატომ აღმოსავლეთ საქართველოს და პირადად ქიზიყელებზე არ ფიქრობთ-მეთქი. კახეთში მეფეებს რამდენი გმირული საქმე გაუკეთებიათ-მეთქი.

— ჰო, კაცო, აბა, რამდენი გმირი იყო, — მიპასუხა ლევანმა.

— რამდენი გმირიც იყო, იმდენი ვარამი ჰქონდათ. თქვენ გმირთა ვარამი გაგივიათ? — შევეპასუხე მე.

— ეს რა კარგი სიტყვა თქვი, ფრიდონ! — მოეწონა ლევანს, მაშინვე ჩაიწერა. მერე თავის წიგნს ხომ „გმირთა ვარამი“ დაარქვა...

— თუ იცი რაიმე იქაური კარგი ეპიზოდი, მომიყევიო. და მეც, რაც მახსოვდა და ვიცოდდი კახეთის შესახებ, გულიანად ვყვებოდი, ბევრჯერ ვკამათობდით კიდევ.

ლევანს „ლევან ბერს“ ვეძახდით. ლევანს ისეთი სახელი ჰქონდა, რომ ყველა მას ეკითხებოდა, როგორც კარგ მრჩეველსა და დამრიგებელს. საოცარი კაცი იყო.

ერთხელ ძლიერ გავუთამამდი და მასზე დაწერილი ლექსი წავუკითხე:

ლ ე ვ ა ნ ს ი

რა სულიერმა სულმა გწეა —
რა ძალა შემოგთავაზა,
რა ხელოვანმა ლხენითა,
შეგამყო, შეგალამაზა!
ნეტავი, შიშობრა ვინა ხარ —
რა გული გიძევს გულადა,
ვინა გყავს მოსისხლე მტერი,
ვისთან ხარ მეგობრულადა!
ან შენი სატრფო ვინ არის,
ვინ გიხმო საარშოყოდა,
ვინ დაგილოცა მარჯვენა,
და შენზედ ღმერთი ილოცა.
ვინ დაგენაცვლა სიციოცხლით,
უსაზღვროდ გაიმამაცა,
ვინ გავეყაცა, გაკაყა,
ვის გაუზღაწარ კაცადა.
როცა სიციოცხლე ძვირიო,
ოქრო ვერ უძლებს ფასადა,

ვინა გულალობს, ვისი ხარ,
შთამომავლობის გეარადა.
ან ვისი მოსახელე ხარ,
სიციოხლის სანუეკარადა,
ან ვინ გაწვინა აკვანში
თავით გიდებდა დანასა.
ვინ გაწოებდა მკერდძეძუს,
და გიმღეროდა ნანასა,
ნეტავი მითხრა, ვინა ხარ,
რადენ ალამ სადარი,
რა რიგად უძვირფასესი,
რა სიბრძნე ნამაგარი,
ვინაც გაკურთხა ამქვეყმად,
ნეტავ თუ მასევე უყვარდი,
თუ დაგილოცა სიციოხლე,
სახელი მარად უკვდავი.

ვორკუბა, 1952 წ.

1 განშორებისას ლევანმა წიგნი დამოტოვა „მიჯაჭვეული ამირანი“ და ისიც მითხრა, თუ რამე გაგიკირდება, ამირანს ესესხე, სახელად დაგრჩება ამირანის მიბაძეაო.

ჩვენთან ბანაკში ხმები დაირხა, ნატო ვაჩნაძე, ჩვენი სახელოვანი ვარსკვლავი, თვითმფრინავში დაიწვიაო.

ჩვენ, ქართველებმა, ლევანის შეთაურობით, გლოვის დღე გამოვაცხადეთ. ყველანი, ქართველებიც და სხვა ერის პატიმრებიც, მოდიოდნენ და სამძიმარს გვეუბნებოდნენ“.

ფრიდონმა ნატო ვაჩნაძის ხსოვნას ლექსი უძღვნა, რომელიც იქვე წაიკითხა:

ნატო ვაჩნაძეს!

შენ საქართველოს ნესტანი იყავ,
ბროლის ბეჭედში სახედ ნახატი,
შენ საქართველოს ლაზარე იყავ,
შემოგეტრფოდა ქართველ ხალხი.
ცაში ეტრფოდი ვარსკვლავს ხეაშიადს,
ელვა შემოგზვდა უეცარ ბტრადა,
ცისარტყელაში გამოგარჩია.
დაგწვა, დაგბუგა ნაცრად და მტვრადა.
განა დაიწვის შენი მშვენება,
მზის და ეთერის შემამკობელი?

განა ჩაქრება ქვეყნად ჩვენი მზე,
შენი ეშხი და მზის სამყოფელი?
შენ მარად დარჩი ქართველს მშვენებად,
სული უწრფესი მომავლის ნატურად,
თუ გამჩენს შენთვის ასე. ეხება,
მეორე მოსვლაც გექნება, სატა!..

ვორკუტა, 1953 წ.

ფრიდონ ტუხაშვილმა 1954 წლის ივლისში ვორკუტაში
ლევანს მეორე ლექსიც უძღვნა:

ლ ე ვ ა ნ ს!

დაგინახავ, გულს იმედი დამეცემა —
აღმეგზნება ცეცხლისაგან მტკიცე გული,
გაკვაძლები, ძლევის ღონე მომეცემა,
დაეიფიავ, უკვდავია სულა შენი.
შენ მიგულე დღეს ამ ყოფნის თანამგზავრად,
მსურს მოგანდო საიღუმლო ყველა ფიქრი,
წრფელი ვიყავ, არაფერი მქონდა ჯავრად,
მიტაცებდა უანგაროდ სიყვარული.
რა ვიცი, თუ ეს ბედად მე მეწერა,
სრულ უფლებით ყველაფერს ვარ მოკლებული,
რა ყოფილა ეს ოხერი ბედისწერა.
სატანჯველად სულ უჩინოდ ჩინებულ.
ესლა დამრჩა დღეს ამქვეყნად, როგორც ფიცი,
ჩემსა მოძმეს მივცე ხელი ვუერთგულო,
კირში ჩნდება კაცისათვის ძმადნაფიცი,
იგულე და იმისათვის მოკვლი, გულო!

ვორკუტა, 1954 წ.

ლევანისა და ფრიდონის მეგობრობა მტკიცე იყო და გაგრძელდა სამშობლოში ორივეს დაბრუნების შემდეგაც. ფრიდონი ხშირად ჩამოდიოდა სტუმრად არმაზში ლევანთან. ლევანმაც რამდენჯერმე მოინახულა ფრიდონი ბოდბისხევში.

„მე პირადად გულგაუტეხავი კაცია ვარ, — ახლაც ამბობს ფრიდონი, — თუმცა ჩემი ერთგული და ძვირფასი ადამიანები დავკარგე, ადრე წავიდნენ ცხოვრებიდან. მათ სასახელოდ მე ისევ ის ვიქნები, არავის მივეთილისმები და, სანამ ცო-

ცხალი ვარ, არ შევარცხვენ ჩემი ჩრდილო მეგობრების სახელს“.

სოლომონ (ცუგრი) თევზაძე — ზედმეტ სახელად „ცხვირა“, სპეციალობით ფიზიკოსი, კრისტალური სიწმინდის კაცი, დიდი პოლიტიკური მოკამათე. სულ ბორგავდა და იმედით ცხოვრობდა.

კონცელიძე — უაღრესად მორცხვა, უსაზღვროდ კეთილი, სრულიად ახალგაზრდა სტუდენტი, თავაულებლივ მუშაობდა, ბევრ გაჭირვებას ჩუმად უძლებდა.

ვასო ჭავაშვილი — კახეთიდან. მშენებლობაზე მუშაობდა, კარგი, გულიანი კაცი იყო. მეგობრობდა ყველასთან, განსაკუთრებით კი ლევანთან.

თეოფანე ჩიჩუა — ექიმი, დავით კვიციანიშვილისა და ლევანის მეგობარი, კაცური კაცი. როგორც ნამდვილი მეგობარი, ეხმარებოდა ყველა პატიმარს.

კალატოზიშვილი — ომის ქარცეცხლში დაიჭრა, ჩავარდა ტყვედ. ომის შემდეგ საზღვარგარეთ, პარიზში, მამა მონახა და მასთან დარჩა. ჩეკისტებმა იქ იპოვეს, თავს დაესხნენ და დააპატიმრეს. ვორკუტაში გადაასახლეს 15 წლით. ძალიან კეთილი, მუყაითი და მშრომელი ქართველი იყო. ყველას სიყვარული და მეგობრობა დაიმსახურა. საერთო წესით საქართველოში დაბრუნდა.

ამრიგად, ჩვენ მოკლედ წარმოვადგინეთ ის მასალა, რომელსაც შეძლებისდაგვარად მივწვდით.

სამწუხაროდ, კიდევ შემოგვრჩა ვორკუტაში ყოფილ პატიმართა გვარები და ზოგის სახელიც, რომელთა შესახებ გამოგვეხმაურებიან და მასალებსაც მოგვაწვდიან. ესენი არიან:

კეიშვილი	ცარიკიძე	გორგაშვილი
რობაქიძე	ჩაკაბერია	კლდიაშვილი
ბოჭორიძე ვალიკო	ჩხეიძე	კუხალეიშვილი გივი
ბეროშვილი კაკო	კობიძე	მეფარიშვილი აკაკი
ბანძავა	ქერაშვილი	ქარდავა (სამტრე- დიიდან)
თურმანიძე	მუავია	არაბიშვილი ილო.
ჭულაყიძე	წერეთელი	

ლევანი სხვა ერის წარმომადგენლებთანაც შეგობრობდა. აქ გვინდა წარმოგიდგინოთ ის მოკლე სია და ზოგიერთი წერილი, რომელიც შემორჩა ლევანის არქივს: ვასკო როლანდი — უნგრეთიდან, პაპას ვეტრო — ლატვიიდან, კურტი — ესტონეთიდან, ექიმი, პროფესორი, კონსკი — ლენინგრადიდან, გრიგორიევი, მწერალი — ლენინგრადიდან, იგორ დობროშტანი — უკრაინელი, სოლომონ გერშოვი — ლენინგრადიდან, ედუარდ ზივერტესი — ბელორუსიიდან, აკადემიკოსი ბონდარევი — მოსკოვიდან, ვინმე სამთო ინჟინერი — მოსკოვიდან, პავლე კუჩინი — მაკეევკიდან, ცეება ვოლოდი — გერმანელი, ვოლკოვი — ხარკოვიდან, იგორ პერეკრესტოვი — ხარკოვიდან, ვინმე ექიმი პროფესორი — უკრაინიდან, ციფალო ანდრია — უნგრელი, შანდორ დემეტი — უნგრელი.

იგორ დობროშტანი — ეროვნებით უკრაინელი, უმაღლესი განათლებით, სპეციალობით ინჟინერი, დიდი ინტერნაციონალისტი. ომის დროს ტიტულოვანი კონტრმზვერაჟი იყო, მთელი ომის მსვლელობის დროს სად არ იბრძოდა, საბჭოთა კავშირის გამარჯვებისათვის რა არ გააკეთა, რა ცნობები არ მოიპოვა, რამდენჯერ იდგა სიკვდილთან პირისპირ და, აი, გამარჯვებაც. იგორს ეგონა, რომ იმდენი საპასუხისმგებლო საქმე გააკეთა, იმდენი იშრომა და გაისარჯა, შესაფერისად დააფასებდნენ, თუმცა ორდენები და მედლები არ აკლდა. მაგრამ, პირიქით მოხდა, მას უნდობლობა გამოუტყადა და ვორკუტაში გადახვეწეს. ჩვენ არ შევჩერდებით იგორის დაწერილებით ბიოგრაფიაზე, მისი უდიდესი დამსახურების ჩამოთვლაზე, მხოლოდ გვინდა აღვნიშნოთ, რომ იგი ვორკუტის ბანაკებშიც დიდად სასიკეთო საქმეებს ასრულებდა. გაფიცვებშიც დიდ როლს თამაშობდა, განსაკუთრებით უკანასკნელ გაფიცვაში, რომლის საგაფიცვო კომიტეტის თავმჯდომარე იყო. დობროშტანი და ლევანი ძალიან შეგობრობდნენ.

როგორც აღვნიშნეთ, ლევანი ვორკუტიდან ისე წამოვიდა, რომ დობროშტანი მოსკოვში იყო წასული და ველარ ნახა. ლევანის განთავისუფლების გაგებისთანავე მან თბილისში ლევანს წერილი გამოუგზავნა:

7/X-55 წ.

ბუტირიკის ციხეში ჩემი გადამოწმებისა და იქ ორ-თვიანი ყოფნის შემდეგ საბოლოოდ 4/X-ნს წელს მე გამანთავისუფლეს. ვორკუტის პატიმრების საქმეც გაკეთდა. მე დანაშაულიც სავსებით მომიხსნეს. მივიღე 10-წლიანი პასპორტი, ერთდროულად სამხედრო წიგნაკი და რეაბილიტაცია. ახლა, 5-7 დღის შემდეგ, კიდევ ვაპირებ ვორკუტაში წასვლას, მინდა მოვინახულო მეგობრები, ავიღო ზოგიერთი ცნობა, რომელიც შეიძლება შემდგომ ცხოვრებაში დამჭირდეს და გამომადგეს.

მე ხშირად გიგონებთ თქვენ და ძალიან გამეხარდა, რომ, ბოლოს და ბოლოს, ძლივს მიიღეთ თბილისში ჩასვლის უფლება, საყვარელ სამშობლოში მეგობრებისა და ნათესავების შეხვედრა, მომწერეთ რამდენიმე სიტყვა, რაც მე ძალიან გამახარებს. თქვენ რომ იცოდეთ, როგორ გული მწყდება, რომ თქვენა მოულოდნელი გამგზავრების წინ ვერ შეგხვდით და ვერ მოგელაპარაკეთ. დიდი მოკითხვა და თავმდაბალი სალაში თქვენს დებს.

გოცნით იგორი.

მომწერეთ, იქნებ რამე გინდათ ვორკუტაში?“

იგორი ლევანთან განთავისუფლების შემდეგაც მეგობრობდა. ის თბილისის ხშირი სტუმარი გახლდათ ლევანის გარდაცვალების შემდეგაც. ყოველთვის ლევანის საფლავს მოინახულებდა და მის შესახებ გადასახლების ამბებს გვიამბობდა.

ედუარდ ზივერტესი — განათლებული, სწავლული კაცი ბელორუსიიდან. ძალიან მეგობრობდა ლევანთან, სჯეროდა მისი და ყოველთვის იმედინანად იყო მის გვერდზე. ძალიან გაიხარა ლევანის განთავისუფლებით. მან ლევანს თბილისში ორი წერილი გამოუგზავნა, თავისი დარდი და სიხარული გაუზიარა:

„ბატონო ლევანი

5/IX-55 წ.

ძალიან გვიხარია, რომ სამშობლოში ხართ და კარგად გრძნობთ თავს, თავისუფლად სუნთქავთ, დადიხართ მშობლიურ მიწაზე, უნოსავთ ყვა-ვილები არომატს და შემოდგომის ნაყოფს.

მოხარული ვარ, რომ თქვენამდე აღარ მოაღწევს ჩრდილოეთის ქარიშხლები და ძია ვასია, ყველაფერი აქაური თქვენთვის უკვე იქნება როგორც არასასიამოვნო, მძიმე სიზმარი.

მე ძველ ადგილას აღარ ვმუშაობ, მე მოვხვდი თქვენს ძველ სამუოფელში „იჩეგოში“. როგორღაც მოვეწყვე-ახლა კი ჩემი საჩივრის პასუხს ვუცდი, სულ ვწერ, იმედს არ ვკარგავ, რომ გამიშვებენ.

პატივისცემით ედუარდ ზივერტიხი“.

„ბატონო ლევანი

20/IX-55წ.

დახე სიხარულსი კომისიამ რეაბილიტაცია მომცა და უკვე სახლში, მინსკში ვარ, ჩემს ოჯახში. განა სიხარულის დაწერა და მისი აღწერა შეიძლება? ეს მხოლოდ უშუალოდ შეიძლება შეიგრძნო და განიცადო. უმრავლესობა წამოვიდა ვორკუტიდან, იმ ჯოჯოხეთიდან. სამუშაოზე მალაროებში ბევრი აღარ დარჩა. ალბათ, ყველა განთავისუფლებული წამოვა იქედან.

პატივისცემით ედუარდი“.

ვოლკოვი — განთავისუფლდა ლევანის შემდეგ. ლევანს წერდა წერილებს:

„28.VIII.55 წელი.

ხაუვირდლო ლევანი

მე უკვე სახლში ვარ. ყველაფრისაგან თავისუფალი ვარ, ვინაიდან არავითარი მასალა იქ არ აღმოჩნდა ჩემს შესახებ, ისევე როგორც თქვენზე.

პირველ ხანებში ჩვენ ალბათ გაგვიჭირდება ნორმალური ცხოვრება, მაგრამ მალე მივეჩვევით.

უველას ძალიან გაეხარდა ჩემი დაბრუნება. ჩემთან ჩამოვიდა დედა, რომელთანაც 14 წლის განმავლობაში არავითარი მიმოსწერა არ მქონდა. ახლა წარმოიდგინე, რა ხდება ჩემთან, სახლში. თქვენი ბარათი მივიღე და ძალიან გაგვეხარდა. თქვენი განთავისუფლება მთელ ბანაკს, ხომ გახსოვთ, როგორ გაუხარდა. თქვენ უველაფერი კარგი დაიშასახურეთ, როდესაც გზად გაივლით ამ ქალაქს, უსათუოდ შემოიარეთ ჩემთან.

მოკითხვა თქვენს ახლობლებს“.

ვოლკოვის მეორე წერილი გამოგზავნილია 1955 წ. 28/X.

„საუვარელო ლევანი

ნამდვილად სასწაული მოხდა. ვმუშაობ მაღაროში მთავარ ინჟინრად. სამუშაო ადგილი სახლიდან 1000 კილომეტრის სიშორეზეა, მაგრამ ცხოვრება იწყება თავიდან.

მე სახლი არ გამაჩნია, ჩემი სახლი კერძო პირისათვის მიუყიდიათ კონფისკაციით, უკან დაბრუნების კანონი კი ჯერ არ არსებობს.

გეპატიუებით ჩვენთან. გაგვეხარდება ძალიან, თუ ჩამოსვლას შეძლებთ.

თქვენი ვოლკოვი“.

სოლომონ გერშოვი — უალრესად განათლებული, პატიოსანი ხელოვანი კაცი, ცნობილი ლენინგრადელი მხატვარი. პოლიტიკური სასჯელით 1951 წლიდან იმყოფებოდა ვორკუტის ბანაკებში. გამწარებული და გაწვალებული იყო. ლევანთან ერთად ერთ ბარაკში ცხოვრობდა, ისინი გაჭირვების მეგობრები გახდნენ.

„ — მე მაკვირვებდა ლევანის ნიჭი, ერუდიცია, მაღალკვალიფიციური მსჯელობა მხატვრობაზე, გრაფიკაზე, ფერწერაზე, მხატვრობის გარდა ჩვენ გვაერთიანებდა ხელოვნების სხვადასხვა იდეა. ორივეს გვიყვარდა მსოფლიოს მაღალი ხელოვნე-

ბა, ბეთჰოვენის და სხვების გენიალური მუსიკალური ნაწარმოებები, რომლის მონატრული ორივენი ვიყავით.

ჩვენი საუბრები ორივესთვის მეტად სასიამოვნო და მნიშვნელოვანი იყო. ლევანთან ბევრი ქართველი იკრიბებოდა, მაგრამ არც ჩვენ გვივიწყებდა. არაფერი არ ფიქრობდა პირადი საქმის გასაჩივრებას, ამას აზრი არ ჰქონდა, ვინაიდან საჩივრები იქვე ცეცხლში იყრებოდა და იწვებოდა. საერთოდ კი უპატრონო ბანაკი იყო, სადაც მეფობდა ჩეკისტების მძიმე თვითმმართველობა.

ლევანისთვის და ყველა ჩვენთვის განთავისუფლების ბედნიერი დღეც დაგვიდგა. ჩემი ლევანთან მეგობრობა სამშობლოშიც გაგრძელდა, ლევანმა მე თავისი წიგნი მაჩუქა, მე კი მას ორი ჩემი სურათი ვუსახსოვრე“.

* * *

ამრიგად, ჩვენ მოკლედ და შესაძლებლობის ფარგლებში წარმოვადგინეთ ლევან გოთუას თავგადასავალი. გავიხსენეთ მისი იქაური თანამემამულენი, მეგობრები და სხვა ეროვნებათა რამდენიმე წარმომადგენელი, რომლებიც ვორკუტის მძიმე რეჟიმის ბანაკებში ლევანთან ერთად იღვწოდნენ...

მათგან ბევრი უდანაშაულო, ვილაცის მტრობით, დასმენით და ცილისწამებით პოლიტპატიმრად იყო წოდებული, ეს კი მაშინ სიკვდილთან იყო გათანაბრებული.

პატიმართა დიდი უმრავლესობა ომის დროს ტყვედ ჩავარდნილი, საკონცენტრაციო ბანაკებში ნატანჯი, შემთხვევით გადაარჩენილი სამხედრო იყო. დაისაჯნენ იმიტომ, რომ შემთხვევით გადარჩნენ და რატომ გადარჩითო, რატომ თავი არ მოიკალითო, ტყვედ რატომ ჩავარდითო... გამარჯვების შემდეგ უნდობლობა გამოუცხადეს და შიორეულ ჩრდილოეთში გადაასახლეს.

აქვე იყვნენ გასაცოდავებული, სასლვარგარეთიდან გადმობირებული სხვადასხვა ეროვნების ენიგრანტები, სამშობლოს სიყვარულით და რწმენით გაქლენთილება, სამშობლოში დაბრუნების ნაცვლად ამ ბანაკებში უმწეროდ ჩაყრილნი, რომ-

ლებიც მერე სინანულით ამბობდნენ: როგორ მოგვატყუეს ან ჩვენ როგორ მოვტყუვედით, ეს რა დაგვემართა, ეს ეის ვენდეთო.

ბევრი 1937 წლის უდანაშაულო მსხვერპლი იყო, უგზო-უქვლოდ დაკარგული და დაღუპული.

ბევრი კი მთავრობისა თუ პარტიის საწინააღმდეგო ფიქრის, ოდნავ გადაკრული რაღაცის თქმის, მოკრძალებული კრიტიკისა თუ უკმაყოფილების უნებლიედ გამოთქმის გამო იყო დასჯილი.

მოკლედ, დამნაშავენი იყვნენ თუ უდანაშაულონი, წესიერნი თუ უწესონი, მართალნი თუ მტყუანნი, პოლიტიკაში საერთოდ გაურკვეველნი თუ პოლიტიკური მოღვაწენი, მიუხედავად ასაკისა, ეროვნებისა, რჯულისა, განათლებისა, ჯანმრთელობისა, მორალური თუ სულიერი განწყობილებისა — ყველანი ერთად ამ ბანაკებში იყვნენ შეყრილნი. მათ ერთი მძიმე, ჯოჯოხეთური რეჟიმი აერთიანებდა, ყველა ერთ ტაფაში, სხვადასხვა გულისა და გრძნობის ცეცხლით იწვოდა და იფერფლებოდა.

და, აი, დიდი ხნის ნალოდინევი და ნაოცნებარი თავისუფლება ცლივს მოვიდა ყველას სასიხარულოდ, ახლა კი ბედნიერებისა და სიხარულის ცრემლი სდიოდა ხალხს — პოლიტიკურ პატიმართა ბანაკები გაუქმდა, განადგურდა. მაგრამ, სამწუხაროდ, ბევრი ღირსეული მამულიშვილის სახელი უკვალოდ წაიშალა. არადა ყოველი იქ ნამყოფი და ნატანჯი ქართველი ჩვენი სამშობლოს ცოცხალი მატთანა, ჩვენი ერის ცოცხალი ნერვი...

თითოეული მათგანის ბიოგრაფია ცალკე თემას წარმოადგენს.

ვიმედოვნებთ, რომ მომავალში მათ შესახებ უფრო დაწვრილებით და სრულყოფილად დაიწერება, რაც ნათლად გააშუქებს ჩვენი ისტორიის ამ მძიმე ფურცლებს, რადგან, როგორც ლევანს მიაჩნდა, „ისტორიის სიმართლის აღდგენა ერის გამაცოცხლებელი და გამამხნევებელია, აწმყოს წარმართვის სწორი გაგებაა და მერმისის გამომწეურებაა სიბნელისაგან“.

ბოლოს ისევ ლევანის სიტყვებით გვინდა დავამთავროთ: „კეთილად მოვიგონოთ ჩვენი დედანი და მამანი, დები, ძმები, ახლო წინაპრები, რომლებიც ამ მიჯნამდე ვეღარ მოგვეყვნენ.“

გზა დაეულოცოთ, ვინც გადარჩა და ჯერ კიდევ ხარობს სამ-
შობლოს კეთილდღეობით. დაე, ბარაქიანი იყოს ხუჭუჭა მო-
მავალი, რომელიც გამტკიცებული მუხლით გასწევს თავისი
სამშობლოს მართებულ ჭაპანს.

ირმის გმირო და ეფხვის წიგნო, პოიდა...
თავი დასდეთ და ერს უსაშველეთო, პოიდა...
სამი ხელით და უკედავ სულითა, პოიდა...
უბირ მებრძოლსაც მახსენებდეთო, პოიდა...